





1585



AR

lis C

IOGI

homi

Gr

Porphy

Aristote

Prii qu

Prioru

Posteri

Topica

Derept

pp C

BA

Go  
6



*Tom. 1. pp. 1.*

# ARISTOTE- lis Organum, siue

LOGICA, A' DOCTISS.

*hominibus, Ioach. Perionio, Nicolao*

*Gronchio, Firmino Durio, La-  
tinè conuersa.*

Quorum hæc est series:

Porphyrij institutiones ad Chrysaorium.	Lib. I.
Aristotelis Categoria, seu Prædicamenta.	I.
<i>negi' egulwías, id est, de Interpretatione.</i>	I.
Priorum Analyticorum,	II.
Posteriorum Analyticorum,	II.
Topicorum,	VIII.
De reprehensionibus Sophistarum.	I.

*pp Camallateris Eremitæ Vanzanensis*

BASILEAE, EX OFFI-


cina Oporiniana.

*Joannis Francisci  
Coenice Luborici*

CVL. CVERENTARI AD  
Nicolaum Grouchium.

Exibit tandem, pulsoq; erumpet in auras  
Invidia fumo clarus Aristoteles.  
Protagorasq; sua rediminos pellet ab arce:  
Et tumida illorum sub pede colla premet.  
Qui tamen exertis uibrabunt sibila linguis,  
Et flatu inscient proxima quaq; suo.  
Sed spirent quod adhuc restat, spargantq; uenenum:  
Iam fraudis penas, stultitiæq; dabunt.  
Agnoscent inuenies uana mendacia lingua,  
Verbaq; iam fuso non bene tecta suo.  
Tum tibi debebunt, Grouchi, quod solvere nunquam  
Aut ipsi, aut post hos secula longa queant:

Biën. 4. VIII. 10



nos L  
ganti  
rem e  
legere  
hui fin  
do, a  
tum,  
lius  
magn  
In tam  
men e  
tatem  
neis e  
esse in  
tum e  
cuitas  
gniti  
gna la  
fimi:

3  
GVL. GVEREN

*teus Lectori.*



QVOD diu multumq; ab omnibus Philosophiæ studiosis efflagitatum est, ut quæ Aristoteles de ratione disserendi Græcè scripsit, ea nos Latine reddita, nō modò uerbis elegantibus, sed etiam proprijs, & ad authorem explicandū accommodatis sententijs legere possēmus: id iam Nicolai Grouchij singulari industria perfectū esse confido, ac studijs doctorum ita ab eo satisfactum, ut nihil sit, quod in eo genere amplius possit desiderari. Quod etsi dictū magnum est, de re præsertim tam ardua, in tam multiplici hominum iudicio: tamen eā esse eius uiri ingenij uim & facultatem exploratum habeo, ut doctos omnibus existimatuos nō dubitem, nullum esse inter tot Aristotelis interpretes, qui cum eo uel elegātia sermonis, uel perspicuitate interpretationis, uel rei ipsius cognitione sit conferendus. Inter quos magna laus est Ioachimi Perionij, uiri doctissimi: qui primus philosophiā à barbarie,



tanquam acerbissima seruitute, uindica-  
uit. Sed quod ijs solet contingere, quorū  
operæ ac industriæ nouæ successus plus  
æquo, consilio institutoq; respondet: ac  
maturitatem iudicij, præceps hominum  
commédatio præuertit: ut eo hominum  
de se iudicio, ueluti uento quodā secun-  
do, facile se auferri patiantur: ac ultrò ab  
omnibus oblatam laudē, ingenua qua-  
dam nobis erga nos indulgentia libèter  
arripiant: id, ni fallor, Perionio contigit.  
Qui postquam ijs, quæ primū ex Aristo-  
tele in Latinum uerterat, mirum in mo-  
dum studia hominū erexit: ac incredibi-  
lem sui opinionē expectationemq; con-  
citauit: cum eam maximè labore diligen-  
tiaq; tueri debuisset, cœpit aliquāto secu-  
rius in id studium incūbere: & perinde ac  
si nihil ipsum in eo genere posset fallere,  
aut eadem esset omnīū Aristotelis libro-  
rum ratio: ita in reliquis edendis se gere-  
re, uole sua existimatione, aut hominū  
iudicio, nō admodū metuere uideretur.  
Hinc factum est, ut ea emiserit, quæ in fer-  
uentissimo illo omnium studio pauci a-  
nimaduenterunt: ubi deferbuit, eruditi  
uiri non omnino probauerunt. Res tam  
nota

nota  
ra, ut  
dū sic  
Quid  
terpre  
splēd  
sunt  
neph  
immi  
glori  
ita tē  
docto  
nam  
abhin  
regio  
mira  
stote  
ipse r  
in co  
re, qu  
ipsius  
rabat  
metu  
dum  
sum  
Peri  
Iueri

nota est, tam sermone omniū peruulgata, ut non mihi cuiusquam odium timendum sit, si quid etiā paulò liberius dixerō. Quid quod nōnulli nouas post eum interpretationes, ediderunt, suaque opera splendori illius tenebras offundere conati sunt? Id autem Nic. Grouchius impiū ac nephariū ratus, cuiusuis hominis famā imminuere, nedū clarissimi uiri summā gloriam labefactare: hanc suam editionē ita réperauit, ut expectationi desiderioq; doctorū satisfecerit, nec ullo modo gloriam Perionij minuerit. Nā cū paucis abhinc annis in Lusitania philosophiā in regio gymnasio, cū summa laude & admiratione omniū profiteretur: libros Aristotelis, quos nondū Perionius uerterat, ipse transtulit: in alijs id fecit, quod malo in cogitatione iudicioq; aliorū relinquerē, quā in oratione mea ponere: quod ipsius factū, quo magis ab omnib. desiderabatur, eo minus reprehensionem debet metuere: nisi fortē id aliquis reprehēdendum putat, quod negligi non potuit sine summo Reipublicę incommodo. Nā quodd Perionij interpretationem emēdare maluerit, quā nouam edere: tantum abest



6  
ut hoc illi uitio uertendū sit, ut magnam  
eo facto modestiæ & humanitatis com-  
mendationem, apud equos iudices eum  
consecuturū sperē: qui, si diligenter per-  
spexerint, quid ipse in eo genere possit,  
ac in ijs quæ transtulit, non aliam cuius-  
quam operam requiri: modestissimè ab  
eo factum iudicabunt, quòd gloriam Ari-  
stotelicæ interpretationis, quam in se to-  
tam transferre poterat, ita sibi cum alijs  
communē esse uoluerit, ut maiore partē  
ipsis relinqueret. Ita q; lētor quidem, ipsi  
Grouchio, uiro doctissimo, & mihi ami-  
cissimo, occasione quærendi nominis, in  
re tam illustri oblatā esse: sed multo ma-  
gis studiosis philosophiæ adoleſcētibus  
gratulor, quòd habituri sint sermonis ele-  
gantiam, coniunctā cum uera & certa ra-  
tione differendi: longè aliter quàm no-  
stro tempore à quibuldā fieri uidemus,  
qui neglecto Aristotele, omnis memorię  
sapiētissimo differendi artifice, suas ine-  
ptias adoleſcentibus inculcant, & quod  
dici solet, pro thesauro carbones indi-  
cant, quod aliquando optimi adoleſcen-  
tes intelligent, & moniti meliora se-  
quentur. Vale.

INSTIT.



INSTITVTIONES  
PORPHYRII, IOACHIMO PER-  
rionio interprete: per Nicolaum  
Gronchium correctæ &  
emendatæ.



**V**IA necessaria est, Chry-  
saori, ad Categoriarum rati-  
onem, quæ ab Aristotele  
tradita est, generis, differen-  
tiæ, speciei, proprii, acciden-  
tisq; cognitio: earumq; rerū  
tractatio & ad definiendum,  
& ad diuidendi ac demon-  
strandi rationem magnum affert adiumentum: tibi qui-  
dem institui breuiter, & ut institutionis ratio postulat,  
quæ à maioribus didici, exponere. In quo ego, præter  
missis obscurioribus quæstionibus, eas interim tractabo,  
quæ ad sensum popularem accommodantur. Ac primum,  
ne longè abeam, de generibus ac formis, cobærant ne  
ipsa per sese, an in solis animis sint: & si cobærant per  
se, utrum corporea sint, anne corporis expertia: & num  
auulsa sint & distracta ab ijs quæ subiecta sunt sensi-  
bus, an in ijs ipsis hæreant ac nitantur: hæc inquam,  
præmittam omnia: præsertim cum hoc arduum sit,  
subtilioreq; egeat disputatione. Quo autem pacto de his  
ipsis, illisq; quæ diximus, cum ueteres omnes, tum uel ma-  
ximè Peripatetici, probabiliter differuerint, quidq; sen-  
serint, docebo.

Genus & species non uno modo dicuntur. Nam genus dicitur, aliquorum, & qui ad unum quiddam, & qui inter sese quodammodo affecti sunt, & cognatione quadam coniuncti, multitudo. Qua quidem significatione, Herculeorum genus, ex unius Herculis collatione appellatum est, multorumq; hominum inter se affectione, qui inter se coniuncti sunt ea societate, quæ ab illo ducta est: qua appellatione ab alijs generibus distinguitur. Dicitur etiam alio modo genus, unde alicui ortus principium est, siue ab eo qui genuit, siue ab eo loco in quo quisq; ortus est. Sic enim & Orestem à Tantalo, & Hylum ab Hercule duxisse genus dicimus, itemq; Piridarum Thebanum genere, Platonem Atheniensem. Dat enim, ut pater, sic patria, ortus cuiq; initium. Quæ mihi quidem prima uidetur occurrere significatio. Nam & Herculei dicuntur ij, qui ab Hercule genus habuerunt: & Cecropidæ ij, qui à Cecrope, itemq; his finitimi. Primumq; certè uocatum id genus est, quod cuique dat ortus causam & initium: deinde multitudo eorum, qui ab uno principio, ut ab Hercule, quasi quodam capite manarunt. Quam quidem multitudinem definiuimus, seiunximusq; à cæteris, cum uniuersam multitudinem quæ ab Hercule fluxisset, Herculeorum genus nominaremus. Iam alio etiam modo genus appellatur, id cui subicitur species, quæ ex illis ducta uidetur appellatio. Nam & initium est genus id formarum, quæ ei subiectæ sunt: & uidetur uniuersam multitudinem quæ ipsi subiecta est, continere. Sed cum his tribus modis genus notetur, tamen de tertio apud Philosophos tantum oratio

# INSTITVTIONES.

oratio est. idq; hoc modo definiunt: Quod de multis, specie autem differentiibus dicitur, cum quid quicq; sit quaeritur: ut animal. eorum enim quæ dicuntur, partim de uno tantummodo dicuntur, ueluti indiuidua, cuiusmodi est Socrates, hic homo, hæc res: partim de multis, ut genera, ut species, ut differentia, ut propria, ut accidentia ea quæ communiter in multis, non proprie in uno insunt. Est autem genus, ut animal: species, ut homo: differentia, ut rationis particeps: proprium, ut aptum ad risum: accidens, ut id quod album est, quodq; nigrum. Sedere. Genera autem ab ijs differunt, quæ in uno solum dicuntur, quod in multis ipsa dicuntur. Ab ijs item quæ in multis sunt, hoc modo: a specie quidem, quod species, etsi de multis illa quidem dicatur, sed tamen specie minus differentiibus, uerum numero. Homo enim cum species sit, de Socrate & Platone dicitur: qui non species, sed numero solum inter se differunt. At uero animal cum nomen generis obtineat, de homine, boue, equoq; dicitur: qui specie etiam, non solum numero differunt. Porro autem inter genus & proprium hoc interest, quod proprium de una modo specie, cuius proprium est, dicitur, ijsq; indiuiduis quæ species continet: ut ridens de solo homine, singulisq; hominibus dicitur. Genus autem non solum de una specie dicitur, sed de multis, ijsq; differentiibus. Postremo, genus & differentia, communiaq; accidentia hoc inter se differunt, quod etsi de multis etiam specie differentiibus & differentia dicantur, & communia accidentia, non tamen in quaestione dicuntur ea, quæ quid quicq; sit: sed in ea, quæ quale quicq; sit, quaeritur. Si qui enim rogent, quidnam sit illud tandem,



quo de hæc dicantur omnia, genus respondemus: differentias & accidentia non respondemus: quippe cum hæc de re dicantur, non in quæstione qua quid quicque sit, sed quale quicque sit, quæritur. Nam & cum qualis sit homo, quærit aliquis, rationis eum participem: & cum rogamur, qualis sit coruus, nigrum esse respondemus. quorum Rationis particeps, differentia est: Niger, autem, accidens. At cum interrogamur quid sit homo, Animal respondemus, quod genus est. Quamobrem genus hoc ipso quod in multis dicitur, ab alijs separatur omnibus, quæ de uno tantummodo dicuntur: quod de specie differentibus, ab alijs quæ ut species dicuntur, & propria. Quod uero in quæstione dicitur, Quæ rei natura indagatur, & à differentijs secernitur, & ab accidentibus communibus, quæ non in quæstione qua uis & natura rei, sed qua qualitas aut modus inuestigatur, dicuntur omnia de ijs, de quibus quicque dicitur. Nihil igitur redundans, nihil parum explicatum continet, quæ generis nationi constituta est definitio.

## De Specie. I I.

Species autem, in uniuscuiusque forma dicitur. Ex quo illud, Primum quidem species est digna quæ impetret. Vocatur etiam id species, quod subest generi. Hinc soliti sumus dicere, hominem speciem esse animalis, quod genus est: & candorem coloris speciem, & triangulum figuræ. Quod si speciei fecimus mentionem, cum generis uim definiendo explicaremus, hoc modo, Quod de multis, specie autem differentibus, in rei natura quærenda dicitur: & generis, cum speciem definiremus his uerbis, Species est quod subest generi, nemo reprehendat.

# INSTITUTIONES.

11

dat. Illud enim intelligendum est, quoniam genus alia cuius genus est, & species alicuius species, utendum fuisse necessario utroque nomine, cum uis & natura utriusque definiendo aperiretur a nobis. Speciem etiam definiunt hoc modo: Species id est, quod generi subijcitur, & de qua genus in quaestione qua quid quicque sit quaeritur, dicitur. Rursum etiam hoc modo: Species est, quod de multis numero differentibus dicitur, in quaestione qua rei natura exquiratur. Quanquam speciei ultimae, quaeque tantummodo species est, non etiam genus, haec propria definitio est: aliae earum omnium quae non sunt ultimae. Quod hinc sciri potest, quia in quaque categoria quiddam primum est, & quiddam ultimum: inter quae duo alia interiecta sunt, quae eadem & genera sunt, & species. Est autem primum genus, supra quod, aliud genus esse nunquam potest: ultimum uero, post quod nulla alia species sequitur. Inter primum autem & ultimum alia interiecta sunt, quae eadem & genera sunt, & species, sed si cum alio alioque conferantur. Idque in una categoria perspicitur potest. Substantia enim genus est illa quidem, quae corpus complectitur: & corpus, corpus animatum: corpus animatum, animal: animal, animal rationis particeps: animal rationis particeps, hominem: homo, Socratem, Platonem, & singulos homines: ita tamen, ut eorum omnium primum genus sit substantia, solumque genus: homo uero species ultima, & modo species: corpus autem & substantiae species, & animati corporis sit genus: itemque animatum corpus, species corporis est, genusque animantis. Rursum animal species est animati corporis, genus rationis  
utentis

utentis animantis: & animal ratione utens, species animalis est, & genus hominis. At uerò homo, animalis ratione utentis est ille quidem species, sed hominum singulorum est species tantummodò, non etiam genus. Ita quicquid ante indiuidua proxime dicitur, id omne non generis, sed modò speciei nomen obtinet. Vt igitur substantia quæ in summo sita est, propterea summum genus habetur, quòd genus est nullum ea antiquius: sic homo quia species est, qua nulla sit posterior, nec ulla natura quæ in species & formas diuidi queat, sed sola indiuidua (indiuiduum enim est Socrates, itemq; Plato, & hoc quod album est) ob eam causam in speciei numero modò, & ultimæ, atque (ut diximus) infimæ, non etiam generis, habetur. At uerò quæ in medio locata sunt, superiorum species & formæ, posteriorum genera dicuntur. Itaq; duæ ex his comparationes affectionesq; ducuntur: una, qua ad superiora affecta sunt, ex qua eorum formæ speciesq; appellantur: altera, qua ad inferiora, ex qua eorum genera nominantur. Summa autem & extrema uno modo solùm comparantur. Genus enim principale, cum sit summum omnium, ad ea affectum est quæ completitur: ad ea autem quæ eo antiquiora sunt, quoniam summum est primumq; principium, atque id, ut diximus, cuius nullum esse genus ullo modo potest, ad ea inquam nullo modo affectum est. Atque etiam infima species unam comparationem habet, eam qua superiora & priora respicit, quorum species est: itemq; eam, qua cum inferioribus confertur, non diuersam, siquidem indiuiduorum etiam species nominatur. Sed indiuiduorum propterea species dicitur, quòd



quod ea cōplectitur : eorum autem quæ superiora sunt, species etiam dicitur, sed quod eam illa continent. Primum quidem genus definiunt hoc modo: Quod cum genus sit, non est species. Item hoc modo: Cuius genus aliud esse nullum potest. Speciem autem ultimam hoc modo: Quod sic species est, ut non etiam genus sit. item, Quod ita species est, ut in species diuidi nullo modo queat. item hoc modo: Quod de multis, ijsq; numero differentibus dicitur, cum rei natura quærendo inuestigatur. Quæ autem inter extrema interiecta sunt (ἑσώτερα genera ac species nominant) unumquodque eorum ponunt esse genus & speciem, sed si ad aliud & aliud comparatur. Nam ea omnia quæ superiora sunt & antiquiora ultima specie, ascendendo usque ad summum genus, ἑσώτερα genera & species uocantur. ut Agamemnon, Atrides, Pelopides, Tantalides, & extremum Iouis. Et in ceteris quidem & familiarum descriptione, ad unum ferè initium, & quasi caput, uerbi gratia ad Iouem, cetera referunt. Generum autem & formarum non est eadem ratio: propterea quod id quod est, non est commune genus omnium: nec omnia quæ sunt, ut patet Aristoteli, ad unum primum genus caputq; referuntur: sed ponenda sunt, ut ipse in Categorijs docet, decem prima genera, quasi decem initia & capita rerum. Nam si quis omnia esse dicat, ambiguet (inquit) non una ratione appellabit. Si enim id quod est, commune genus esset omnium rerum, una ratione ac modo esse dicerentur. Cum uerò sint decem prima, nominis est solum, non etiam rationis quæ nomini constituta est, societas & communio. Ac prima quidem decem sunt formarum

formarum autem infimarum certus est numerus, non in-  
 finitus: indiuiduorum, quæ formas ultimas sequuntur;  
 infinitior. Quocirca iubebat Plato, eos qui à summis ge-  
 neribus ad infimas species descendissent, insistere: de-  
 scendere autem per media ijs differentijs quæ speciem  
 complent, diuidendo: indiuidua uerò omittere omnino;  
 quòd scientia comprehendi nullo modo possent. Ac eos  
 quidem qui descendunt ad infimas species, necesse est  
 multitudinem disperitendo decurrere: qui autem ad sum-  
 ma nituntur genera, in unum multitudinem concludant  
 necesse est. nam cum species, tum genus, uel multo etiam  
 magis, multa in unam naturam colligit. Singulæ autem  
 res contrà, unum in multa partiuntur. Nam & speciei  
 communione ac societate unum efficitur ex multis: &  
 singulorum natura, ex una & communi re multæ fiunt.  
 Ut enim res singulæ diuidendi, sic quod commune est;  
 uim comprehendendi efficiendiq; unum habet. Sed  
 cum quid genus esset, quid species, explicatum sit à no-  
 bis, cumq; unum genus sit, species multæ (semper enim  
 in multas partes genus diuiditur) genus quidem semper  
 de specie dicitur, & superiora omnia de inferioribus:  
 species autem neq; de genere proximo, neq; de superio-  
 ribus ullis dicitur, quòd non reciprocetur. Aut enim pá-  
 ria de paribus dici oportet: ut quod ad hinniendum á-  
 ptum est, de equo. aut maiora de minoribus: ut de ho-  
 mine, animal. At minora de maioribus dici, non con-  
 uenit. neq; enim ut hominem esse animal dicis, sic ani-  
 mal esse hominem rectè possis dicere. In quibus autem  
 species dicitur, in ijs etiam speciei genus, & generis ge-  
 nus, ad primum usque dicetur necessariò. Si enim uerè  
 dicitur

dicitur Socrates esse homo, & homo animal, animalq;  
 substantia: uerè etiam Socrates dicitur esse animal &  
 substantia. Quando enim superiora de inferioribus di-  
 cuntur, & species de indiuiduo, & genus de specie in-  
 diuiduoq; dicitur. Summum etiam genus tum de gene-  
 re dicitur, aut de generibus si multa sunt media, tum de  
 specie, tum de indiuiduo. Nam & summum genus de o-  
 mnibus generibus, formis, indiuiduisq;, quæ ei subiecta  
 sunt, dicitur: & genus, quod infima species prius anti-  
 quiusq; est, de omnibus formis infimis & indiuiduis:  
 Quæ autem species est modò, de indiuiduis omnibus: &  
 indiuiduum, de uno solùm singulorum. indiuiduum au-  
 tem Socrates dicitur, & hoc quod album est, & hic qui  
 accedit Sophronisci filius, si modò Socratem solùm fi-  
 lium habeat. Quæ indiuidua nominantur ex eo, quòd  
 ex proprietatibus suis quicq; constat, quæ omnes in alio  
 eadem esse nullo modo possunt. Socratis enim proprie-  
 tates nunquam in alio eadem esse possunt: at hominis  
 communis & uniuerſi proprietates, eadem esse possunt  
 in multis, aut potius in omnibus singulis, quia homines  
 sint. Quare & indiuiduum à specie, & species à ge-  
 nere continetur: quippe cum genus quiddam totum sit,  
 pars indiuiduum: species partim pars, partim totum: ita  
 tamen, ut pars sit alterius, totum non alterius sed in a-  
 lijs sit. Siquidem totum in partibus inest. Ac de genere  
 quidem & specie, quidq; sit summum genus, quid infi-  
 ma species, quæq; eadem genera sint & species;  
 quæ indiuidua, quotq; modis genus &  
 species dicantur, dixi-

mus.

De

Differentia autem communiter, proprie, & maxime proprie dicitur. Aliud enim ab alio differre communiter dicitur, quod sumpto undecunque discrimine, uel à se differt, uel ab altero. Nam inter Socratem & Platonem interest aliquid: & à se ipse differt Socrates, cum puer est, & cum in media ætate: cum quid agit, & cum nihil. Idq; genus differentie semper in discriminibus spectatur ijs, in quibus rei modus & affectio consistit. Proprie autem inter aliqua interest, cum alia affectio; uel accidens, id quod elui funditus non potest, dissimilitudinem facit. Est autem affectio, quæ seo parari non potest: qualis est cæcitas oculorum, nasi aduncitatis, aut cicatrix quæ ex uulnere quasi callum obduruit. Ea autem maxime proprie inter se differunt, quæ differentia distant ea quæ speciei est efficiens: uelut, hoc homo equo præstat, quod est rationis particeps. Omnino igitur differentia omnis eum in quo sit, diuersum ab altero facit. Sed hoc interest, quod communis & propria dissimilem, ea autem quæ est propria maxime, omnino alium eum in quo insit, efficit: ita fit, ut quæ alium efficiunt eum in quo sitæ sunt, eæ speciei efficientes appellentur: quæ autem dissimilem omnino, differentie. Nam & rationis particeps, si ad animal addatur, id ad aliud genus transferet, speciemq; animalis conficiet: at motus tantummodo ei dissimilem facit, qui non mouetur. Ita differentia illa ad aliud genus animal transtulit, hæc modò dissimiles inter se res facit. Ac ijs quidem differentijs quæ aliud genus efficiunt, & genera in partes diuiduntur, & consciuntur defi-



definitiones: quoniam ex generibus & differentiis omnis constat conficiturq; definitio. Ex his autem quæ dissimiles modò efficiunt, uarietates solum & commutationes oriuntur. Ergo, ut paulò altius repetam, illud quidè iam perspicuum est, differentias alias separari posse ab eo in quo sint, alias non posse. quandoquidem moueri, stare, ægrotare, ualere, & cætera eiusdem generis, separari possunt: ad uncitas autem nasi, & narium, ut ita dicam, simitas, & particeps expersq; rationis, euelli distrahique non possunt. Sed earum quæ seiungi non possunt, aliqua distinctio est. alia enim ex se & ui sua conueniunt rebus, alia casu & fortuitò. Nam homini per se conuenit rationis particeps, & mortalis, & quod aptum animum habet ad percipiendam scientiam: ad uncitatem & similitudinem nares, temerè & casu, non ui sua. Quocirca quæ per se insunt, eæ in definitione qua rei uis & natura explicatur, adhibentur, ipsaq; res alia efficitur: at quæ fortè temerè, nec ad definitionem generis adduntur, nec aliam rem faciunt, sed modo dissimilem. Deinde, quæ ui sua & per se rei conueniunt, nec amplificari, nec minui possunt: quæ casu etiam si separari non possunt, tamen & contentionem capiunt, & remissionem. Nam nec genus, de formis suis cum dicitur, illis magis & minus sibi adiungi patitur: nec differentia generis, quibus diuiditur in partes: cum præsertim ex his definitio. Quisque perficiatur: & rei nullius uis & natura, quæ una eademq; est, imminui possit, nec amplificari. At uerò ad uncitatem similitudinemq; naribus magis & minus esse, & colore aliquo quis leuiter uel multum infici, imbuiq; potest. Iam ergo, cum tria differentiarum genera esse perspiciamus,

& alia quæ abesse possunt, alia quæ non possunt: rura  
 sumq; eorum quæ abesse non possunt, quædam quæ u  
 naturaq; sua adsunt, nonnulla quæ casu & fortuito rur  
 sus ex ijs differentijs quæ per se in hærent, aliæ sunt qui  
 bus genera in partes & formas diuidimus, aliæ quæ spe  
 ciem efficiant: uelut quoniam animalis per se differen  
 tiæ hæ sunt, animatum, sensus, rationisq; particeps, &  
 expers rationis, mortale & immortale: hæ quidem duæ  
 differentiæ, animatum & sensus particeps, animalis  
 uim naturamq; ac speciem absoluunt (est enim animal  
 nihil aliud, quam natura animata, sensus compos.) hæ  
 autem, mortale & immortale, rationis particeps &  
 rationis expers, genus in partes diuidunt: his enim in  
 formis & species genera partimur. Sed quæ genera  
 dispartunt, eadem formis speciesq; complent: cum  
 præsertim his differentijs, particeps rationis & expers  
 rationis, mortale & immortale, animal distribuatur  
 in partes: ita tamen, ut particeps rationis & mortale,  
 hominis: particeps rationis & immortale, Deorum: ex  
 pers rationis & mortale, beluarum genus compleant.  
 Eademq; ratione cum summæ substantiæ differentiæ di  
 uidentes hæ sint, animatum, inanimatum: sensus par  
 ticeps, sensus expers: ex his duæ illæ, animatum, &  
 sensus particeps, ad substantiam additæ, animal com  
 plent: hæ autem, animatum & sensus expers, plantam.  
 Quoniam igitur hæ omnes uno modo sumptæ & in  
 tollectæ, efficientes sunt formarum, alio modo diuiden  
 tes: factum est, ut procreatrices formarum omnes sint.  
 appellatæ. quarum quidem in generum diuisionibus,  
 rerumq; naturis definiendo explanandis usus est maxi  
 mus.

his, at earum quæ ut casu & fortuito conueniant, sepa-  
 rari non possunt, non item: ac earum multo etiam mi-  
 nor, quæ abesse possunt. Has autem definiunt hoc mo-  
 do: Differentia est, qua forma & species generis supe-  
 rat. Homo enim ratione & mortalitate uincit animal.  
 nam animal nullam omnino earum continere, non est  
 uerum: unde enim formæ differentias haberent? ne-  
 que uerò omnes habet contrarias, quoniam isto pacto  
 eadem res simul contrarias formas haberet: sed ut sua  
 in se differentias quæ eis subiectæ sunt, genera comple-  
 ctuntur, re uera & actu nullam. Ita fit, ut nec quip-  
 piam ex ijs quæ nulla sunt, fiat: nec in eodem sint simul  
 formæ contrariæ. Atque etiam hoc modo eam defini-  
 unt: Differentia est, quæ de multis, specie autem diffe-  
 rentibus, in quæstione qua quale quid sit indagatur, di-  
 citur. Nam rationis particeps, & mortale, de homine  
 dicuntur: sed in quæstione qua quale quicq. sit, non in ea  
 qua quid quicq. sit, queritur. Cum enim quid sit homo,  
 interrogamur, aptè respondemus, Animal: cum uerò  
 quale sit animal, rogamur, Particeps rationis, & mor-  
 tale, rectè respondeamus. Nam res omnes ex materia  
 & specie constant, aut ex ijs quæ proportionem materiæ  
 & speciei dicuntur. Ut enim statua ex æris materia fit,  
 & ex figura tanquam ex specie: sic homo & commu-  
 nis, & sub ratione speciei, ex genere proportionem mate-  
 riæ, & ex differentia proportionem speciei efficitur. At-  
 que ut illic totum quiddam est statua, sic hic animal  
 rationis particeps, mortale, homo. Definiunt eam e-  
 tiam hoc modo: Differentia id est, quod uim habet ad  
 ea secernenda, quæ subiecta sunt sub idem genus.



Rationis enim particeps, & expers rationis, hominem equumq; , qui eidem generi quod est animal, subiecti sunt, inter se distinguit, & separat. Et hoc modo: Differentia est, quo quicque distinguitur. Neque enim genere inter se homo & equus differunt, quod & nos & equi sumus animantes: sed particeps rationis cum accessit, nos ab illis separauit. Item, rationis participes sumus nos quidem & angeli: sed cum additum fuit mortale, nos ab illis distinxit. Sed illud intelligi par est, eos qui accuratius & subtilius differentiae perspiciunt ac persequuntur rationem, non quiduis eorum quae separant omnia quae eidem generi tributa sunt, in differentiarum numero habere, sed quod ad rem eiusq; uim & naturam aperiendam pertineat, quodq; sit pars rei. Non enim aptum esse ad nauigandum, differentia hominis est, etiamsi hominis sit proprium. Dicamus enim licet, animantium alios aptos esse ad nauigandum, alios non esse, hominem ab alijs separantes: sed tamen aptum esse ad nauigandum, non explet naturam hominis, nec eius pars est, uerum consequens naturae uis quaedam: quod non sit differentia talis, quales sunt ea quas efficientes formarum appellauimus. Quamobrem differentiae procreatrices specierum sunt omnes quae species inter se distinguunt, quaeq; in rei natura explananda adhibentur. Ac de differentia quidem satis fere dictum est.

## De Proprio. IIII.

Proprium autem diuidunt quadripartitò. Nam & quod uni soli speciei, neque toti conuenit, ut homini mederi, uel geometrae fungi munere, proprium appellant:

lant: & quod toti speciei, etsi non soli, uelut homini bi-  
pedem esse: & quod in sola totaq; specie, idq; interdum  
reperiatur, ut omni homini in senectute canescere. &  
quartum, id, in quod hæc omnia concurrunt & conue-  
niunt, quod in sola totaq; specie, idq; semper, intelligitur:  
ut in homine, natum esse ad risum. Quāquam enim non  
ridet semper, tamen ridens dicitur: non quod semper ri-  
deat, sed quod semper in sitam habeat ridendi facultatē.  
Quod ei æque naturale est, atq; equo aptum esse ad bin-  
nitum. Atq; hæc illi propria maximè appellant, quod  
reciprocentur. Si enim equus sit, etiam aptus erit ad hin-  
niendum: & si quid aptum sit ad hinniendum, cōtinuò  
equus sit necesse est.

## De Accidente. V.

Accidens uerò est, quod adest & abest sine eius rei  
in qua situm est interitu. Cuius genera duo sunt: alte-  
rum, quod separari potest: alterum, quod non potest. Ac  
dormire quidem in ijs est quæ separari possunt: nigror  
sic in coruo & Aethiope inest, ut separari non possit.  
potest enim & coruus albus, & Aethiops intelligi mu-  
tato colore, sine interitu rei cui inhæret. Diffiniunt illud  
etiam hoc modo: Accidens est, quod & inesse in eadem  
re, & non inesse potest. Item, Quod nec genus est, nec  
differentia, nec species, nec proprium, semperq; in subie-  
cto are inhæret. Expositis his omnibus quæ nobis propo-  
sita erant ad dicendum, uelut quid genus esset, quid spe-  
cies, quid differentia, proprium & accidens: iam

quid commune inter se habeant,

quid proprium, disse-

ramus.

De communitatibus & differentiis quinque  
uocum. VI.

Commune est quidem omnium, ut dixi, de multis di-  
ci: sed ita tamen, ut genus ac differentia de formis &  
indiudivis, quæ sunt eis subiecta, dicantur: species autem  
de suis indiudivis: proprium de specie, cuius sit proprium,  
& de indiudivis, quæ speciei subiecta sint: accidens &  
de formis, & de indiudivis. Nam animal de equo &  
boue, quæ species sunt, & de hoc equo & hoc boue,  
quæ sunt indiudiva, dicitur. Rationis autem expers, tum  
de equo ac boue, tum de singulis dicitur. Sed species,  
qualis est homo, de singulis hominibus modò dicitur.  
At proprium, & de specie cuius est proprium, & de  
indiudivis illi speciei subiectis dicitur: ut quod aptum  
est ad risum, de homine, & de hominibus singulis: quod  
uerò nigrum est, de specie coruorum, & de singulis  
coruis, quod accidens est quod separari non potest, di-  
citur. & moueri, quod accidens est quod potest separa-  
ri, de homine equoq; dicitur: sed ita, ut primum de indi-  
udivis, secundo autem loco de ijs etiam quæ indiudiva  
continent.

De communitatibus & differentiis Generis  
& Differentiæ. VII.

Communis est autem generi cum differentia, for-  
marum complexio. Differentia enim species complecti-  
tur, etsi non omnes quæ genus. Particeps enim rationis,  
etsi non continet ea quæ sunt expertia rationis, ut ani-  
mal: at certè hominem & angelum, quæ species sunt, con-  
tinet. Quæq; de genere, quia genus sit, dicuntur, omnia de  
formis



formis ijs quæ illi subiectæ sunt, dicantur necesse est. Sicuti quæ de differentia ut differentia est, dicuntur, eadem etiam de specie quam illa efficit dicuntur. Nam quoniam animal genus est, de eo quasi genere dicitur essentia, & quod animatum est, & quod sensum habet. Quinetiam de formis omnibus quæ animali subiectæ sunt, hæc ipsa usque ad individua dicuntur. Quoniamque particeps rationis differentia est, de eo differentie nomine dicitur id quod ratione utitur: nec de eo solū quod est particeps rationis, sed de ijs etiam formis, quas id quod rationis est particeps complectitur. Hoc etiam commune illorum est, quod generibus differentisque sublati, tolluntur unā ea omnia quæ illis subiecta sunt. Ut enim, si nullum sit animal, nec equus est, nec homo: sic, si nihil sit rationis particeps, animal quod ratione utatur, constare nullo modo potest. Proprium autem generis est, in pluribus dici quā differentiam, quā speciem, quā proprium, quā accidens: cum enim animal in homine, equo, aue, & angue dicatur, tamen quadrupes de ijs tantū quæ quatuor pedes habent, & homo in solis indiuiduis: quod ad binnitum natum est, in solo equo, & singulis. Itemque accidens in paucioribus dicitur. Sumendæ autem sunt differentie, quibus genera in partes diuiduntur, non quæ generis uim naturamque complent. Deinde differentiam generis uis sua conuenit: quandoquidem animalium aliud rationis particeps, aliud expers, differentia autem non continet genus: nam antiquiora prioraque sunt genera ijs differentijs, quæ illis subiectæ sunt. Itaque si tollantur, tollunt differentias, nec ab illis unā tolluntur. Sublati enim

animantibus, rationis compotibus & expertibus nihil loci relinquitur. At uero genera non tollunt differentia: ut enim omnes tollantur, tamen substantia animata, sensus compos, quod animal est, mente & cogitatione intel ligetur. Præterea genus in quæstione qua natura rei inuestigatur, dicitur: differentia in quæstione, ut dixi, qualitatis. Genus etiam in quacq; forma & specie unum est: ut in homine genus est animal, differentia: multæ: ut quod rationis est particeps, quod mortale, quod ad mentem & scientiam percipiendam natum est, quibus à cæteris animantibus distinguitur. Postremo genus materia simile est, formæ differentia. Multa sunt præterea quæ generis differentia: q; propria sunt & communia, sed hæc satis multa sunt.

De communitatibus & differentijs Generis & Speciei. VIII.

Genus quidem & species communem habent eam dicendi rationem, qua in multis, ut dixi, reperiuntur. In quo speciem illam intellectam uolo, quæ species modò est, non etiam genus, cum accedit speciem atq; genus esse. Hoc etiam illorum commune est, quod priora sunt ijs de quibus dicuntur, & quod utrunque quiddam totum est. Sed hoc differunt, quod genus species complectitur: species continentur, nec genera continent: quippe cum in pluribus genus quàm forma dicatur. Præterea genera præponi oportet, quæ differentijs ijs quas efficientes formarum diximus, quasi efformata, species compleant & absoluant. Itaq; priora sunt naturæ ordine genera, tolluntq;, neque tolluntur. Si enim sit species, genus etiam omnino est: at si genus sit, non continuo species

# INSTITVTIONES.

25

species est. Genera etiam una ratione de omnibus formis quæ ei subiectæ sunt, dicuntur: formæ de generibus non item. Iam hoc superant formis genera, quod formas complectuntur: formæ autem genera, quod proprias differentias. Præterea nec species summum, nec genus infimum locum obtinere potest.

De communitatibus & differentiis generis & proprii. XIX.

Generi cum proprio hoc commune est, quod species sequuntur. Vt enim si quid sit homo, idem animal: sic si quid sit homo, continuo ad risum aptum sit necesse est. Illud etiam, quod æquè genus de formis dicitur, atque proprium de ijs individuis quæ ipsum participant. æquè enim homo & bos animantes sunt, & Anytus & Melius æquè apti ad risum. Atq; etiam illud commune est, quod una ratione & genus de suis formis, & proprium de ijs quorum proprium est, dicitur. Inter ea autem interest, quod genus prius est, posterius proprium. Primum enim animal esse debet, deinde differentiis proprijsq; distingui ac diuidi. Et genus quidē de multis formis dicitur, proprium autem de una aliqua forma cuius sit proprium. Præterea proprium uicissim com meat retro, cum de eo dicitur, cuius est proprium: at genus, de nullo uicissim dicitur. Nō enim si quid sit animal, id continuo sit homo: neq; si quid animal, idcirco aptum sit ad risum: sin aliquid sit homo, continuo etiam aptum animi ad risum habeat necesse est: uicissimq; si quid aptum animum ad risum habeat, homo. Præterea inest proprium in tota specie cuius proprium est, & in sola ea, idq; semper: genus uero, etsi in tota specie cuius genus

b s est,



est, & semper, attamen non in sola ea reperitur. Præterea si propria tollantur, non etiam genera secum unâ tollūt: cū interim sublati generibus, formæ eæ, quarū sint propria, constare nullo modo possunt: ita sublati ijs quorum sunt propria, ipsa etiam tollantur necesse est.

De communitatibus & differentijs generis & accidentis. X.

Communis est generi cum accidente, de multis, ut dixi, dicendi ratio, siue in ijs sit accidentibus quæ separari possunt, siue in ijs quæ non possunt. Nam & moueri in multis dicitur, & quod nigrum est, in coruis & Aethiopibus, alijsq; nonnullis quæ sine animis sunt. Hoc autem inter genus accidensq; interest, quod genus formis prius sit & antiquius, accidentia posteriora formis. Vt enim accidens statuatur id quod abesse non potest, cerē id accidente prius est, cui inhaeret: hoc etiam, quod æquē genere participant ea, quæ illo participant, accidens non æquē. Contentionem enim, remissionemq; capit accidentium communio: generum non item. Item, quod primum in indiuiduis accidentia inhaerent, genera & species naturæ ordine priora sunt indiuiduis substantijs. Et quod genera in quæstione naturæ de ijs quæ illis subiecta sunt, dicuntur: accidentia uero, in quæstione qualitatis uel modi cuiusuis rei. Si enim rogatus fueris, qualis sit Aethiops, nigrum esse respondebis: aut quomodo affectus sit Socrates, ægrotare eum uel ualere dices. Ac genus quidem quid à cæteris quatuor differat, diximus. unumquodq; autem eorum à quatuor cæteris etiam differre uidebitur: ita cum quinque sint, & unumquodq; à cæteris quatuor distet, effici uidetur, ut quater quinque ducta,

ducta, uiginti differentiis omnes explcant. Non ita est: sed quoniam demceps enumerantur, adeoq; in ijs quæ secundo loco accipiuntur, una differentia, quia iam sumpta sit, relinquatur: in ijs uerò quæ tertio loco, duæ: in ijs quæ quarto, tres: in ijs quæ quinto, quatuor emittuntur differentia: profecto ex quatuor, tribus, duabus, & una, decem fiunt. Nam quoniam quid genus à differentia, quid à specie, quid à proprio & accidente differret, dictum est, idcirco quatuor hinc oriuntur differentia. Quid autem differentia à genere differret, tum dixi, cum quid ab ea differret genus ostendi. Reliquum est igitur, ut quid à specie, proprio & accidente differat, doceamus: ex quo tres nascuntur. Rursum quid species à differentia interesset, dixi, cum quid differentia à specie distaret dicerem: quid etiam differret à genere species, docui, cum quid genus à specie differret docerem. Ita restat, ut quid species à proprio & accidente differat, differamus: quæ duæ fient differentia. Illud tandem ad disputandum relinquatur, quid inter proprium intersit & acciden: quandoquidem quid à specie, quid à differentia & genere differret, antè docui, cum eorum inter se differentiam traderem. Si ergo quatuor generis, differentia tres, speciei & caterorum duæ distinctiones in unum conferantur, si deniq; proprii ab accidente una, certè ex omnibus decem fient: quarum quidem quatuor, generis & caterorum iam ostendimus.

De communitatibus & differentiis Speciei  
& Differentia. X I.

Communis igitur differentia cum forma, par æquaq; communio est. Singuli enim homines æque participes sunt

sunt hominis, differentiæq; rationis, ex qua participes rationis nominantur. Hoc etiam eis cōmune est, quod semper adsunt ijs quibus ipsorum conuenit communicatio. semper enim Socrates & rationis est particeps, & homo. Proprium autem differentiæ est, in quæstione dici qua quale quicq; sit: speciei uerò, in ea qua quid quicq; sit queritur. Nam etsi homo uelut qualitate aliqua affectus sumatur & intelligatur, non omnino quale quidpiam significat, sed quia differentiæ generi accommodatæ eum talem fecerint. Iam in multis formis sepe differentia cernitur, uelut quadrupes in pluribus animantibus specie differentibus: species autē sola indiuidua quæ sub specie subiecta sunt, completitur. præterea prior est differentia ea specie quæ ex ipsa nominatur: quandoquidem sublato eo quod rationis est particeps, homo constare nullo modo potest: at homine sublato, quod rationis est particeps, minime tollitur, cum angelus cohercat. Præterea coniungitur differentia cum alia differentia. Siquidē quod rationis est particeps, quodq; mortale, in uim naturamq; hominis concluduntur. Species autem cum specie non copulatur, ut aliud inde genus oriatur. equam enim quandam si certus asinus cōtrectet, inde mula nascetur: at si omnino equus cum asino coniungatur, nunquam ex eo muli natura constabit.

De communitatibus & differentijs Proprij & Differentiæ. XII.

Differentiæ autem cum proprio hoc commune est, quod æque illis participant ea quibus cum communicantur. Aequē enim id omne quod particeps est rationis, est compos rationis: & quæ nata sunt ad risum, æquē nata sunt

sunt omnia. Illud etiam ijs cōmune est, & semper conuenire, & omnibus quæ continent. Quamuis enim animal bipes debilitatum quid habeat, ad id certè ad quod natum est, semper accommodabitur. Et id quod ad risum natum est, etiamsi non rideat semper, tamen ex eo ad quod natum est, semper intelligitur. Differentiæ autem proprium est plerumq; in multis formis contineri: ut rationis particeps in angelo & homine dicitur. Proprium autem in una specie, cuius est proprium. Et differentia quidem ex ijs consequens est, quorum differentia, et si id uicissim retrò non commeet. Proprium autem uicissim etiam retrò commeet, quod reciproceatur ipsum, & ea quorum proprium est.

De communitatibus & differentijs accidentis  
& differentiæ. XII.

Hoc differentiæ cum accidenti commune est, quod in multis dicuntur. Cum eo etiam quod separari non potest, illud commune est differentiæ, quod semper & omnibus quæ complectuntur, conueniunt. Nam bipes semper homini cōuenit, & nigror coruis omnibus. Sed hoc differunt, quod formas differentia continet, nec continetur. (nam & angelum & hominem particeps rationis complectitur) accidens uerò quodammodo complectitur, quia sit in multis: quodammodo continetur, quod nō unum aliquod accidens, sed multa recipiant ea quibus in herere solent. Præterea nec intendi differentia, nec remitti potest: at accidentia & intentionem capiunt, & remissionem. Cumq; contrariæ differentia misceri iungi q; inter se non possint, tamen contraria sæpe accidentia coniunguntur. Ac differentiæ quidem & aliorum hæ sunt



hæ sunt communitates ac proprietates. Species autem quid à genere differret, & differentia, dictum est tum, cum quid genus & differentia à cæteris distaret, ostendimus. Restat ut quid à proprio & accidente intersit, dicamus.

De differentijs & communitatibus speciei & proprii. **XIIII.**

Hoc igitur speciei cum proprio cõmune est, quòd inter se reciprocantur. Nam si quid homo sit, etiam aptum ad risum erit: & si quid aptum ad risum sit, homo. Nam sæpe diximus, quod aptu est ad risum, ex eo quòd natum sit ad risum, intelligendum esse. Atq; etiam illud commune est, quòd æquè conueniunt. Aequè enim & species insunt in ijs quibus cum cõmunicantur, & propria in ijs quorum sunt propria. Hoc uerò differunt, quòd species aliorum esse genus potest, proprium aliorum proprium esse non potest: quodq; species ante cohæret quàm propriu, proprium speciei innascitur. Sit enim homo necesse est, ut sit aptus ad risum. Cumq; species semper in subiecta re insit re ipsa, proprium interdum potentia inest, atque interdum solum adesse potest. Homo enim semper est sonans, non semper ridet, quanquam semper ad risum aptum animum habeat. Præterea quorum definitiones diuersæ sunt, ea inter se differunt. Cumq; speciei sit, subesse generi, de multisq; dici in quaestione qua rei natura quaeritur, quæq; sunt eiusdem generis: propriu est uni aliqui, eiq; omni, semperq; conuenire.

De communitatibus & differentijs speciei & accidentis. **XV.**

Hoc autem commune speciei cum accidente est, quòd

# INSTITUTIONES.

31

in multis dicuntur. Raræ autem sunt aliæ communitates, quod id quod accidit, & id cui quid accidit, distent inter se plurimum. Proprium autem speciei est, in quaestione qua quid quicq; sit quaeritur, de ijs dici quorum est species: accidentis autem, in ea qua quale quid sit, aut quomodo affectum sit. Illud etiam speciei proprium est, quod uniuscuiusq; rei natura unius est formæ particeps: accidentis, quod multorum accidentium, & eorum quæ se parari possunt, & eorum quæ non possunt. Præterea species antè intelliguntur quam accidentia, etiam si nec possint seiungi (rem enim subijci oportet, ut ei quid accidat) accidentia uero postèrius nascuntur, habentq; naturam suam omnem in substantia coherentem. Speciei etiam æqua est parq; communitio, accidentium autem eorum quæ seiungi non possunt, non item. Quoniam Aethiops alijs alio, colore nigro potest magis minusq; imbuti & infici. Nunc superest, ut de proprio & accidente differamus. Quid enim proprium à specie, quid à differentia & genere differret, diximus.

De communitatibus & differentijs Proprij & Accidentis. X V I.

Commune est illud proprio cum accidenti indiscresco, quod illa in quibus cernuntur, constare sine ipsis nullo modo possunt. Ut enim constare homo sine eo non potest quod ad risum aptum sit: sic esse sine nigro colore Aethiops nullo pacto potest. Et quemadmodum in ijs omnibus, quorum est proprium, & semper inest proprium: ita accidens, quod seiungi non potest. Hoc uero differunt, quod proprium uni modo speciei conuenit, uelut homini id quod ad risum aptum est: accidens autem, quod

seiuungi

seungi non potest, uelut niger, non solum Aethiopi conuenit, sed coruo etiam, et carboni, & ebano, alijsq; nonnullis. Iam proprium, & id cuius est proprium, reciprocantur, in omnibusq; æque inest proprium: accidens autem id quod separari non potest, nõ reciprocatur. Propriorum etiam æqua est parq; communio: accidentium alia maior, alia minor. Sunt præterea aliæ multæ communitates & proprietates eorum omnium quæ adhuc commemorauimus: sed hæ satis multæ sunt ad ea discernenda, eorumq; inter se comprobandas communitates.

## F I N I S.

## ARISTOTELIS STAGIRITÆ

Categoriæ, interprete Ioachimo Perionio

Benedictino Cormæriaceno: per Nic.

Grouchium correctæ &

emendatæ.



**M**óvovvæ dicuntur, quorum nomen solum cõmune est: definitio autem naturæ, nomini congruens, alia atq; alia. ut animal, id quod homo est, & depictum animal. Hæc enim nominis tantummodo societate coniuncta, de definitione ea quæ naturam eorum, uimq; nominis explicat, differunt. Si quis enim quæ sit utriusq; eorum natura, quia animalia sint, dicat, utriusq; propriam constituet definitionem.

Synonyma autem dicuntur, quorum & nomen commune est, et eadem nomina attributa naturæ definitio: ut animal, id quod homo est, et id quod est bos. Nam &  
animal

# CATEGORIAE.

33

animal communi nomine eorum utrumq; appellatur, et eadem est quæ naturam explicat definitio. Etenim si quis reddat definitionem, quæ quid sit utrumq;, quatenus animalia sunt, explicet: certè eandem attribuet utrique. Paronyma autem uocantur ea, quæ orta ab uno uariè commutantur: ut à grammatica grammaticus, fortis à fortitudine.

Eorum quæ dicuntur partim coniuncta sunt, partim simplicia. Ac coniuncta quidem, ut homo currit, homo uincit: simplicia sunt, homo, bos, currit, uincit.

Eorum quæ sunt, alia de subiecto aliquo dicuntur, nec in subiecto insunt ullo, ut homo: de subiecto enim dicitur quopiam homine, in subiecto autem nullo inest. Alia in subiecto sunt illa quidem, sed de subiecto nullo dicuntur. In subiecta autem re esse dico id, quod in re aliqua inest, non tanquam pars, nec ab eo cui inest sciungi separariq; potest. ueluti grammatica aliqua in subiecto inest animo, sed de subiecto nullo dicitur. Eodemq; modo hic uel ille candor, est ille quidem in subiecto corpore (est enim in corpore color omnis) attamen de nullo subiecto dicitur. Quædam & de subiecto dicuntur, & sunt in subiecto: ut scientia in subiecto animo inest, ac de subiecta grammatica dicitur. Nonnulla nec in subiecto sita sunt, nec de subiecto dicuntur ullo: ut singuli homines ut singuli equi. Nihil enim eius generis neq; in subiecto est, neq; de subiecto ullo dicitur. Omnino autè & indiuidua, & res singulæ, de subiecto nullo illa quidem dicuntur, sed eorum nonnulla in subiecto esse nihil prohibet. Nam grammaticæ singulis sunt in ijs quæ in subiecto insunt, nec de subiecto ullo dicuntur. Cum alte-

c

rura



rum de altero tanquam de subiecto dicitur, quicquid de  
 predicato dicitur, id omne de subiecto quoque dicitur. ve  
 luti, quia homo de quopiam homine dicitur, & animal  
 de homine: ob eam etiam causam animal de singulis ho  
 minibus dicitur. Singuli enim homines, & homines  
 sunt, & animalia. Quando genera diuersa sunt, nec u  
 num ab altero continetur, eorum etiam differentiae spe  
 cie differunt, ut animalis & scientiae. Animalis enim dif  
 ferentiae sunt, terrenum & bipes, & uolucres, & aqua  
 tile. At uero harum nulla scientia est: quoniam inter scien  
 tiam & scientiam hoc ipso quod bipes fit, nihil interest.  
 Eorum autem generum, quorum unum altero contineo  
 tur, nihil prohibet easdem esse differentias. Nam superio  
 ra genera de ijs, quae ijs subiecta sunt, generibus dicunt  
 tur. Ita fit, ut omnes quae sunt praedicati, subiecti etiam  
 sint futurae differentiae. Quae autem simplicia sunt, ea  
 uel substantiant significant, uel quantitatem, uel qualita  
 tem, uel quae cum aliquo comparantur, uel locum, uel tem  
 pus, uel situm, uel habere, uel facere, uel pati. Est autem  
 substantia, ut populariter dicam, ut homo, ut equus.  
 Quantitas, ut quod duorum cubitorum est, quodque  
 trium. Qualitas, ut candor, grammatica. Quae cum ali  
 quo comparantur, ut duplum, ut simplicium, ut maius. In  
 loco, ut in foro, in Lycio. In tempore, ut cras, anno supe  
 riore. Situm esse, ut iacere, ut sedere. Habere, ut arma  
 tum esse, uestitum esse. Facere, ut secare, urere. Pati, ut  
 secari, uri. Nihil autem eorum quae enumerata sunt, per  
 se affirmationem aut negationem facit: sed ex eorum  
 mutua quadam coniunctione, omnis & affirmatio &  
 negatio nascitur. Nam & omnis affirmatio et negatio,

aut

aut uera est, aut falsa: & nihil eorum quæ simplicia sunt, non coniuncta, uerum est, aut falsum: ut homo, ut candor, ut currit, ut uincit.

## De Substantia.

Substantia autem, quæ & proprie & primum, & maxime appellatur, ea est, quæ nec de subiecto ullo dicitur, nec in subiecto ullo inest: ut quidam homo, quidam equus. Secundo autem loco substantiæ uocantur species eæ, in quibus quæ primæ nominantur naturæ, insunt: itemq; earum formarum genera. uelut quispiam homo, specie quidem hominis continetur, speciei autem genus est animal. Hæ igitur secundæ naturæ substantiæq; nominantur: ut homo, ut animal. Perspicuum est autem ex ijs quæ dicta sunt, eorum quæ de subiecto dicuntur, necesse esse & nomen de subiecto dici, & definitionem: ut homo de subiecto quopiam homine dicitur, & nomen etiam dicitur. Siquidem quempiam hominem, tu hominem recte appellabis. Atq; etiam hominis de aliquo homine dicitur definitio. Homo enim quispiam, & homo est, & animal rationis particeps, mortale. Ergo & nomen de subiecto dicitur, & definitio. At uerò eorum quæ in subiecto continentur, permulta sunt, quorum neque nomen neque definitio de re subiecta dicitur: nonnullorum nomen nihil prohibeat dici de subiecto interdum, etiam si non possit definitio. ueluti candidum cum sit in subiecto corpore, de subiecto dicitur. candidum enim corpus dicitur: at candidi definitio nunquam de corpore dicitur. Cætera uerò omnia uel de primis substantijs subiectis dicuntur, uel in ijs subiectis continentur. Quod perspicui exemplis potest. ueluti animal de

homine dicitur, de quopiam igitur etiam homine dicitur. Si enim de singulorum hominum nemine, ne de homine quidem dicitur omnino. Rursum inest color in corpore, ergo & in aliquo corpore. Nam si in nullo est singulorum corporum, neque in uniuerso corpore. Ergo hoc iam apparet, reliqua omnia aut de subiectis primis substantijs dici, aut in eis inesse subiectis. Quocirca sublati primis naturis atque substantijs, nihil loci relinquitur ceteris omnibus. Porro secundarum substantiarum species magis substantia est, quam genus: quoniam ad primam naturam propius accedit. Si enim quid sit prima essentia quispiam explicet, planius id & aptius faciat usus specie, quam si genus adhibuisset: ueluti aperius cuiusdam hominis naturam explicabit, qui hominem esse dicit, quam qui animal. Est enim magis propria species cuiuspiam hominis, at genus communius. Item si quis, quid sit aliqua arborum singularum aperiat, apertius docebit si arborem dicat esse, quam si plantam. Iam primæ substantiæ, quia ceteris omnibus subiectæ sunt, reliquaque omnia de eis dicuntur, aut in eis sunt, idcirco maxime substantiæ naturæque nominantur. Quam autem habent rationem ad cetera omnia primæ essentiæ, eandem habet species ad genus. Subijcitur enim generi species, quippe cum de speciebus genera dicantur, nec species generibus ex hac parte respondeant. Ita fit etiam ex his, ut species magis quam genus nomen obtineat substantiæ. At uero species nulla, earum quæ genera non sunt, magis quam altera substantia est. Nemo enim cuiquam singulorum hominum, nomen hominis adhibebit aptius, quam bonis, cuiuspiam bonum singulorum. Similiterque

in prim  
stantia  
uerius  
primu  
de nom  
nis sic p  
si quis  
homini  
dem se  
si ani  
nium  
minim  
currer  
ex reli  
uocant  
substan  
nia di  
pales  
omnia  
prima  
nim ca  
nem g  
cum &  
tem om  
Eto. ne  
iecto u  
in null  
piam l  
enim in  
subiect

in primis essentys ac naturis, nihil magis aliud alio substantia est: neq; enim quisquam singulorum hominum uerius essentia est, quam bos aliquis. Iure autem post primas essentias, species solæ ac genera essentia secundæ nominantur. Hæc enim sola eorum quæ dicuntur, quæ uis sit primæ substantiæ explicant, atq; declarant. Nam si quis uelit explicare quæ uis sit & natura cuiuspiam hominis, isq; uel speciem afferat uel genus, aptè ille quidem fecerit: licet planius, si hominem esse dicat, quam si animal, fecisse uideatur. At si quid cæterorum omnium afferat, alienum id futurum est, & ad eam rem minime accommodatum: ut si candidum eum dicat, uel currere, aut aliud quiduis generis eiusdem. quapropter ex reliquis rebus omnibus hæc solæ merito substantiæ uocantur. Præterea quoniam cæteris omnibus primæ substantiæ subiectæ sunt, quoniamq; reliqua de eis omnia dicuntur, uel insunt in ipsis, ob eam causam principales dicuntur substantiæ. Quod autem sunt ad cætera omnia primæ substantiæ, hoc & genera sunt & species primarum substantiarum ad reliqua omnia. de his enim cætera omnia dicuntur. Vt enim quempiam hominem grammaticum dices, sic & hominem grammaticum & animal: similiterq; in cæteris omnibus. Hoc autem omni substantiæ commune est, non inesse in subiecto. nam nec in subiecto prima substantia est, nec de subiecto ullo dicitur. De secundis etiam id perspicuum est, eas in nullo esse subiecto. Homo enim, est de subiecto quopiam homine dicitur, tamen in nullo subiecto inest. neq; enim in quodam homine homo inest. Itemq; animal de subiecto quopiam homine dicitur, cum interim animal



in aliquo homine non insit. Iam uero eorum quæ in subiecto insunt, nihil impedit, quo minus nomen illud quidem interdum de subiecto dicatur, sed tamen nunquam definitio potest. At secundarum substantiarum & definitio de subiecto, & nomen dicitur. Hominis enim alicui homini conuenire dicas definitionem, itemq; animalis. Non igitur in ijs quæ in subiecto insunt, esse substantia ullo modo potest. Sed non est substantia hoc proprium: quin etiam sunt in ijs, quæ non sunt in subiecto, differentia. Nam gradus & bipes de subiecto aliquo homine dicuntur, nec sunt in subiecto ullo. neque enim in homine bipes inest, neque gradus. Atque etiam de eo differentia definitio, cuius est differentia, dicitur: ut si gradus de homine dicatur, dicetur etiam de homine gradus definitio. est enim homo gradus. Nec uero conturbare nos debent substantiarum partes, quæ si insint in totis ut in subiectis, ne quando eas substantias negare cogamur. Ea enim in subiecto esse negauimus, quæ ut partes inessent. Hoc autem essent ijs ipsis & differentijs tributum est, ut de quibus ipsa dicuntur, omnes quæ dicantur. Omnes enim quæ ex illis ducuntur dicendi rationes, aut de indiuiduis, aut de formis dicuntur. Ex prima enim substantia, quoniam de subiecto nullo dicitur, nulla dicendi ducitur ratio. At secundarum substantiarum formæ, de indiuiduis dicuntur: genus autem & de speciebus, & de indiuiduis. Itemq; differentia de formis, indiuiduisq; dicuntur. Atq; etiam primæ substantiæ, & formarum sibi uendicant & generum definitionem, & species illam generis. Quæ enim de prædicato dicuntur, de subiecto quoque dicuntur omnia.

Eodemq;

Eodemq; modo differentiarum definitio formis & in-  
 diuiduis accommodanda est. Synonyma autem definitio-  
 ta sunt ea, quorum nomen commune est, eademq; definitio.  
 Omnia igitur quæ à substantijs & differentijs pro-  
 ficiscuntur, ~~omnibus~~ dicuntur. Omnis etiam substan-  
 tia, quiddam hoc uel illud significat. Ac in primis qui-  
 dem essentjs non est id dubium: sed uerum est eas hoc  
 quiddam significare, uel illud, præsertim cum indiuisi-  
 dum, quodq; unum numero est, declaretur illis, & ex-  
 primatur. Secundæ autem uidentur illæ quidem simili-  
 ter, figura appellationis, hoc quippiam significare, cum  
 dicitur homo, uel animal: non tamen id uerum est, sed  
 qualitatem potius significant. Neque enim res una sub-  
 iecta est, ut in prima substantia: sed de multis homo ani-  
 malq; dicuntur, quanquam non omnino qualitatem si-  
 gnificat, sicut album. nomen enim albi, nisi qualitatem,  
 nihil significat omnino. At genus & species cum sub-  
 stantia, qualitatem adsignificant: significant enim ta-  
 leas aliquam substantiam. Sed genere, quàm specie, plu-  
 ra explicantur: quoniam qui nomen animalis proferi,  
 plura quàm is qui hominis complectitur. Iam hoc etiam  
 substantijs insitum est, ut ipsis nihil sit contrarium. Nam  
 primæ quidem substantiæ, ut cuiuspiam homini, uel  
 cuiuspiam animali, quid contrarium esse possit? nihil eo-  
 nim eis repugnat: ne homini quidem, aut animali.  
 Sed hoc proprium non est substantiæ, quinetiam in  
 plerisque alijs rebus hoc cernitur, ueluti in quantita-  
 tate. Neque enim rei duorum cubitorum, aut trium,  
 quicquam contrarium est: neque decem, nec cuius-  
 quam rei eiusdem generis, nisi forte dicat aliquis, multa

paucis esse contraria, aut magna paruis: sed illud profecto uerum est, definitis quantitatis nil aduersari. Illud præterea substantijs conuenit, ut nec elationem nec summisionem suscipere possint. Quod non ita dictum uelim, quasi substantia alia, alia nec magis nec minus substantiæ nomen obtineat: hoc enim concessum est. Sed hoc uolo, nullam substantiam, id ipsum quod suapte natura est, nec magis nec minus sibi uendicare. ueluti si homo substantia est, nec ipse seipso magis aut minus est, nec alter altero magis est aut minus homo. Neque enim alter altero nomen hominis magis obtinet: sicuti res alba alia, alia albior est, & minus alba: & honestum aliud alio honestius est, & minus honestum. Quin etiam idem se ipsum magnitudine aliqua & exiguitate superare dicitur: ut corpus cum candidum sit, hoc tempore quam antea albius uocatur: & quod calidum est, magis minusque calidum. At uero essentia nec magis nec minus essentia nominatur, neque enim homo nunc magis quam antea nomen hominis obtinet, nec quicquam eorum quæ substantiæ appellantur. Quare non patitur substantia illud magis aut minus sibi tribui. Sed hoc substantiæ est proprium maxime, una eademque cum sit numero, uim habere accipiendi contraria: ita ut cæterorum omnium quæ non sint substantiæ, nihil quicquam asferre possit, quod unum idemque manens contraria possit accipere. ut color cum sit unus & idem numero, niger non dicitur, & albus: neque eadem actio, uitiiosa & recta. Eadem est cæterorum omnium ratio, quæ substantiæ non uocantur. At substantia cum una sit eademque numero, uim habet accipiendi contraria. ueluti

unus idemq; homo aliàs albus, aliàs est niger : interdum calidus, interdum frigidus : nonnunquam bonus, nonnunquam improbus : quod in cæteris omnibus non reperitur. Nisi fortè aliquis occurrat, confirmans contraria accipere & orationem posse, & opinionem: uidetur enim eadem uera & falsa oratio. ut si uera est oratio, sedere aliquem : cum is surrexerit, hæc ipsa oratio falsa erit. Eademq; est ratio opinionis. si quis enim uerè sedere aliquem sentiat, cum surrexit, malè existimabit, si eandem de eo habeat opinionem. Quòd si cui hæc probabuntur, attamen ratione quadam magna est dissimilitudo. Nam substantiæ ipsæ mutatæ, uim habent accipiendi contraria : cum enim ex calido quippiam fit frigidum, ipsum immutari solet, quoniam & quod nigrum fit ex albo commutatur, & bonum ex malo. Idemque cætera omnia commutatione accedente contraria accipiunt. At uerò oratio & opinio, manent ipsæ quidem immobiles omni ex parte : sed re ea quæ subiecta est immutata, in eis contraria nascuntur. Manet enim hæc eadem oratio, sedere aliquem : re uerò mutata, interdum uera, interdum falsa est. Eadem est ratio opinionis. Quapropter hoc quidem pacto proprium erit substantiæ, immutatione sui ipsius accipere posse contraria. Quamquam autem quis orationem & opinionem contraria accipere comprobet, profecto non ita est. Neq; enim ex eo quòd aliquid acceperint, contraria suscipere dicuntur oratio & opinio : sed, quia in re alia, aliqua affectio nata est. Nam quia res est, aut non est, idcirco uera est aut falsa oratio, non quia possit ea accipere in se contraria. Omnino enim à nemine nec



oratio mutatur, nec opinio. Nunquam igitur contraria accipient, nisi in eis aliqua affectio gignatur. At substantia, quod contraria in ea sunt, ex eo uim habere dicitur accipiendi contraria. Nam & morbus in ea esse & ualeitudo potest, & candor & nigror: quæ cum omnia in se accepit, uim habere accipiendi contraria dicitur. Quare naturæ ac essentiæ hoc proprium est, uim habere accipiendi contraria, immutatione sui, cum unum & idem numero maneat. Ac de substantia quidem bacterius,

### De Quantitate,

Quantorum autem aliud deiunctum est, aliud coniunctum: & partim ex partibus constant quæ situm quendam inter se habent, partim ex ijs quæ non habent. Est autem deiunctum, ut numerus, ut oratio: continuum, ut linea, extremitas, corpus, & præterea locus & tempus. Nam numeri partium terminus communis nullus est, quæ eius partes coniungantur. uelut si quinque sint partes decem, nullo communi termino quinque & quinque coniuncta sunt, sed separata: neque tribus & septem ullus communis terminus accommodatur. Nec possis omnino in numero communem ullum partium terminum reperire, sed semper secreta sunt ac separata. Ita numerus in eis est quæ secreta sunt. Similis est ratio orationis. Nam quantam esse orationem ex hoc perspicere potest, quod syllaba breui longaque ponderatur. Id quod de uocis oratione intellectum uolo. Partes enim eius nullo communi termino & fine coaptantur: quoniam terminus communis nullus est, quo syllabæ cohæreant, uerum per se quæque secreta est. Linea autem continuata est. Licet

et enim communem sumere terminum, punctum uide-  
 licet, quo eius partes coniungantur, & extremitatis li-  
 neam. nam extremitatis partes ad certum communem  
 terminum omnes pertinent. Item in corpore potes repe-  
 rire communem terminum, lineam, uel extremitatem,  
 qua coniunctæ sint partes corporis. Atque etiam locus  
 & tempus sunt generis eiusdem. Nam & id tempus  
 quod adest, quodq; præsens est, cum præterito & fu-  
 turo copulatur: & locum certum corporis partes occu-  
 pant, quæ aliquo communi termino coaptantur. Loci  
 ergo partes quæ singulis corporis partes continent, eo-  
 dem termino quo corporis partes copulantur. Ita in  
 continuatis est locus, quandoquidem ad certum com-  
 munem terminum eius partes pertinent. Præterea alia  
 ex partibus constant, quæ habent situm inter se: alia ex  
 ijs quæ non habent: ueluti lineæ partes suum certum  
 tenent, quoniam unaquæque alicubi sita est, potesq; u-  
 bi quæque sita sit in plano explicare, quaq; cum parte  
 reliquarum omnium coaptetur. itemq; plani partes si-  
 tum certum obtinent: æquæ enim doceri potest, ubi sin-  
 gula sitæ sint, & quæ inter se aptæ. Eadem est ratio so-  
 lidi corporis & loci partium. At uerò in numero, quem  
 eius partes inter se situm habeant, aut ubi sitæ sint, aut  
 quæ inter se iunctæ atque aptæ, docere nemo potest: ne  
 temporis quidem. pars enim nulla manet temporis.  
 Quod autem non manet, qui situm certum habeat?  
 quin potius ordinem certum id obtinere possis dicere,  
 quia temporis pars alia prior, alia posterior est. Simi-  
 literq; in numero, quod unum prius quàm duo, & duo  
 ante quàm tria numerantur. ita ordinem quandam cer-

tum obtinent, situm autem eorum nunquam certè possit reperire. Eadem est ratio orationis. nulla enim eius pars manet; sed prolata & missa uox, iam reuocari nullo modo potest. non igitur situs ullus erit eius partium, si quidem nulla manet. Alia igitur ex partibus constant, quæ ipsæ certo quodam situ constant, alia ex ijs quæ non constant. Sed propriè quanta nominantur, ea quæ diximus: improprie & casu cætera omnia. Hæc enim spectantes & intuentes, cætera quanta appellamus: ueluti multum album aliquid dicimus, quòd extremitas magna sit: actionem & motionem diuturnam, quòd multum interiectum sit temporis. Neque enim quicquam eorum per se quantum dicitur; ut si quis doceat quanta sit actio, eam tempore explicabit, anni unius, aut sic quodammodo. Et qui res quàm sit alba exprimet, extremitatis ratione explicabit. nam quàm longa est extremitas, tam album aliquid esse confirmauerit. Ita fit, ut sola ea quæ enumerata sunt, propriè quanta dicantur: reliqua omnia non per se illa quidem; sed casu & fortuito. *Iam* quantis nihil cōtrarium est. nam certis ac definitis perspicuum est nihil repugnare, ut rei trium aut duorum cubitorum, uel extremitati, neque ulli eorum quæ sunt generis eiusdem. nihil enim eis contrarium est. Nisi forte dicat aliquis; & multa paucis, & magna paruis esse contraria. Atqui non sunt hæc in quantis, sed in ijs quæ cum aliquo comparantur. Nihil enim per se magnum aut paruum dicitur, sed quod cum alio comparatur. ut mons paruus, milium magnum: quia hoc maius sit omnibus ijs quæ sunt eiusdem generis: ille, quia minor alijs eiusdem generis. Fit igitur cum altero collatio.

Nam

Nam si per se magna aut parua dicerentur, nunquam certe mos paruus, nec milium magnum uocaretur. Præterea in uico multos esse, Athenis paucos, cum sint multo plures, dicimus: & domi multos, in theatro paucos, cum sit multo maior numerus. Iam res duorum & res trium cubitorum, cæteraq; eiusdem generis, quantum sit alio quid significant: magna autem & parua non quantum sit significant, sed potius comparisonem. Nam ex altero spectatur quod magnum est, & quod paruum. Perspicuum est igitur, ea in his esse quæ cum aliquo comparantur. Præterea siue quis hoc ponat in quantis, siue non ponat, tamen nihil eis est contrarium. Quod enim non potest per se intelligi, cum aliquoq; comparatur, qui potest ei quicquam esse contrarium? Præterea si magna paruis contraria sunt, in eodem simul contraria erunt, & idem sibi ipsi aduersum. accidit enim ut res eadem sit simul magna & parua: est enim ad hanc parua, eadem magna ad alteram. Eadem igitur res eodem tempore & parua est, & magna. ita simul contraria accipit. Nihil autem simul contraria accipit: ut in substantia perspicui potest, in qua cum esse contraria possint, tamen nulla simul in morbo est, & ualet: nec alba & nigra simul est, nec aliud quicquam est in quo simul contraria esse possint. Atque etiam eadem res sibi ipsa aduersa erit. Si enim res magna paruæ contraria est, eadem etiam simul & magna & parua, certe eadem res sibi erit contraria. At fieri non potest, ut aliquid sibi sit contrarium. Non igitur sunt parua magnis contraria, nec multa paucis. Ex quibus efficitur, ut etiam si quis hæc non dicat in his esse quæ cum aliquo comparantur, sed in quantis,



quantis, tamen eis nihil sit contrarium futurum. Sed quantorum repugnantia in loco apparet maxime. Summum enim locum infimo contrarium ponunt, mediam regionem infimum locum appellantes, quod inter medium & mundi terminos longissimum interiectum sit intervalum. Atque etiam ex his ducta uidetur ceterorum contrariorum definitio. Contraria enim definiuntur, quæ in eodem genere plurimum differunt. Nec uerò illud magis aut minus, in quantis reperitur. ut res duorum cubitorum non asciscit alia magis rei huius naturam atque rationem. Quod eodem modo iudicandum est de numero: ueluti tria non magis quam quinque numeri nomen obtinent, nec quinque potius quam tria: ne tempus quidem aliud alio magis aut minus temporis appellatur nomine. Quanta igitur nec magis nec minus dicuntur. At quantorum maxime proprium est paria & imparia nominari: quanta enim quæ diximus, omnia uel paria uel imparia uocantur, ut corpus par uel impar dicitur. itemque numerus & tempus, par & impar. Similiterque singula quæ dicta sunt, uel æqua uel non æqua dicuntur. Cætera uerò quæ non sunt in quantis, non admodum æqualia uel inæqualia nominantur. ut commutatio non admodum dicitur æqua uel non æqua, sed potius similis uel dissimilis: & res alba non fere æqua uel non æqua, sed similis uel dissimilis. Est igitur hoc quantorum maxime proprium, ut paria uel imparia dicantur.

De ijs quæ cum aliquo conferuntur.

Ea autem cum aliquo conferuntur, quæ id quod sunt aliorum

aliorum esse dicuntur, aut quoquo modo aliter cum alio conferuntur. ueluti maius quicquid ipsum est, id omne alteri tribuit: aliquo enim maius dicitur. & duplum, id ipsum quod est, ad alterum refertur, quoniam alicuius rei duplum est: itemq; cætera omnia eiusdem generis. Sunt etiam hæc in ijs quæ cum aliquo conferuntur: ut habitus, ut dispositio, ut scientia, ut situs. Hæc enim omnia quicquid sunt, aliorum sunt, aut quomodocunque aliter cum altero conferuntur, ac nihil præterea. Nam & habitus, alicuius habitus dicitur: & scientia, alicuius scientia: & situs, rei cuiuspiam situs. Eadem est cæterorum omnium ratio. Sunt igitur quæ cum aliquo conferuntur ea, quæ id quod sunt, alterius esse dicuntur, uel quoquo modo ad alterum referuntur: ut mons ad alterum magnus dicitur, quippe cum ad aliquid mōs magnus nominetur. Quod simile est, alicui etiam simile dicitur: cæteraq; omnia generis eiusdem, eodem modo cum aliquo conferuntur. Sunt autem quadā situs genera, accubatio, status, sessio: situs autem in ijs est, quæ cum aliquo conferuntur. Sed iacere, stare, sedere, non sunt ipsa quidem situs: ab ijs autem generibus situs quæ diximus, orta sunt. Reperitur etiam in ijs quæ cum aliquo conferuntur, repugnantia. ut uirtus uitio est contraria, cum utrumque in ijs sit quæ cum aliquo comparantur & ignorationi scientia. Nec uerò omnibus data sunt contraria. duplo enim nihil aduersatur, nihil triplo, nec ulli eiusdem generis. Illud autem magis & minus in ijs reperitur, quæ cum aliquo conferuntur. Nam & quod simile ac dissimile est, similis dissimilisq; dicitur: & quod par et dispar est, aliud alio magis par & dispar, cū utrumq;

utrumque in numerum eorum ueniat, quæ cum aliquo conferuntur. Quod enim simile est, cuiusdam simile: & quod par est, alicui par esse dicitur. Quanquam non omnia quæ cum aliquo comparantur, illud magis & minus admittunt. neque enim duplum magis aut minus duplum, quam aliud habetur: nec quicquam eiusdem generis.

Omnia uero quæ in hoc genere sunt, reciprocantur: uelut seruus, domini seruus: uicissimque dominus, serui dominus esse dicitur. Et ut duplum simpli, sic uicissim simplicum dupli simplicum habendum est. Itemque & maius minore maius, & minus maiore minus dicitur. Eadem est ratio cæterorum: nisi quod interdum casus dissimilitudo rationem dicendi commutabit. Quanquam enim scientia, rei quæ sub scientiam cadit, dicatur: tamen res quæ scientiæ subiecta est, scientiæ non dicitur, sed sub scientiam cadere dicitur. Et sensus, rei quæ sub sensum cadit, sensus est: uicissimque res subiecta sensui, non dicitur sensus, sed sub sensum cadere. At enim reciprocari nonnunquam ista non uidebuntur: quoties non accommodatum ad id quod dicitur, uerbum exprimit is qui rem declarat. ut si quis pennam auis esse dixerit, non uicissim dicat auem pennæ esse: cum præsertim primum quod dedit, non esset uerbum proprium, cum scilicet dixit pennam auis esse pennam. non enim hoc ipso quia auis sit, penna eius propria est, sed quia pennigera sit: siquidem plerisque alijs pennæ attributæ sunt, quæ in numero auium non habentur. Ergo si apte & accommodatè ad rationem dicendi uerbum exprimitur, continuo reciprocantur. uelut, penna pennigeri penna, uicissimque penniger penna penniger. Atque etiam hoc loco inter-

interdu  
men  
gubern  
probe  
bernacu  
bernacu  
tio. neni  
ratio dic  
structa  
bernacu  
Similis  
quàm  
habeat  
cillime  
propria  
deducit  
id quod  
ut a per  
culo-re  
& acco  
si cum a  
per se re  
quidem  
consensu  
na: siqu  
ad quod  
ti seru  
iussu  
inter co  
dici po

interdum sanè si nullum accommodatum sit rebus nomen impositum, nomina facienda sunt necessario: ut si gubernaculum dicatur nauis esse gubernaculum, haud probè fiat. neque enim hoc ipso quòd nauis sit, eius gubernaculum esse dicitur, cum naues sint quæ nulla gubernacula habeant. Itaque non est hoc loco reciprocatio. nauis enim non solet dici gubernaculi nauis: aptiorque ratio dicendi fiat, si gubernaculum rei gubernaculo instructæ esse dicatur: quandoquidem res instructa gubernaculo ob id dicitur, quòd gubernaculum habeat. Similis est ratio cæterorum. ut caput aptius capitati, quàm animalis: quippe cum non quia animal sit, caput habeat: carent enim capite multa animalia. Sed ita facillimè nomina imponentur rebus, quarum nulla sunt propria, si à primis, eorum etiam declinatione quadam deducantur nomina, quibus cum ipsa prima cõparantur. Id quod in ijs perspicere potest, de quibus modò diximus: ut à penna pennigerum, à gubernaculo quod gubernaculo regitur. Quare quæ cum aliquo cõferuntur, si aptè & accommodatè dicantur, reciprocantur omnia. Nam si cum alio aliquo conferantur quàm quod propriè ac per se respiciant, non reciprocantur. Dico autem, ne ea quidem uicissim inter se respondere posse, quæ omnium consensu reciprocantur, etiamsi imposita eis sint nomina: siquidem ad aliquid eorum quæ accidunt, non ad id ad quod propriè affecta sunt, accommodabuntur. ueluti seruus si non domini, sed hominis aut bipedis, aut cuiuspiam eius generis seruus dicatur, certè nulla futura est inter eos reciprocatio. neque enim homo esse serui homo dici potest, propterea quòd non est ea apta & propria

d                      dicendi



dicendi ratio. Quod si aptè & accommodatè ad id ad quod refertur, uerbum exprimat, apta ad ipsum illud semper erit dictio, etiam si omnia quæ aduentitia sunt, detrahantur: ipsi solis remanentibus, cum quibus illa conferuntur. Ut seruus si cum domino conferatur, profectò sublati detractisq; omnibus quæ domino a-scititia & aduentitia sunt: uelut cum bipedem esse, & natum ad scientiam & cognitionem, & hominem, relicto illo solo, cum herum esse, tamen semper ad ipsum refertur. Siquidem seruus, domini seruus nominatur. Nam si parum accommodatum ad id cum quo conferatur, nomen reddatur, sepe aratis cæteris omnibus, relicto autem eo uno cui adiunctum erat, minime cum eo conferetur. Accommodetur enim, exempli gratia, seruus ad hominem, & penna ad auem, seiungaturq; ab homine heri appellatio, iam seruus cum homine non comparabitur: itemq; ab aue separetur pennigeri ratio, non iam penna ueniet in numerum eorum quæ cum aliquo conferuntur. Sublato enim pennigero, nullius certè penna est futura. Quapropter uerbum accipiendum est, cum quo alterum ritè conferatur. Quod si nomen sit impositum, facilis est uerbi accommodatio: si nullum sit, profectò faciendum nouum necessarè est. Quæ si hoc pacto omnia tribuantur, perspicuum est, quæ cum aliquo conferentur, reciprocum iri omnia. Iam quæ sunt in hoc genere, simul sunt naturæ ordine. Ac in plerisque id uerum est, in alijs non item. Similè enim atque duplum est, & simplicum est: & si simplicum sit, duplum quoq; est: & si dominus sit, seruus sit necessarè est: & si seruus sit, & dominus. Similis est ratio cæterorum.

terorum  
que e  
aut sim  
dem est  
in omni  
citur, ca  
tia sub  
fere res  
In pau  
cum re  
Prater  
quoqu  
scientia  
scientia  
tia. At u  
quæ sub  
entia co  
terim o  
mante  
multa  
eorum  
sensui, se  
sensum,  
tollitur  
pore su  
quæ sen  
sis mor  
pne, nu  
est sens  
subtrah

# CATEGORIAE.

51

terorum. Atque etiam tollunt hæc inter se omnia. Neque enim sublato duplo, esse simplicum ullo pacto potest: aut simplo sublato, duplo loci aliquid relinquitur. Eadem est aliorum ratio, quæ sunt eiusdem generis. At non in omnibus ijs quæ cum aliquo conferentur, id uerè dicitur, ea simul esse ordine naturæ. Nam res ea quæ scientiæ subiecta est, prior est naturæ ordine scientia: quod ferè res postquam iam sunt, scientia comprehendamus. In paucis enim, aut in nullis potius, scientiam simul esse cum re quæ sub scientiam illam cadit, perspicui potest. Præterea sublata re quæ sub scientiam cadit, scientia quoque tollitur. At sublata scientia, id quod cadit sub scientiam non tollitur. Siquidem si nulla sit res subiecta scientiæ, non est scientia, quoniam nullius erit rei scientia. At uerò sublata scientia, nihil prohibet rem esse eam quæ sub scientiam cadat. Ut de orbis quadratura (si scientia comprehendi possit) necdum scientia est, cum interim cadere possit sub scientiam. Iam uerò sublato animante, nullus locus scientiæ relinquitur, cum interim res multæ comprehendi possint scientia. Similis etiam ratio eorum est, quæ in sensibus cernimus. Res enim subiecta sensui, sensu antiquior est. Sublata enim re quæ cadit sub sensum, sensus tollatur necesse est: sensu uerò sublato, non tollitur quod sensu percipi potest. Nam sensus et in corpore sunt, et circa corpora uersantur. Atqui sublata re quæ sensus mouet: etiam corpus, quoniam in ijs quæ sensus mouentia sunt habetur, tollitur. Et si nullum sit corpus, nullus futurus est sensus. Re igitur, quæ subiecta est sensui, sublata, sensus unà tollitur: sensus autem si subtrahatur, sensus mouentia, quæ sunt, minime tolluntur.

tur. Sublato enim animali, sensus quidem tollitur: corpus autem quod cadat sub sensum, remanet: ut calida, dulcia, amara, ceteraq; omnia quæ sensum mouent. Possremo, sensus una cum eo quod uim habet sentiendi existit: quandoquidem una cum animali sensus oritur. Res autem subiecta sensibus, animali & sensu antiquior est. Nam & ignis & aqua, & cetera eius generis ex quibus constant animantes, animalibus & sensibus omnibus antecedunt. Sensu igitur, id quod sensus mouet, est antiquius. Sed hoc loco quaestio quædam existit, nullane sit essentia, id quod uidetur in ijs quæ cum aliquo conferuntur: an id fieri possit in nonnullis secundis substantijs. Nam id quidem uerum est de primis substantijs, quippe cum nec tota, nec partes primarum naturarum ad aliqua referantur. Neq; enim aliquis homo, cuiuspiam homo dicitur: neq; hic uel ille bos, alicuius certus bos. Similis est ratio partium. Manus enim aliqua, non appellatur alicuius certa manus, sed alicuius manus: & caput quoddam, non cuiuspiam quoddam caput, sed alicuius caput uocatur. Quod idem in plerisq; secundis essentijs contingit. Ut homo, cuiuspiam homo non dicitur: nec bos, bos alicuius: nec lignum, alicuius lignum: sed alicuius possessio. Atq; id quidem perspicuum est, hæc talia omnia in ijs non esse quæ cum aliquo conferuntur. De quibusdam autem secundis essentijs quaestio est. Veluti caput, alicuius caput: & manus, cuiuspiam manus dicitur: itemq; cetera generis eiusdē. Videntur igitur hæc in ijs esse, quæ cum aliquo conferuntur. Ac si satis explicata perfecteq; tradita eorum est definitio quæ cum aliquo conferuntur, profecto aut magni negotij est substantiam nullam

nullam  
potest.  
quo con  
posita e  
contra b  
finimo in  
tur: tam  
est alter  
cum aliq  
qui ceru  
etiam u  
quod e  
piam in  
autem u  
aliquid  
sciat nec  
sit affect  
quo quo  
get, an  
id in reb  
lud cert  
plum pro  
sunt & o  
dem, an  
sciat qui  
sit melio  
tem, qu  
scet: op  
certo sci  
rat, nubi

# CATEGORIAE.

53

nullam in hoc genere esse docere, aut certe id fieri non potest. Sinsecus, suntq; ea demum in ijs quæ cum aliquo conferuntur, quorum uis omnis & natura in eo posita est, ut ad aliquid affecta sint, certe aliquid quod contra hæc ualeat, afferatur. Et quanquam prior definitio in omnia ea ualeat, quæ cum aliquo conferuntur: tamen non idem est, rem aliquam id ipsum quod est alterius dici, & rem aliquam id modo esse quod cum aliquo comparatur. Ex quo perspicuum est, eum qui certò sciat aliquid eorum quæ in hoc genere sunt, etiam illud cum quo confertur, probè intellecturum. quod etiam hinc intelligi potest. Nam si quis quippiam in ijs esse quæ cum aliquo conferuntur sciat (est autem uis & natura eorum quæ sunt in hoc genere, ad aliquid certo quodam modo affecta esse) illud etiam sciat necesse est, quam ad rem id ipsum quoquo pacto sit affectum. Nam si quam ad rem illud affectum sit quoquo modo prorsus ignorat, ne illud quidem intelliget, an ad aliquid affectum sit quoquo modo. Atque id in rebus singulis perspicui potest. Vt si quis hoc uel illud certò sciat duplum esse, is continuo cuius id sit duplum probè nouerit. Si enim nullius eorum quæ certa sunt & definita, duplum ipsum nouerit: ne illud quidem, an sit duplum, prorsus intelliget. Itemq; si certò sciat quispiam hoc uel illud esse melius, idem quo illud sit melius, statim probè intelligat necesse est: ob id autem, quo deteriore sit præstantius, non incertè cognoscet: opinio enim hæc non est scientia. Neq; enim adhuc certo sciet, deteriore melius esse: quoniam si res ita fecerat, nihil eo sit deterius. Quapropter illud quidem per-



spicuum est, si quis probe norit aliquid eorum quæ cum aliquo conferantur, eum necesse esse illud etiam probe nosse, cum quo conferatur. At uerò caput, manum, & cætera eiusdem generis, quæ sunt in essentijs, ea quidem quicquid sunt, quispiam certò sciat necesse est: id uerò cum quo conferantur, non necesse est. Cuius ea nim hoc caput sit, cuiusq; hæc manus, cognito capite, cognitaq; manu, certò sciri non potest. Non sunt igitur hæc in ijs quæ cum aliquo conferuntur. Quòd si hæc non sunt in ijs quæ cum aliquo conferantur, certo uerè dicitur, substantiam nullam in numerum eorum uenire, quæ cum aliquo conferantur. Quamquam autem difficile est, aliquem qui in his non sit multum diuq; uersatus, de his talibus certum aliquid affirmare; tamen singulatim de his quæstionem panere, magnæ utilitatis est.

#### De Qualitate.

Qualitatem autem uoco, ex qua quales nominamur. Qualitatis autem genera sunt plura. Vnum, habitus & affectio. Sed habitus hoc differt ab affectione, quòd habitus longinquior est, & permanentior: quales sunt scientia, atque uirtutes. Scientia enim in ijs est, quæ permanent, diuturnaq; sunt, etiam si scientia aliquis sit medioeriter instructus, nisi ui morbi aut alicuius eiusdem generis permagna inciderit mutatio. Eadem est ratio uirtutis. ut iusticia, ut temperantia, & cætera eiusdem generis, non facile euelli mutariq; possunt. At uerò affectiones facile commutari, celeriterq; euelli possunt, & distrabi: ut calor, ut frigus, ut morbus, ut bona uoletudo, omniaq; quæ sunt generis eiusdem. Nam & his

his homo quodam modo afficitur, & celeriter ex calore in frigus commutatur, & ex bona ualitudine in morbum. Quod idem in ceteris talibus contingit, nisi aliqua eorum longinquitate temporis in naturæ habitum sic transferantur, ut uel omnino tolli non possint, aut ægrè ejici, quæ tum habitus appellari licet. Illud autem perspicuum est, ex his in habitibus habenda esse ea quæ diuturniora sunt, quæq; permanentiora. Nam qui scientiæ aliquam particulam tenent non firma memoria, sed exili, in his habitum esse non solemus dicere, quanquam quodammodo affecti sunt scientia, aut in bonam, aut malam partem. Hoc igitur inter habitum & affectionem interest, quod hæc facile desistere potest: ille diuturnior est, difficulterq; diuellitur. Habitus uerò etiam affectiones sunt: affectiones autem non necesse est uicissim esse habitus. Nam & in quibus habitus insunt, hi etiam afficiuntur: & qui affecti sunt, hi non continuo habitibus sunt præditi. Alium genus qualitatis est, ex quo aliquos pugilum habitum gerere, & ad cursum uocare: alios ad bonam ualitudinem & ad morbos proclues esse dicimus: & omnino ea omnia quæ à ui naturalis, aut imbecillitate appellantur. Non enim ex eo hæc dicuntur, quod affecti sint quodam certo genere: sed quia uim quandam aut imbecillitatem eis natura tribuit, quæ aptos animos habent ad facile aliquid faciendum, nihilue patiendum. ut pugilum & cursorum habitum esse dicuntur, non ex eo quod affecti sunt quodammodo, sed quod natura ualent, aut non ualent, ad aliquid facile obcundum. Valentes etiam appellantur, quod uim habeant naturalem, ut non facile, nec leui de causa, de

statu suæ ualitudinis dimoueantur. Imbecilli autem, quod tam infirma sunt ualitudine, ut statim quauis ex causa commoueantur. Similis est ratio durorum & mollium. Durum enim dicitur ex eo, quod in eo uis insit quædam innata, impediens quo minus facile secari queat. Molle autem, quod in eo uis ea non insit. Tertium qualitatis genus conficiunt patibiles qualitates, ac perturbationes; in quo genere sunt dulcedo, amaror, acrimonia, quæque sunt eiusdem generis; itemque calor, frigus, candor, atrox. Has autem esse qualitates hinc perspicere potest, quod ea in quibus insunt, qualia ex eis nominantur. ut mel, quia dulcedine perfusum est, dulce appellatur; & candidum corpus, quod candore præstet. Quod idem in cæteris contingit. Sed patibiles qualitates uocantur, non quod ea quæ eas receperunt, affecta sint aliqua ex parte. neque enim mel ex eo dulce dicitur, quod affectum sit quippiam, nec quicquam tale. Itemque calor & frigus qualitates uocantur patibiles, non ob eam causam quod ea in quibus insunt, passa sint aliquid: sed patibiles qualitates ex eo dicuntur, quod in sensibus omnes hæ qualitates, quas modò nominavi, motum quendam & affectionem efficiant. Nam & dulcedo quendam motum affert gustatui, & calor tactui, & cæteræ eiusdem generis. At uerò candor & nigror, alijque colores, non eodem modo quod ea quæ diximus, qualitates dicuntur, sed quod à perturbationibus motionibusque natæ sint. Nam commutationes multas colorum ex perturbationibus oriri, hinc intelligi potest, quod quando quis pudore afficitur, ruber fit: & qui metuit, pallidus; itemque cæteris eiusdem generis. Quocirca si cui

natura

natura aliquam talem rationem tribuerit, uerisimile est eum simili fore colore. Quæ enim, cum pudore aliquis affectus est, in corpore nascitur affectio, eadem à naturæ institutione existere potest, ut naturæ etiam similis color oriatur. At quæ qualitates ortum habent & originē ab affectionibus, quæ uix tolli possunt, ac permanent, patibiles nominantur. Siue enim a prima institutione naturæ pallor aut atrox extitit, qualitas dicitur (quales enim ex eis appellamur) siue longo morbo aut ardore eadem comparatæ sunt qualitates, nec facile corrigi possunt, aut per omne tempus ætatis ualent, qualitates etiam hæc patibiles nominantur, siquidem ex ijs quales appellamur. Quæ autem ab ijs quæ facile euelli possunt oriuntur, motiones dicuntur, patibiles qualitates non item: quandoquidem non ex ijs homines quales nominantur. Neque enim qui erubuit, ob id ipsum quod pudore affectus est, ruber uocatur: nec qui metu expalluit, pallidus, sed potius nonnihil perturbatus fuisse dicitur. Ita perturbatioes sunt hæc quidem omnia, qualitates non sunt. Similiter in animo & patibiles qualitates dicuntur, & perturbationes. Quæ enim simulac orti sumus, ex motionibus quæ difficulter euelli possunt, oriuntur, eæ etiā qualitates nominantur: ut mentis è sua sede amotio, ut ira, et cætera eiusdem generis. Nam quales ex ijs nominamur: ut amentes, ut iracundi. Itemque omnes mentis ex suo statu depulsiones, quæ non natura, sed temere & fortuito hominibus eueniunt, aut quæ uix euelli possunt, & si quæ ijs similia: quippe cum ex ijs quales nominemur. At quæ constant ex ijs quæ facile ac citò dissipari possunt, uocantur perturbationes: ut si quis ira commotus, fiat iracundior.



cundior. Neq; enim iracundus appellatur ex eo, quòd in hac perturbatione iracundior existat: sed potius, quòd aliquid acceperit, & quasi passus sit, dicimus. Perturbationes igitur hæ, non qualitates uocantur. Quartum qualitatis genus est figura, & ea quæ in quoq; est forma, itemq; rectitudo & obliquitas, & si quid aliud his simile est. nã ex his aliquid quale dicitur. Nam & triangulum & quadratum, & rectum & obliquum esse, quale quiddam nominatur. Atq; etiam ex forma quale aliquid nominatur. Rara autem & crassa, aspera & læuia, quale quiddam illa quidem uidentur significare, sed aliena sunt ab ea quæ qualitatis propria est, affectione. situm enim potius uerba talia declarant. Crassum enim quid dicitur, quòd eius partes inter se propè cohæreant. Rarum autem id, cuius partes inter se disiunctæ sunt. Læuia, quòd partes quodammodo in rectum sitæ sint. Aspera, quòd partes aliæ emineant, aliæ superentur. Alia etiam fortasse sunt genera qualitatis: sed hæc sunt ferè quæ maxime in omnium ore uersantur. Ac qualitates quidem quid sint, qualesq; diximus. Qualia autem sunt ea, quæ ab eis sunt cognominata, aut quoquo alio modo deducta. pleraq; enim, ac ferè omnia, ab ijs nomina duxerunt: ut à candore candidus, à grammatica grammaticus, à iusticia iustus: itemq; cætera eiusdem generis. Sunt autem quidam, qui quoniam nomina nulla imposita sunt qualitati, nomina sua ab ea non trahant: uelut cursor & pugil, is qui ex ui innata nominatur, nomen non trahit ab ulla qualitate. neque enim imposita sunt rebus ijs nomina, ex quibus quales hi appellantur: perinde atque scientijs, à quibus hi pugiles

giles aut palæstriçi nominantur propter affectionem. Ars enim pugilum, & palæstra, & artes appellantur, à quibus quales ij nominis adiunctione & coniugatione appellantur. Interdum impositum nomen est qualitati, cum interim id quod quale ex ea dicitur, nomen non mutuatur ab ea: ut à uirtute, uirtute præditus. Virtute enim præditus dicitur aliquis, quod uirtutem habeat, nec est simplex à uirtute cognominatum: idq; in paucis contingit. Sunt igitur qualia ea, quæ nomina sua ab ijs qualitatibus, de quibus differui, sumpserunt, aut alio quodam modo ab ijs orta sunt. Est autem qualitatibus inter ipsas repugnantia; ut iusticiæ iniusticia contraria est, & candor atrori, itemq; cætera eiusdem generis. Eadem est eorum ratio, quæ ex ijs qualia nominantur uelut iusta iniustis contraria sunt, & nigra candidis. Nec hoc in omnibus contingit: rubris enim aut fusco, colorib; sue talibus nihil contrarium est, cum sine qualia. Illud etiam intelligendum est, si unum aduersorum in qualibus est, alterum etiam in ijs fore: quod singulatim cæteras categorias intuenti perspicere licet. uelut, Si iniusticiæ contraria sit iusticia, iusticia autem sit qualitas, qualitas iniusticia sui necesse est. Nulla enim categoria præter qualitatem, iniusticiæ conuenit & accommodatur. Similis est ratio cæterorum omnium quæ in qualitate contraria sunt. Recipiunt etiam intentionem & remissionem qualia. nam & album aliud alio albius dicitur, & aliud alio magis minusue iustum. Atque etiam incrementum ipsa ad se comparata recipiunt: quod enim album est, fieri potest albius. Sed in plerisque id fit, non in qualibus omnibus. Nam

iusticiam

iusticiæne alia, alia magis minusue iusticia dicatur, quæstio est. Quod idem in cæteris affectionibus contingit, nonnullis enim hæc in dubium ueniunt. Iusticiam enim iusticia minorem maioremue, aut ualetudine ualitudinem dici, non putant oportere. Alium quidem alio & magis ualere dicunt, et iustiores: quod idem fit in grammatica, cæterisque affectionibus omnibus. Sed ea quæ ex ipsis nominantur, sine ulla controuersia magis et minus sibi adiungunt. nam & alio alius peritior grammaticus est, & ualentior, & iustior. At uero triangulus & quadratum illud magis & minus non probant, neque ulla alia figura. Ea enim in quæ trianguli orbisque definitio ualeat, omnia æque trianguli orbisque sunt. Eorum autem quæ trianguli orbisque non recipiunt definitionem, nihil aliud alio magis dicitur. Nam nihilo magis quadratum, quam altera parte longius, est circulus: quippe cum in neutrum ualeat circuli definitio. Omnino autem, nisi utraq; rationem eius rei de qua agitur, recipiant, nunquam alterum altero magis minusue dicatur. Non igitur in omnibus qualibus, illud magis minusue dicitur. At eorum quidem quæ adhuc commemorata sunt, nihil est qualitatis proprium. Similia autem aut dissimilia aliqua in solis qualitatibus reperiuntur: præsertim cum nihil simile aut dissimile dicatur alia re ulla, nisi ex qua illud quale appellatur. Est igitur qualitatis proprium, ab ea aliquid simile aut dissimile nominari. Sed nihil est quod uerear, ne quis nos dicat, cum de qualitate disputaremus, multa enumerasse eorum quæ in ijs esse dixerim, quæ cum aliquo conferantur. Et si enim habitus & affectiones ad ea retulimus, quæ cum aliquo conferuntur, in ijsque sunt ferè qualitatatis

litatis genera omnia, tamen res singulæ nullæ in ijs reperiuntur. Nam & scientia quæ genus est, quicquid ipsa est, alterius esse dicitur (alicuius enim scientia uocatur) & res singulæ nullæ, quicquid ipsæ sunt, ad aliud referunt. Ut grammatica non dicitur alicuius grammatica, nec musica alicuius musica: nisi forte hæc ipsa propter genus, in ijs sunt, quæ cum aliquo conferantur, uelut grammatica, alicuius scientia dicitur, non alicuius grammatica: & musica alicuius scientia, non alicuius musica. Non sunt igitur res singulæ in ijs quæ cum aliquo conferuntur. Quales autem ex singulis scientijs nominamur, quoniam ea sunt in nobis: & artifices ex eo dicuntur, quod nonnulli singulis scientijs præditi sint. Quare singulæ scientiæ etiam qualitates erunt, ex quibus quales appellamur, nec in ijs sunt quæ cum aliquo conferuntur. Porro, si idem sit & in qualitatibus, & in ijs quæ cum aliquo conferuntur, non alienum est id ipsum in utroque genere collocare.

## Agere &amp; Pati.

Atque etiam agere pati quæ, & repugnantiam recipiunt, & magis ac minus. Calfacere enim & refrigerare sunt inter se contraria, & calefcere & frigere, & gaudere ac dolere. Reperitur igitur in his repugnantia, item magis & minus. Nam & calfacere magis ac minus licet, & minus calefcere & magis, & maiorem minoremque percipere dolorem. Illa igitur agere & pati, cum magis minusque copulantur. Atque de his quidem hæctenus. In ijs quæ cum aliquo conferuntur, situm esse, à situ nomen habere diximus. De cæteris Categorijs, quæ sunt, quando, ubi, & habere, quoniam apertæ sunt, & non obscu-

rae, nihil aliud trado nisi id quod initio dixi: Habere, idem declarare quod uestitum esse, & armatum esse: Vbi, ut in Lyceo, in foro, ceteraq; omnia quae de ijs dicta sunt. Ac de generibus quidem quae nobis proposuimus, satis multa dicta sunt.

#### De Contrarijs.

Nunc de contrarijs, quot modis opponi soleant, differamus. Contrariorum autem genera sunt quatuor. unum, eorum quae cum aliquo conferuntur: alterum, eorum quae aduersa dicuntur: tertium, eorum quae priuantia: quartum, eorum quorum alterum ait quid, alterum negat. Haec autem omnia, ut simpliciter rem proponam, contraria sunt in ijs quae cum aliquo conferuntur: ut duplum, simplum. in ijs quae aduersa dixi: ut bonum, malum. priuantia: ut caecitas & aspectus. aientia & negantia: ut sedet, non sedet. Ac ea quidem contraria quae cum aliquo conferuntur, quicquid ipsa sunt, contrarij esse dicuntur, aut quoquo modo aliter ad id affecta sunt. Ut duplum simpli, quicquid ipsum est, alterius esse dicitur: est enim alicuius duplum. Scientia enim, & res quae sub scientiam cadit, ut ea quae cum aliquo conferuntur, inter se contrario nomine opponuntur: quippe cum & scientia tota in re quae ei est subiecta uersetur: & res quae subiecta est scientiae, ad scientiam tota referratur. Res enim quae scientia comprehenditur, alicui scientiae subiecta est. Quae igitur, ut ea quae cum aliquo conferuntur, inter se contrario nomine opponuntur, quicquid ipsa sunt, contrarijs tribuunt, aut quoquo pacto inter se affecta sunt. At uero quae ut aduersa, contraria sunt, neutiquam inter se ita affecta sunt, ut uim naturamq;



naturamque suam inter se referant, sed tamen inter se  
 sunt contraria. Non enim bonum, mali bonum appel-  
 latur, sed contrarium. Differunt igitur hæc inter se con-  
 trariorum genera. Quæ autem aduersa sunt eiusmodi,  
 ut necesse sit alterum inesse in ijs quibus natura insunt,  
 aut de quibus dicuntur, inter ea nulla media interiecta  
 sunt. Quorum uero non est necesse inesse alterum, in  
 medio eorum aliquid est collocatum. ut morbus & bo-  
 na ualetudo in corpore nasci solent, & alterum necesse  
 est uel morbum uel bonam ualetudinem animantis cor-  
 pori conuenire. Impar etiam & par in numero dicitur,  
 alterutrumque necesse est in numero reperiri: nec inter a-  
 grotationem & ualeitudinem, par & impar, quicquam  
 medium interiectum est. Quorum non est necesse alter-  
 utrum inesse, in medio eorum aliquid collocatum est.  
 ueluti candor & atrox in corpore natura nascuntur, et  
 tamen non necessario alterutrum inest in corpore, cum  
 præsertim non omne corpus album sit, aut nigrum. Ita-  
 tem malum & bonum & in homine, & in alijs plerisque  
 que illa quidem dicuntur, sed tamen alterutrum non est  
 necesse in ijs inueniri de quibus dicuntur. non enim uel  
 mala sunt, uel proba omnia. Itaque his interiectum est  
 aliquid: ut inter album colorem, & nigrum, fuscus &  
 pallidus, & ceteri colores: & inter malum & bonum,  
 quod neque malum est, neque bonum. Ac nonnullis quor-  
 dam medijs rebus imposita sunt nomina: ut fuscus &  
 pallidus inter album & nigrum medijs sunt colores, &  
 ceteri eiusdem generis. In alijs non est facile id quod  
 medium est, nomine uno appellare & exprimere: defi-  
 nitur autem utriusque extremi negatione. uelut quod nec  
 bonum

bonum est, nec malum: quod nec iustum est, nec iniustum. Priuantia autem in eodem aliquo reperiuntur: ut in oculo cæcitas & aspectus. Atque ut rem in pauca conferam, in quo natura debet ac solet esse habitus, in eodem utrumque dicitur existere. Priuari uero tum denique dicitur aliquid eorum quæ apta sunt ad percipiendam rem, cum in quo debet inesse, aut quando debet haberi, nequaquam inest. Edentulum enim appellamus quempiam, non quod dentibus careat: & cæcum, non quod careat oculis: sed quod non habeat ea tum, cum natura apta sunt. Sunt enim quædam quæ à primo ortu oculis careant & dentibus, quæ tamen nec cæca nec edentula dicuntur. Priuari autem re, & habere rem, non idem est quod priuatio, & habitus: quoniam habitus est aspectus, priuatio cæcitas: nec habere oculos est ipse aspectus, nec cæcum esse ipsa cæcitas. Nam & priuatio quædam cæcitas est: & cæcum esse, est priuatum esse, non priuatio. Deinde si idem esset cæcitas, quod cæcum esse, profecto de eodem utrumque diceretur: nunc cæcus homo dicitur, cæcitas homo non dicitur. Videnturque inter se opponi, priuari re, & habere rem, more eorum quæ priuantia dicimus. Eadem est enim ratio repugnantiae. Ut enim cæcitas aspectui repugnat: sic cæcum esse etiam, & aspectum habere, inter se repugnant. Ne id quidem quod sub affirmationem & negationem cadit, idem quod affirmatio & negatio declarat. Nam & affirmans est oratio, affirmatio: & quod sub affirmationem & negationem cadit, res est, non oratio. Hæc autem inter se opponi ut assertio & negatio dicuntur, quoniam in ijs eadem ratio repugnantiae ualet. Nam ut assertio & negatio inter se contrariae sunt, ueluti

luti Sed  
nentur  
ponunt  
more e  
positi  
ligur  
dicitur  
ne cæci  
oculor  
dicitur  
cantur  
confer  
iunger  
aspectu  
more q  
inter se  
contra  
trum r  
nunt,  
dium i  
eo repe  
haberet  
inter pa  
median  
inueni  
neque  
hæc re  
rum, q  
re. Iam  
aliter

luti Sedet & Non sedet: sic res quæ utroq; eorum contine-  
 nentur, ut sedere aliquem & non sedere, contrario opo-  
 ponuntur nomine. Priuantia uerò non opponi inter se,  
 more eorum quæ cum aliquo conferuntur, hinc intelligi  
 potest: quòd uis eorum non ex mutua coniunctione intel-  
 ligitur & pendet. Non enim aspectus, cæcitatæ aspectus  
 dicitur, neq; ullo alio modo ad eam affectus est. Similiter  
 ne cæcitas quidem, aspectus cæcitus appellatur: uerùm  
 oculorum priuatio cæcitas dicitur, oculorum cæcitas nõ  
 dicitur. Præterea quæ cum aliquo conferuntur, recipro-  
 cantur omnia. Itaq; si in ijs cæcitas esset quæ cum aliquo  
 conferuntur, certè illud etiam reciprocaretur, quo cum  
 iungeretur. At ei uicissim non respondet. Neq; enim  
 aspectus, cæcitatæ aspectus nominatur. Atq; etiam ne  
 more quidem eorum contrariorum quæ aduersa dixi,  
 inter se contraria esse priuantia, hinc perspicitur. Nam  
 contrariorum eorum inter quæ non est medium, alteru-  
 trum necesse est semper inesse ijs quibus natura conue-  
 niunt, aut de quibus dicuntur. Inter ea enim nihil me-  
 dium interiectum esse posuimus, quorum alterutrum in  
 eo reperiretur necessario, quod uim ad id accipiendum  
 haberet: ueluti inter morbum & bonam ualitudinem,  
 inter parem numerum & imparem. Inter quæ autem  
 medium est, nunquam necesse est alterutrum in ulla re  
 inueniri. Neque enim necessario album est aut nigrum,  
 neque calidum aut frigidum, id omne quod uim habet  
 hæc recipiendi: quippe cum nihil prohibeat aliquid eor-  
 um, quæ inter hæc ipsa media sunt interiecta, conueni-  
 re. Tam uerò inter ea etiam medium aliquid est, quorum  
 alterutrum in eo non reperitur necessario, quod id reci-

pere

pere potest, nisi quibus natura alterum tributum sit: ut ignis natura calidus est, & nix alba. In his enim necessario alterum reperitur, non alterutrum, utrumvis occurrat. neque enim fieri potest ut ignis frigidus sit, aut nix atra. Ergo non necesse est, alterum eorum in omni re inesse, quæ uim habet ad recipiendum: sed in ea sola, cui alterum innatum est & insitum. atque ei alterum definitè conuenit, non alterutrum. At uero priuantium neutrum uerè dicitur, præsertim cum non semper necesse sit in eo quod recipere illa potest, inesse alterum. Cui enim nondum natura conuenit aspectus, is neque cæcus esse, neque despicere dicitur. Ita nunquam hæc in ijs esse possunt aduersis & contrarijs, inter quæ non est medium. Nec in ijs quidem, quibus medium interiectum est. Necesse est enim in omni re quæ uim habeat ad ea recipienda, inesse alterum: quoniam quod tempus à natura constitutum est ad despicendum, in eo animans uel cæcus est, uel despicit: atque eorum non præfinitè alterum dicitur, sed alterutrum. At uero eorum contrariorum inter quæ medium est, nunquam alterum in omnibus quæ recipere possunt, sed quibusdam solum: idque præfinitè alterum dicitur, non alterutrum, inest necessario. Quare perspicuum est, neutro modo priuantia inter se contraria esse, quo contraria sunt inter se ea quæ aduersa nominauimus. Postremo contrariorum quandiu res subiecta est, fieri potest inter ipsa commutatio, nisi si cui alterum natura sit tributum: ut igni calidum esse. Nam & ualentes in morbum incidere possunt, & alba nigra fieri, & frigere quæ calefcunt: ex bono etiam improbus, & uicissim ex malo probus effici potest. Præuius enim, si ad

meliorem

meliores  
beat ad  
femeluel  
Etam sap  
te magna  
uini apud  
rom intic  
rem prop  
tandem  
sapient  
ri muta  
gressus  
rem qu  
qui occu  
xit nec  
tia aut  
nerum  
quod in  
rum. N  
uerum  
conferu  
tato ad  
Itemq; d  
tur, cont  
falsum.  
Omnib  
rum esse  
sunt, sin  
contrarij  
re. Nam

meliorem usum rationemq; ex mala deducatur, iam ha-  
 beat ad uirtutem progressionis aliquantum. Cum autem  
 semel uel parū in uirtute processerit, profecto aut perfe-  
 ctam sapientiam mutatione morum cōsequetur, aut cer-  
 te magnam in uirtute faciet progressionem. Semper eo-  
 nim aptiores animos habet ad uirtutem, quamuis pa-  
 rum initio in ea processerit: ut uerisimile sit, cum maio-  
 rem progressum esse facturū. Quod si sit sempiternum,  
 tandem certe aliquando, nisi tempus impediat, perfectā  
 sapientiam consequetur. At priuantibus nulla inter se fie-  
 ri mutatio potest. Et si enim ex re in priuationē sit pro-  
 gressus & commutatio, tamē regressus ex priuatione in  
 rem quæ amissa est, fieri nullo modo potest. Neq; enim  
 qui oculis semel captus est, unquam postea iterum despe-  
 xit: nec caluus comam recepit, nec edentulus dentes. Aien-  
 tia autē & negantia non esse inter se contraria, ullo ge-  
 nerum quæ commemorauimus, ex hoc intelligi potest,  
 quod in his solis necesse est uerum unum esse, falsum alte-  
 rum. Nam nec contrariorum necesse est semper alterum  
 uerum esse, alterum falsum: nec eorum quæ cum aliquo  
 conferuntur, nec priuantium. Vt bona ualetudo & agro-  
 tatio aduersa sunt, neutrumq; nec uerum est, neq; falsum.  
 Itemq; duplum & simplum, quæ cum aliquo conferun-  
 tur, contraria sunt inter sese, nec alteram uerum est aut  
 falsum. Ne priuantia quidem, ut aspectus & cæcitas.  
 Omninoq; nihil quod in coniunctione non dicitur, ue-  
 rum esse aut falsum ullo modo potest. At quæ enumerata  
 sunt, simplicia, non coniuncta sunt omnia. In ijs etiam  
 contrarijs quæ coniuncta sunt, id non uidetur contingere.



contraria sint, tamen non est semper, horum alterum uerum esse, falsum alterum. Btenim si in uita maneat Socrates, alterum uerum, alterum erit falsum: sin ex uita excesserit, utrumq; falsum. Si enim Socrates nullus sit omnino, nec agrotare eum uerum est, nec ualere. In priuantibus si omnino nullus sit, neutrum uerum est: sin in uita sit, non semper alterum uerum, alterum falsum est. Cum enim despiciere Socratem, & cæcum esse Socratem, priuantia sint: tamen non necesse est alterum uerum esse, uel falsum. Nam quo tempore nondum ei natura aptus est aspectus, ambo falsa sunt: quo autem tempore in uita non manet Socrates, utrumq; etiam falsum est, & despiciere eum, & cæcum esse. At aientium & negantium, siue Socrates in uita sit, siue nullus sit omnino, semper alterum falsum, alterum uerum est futurum. Nam agrotare Socratem, & non agrotare, si is in uita maneat, perspicuum est alterum uerum esse, alterum falsum. Itemq; si discesserit ex uita. nam agrum esse eum, cum nullus sit omnino, falsum est: non agrum esse, uerum. Quare aientium & negantium proprium illud est, eorum alterum uerum esse semper, falsumq; alterum. Bono autem malum contrarium est necessario, idq; ex inductione rerum singularum intelligi potest: ut bonæ uoluntadini morbus repugnat, iusticiæ iniusticia, fortitudini ignauia, & cætera eiusdem generis. Malo uerò aliàs bonum, aliàs malum contrarium est. Nam parum & nimium, quæ sunt in malis, inter se sunt contraria: similiterq; mediocritas, quæ utriq; contrario nomine opponitur, in bonis est. Atq; id quidem in paucis perspicui licet: in compluribus semper bona malis sunt contraria.

Deinde

Deinde  
non est  
lentes si  
albi om  
cratem u  
non poss  
terum sit  
Socrate  
Socrate  
sunt ei  
ea quæ  
in corp  
pore: i  
Postre  
eodem  
psa gen  
eodem  
iusticia  
uirtus  
sunt uir

Prius  
ius est, &  
quis app  
quod tem  
meat con  
Nam si  
tem si si  
commea  
igitur h

Deinde contrariorum, si alterum sit in rerum natura, non est necesse esse alterum; quandoquidem si omnes ualentes sint, bona ualitudo erit, morbus non erit. Item q̄ si albi omnes sint, candor erit, atrox non item. Iam si Socratem ualere, & Socratem ægrum esse, contraria sunt, non possunt autem simul ambo eidem inesse: certè si alterum sit, stare alterum nullo modo necesse est. Nam si Socratem ualere uerum sit, non erit uerum, ægrotare Socratem. Atque etiam illud perspicuum est, in ijs quæ sunt eiusdem speciei aut generis, existere solere contraria ea quæ aduersa diximus. ut bona ualitudo, & morbus in corpore animantium: candor et atrox omnino in corpore; iustitia & iniustitia in animo hominis sitæ sunt. Postremò omnia contraria quæ diximus aduersa, uel in eodem genere, uel in contrarijs generibus sita sunt, uel ipsa genera sunt necessariò. Nam & candor ac atrox in eodem genere, quia eorum genus color est, sita sunt, & iustitia & iniustitia in generibus contrarijs: illius enim uirtus genus est, huius uitium. & bonum & malum non sunt ullius generis, sed ipsa sunt genera aliquorum.

## De modis prioris.

Prius aliud alio quadrisariam dicitur. Primum genus est, & aptissimum tempore, ex quo aliud alio antiquius appellatur. Antiquius enim quid dicitur ex eo, quod tempore antecedit. Alterum, à quo non retrò commeat consecutio: quo in genere unum duobus prius est. Nam si duo sint, continuo sequitur, unum esse. Vnum autem si sit, non necesse est duo esse. Ita non uicissim retrò commeat, consequens esse si unum sit, ut duo sint. Prius igitur huius generis dicitur, à quo non commeat retrò

uicissim consequentia. Tertiò, quodam ordine prius appellatur, id quod in artibus & orationibus uideri licet. Nam in artibus ijs quæ demonstrationes adhibent, aliquid prius ordine & posterius continetur: initia enim & elementa priora sunt ordine ijs quæ describuntur: & in grammatica, elementa priora sunt syllabis. eadem est ratio orationum: Principium enim prius est ordine, narratione. Extra ea etiam quæ enumerata sunt genera, quod melius est, & in maiore precio, id prius naturæ ordine uidetur. Solent enim plerique eos qui apud ipsos sunt in nomine & gloria, quosq; pluris faciunt, principes & antiquiores sibi dicere: quod genus ferè alienissimum omnium habetur. Atq; hi sunt ferè prioris modi, qui feruntur. Est etiam præterea aliud eius genus. Eorum enim quæ uicissim retrò commeant in argumentatione, quod causa est quomodocunque cur sit alterum, id rectè prius naturæ ordine dicitur. Esse autem eius generis quædam, hinc intelligi potest, quod esse hominem, & uera de eo oratio, sic reciprocantur, ut si homo sit, uera sit oratio, esse hominem: & si esse hominem uera sit oratio, sit homo. Vera autem oratio minimè causa est, cur res sit: resq; potius causa est quodammodo, cur uera sit oratio. Nam quia res sit, aut non sit, idcirco uel uera uel falsa oratio dicitur. Quinq; ergo modis alterum altero prius habetur.

#### De modis Simul.

Simul autem sunt ea omnino & propriè, quorum ortus in eodem tempore est. Neutrum enim horum nec prius nec posterius esse potest. Hæc autem simul in tempore dicuntur. Natura uerò simul sunt ea, quæ reciprocantur

eantur illa quidem in argumentatione, qua si unum sit, alterum esse concluditur, sed neutiquam alterum causa est ortus alteri: quod in duplo & simplo cernere licet, quæ sic reciprocantur, ut si duplum sit, etiam simplum sit; & si simplum sit, sit duplum, & neutrum causam alteri ortus afferat. Atque etiam ea quæ ex eodem genere quæ ex altera parte diuidendo respondent, simul natura esse dicuntur. Ea autem ex altera parte cum diuiduntur inter se respondent, quæ ex eadem sunt diuisione: ut pennigerum, terrenum & aquatile, in quæ animal diuiditur. Atque horum neutrum altero prius est, sed simul natura sunt. Quæ eadem in species secari possunt, ut dicamus pennigerum aliud gradens, aliud aquatile. Sunt igitur illa etiam simul natura, quæ cum sint ex eodem genere, eadem diuisione continentur. Genera autem formis antiquiora sunt semper. Neque enim uicissim retrò commeant, cum esse unum si sit, alterum conficitur: ut si sit aquatile, sit animans: at si sit animans, non sit necessarîo aquatile. Sunt igitur simul natura, & quæ reciprocantur, cum neutrum causa sit ortus & status alteri: & quæ inter se ex eodem genere diuiduntur. Sed ea omnino simul sunt, quorum ortus eodem est tempore.

## De Motus generibus,

Motus autem sex sunt generis, ut ortus, ut interitus, ut accessio, decessio, commutatio, & loci commutatio. Accedens quidem motiones inter se differre, hinc perspicui potest, quod ortus non est interitus, nec incrementum imminutio, nec loci commutatio. Eadem est ratio categoriarum. In commutatione autem hoc dubium est, sit ne

neceſſe, id quod commutatur, ex aliqua ſuperiori motio-  
 ne mutari. Quod non ita eſt. Accidere enim poteſt, ut o-  
 mnibus perturbationibus, aut certe permultis agitemur,  
 cum interim nulla cæterarum motionum in huius ueniat  
 ſocietatem. Neq; enim aut crefcere, aut imminui neceſſe  
 eſt, id quod ex perturbatione mutatur. Similis eſt ratio  
 cæterarum. Ita neceſſe eſt diuerſam eſſe à cæteris mo-  
 tionibus commutationem. Etenim ſi eadem eſſet, profe-  
 ctò quod commutatur omne uel augeri oporteret, uel di-  
 minui, uel aliquem alium motum conſequi. At non eſt  
 neceſſe. Similiterq; id quod crefcit, aut alio motu agitas  
 tum eſt, commutaretur neceſſariò. Atqui ſunt quædam,  
 quæ cum crefcant, eadem tamen nulla conſequitur com-  
 mutatio. uelut quadratum circumiecto gnomone, crefcit  
 illud quidem, ſed tamen nihil commutatur. Quod idem  
 in cæteris fit eiufdem generis. Quare differunt inter ſe  
 motiones. Motui autem omnino quies contraria eſt, ſin-  
 gulisq; ſingulæ. Nam & ortui contrarius eſt interitus,  
 & acceſſioni abſceſſio, & loci commutationi in loco  
 quies. Sed in loci mutatione maxima repugnantia dici-  
 tur: ut loci infimi mutationi, ſummi commutatio: &  
 ſummi mutationi, infimi loci mutatio maximè aduerſa-  
 tur. At uerò reliquæ motionis, non eſt facile explicare,  
 quòdnam ſit contrarium. Nec contrarium illius ullum  
 eſt, niſi quis etiam in hac quietem quæ ad qualitatem per-  
 tineat, mutationi in contrariam qualitatem contrario  
 nomine opponat: ſicut in loci mutatione, quietem in lo-  
 co, aut in contrarium locum mutationem. Eſt enim com-  
 mutatio nihil aliud, niſi in qualitatem mutatio. Ita con-  
 traria eſt qualitatis mutationi, quies quæ in qualitate  
 ſpectatur,



ſpectatur, uel certè in contrariam qualitatem mutatio. ut album fieri, & nigrum fieri, contraria ſunt: quippe cum commutatio ſequatur, quoties in contrariis qualitates ſit mutatio.

Habendi etiam genera ſunt plurima. Aut enim habere ut habitum & affectionem dicitur, aut aliam aliquam qualitatem. Scientiam enim & uirtutes habere dicimur. Vel ut quantitatem. ut qui certa eſt magnitudine, dicitur magnitudinem habere trium quatuorue cubitorum. Vel ut ea quæ corpus uestiunt: ut uestem aut tunicam habere dicitur quiſpiam. Vel in parte, ut in digito annulum. Vel tanquam partem, ut manum uel pedem. Et tanquam in uafe: ut modius habet & continet triticum, uel uinum amphora. nam et amphora uinum, & modius triticum continet. Hæc enim omnia, quia ut uas quoddam illa continent, illa ipſa habere dicuntur. Habere etiam aliquid ut poſſeſſionem dicimus, ueluti domum & agrum. Atq; etiam uir mulierem habere, & uirum mulier dicitur. Quæ ſignificatio uerbi habendi una ex omnibus alieniſſima eſt: neq; enim aliud habere mulierem iudicamus, niſi unâ in domo habitare. Sunt alij quoq; fortasſe habendi modi: nos quidem omnes ferè expoſuimus, qui crebris uſurpantur ſermonibus.

F I N I S.

e 5

ARI.

ARISTOTELIS DE INTER-  
pretatione Liber, Ioachimo Perionio interpre-  
te: per Nic. Grouchium correctus  
& emendatus.

**N**omine constitutendum est, quid sit no-  
men, quid uerbum, tum quid negatio  
& affirmatio, postremo quid enun-  
ciatio & oratio. *Mētis* quidem inter-  
pres est oratio, scripta orationis. Atque  
ut non *ī*isdem literis, sic nec uocibus  
quidem omnes *ī*isdem utuntur. At uerò & sensa animi,  
quorum primum uerba nota sunt, & res quarū sensus  
animi speciem gerūt: idem apud omnes ualēt. Sed de his,  
in libris de Animo diximus. non enim ad institutum ser-  
monem pertinent. Ut autem in animo interdum ueri &  
falsi noticia expers est, interdum necesse est alterutrum  
interesse: sic in oratione. uerū enim et falsum coniuñctio-  
ne & disiunctione rerū omne consistit. Quocirca perce-  
ptioni animi, ei quæ à uero & falso abest, nomina &  
uerba respondent: ut homo, ut id quod album est, cum ni-  
hil additur præterea. neque enim uerū quicquā, falsum uē  
enunciatur. Id quod hinc intelligi potest, quod Trage-  
phi uerbum aliquid illud quidem significat, sed nondum  
quicquam uerē aut falso dicitur, nisi aut esse aut non esse  
omnino adiungatur, aut ad tempus accommodetur.

De Nomine. Cap. I.

Nomen igitur, uox est ex instituto significans, omnis  
expers temporis, cuius pars nulla quicquam declarat se-  
paratim. Nam in reipublica uerbo, publica nihil per se  
significat.

## DE INTERPRETATIONE. 71

significat: ut in hac oratione, Res publica. Sed non est simplicium iunctorumq; nominum eadem ratio, propterea quod in illis pars nullo modo significat: in his pars uidetur illa quidem posse significare, sed tamen separatim in hoc toto sumpti nihil declarat omnino: uelut in hoc uerbo Pronomen, nomen nihil per se significat. Ex instituto autem dixi, quod nullum nomen natura constet, sed cum quasi nota quaedam ad aliquid significandum erit impositum. Nam soni ij qui nullis literis exprimuntur, quales sunt beluarum, aliquid illi quidem significant, attamen nullus eorum ad nomen pertinet. Non homo etiam nominis uim non obtinet, nec ei nomen ullum impositum est, quo appelletur: quandoquidem nec oratio est, nec negatio. Appelletur sane nomen infinitum, quod æque in quauis re dicatur, tam quæ est, quam quæ nulla est. Hæc uero, Ciceronis, & Ciceroni, & cætera eiusdem generis, non nomina, sed casus nominis uocentur. Huius hæc ratio est, quod cum alia omnia eis sint cum nomine communia, iuncta tamē uerbo est, aut erit, nec uerū, nec falsum significanti quod in nomine fit semper. uelut his orationibus, Philonis est, uel non est, nondum quicquam uerē, falso uē dicitur.

### De Verbo. Cap. II.

Verbum autem id est, quod tempus adsignificat, cuius pars nulla significat separatim, semperq; ea declarat & indicat quæ de altero dicuntur. Tempus autem dico adsignificare: ut ualetudo nomen est, curari uerbum, quod instans & præsens significat, & semper ea quæ de altero dicuntur indicat: qualia ea sunt quæ de subiecto dicuntur, uel in subiecto insunt.

Non curatur autem, & non incidit, non appello uerba, quanquam significatione sua tempus includunt, & in re aliqua semper coherent. Et quoniam nomen eis nullum impositum est, uerba infinita appellari licet. quandoquidem tam in eo quod est, quam in eo quod non est, æque dicuntur. Itemque; curabitur, & curatus est, non sunt habenda uerba, sed casus uerbi. Hoc autem à uerbo differunt, quod præsens tempus, uerbum significat: illa id omne, in quo interiectum præsens est. Ac uerba si sola dicantur, nomina sunt, significantque; aliquid. nam et qui ea enunciat, intelligentiam imprimit in animo: & qui audit, quiescit: sit autem, nec ne sit res, nondum exponit. Neque enim illud, esse, aut non esse, rem declarat: nec si ipsum ens per se solum dicas nudum, est. id enim nihil est, significat aut coniunctionem quandam, quæ intelligi sine ijs quæ copulantur, non potest.

## De Oratione. Cap. III.

Oratio est uox quæ significat, cuius pars aliqua seium sita separataque; ut nomen, non ut affirmatio aut negatio, significat. uelut homo aliquid significat, non rem esse, aut non esse: cui tamen si quid adiunctum sit, uel affirmatio erit, uel negatio: non significat autem uocabuli hominis una syllaba. Neque enim in hoc uerbo forex, illud rex quicquam declarat, sed uox est solum. In iunctis autem significat illud quidem, ut dixi, sed non per se. Quanquam autem ex instituto, quemadmodum dixi, non ut instrumentum, omnis significat oratio: non tamen omnis enunciat ac dicit, sed ea sola quæ uel uerum uel falsum complectitur. Neque enim omnes id complectuntur, uelut precatio, oratio est illa quidem, sed nec uera, nec falsa. Ac cætera quidem

DE INTERPRETATIONE. 77

quidem quoniam artis rhetoricæ uel poëticæ propriæ sunt, ab hac arte omnes expelli ac repudiari debent: quæ autem quid de quodam dicit, ea sola retinenda est. Est autem primū enunciationis unius genus Affirmatio, deinde Negatio. cæteræ una coniunctione fiunt. Sed omnis ex uerbo, aut casu uerbi, constet enunciatio necesse est. Etenim hominis definitio, nisi est, uel erat, uel erit, uel aliquid tale adiungatur, nondum quicquam enunciat: propterea quod totum hoc Animal gradens bipes, unum quiddam est, non multa: neque enim unam conficiunt orationem, propterea quod continentur, ac sine ulla interspiratione pronunciantur hæc uerba. Verum id non est institutæ disputationis. Vna autem enunciatio est, quæ aut unum aliquid declarat, aut quæ una sit per coniunctionem. Multæ uerò, quæ uel multa, & non unum aliquid significat, uel carent coniunctionibus. Ac nomen quidem & uerbum uocabula sunt tantummodo, quandoquidem uerè id dici non potest, eum qui sic aliquid uoce exprimat, enunciare aliquid, siue rogetur, siue non rogetur: sed si quādo quicquam uno uerbo enunciat, id eo tantū fit, quod ita uelut qui ita loquitur. Harum autem nūciationum simplex alia est, ut quæ aliquid de quodam dicit, uel aliquid cuiusdam inesse negat. alia autē quæ ex his constat, iam quasi coniuncta oratio est. Sed simplex pronunciatum, est oratio quæ aliquid de quodā dicit, uel negat, pro ratione temporum. Affirmatio est enunciatio, quæ aliquid de quodam dicit. Negatio est enunciatio, qua aliquid inesse cuiusdam negamus. Quando autem quod in aliquo inest, negari potest inesse: & quod abest alicui, dici potest adesse: & quod adest, adesse confirmari potest: & quod abest,



abest, abesse: itemq; in cæteris temporibus, quicquid aliquis alteri tribuerit, id omne detrabere potest: & quod detraxerit, attribueret: profecto omni affirmationi negatio, omniq; negationi contraria sit affirmatio necesse est. Sic autem contradictio, affirmatio negatioq; contraria. Opponi autem contradictorio nomine dico, eam quæ eiusdem rei est, & de eadem re dicit, de qua altera, non dicitur, cæterisq; omnibus adiunctis, quæ contra Sophistarum molestus rationes adferre solemus.

De subiectis & prædicatis enunciationum. Cap. IIIL

Quoniam autem res partim uniuersæ sunt, partim singulæ (uniuersas autem appello eas, quæ suapte natura dicuntur, in multis: singulas, quæ non dicuntur: ut homo, in rebus uniuersis est: in singulis, Callias) necesse est effari inesse aliquid, aut non inesse rerum uniuersarum cuiquam, aut singularum. Ac si quis aliquid uniuersæ inesse, aut non inesse in quadam re uniuersa confirmet, contrariæ erunt enunciationes. dico autem in re uniuersa uniuersæ dici, uelut in his, Omnis homo albus est, Nullus homo albus est. Sin autem de re uniuersa, non uniuersæ quid enuncietur, non sunt enunciationes contrariæ: attamen fieri potest, ut quæ declarantur ac significantur, contraria sint. Appello autem non uniuersæ aliquid de re uniuersa eloqui, quales hæ sunt enunciationes, Homo est albus, Homo non est albus. Nam cum homo in rebus sit uniuersis, sine uniuersi generis nota accipitur enunciando. uerbum enim Omnis, non est res quædam uniuersa, sed uniuersa generis tantum nota. In attributo autem uniuersali, si notam uniuersi generis addas, nunquam uerè affirmabis,

DE INTERPRETATIONE. . 59

mabis. neq; enim uera esse ulla potest assertio, in qua cū  
uniuersale sit attributum, uniuerse enunciatur. Ex quo  
genere illa est enunciatio, Omnis homo, omne animal  
est. Assertio igitur negationi contradictorio nomine  
opponitur, quæ rem uniuersam in eodem inesse dicit, sed  
non omnino. ut, Omnis est homo albus: & Non omnis  
homo est albus. Nullus homo albus est, Aliquis homo est  
albus. Contrario uerò nomine opponitur rei uniuerse  
assertio, rei uniuerse negationi: quales hæ sunt, Om  
nis homo iustus est, nullus homo iustus est. Quocirca  
esse hæ simul ueræ nullo modo possunt. At his contra  
riæ simul in eodem dici uerè possunt: ut, Non omnis ho  
mo albus est, & aliquis homo albus est. Quapropter  
quæ ex rebus uniuerfis contradictoriæ constant, idq; cū  
uniuersi generis nota, earum necesse est alteram ueram  
esse, uel falsam. Itemq; earum quæ ex singulis constant:  
quales hæ sunt, Albus est Socrates, non est albus Socra  
tes. Quæ autem ex uniuerfis rebus nulla adiecta generis  
uniuersi nota constant, earū non semper una uera est, fal  
sa altera. Nam hæ simul ueræ dicuntur, Est homo albus,  
Non est homo albus. Et hæ, Est homo pulcher, Non est  
homo pulcher. Nā & si quis turpis sit, non est formosus:  
& tum cum sit aliquid, id nondū est. Sed hoc statim alie  
nū uideri potest: propterea quod hæc enunciatio, Nō est  
homo albus, idem etiam quod illa simul, Nemo est albus,  
ualere uideatur. Sed nec idem ualet, nec simul etiam illā  
declarat necessariō. Vni autem negationi unam affir  
mationem contradictorio nomine opponi, hinc intelligi  
potest, quod idem negari negatione oporteat, quod af  
firmatione confirmatum sit, & de eodem, uel eorum  
aliquo

aliquo quæ sunt in rebus singulis, uel eorum quæ sunt in  
 uniuersis: idq; uel adiecta uniuersi generis nota, uel nul-  
 la apposita: ut, Socrates albus est, Socrates albus non  
 est. Sin autem aliquid aliud eidem inesse negatur, aut as-  
 lij cuipiam, non opponetur hæc illi contrario nomine,  
 sed altera. Huic enim enunciationi, Omnis homo est al-  
 bus, hæc repugnat, Non omnis homo est albus: & huic,  
 Aliquis homo est albus, hæc, Nullus homo albus est. I-  
 tem huic, Est homo albus, illa, Non est homo albus. Ac  
 unam quidem affirmationem uni negationi contradi-  
 ctorio nomine opponi, qualesq; essent, dixi. Hoc etiam  
 docui, alias esse contrarias, & quales essent: contradi-  
 ctionemq; non omnem ueram esse, aut falsam: quaq; de  
 causa, & quando uera esset, aut falsa. Est autem una af-  
 firmatio & negatio, quæ unum aliquid de uno dicit, aut  
 de toto genere, aut citra ullam notam: ut, Omnis homo  
 albus est, Non omnis homo albus est: Est homo albus,  
 Non est homo albus: Nemo albus est, Aliquis homo al-  
 bus est, si modò albi uerbum unum significet. Nam si  
 duobus nomen unum impositum sit, ex quibus constare  
 non possit unum: non ea una & simplex affirmatio aut  
 negatio est. Vt si quis equo & homini nomen uestis im-  
 ponat, itaq; enunciet, Vestis alba est, hæc neq; affirmatio  
 simplex sit, neq; negatio. Hæc enim idem ualet ac si di-  
 cas, Homo est, & equus, albus: nihil autem hoc aliud est,  
 quàm si diceres, Est homo albus, & est equus albus.  
 Quod si hæc plures sunt, multa q; declarant, certè prima  
 uel multa declarat, uel nihil: quandoquidem nemo e-  
 quus est. Quare ne in his quidem una uera est, altera fal-  
 sa necessariò.

## DE INTERPRETATIONE. 31

De futuris contingentibus.

## Caput V.

In instantibus igitur ac præteritis affirmatio aut negatio uera sit uel falsa necesse est: in ijsq; ut dixi, quæ cum rebus uniuersis uniuersi generis notam habent, semper altera uera est, altera falsa necessario. Itemq; in ijs quæ sunt ex rebus singulis. In ijs autem quæ sunt ex rebus uniuersis, non tamen de toto genere dicunt, non necesse est, de quibus etiam diximus. At uerò in enunciationibus quæ de rebus singulis & futuris dicunt, non ita est. Si enim omnis aut uera aut falsa enuntiatio est, certe omnia sint, aut non sint, necesse est. Nam si hic aliquid fore dicat, ille idem neget fore, profectò necesse est uerè alterutrum dicere, si modo omnis enuntiatio uera est, aut falsa: quandoquidem in eodem simul utrunq; non intelligitur. Etenim si uerè dicitur, esse album aliquid, aut non esse album, necesse est id esse album, aut non esse album. Et si est album, aut non est album, uerè id dictum fuit, uel negatum. Et si non inest, id falsum est: quòd si falsum, nec inest. Ita necesse est ex æternitate, uel affirmationem uel negationem uerā fuisse uel falsam. Nihil igitur euenit, neque fit fortè, temerè, casu: nihil in alterutram partem aut cadet, aut non cadet: sed ex necessitate omnia fiunt, quæcunq; fiunt, nilq; est quod utranq; in partem habet æquabile euentum. Nam aut is uerè dixit, qui rem confirmauit fore, aut is qui negauit: si autem æquabile esse utranq; in partem, par ratio esset, ut aut fieret, aut non fieret. Quod enim utramque in partem cadit, non hoc modo potius, quàm illo euenit, aut futurum est. Præterea si quid album sit

f hoc

hoc tempore, fuit uerum, album in futurum esse. Ita ex  
 æternitate fuit uerum, quicquid sit, id aut esse iam, aut  
 futurum esse. Quod si ex æternitate fuit uerum aliquid  
 esse iam, aut futurum esse, certè id non potest non fieri,  
 aut fore. Quod autem non potest non fieri, fieri non po-  
 test ut non sit: quod autem ut non sit fieri non potest, id  
 necesse est fieri. Quicquid igitur futurum est, id fieri ne-  
 cesse est. Ita nihil in alterutram partem cadit, neq; for-  
 tuito. Si enim fortuito, non ex necessitate. Sed ne illud  
 quidem uerè dici potest, neutram partem esse ueram:  
 hoc est, neque futurum quicquam, neque non futurum  
 esse. Primum enim id eueniet: si falsa sit affirmatio, ue-  
 ram non esse negationem: & si hæc falsa sit, non esse  
 ueram affirmationem. Deinde si uerum est, album ali-  
 quid simul & magnum esse, duo illa sint necesse est. Et  
 si cras futurum utrumq; uerum sit, cras erit. Si autem  
 nec futurum est, nec minus futurum cras, exempli causa,  
 bellum nauale, id certè non erit ex eorum numero, quæ  
 pariter utraq; in partem cadere possunt. quoniam nec  
 fieri nauale bellum necesse est, nec minus fieri. Atq; hæc  
 sunt incommoda, & alia eiusdem generis, quæ suscipere  
 cogimur, si necesse sit ex omni affirmatione & nega-  
 tione, quæ contradictorio nomine opponatur, siue in ijs  
 quæ rebus uniuersis constant, siue quæ ex singulis, alte-  
 ram ueram esse, alteram falsam, nihil scilicet in alteru-  
 tram partem casurum esse in ijs quæ sunt, sed omnia es-  
 se, aut futura esse, ex necessitate. Qua ratione omnis è ui-  
 ta tolletur & deliberatio, & actio. quoniam si hoc fa-  
 ciamus, illud euenit: & si hoc minimè faciamus, nō eue-  
 niet. Nihil enim prohibet, ad decem millia annorū hunc  
 confirmare,



confirmare, hoc uel illud fore, alterum negare, ut ex ne-  
 cessitate eueniat, quod in alterutram partem tum ei lice-  
 bat uere dicere. neq; uero interest utrum pronunciarint  
 aliqui contradictionem, necne pronunciarint: quippe  
 cum perspicuum sit, hoc uel illo modo res euenire solere,  
 etiamsi nihil nec hic confirmet, nec ille neget futurum.  
 neq; enim quia confirmatum est, aut negatum fore ali-  
 quid, idcirco id futurum est, aut non futurum, uel ad de-  
 cem milia annorum, uel quouis tempore. Quare si ex o-  
 mni aeternitate ea uis & natura rerum fuit, ut una uera  
 esset, necesse fuit eam fieri. Ita omnium rerum ea uis fuit  
 ex aeternitate, ut ex necessitate fierent. si quis enim uere  
 dixerit fore aliquid, id non potest non fieri. Et quod fa-  
 ctum est, id ex aeternitate fuit uerum, futurū esse. Atqui  
 si hæc sint, multa sequuntur incommoda. Videmus enim  
 rerum futurarum initium & consilio indagari, & a-  
 ctione: omninoq; in ijs quæ non semper agunt aliquid,  
 cernimus illa duo, æque agere ea posse, & non posse: in  
 quorum quidem potestate utrumq; situm sit, & ut res  
 sit, & ut ne sit. quare etiam ut fiat, & ut non fiat. Mul-  
 taq; adeo nobis nota sunt, quorum uis est talis. uelut ue-  
 stis hæc frangi potest, et discindi, nec frāgetur, sed prius  
 atteritur. Similiterq; fieri potest ut non discindatur.  
 Non enim prius atteri posset, nisi fieri posset, ut ne discin-  
 deretur. Similis est ratio eorum omnium in quibus eadem  
 uis reperitur. ex quo perspicuum est, nec esse, nec fieri ex  
 necessitate quæcunq; fiant, sed alia in utramque partem  
 cadere posse: nec affirmationem in ijs ueram aut falsam  
 potius quam negationem esse. alia esse in quibus alterum  
 magis & plerumque fiat, ita tamen ut alterum euenire  
 f 2 possit,

possit, alterum minimè. Ac quicquid est in rerum natura, id sit quandiu stat: & quod non est quandiu non stat, id non sit, necesse est. Attamen nec quod est, id omnino esse necesse est: nec quod non est, non esse. Neque enim ex necessitate esse quicquid est quia sit, idem ualet quod omnino esse ex necessitate. Quod idem dicendum est in ijs quæ non sunt. Eadem est etiam ratio contradictionis, in qua omne necesse est uel esse uel non esse, fore uel non fore. Quanquam non est necesse eum qui separatim accipiat uerè alterum dicere, ut necesse est nauale bellum cras geri uel non geri, non tamen geri cras bellum nauale necesse est, aut non geri, etiam si illud, geri aut non geri sit necesse. Quoniam igitur eadem ratio est ueritatis orationum & rerum, certè necesse est ea omnia, quorum ea uis & natura est, ut utranq; in partem inclinent, contrariaq; recipiant, eadem ratione etiam contradictione contineri. Quod in ijs etiam rebus fit, quæ non semper sunt, quæq; non semper non sunt. Ex his enim necesse est alteram contradictionis partem ueram esse, alteram falsam: non quidem hanc uel illam, sed alterutram. Et quanquam ad ueritatem altera propius accedit, tamen non iam uera est, uel falsa. Ex quo efficitur, non necesse esse in enunciationibus contradictorijs alteram ueram esse, alteram falsam. Non enim eadem ratio est eorum quæ sunt in rerum natura, & eorum quæ non sunt, esse autem uel non esse possunt: sed sicut diximus, ita res habet.

De enunciationibus infinitis.

Cap. VI.

Quoniam autem affirmatio omnis quiddam de quodam

dam dicit, idq; uel nomen est, uel uacat nomine: quod autem in affirmatione continetur, id & unum esse, & de una re dici debet; quod autem de nomine, & de eo quod uacat nomine modo dixi, ad id referendum est, quoniam non homo, non nomen, sed infinitum nomen appello. nam unum quiddam significat quodammodo nomen infinitum: quemadmodum non ualet non uerbum dico, sed infinitum: profecto omne effatum aut ex nomine & uerbo, aut ex infinito nomine uerboq; constet necesse est. Esse autem effatum sine uerbo nullum potest. Nam uerba illa, Est, fuit, erit, fit, & cetera eiusdem generis, quoniam tempus ad significant, in ijs sunt quæ uerba esse supra posuimus. Prima igitur erit affirmatio & negatio, Homo est, Homo non est. Deinde hæ, Non homo est, Non homo non est. Tum hæ, Omnis homo est, Non omnis homo est. Postremo hæ, Omnis non homo est, non omnis non homo est. Eadem est ratio temporum, quæ præsens utraq; ex parte claudunt.

Cum uero uerbum est, in oratione tertium dicitur, tum duo contrario nomine oppositarum pronunciationum genera nascuntur: quod autem dixi, hoc exemplo intelligi potest, Homo iustus est: hic enim tertium, siue nomen, siue uerbum est, uerbum Est. Ob eamq; causam hæc quatuor erunt, quorum duo affecta erunt eodem modo ad affirmationem & negationem, quo priuationes: alia duo non erunt. Quatuor autem fieri dixi, quoniam est, uel nomini iusti coniungi potest, uel non iusti. Quod idem fit in negatione. Sunt igitur quatuor. Sed quod dixi, ex hac descriptione intelligi licet.

A. Homo iustus est.

C. Non iustus non est  
homo.Huius  
negatioC. Homo non est ius-  
tus.A. Non iustus est ho-  
mo.

In his enim Est, & non est, nominibus iusti, & non iusti adiunguntur. Atq; hæc quidem eo ordine disposita sunt, quem in Analyticis ostendimus. Nec diuersa erit ratio, si nominis fiat affirmatio, adiecta generis uniuersi nota.

A. Omnis homo ius-  
tus est.C. Non omnis homo  
non iustus est.Cuius ne-  
gatio estC. Non omnis ho-  
mo iustus est.A. Omnis homo est  
non iustus.

Nisi quod non possunt æque ueræ simul esse enuncia-  
tiones eæ, quæ rectis lineis ex diametro inter se respon-  
dent. Sed tamen ueræ sunt interdum eodem tempore.  
Atque hæc quidem duæ contradictiones sunt. Aliæ au-  
tem duæ, cum hoc, Non homo, subiectum est, eiq; ali-  
quid attribuitur.

Non homo iustus est.

Non homo est non iustus.

Non homo non est iustus.

Non homo non est nō iustus.

His autem plures esse contradicētes nullo modo pos-  
sunt: hæc; ab illis hoc ipso diuersæ erunt, quod illud Non  
homo, tanquam nomen sibi adiungant. Atq; in ijs etiam  
omnibus, in quibus Est uerbum non accipitur, ut in illis  
uerbis ualere, & ambulare, id idem efficit, si ita ponat-  
ur, ac si, est, coniungeretur. uelut, Omnis homo ualet,  
Non

DE INTERPRETATIONE. 37

Non omnis homo ualet. Et, Omnis non homo ualet,  
 Non ualet omnis non homo. Non enim non omnis ho-  
 mo, dicendum est, sed negatio ad hominis uerbum addi  
 debet, quoniam Omnis non res uniuersa est, sed in toto  
 genere rem accipi declarat. Quod ex his enunciatis o-  
 mnibus perspicui potest, Valet homo, Non ualet homo:  
 Valet non homo, Non ualet non homo. Inter has enim  
 & illis hoc interest, quod in his nihil prorsus uniuerse  
 & in totum dicitur: in illis dicitur. Ergo significat O-  
 mnis & Nullus aliud nihil nisi nomen uniuerse, & in  
 toto genere accipi in affirmatione aut negatione. Ita  
 cætera eadem omnia conuenit adhiberi. Quando au-  
 tem huic enunciationi, Omnis animans iustus est, illa  
 contraria est quæ dicit, nullum esse iustum animantem,  
 perspicuum est eas nunquam simul in eodem ueras fu-  
 turas esse: quæ autem his repugnant, possunt interdum  
 uelut, Non omnis animans iustus est: & Est aliquis ani-  
 mans iustus. mutuò autem se hæc enunciationes conse-  
 quuntur: hæc quidem, Nemo est iustus, huic, Omnis ho-  
 mo est non iustus: & hæc, Est aliquis homo iustus, huic,  
 Non omnis homo est non iustus. quandoquidem sit ali-  
 quis iustus necesse est, si hoc sit. Illud etiam perspicuum  
 est, si uerè licet negare in singulis enunciationibus ei  
 qui rogatus sit, uerè etiam eundem posse affirmare: ut,  
 Est ne sapiens Socrates? Non: est igitur non sapiens  
 Socrates. In uniuersis autem non est uera huic similis  
 affirmatio, sed tantum negatio: ut, Non omnis homo  
 sapiens est? Non: Omnis igitur homo non sapiens est.  
 Hoc enim falsum est. at illud uerum: Non omnis igitur  
 homo est sapiens. Atque hæc quidem illi repugnans &



contradicens est, illa contraria. Quæ uerò ex nominibus & uerbis infinitis inter se repugnantes & contradicentes sunt, qualia sunt hæc, non homo, & non iustus, eæ sine nomine & uerbo negationes uideri possunt, sed tamen non ita est. Nam cum necesse sit semper uerum aliquid uel falsum negationem declarare, qui hoc totum, Non homo dixerit, nihilo magis atq; adeò minus, quàm qui solum hominis uerbum pronunciauerit, uerè aliquid aut falso dixerit, nisi quid adiungat. Nec uerò pronunciatum hoc, Est omnis non homo iustus, idem quod superiorum ullum declarat: nec illud quod huic repugnans est & contradicens, Non est omnis non homo iustus. Atque hæc, Omnis non homo est non iustus, par illi est, Nullus est iustus non homo. At uerò nomina & uerba si transponantur, aut traiciantur, idem semper significant, uelut, Est albus homo, Est homo albus. Si enim secus sit, certè eidem affirmationi multæ sunt future oppositæ negationes. At unam uni esse oportere demonstrauimus. huius enim, Est albus homo, negatio est, Non est albus homo. Huius autem, Est homo albus, si idem quod illa, Est albus homo, non declaret, negatio erit uel hæc, Non est non homo albus, uel illa, Non est homo albus. Atqui hæc, Non est non homo albus, huius est negatio, Est non homo albus. Altera autem huius, Est albus homo. Duæ igitur sint unius necesse est. Ex quo intelligitur, si nomen & uerbum transponantur, traicianturq; in oratione, eandem omnino affirmationem & negationem futuram. Dicendo autem aut negando unum aliquid de multis, aut multa de uno, nunquam una & simplex affirmatio & negatio fit, nisi

nisi unum quippiam ex multis illis declaretur. Unum autem appello, non si nomen unum sic illi impositum, nec ex his unum aliquid efficiatur: uelut homo certè & animal est, & bipes, & cicur, sed unum quiddam ex his constat: ex homine autem, & albo, et ambulatione, non unum efficitur. Quare si quis unum quippiam de his enunciet, non una pronūciatio sit, sed multæ, etiam si uox una esse uideatur. Itemq; multæ sunt, si de uno quodam hæc dicantur omnia. Quocirca si dialectica interrogatio responsionis petitio est, ut uel ipsa propositio accipiat, uel pars altera repugantiæ & contradictionis: propositio autem unius est pars repugantiæ & contradictionis, profectò nunquam ad hæc unum resposum adhiberi potest: quandoquidem ne si uera sit quidem, una interrogatio est. Sed de his, in Topicis diximus. Ex quo id etiam perspicuum est, Quid est, non esse dialecticam interrogationem. Nam & optio danda est, ut ex interrogatione utram uelit partem contradictionis & repugantiæ, alter eligat: & qui interrogat antè, constituere definitionem debet: ac tum quærere, sit, nène sit, hoc, homo. Sed quoniam alia coniuncta & copulata sic dicuntur, ut unum fiat attributum ex his quæ separatim dicuntur, alia non: quæ hoc loco distinctio & dissimilitudo est, quærat aliquis. Nam & animal de homine separatim uerè dicitur, & bipes separatim: atq; ea coniuncta unum faciunt attributum. Item homo & albus, quæ eadem unum sunt. At uerò non si quis sutor sit, & bonus, continuo sutor bonus esse dicatur. Si enim, quia utrunq; separatim uerum sit, etiam coniuncta ambo uera semper esse debere credat quispiam, permulta incom-

moda suscipere cogetur. Nam hominis albiq; nomen de homine uerè dicitur, ergo etiam totum: rursum autem albi nomen separatim dici potest, quare etiam cōiunctim. Ita erit homo albus albus, atq; ad exitum nunquam perueniet oratio. Itemq; erit musicus albus ambulans: eademq; sepe connexa & repetita, nihil in quo consistant habebunt. Præterea si Socrates Socrates sit, & homo, etiam Socrates Socrates homo sit necesse est. Et si homo ac bipes, sequitur ut sit etiam homo homo bipes. Illud igitur perspicuum est, absurda multa consecutura necessariò, si quis coniunctiones omnino contendat fieri oportere. Nunc quemadmodum hæc constituenda sint omnia, uideamus. Eorum igitur quæ dicuntur, & eorum de quibus alia dicuntur, quæcunq; per accidens ita dicuntur, ut aut de eodem aliquo subiecto dicantur, utraque aut alterum de altero, ea omnia non unum efficiunt. uoluti in hoc, Homo est albus & musicus, nec unum ex albo fit & musico: si quidem utrunque accidens est. nec si quis albus idem & musicus sit, ideirco ex albo musico, fit unum. Fortè enim temerè aliquis musicus & albus dicitur. Ita non unum quiddam ex musico & albo efficitur. Quocirca ne sutor quidem bonus omnino dicendus est, sed tantummodo animal bipes. hæc enim non per accidens, sed per se unum efficiunt. Atq; etiam unum quiddam non constat ex ijs omnibus, quæ in altero posita rursum repetuntur. Itaq; nec id quod album est, album est: nec homo, homo animal uel bipes: quòd in homine & bipes & animal continentur. Verè autem de eo quod cum signo particulari accipitur, idem ipsum nomen citra ullum signum sumptum dicitur. ut, dicitur aliquis  
homo

DE INTERPRETATIONE. 91

homo esse homo : aut quidam homo albus , albus homo esse . nec id uerum est semper . Tumq; id falsum est denique , cum id quod adiunctum est , aliquid repugnans continet , ex quo etiam repugnantia consequatur . Vt si mortuus homo , homo esse dicatur . At si nihil tale copulatum reperiat , totum uerè dicitur . An si adsit tale aliquid , semper id uerum non est ? si non adsit , ne tum quidem semper uerè dicitur ? Velut Homerus aliquid est , ut poeta . Est ne ille tamen , an potius non est ? Nam casu & fortuitò de Homero illud , Est , in hac enunciatione , Poeta est Homerus , dicitur , non sua ui atq; natura . Quam ob rem in quibus dicendi rationibus repugnantia est nulla , si pro nominibus definitiones adhibeantur , in quibusq; non casu & fortuitò , sed per se suaq; ui uerba enunciantur , in ijs omnibus quod tale est aliquid , uerè dicitur esse omnino , & citra ullam adiectionè tale . Nam quæ nulla sunt , quia opinabilia sunt , non uerè aliquid esse dicuntur : quippe cum ea non opinemur esse omnino , sed non esse in rerum natura .

De enunciationibus Modorum ,

Cap. VII.

His autem expositis , nunc quemadmodum inter se affertæ sint enunciationes , quæ de eo dicunt quod possit fieri , aut non possit , deq; eo quod euenit , aut non euenit , de eo deniq; quod impossibile , quodq; necessarium est , differamus . Quam enim uim habeant , magna quæstio est . Si enim ex ijs quæ inter se comparantur , ea inter se pugnant , & contradicunt quæ ex uerbis est , & non est , constant : uelut huius , Est homo , negatio est , Non est homo , non illa , Est non homo : Et huius , Est homo albus :

albus: hæc, Non est homo albus, non illa, Est homo non  
 albus. (Nam si de omni re, uel quod ait, uel quod negat  
 dicitur, certe uerum erit, lignum hominem non album  
 esse. Quod si ita est, in omnibus q̄s, etiam in quibus, Est,  
 uerbum non adiungitur, quod pro illo, Est, dictum erit,  
 idem ualebit, ut huius effati, Homo ambulat, non hæc,  
 Ambulat non homo, sed illa, Non ambulat homo, futu-  
 ra negatio est. quoniam utrum hominem dicamus am-  
 bulare, an ambulantem esse, nihil interest) si inquam ita  
 se res habeat in omnibus: profecto huius, Fieri potest,  
 hæc, Potest non fieri: non illa, Non potest fieri, negatio  
 fit necesse est. Atqui res & fieri & non fieri eadem po-  
 test. Quicquid enim diuidi & ambulare potest, id &  
 non diuidi potest, & non ambulare. Cuius ratio est,  
 quod non semper id omne re ipsa est, quod hoc pacto  
 fieri potest. Ita ei etiam conuenit negatio. Nam potest  
 non ambulare quod uim ad ambulandum habet: & non  
 cerni, quod sub aspectum potest cadere. At fieri non po-  
 test, in eodem uere enunciationes repugnantes contradi-  
 centesq; dicantur, Non igitur huius pronunciati, Potest  
 fieri, illa, Potest non fieri, repugnans contradicensq; est.  
 nam ex his quæ dicta sunt horum alterum efficitur: ut  
 aut idem de eodem dicamus simul, & negemus: aut cer-  
 te, ut non ex uerbis est, & non est, quæ adiunguntur om-  
 nibus, affirmationes nascentur & negationes. Quod si  
 fieri illud non potest, hoc profecto sequendum est, Ergo  
 huius enunciationis, Potest fieri, negatio est non hæc, Po-  
 test non fieri, sed illa, Non potest fieri. Eadē ratio est eius  
 quod contingit. Etenim eius negatio est illud, Non con-  
 tingit. Quod idem fit in cæteris, cuiusmodi sunt, impossi-  
 bile,



bile, necessarium. Ut enim in illis Est, & non est, uerba,  
 additamenta sunt: illa autem, albus & homo, res subi.  
 Et: sic in his, est & non est pro subiectis habentur: hæc  
 autem, potest & contingit, acceptiones sunt, quæ quæ  
 in his enunciatis, Potest fieri, & Non potest fieri, ite  
 uerum sit, quid uerum falsum, ut in illis est & non  
 niunt & explicant. Huius autem, Potest non fie.  
 tio non est quæ sequitur, Non potest fieri: sed hæc,  
 potest non fieri. Et huius, Potest fieri, non illud, Potes.  
 non fieri, sed hæc, Non potest fieri. Quocirca quod fieri  
 potest, & quod potest non fieri alterum alteri consequi  
 tur, quoniam idem & fieri, & non fieri potest. Non enim  
 pugnant secum & contradicunt, quod fieri potest, &  
 quod potest non fieri: sed, quod fieri potest, & quod fie  
 ri non potest: quoniam in dijs dent à sese & contradicunt,  
 nunquam in eodem uerè dicuntur. Eodemq; modo de  
 his, Quod potest non fieri, & Quod non potest non fie  
 ri, iudicandum. Similiterq; huius, Necessarium est, nega  
 tio est non illud, Necessarium non est: sed illud, Non ne  
 cessarium est. Huius autem, Necessarium non est, illud,  
 Non est non necessarium. Itemq; huius, Impossibile est  
 fieri, non illud, Impossibile est non fieri: sed illud, Non  
 impossibile est fieri. Huius uero, Impossibile est non fieri,  
 illud, Non impossibile est non fieri. In summa, Est & non  
 est poni, ut dixi, pro rebus subiectis debent: hæc autem  
 quæ negationem & affirmationem efficiunt, ad illa  
 ipsa uerba Est & non est, addenda sunt. Atq; eadem demum  
 repugnantes & contradicentes existimandæ sunt enun  
 ciationes, in quibus Potest, & non potest, contingit, &  
 non contingit, impossibile est, & non impossibile est,  
 necessa-

neceſſarium, & non neceſſarium, uerum & non uerum collocantur. Atq; conſequentia quæ hinc naſcuntur, diſponenda ſunt hoc modo. Ei enim quod fieri poteſt, illud quod contingit ut ſit, conſequitur, retroq; id cõmmeat uiciſſim. Hæc etiam conſequuntur, quod non impoſſibile eſt fieri, & quod non neceſſe eſt fieri. Ex eo uerò quod poteſt non fieri, & quod accidit ut non fiat, id quod non neceſſe eſt non fieri, & quod non impoſſibile eſt non fieri, conſequentia ſunt. Ex eo etiam quod fieri non poteſt ut ſit, & quod non accidit ut ſit, id quod neceſſe eſt non eſſe, & quod impoſſibile eſt eſſe, ſequitur. Conſequentia etiam ſunt, & id quod neceſſe eſt eſſe, & quod impoſſibile eſt non eſſe, ex eo quod non poteſt non eſſe, & quod non accidit ut non ſit. Id quod ex hac deſcriptione intelligi poteſt.

Fieri poteſt ut ſit Accidit ut ſit. Nō impoſſibile eſſe Non neceſſarium eſſe.	Quod fieri nō poteſt Quod nō accidit ut ſit. Quod impoſſibile Quod neceſſe eſt non eſſe.
--	---

Fieri poteſt ut non ſit Accidit ut non ſit Non impoſſibile non eſſe Nō neceſſariū nō eſſe.	Quod non poteſt fieri quin ſit Quod non accidit ut non ſit. Quod impoſſibile eſt quin ſit Quod neceſſe eſt eſſe.
---	---

Quod igitur impoſſibile eſt ut ſit, & quod non impoſſibile eſt eſſe, ex repugnantibus & contradicentibus  
 eius

eius quod accidit ut sit, & quod fieri potest ut sit: & quod non accidit ut sit, & quod non potest fieri ut sit, ita consequentia sunt, ut conuerso ordine affirmationes negationibus, non affirmationes affirmationibus conueniant. Ex eo enim quod potest fieri, eius quod impossibile est, consequens est negatio hæc, Non impossibile est esse. Ex eo autem quod negat, id quod ait, quoniam ex eo quod non potest fieri ut sit, id quod impossibile est esse, efficitur. Hoc enim totum, Impossibile est esse, affirmatio est, illud negatio, Non impossibile est esse. Sed quam affectionem ad illa habeat id quod necesse est, uideamus. Atque illud quidem perspicuum est in illis non ita esse ut in illis, contrariasque hic consequi, repugnantes autem quæ eadem contradicentes dicuntur, non potest esse ab ijs quæ consequuntur. Neque enim huius, Necesse est non esse, illa, Non necesse est esse, negatio est: quandoquidem utraq; de eodem uera esse potest. Quod enim necesse est non esse, id est non necesse esse. Cur autem enunciationes quæ de eo quod necesse est dicunt, non eodem modo, quo superiores, ex illis consequuntur, hoc causa est, quod ei quod necessarium est, id quod impossibile est esse, idem ualeat, contrario nomine oppositum. Quod enim impossibile est ut sit, idem necesse est, non, esse quidem, sed non esse. Quod autem impossibile est quin sit, id sit necesse est. Ita si illa eodem modo ex eo quod potest esse, & non potest esse concluduntur: certe in his contraria fiat necesse est. quandoquidem non idem ualent quod necesse est esse, & quod impossibile est ut sit: sed contrario modo alterum cum altero consentit, ut dictum est. An autem fieri non possit, ut hoc modo constituantur

repu-

repugnantiae & contradictiones eius quod necesse est, quæstio est. Huic enim quod necesse est esse, consequitur id quod fieri potest ut sit. Sin minus, negatio erit consequens, quoniam necesse est de quacunque re uerè aut affirmari, aut negari. Ergo si non possit esse, impossibile est esse. Quod igitur impossibile est ut sit, id necesse erit esse: quo nihil absurdius. Atqui ex eo quod potest esse, consequens id est, quod non impossibile est esse, ex quo id quod non necesse est esse. Ita fit ut quod necessarium est, id non sit, necesse esse, quod fieri non potest. Ne ex eo quidem quod potest esse id, quod necesse est esse, aut non esse concluditur. Nam illud utramque in partem potest cadere: horum autem utrumlibet uerum sit, non iam illa uera sunt futura. Simul enim aliquid & esse, & non esse potest. Si uerò necesse sit esse, aut non esse, iam amplius utramque in partem cadere non poterit. Relinquitur ergo, ut id quod non necesse est non esse, eius sit consequens, quod potest esse. Nam de eo etiam quod necessarium est, id uerè dicitur: atque etiā hæc ipsa repugnat, et contradicit ei quæ ex eo concluditur, quod fieri non potest. Ex illo enim efficitur id quod impossibile est esse, & quod necesse est non esse: cuius hoc, Non necesse est non esse, negatio est. Consequuntur ergo hæc contradicentes altera alteri, quemadmodum dixi: quibus ita positis, nihil repugnans concluditur. Vtrum autem ex eo quod necesse est esse, id quod fieri potest ut sit, sit consequens, quæstio est. Nam si non sit consequens, contrarium & contradicens erit consequens id, quod fieri non potest. Quod si quis hoc contrarium aut contradicens esse neget, is necesse est fateatur id esse quod fieri potest ut non sit, sed & hoc et illud falsum est in eo quod

quod necessariū est. At contrā idem uidetur secari posse, & non secari, esse & non esse. Ita quod necessarium est, id poterit non esse: quod falsum est. Illud igitur perspicuum est, non quicquid potest aut esse, aut ambulare, posse etiam non esse, aut ambulare: sed sunt de quibus id uerè non dicatur, primumq; in ijs quæ rationis expertia aliquid efficere possunt ut ignis uim habet ille quidem calor, sed quæ rationis sit expertus. Quæ igitur facultates ratione ad agendum impelluntur, eæ multa etiam contraria efficere possunt: rationis autem expertes, non omnes, cum præsertim ignis calorem sua ui gignere, & non gignere non possit, nec ea omnia quæ semper agūt. Sunt tamen quædam facultatibus rationis expertibus prædicta, quæ simul cōtraria recipere possunt. Quod dixi, propterea quod non omnis uis ad cōtraria accipienda apta est: ne eæ quidem, quæ sunt eiusdem generis. Sunt uerò ipsæ facultates homonymæ. Quod enim possibile est, id non uno modo dicitur: aliudq; eo dicitur posse, quia iam reuera agat sic: ut posse aliquem ambulare, quia iam ambulet, & (ut semel dicam) posse esse, quod iam in actu ipso sit, id quod posse esse dicitur. aliud, quod futurum sit ut agat aliquando: uelut cum aliquem posse ambulare dicimus, quod futurum sit ut ambulet. Atq; hæc quidem uis in ijs tantummodo reperitur, quæ mutabilia sunt: illa etiam in ijs quæ immutabilia sunt. Et utrumq; uerè dicitur posse ambulare, aut esse, & quod ambulat iam, atq; in actu est, & quod uim habet ad ambulandum. Ergo quod hoc modo potest, non uerè omnino de re necessaria dici potest, alterum potest. Ita, quoniam ex parte generis consequens est, certè ex eo quod necessarium est, id



quod fieri potest, etiam si non omne, concluditur. Ac for-  
 tasse quod necessarium est, aut non necessarium, quasi  
 fons est & causa, cur sint aut non sint omnia: ut cetera  
 omnia ex eo spectari debeant, quomodo sint consequen-  
 tia. Quapropter ex his quæ dicta sunt apparet, in actus  
 & reuera esse, quæcunque fiunt necessario. Si igitur  
 priora sunt æterna, etiam actus vi & facultate prior  
 est. Atq; alia cum uim nullam habeant, actus modo sunt  
 ueluti hæc substantiæ quas primas dicimus. alia simul  
 uim habent cum actu: eaq; naturæ ordine priora sunt,  
 posteriora temporis. alia nunquam in rerum natura  
 sunt, sed solum esse possunt.

Virum autem affirmatio negationi, an affirmatio af-  
 firmationi, & oratio orationi contraria sit ea, quæ Om-  
 nem hominem iustum esse dicit, illi, Nemo iustus est: atq;  
 hæc, Omnis homo iustus est, illi, Omnis homo iniustus  
 est: uelut, Callias iustus est, Callias iustus non est, Callias  
 iniustus est: quæ inquam ex his inter se sint contrariæ,  
 magna quæstio est. Si enim sensa animi imitatur oratio,  
 illic autem contraria sententia de contrario est, ut hæc,  
 Omnis homo iustus est, illi, Omnis homo iniustus est: cer-  
 te in ijs etiam enunciationibus quæ uoce exprimuntur,  
 ita res habeat necesse est. Sin minus illic opinio & sen-  
 tentia de contrario contraria est, ne hic quidem affir-  
 matio affirmationi cōtraria erit: uerum negatio, ut dixi.  
 Quæ igitur opinio & sententia falsa, ueræ cōtraria sit,  
 uideamus, utrumne ea quæ negat, an quæ ait. Atq; hinc  
 nostra omnis manabit oratio. Est de bono sententia  
 uera, quæ id dicit bonum esse: alia falsa, id non esse bo-  
 num: ueritas, id malum esse. Harum utra ueræ illi senten-  
 tia

DE INTERPRETATIONE. 99

re contraria sit: & si una sit, ultra sit contraria: quæstio est. Atq; illud quidem falsum est, ex eo iudicari contrarias sententias esse, quia uerbis constant contrarijs. Nam illa de bono sententia, id bonum esse, & de malo, id esse malū, eadem fortassis atq; adeo uera est, siue multæ sint, siue una: sunt autem hæc contraria. At uerò non quòd contrariorum sint, contraria sunt proloquia, sed potius quòd contrario nomine opponantur. Quod si una sententia de bono est, id esse bonum, alia non esse bonum: & si est etiam quæ aliquid dicat, quod nec in bonum cadat, nec cadere possit, profectò nulla ex illis alijs statuenda contraria est, quæ cadere dicunt, quod non cadit in bonum, & cadere negant quod cadit. (Vtræque enim hæc incertæ infinitæq; sunt, & quibus inesse aliquid confirmamus, quod abest, & abesse quod adest negamus) sed eæ demum statuendæ sunt contrariæ, in quibus animo concipiendis, prima inest erroris ac deceptionis causa. Errores autem ac deceptiones iisdem continentur extremis, quibus rerum ortus. Atqui inter disparata extrema, omnes continentur rerum generationes. Ergo etiam fallacia. Si igitur bonum bonum est, et non malū: illudq; suū ac per se dicatur, hoc casu & fortuito (accidit enim ul sit non malum) uerior autem ea est de qua; re enunciatio, quæ sua ui ex se, & per se uera est: & pari ratione falsa magis, quæ suapte sponte, & per se falsa: fallax autem hæc opinio bonum non esse bonum, eam respicit quæ per se uera erat: altera autem fallax etiam, bonum esse malum, eam respicit quæ per accidens uera erat. Ex quo efficitur, ut magis falsa sit in bono ea sententia, quæ ex negatione est, quam quæ est ex contrario.

At is demum errat in quaq; re uehementer, qui in diuersa & contraria sententia est. Siquidem contraria dicuntur ea, quæ in eodem genere plurimum differunt. Quod si harum altera contraria est, magis autem ea est contraria quæ negat, certè hæc ipsa sit contraria necessè est. Illa autem altera, quæ bonum in malis esse defenditur, cum ea coniuncta implicataq; est: propterea quod eundem necesse est, bonum nō esse in bonis, putare. Iam uerò si in cæteris omnibus hoc modo sumi repugnantia debeat, etiam hic illud uerè dictum est à nobis. Aut enim in omnibus ea quæ repugnat & contradicit, contraria est, aut in nullis. Vbi autem uerba contraria sunt nulla, in ijs falsa ea sententia ueræ opponitur, quæ ut disparatum quippiam alteri repugnat: ut is qui hominem non esse hominem putat, fallitur. Si igitur hic contrariæ sunt negationes, etiam in ijs eæ demum erunt contrariæ, quæ contradicentes erunt. Præterea eadem est ratio eius quæ bonum in bonis ponit, & eius quæ non bonum in non bonis: & præterea eius quæ bona in non bonis, & eius quæ non bona in bonis collocat. Bi ergo sententiæ ueræ, quæ non bona in non bonis putat, quæ tandem contraria erit? Non ea quidem quæ in malis non bona ducit, quandoquidem simul uera est interdum: & uera ueræ esse contraria nullo modo certè potest. Aliquid enim quod est non bonum, est in malis. Ita ueræ simul esse possunt. Nec uerò ea contraria erit, quæ non bona in non malis numerat. siquidem hæc quoq; uera est, & simul esse possunt. Relinquitur ergo, ut eius quæ non bona in non bonis numerantur, illa contraria sit sententia, quæ non bona in bonis esse dicit, quoniam falsa est. Quare etiam

etiam huius, Bonum non est bonum, hæc, Bonum est bonum, contraria est. Perspicuum autem est, nihil interesse, utrum uerbum hoc Omnis, in affirmatione, necne, colloceamus. nam contraria erit uniuersa negatio. Ut illi opinionioni, Omne quod bonū est, est in bonis, hæc repugnat, Nihil quod bonum est, est in bonis. Et certè sententia ea qua ipsum bonum esse bonum putatur, si bonum uniuersale uerbum sit, idem ualet quod hæc, Quod bonum est, id est in bonis. Inter hanc autem & illam, Quicquid bonum est, id est in bonis, nihil interest. Quod idem in eo quoque quod non est bonum, dicendum est. Quapropter si ita in ijs quæ animo concipiuntur, uti diximus, res habet, & si intelligentiarum & notionum quæ in animis imprimuntur, interpretes est oratio, qua aut affirmamus aut negamus: certè affirmationi contraria sit necesse est ea demum negatio, qua idem aliquid quod affirmabatur, de toto genere negatur. ueluti huic, Omne quod bonum est, in bonis est; uel, Omnis homo bonus est: ea, in qua nullum uel nemo contrarius nomine opponitur. Contradictorio autem nomine ea opponitur, in qua nō omne, uel non omnis, adhibetur. Illud etiam perspicuum est, ueram enunciationem uel sententiam, ueræ contrariam esse non posse. Nam & ex oppositis & contrarijs, contrariæ seu aduersæ constant, de quibus homo idem uerè potest dicere; at contraria eidem

simul conuenire non  
possunt.

F I N I S.

3

ARI-

ARISTOTELIS PRIORVM  
Analyticorum, siue de prima reso-  
lutione, Liber I.

FIRMIQ DVRIO INTERPRETE,  
& N. Grouchio correctore ac  
emendatore.

De principijs ratiocinationis.  
Cap. I.



Nitio dicendum uidetur quid sit, in  
quo posita est instituta disputatio,  
quaq; de re sit suscepta. Versatur au-  
tem in demonstratione, ac de demon-  
strandi arte est instituta. Tum explia-  
candum nobis est, quid sit proposi-  
tio, quid extremum, quid ratiocinatio, cuiusmodi sit tum  
quæ perfecta, tum quæ imperfecta dicitur. Demum  
quidnam sit quidpiam in toto aliquo esse, aut non esse:  
quidq; appellemus, aliquid de aliquo omni, aut nullo di-  
ci. Est igitur propositio, oratio quæ aliquid de aliquo as-  
firmat aut negat: idq; aut in toto, aut in parte, aut inde-  
finitè. In toto autem dico, cum quid aut omni, aut nulli  
inesse dicitur: cum uerò alicui, uel non alicui, uel non o-  
mni, id particulare appello. Quod si inesse aut non inesse  
dicitur absq; uniuersali aut particulari nota, indefini-  
tum id uoco. cuiusmodi hæc sunt, Aduersa eadem arte  
continentur, Voluptas non est bona. Eò autem differt  
demonstratiua propositio à dialectica, quòd illa est ex  
aigentibus & negantibus unius partis assumptio: quippe



ut confessum sumit qui demonstrat, nihil rogat. Dialectica propositio, quaestio est utraq; contradictionis partem complexa. At quod attinet ad ratiocinationem ex utrauis struendam, nullum inter eas est discrimen. Nam & qui demonstrat, & qui rogat, ita ratiocinatur uterq; ut quid cuiq; inesse, uel non inesse prius sumpserit. Ita propositio ratiocinationis, affirmatio est, uel negatio cuiusdam de alio: eo, quo diximus, modo. Demonstratiua autem tum demum est, cum uera fuerit, & per prima initia confirmata & sumpta. Dialectica uero propositio, quod ad eum attinet qui rogat, quaestio est contradictionis: quod autem ad eum qui ratiocinatur, est assumptum quid apparere aut probabile, quemadmodum in Topicis exposuimus. Sint igitur haec, quod ad rem praesentem attinet, de propositione satis: quid inquam illa sit, quo differat ea quae ratiocinationi adhibetur, a demonstratiua & dialectica, haec item inter se. Diligentius enim de his in progressu differemus. Extremum uero id appello, in quod resoluitur propositio: cuiusmodi est, id quod de alio dicitur, idq; de quo illud dicitur, seu adijciatur, seu tollatur illud esse, uel non esse. Ratiocinatio uero est oratio, in qua nonnulla ita ponuntur, ut diuersum quid ab ijs necessario efficiatur, quia ea ita sunt: quod postremum indicas nullo extremo egere externo, ut necessaria sit consequutio. Perfectam uero ratiocinationem eam appello, quae nulla alia re eget, praeter ea quae in ea sumpta sunt, quo colligendi necessitas sit euidentis ac perspicua. Imperfectam, quae una re aut pluribus eget: quae etiam si ad extrema concessa & substrata consequantur necessario, non sunt tamen illae in propositionibus expressae. Est autem res

eadem, quidpiam in aliquo toto esse, & quidpiam de alio omni dici: nempe cum nullam subiecti partem reperias, in qua prædicatum non uerè dicatur. Eodem pacto intelligendum est, de nullo aliquo dici.

## De Pronunciatorum reciprocatione.

## Caput II.

At uerò cum effatorum alia rem esse dicant, alia necessario eam esse, alia eam accidere; horumq; alia aiant, negent alia, idq; in quauis enunciandi ratione: aientium rursus & negantium, alia in toto sint, alia in parte, alia indistincta: hæc inquam cum ita sint, in effato eo quod quidpiã uniuersim esse negat, necessario extrema reciprocantur. exempli causa, Si nulla uoluptas est bona, nihil quod bonum sit, est uoluptas. In eo autem pronuntiato quod ait quid, extrema retrò commeant illa quidem: sed in parte tantum, non uniuersim: ut, Si uoluptas omnis est bona, quoddam bonum uoluptas sit necesse est. Ex particularibus uerò affirmans in parte retrò commeat necessario: nam si quædam uoluptas est bona, quoddam bonum est uoluptas. In negantibus id non ita est. ut enim quoddam animans non sit homo, non ex eo efficitur, quendam hominem non esse animans. Principio igitur constituamus propositionem, in qua quidpiam uniuersim negetur: sitq; hæc, a, b: tum si nullum b est a, ne ullum quidem a erit b. Quod si quis reluctetur, quoddam a esse b: designetur illud, sitq; c: non erit igitur tum usquequaq; uerum, quod dicebamus nullũ b esse a, cum c pars sit aliqua ipsius b, eoq; contineatur. Quod si dicas, omne b esse a, hinc consequetur, quoddam a esse b. quod si nulum esse dicas, ne ullum quidem b erit a: cum antea pro confesso

confesso id haberetur, omne *b* esse *a*. Est autem eadem ratio, si in parte fuerit proloquium. nam si quoddam *b* est *a*, necessario efficitur, ut quoddam *a* sit *b*. Quod si nullum *a* esse *b* dicas, hinc consequetur, ne ullum quidem *b* esse *a*. Quod si dicas, quoddam *b* non esse *a*, non continuo efficitur, ut quoddam *a* non sit *b*. uerbi causa, si *b* pro animante intelligatur, *a* uerò pro homine: neque enim omne animans est homo, cum omnis homo sit animans. Eadem erit reciprocatationis uia in pronunciatis necessarijs: uniuersale enim negans in totum reciprocatur, affirmantium utrunque in parte tantum. Si enim nullum *b* est *a*, idque necessario: nullum quoque *a* est *b*, eodem modo. Nam si ipsum *b* alicui *a* accidere contendas: *a* quoque cuidam *b* acciderit. At si omne uel aliquod *b* necessario sit *a*: sanè & quoddam *a* necessario est *b*. si enim id non sit necessarium, neque etiam quoddam *b* necessario est *a*. Negatio uerò in parte ob eam ipsam, quam antea exposui, causam, non reciprocatur. At quod attinet ad accidentia, quia accidendi uocabulum uarium est ac multiplex: quippe quo tum necessarium continetur, tum non necessarium, denique & possibile: sanè in affirmantibus omnibus eadem est quæ prius reciprocandi ratio. Nam si *a* ipsi *b* uel in totum uel cuidam accidat, & *b* quoque ipsi *a* acciderit: nam si ut nulli conueniat necesse est, *a* quoque nulli *b* conuenire oportet: id quod paulo antè confirmauimus. in negantibus uerò diuersa est ratio: quia quæ accidere dicuntur, aut quia necessario non insint, aut quia citra necessitatem absint, eodem modo commendant. ut si quis dicat homini accidere, ut non sit equus, aut albedinem nulli uestimento, quorum

tum unum non inest, idq; necessario: alterum citra necessitatem. Et eodem prorsus modo retrò commeat utraq; propositio, quo superiores: si enim accadat, ut nullus homo sit equus: accidet quoque, ut nullus equus sit homo. Et si in nullo uestimento albedo accadat, in nulla quoque albedine uestimentum accidit. Quòd si in aliqua necessario sit, in quodam etiam indumento albedo reperietur necessario: id quod paulo antè confirmauimus. Illud idem de negante particulari iudicandum est. At priuantes illæ propositiones, in quibus quid accideret dicitur, quia plurimum fiat, & natura ita sit comparatum (quomodo accidentis uocabulo peculiariter utimur) iam non eadem lege reciprocationis utuntur: quin negatio uniuersalis retrò non commeat, particularis autem maxime. Id quod perspicuum erit, ubi de accidente differemus. In præsens id tantum nobis, præter ea quæ dicta sunt, confessum sit, quòd accidere nulli, aut cuidam non inesse, speciem habet affirmationis: nam illud, accidit, consimilem locum atq; ordinem seruat, atq; ipsum, est. Hoc autem quibuscunq; prædicatis adiiciatur, affirmationem quoquo modo efficit, ac perpetuò. cuiusmodi hæc sunt, Est non bonum, non album, & in uniuersum est, non hoc, aut non illud. Id autem in progressu confirmabimus. Hæ uerò reciprocandi legem eandem sequuntur, quam & aliæ. His ita constitutis, dicendum nobis est, quæ sint ea ex quibus struatur ratiocinatio quæuis: quando ratiocinatio proba sit futura, quæq; uia ac ratione sit componenda: posterius de demonstratione dicendum nobis erit. Est enim ante demonstrationem de ratiocinatione differendum, eo quòd hæc latius patet.

huius

huius enim illa pars quædam est, hæc uerò totum atque in pluribus.

Prima Figura. A. B. C.

Cap. III.

Quandocunque ergo tria extrema ita inter se affe-  
sta fuerint, ut postremum in medio toto contineatur,  
hoc autem in toto primo uel sit uel non sit, necessariò  
hinc efficitur extremorum perfecta complexio. Me-  
dium id appello, quod cum in alio sit, aliud quoque in hoc  
continetur, & suum quoque medium seruat. Extrema  
uerò ea dico, quorum alterum in alio est, in altero au-  
tem aliud continetur. profectò si a de omni b affir-  
metur, & b de c quouis: necesse est, ut a de quouis c affir-  
metur. præsertim cum paulo antè explicatum sit, quid  
sit de aliquo toto dici. Eadem est ratio, si a de nullo b  
dicatur: b uerò in c toto sit. nam a in nullo c reperiatur,  
Quòd si primum extremum cuius medio sit cōsequens,  
& hoc nulli postremo insit, nulla erit extremorum com-  
plexio. nihil enim quicquam necessariò hinc efficitur,  
quia ea ita se habeant: cum fieri possit, ut primum po-  
stremo, tum omni insit, tum nulli: unde nec in parte nec  
in toto necessarium quicquam efficitur. Quotiescunq;  
autem nihil necessariò colligitur, ex ijs sanè ratiocina-  
tio non fuerit. Extrema, in quibus alterum alteri toti in-  
sit, sint hæc, animans, homo, equus: in quibus nulli insit,  
illa, animas, homo, lapis. Ne ratiocinatio quidem fuerit,  
ubi primum in medio nullo reperiatur: simul & hoc in  
postremo nullo. Extrema affirmandi sint hæc, scientia,  
linea, medicina: negandi uerò hæc, scientia, linea, uni-  
tas. Hinc perspicuum est, quando futura sit ratiocina-



tio: quando non item, ubi extrema uniuersalia fuerint. Illud etiam constat, quandocumque fuerit ratiocinatio, extrema eo, quo diximus, modo affecta esse oportere: quod si ita digesta sint, ratiocinationem ex ijs effici. At ubi extremorum alterum ad aliud sit affectum in totum, alterum in parte, cum uniuersalis seu affirmatio, seu negatio maiori extremo coniuncta fuerit, minori uero affirmatio in parte, necesse est hinc nasci ratiocinationem absolutam: ubi autem minori extremo additum fuerit uniuersale illud, aut quoquo alio modo extrema fuerint digesta, ratiocinatio fieri nullo modo potest. Maius extremum id dico, in quo medium continetur: minus uero id, quod medio subternitur. Sit enim hoc confessum, quoduis *b* esse *a*, quoddam item *c* esse *b*. hinc sanè efficitur necessario, ut quoddam *c* sit *a*: si de aliquo toto dici id sit, quod initio explicauimus. Quod si nullum *b* sit *a*, quoddam uero *c* sit *b*, necesse est ut quoddam *c* non sit *a*. Cum antea interpretati simus quid sit, quoque modo audiendum, de nullo aliquo dici. Erit igitur ad hunc modum ratiocinatio suis numeris absoluta: quod idem fiet, si *b* *c* affirmatio fuerit indistincta: quippe cum eadem struatur ratiocinatio, seu particulare sumas pronunciatum, seu indefinitum. quod si minori extremo iungatur uniuersalis affirmatio, uel negatio, nulla hinc erit ratiocinatio, cum propositio aut in parte fuerit, aut indefinita: seu affirmet illa, seu neget. uerbi gratia, si quoddam *b* sit *a*, uel non sit, *c* uero quoduis sit *a*: extrema consentanea sint hæc, bonum, habitus, prudentia. disparata, bonum, habitus, inscitia. Rursus si nullum *c* sit *b*: quoddam uero *b*, uel etiam non omne, sit *a*, uel non sit: ne sic quidem erit ratiocinatio

DE PRIMÂ RESOLUTIONE. 169

*ratiocinatio. Extrema omnino consentanea sunt, album,*  
*equus, cygnus: repugnantia planè, album, equus, coruus:*  
*quæ eadem usurpanda sunt, si b a propositio indistin-*  
*cta fuerit. Neque item ratiocinatio fuerit, ubi priori*  
*extremo addita uniuersalis, affirmatio fuerit, uel nega-*  
*tio: posteriori uerò negatio in parte, uel etiam indefini-*  
*ta: ceu si omne b sit a, quoddam uerò c non sit b. Cum ei,*  
*cui in parte medium non cohæret, prius extremū uniuers-*  
*sim modò consentaneū sit ac consequens, modò alienum*  
*ac repugnans. ut si proponantur hi tres fines, animans,*  
*homo, album: tum ex his albis, de quibus homo asseuera-*  
*ri non possit, secernantur, olor, & nix: anè de altero ho-*  
*rum animans uniuersim affirmatur, negatur planè de*  
*altero: ita ratiocinatio nullo modo fuerit. Rursus a in nul-*  
*lo b reperiatur, nec item b in aliquo c: extrema uerò sint*  
*inanimatum, homo, album: atq; tum assumantur ea al-*  
*ba, de quibus homo non dicitur, olor & nix: nam ina-*  
*nimum de altero quidem omni affirmabitur, de altero*  
*nullo dicitur. Ad hæc, cum incerta sit huius pronuncia-*  
*ti ueritas, quoddam c non est b (quod quidem uerum*  
*est, seu nullum planè sit, seu non omne) cum autem eo*  
*modo sumpta fuerint extrema, ut alterum in altero nula*  
*lo reperiatur, inde non struetur ratiocinatio: id quod*  
*paulo antè confirmauimus: perspicuum est, ex hac ex-*  
*tremorum structura ac dispositione ratiocinationē non*  
*effici: alioqui ex illa quoq; efficeretur. Eadem autem*  
*probandi ratio erit, ubi negatio in toto fuerit. Quod si*  
*ambæ intercapedines in parte aiant quid. aut negēt, selt*  
*altera aiat, neget altera. seu ambæ indefinitæ sint, seu*  
*altera indefinua, altera certa ac definita, ne tum quidem*  
*ratio-*

ratiocinatio ulla erit. His autem compositionibus omnibus extrema hæc communem præbunt usum, animas, album, equus: animans, album, lapis. Ex ijs quæ hucusque exposuimus, hoc constat, ad ratiocinationem in parte per hanc figuram connectendam, necessariam esse eam extremorum collocationem: quæ si obseruetur, necessario inde ratiocinationem effici: alioqui nulla planè effici possit. Ex ijs etiam hoc intelligimus, quæ in hac figura struantur ratiocinationes, omnes suis numeris absolutas esse ac perfectas: quippe quæ ex ijs absoluantur, quæ initio sumpta sunt ac concessa. Hinc etiam id constat, quæstiones cuiusvis generis in hac figura probari, tum quæ in toto ait aut negat, tum quæ in parte. Ac figuram eam primam appellandam censeo.

Figura Secunda. M. N. X.

Cap. IIIL

Vbi uerò aliquid unum & idem, in aliquo quidem toto, in alio uerò nullo reperiatur, seu in utroque toto uel nullo, figuram eam secundam appello. In qua medium uoco id, quod de ambobus extremis dicitur: Extrema uerò ac fines, ea in quibus id dicitur: Maius quidem, id quod proxime medium situm est: Minus, quod ab eo longius distat. Collocatur autem medium extra fines ac extrema, situ uerò primum est omnium: quapropter nullo pacto integra ac perfecta futura est ratiocinatio per hanc figuram: necessaria tamen conclusio hic fieri potest, seu extrema in toto sumpta sint, seu non sint. Sane ubi extrema uniuersa fuerint, struetur tum legitima ratiocinatio, ubi medium in altero nullo, in altero omni reperiatur, utrauis negatione adiecta: si secus fiat, nihil omnino

# DE PRIMA RESOLUTIONE. iii

omnino colligetur. Faciamus enim, ut  $m$  in nullo  $n$  reperiatur, in  $x$  uero omnium: tum quia negatio in toto recipiatur ac comseat, nullum in est  $n$ . iam autem confectum est, omne  $x$  esse  $m$ : ita nullum  $x$  est  $n$ . hoc enim antea confirmauimus. Rursus, si  $m$  in toto  $n$ , & in  $x$  nullo reperiatur, sanè &  $n$  in nullo  $x$  erit: nam si nullum  $m$  in nullo  $x$  cohaereat, ne  $x$  quoque in ullo  $m$  insit. inerat autem  $m$  omni  $x$ , nullum igitur  $x$   $n$  erit. eo enim modo iterum effecta est primæ figuræ structura: & quia negatio inuertitur,  $n$  quoque in nullo  $x$  reperiatur, ita eadem complexio efficietur. Licet autem & id ipsum ab absurdo confirmare. Ex his igitur hoc constat, ubi ita collocata atque digesta fuerint extrema, inde rationationem quidem effici, non tamen absolutam ac integram, ut in quæ colligendi necessitas non ab his modis sit, quæ initio sumpta sunt, sed aliunde quoque absoluatur. Quod si omne  $n$  sit  $m$ , item & omne  $x$ , nullum hinc efficitur ratiocinium. Extrema autem consentanea hæc proponantur, essentia, animans, homo: dissentanea uero ac repugnantia, essentia, animans, numerus. essentia autem medium est, & pro argumento. Neque item complexio ulla erit, ubi  $m$  in nullo  $n$ , in nullo item  $x$  dicatur. Extrema consequentia sint, linea, animans, homo: repugnantia hæc, linea, animans, laois. Vnde planè constat, ubi ex uniuersis extremis constituetur conclusio, dispositionem eam extremorum, quam initio exposui, necessariò esse obseruandam: alicui non necessariò consequetur conclusio. At uero ubi medium in altero tantum extremo toto fuerit, tum demum conclusio est futura, quæ aliquid in parte neget, si maiori extremo adiciatur.

adijciatur illud totum, seu affirmes, seu neget: minori autem addatur illud in parte, quod illi toti aduersetur ex diametro. Quod fieri intelligo, si alterum totum neget, alterum in parte affirmet: & si totum illud affirmetur, illud in parte negetur. Nam si *m* in nullo *n*, & in aliquo *x* reperiatur, necesse est *n* in aliquo *x* non reperi. cum enim negatio retrò cōmeet, in nullo *m* reperitur *n*. At uerò pro certo sumptum est, *m* in aliquo *x* reperi: ita *n* in aliquo *x* non erit, quando quidem in prima figura efficitur conclusio. Rursum si *m* sit in toto *n*, in *x* autem aliquo non sit, necessario efficitur, ut *n* in aliquo *x* non sit: alioqui omni inesset. *m* uerò de toto *n* dicitur: ita necesse est, ut *m* sit in toto *x*, cum antea pro certo & confesso sumeretur, in aliquo non esse. Quod si *m* in toto *n* intelligatur, in *x* autem non toto, inde efficitur, ut *n* in *x* non toto reperiatur: cuius rei eadem est quæ prius, probatio. At ubi *m* in toto *x* dicitur, in *n* uerò non toto, nulla tum erit conclusio. Extrema consentanea sint hæc, animans, substantia, coruus: dissentanea uerò, animans, album, coruus. Neque item erit ratiocinatio, ubi in nullo *x* dicitur illud *m*, in *n* uerò aliquo. Coniuncta extrema sumantur, animans, essentia, unitas: repugnantia, animans, essentia, scientia. Atque ita hucusque nobis expositum est, quando futura sit & non sit conclusio, ubi uniuersale pronunciatum particulari contrariū fuerit. Vbi uerò similia ambo fuerint, nempe si negent ambo, uel aiant, iacebit planè conclusio. Quod ut intelligatur, proponamus primū priuantia, ut illud uniuersale adijciatur extremo priori ad hunc modum, ut nullum *n* sit *m*, quoddam uero *x* non sit *m*: sanè fieri potest, ut in ipso

x &amp;



## DE PRIMA RESOLUTIONE. 113

x & omni & nullo reperiatur ipsum n. Extrema plane repugnancia sint hæc, nigrum, nix, animans: omnino consentanea nunquam reperias, si m in aliquo x insit, in alio non insit. Nam si in omni x reperiatur illud n, m uerò in nullo n, sanè m in nullo x erit: cum antea pro concesso sumptum sit, in aliquo esse. Hoc igitur modo extrema reperire non possis. Quapropter infirmanda est ea ratiocinatio per pronunciati particularis incertam naturam. Nam quia uerum illud est, aliquod x non esse m, etiam si nullum sit: cum autem nullum esset, antea iacebat conclusio: perspicuum est, ne hoc quidem modo stare posse. Constituantur rursus propositiones affirmatiuæ ambæ, ut illud uniuersale eodem modo collocetur. Verbi causa, ut omne n sit m, aliquod item x sit m: tum accidit, ut omne x sit n, & nullo. Extrema in quibus cernatur nullum x esse n, sunt album, cygnus, lapis. Extrema uerò, in quibus omne x sit n, reperire non possis ea ipsa de causa, quam antea exposuimus. Quare ex incerta propositionis de parte natura ducendum est ad eam rem probandam argumentum. Quod si illud uniuersum minori extremo iunctum sit ita, ut nullum x sit m, quoddam uerò n non sit, fieri potest, ut n in x & toto & nullo reperiatur. In toto quidem reperitur, ut in his, albo, animante, coruo: in nullo autem cernitur, ut in illis, albo, lapide, coruo. Quod si affirmant propositiones ambæ, extrema dissidentia sint, albū, animans, nix: consentanea, album, animans, olor. Ex quibus planè intelligitur, nullam fore ratiocinationem, ubi similes fuerint propositiones ambæ, & altera in toto, altera in parte: quin ne si medium in utroq; aliquo sit, uel nō sit, aut in hoc quidem aliquo,

b

in illo

in illo non item: aut in neutro toto, aut indistincte, extrema omnibus communia sunt, album, animans, homo: album, animans, inanimatum. Ex ijs igitur quæ exposuimus, perspicuum est, ratiocinationem necessariam fore, ubi extrema ita inter se fuerint affecta, ac collocata, ut diximus. Quod si ratiocinatio sit, necesse est extrema ita esse collocata, atque affecta. Hoc etiam intelligitur, omnes imperfectus esse, quæ in hac figura struuntur ratiocinationes: quippe quæ perficiantur omnes quibusdam assumptis, quæ uel in extremis necessario erant posita, uel cerio conceduntur quasi ex pacto & fictione: ut fit, cum absurdo aliquid confirmamus. Constat & hoc, nullam in hac figura affirmantem effici conclusionem: sed omnes negantes, tum quæ in toto sunt, tum quæ in parte.

De figura tertia. P. R. S.

Cap. V.

At uerò ubi hoc in aliquo toto fuerit, illud autem in eodem nullo, seu ambo in eo toto, aut nullo sint, figuram eam tertiam appello. in qua Medium id uoco, de quo ambo illa enunciamus: Extrema uerò ea ipsa, quæ de alio enunciantur: Maius quidem, quod à medio longius distat: Minus uerò id, quod propius accidit. Medium autem extra ipsa extrema collocatum est illud quidem, ac situ & dispositione est postremum. Ita ne in hac quidem figura ulla efficitur perfecta ratiocinatio: effici tamē possit, seu extrema uniuersaliter medio iungantur, seu non omnino. Vbi igitur extrema uniuersim sumantur, si & p & r in toto reperiantur, necessario efficitur conclusio, ut p in aliquo r intelligatur. Cum enim

reci-

DE PRIMA RESOLVTIONE. 115

reciprocetur affirmatio, sanè in aliquo  $r$  erit ipsum  $s$ . Ita q; quia ipsum  $p$  est in toto  $s$ , uerò in aliquo  $r$ , consequitur, ut  $p$  in aliquo  $r$  insit. ita enim struitur ratiocinatio in prima figura. Licet autem id ipsum confirmare, tum ab absurdo, tum expositione. Si enim ambo extrema in toto insint, & assumatur pars quædam ipsius  $s$  uerbi gratia, ipsum  $n$ : sanè ei inerit &  $p$  &  $r$ : ita cuida  $r$ ,  $p$  quoq; inerit. Quod si  $r$  in toto  $s$ , in eodem uerò nullo ipsum  $p$  reperiatur, efficietur conclusio, qua  $p$  in aliquo  $r$  non inerit: idq; necessario. quippe eadē est, quæ prius, eius rei probandæ ratio, si pronunciatum hoc  $r$   $s$  retrocedat ac commeet. Confirmabitur & id ipsum ex incommodo, ut fit in superioribus. Vbi uerò ipsum  $r$  in nullo sit  $s$ , in hoc uerò toto ipsum  $p$ , iacebit planè conclusio. Extrema consentanea sunt, animans, equus, homo: dissidentia, animans, inanimum, homo. Ne tum quidem ratiocinatio erit, ubi in nullo  $s$  ambo dicantur. Extrema coniuncta sumantur, animans, equus, inanimum: repugnancia uerò, homo, equus, inanimum. ex ijs inanimum est medium. Hinc igitur manifestum, quando sit, uel non sit futura in hac figura ratiocinatio, ab extrema omnino sumpta sunt: quippe ubi affirmant, colligitur extremum alterum in aliquo altero esse: ubi uerò negant, nihil efficietur. At ubi alterum ait, alterum negat: si maius quidem neget, alterum autem affirmet, hinc consequetur, extremum alterum in altero aliquo non esse. sin contrā sit, nulla futura est conclusio. Quod si extremum alterum medio iungatur uniuersim, alterum uerò in parte: si ambo affirment, necessario efficietur conclusio, etiam si utrumuis eorum in toto dicatur. Nam si  $r$  sit in

toto *s*, *p* uerò in eo aliquo, necesse est *p* in aliquo *r* inesse. Nam, quia com meat affirmatio, ipsum sanè *s* in alio quo *p* erit; atq; ita, cum ipsum *r* in toto *s* intelligatur, ipsum uerò *s* in aliquo *p*, sanè *r* in aliquo *p* erit: quare & *p* in aliquo *r*. rursum si ipsum *r* in aliquo *s* intelligatur, in eo uerò toto ipsum *p*, necesse est ut *p* in aliquo *r* insit. Huius enim conclusionis adstruendæ eadem est atque superiorum uia, quam etiam confirmare possis, quemadmodum antecedentes, tum absurdo, tum expositione. Quòd si extremorum alterum aiat, alterum neget, atq; illud uniuersim dicatur: sanè ubi minus extremum ita affirmet, stabit conclusio. Nam si *r* in toto *s* sit positum, *p* uerò in eo ipso aliquo non insit, necesse est ut *p* in aliquo *r* quoq; non insit. Nam si in eo toto esset, *r* autem in toto *s*, profectò ipsum *p* in toto *s* quoq; res periretur. At pro concessio sumptum est, non inesse. Potest autem adstrui hic modus absque eo ductu, si aliqua pars ipsius *s* sumatur, in qua *p* non sit. Quòd si maius extremum affirmet, minus autem neget in parte, nulla erit conclusio: ut si *p* in toto *s* insit, in eo uerò aliquo ipsum *r* non insit. Sumantur pro extremis omnino contentientibus, animatum, homo, animans: pro dissidentibus uerò ac planè repugnantibus nulla accipi possunt, si *r* in *s* alia ex parte insit, alia non item. Si enim *p* in toto *s* reperiatur, *r* uerò in *s* aliquo, & *p* quoq; in aliquo *r* erit. at, ut confessum est, in nullo erat: quin, quemadmodum antea, eodem modo hic faciendum est. Cum enim aliquid in alio aliquo non esse indefinitum sit ac incertum, sanè quod in nullo est, uerè dicitur in aliquo non esse: cum autem in nullo esset, nulla erat ratiocinatio.

Quòd

# DE PRIMA RESOLUTIONE. 117

Quòd si extremum negans uniuersim dicatur, affirmans uerò in parte, ubi negans prius fuerit, affirmans autem posterius, stabit ratiocinatio. Nam si  $p$  in nullo  $s$ , in hoc uerò aliquo sit ipsum  $r$ : sanè  $p$  in quodam  $r$  non erit. Nam si pronunciatum hoc  $r$   $s$  permutetur, uisetur prima figura. Quando uerò minus extremum negauerit quid, iacebit planè ratiocinatio. Fines consentientes sunt, animans, homo, fera: repugnantes uerò, animans, sapientia, fera: in quibus illud Fera, medium inferitur. Ne syllogismus quidem erit, si ambo extrema negent, ut alterum in toto sit, alterum in parte. Fines dissidentes sunt, ubi minus in medio toto dicitur, animans, sapientia, efferatum: coniuncti ac consentientes, animans, homo, fera. In quibus autem maius extremum omnino dicitur, minus uerò in parte, exempla repugnantia sunt, coruus, nix, album: consentanea uerò reperiri non possunt, si  $r$  in ipso  $s$  partim sit, partim non sit. Nam si omni  $r$  ipsum  $p$  sit consequens, ipsum uerò  $r$  alicui  $s$ , sanè  $p$  ipsum alicui  $s$  consequens est. At pro certo ac concesso habebatur, nullum consequi: uerum ex incerta ueritate propositionis de parte, hoc confirmari debet. Quòd si ambo fines in medio aliquo sint, uel non sint: sed hic insit, ille non item: seu alter in aliquo, alter uerò in eo non omni, seu indefinita sint ac incerta, ne tum quidem firma est ullo pacto futura ratiocinatio. Fines autem omnibus modis in commune utiles, animans, homo, album: animans, inanimum, album. Hinc igitur constat, quando sit in hac figura futura firma conclusio, quando secus. Ac si ita fines disponantur, ut præcipimus, necessariò conclusionem effici: quòd si stet ratiocinatio,



natio, fines necessariò ita esse collocandos. Illud quoque constat, imperfectas eas esse, quæ in hac figura struuntur, ratiocinationes: quippe quæ absoluantur omnes, ubi nonnulla assumas. Adde quòd in hac figura nihil uniuersim efficere possis, seu affirmes, seu neges. Id etiam ex his perspicuum est, quando in quauis figura iaceat conclusio: sanè ubi extrema ambo in parte aiant quid, aut negent, nihil planè inde efficitur. Quòd si affirmatio cum negatione uniuersali sumatur, perpetuò sequitur conclusio negans minus extremum de maiori. Verbi causa, si *a* in toto *b*, aut aliquo sit, *b* uerò in nullo *c*, cum retrò commencent propositiones, necessariò efficitur, ut *c* in aliquo *a* non sit: quod in alijs figuris eodem modo fit. nam in quauis efficitur ratiocinatio ex conuersione. Constat & hoc, si indefinita propositio praaffirmante particulari sumatur, eundem atq; illam syllogismum efficere in quauis figura. Illud quoque manifestum apparet, imperfectas ratiocinationes in prima figura omnes perfici atque absolui: quippe, aut demonstratione finiuntur omnes, aut per absurdum. At utrius horum modorum efficitur prima figura. Nam ubi demonstratione perficiuntur, reciprocatione absoluntur omnes: hæc autem primam figuram constituebat. In his autem quæ ab absurdo confirmantur, ratiocinatio in prima figura struitur, proposita atque constituta aliqua re falsa: ut si in ultima figura *a* & *b* in toto c reperiuntur, ipsum *a* in aliquo *b* erit: alioqui in nullo *b* fuerit *a*, *b* uerò in toto *c*. *a* igitur in nullo *c* inest: at antea in toto esse concessum est. eodem modo in cæteris fieri solet. At uerò reduci possunt ratiocinationes omnes in

DE PRIMA RESOLVTIONE. 119

*eas, quæ uniuerſim colligunt in prima figura. Eſt enim in ſecunda figura id perſpicuum, omnes perfici per illas, præterquàm quòd non eadem uia omnes: quin uniuerſales perficiuntur quidem, ſi priuans retrò commeet: at quæ in parte ſunt, ambæ ab incommodo confirmantur. quæ autem in parte ſunt in prima figura, ut ex ſeipſis perfectæ ſint, atque abſolutæ, eas tamen per ſecundam figuram confirmare licet ductu ad incommodum. uerbi cauſa, Si a eſt in toto b, hoc uerò in aliquo c, a quoque in aliquo c erit. Nam ſi in nullo ſit, ſit uerò in toto b, b ſanè in nullo c erit: id quòd ex ſecunda figura intelligitur. Eadem eſt in priuante conſuſione confirmatio. Nam ſi a in nullo b cernitur, b uerò in aliquo c maxime, a ſanè in aliquo c non reperitur: alioqui ſi in toto eo eſſet, & in nullo b reperiretur, proſectò ipſum b in nullo c eſſet: eo autem modo ſtruebatur media figura. Vnde quia ratiocinationes figuræ mediæ, ad eas quæ in prima figura uniuerſales ſiunt, reducuntur omnes: particulares autem ex prima ad eas referuntur, quæ in media ſiunt: perſpicuum eſt, quæ in parte efficiuntur, referendas eas eſſe ad eas quæ in prima figura uniuerſim ſiunt. Quæ uerò in tertia figura ſtruuntur, ſi extrema uniuerſa ſint, continuò per ratiocinationes illas prima figuræ perficiuntur. Quòd ſi in parte ſint extrema, ad ſyllogiſmos eos referuntur, qui in parte colligunt per primam figuram. Hos uerò ad illos referri docuimus: quare referentur quoque qui in parte ſtruuntur per tertiam figuram. Hinc igitur planè conſtat, ratiocinationes omnes ad eas referri debere, quæ uniuerſim ſiunt in prima figura. Atque ita hucusque nobis expoſitum eſt.*

*b   +   quæ*

quæ sit dispositio, uis & natura earum ratiocinationū,  
quæ aliquid esse uel non esse colligunt, seu per se in sua  
quæque figura cernantur, seu ex diuersis figuris simul  
comparentur.

De uaria pronuntiatorum coniunctione.

Cap. VI.

At uerò quia diuersa sunt hæc, inest, necessariò in-  
est, accidit inesse (permulta enim insunt illa quidem,  
non tamen necessariò: alia nec necessariò insunt, nec re  
ipsa omnino insunt, inesse tamen possunt) perspicuum  
est, inde ratiocinationes ex ijs singulis confectas, diuer-  
sas esse, extremaq; in ijs nõ eodem modo se habere: quin  
alia ex necessarijs constat, alia ex absolutis, alia ex con-  
tingentibus. In necessarijs igitur eodem ferme modo res  
se habet, ac in absolutis: si enim eodem modo collocen-  
tur extrema, tum in ijs quæ inesse, tum in ijs quæ neces-  
sariò inesse quid aiunt uel negant, modò conficietur ra-  
tiocinatio, modò non conficietur. Hoc tantum differunt,  
quòd extremis adijcitur necessariò inesse, uel non inesse:  
priuans enim propositio eodem modo recipiatur,  
ac in toto aliquo esse, ac de toto aliquo dici, eodem hic  
modo locum habent, quo in absolutis. Quo fit, ut quem-  
admodum in ijs quæ insunt, ita in necessarijs conclusio  
per reciprocationem ostendatur: idq; in omnibus, præ-  
terquam quòd in media figura, cum altera propositio  
fuerit affirmatiua uniuersalis, altera particularis pri-  
uans: itemq; in tertia, cum altera uniuersalis affirmatio  
erit, altera negatio in parte, non ita ostendi possit: quin  
necesse est, ubi singulare aliquod proposueris, cui neus-  
trum insit, in eo ratiocinationem efficere: in eo enim ne-  
cessariò

DE PRIMA RESOLVTIONE. 121

cessariò efficietur. Quòd si in re singulari proposita necessariò efficietur, in illius generis, cuius pars est illa res, singula parte etiam efficietur. Harum autem ratiocinationum utraq; in sua figura efficietur.

Quomodo necessarium & absolutum pronunciatum committantur in prima figura.

Cap. VII.

Fit autem nonnunquam, ut necessaria efficiatur conclusio, ubi altera propositio necessaria sit: uerum non utrauis, sed quæ maiori extremo coniuncta est. uerbi causa, si sumptum sit, a necessariò esse, uel non esse in b: b uerò in c esse modò: sanè si eo modo sumptæ sint propositiones, a in c necessariò erit, uel non erit: quippe quòd sit in b necessariò, uel non sit. c uerò pars est ipsius b: unde perspicuum est, c necessariò alterum eorum futurum. Quòd si b esse a necesse non sit, c uerò esse b maxime, inde non efficietur necessaria conclusio: alioqui accidet, quoddam b necessariò esse a tum in prima, tum in tertia figura, quod planè est falsum. fieri enim potest, ut b eiusmodi sit, ut illi nulla in parte a aliquando insit. Iam uerò conclusionem non sequi necessariam extremis propositis, facile intelligitur. exempli causa, si a sit motus, b animans, loco c locetur homo: tum homo necessariò est animans: animans autem mouetur, neque id necessariò, neque itidem homo. Eadem est ratio, si priuans fuerit propositio a b: est enim demonstrandi ratio eadem. In ratiocinationibus autem particularibus, cum propositio uniuersalis necessaria fuerit, connexio efficietur necessariò: sin particularis necessaria sit, non inde sequetur conclusio necessaria, siue priuans sit uniuersalis propositio.

b s siue

siue affirmatiua. Constituamus primum uniuersalem necessariam, sitq; omne *b* necessario *a*: quoddam uero *c* sit *b*, tantum necessario inde consequitur, quoddam *c* necessario esse *a*: *c* enim sub *b* continetur. omni autem *b*, *a* necessario inerat. ita fiet, ubi conclusio priuans fuerit. est enim eadem probandi uia. Quod si particularis propositio necessaria sit, non consequetur conclusio necessaria. quemadmodum enim in uniuersalibus rationationibus, ita neq; in his quicquam absurdum accidit: quod & in priuantibus æque est intelligendum. sint extrema hæc, motus, animans, album.

### Coniunctiones quæ in secunda figura.

#### Cap. VIII.

Cum autem in secunda figura propositio priuans necessaria fuerit, necessaria efficietur connexio: si affirmatiua, non item. Constituatur enim primum priuans necessaria, ita ut *a* nulli *b* inesse possit, in sit autem ipsi *c* tantum. Nam cum negatiua reciprocetur, & *b* nulli *a* inesse poterit: *a* uero omni *c* inest: igitur in nullo *c* *b* esse potest, est enim *c* sub *a* comprehensum. Ita fiet, si negatio ipsi *c* adijciatur. Nam si nulli *c* inesse potest, & *c* nulli *a*, *a* uero omni *b* inest: ita fit, ut nulli *b* possit inesse *c*. constituitur enim rursum prima figura. ita fit, ut & ipsum *b* nulli *c* inesse possit: eodem enim modo retroeunt. Quod si affirmatio necessaria sit, non efficietur necessaria conclusio. Faciamus enim, ut omne *b* necessario sit *a*, nullum uero *c* sit *a* tantum: si retrocedat negatio, constituitur prima figura, in qua antea probatum est, nisi maior propositio negatiua ne-

cessaria



cessaria sit, connexionem non fore necessariam: unde  
 nec in his necesse est fore. Præterea, si necessaria sit  
 conclusio, sit, ut c alicui a non insit necessario: si enim b  
 nulli c inest, idq; necessario, & c nulli b æque necessa-  
 riò inest. b autem alicui a necesse est inesse: nam a om-  
 ni b necessariò inerat. ita fit, ut sit necesse c alicui a non  
 inesse. At nihil uetat, quin eiusmodi acceptum sit, cui u-  
 niuersim ipsum c inesse possit. Iam uerò extremis pro-  
 positis, probari possit, conclusionem non esse absolute  
 necessariam, sed tantum quamdiu illa sunt. Verbi gra-  
 tia, pro a sumatur animans, loco b homo, in locum c  
 succedat album, sintq; eodem modo sumptæ proposi-  
 tiones: accedit, nullum album esse animans. nullum item  
 album est homo, non tamen necessariò: fieri enim po-  
 test, ut homo sit albus, non tamen quamdiu nullum al-  
 bum est animans. Ita conclusio necessaria est, quan-  
 diu illa sunt: absolute necessaria non item. Ita fit in  
 ratiocinationibus particularibus. cum enim proposi-  
 tio priuans uniuersa fuerit, & necessaria, connexio  
 quoque necessaria erit. Quòd si affirmatiua uniuersa  
 sit, & necessaria: negatio autem particularis sit, nec  
 necessaria: non sequetur connexio necessaria. Pri-  
 mum itaque constituamus negationem uniuersalem ne-  
 cessariam, Nullum b potest esse a, quoddam autem c  
 est a. Nam quia reciprocatur negatio, necesse est nul-  
 lum a esse b. quoddam autem c est a: ita fit, ut necessa-  
 riò quoddam c non sit b. Rursum proponatur uniuersa  
 affirmatio necessaria, ut affirmatio adijciatur i-  
 psi b: tum si omne b necessariò est a, quoddam autem c  
 non est a, perspicuum est inde, quoddam c non esse b, sed

124 ARISTOTELIS LIBER I.

non necessario. Eadem enim extrema usui erunt ad id probandum, quæ antea in uniuersalibus syllogismis. Quod si negatio necessaria sit in parte, nibilo magis conclusio necessaria est: id enim per ipsa extrema probari potest.

Quo pacto in tertia figura committantur,  
Cap. IX.

Cum autem extrema de medio in totum dicentur in ultima figura, fuerintque ambæ propositiones affirmantes, utrauis necessaria, conclusio quoque necessaria consequitur. Quod si propositionum altera aiat, altera neget, cum negans necessaria fuerit, connexio necessaria est futura: ubi uerò aiens necessaria fuerit, non erit necessaria conclusio. Constituantur ambæ primum affirmantes, ut  $\& a \& b$  omni  $c$  insit, sitque necesse  $a$  inesse ipsi  $c$  iam cum  $b$  omni  $c$  insit,  $c$  alicui  $b$  inest (commutatur enim uniuersalis in particularem.) Ita si  $a$  necessario insit omni  $c$ ,  $\& c$  alicui  $b$  insit, necesse est  $a$  alicui  $b$  inesse: quippe cum  $b$  comprehendatur sub  $c$ . Ita rursus prima figura. Eadem ratione probabitur, si necesse sit omni  $c$  inesse  $b$ : commutatur enim altera,  $\& c$  alicui  $a$  inest. Itaque si omne  $c$  necessario est  $b$ , quoddam autem  $a$  est  $c$ , quoddam  $a$  necessario est  $b$ . E contra uerso sit priuans propositio  $c$   $a$ ,  $\& c$   $b$  affirmans, sitque priuans necessaria: iam quia reciprocatur affirmatio, quoddam  $b$  est  $c$ , nullum autem  $c$  est  $a$ , idque necessario: igitur quoddam  $b$  necessario non est  $a$ , cum  $b$  sub  $c$  comprehendatur. Quod si affirmatio necessaria sit, non sequetur necessaria connexio. Constituiamus enim ex  $c$   $b$  necessariam affirmationem, ex  $c$   $a$  negationem non necessariam:

DE PRIMA RESOLVTIONE. 125

cessariam: quia commutatur affirmatio, quoddam  $b$  necessario est  $c$ : igitur cum nullum  $c$  sit  $a$ , quoddam uero  $b$  sit  $c$ , quoddam  $b$  non est  $a$ , non tamen ex necessitate: docuimus enim, cum negatio in prima figura necessaria non fuerit, neque conclusionem necessariam fore: quod & ab extremis intelligi potest. Constituamus enim loco  $a$  bonum, pro  $b$  animal, loco  $c$  equum: tum nullus equus est bonus: (id enim fieri potest) omnis autem equus necessario est animal: neque tamen necesse est quoddam animans non esse bonum, cum fieri possit ut omne sit bonum. quod si forte id fieri non possit, aliud extremum constituamus, uigilare, uel dormire: nam omne animans utrumq; horum recipere potest. Cum igitur ambo extrema de medio uniuersim dicentur, exposuimus, quando conclusio necessaria fuerit: si uero alterum uniuersim, alterum in parte dicatur, idq; affirmando in ambobus, cum idem uniuersim & necessario dicetur, conclusio efficitur necessaria: cuius rei probatio eadem est quæ prius. affirmatio enim in parte com meat, ac reciprocatur. Igitur cum omne  $c$  necessario sit  $b$ ,  $a$  uero sub  $c$  contineatur, necesse est quoddam  $a$  esse  $b$ : quod si quoddam  $a$  est  $b$ , necessario uicissim etiam quoddam  $b$  est  $a$ , idq; de necessitate: hæc enim retrocedunt. Badem est ratio, cum ex  $c$  &  $a$  necessaria fuerit, & uniuersalis propositio, quia  $b$  ipsi  $c$  subiicitur: sin particularis necessaria sit, non efficitur necessaria conclusio. Sit enim, uerbi causa, ex  $c$   $b$  particularis propositio, ac necessaria: sitq; omne  $c$   $a$ , nec id necessario: commutata igitur propositione  $c$   $b$ , prima figura efficitur. uniuersalis autem propositio non est necessaria:

ria: at particularis maxime. Cum autem ita constituta sunt propositiones, docuimus non effici necessariam complexionem. igitur neque ex his etiam consequetur, quod uel maxime ab extremis intelligitur. Sit itaque a uigilia, b uero bipes, ipsi c succedat animans: tum b cuiusdam c necessario inest, a uero omni c inest: nec tamen a ipsi b necessario inest. neque enim necesse est, id quod bipes est, dormire, aut uigilare. Hoc idem ex eisdem extremis probabitur, ubi a c propositio fuerit particularis ac necessaria, conclusionem non fore necessariam. Quod si extremorum alterum affirmetur, negetur alterum, cum id quod negatur, & uniuersum & necessario negabitur, complexio tum necessaria erit. Nam si nullum c est a, idque necessario, quoddam autem c est b, quoddam b necessario non est a. At uero cum affirmatio necessaria fuerit, siue ea in toto dicatur, siue in parte, uel negatio fuerit particularis, non erit conclusio necessaria: cetera enim eadem quæ prius, afferemus. ubi autem affirmatiua uniuersalis necessaria fuerit, extrema sint, uigilia, animans, homo: sitque homo medium. Cum uero affirmatio in parte fuerit ac necessaria, sumuntur hæc, uigilia, animans, album. nam quoddam album necessario est animans: fierique potest, ut nullum animans uigilet: nec tamen efficitur, ut quoddam animans non uigilet necessario. Cum uero negatio particularis fuerit ac necessaria, extrema hæc proponantur, bipes, motus, animal: sitque in his medium animal. Hinc igitur intelligi potest, conclusionem non fore absolutam, nisi propositiones ambæ absolutæ sint. At necessaria est, ubi altera tantum propositio necessaria fuerit: in ambobus autem,

autem, siue affirmantes sint syllogismi, siue negantes, oportet alteram effatum complemioni respondere: nempe ut absolutū sit, si illa sit absoluta: necessarium, si necessaria. Ita id quoque perspicuum est, neque necessariam; neque absolutam fore connexionem, nisi antecedit pronunciatum necessarium, uel absolutum. Ac de necessario abunde satis, qua inquam ratione colligatur, quoque discrimine distinguatur ab eo quod absolute inest.

De coniungendis ac componendis effatis: de contingenti, ac ratiocinationibus ex eo conficiendis, quoque pacto recipitur in seipsum.

Cap. X.

De contingenti uero deinceps nobis est dicendum, quando, quaque uia, quibus item propositionibus conficietur syllogismus. Contingere autem ac contingens in praesentia intelligo, id quod cum non sit necessarium, si tamen ponatur, nullum inde sequitur incommodum. cum enim necessarium dicimus esse contingens, nominis tantum similitudine id facimus, & agnominatione. quod autem contingens id sit, quod diximus, abunde argumentato sunt affirmationes & negationes inter se contrariae: nam non contingens esse, & impossibile esse, ac necesse non esse, uel eadem sunt, uel certe sese mutuo consequuntur. Quod si ita est, eorum quoque contraria sese mutuo consequuntur. Hac enim, accidit esse, non impossibile est esse, non necesse est non esse, uel eadem sunt planè, uel sibi inuicem adiuncta: de re enim quauis affirmatio dicitur, uel negatio. Ita fit, ut contingens sit non necessarium, & non necessarium contingens. At uero hoc in  
contin-



contingenti reperitur, ut omnes de eo propositiones in se mutuo commeent ac reciprocentur. quod non ita intelligo, quasi affirmationes in negationes commutentur: sed quia speciem affirmandi habent, in oppositas commutari. uerbi causa, contingit esse, in hanc commutari potest, contingit non esse: item, in omni contingit, in hanc commeat, in nullo contingit, aut non omni. Item, in aliquo contingit, in hanc uertitur, non omni accidit. quod idem fit in cæteris. Nam quia contingens non est necessarium, quod autem huiusmodi est, potest non esse: hinc constat, si contingit b esse a, contingit & non esse: quod si accidit in omni reperiri, accidit & in nullo reperiri. Eadem est affirmationum in parte ratio: eadem enim est in his demonstrandi uia. At uero propositiones huiusmodi affirmant, non negant. Nam uerbum accidendi (quod & prius diximus) eodem fungitur munere, quo ipsum esse. His igitur ita constitutis, rem ab initio repetamus. Vocabulum accidendi duobus modis usurpamus: altero, pro eo quod frequentius fit, & à necessario deficit: cuiusmodi hæc sunt, hominem canescere, augeri, tabescere, & (ut semel dicam) quicquid aptum est ut in sit. Id enim non habet perpetuam necessitatē, quia non semper est homo. hic tamen cum est, aut necessario illud est, aut certe plurimum. Altero modo accidere id dicimus, quod incertum est & indefinitum, quodq; ita & secus euenire potest. cuiusmodi hæc sunt, animās incedere: aut dum incedit, terram concuti, & (ut uno uerbo dicam) quicquid fit forte fortuna. eorum enim omnium nihil in hæc partem natura magis est propensum, quam in contrariam. Quocirca utraq; contingentis acceptio in contrariis

rias

rias propositiones reciprocatur, sed non eodem plane  
 modo. Quin quod natura propensius est, conuertitur in  
 non necessarium. eo modo dicimus, contingens est, ho-  
 minem non canescere: quod autem indefinitum, & usq;  
 deq; est, in id mutatur quod in utranq; partem ex aequo  
 uergit. Ac de his ita incertis, neq; scientia constitui po-  
 test, nec ratiocinatio euident, quia medium inconstans  
 est. De his autem quæ natura propensa sunt in partem  
 alteram, potest quidem constitui: quin disciplinæ fer-  
 mæ omnes, ac inquisitiones de his fiunt, quæ ita acci-  
 dunt. de illis autem ut ratiocinatio fieri possit, non so-  
 lent tamen quæstiones institui: sed de ea posterius ex-  
 plicabimus iussus. Iam uerò dicamus, quando, quæq;  
 uia, ac cuiusmodi futura sit ex contingentibus proposi-  
 tionibus ratiocinatio. At uerò cum hæc dicendi forma,  
 accidit hoc illi inesse, duobus modis intelligi possit, tum  
 de eo cui insit, tum de eo cui inesse possit: hæc enim lo-  
 quendi ratio, de quocunque b contingit, & a dici ho-  
 rum utrunque designat, uel de quo dicitur b, aut de quo  
 dici potest: hæc autem inter se nihil differunt, in quo-  
 cunque b, & a quoq; eidem accidere, & omni b inef-  
 se posse a. Planum igitur, duobus modis accipi posse il-  
 lud, contingit a in omni b inesse. Initio igitur dicamus,  
 quis sit futurus syllogismus, cum b accidit ipsi c, a uerò  
 ipsi b: ita enim ambæ propositiones contingentes su-  
 muntur. cum autem a ei accidit, cui b inest, altera ab-  
 soluta est propositio, altera contingens. Ducendum igi-  
 tur nobis est initium ab ijs quæ similia sunt, ac eiusdem  
 formæ, quod & alias fecimus. Quum a accidit omni b,  
 b uerò omni c, syllogismus erit perfectus, quo colligetur,

a accidere omni c: quod ex finitione perspicuum est. ita  
 enim antea explicuimus, accidere omni. Haud secus, si  
 a nulli b accidit, b autem omni c, a nulli c accidet. Di-  
 ximus enim, cui b accidit, a non accidere, id sibi uelle, ut  
 ne unum quidem omittatur ex ijs quibus b accidit. At  
 uerò quum a omni b accidit, b uerò nulli c, ex prolo-  
 quijs ita acceptis nulla nascitur ratiocinatio: quòd si ef-  
 fatur ex b c commutetur pro natura accidentis, is ipse  
 erit syllogismus, qui paulo antè expositus est. Nam quia  
 accidet, ut b nulli c in sit, potest & inesse omni: id enim  
 antea docuimus. Ita si b omni c accidet, a uerò omni b,  
 idem iterum oritur syllogismus. Hoc idem fit, si ambas  
 bus propositionibus contingentibus adijciatur negatio:  
 uerbi causa, si a nulli b accidit, b uerò nulli c. Vt enim  
 ex pronuntiatis ita sumptis nulla constituatur ratiocina-  
 tio, si tamen ea commutentur, eadem erit quæ superio-  
 rior. Ex quo perspicuum est, nullum planè fieri syllo-  
 gismum: aut fieri quidem, sed imperfectum, ubi nega-  
 tio uel minori extremo adijciatur, uel etiam ambabus  
 propositionibus. Necessariò enim ita demum colligitur  
 complexio, si primùm reciprocatio fiat. At ubi pronun-  
 ciatum alterum uniuersale fuerit, alterum in parte: si uo-  
 niuersale maiori extremo coniungatur, perfectus erit  
 syllogismus. Nam si a omni b accidit: b uerò alicui c, a  
 quoq; alicui c accidet: quod facillè intelligitur ex inter-  
 pretatione eius quod omni accidet. Iam si a nulli b ac-  
 cidit, b uerò cuidam c, necessariò consequitur, ut a cui-  
 dam c possit non inesse: cuius rei probandæ eadem est,  
 quæ superius, ratio. Quòd si particularis propositio ne-  
 gatiua sumatur, uniuersalis autem affirmatiua, & eun-  
 dem

DE PRIMA RESOLUTIONE. 131

dem retineant situm, ut a omni b accidit, b cuidam c accidit non inesse: syllogismus ex propositionibus ita acceptis non habet uim apertam. Quod si reciprocetur particularis, ac sumatur, b alicui c accidere, eadem quæ prius sequetur complexio, quemadmodum initio fecimus. Sin maior in parte fuerit, minor uero in toto, nullo pacto hinc fiet syllogismus, siue affirmet ambæ, siue negent, siue qualitate euariant: si etiam ambæ indefinitæ sint, aut particulares. Nihil enim uetat, quo minus b excedat ipsum a, nec æqualiter dicatur. Sumatur igitur c pro eo, quo b excedit ipsum a: sanè huic nec omni, nec nulli, nec alicui, nec non alicui accidit ipsum a: etiam si reciprocetur contingentes propositiones, modò b pluribus accadat, quàm a. Quod autem ita constitutis propositionibus primum postremo, modò omni, modò nulli, accidere sit necesse; extrema planè ostendunt. Siniq; hæc extrema omnibus communia, in quibus necessariò insit primum postremo, animans, candidum, homo: in quibus non inest, animans, candidum, uestimentum. Nullum autem fieri syllogismum constitutis ita extremis, hinc manifestum euadit: quia syllogismus omnis, aut colligit inesse, aut necessariò inesse, aut quid cuiquam accidere. Quod autem is syllogismus nec inesse colligat, nec necessariò inesse, hinc intelligitur: affirmatiua enim conclusio tollitur negatiua, negatiua uero per affirmatiuam eueritur. Restat, ut primum postremo accadat: quod fieri non potest. Ostendimus enim, si ita statuatur extrema, primum postremo omni inesse necessariò in nonnullis, in alijs nulli inesse: idq; necessariò. Non igitur contingens fuerit conclusio: quippe

quod necessarium est, id ab eo quod accidit, diuersum esse diximus. Constat igitur, ubi extrema uniuersaliter accepta fuerint in contingentibus propositionibus, semper fieri syllogismum in prima figura, siue affirmant, siue negent, præterquam quod si affirmant, perfectus est futurus: si negent, imperfectus. Contingens autem & accidens id sumendum est, quod à necessario distinguitur, quo modo diximus: non quod cum eo conuenit, id quod nonnunquam ægrius discernitur.

Coniunctio contingentis, & absoluti in prima figura. Cap. XI.

Quod si altera propositio absoluta sit, altera uero contingens, cum accidere significabit, ea quæ maiori extremo coberebit, perfecti erunt qui hinc orientur syllogismi, & de contingenti, ut antea explicuimus. Quod si minori extremo coniungatur, imperfecti erunt omnes syllogismi, ac priuantes, nec secundum contingentis acceptionem ante expositam, sed quod aut nulli, aut non omni necessario insit. Si enim nulli, aut non omni ex necessitate insit, accidere dicimus, ut id nulli, aut non omni insit. Fac igitur, ut a omni b accadat, b uero omni c insit, tum quia c sub b comprehensum est, a autem accedit omni b, perspicuum est, illud idem ipsi c accidere, sitque perfectus syllogismus. Eodem modo suis numeris absolutus fuerit syllogismus, quo colligetur accidere, ut a nulli c insit, si priuans fuerit propositio a b, affirmatiua autem b c, sitque de contingenti sumpta a b, pura uero b c. Constat igitur, perfectos constitui syllogismos, ubi minor propositio absoluta fuerit: quod si opposito modo res habeat, syllogismi quoque erunt: quod



# DE PRIMA RESOLUTIONE. 133

quod ab absurdo ostendi debet. Vnde quoque perspicuum fiet, imperfectos eos fore: quippe qui ex propositionibus acceptis probari nequeant. Est autem primum exponendum, si cum *a* sit, necessario *b* erit: si *a* esse possit, posse esse *b*, idq; necessario. Faciamus enim, dum res ita habeat, ut loco *a*, possibile collocetur: pro *b*, impossibile: tum possibile, dum fieri potest, fiat: impossibile uero, quia fieri nequit, ne fiat. Iam cum *a* possibile sit, *b* impossibile, tum fieri potest, ut *a* fiat sine *b*: quod si fieri, esse quoque potest: quod enim factum est, ubi demum fuerit factum, tum est. Possibile autem, & impossibile, non in faciendo modo accipienda sunt, sed & in uero, absoluto, & quocumq; alijs modis in uniuersum possibile accipitur: in omnibus enim eadem erit ratio. Præterea si *a* sit, *b* quoque esse: non est ita accipiendum, neque protinus existimandum, quasi ex eo quod unum quid, ut *a* sit, *b* fore. Nihil enim quicquam ex uno tantum necessario consequitur: sed ex duobus minimum. idq; ubi proloquia ita fuerint in ratiocinationis formam exposita, ut antea præceptum est. Nam si c dicitur de *d*, ipsum uero *d* de *f*, necesse est ut *c* de *f* dicatur. Quod si propositiones ambæ posibles sint, conclusio quoque possibilis erit. Quemadmodum igitur, si *a* pro propositionibus accipiat, *b* uero ut complexio: hinc fiet, ubi *a* necessarium fuerit, *b* quoque necessarium esse: neque id modo, sed si illud possibile fuerit, hoc quoq; possibile fore. Quare ita constituta, constat, ubi falsum quidem positum fuerit, non tamen impossibile, id quod inde accidit, falsum quidem esse ex fictione: impossibile non item. uerbi causa, si *a* falsum quidem

fit, non tamen impossibile: cum autem *a* est, *b* quoque consequitur: sanè *b* falsum erit, non item impossibile. Cum enim monstratum sit, ex *a* consequi *b*, hoc autem possibile esse, si illud quoque possibile sit: fingamus autem *a* esse possibile, *b* igitur possibile erit: si enim impossibile esse dicamus, accidet, ut idem possibile sit, & impossibile. His igitur rebus ita expositis, faciamus ut omne *b* sit *a*, & omne *c* possit esse *b*. hinc necesse est, ut omne *c* possit esse *a*. Quod si lubet, fingamus non posse, & hoc nobis concedatur, ut omne *c* sit *b*. quod ut falsum sit, non est tamen impossibile. tum si omne *c* non potest esse *a*, cum omne *c* sit *b*: non omne *b* potest esse *a*. fit enim in figura tertia syllogismus. At uerò antea positum erat fieri posse, ut omne *b* esset *a*: colligitur itaque necessario, ut omne *c* possit esse *a*. Cum enim res falsa, non tamen impossibilis ex fictione posita fuisset, quod ex ea consequitur, impossibile est. Illud ipsum ductu ad incommodum in prima figura ostendere etiam licet, si concedamus, ut *c* sit *b*. nam si omne *c* est *b*, omne autem *b* potest esse *a*, *c* quoque omne potest esse *a*: cum tamen positum sit, non omne posse. Quod autem dicimus omni inesse, non est accipiendum, tempore quodam præfinito, quasi nunc sit, aut hoc uel illo tempore, sed omnino. ex eiusmodi enim propositionibus syllogismos constituimus. Quòd si propositio in ipso articulo, & tempore præfinito accipitur, nullus inde fiet syllogismus: nihil enim fortasse prohibuerit, omne quod moueatur, hominem esse aliquando, nempe si præter hominem nihil moueatur: omnis tamen equus potest moueri, at nullus equus potest esse homo. Præterea loco ipsius *a*, sumatur animal, sitque

## DE PRIMA RESOLVTIONE. 135

sitq; argumentum id quod mouetur, postremus autem  
 limes sit homo: tum propositiones eodem modo se ha-  
 bent ut antea, complexio tamen necessaria est, non con-  
 tingens: quippe necesse est hominem animal esse. Hinc  
 planum est, uniuersale illud simpliciter accipiendum  
 esse, non tempore præfinito. Rursus a b prologium  
 uniuersale capiatur, & priuans, ut nullum b sit a: o-  
 mne autem c possit esse b. his ita constitutis, efficitur,  
 ut nullum c possit esse a. sin minus, faciamus ut c sit b,  
 eo modo quo prius necessario efficitur, ut quoddam b  
 sit a: constituitur enim in tertia figura syllogismus.  
 hoc autem est absurdum. Contingit igitur, ut nullum  
 c sit a. cum enim res falsa ponatur, non tamen impossi-  
 bilis, ex ea impossibile quid sequitur. Hic autem syllo-  
 gismus non est de contingenti, ut definitum est, sed  
 quod nulli necessario insit: hoc enim est contrarium fi-  
 ctionis iam constitutæ. est enim positum, ut quoddam  
 c necessario sit a. Syllogismus autem ad incommodum  
 de contraria & aduersa conficitur. Quod autem com-  
 plexio contingens non sit, termini id planè indi-  
 cant. accipiamus enim loco a coruum, pro b intelli-  
 gens, loco c hominem: sanè nullum b est a, nulla enim  
 res intelligens est coruus. at omne c potest esse b, quipa-  
 pe cum omnis homo intelligere possit: at necessario nul-  
 lum c est a: non est igitur complexio contingens, quin  
 nec perpetuò necessaria. Constituamus enim ut a sit  
 quod mouetur, b uerò scientia, & c homo: tum nullum  
 b est c, b autem omni c inesse potest: complexio inde  
 consequens necessaria non erit. neque enim est necesse,  
 nullum hominem moueri, imò uerò quempiam non est  
 i 4 . necesse.

neceſſe. Hinc perſpicuum eſt, complexionem ſequi, ut nulli inſit neceſſario. Sunt autem commodius ſumenda extrema. Quòd ſi aſſumptio negatiua ſit, & contingens, ex his propoſitionibus ita acceptis nullus ſit ſyllogiſmus: quòd ſi contingens retroeat, fiet ſyllogiſmus ut antea. Faciamus omne *b* ſit *a*, fieriq; poſſe ut nullum *c* ſit *b*, dum extrema ita ſe habent, nihil efficitur neceſſario, quòd ſi permutetur *b c*, & accipiatur omne *c* poſſe eſſe *b*, eo modo ſit ſyllogiſmus quo antea: quippe cum eundem habeant ſitum extrema. Eadem eſt ratio, ubi priuantia fuerint ambo interualla: dum *a b* ſignificet non ineſſe, *b c* accidere nulli. Vt enim per propoſitiones acceptas non efficiatur neceſſaria argumentatio, ſi tamen permutetur contingens propoſitio, illico fiet ſyllogiſmus. Sit enim ſumptum, nullum *b* eſſe *a*: item fieri poſſe, ut nullum *c* ſit *b*: ex his nihil efficitur neceſſario. Quòd ſi ſumas, omne *c* poſſe eſſe *b*, ut res habet: propoſitio autem *a b* eadem ſeruetur, idem rursus efficitur ſyllogiſmus. Quòd ſi ſumptum ſit, omne *c* non eſſe *b*: non item non accidere, non ineſſe: nulla inde fiet quouis pacto ratiocinatio, ſiue *a b* propoſitio affirmet, ſiue neget. Sint autem omnium cõmunia extrema, quibus oſtẽdatur neceſſario ineſſe, album, animans, nix: extrema alia, quibus oſtendatur non poſſe ineſſe, album, animans, pix. conſtat, ſi extrema uniuerſaliter ſumantur, & altera propoſitio absoluta ſit, altera contingens, dum minori extremo coniuncta fuerit propoſitio contingens, perpetuò fieri ſyllogiſmum: præterquam quòd nonnunquam ex ipsis propoſitionibus fiet, aliquando propoſitione una commutata. Quando autem utrunque

horum

DE PRIMA RESOLVTIONE. 137

horum fiat, & quæ de causa, superius exposuimus. Quod si altera uniuersalis intercapedo fuerit, altera in parte tantum, syllogismus semper erit perfectus, dum maiori extremo uniuersalis contingens iungatur, siue affirmet, siue neget: particularis autem affirmatiua sit absoluta, non aliter ac cum extrema uniuersaliter accipiantur. Huius rei probatio eadem est quæ superius. Vbi uero proposito maiori extremo iuncta in toto fuerit, & absoluta, nec contingens: altera uero in parte, ac contingens, siue negent ambæ, siue affirmet: seu altera neget, aiat altera, syllogismus erit omnino imperfectus. Hoc interest, quod alij ductu ad incommodum ostenduntur, alij per reciprocationem contingentis, quemadmodum in superioribus fieri diximus. Adde quod syllogismus erit ex permutatione, ubi propositio maiori extremo iuncta uniuersalis fuerit, quæ esse, uel non esse significet: altera uero particularis priuans, & cōtingens: ut si omne b sit a, aut non sit, & fieri possit ut quoddam c non sit b: si b c commutetur secundum naturam cōtingentis, constituitur syllogismus: ubi uero particularis propositio significet non esse, nullus fiet syllogismus. Extrema ad docendum inesse, sint hæc, album, animans, nix: quibus autem docetur non inesse, album, animans, pix. Est enim probatio ostendēda ex indefinito. Quod si uniuersalis sit propositio, quæ minori extremo coheret, quæ aut ad maius extremum posita est, sit particularis, aiens, negans, contingens, an absoluta, nihil refert. Quocumq; enim modo habeat, nullo pacto syllogismus constituitur. Nihilo item magis syllogismus futurus est, cum in parte uel indefinitæ propositiones fuerint, siue contingentes fuerint, siue



absoluta, seu etiam ordine inuerso. Eadem est huiusce rei ostendenda ratio quæ prius, & extrema communia ad ostendendū inesse necessario, animans, album, homo: at quibus ostenditur posse inesse, animans, album, uestis. Hinc perspicuum est, cum maiori extremo uniuersalis propositio appositā fuerit, perpetuò firmam esse rationationem: quod si minori extremo adiungatur, nihil nullo pacto inde colligi.

Coniunctio necessarij & contingentis.

Cap. XII.

At uerò, ubi proloquiorū alterum necessario esse, uel nō esse significauerit, alterum autem accidere, modo extrema eodem pacto ac antea se habeant, efficietur syllogismus, isq; perfectus, cum minori extremo necessarium unctum fuerit. Complexio uerò contingens erit, non absoluta, si ambæ propositiones affirmatiuæ sint, siue uniuersales sint ambæ, siue non sint. Quod si altera affirmet, altera neget, cum affirmans necessaria fuerit, conclusio erit contingens: nec significabit, non inesse quid. sin necessaria sit ea quæ negat, colligetur, & accidere non inesse, item non inesse, seu in toto sint extrema, seu non sint. Est autem contingens in complexione & eo modo intelligendum, quo accipi superius diximus: neque autem colligetur, necessario non inesse. Hæc enim maximè diuersa sunt, non necessario esse, & necessario nō esse. Sanè complexionem necessariam non effici, ubi extrema affirmantur, hinc perspicuum est. Faciamus enim, ut omne b necessario sit a, & omne c accadat esse b: syllogismus sanè imperfectus erit, quo colligetur, omne c accidere esse a. Hunc autem imperfectum esse, ex ipsa

DE PRIMA RESOLVTIONE. 139

ipſa probatione conſtat : eodem enim modo oſtendetur colligere, quo ſuperiores. Rurſum accidat, ut omne  $b$  ſit  $a$ , ſit uero omne  $c$  neceſſariò  $b$  : hinc ſanè colligetur, omne  $c$  poſſe eſſe  $a$  : eſſe uero, non item. atq; hic perfectus eſt, & nulla ex parte imminutus : ilico enim abſoluitur ex propoſitionibus ab initio ſumptis. Quod ſi uariæ ac diſtinctæ fuerint propoſitiones, fingamus negantem eſſe neceſſariam, ut nullum  $b$  ſit  $a$ , nec eſſe poſſit, idq; neceſſariò : omne autem  $c$  poſſit eſſe  $b$  : neceſſariò efficitur, ut nullum  $c$  ſit  $a$ . concedamus enim, uel omne  $c$  eſſe  $a$ , uel aliquod : conſenſum autem fuit, nullum  $b$  poſſe eſſe  $a$ . Quia igitur reciprocatur negatiua, & nullum  $a$  poteſt eſſe  $b$  : admittitur autem, omne  $c$  eſſe  $a$ , uel certè quoddam : nullum igitur  $c$  poteſt eſſe  $b$ , aut quoddam eſſe nequit : cum ab initio omne  $c$  eſſe  $b$  conſeſſum ſit. Conſtat autem poſſe colligi, accidere in eſſe, quandoquidem colligitur non eſſe. Rurſum ſit affirmatiua propoſitio neceſſaria, ſitq; contingens, ut nullum  $b$  ſit  $a$ , omne autem  $c$  ſit  $b$  neceſſariò : ſyllogiſmus ſanè perfectus erit, quo colligetur non eſſe, ſed poſſe non eſſe : quippe ita accipitur maior propoſitio. Nec licet hinc in abſurda deducere : ſi enim admittatur, nullum  $c$  eſſe  $a$  : eſt autem conſeſſum, fieri poſſe ut nullum  $b$  ſit  $a$ , nullum hinc efficitur incommodum. Quod ſi negatio minori extremo iuncta ſit, & ſignificauerit accidere, ſyllogiſmus erit per reciprocationem, quemadmodum antea fieri diximus. Quod ſi ſignificet non poſſe eſſe, nullus erit ſyllogiſmus : ne ſi ambæ quidem priuantes ſint, minor autem non fuerit contingens. Sunt autem extrema eadem, in quibus alterum alteri inſit, alio-

burn,

bum, animans, nix: in quibus non in sit, album, animans, pix. Eodem pacto res habebit in particularibus syllogismis. cum enim priuans necessarium fuerit, efficitur non esse: ut si nullum b possit esse a, quoddam c possit esse b, hinc necesse est consequi, quoddam c non esse a. nam si omne c sit a, nullum autem b potest esse a, sanè nullum quoque a potest esse b. Itaque si omne c est a, nullum c potest esse b. At modò concedebatur, quoddam c posse esse b. Quando uero affirmatiua particularis necessaria fuerit, ea inquam quæ in syllogismo priuante, ut b c, uel etiam uniuersalis in affirmante syllogismo: uerbi causa, a b: non colligitur aliquid esse, cuius rei eadem est probatio, quæ superioribus adhibita est. Quòd si uniuersalis minori extremo iuncta sit contingens, siue affirmet, siue neget, maior autem sit particularis & necessaria, nulla est ratiocinatio. Extrema in quibus alterum alteri in sit necessariò, animans, album, homo: in quibus inesse nequeat, animans, album, uestis. Vbi uero uniuersalis necessaria fuerit, particularis autem contingens, si uniuersalis priuatiua sit, extrema affirmantia, animans, album, coruus: negantia, animans, album, pix. Quòd si uniuersale affirmet, extrema affirmandi hæc sint, animal, album, cygnus: negandi uero, animal, album, nix. Neque item syllogismus erit, ubi ambæ indefinitæ fuerint propositiones, aut particulares. Extrema communia aienodi, animans, album, homo: negandi, animans, album, inanimum. Quoddam enim album animans est, quoddam etiam inanimum est album, & id necesse est esse, nec unquam esse potest. In contingenti itidem fit: extrema igitur hæc ad omnes modos ualent. Ex his quæ exposui-

mus,

DE PRIMA RESOLUTIONE. 145

mus, perspicuum est, si extrema eodem modo collocata fuerint, in absolutis & necessarijs fieri syllogismum, & non fieri eodem modo in ambobus: præterquam quod in absolutis, ubi priuans fuerit propositio, complexio erit contingens: in necessarijs autem complexio tum contingens, tum absoluta erit. Id etiam intelligitur, omnes esse imperfectos syllogismos, eosq; per figuras antè expositis perfici.

De ratiocinationibus ex ambobus pronuntiatis  
contingentibus in secunda figura.

Cap. XIII.

Nulla erit in secunda figura ratiocinatio, cum ambo ex contingenti fuerint, seu affirment, seu negent, seu in toto sint, seu in parte. Quod si alterum esse, alterum accidere significet, sitq; absolutum affirmans, ne tum quidem syllogismus erit: ubi autem negans fuerit uniuersale, syllogismus semper erit. Eadem erit ratio, ubi alterum fuerit necessarium, alterum contingens. Contingens autem in his intelligendum est, quod in complexionibus locum habet, ut & antea intelligebatur. Principio uerò ostendendum est, contingens negatiuum non reciprocari: nempe si *a* nulli *b* inesse possit, non necessario reciprocatur, ut *b* nulli *a* accadat. sit enim hoc admissum, ut *b* nulli *a* inesse possit: iam cum commeent affirmationes ex contingenti in negationes, aduersæ in aduersas, contrariæ in contrarias, *b* autem contingit inesse nulli *a*, constat & omni inesse posse: id quod sanè falsum est. Ut enim hoc illi omni accadat, non continuò necesse est, illud huic omni accidere: ita non commeat negatio. Iam quid uetat, quo minus *a* nulli *b* accadat, *b* uerò alicui *a*

non

non insit, idq; necessariò: uerbi causa, fieri potest, ut ò:  
 mihi homini album non insit, cum omni inesse possit. At  
 falsum est, hominem accidere nulli albo, quandoqui-  
 dem in multis non inest, idq; necessariò: necessarium au-  
 tem à contingenti diuersum esse diximus. Quin ne ab  
 absurdo quidem commcare probabitur: nempe si quis,  
 quia mendacium sit nulli a accidere ipsum b, roget quæ  
 si uerum sibi cōcedi, non nulli accidere (hæc enim aiunt  
 & negant) quod si uerum sit, ex eo effici putet, ut a-  
 liquod a necessariò sit b, atque ita quoddam b esse a,  
 quod fieri non possit: non enim si nulli a ipsum b non  
 accadat, continuò quoddam a necessariò est b: cum il-  
 lud, nulli rei non accidere, duobus modis intelligatur:  
 uno, si alicui necessariò insit: altero, si alicui necessariò  
 non insit. Nam quemadmodum id quod in aliquo neces-  
 sariò inest, falso dixeris, in toto posse reperiri: ita quod  
 in aliquo a necessariò non est, non uerè assècrabis in  
 toto eo non posse esse. Quapropter si quis ex eo quòd c  
 in toto b non accadat, postulet sibi concedi, in illo aliquo  
 ipsum ex necessitate non esse, falsum profectò is sumat,  
 quandoquidem in toto fortasse reperitur. At in toto non  
 accidere, ideo dicimus, quia in nonnullis est necessariò.  
 Quo fit, ut in aliquo ex necessitate esse, in aliquo item  
 non esse, ambo illi aduersentur: in toto, inquam, posse  
 esse, huic item in nullo accidere. Hinc igitur constat,  
 ex eo accidenti & non accidenti, quod inuicè exposui-  
 mus, non modò sumi oportere in aliquo esse necessariò,  
 sed etiam in aliquo ex necessitate non esse. quod si suma-  
 tur, nullum ex eo sequitur incommodum: ita nulla effi-  
 citur ratiocinatio. Ex ijs quæ bucusq; diximus, perspi-  
 cuum



DE PRIMA RESOLUTIONE. 143

cum est, negationem non recipiari. quod cum abun-  
 de probatum sit, ponamus in nullo *b* accidere ipsum *a*, in  
 illo autem toto ipsum *c*. sanè ratiocinatio nulla efficitur  
 per reciprocationem: quandoquidem paulo ante docui-  
 mus, enunciationem huiusmodi retrò non commeare.  
 Nec item ab absurdo effici possit: ut enim in toto *c* acci-  
 dere id concedatur, nihil inde falsum efficiatur: quippe  
 cum in toto *c*, & in eo ipso nullo, ipsum *a* esse possit. Hoc  
 autem constat, si quæ futura sit conclusio, de contingenti  
 eam perpetuò fore, eo quòd nullum sumptum sit pronun-  
 ciatum absolutum, eamq; aut affirmantem, aut negan-  
 tem: at neutro modo fieri potest. Nam si affirmet, per  
 extrema docebimus non posse inesse: sin neget, conclusio  
 probabitur illa quidem necessaria esse, non item con-  
 tingens. Quod ut intelligamus, ponamus pro *a*, album:  
 loco ipsius *b*, hominem: in ipso *c*, equum: sanè ipsum *a*,  
 quod pro albo intelligitur, in altero toto esse potest, in  
 altero uerò nullo: *b* uerò in ipso *c* nec esse potest, nec i-  
 tem non esse: ex eo enim non posse esse constat, quòd nul-  
 lus equus homò est. At quòd ne non esse quidem possit,  
 ex eo intelligitur, quòd necesse sit, nullum equum homi-  
 nem esse: necessarium autem *a* possibili diuersum esse di-  
 ximus, nulla igitur eo modo efficitur conclusio. Eadem  
 erit probandi ratio, si priuatio diuersam habeat disposi-  
 tionem: ubi item ambæ enunciationes affirmant, uel ne-  
 gent: quippe ex ijs ipsis finibus res ipsa confirmabitur:  
 itè si altera in toto sit, altera in parte: aut ambæ in par-  
 te, aut indefinitæ: seu quo alio modo permutari illæ pos-  
 sunt. nam ad ea omnia demonstràda, eadem adhibebun-  
 tur extrema. Hinc igitur hoc est manifestum, si ambo  
 pronun-

pronunciata de accidenti sumantur, nullam fore conclusionem.

De coniunctione earum enunciationum,  
quæ quid esse dicunt, & quid acci-  
dere, in secunda figura.

Cap. XIII.

Quod si unum quid esse dicat, alterum autem quid  
accidere, hoc autem affirmet, illud uerò neget, ne tum  
quidem syllogismus erit, seu in toto, seu in parte suman-  
tur extrema: cuius rei confirmāda eadem est quæ prius  
ratio, & per eos ipsos fines efficitur. At ubi affirmans  
accidere dixerit, negans uerò inesse, tum stabit ratioci-  
natio. Quod ut intelligatur, ponamus a in nullo b esse, in  
toto uerò c idem posse esse; cōmeante negatione, ipsum b  
in nullo a reperietur, a uerò in toto c accidit. hinc sanè ef-  
ficitur cōclusio in prima figura, nulli c accidere b. Quod  
idem fiet, si negatio ipsi c adijciatur. Quod si ambo pro-  
nunciata negent, ut alterū neget esse, alterum posse non  
esse dicat, ex enunciationibus ita propositis nihil ex ne-  
cessitate efficitur. Quod si ea quæ est ex accidenti reci-  
procetur, efficitur conclusio, ut nulli c accadat ipsum b,  
eodem atq; antea modo. ita enim prima figura repetea-  
tur. Quod si ambo effata affirmant, iacebit conclusio.  
Extrema consentanea sint hæc, ualetudo, animans, ho-  
mo: repugnantia, ualetudo, equus, homo. Eodem modo  
res habet in syllogismis ijs qui sunt in parte. ubi enim af-  
firmatio quiddam esse dixerit, seu in toto, seu in parte,  
nulla tum erit complexio: id quod eadem uia, ac ijs ipsis  
finibus ostenditur, quibus antecedentes. At ubi priuans  
fuerit, ex reciprocatione efficietur, ut & antea. Rursus  
si in-

si intercapedines ambæ priuantes ita sumātur, ut in toto sit, quæ non esse aliquid dicit, sanè ex pronunciatis ita digestis nihil efficitur necessario: efficietur aut complexio, si reciprocelur illud ex accidente. Quod si priuans esse quippiam dicat, idq; in parte, cōclusio nulla erit, seu affirmet, seu neget pronūciatum alterū: ne si ambo quidē indefinita sint affirmātia, aut negātia, aut in parte. Cuius rei eadē est quæ prius confirmatio, ac per eos ipsos fines.

Dispositio necessarij & accidentis in secunda figura. Cap. XV.

At uerò ubi pronūciatorū alterum ex necessitate est, alterum uerò quidpiā accidere dixerit, si negatio necessaria sit, efficietur conclusio, non modò quòd possit non esse, sed et quòd non sit: quòd si affirmatio ea sit, iacebit conclusio. Sit enim hoc concessum, nullum in quā b esse a ex necessitate, omne uerò c posse esse a: tum commutata negatione, ne ullum quidem a est b: omne autē c poterat esse a: atq; ita rursum efficitur in prima figura complexio, nullum c posse esse b. Hoc etiam cōstat, nullum c esse b. nam faciamus esse: tum si a nulli b accidit, b uerò in aliquo c est, sanè a in aliquo c non accidit, cum omni accidere antea sit concessum. Idem erit probationis modus, si negatio ipsi c adjiciatur. Rursus proponatur affirmatio necessaria, negatio uerò accidēs, ut a nulli b accadat, omni uerò c necessario insit: in ea finitū dispositione nulla efficitur conclusio. quandoquidem fieri potest, ut b in c ex necessitate non sit. ut si pro a statuas album, in b uerò hominem, in c olorem: sanè album in olore necessario inest, in homine uerò nullo accidit: homo tamē in nullo est olore, idq; necessario. Vnde perspicuum est, complexionem

plexionem contingentem non effici, cum necessarium & contingente maxime sit diuersum. Quinetiam ne necessaria quidem complexio inde sequitur: quandoquidem effici eam diximus, aut ex necessarijs ambobus, aut ex priuante altero. Adde quod, ut ea concedantur, potest tamen *b* in *c* reperiri. Quid enim uetat, *c* sub *b* comprehendi, a uero ipsi *b* toti accidere, ipsi uero *c* ex necessitate inesse? uerbi causa, si in *c* intelligatur uigilia, in *b* animans, loco uero ipsius *a* motus: in uigilante enim motus est necessariò, animanti autem toti accidit: cum tamen omne quod uigilat, sit animans. Vnde constat, ne conclusionem quidem fore, quæ non esse dicat: quippe cum in ea dispositione necesse est quippiam esse: nec item contrarijs enunciationes colligi, ita nulla planè efficitur conclusio. Eadem erit probationis uia, si permutetur affirmatio. At ubi similes & cognatæ propositiones fuerint, si ambæ negent, semper sequitur complexio, reciprocante ea quæ est de contingenti, eo quo diximus modo. Sit enim sumptum, *a* in *b* necessariò non esse, in *c* uero posse non esse: tum si commutentur propositiones, & *b* in nullo *a* erit, *a* uero in toto *c* poterit esse, sanè eo modo struitur prima figura: hoc idem fiet, si ipsi *c* negatio adijciatur. Quod si affirmantes ambæ sint, nulla est futura conclusio. Constat enim eam non fore, quæ quippiam non esse dicat, aut ex necessitate non esse, eo quod priuans propositio nulla sumpta sit, quæ uel esse, uel necessariò esse dicet, quin ne colligetur quidem posse non esse, cum *b* in *c* non insit necessariò, extremis ita collocatis: nempe si *a* intelligamus album, *b* cygnum, *c* uero hominem. nec itè conclusio erit affirmationū aut negationū contrariarū,

# DE PRIMA RESOLUTIONE. 147

eum probatum sit b in c necessario non esse. nullo igitur pacto syllogismus efficitur. Eodem modo res habet in syllogismis, qui sunt in parte: cum enim prius in toto fuerit, & necessaria, perpetuo efficitur conclusio, tum quæ accidere dicat, tum quæ non esse. Cuius rei confirmatio per reciprocationem facienda est. Vbi uero affirmatio ea fuerit, nulla planè ratiocinatio erit. Id enim eadē uia, ipsdem item finibus monstrabitur, quibus in uniuersalibus modò usi sumus. Ne tum quidem erit, cum ambæ affirmantes sumentur: eius enim rei eadem est, quæ antea, confirmatio. Vbi uero ambæ quidem negent, in toto aut sit, ac necessaria ea quæ nō esse significat, sanè ex his quæ sumpta sunt, nihil necesse est effici. Quòd si contingens illa propositio reciprocetur, stabit ratiocinatio eo modo, quo antea. Sin ambo proloquia indefinita proponuntur, aut in parte, nulla erit ratiocinatio: id quod eadem ratione, ipsdem item extremis confirmatur. Ex his igitur quæ exposuimus, perspicuum est, ubi prius uniuersa fuerit & necessaria, conclusionē effici. non modò quòd possit quippiam non esse, imò uero quòd non sit: quòd si affirmans ea sit, nullam conclusionem sequi. Hoc etiam constat, ubi in necessarijs et absolutis eadem seruetur finium dispositio, eodem modo fieri, & non fieri ratiocinationem. Est & hoc manifestum, omnes eas ratiocinationes imperfectas quidem esse, perfici autem & absoluti in figuris his quas commemorauimus.

De ratiocinationibus quæ ex ambobus contrarijs generibus in tertia figura struuntur.

## Cap. X V I.

At uero in tertia figura efficitur conclusio, seu

k z ambo



ambo pronunciata accidentia sint, seu alterum tantum. Sanè cum ambo accidere significauerint, complexio quoq; accidens erit. Idem fiet, si alterum accidere, alterum esse quid dixerit. Quòd si alterum necessarium fuerit, ubi affirmauerit illud quidem, complexio consequetur, neq; necessaria, neq; absoluta. At quum necessarium illud fuerit priuans, colligetur quidpiam non esse, ut in superioribus fieri diximus. Est autem in his contingens illud intelligendum eodem modo, quo in complexione. Sint igitur ambo cōtingentia primum, ut  $\text{a} \text{ et } \text{b}$  ipsi c omni accidant. Iam cum affirmans in parte retrò commeet, b autem omni c accidat,  $\text{a}$  c quoq; cuidam b acciderit: ita si a omni c accidat, c uerò alicui b, necesse est profectò, ipsum a alicui b accidere. Nam ita struitur prima figura. Quòd si a nulli c accidat, b uerò in toto c inesse possit, necesse est, ut a in aliquo b possit non esse: quippe cum iterum fiat prima figura per reciprocatorem. Quòd si ambo priuantia proponantur, ex rebus sanè cōcessis nihil efficitur necessariò. Quòd si retrò commeet pronunciata, efficitur cōclusio, eo modo quo antea. Si enim  $\text{a}$  et  $\text{b}$  possint non esse in c, ex reciprocatatione rursus fiet prima figura. Vbi uerò finium alter in toto fuerit, alter in parte, ubi eadem fuerit eorum dispositio quæ in absolutis, eodem quoq; modo erit, uel non erit ratiocinatio. Faciamus enim, ut a omni c accidat, b uerò alicui c, profectò si inuertatur ea propositio, quæ est in parte, iterum efficitur prima figura. Nam si a in toto c inesse potest, c uerò in aliquo b, a sanè in aliquo b inesse potest. Eadem est ratio, si ipsi c adijciatur uniuersalis nota. Item ubi a c priuans fuerit, b c affirmans: ex inuersione

DE PRIMA RESOLVTIONE. 149

sione enim rursus fiet prima figura. At ubi ambæ enun-  
ciationes negant, altera in toto, altera in parte, ex ijs eo  
modo sumptis nulla efficietur cōplexio. quòd si recipro-  
centur illæ, efficietur sanè eo, quo antea, modo. Quòd si  
ambæ indefinitæ sumantur, aut in parte, nullus erit syl-  
logismus: quippe cum necesse sit, a in b & toto & nullo  
reperiri. Bxtrema consentanea sunt hæc, animans, ho-  
mo, album. Dissidentia uerò, equus, homo, album, in qui-  
bus ipsum album medium est.

Coniunctio accidentis & absoluti in tertia  
figura. Cap. XVII.

Vbi autem effatum alterū quid esse dixerit, alterum  
quid accidere, colligetur quidpiam accidere, esse non itē.  
Constabit autem ratiocinatio in eadem extremorum di-  
spositione, qua prius. Faciamus enim primum, ut affir-  
ment illa, ut a sit in toto c, b uerò toti c accidat: retrò cō-  
meante ipso b c, prima figura efficitur, colligeturq; a in  
aliquo b posse inesse: hoc enim diximus, ubi in prima fi-  
gura pronunciatū alterum significet quid accidere, com-  
plexionem effici accidentem. Hoc idem fiet, ubi ipsum  
b c dixerit esse, a c uerò accidere: item ubi a c neget, b c  
affirmet, & utrumuis esse significet, utroque modo con-  
tingens erit complexio. Fit enim iterum prima figura,  
in qua si pronunciatum alterum sit contingens, conclu-  
sionem quoque contingentem fore docuimus. Quòd si  
minori extremo iungatur negatio contingens, uel ambo  
pronunciata negent, in positis pronunciatis nulla est ratiocinatio: erit autem, si hæc reciprocentur, quemadmo-  
dum fit in superioribus. Vbi uerò pronunciatorum al-  
terum in toto sit, alterum in parte, affirmentq; ambo, uel

certē quod in toto est, neget: quod autem in parte, affirmet, idem erit rationationum modus. omnes enim per primam figuram perficiuntur. Vnde perspicuū est, collectum iri, non quidem esse, sed accidere. Si autē affirmet uniuersale proloquiū, particulare uerō neget, confirmatio ducetur ab absurdo: ut si *b* sit in toto *c*, *a* uerō alicui possit non inesse, necessario efficitur, ut *a* in aliquo *b* possit non esse. Nam si *a* in toto *b* necessario reperitur, est iam concessum, ipsum *b* in toto *c* inesse: ita ipsum *a* in toto *c* necessario erit, id enim antea probauimus. At praecerto habebatur, in aliquo posse non esse. Vbi uerō ambae indefinitae, aut in parte sumuntur propositiones, nulla erit conclusio. Cuius rei eadem est, quae in uniuersalibus fuit, probatio, ac per eos ipsos fines.

Connexio necessarij ac contingentis in tertia figura. Cap. XVIII.

Quando uerō pronuntiatiū alterū necessariū est, alterū cōtingens, et affirmant ambo, cōclusio perpetuō contingens erit. Vbi autē alterū ait, alterū negat, si aiens sit necessariū, colligetur posse non esse: sin negans id fuerit, cōcludetur tū posse non esse, tum non esse: necessario nō esse, nequaquā, ut nec in alijs figuris. Faciamus primum, ut ambo extrema affirment, ut *a* in toto *c* necessario insit, *b* uerō in toto *c* esse possit: tum quia *a* in toto *c* necessario inest, *c* uerō alicui *b* accidit, *a* quoque alicui *b* accidet, nō inerit: eo. n. modo in prima figura colligebatur. Eadē erit probandi uia, si illud *b* sit necessariū, *a* cōtingens. Rursus alterū aiat, neget alterū, sitque aiens necessariū, ut *a* in nullo *c* esse possit, *b* uerō in toto *c* necessario insit, iterū sanē fiet in prima figura. Conclusio autē contingens

# DE PRIMA RESOLVTIONE. 151

tingens erit, non absoluta: quippe cum pronuntiati priuans dicat accidere. Ex quo perspicuum est, conclusionem fore contingente: cum enim eo modo digestæ essent propositiones in prima figura, sequebatur contingens coplexio. Quod si priuās sit necessario, coplexione colligetur, posse in aliquo non esse, itē & non esse. Ponamus enim, a in c non esse ex necessitate, in eodem autē toto ipsum b posse esse, si affirmatio illa b c cōmutetur, fiet prima figura, in qua priuans propositio sit necessaria: ex qua dīpositione diximus effici, ut a in quodā c possit non esse, & non sit. Neesse est igitur, a in aliquo b non esse. Cum autē negatio minori extremo iuncta sit, eaq; cōtingens, ratiocinatio erit, si pronuntiatiū illud permutetur, ut & antea fiebat: sin necessaria sit, nulla erit cōclusio, quippe cum alterū in altero toto sit necessario, in nullo item esse possit. Alterum in altero toto est, ut in his, somno, equo, homine dormiente. In nullo uerō, ut in his, somno, equo, homine uigilante. Eadem ratione si extremum alterum in toto medio sit, alterum in parte tātum, aiantq; ambo, efficietur, alterū alteri accidere, illi inesse non item. Colligetur item contingens conclusio, si negetur unum, affirmetur alterum, & hoc sit necessarium. nam si quod negatur necessariū sit, colligetur quidpiam non esse. Est enim eadē probandi ratio, seu in toto sint extrema, seu nō sint, cum in prima figura instarentur syllogismi. In his igitur, ut illis, euenire est neesse. Quando uerō negatio in toto minori extremo iuncta fuerit, eaq; contingens, ratiocinatio per reciprocationē efficitur. sin necessaria ea fuerit, nulla erit conclusio: id quod eadem uia, n̄sdem item extremis confirmabitur, ac in uniuersalibus. Hinc

igitur planè intelligi potest, quando, quoq; modo, in hac quoque figura futura sit ratiocinatio, quando accidere quid, quando item quidpiam esse colligetur. Manifestum est etiam, omnes syllogismos imperfectos quidem esse, in staurari autem eos ac perfici in prima figura.

Quòd omnis ratiocinatio ad illas tres figuras referatur, extra quas nulla planè reperitur. Cap. XIX.

Ex ijs quæ hucusq; exposuimus, constat, qui in his figuris sunt syllogismi, per eos uniuersales perfici, qui in prima figura struuntur, ad eosq; referri: ubi uerò ostenderimus, ratiocinationem omnem in aliqua earum figurarum strui, perspicuum erit, eandem esse omnium syllogismorum rationem. Necesse est igitur, demonstrationem omnem ac ratiocinationem efficere, ut quidpiā sit, uel non sit: idq; aut in toto, aut in parte, & recta probatione, uel ex fictione. Huius autem fictæ probationis pars ea est, quæ sit ab absurdo. Primum igitur de ratiocinatione ea recta probante differamus, in qua si res semel est probata, in reliquis facile perspicitur: in ea inquam, quæ est per incommodum, & omnibus quæ sunt ex hypothese. Si igitur colligendum sit, ipsum a in illo b esse, uel non esse, necesse est ut aliquid de aliquo confessum sit præsumptum. Quòd si sumatur, a de b dici, in argumentum sumetur quæstio proposita initio: si autem ipsum a de c dici sumatur, c uerò de nullo alio, nec de illo aliud, nec de a quicquam aliud, nulla erit ratiocinatio, quippe cum nihil efficiatur necessariò ex eo, quòd unum de uno sit sumptum: est igitur pronuntiandum alterum assumendum. Itaq; si a in alio dici sumatur, aut aliud in

ipso



ipso *a*, aut aliquid aliud in ipso *c*, nihil uetat ratiocinationem eo modo strui. Conclusio autem ex ijs ita sumptis nihil pertinebit ad ipsum *b*, ne si ipsum *c* in alio, hoc item in alio, rursus hoc aliud in alio, ut nunquam quicquam cum *b* coniungatur, ne tum quidem colligetur ipsum *b* in *a*: cum à nobis hoc antea dictum sit, nunquam quicquam de alio ratiocinatione collectum iri, nisi medium quoddam sumptum sit, quod ad utrumque illorum recta quadam dicendi lege se habeat. Nam cum omnis in uniuersum ratiocinatio ex propositionibus cōstet, profectò quæ ad quiddam certum pertinet, ex ijs conficitur propositionibus, quæ ad illud affectæ sunt: & quæ hoc in illo concludit, ex ijs struitur, quæ hoc cum illo coniungant. fieri autem nequit, ut pronunciatum quoddam sumatur ad concludendū ipsum *b*, cum de eo nihil affirmetur aut negetur: nec item ad colligendum *a* in *b*, si nihil ambobus cōmune sumatur, sed de utroq; seorsum propria nonnulla affirmentur, aut negentur. Vbi igitur hoc de illo ratiocinatione est concludendum, medium quid in ijs est sumendum, quod ea quæ dicuntur copulet ac uinciat. Quando ergo quidpiam ambobus commune sumi oportet, id tribus modis fieri potest. Nam aut *a* de *c*, & *c* de *b* dicetur, aut *c* de ambobus, aut ambo de illo. hæc autem sunt figuræ & nobis expositæ: perspicuum est, syllogismum omnem in aliqua ex ijs figuris necessariò strui. Badem enim est ratio, ubi per plura media ipsi *b* coniungetur *a*: in pluribus enim eadem quæ in paucioribus erit figura. Ex his igitur constat, ratiocinationes omnes recta probantes per figuras expositas effici.

Quòd autem in ijs quæ sunt ex hypothesi, eodem

modo res habeat, hinc intelligitur. Nam omnes quæ per incommodum quidpiam efficiunt, falsum quid concludunt: propositum autem ex hypothesi probant, quandoquidem ex contrario posito aliquid eueniat, quod fieri non possit: uerbi causa, cōcludimus dimetientem nullam cum latere rationē habere, ex eo quod si aliquam habere posueris, sequetur, imparia paribus esse æqua. Sanē concluditur, numeros impares paribus esse æquos. At dimetientem irrationabilē esse, ex hypothesi monstratur: nempe quia ex illius contrario quidpiam falsum euenit. Illud enim est, quod dicimus concludere per impossibile, quidpiam ex hypothesi initio proposita cōcludere, quod fieri nequeat. Cum igitur in ratiocinationibus ijs quæ ad incommodum deducunt, rectā ostendatur, ac cōcludatur quidpiam falsum, quæstio autem proposita probetur ex hypothesi: & paulo antē docuimus, quæ aliquid rectā ostenderet, omnem per aliquam ex tribus illis figuris effici: manifestum est ratiocinationes ex incommodo per eas, quoque fieri: nec eas modo, sed & quæ sunt ex hypothesi pari ratione omnes. transsumptum enim omnes quidem concludunt, propositum autem ex consensu ac conuentione probatur, aut ex alia aliqua hypothesi. Quod si ita est, necesse est demonstrationem ac ratiocinationem omnem per tres illas figuras, quas exposuimus, effici. Cum autem hoc planē probatum sit, manifestum inde est, syllogismum omnem per primam figurā perfici, & quemlibet ad eos referri, qui in ea sunt uniuersales.

Iam uerò in omni ratiocinatione necesse est extremum alterum affirmari, unum item in toto sumi: quippe cum sine illo toto nullus planē sit syllogismus. uel certē

# DE PRIMA RESOLUTIONE. 155

ad propositum non pertinebit, aut propositam initio  
 quæstionem postulabit. Ponamus sanè, uoluptatem ex  
 musica esse honestam. Si quis igitur postulet, uoluptas-  
 tem esse honestam, absq; eo quòd dicat omnem, ratioci-  
 natio nulla erit: quòd si quādam honestam esse postulet,  
 eamq; aliam, hoc nihil ad rem propositā: sin eam ipsam  
 roget, positam quæstionem sumit. Hoc autem clarius cer-  
 netur in demonstrationibus mathematicis: uerbi gratia,  
 si probandum sit, qui in æquicruro ad basin sunt angu-  
 li, inuicem esse æquos. Ducantur ad centrum lineæ  $a b$   
 iam si pro certo sumat, angulum  $a c$  æquum esse angu-  
 lo  $b d$ , non omnino id postulans de semicirculorum an-  
 gulis. Rursus si assumat, angulum  $c$  angulo  $d$  æquum esse,  
 nec id in omni angulo sectionis sumat, tum si quærat,  
 à totis æqualibus angulis, si æquales tollantur, qui re-  
 stant æquales esse, propositum is postulabit: nisi sumat,  
 si ab æqualibus æqualia auferantur, reliqua esse æqua-  
 lia. Hinc igitur perspicuum est, in omni ratiocinatione  
 quidpiam uniuersale esse oportere, conclusionemq; uni-  
 uersalem ex ambobus finibus in toto probari: eam ue-  
 rò quæ sit in parte, tum hoc, tum illo modo. Vbi igitur  
 conclusio in toto est, fines quoque in toto sumi ne-  
 cesse est. Vbi uero hi in toto sumuntur, fieri potest, ut  
 conclusio non sit in toto. Planum est autem, in omni  
 ratiocinatione, aut pronunciata ambo complexioni si-  
 milia esse necessariò, uel certè alterum: non modò in-  
 quam, qua aiat, aut neget, quin & qua necessarium sit,  
 uel absolutum, uel accidens. Quod in alijs quoq; dicendi  
 rationibus obseruandum est. Constat autem omnino,  
 quando futura sit, uel non sit ratiocinatio: quando item  
 perfici

perfici possit, quando perfecta sit: & ubicunq; ratiocinatio fuerit, fines eo modo necessario esse collocandos, quo antea exposuimus.

Hoc etiam constat, demonstrationem omnem ex tribus finibus modo, non pluribus strui. Nisi forte per diuersa argumenta complexio eadem colligatur: ut si e complexio per a b, & c d, aut per a b, & a c, & b c probetur. Quid enim causæ est, quo minus eiusdem complexionis probandæ plura sint & diuersa argumenta? Vbi autem plura fuerint, plures quoq; ratiocinationes erunt, non una. Vel etiam ubi pronunciatum utrunq; a in quâ, & b, syllogismo effectum fuerit, ut sit a per d e, b uero per f g: uel alterum inductione, ratiocinatione alterum confirmetur: eo quoq; modo plures erunt ratiocinationes, cum complexiones sint plures: nempe tum a, tum b, tum c. Quod si una ratiocinatio fiat, non plures, illo quidem modo licebit eandem conclusionem uarijs argumentis effici: ad e autem per a b, ut plura sint media, fieri nullo modo potest. Ponamus enim conclusionem e, quæ ex a, b, c, d colligatur: profectò necesse est, ex ijs quædam ad alia rationem totius habere, alia uero partium. Id enim dudum ostendimus, ubi ratiocinatio sit, quædam extrema inter se ita affecta esse oportere. faciamus igitur, ut a ad b ita affectum sit, profectò ex ijs complexio quædam sequitur, eaq; aut e, aut c, aut d, aut quæpiam diuersa ab ijs. Quod si ipsum e inde concludatur, ex solis a b ratiocinatio constabit. Quod si c d rationem inter se totius & partis habeant, quidpiâ quoq; ex his efficietur: nempe uel e, uel alterum ex illis a b, uel etiam quidpiam diuersum. Quod si sequatur ipsum e, uel a etiam, uel b, profectò

fectò plures fuerint ratiocinationes: aut eandem conclusionem per fines diuersos probari accidet eodem modo, atq; antea fiebat. Si uerò quidpiam ab ijs diuersum sequatur, plures erunt ratiocinationes, eæq; à se inuicem discretæ. Quòd si illud c ad d non sit ita affectum, ut ratiocinationem componere possint, frustra sanè sumpta sint: nisi forte aut ad inductionē, aut ad disceptationem occultandam, aut ob aliquam aliam causam huiusmodi id fiat. Quòd si ex ipsis a b diuersa quædam sequatur conclusio, non ipsum e: ex c d uerò, aut alterum illorum, aut quidpiam ab illis diuersum, plures sanè ratiocinationes fient, non tamen ad quæstionem propositam: quippe cum propositum esset, ipsum e syllogismo concludere. Quòd si ex ipsis c d nulla conclusio efficiatur, frustra sanè ea sumpta sint, nec conclusione colligetur initio proposita quæstio. Constat igitur, omnem in uniuersum demonstrationem, omnem item ratiocinationem ex tribus tantum finibus strui.

Quod cum planè intelligatur, perspicuum quoq; est, duobus tantum pronunciatis eam constare, non pluribus: quippe cum tres fines duo tantum pronunciata efficiant, nisi quidpiam extrinsecus accedat ad perficiendū ratiocinationem, ut initio à nobis dictum est: unde lucet clarius apparet, in qua ratiocinatione pronunciata ea non sunt paria, ex quibus principalis conclusio efficitur (oportet enim nonnullas ex complexionibus antecedentibus pro enunciatis accipi) eam inquam argumentationem aut nihil collegisse, aut plura postulasse quàm quæ ad quæstionem necessaria essent. Itaq; si ratiocinationes in potioribus tantum pronunciatis cernantur, ex his pa-



ribus omnes struentur, finibus uero imparibus. Cum hi  
pronunciata uno uincant: complexiones autem dimidia  
pars pronunciatorum erunt. At ubi probabitur conclu-  
sio per rationationes antecedentes, uel per media plu-  
ra non coniuncta, ut si a b per c & d probetur: numerus  
finium eodem modo uincet numerum pronunciatorum:  
finis enim ille insertus aut extra collocabitur, aut medius  
inserirur. Quod utrouis modo fiat, pauciora erunt in-  
terualla extremis: pronunciata autem æqualia sunt in-  
teruallis. Nec uero hæc perpetuo paria erunt, illi uero im-  
pares, sed uicibus permutatis, cum pronunciationes pa-  
res fuerint, fines erunt impares: ubi uero hi sint pares,  
pronunciationes erunt impares: quippe cum adiuncto  
extremo uno, simul accedat pronunciatum unum, unde-  
cunque extremum illud accedat. Quia igitur pares e-  
rant propositiones, fines uero impares, ubi fit ea acces-  
sio, necesse est id permutari: complexiones uero eundem  
locum ac rationem non seruant ad fines & prologia.  
Vbi enim extremum unum accedit, adiciuntur simul  
complexiones una tantum pauciores extremis antegres-  
sis. finibus enim alijs sua cuiq; efficitur conclusio, ultimo  
tantum non fit. ut si ipsis a, b, c, adiciatur ipsum d, contra  
uero accedunt conclusiones duæ: altera quidem ipsi a, al-  
tera uero illi b. Quod idem fit & in alijs. Quod si finis  
ille medius inseratur, eadem erit ratio. tantum enim ad  
unum non concludet. Plures igitur erunt complexiones  
& extremis & pronuntiatis.

Quando uero ex nostra disputatione intelligitur, quæ  
sunt ea de quibus struuntur syllogismi, qualia item in  
quaq; figura, quotq; modis probari possint: facile quoq;  
intelligere

DE PRIMA RESOLUTIONE. 159

intelligere possimus, quæ nam quæstiones ad probandum difficiles sint, quæ uero paratæ & faciles. Sunt enim et faciles ac expeditæ, quæ per plures figuras, modos item ac casus concluduntur: quæ uero in paucioribus probantur, & per casus non item multos, et magis sunt difficiles & perplexæ. Sanè affirmatio uniuersalis per primam tantum figuram concluditur, id quod uno tantum modo. Negatio uero per primam & mediam: ac per illam una tantum ratione, per hanc uero duobus modis. Affirmatio autem, quæ est in parte, in prima & postrema figura concluditur: ac in prima uno tantum modo, in postrema tribus. Negatio uero in parte in omnibus figuris probatur, præterquam quod in prima unico tantum modo, in media uero duobus, in postrema tribus. Vnde planè liquet, uniuersalem affirmationem agere admodum astrui, euertere autem facile. Est autem omnino facilius multo, quæ in toto sunt quæstiones euertere, quam quæ in parte. Nam seu in nullo, seu in aliquo non inest, eueruntur: quorum hoc in omnibus figuris efficitur: illud autem in duabus. Eadem est ratio priuantium. Nam seu in toto sit, seu in aliquo, tollitur quæstio proposita: id autem in duabus figuris fieri posse diximus. In his autem quæ in parte sunt quæstiones, unico modo fit refutatio: nempe si aut in toto, aut in nullo rem esse probes. Ad confirmandum autem magis sunt expeditæ quæstiones in parte: quippe cum & in pluribus figuris, & per plures modos concludantur. Et ut semel finiam, neminem ignorare oportet, quæ sunt in toto quæstiones, per eas quæ sunt in parte, has uero per illas uicissim refelli. In confirmatione autem uniuersales quæstiones per particulares astrui

astrui minime possunt: hæc uero per illas maxime. illud etiam constat, refutandi negotium facilius esse multo, quam confirmandi. Ex ijs igitur, quæ exposuimus, perspicuum est, quæ uia struatur omnis ratiocinatio, quot extremis ac pronunciatis ea constet, quamq; hæc rationem inter se habeant: quæ item quæstiones in quibus figuris concludantur, quæ item in pluribus, quæq; in paucioribus probentur.

De copia pronunciatorum paranda, pars altera. Cap. XX.

Iam uero exponendum nobis est hoc loco, quo pacto ratiocinationum copia nobis suppetit ad quæstionem, quæq; uia ac ratione initia in unaquaq; sumamus. Neq; enim satis est, syllogismorum struendi rationem nosse, nisi eorum componendorum facultatem habeamus. Rerum igitur quædam tales sunt, quæ in nullo alio uere & in toto dicantur: ut Cleon, & Callias, & quicquid singulare est, & sub sensum cadit. In ijs uero aliæ dicuntur: eorum enim uterq; & homo est, & animans: aliæ uero de alijs quidem dicuntur: aliæ uero priores de his non item. Nonnullæ de alijs dicuntur, & de ijs aliæ: ut homo de Callia dicitur, de homine animans. Constat igitur, res quasdam esse quæ de nullo alio suapte natura dicantur: quæ enim sub sensum cadunt, omnia ferme talia sunt, ut in nullo dicantur, nisi fortuito: dicimus enim non nunquam, hoc album esse Socratem, illud quod accedit esse Calliam. Quod autem sursum uersus procedendo aliquando sit status, alio loco iterum dicemus ac confirmabimus, id hoc loco quasi concessum ponamus. In his igitur concludi non potest aliud dici, nisi forte quorumdam

dam opinione id fiat, quin ea ipsa in alijs dicuntur. Nec item singularia in alijs, sed alia in illis dicuntur. Quæ autem in ijs media sunt, utranq; rationem admittere possunt. Nam & ipsa de alijs, & alia de ipsis dicuntur: ac omnis ferme disputatio, ac commentatio de ijs potissimum instituitur: in ijs autem omnibus propositiones hoc modo sumendæ sunt. principio proponendum est, de quo agitur, eius finitionem, ac omnes rei proprietates: tum rei consequentia, & antecedentia, ac repugnantia ea quæ in re esse nullo modo possunt. nec enim ea sunt sumenda, in quibus res esse nequit, cum retrò commet negatio: in consequentibus distinctione est utendum, quæ sint, quæ in rei essentia sint posita, quæ uerò illius proprietates: quæ item ut accidentia dicantur, in ijsq; quæ nam opinione sint in re, quæ reuera. Nam quod maior fuerit eorum omnium uis ac copia, eò expeditius propositum cõcludemus: quod autem ueriora fuerint, melius rem demonstrabimus. Sunt autem ea deligenda, nõ quæ rem aliquam, sed quæ totum consequantur: uerbi causa, non sunt sumenda quæ homini alicui, sed quæ omni sint consequentia. Constat enim ratiocinatio uniuersalibus pronuntiatis: ubi autem sumitur indefinitum effatum, ambiguum est, uniuersale sit nec ne: cum definitum est, facile intelligitur. Eodem modo sumenda sunt antecedentia ea, quæ omnino res ipsa consequatur, idq; ob eam ipsam causam. Nec uerò sumendum est, consequens totum sequi, nempe ad hominem omne animas, aut ad musicam omnem scientiam: sed sequi tantum, quemadmodū etiam proponimus illud ipsum. Illud enim praterquā quod inutile est, fieri sanè nullo pacto potest: uerbi cau-

sa, ut

sa, ut omnis homo, sit omne animans, aut iusticia omne bonum: antecedenti uero illi quidem iungi solet illud Omne. Cum autem aliquo contineatur propositum, cuius consequentia sunt sumenda, tum non sunt ea deligenda quæ totum sequantur, uel non sequantur, quippe cum in illis iam sumpta sint. Quæ enim animans consequuntur, ea quoque omnia hominem sequuntur: quæ uero in illo non insunt, ne in hoc quidem reperiuntur. At proprietates uniuscuiusque rei sumi debent: quippe cum quædam sunt speciei peculiare, non communes generi: in formis enim diuersis necesse est quasdam proprietates reperiri. Nec uero illud uniuersale in ijs requirendum est, quæ antecedunt id quod continetur, ut se habent ad animans hominis antecedentia. nam si animans hominem consequitur, illa quoque consequatur necesse est. Hæc autem ad hominis ipsius delectum proprie pertinent: sumi quoque debent, plurimum consequuntur, uel antecedunt. Nam ad quæstiones eas quæ plurimum eueniunt, ratiocinationes struuntur ex pronuntiatis, aut omnibus, aut nonnullis, quæ plurimum ita sint: quippe cum complexio rei cuiusuis suorum initiorum similitudinem quandam referat. Nec uero ea deligenda sunt, quæ aliquid omnino consequantur, ut ex quibus ratiocinatio componi nequeat: cuius rei causa in progressu aperietur.

Ei igitur qui aliquid de aliquo toto confirmare uelit, in ea inspiciendum est, quæ illi subiiciuntur, quod sit astruendum, de quibus illud dicatur. Item in consequentia omnia eius, de quo id dici debeat. Nam si in ijs unum et idem reperiatur, necesse est alterum in altero esse. Si uero sit propositum, non in toto, sed in aliquo tantum

esse.



DE PRIMA RESOLUTIONE. 163

esse, sumenda sunt utriusque antecedentia. Si enim in  
 his aliquid unum sit, necesse est alterum in altero esse:  
 quando uero concludendum erit, quippiam in alio nullo  
 esse, tum ratio habenda est consequentium eius, in quo  
 aliud esse probandum est: expendenda sunt & repu-  
 gnantia, quæ inesse nequeunt ei, quod probandum est  
 non inesse. Aut uero contra, subiecti repugnantia, &  
 attributi consequentia accipienda erunt. Nam si hæc,  
 quæcunque illa sint, eadem reperiantur, alterum in altero  
 nullo esse poterit: ita enim fit ratiocinatio modo in pri-  
 ma figura, modo in media. Quod si in aliquo aliud non  
 esse concludendum sit, eius antecedentia accipienda sunt,  
 cui inesse oporteat: & ea repugnantia, quæ ei inesse ne-  
 queant, eius quod in altero non esse probandum est. Nam  
 si ex ijs aliquid unum & idem reperiatur, necesse est, ut  
 alterum in altero aliquo non reperiatur: uerum quæ à  
 nobis dicuntur, singula hoc modo forsan magis erunt  
 perspicua. Constituamus enim consequentia ipsius a in  
 b, eius uero antecedentia in c, repugnantia uero, & quæ  
 illi inesse nequeant in d: rursus in f, intelligantur ea  
 quæ ipsi e insunt: antecedentia uero, & quæ ipsum con-  
 sequitur, in g: ea autem quæ ipsi inesse nequeant, in h.  
 Sanè si quoddam c cum aliquo f conueniat & idem sit,  
 necesse est a in toto e esse. ipsum enim f in toto c inest,  
 a uero in toto c ita fit, ut a sit in toto e. Quod si c & g  
 idem sint, necesse est a in aliquo e reperiri: quippe cum  
 a consequatur c totum: e uero ipsum g quoq; sequatur  
 omnino. Quod si fortè f & d conueniant, in nullo e in-  
 erit a, idq; per prosyllogismum. Cum enim negatio reci-  
 procetur, & f & d idem sint, in nullo f erit a: e uero in

toto finest. Rursus si  $b$  &  $h$  concurrant, in nullo e ipsum  $a$  inerit: nam  $b$  in toto  $a$  inest, in e uerò nullo: cum ipsum  $b$  cum  $h$  idem sit, &  $h$  in nullo e inesse diximus. Si uerò d &  $g$  in idem redeant,  $a$  in aliquo e non erit. Nam in ipso  $g$  non erit  $a$ : quandoquidem ne in  $d$  quidem inest:  $g$  uerò sub e continetur. ita ipsum  $a$  in aliquo e non erit. Quòd si  $g$  &  $b$  eadem sint, inuersa erit conclusio. Nam  $g$  in toto  $a$  erit, quippe cum  $b$  sit in toto  $a$ : e uerò in toto  $b$ , cum idem sit atq;  $g$ : hinc non efficitur necessario, ut  $a$  sit in toto  $e$ : at in aliquo esse est necesse, quia reciprocatur affirmatio in toto in eam quæ sit ex parte. Constat igitur, in utraq; cuiusuis quæstionis parte ea esse spectanda quæ diximus, cum ex his struatur ratiocinationes omnes. Ac in consequentibus quidem, aut cuiusuis rei antecedentibus inuestigandis, priorum ac communiorum ratio est habenda potissimum: uerbi causa, in ipso e potius querenda sunt  $l$   $f$ , quàm  $f$  tantum: in  $a$  etiam sunt prius sumenda  $l$   $c$ , quàm  $c$  tantum. Nam si  $a$  in  $c$   $f$  reperitur, tum in  $f$ , tum in  $e$  inest. Quòd si illa non sequetur, fieri potest ut ipsi  $f$  sit consequens. Eadem est ratio habenda in antecedentibus illius. Nam si communioribus sit consequens,  $a$  quoque sequetur, quæ illis continentur: quòd si illa non sequatur, hæc tamē sequi possit. Apertum est autem ac perspicuum, in tribus extremis, ac pronunciatis duobus rationem illam esse positam, omnes item conclusiones in tribus figuris superioribus effici: tum enim probamus ipsum  $a$  in toto e reperiri, cum  $c$  &  $f$  eadem sint, ex his autē medium efficitur: extrema autem sumpta sunt  $a$  e, ita fit prima figura: illud autem in ipso aliquo ostenditur, cum  $c$  &  $g$  pro eodem sumuntur, quo modo efficitur figura postrema:

DE PRIMA RESOLVTIONE. 165

postrema: ipsum enim  $g$  pro medio habetur, in nullo uerò esse concluditur, cū  $d$  &  $f$  eadē sint. at tum & prima & media figura efficitur: prima quidē, quia  $a$  in nullo  $f$  inest, quandoquidē retrocedit negatio:  $f$  autem in toto  $e$  inest. Media uerò efficitur, quia  $d$  in nullo  $a$  reperitur, in  $e$  uerò toto inest. Colligitur autem, in aliquo non esse, cum  $d$  &  $g$  eadem sint: quo modo postrema figura struitur. Nam  $a$  in nullo  $g$  inest,  $e$  uerò in eo toto est. Hinc igitur luce clarius apparet, omnem ratiocinationem in figuris illis strui, quas exposuimus, nec in delectu sumenda esse utriusq; consequentia, ut ex quibus nulla struatur ratiocinatio. ex consequentibus enim nulla planē fuit confirmatio: nec item quidpiā negare licet ex utriusq; consequentibus. Nam ad hoc efficiendum oportet aliquid in uno esse, in alio non item. Hoc autē per se est manifestum, alias omnes rationes ac uias delectus habendi, ad struendum syllogismum, esse planē inutiles: nempe si conueniant utriusq; consequentia, aut antecedentia ipsius  $a$ , & repugnantia, quæ ipsi  $e$  inesse nequeunt, uel quæ neutri inesse possunt: ex ijs enim nulla est ratiocinatio. Nam si consequentia eodem conueniant, ut  $b$  &  $f$ , efficitur media figura ex ambobus pronuntiatis affirmantibus: si uerò eadem sint antecedentia ipsius  $a$ , & quæ in  $e$  esse non possunt, ut  $c$  &  $h$ , fit prima figura ex posteriore pronūciato priuante, quod si eadem sumantur, quæ neutri inesse queant, ut  $d$  &  $h$ , priuantia sunt ambo pronūciata in prima aut media figura, quo modo nulla efficitur conclusio. Quod autē certa quedam eadem sumi oporteat, non alia aut aduersa ea, quæ hac arte continentur, hinc erit apertum: primum, quod cura ac cogitatio

tota mediꝝ inuestigandi causa suscipitur: medium autem unum est sumendum, & idem, non uariū: deinde aduersa omnia ac repugnantia, quæ eidem inesse nequeant, ex quibus forte syllogismus strui possit, omnia ad superiores modos referentur: ut si  $b$  &  $f$  sint contraria, aut quæ in eodem esse non possint. Nam si hæc ita sumantur, conclusio detur,  $a$  in nullo e esse: quod ex ijs sumptionibus non efficitur, sed ex ratione superiori, cum enim  $b$  sit in toto  $a$ , et in nullo  $e$ , necesse est, ut  $b$  cum aliquo  $h$  conueniat: præterea si  $b$  &  $g$  in eodem esse non possunt, concluditur  $a$  in quodam  $e$  non esse: nam eo modo fiet media figura, Nam  $b$  in toto  $a$  inerit, & in nullo  $g$ , ita  $g$  cōueniet cum aliquo  $d$ : nihil enim refert, an  $b$  &  $g$  eidem repugnent, & inesse nequeant: an  $g$  cum quodam  $d$  sit idem. Nam in  $d$  comprehensa sunt omnia, quæ repugnant ipsi  $a$ : liquet itaq; , ex obseruatione huiusmodi nullam effici rationem. Quod si  $b$  &  $f$  sint aduersa, profectò  $b$  cum aliquo  $h$  conuenit, atq; ita ex ijs efficitur conclusio, Profectò qui res eo modo obseruant, ijs accidit, ut uiam quandam ac rationem aliam inuestigent ab ea quæ necessaria sit: idq; , quia non intelligunt  $b$  &  $h$  eadem esse.

Ut autem sit in ratiocinationibus ijs quæ institutum probant, eodem planè modo & in ijs quæ ad incommodum ducunt. Sunt enim hæc ex consequentibus & antecedentibus amborum, eademq; in ambabus adhibenda est obseruatio. Nam quod probando concluditur, ab absurdo quoque colligi potest, idq; per eos ipsos fines. Quod item ab absurdo colligitur, id etiam probatione colligitur. uerbi causa, nullum  $e$  esse  $a$ , ita probatur: faciamus quoddā  $e$  esse  $a$ : tum quia omne  $a$  est  $b$ , quoddam

itema

# DE PRIMA RESOLUTIONE. 167

item e est a: sanè aliquod e esse b necesse est. at confessum erat, nullum planè esse. Rursus ita colligitur in aliquo esse: nam si a est in nullo e, e uerò in toto g, ipsum a in nullo g reperietur, cum antea in eo toto fuerit. Hoc idem fit in alijs quæstionum generibus: semper enim & in quouis concluditur propositum ab incommodo, per utriusq; antecedentia & consequentia. In quavis etiam quæstione eadem est sequenda ratio, seu propositum concludere uelis, seu aduersarium ad incommodum deducere: quippe cum ex iisdem sint extremis ambo modi concludendi. ut si conclusum sit, in nullo e esse a, colligitur ipsum b in aliquo e inesse: quod fieri nequit. Si sumatur ipsum b, in e quidem nullo, in a uerò toto inesse, perspicuū est ipsum a in nullo e inesse, hoc ipsum ex incommodo monstrabitur, si faciamus in aliquo esse. Quod eodem modo fit in alijs quæstionibus: in quavis enim extremum quoddam commune sumendum est, aliud ab ijs quæ subiecta sunt, in quo falsum colligitur: atq; ita inuerso eo pronuntiato, altero autem eodem manente per ea ipsa extrema, efficietur ratiocinatio probans. Hæc enim ab ea differt, quæ est ad incommodum, quòd in hac pronuntiatum alterum falsum accipitur, in illa ambo reuera ponuntur. Hæc autem in progressu magis explicabūtur, ubi de incommodo differemus. id tantum in præsentia perspicuū erit, ad illa præcepta aduertendum esse, seu rectà concludere uelis, seu ad incommodum deducere. In alijs quoq; ratiocinationibus, quæ sunt ex hypothesi, cuiusmodi sunt quæ ex transsumpto fiunt, & quæ ex qualitate deducuntur, ad ea quoq; aduertendum est, quæ subiecta sunt



non in quaestione propoſita, ſed in trāſlatitia. Eſt autem eadem planē animaduerſionis ratio: intelligendum uerò nobis eſt, ac diuiſione explicandum, quot ſint modi ratiocinationum ex hypotheſi. Hac igitur ratione unaquæ que quaſtio concluditur: nonnulla tamen alia quoq; uia concludi poſſunt, ut uniuerſales ex particularium inſpectione, idq; per hypotheſin. Nam ſi c & g eadem ſint, & ſumatur, ipſum e in ſolo g reperiri: ipſum a in toto e reperietur. Quòd ſi rurfus d & g eadem ſint, e uerò in g ſolo dicatur, concludetur, a in nullo e ineſſe. Conſtat itaq; eam eſſe animaduerſionem adhibendam. Eadem eſt in neceſſarijs & contingentibus ratio: eſt enim in ijs eadem obſeruatio. & in contingentibus ratiocinatio erit per eadem extrema, ac eodem ordine poſita, atq; in abſolutis. Contingentis autem nomine ea quoq; intelligenda ſunt, quæ cum non ſint, eſſe tamen poſſunt: oſtendimus enim, contingens per ea quoque concludi. Eadem quoq; eſt ratio in alijs dicendi modis.

Ex ijs quæ adhuc expoſuimus, id conſtat, non modò hac uia ratiocinationes omnes ſtrui poſſe, ſed et alia nullo pacto eſſe. Cum enim antea probatum ſit, ratiocinationes omnes in figuris antea expoſitis ſtrui, illæ uerò ex alijs ac conſequentibus & antecedentibus rei cuiuſvis componi nequeunt, quippe cum ex ijs pronūciata ſiant, et medium ſumatur, proſectò nulla ratiocinatio ex alijs poteſt effici. Omnium igitur quaſtionum concludendarum, tum quæ in philoſophia ſunt, tū quæ in quauis arte ac diſciplina tractantur, una eſt & eadem uia & ratio. in re enim quauis cogenda ſunt ſimul, quæ in ea inſunt, & in quib; ipſa ineſt: earumq; maximā copiam parare, atq;

atque ita illa in tribus extremis contemplari, si eueras, hoc modo: si confirmes, illo. idq; si ad ueritatem agas, in ueris pronunciatis, & quæ re ipsa ita sint: si de dialectica ratiocinatione cogites, in probabilibus & ueris milibus. Ac ratiocinationū initia in totum exposuimus, tum quomodo inter se affecta esse debeant, tum quæ sit eorum conquirendorum ratio, ne præcepta omnia, quæ exposuimus, in singulis inspiciamus, nèue in confirmando & refutando eadem sequamur: in toto itē ac in parte astruendis, aut in ijs euerendis: sed pauca quædam, ac certa nobis sint ad obseruandum proposita. In singulis autem rebus sic sunt deligenda principia, ut aut ipsius rei quæ proposita sit, principia quæras, ut boni: aut sciētiæ principia. Sunt autem propria cuiq; arti permulta: unde & initia illa in quaq; re afferre, hominis est in ea maximè uersati & periti. uerbi causa, ex peritiis, quæ in rebus est astrologicis, astrologia petita sunt principia. quippe ubi astrorum ratio longa obseruatione comperita est, tum inuenta sunt & instituta de astrologia demonstrationes: id quod in cæteris tum artibus, tum sciētijs, eodem modo habet, quæcunq; sunt illæ tandem. Vbi igitur inuenta fuerint, quæ in unaquaq; re insunt: nostrū tum erit, demonstrationes continuo ex ijs edere. Nam si in inuestiganda rei natura nihil sit prætermisum, quod illi reuera & planè insit: licebit sanè rerum omnium, quæ ostendi possint, demonstrationem instituere & adferre. Explicare etiam facile erit, si quid ita sit natura comparatum, ut demonstrari nequeat. Quo igitur pacto pronuntiata deligenda sint ad opus, in totum fermè exposuimus: de qua ratione diligentius ac subtilius in commen-

170 ARISTOTELIS LIBER I.  
*tario de Arte dialectica differuimus.*

Huius autem uiae ac rationis particulam quādam esse eam quae per genera fit diuisione, facile intelligi potest, cum diuisio sit quasi imbecilla quaedam ratiocinatio: postulat enim, id quod probare oportuit, semper autē quidāpiam superius concludit. id quod ignorarunt, quicumque ea sunt usi, atque inde rei naturam probare conati sunt: quasi uerò natura rei ac essentia demonstratione concludi possit. ita nec intellexerūt, quid diuisione concludi possit: nec hoc item eo, quo diximus, modo concludi potuisse. Ac cum demonstratione concludendū est, quippiam esse, medium id, quo struenda est ratiocinatio, semper sumi oportet minus ac angustius priori extremo, non de eo totū dici. At cōtrā fert diuisio: sumit enim uniuersum mediū. Nam ponamus pro a, animans, pro b, mortale, in c uerò immortale: homo uerò, cuius definitio sumi debet, loco ipsius d locetur: sanē sumit, qui diuidit, omne animans mortale esse, aut immortale: perinde ac si dicas, omne a aut esse b, aut c: tum ponit, hominem esse animans. sumit igitur, ipsum a in d inesse: concluditur itaque, omne d aut esse b, aut c: atque ita hominem necessario mortalem esse, uel immortalem. At animans esse mortale solum, non efficitur necessario, sed postulatur, cum tamen concludendū id fuisset. Rursus si quis constituat, a esse animans mortale, b uerò pedestre, loco ipsius c expes, in d uerò hominem intelligat: eodē pacto sumit a aut in b esse, aut in c. nam omne animal mortale, aut pedestre est, aut expes. a item in d esse: sumpsit enim, hominem animal esse mortale. ita necessario efficitur, ut homo sit animal pedestre, uel expes: nō autem, ut sit pedestre. sed hoc sumit, cum id  
 rursus

rursus illa argumentatione cōcludendum esset. Ita in omni diuisione hoc modo accidit, mediū uniuersale sumit extrema uerò, id de quo sit cōcludendū, & differentia, demū nil planē afferunt, quo efficiant necessariō ac doceant, quidnam homo sit, uel aliud quiduis, de quo agatur. Hæc enim illis una ratio est pro omnibus: nec interin quæ huius probationis uis esse possit, suspicantur. Perspicuum est autē, nihil hac uia nec in accidentibus, nec proprietatibus aut genere euertere posse, aut concludi. deniq; in quibus omnibus quæstio est, itane an secus res habeat: cuiusmodi hoc est, sit ne dimetiens rationalis, an irrationalis. Nam si sumat, qui diuidit, lineā omnem rationatē esse, aut irrationalem, ac dimetientem esse lineam: inde efficitur, dimetiētē rationalem esse, aut irrationalem. Quod si sumat, eam esse irrationale, id ipsum ponit, quod concludi oportuit, atq; ita propositum probari nequit. cum enim hæc sit diuisionis ratio, & per eam probari non possit aut rationale, aut irrationale (sit loco a linea: in b uerò, rationale, aut irrationale: in c, dimetiens) constat, non ad omnem modō disputationem, non conferre illam inuestigandi rationem: sed ne ad eam quidem, cui maxime accommodata uideretur. Est igitur ex ijs quæ adhuc exposuimus, dilucidum, quibus ex rebus, quæq; ratione ac modo demonstrationes componantur, quæ item sint in quouis genere quæstionis obseruanda.

De ratiocinationum resolutione, pars tertia.

Cap. XX I.

Dicendum autem deinceps fuerit, quomodo ratiocinationes referamus ad figuris eius, quæ antea exposuimus. Nam hoc unum ex proposita disputatione

tatione restat: tum demum enim ad finem perductum erit propositum, cum & syllogismorum structuram intellexerimus, & eorum inueniendi facultatem habuerimus, & structos iam & compositos in figura superiores res resoluendi. In quo hoc etiam consequemur, ut ex ijs quæ postea explicabuntur, confirmentur quæ antea exposuimus, eorūq; clarior sit & apertior ueritas: quippe cum uera omnia necessario cōsentiant. At principio nitendum est, ut duo pronunciata ratiocinationis secernas, quandoquidē facilius est diuisio illa, quæ in maiores partes fit, quàm quæ in minutiores: tota autem suis partibus sunt maiora. Tum animaduertendum, utrum in toto sit, utrum in parte. Quod si ambo sumpta non sint, & expressa, alterum sumendum est, & supponendū. Nam & qui scribunt, & qui disserunt, ubi pronunciatiū uniuersale proposuerint, quod est in eo comprehensum omittunt: aut hæc quidē ponunt, ea autem prætermittunt, ex quibus hæc concluduntur, quippe quæ frustra postularentur. Est autem diligenter hoc obseruandum, sit ne sumptum quidpiam superuacaneum, an prætermissum quicquam, quod necessariū esset: atq; hoc adiungendum est, illud abijciendum, quousq; ad duo tandem pronunciata peruentum sit. nisi enim hæc ita fiant, resolui ac reduci non possunt ratiocinationes rogatæ. Ac in nōnullis statim perspicitur, si quid desit: in alijs res est obscurior. ratiocinari enim uidentur, quia ex pronunciatis semel positis ac concessis quidpiam efficitur necessario: uerbi causa, si sumptum sit, nisi essentia aliqua tollatur, essentiam non tolli: quod si partes tollantur, illud quoque perire, quod illis constat. Nam si semel ea sint posita, necessario  
inde



inde efficitur, partem essentiae essentiam esse. ex pronun-  
 ciatis tamen assumptis id non est ratiocinatione conclu-  
 sum: imò pronunciata desunt, quibus id efficiatur. Rur-  
 sum, si ubi homo sit, necesse est animans esse: quando ue-  
 rò animas sit, essentiam esse: necessario quidem efficitur,  
 si homo sit, essentiam quoque esse. necdum tamen ratioci-  
 natione id effectū est: quippe cum non eo modo colloca-  
 ta sint pronunciata, quo præcepimus. In his autē ideo de-  
 cipimur, quia quemadmodum syllogismus argumentatio  
 est necessaria, ita hic ex pronunciatis cōcessis efficitur a-  
 liquid necessario. at argumentatio necessaria in pluribus  
 dicitur, quam syllogismus: quippe cū ratiocinatio omnis  
 necessaria est, non quicquid necessario cōcludit, ratioci-  
 natio est. Itaque non si quid ex pronunciatis propositis ne-  
 cessario efficitur, continuo est enitendum, ut ad suam fi-  
 gurā referatur ea argumentatio: sed sumenda sunt pri-  
 mum duo pronunciata, atque ita in sua extrema dissoluen-  
 da, ac pro medio id habendū, quod in utroque pronuncia-  
 to sumitur. Nam in quavis figura mediū in utroque pronū-  
 ciato reperiri est necesse. ubi igitur de alio dicatur me-  
 dium, & aliud de eo, aut de alio illud quidē enuncietur,  
 de eo autē negetur aliud, tum prima erit figura: si de alio  
 illud dicatur, et negetur de alio, media erit figura: sin de  
 illo alia dicantur, seu unum negetur, affirmetur alterum,  
 postrema erit: ita enim medium disponi docuimus in sin-  
 gulis figuris. Eadem autem erit ratio, etiam si pronuncia-  
 ta uniuersa non sint: est enim tum eadem medij collocan-  
 di ratio. Hinc igitur perspicuum est, orationem eam syl-  
 logismum non esse, in qua res eadem sæpius dicta non  
 sit; neque enim in ea medium aliquod sumptum est. Ac  
 uerò

uerò quando iam intelligimus quæ nam quæstio in quæ  
 que figura concludatur, in qua uniuersalis colligatur,  
 qua item particularis, constat non esse omnium figura-  
 rum rationem semper habendam, sed eius quæ cuiq; quæ-  
 stioni accommodata erit: in ijs autem quæstionibus quæ  
 per multas figuras concluduntur, ex medijs collocatione  
 figuram deprehendemus. At enim ferè fit, ut in syllogis-  
 mis decipiamur ob concludendi necessitatem, id quod  
 paulo antè diximus: nonnunquam ex similitudine extre-  
 morum collocandorum, id quod profectò ignorare non  
 debemus: uerbi causa, si a dicatur in b, & hoc in c, uide-  
 ri possit cõstitui ratiocinatio extremis ita collocatis, cum  
 tamen nulla sit argumentatio necessaria, nedum syllogis-  
 mus. Nam agnoscemus in a perpetuum, in b uerò Aristomenem intelligibilem, in c Aristomenem, sanè a in b re-  
 uera inest: nam Aristomenes intelligibilis est perpetuus.  
 b item in ipso c est: nam Aristomenes intelligibilis est Aristomenes. a uerò non est in c, cum Aristomenes sit cadue-  
 rus & mortalis. ex ea igitur extremorum dispositione  
 syllogismus non efficiebatur, sed pronunciatum a b in to-  
 to sumi oportuit. at falsum est, si quis postulet omnem in-  
 telligibilem Aristomenem esse perpetuum, cum Aristomenes sit mortalis. Rursus loco ipsius c, Miccalus: pro b  
 uerò, Miccalus musicus: ubi est ipsum a, ponatur ipsum  
 perire cras: sanè b de c uerè affirmatur, nam Miccalus  
 est Miccalus musicus: a item in b uerè dicatur, nam cras  
 istino die perierit musicus Miccalus. cum tamen falsum  
 sit, a in c esse, id quod superiori exemplo est simile. men-  
 dacium est enim, si dicis, omnè Miccalum musicum cras  
 periturum: id quod si præmittatur, nihil planè conclusi-  
 detur.

DE PRIMA RESOLUTIONE. 179

detur. ac is error ob rem exiguam admittitur: nam quæ si nihil referat hoc in illo dicere, aut hoc in illo toto esse, ita concedimus.

Sæpenumero etiã errare ac falli ex eo solemus, quod fines ij non rectè explicantur, qui in pronunciatis adhibentur. uerbi causa, si a sit sanitas, morbus uerò loco ipsius b, in c uerò sit homo: sanè uerè dixeris, nullum b posse esse a, quippe cum nullus morbus possit esse sanitas. b item in toto c esse: nam homo quiuis morbo est obnoxius. hinc profectò consequi uideatur, ut in nullo homine morbus esse possit: quod ideo fit, quia fines non sunt aptè digesti in uoce. Neq; enim ratiocinatio efficitur, si pro habitu sumas res eas, quæ ab habitu appellationem habent: ut si pro sanitate sanum collocetur, pro morbo ægru. neq; enim uerè dixeris, qui ægrotat, eū ualere non posse. quod si non sumas, nihil cōcludas, nisi fortè quidpiã accidere, id quod fieri sanè potest: accidit enim, ut in nullo homine sit sanitas. In media etiã figura, falsa conclusio eadē ratione colligitur. Accidit enim, in nullo morbo sanitatem esse, in quouis autē homine esse, atq; ita in nullo homine morbum reperiri. At in tertia figura falsa conclusio efficietur ex ipso contingente. Fieri enim potest, ut in re eadē tota sit sanitas, ac morbus: sciētia item, ac ignoratio, cōtraria item quæuis: cum tamen in se mutuo inesse non possint. Id autem cum ijs quæ suprà dicta sunt, minimè consentit: nam quandocunq; plura in eodē esse possunt, illa quoq; in se mutuo esse poterant. Constat igitur, deceptionē in ijs ex finium collocatione oriri. Nam si res affectas, & quæ ab habitu appellationē habent, commutes, nihil concluditur falsum. Liqueat igitur,

in pronuntiatis huiuscemodi rem affectā commutandā esse in affectionem, ac pro extremo esse collocandam.

Nec uerò in omnibus conandum est, ut extrema una dictione explicentur: quippe cum in multis ipsæ orationes sint, in quibus nomen unū positum non est: unde paulo difficilius est ratiocinationes huiuscemodi in suas figuras referre. At in nonnullis ob eam inuestigationem falli ac errare accidet: uerbi causa, immediatorum uidebitur esse conclusio. Faciamus enim, ut in *a* sint duo recti, in *b* triangulus, in *c* uerò æquicrurus: sanè *a* est in *c* per *b* medium, in *b* uerò per aliud medium non item: quippe cum triangulus duos rectos suapte natura habeat, & per se: ita ipsius *a* *b* nullum erit medium, cum tamen demonstrari possit. Perspicuum est igitur, medium non esse in omnibus sumendum, quasi quidpiam unum, sed ut orationē nonnunquā. Id quod in exemplo proposito accidit. Cum autem primum in medio, & hoc in postremo dicitur, non est ita accipiendum, quasi extrema de se mutuo eadem ratione dicantur: aut primum de medio, eo modo quo medium de ultimo, sed quot modis quidpiam esse dicitur, & uerè enunciatur: totidem sanè modis arbitrandum est, intelligi aliquid in alio esse. uerbi causa, aduersorum scientia est una. ponamus enim, in *a* unam esse scientiam, in *b* uerò inuicem aduersa: sanè *a* in ipso *b* inest, non quasi aduersa sint una scientia, sed idcirco, quia uerè in his dicitur, unam esse eorū scientiam. Accidit autē nonnunquam primum in medio dici, medium in tertio non item. Verbi causa, si sapientia est scientia, est autem sapientia rerum bonarum: concluditur, rerum bonarum esse scientiam. hic non assumptum est in recto, scientia est

## DE PRIMA RESOLUTIONE. 177

est bonum: at propositio in recto fuit, sapientia est scientia. In nonnullis medium in tertia quidem dicitur, primum in medio minime: exempli gratia, omnium qualitatum uel etiam aduersorum est scientia, bonum autem & aduersum est & qualitas: atque inde efficitur, quod boni est scientia, non quod bonum scientia sit. Neque hic propositio in recto fuit, quod scientia esset, aut qualitas, aut contrarium: at assumptio in recto fuit, quod bonum hæc ipsa esset. Aliquando nec primum in medio dicitur, nec medium in tertio: ubi primum in tertio aliquando quidem dicitur, aliquando non dicitur. ut quia quarum rerum scientia est, earum est genus aliquod: at boni est scientia: concluditur inde, boni esse genus aliquod: nihil autem de alio dicitur in recto. Si uero illud est genus, cuius habetur scientia, boni autem scientia quedam est: concluditur, bonum esse genus: profecto primum in postremo dicitur, de se mutuo non item. Quod eodem modo in negatione est intelligendum. cum enim hoc in illo non esse dicimus, non semper intelligimus, hoc non esse illud: sed nonnunquam, hoc non esse illius, aut illi. ut mutationis non est mutatio, nec generationis generatio est: at uoluptatis est generatio, non est igitur ipsa uoluptas generatio. Rursus, ipse risus aliquod est signum: signi autem non est aliud signum: risus igitur non est signum: hoc idem fit in cæteris alijs, in quibus eueritur questio, ex eo quod genus ad rem quodam modo referatur. Rursus, quod occasio non sit tempus opportunum, ita concluditur: Nam Deo sua est occasio: at nullum illi tempus est opportunum, quippe cum Deo nihil utilitatem asferre possit. extrema enim collata sunt, occasio, tempus opportunum, deus: pronun-



ciatum autem in casu nominis sumi debet. Hoc enim & minino ac in omnibus præcipimus, quòd fines & extrema in recta appellatione accipi debent: ut homo, bonus, contraria: non autem hominis boni, contrariorum. Pronunciata autem accipi debent ex uarijs singulorum casibus, nempe aut huic, quemadmodum æquale: aut huic, ut duplum: aut hunc, ut pulsans, uidens: aut hic, ut homo est animans: aut si quo alio modo nomen in pronuntiato inflecti potest. Illud autem, esse quippiam in alio, ac de eo uerè dici, tot modis intelligi oportet, quot sunt genera summa: eaq; aut certo quodam modo, aut omnino: simplicia item, aut coniuncta, quod in negatione eodem modo accidit. Sunt autem ea obseruanda, ac quàm optimè fieri possit distinguenda.

Id autè quod in pronuntiatis iteratur, extremo priori coniungendū est, non medio. quod dico tale est: si concludatur iusticiæ esse scientiam, quòd bona sit, illud bonum, quà bonum, extremo iungendum est. constituamus enim in *a* scientiam, quòd bonum: in *b* uerò, illud quod bonum: in *c*, iusticia: sanè *a* de *b* uerè dixeris. nam boni quòd sit bonum, scientia est. & *b* quoque in *c* uerè dicitur: est enim iustitia id quod bonum. Ad hunc igitur modum resolutio efficitur. Quòd si ipsi *b* coniungatur illud, quod bonum, iam non erit uerum: nam *a* de *b* uerè dicetur, *b* de *c* non item. nam si in iusticia dicas, eam bonam esse, quà bonum: id & falsum est, & intelligi nequit. Eadem erit ratio, si salubre ostendatur esse cognoscibile quà bonum, aut hircoceruus quà non est, aut homo caducus quà sensibilis: est enim in omnibus ijs quæ adpredicantur, extremo apponenda geminatio. Nec uerò eadem

Eadem est extremorum dispositio, ubi quid omnino concludatur, & quando hoc uel illud, uel quodam tenus, uel alio quodam modo: uerbi gratia, cum bonum probabitur esse cognobile, & cum quid concludetur cognobile quā bonum. Quin si cognobile omnino cōcludatur, medium collocandum est, id quod est: si quā bonum sit, aliquid ens. Constituamus enim in a scientiam, quā est quoddam ens, in b uerò aliquod ens, in c bonum: profectō a in b uerò dicitur: quippe cum scientia sit alicuius entis, quā ens est. b item in c nam quod loco ipsius c constitutum est, quodpiam ens est: ita & a in c uerò dicitur. erit igitur boni scientia, quā bonum quoddam est: nam quoddam ens certam quandam naturam modò designabat. Quòd si ens medium locetur, & extremo ens omnino, non quoddam ens adiectum sit, diximus non effici scientiam esse boni, quā bonum est, sed quā ens: ut loco a est scientia, quā ens: in b uerò ens, in c bonum. Ac constat, extrema eo modo esse sumenda in ijs qui in parte sunt syllogismi.

Nomina etiam nominibus, quæ idem ualent, commutare oportet, orationem item oratione: nomen etiam ac orationem, ita ut orationem semper nomine commutes. Nam facilius eo modo extrema digeruntur: exempli gratia, si nihil referat, dictus suspicabile non esse genus opinabilis, an opinabile non esse id quod suspicabile: nam idem significat, id quod pro oratione sumptum est, tum suspicabile & opinabile pro extremis sint collocanda. At uerò quia hæc diuersa sunt, uoluptas est bonum, & uoluptas est ipsum bonum, non sunt eodem modo extrema constituenda. Sed si concludatur

uoluptatem esse ipsum bonum, extremū est collocandum ipsum bonum: *sin* esse bonum, bonum modò id quod in alijs eodem modo fit. Nec uerò hæc aut in re, aut in sermone idem ualent, cui ipsum *b* inest, eidem toti inest *a*: et in quo toto reperitur *b*, in eo ipso toto inest ipsum *a*. Nihil enim prohibeat, *b* in *c* quidē esse, sed non omni: nempe si *b* sit quippiam pulchrum, *c* uerò album: profectò si in re quadam alba quippiam pulchri insit, uerè dixeris, album esse pulchrum, non omne fortasse. Itaq; si *a* est in *b*, nec tamen in ijs omnibus est, de quibus ipsum *b* dicitur, seu ipsum *b* in toto *c* reperiatur, seu in aliquo: nō est necesse, *a* in *c*, non modò toto, sed ne ullo quidem inesse. Quòd si in quacūq; re ipsum *b* uerè dicatur, ipsum *a* insit in ea omni, inde efficitur, in quo toto ipsum *b* dicitur, in eo quoque omnino dici ipsum *a*: si uerò de quo *b* dicitur, in eo toto dicitur ipsum *a*, nihil prohibet, *b* in *c* quidem esse, in eo uerò non toto *a* esse, uel etiam omnino non esse. Vbi igitur tria sunt extrema, perspicuum est illud, de quocunque *b* dicitur, ipsum quoque *a* dici, idem ualere, ac, de quibuscunq; dicitur *b*, de ijs quoq; omnibus ipsum *a* dici. quòd si *b* de aliquo omnino dicatur, *a* quoque eodem pacto dici: *sin* in aliquo non omnino dicatur, nō est necesse ipsum *a* in eo toto esse. Nec uerò existimandum est, ob dispositionis exempla alienum quid, aut absurdum euenire: neq; enim in exemplum adducimus, hoc esse illud: sed ut geometra lineam istam pedalem esse dicit, ac rectam & illatabilem, cum ea non sit: nec ijs utitur, quasi inde aliquid cōcludat. qui enim quippiam demonstrat, id nullo pacto ex eo efficiet, quòd totius rationem ad partem suam non habeat: aliud autem ad hoc,

DE PRIMA RESOLUTIONE. 181

ut pars sit toti comparata: cum ne ratiocinatio quidem isto modo fiat: sed ea expositione utimur eodem modo, ac qui dicunt rem percipere sensu eum qui instituitur. neque enim hæc ita fiunt, quasi sine his res ipsa demonstrari nequeat: ut sunt ea, ex quibus ratiocinatio struitur. Nec uerò ignorare id debemus, non omnes conclusiones, quæ una & eadem ratiocinatione efficiuntur, ad eandem figuram pertinere: sed alias per hanc, alias per illam colligi. Vnde constat, resolutionem eo quoque modo esse faciendam. Cum autem quaestio non omnis in quavis figura, sed in singulis certè probetur, ex complexione facile intelligitur, in qua figura res inuestigari debeat. Ac in definitionibus probandis, ubi definitionis particulam unam probaueris, ea ad quæ probatio pertinet, pro extremo collocanda est, non tota oratio. Ita enim accidet, ut prolixitate minus turbemur. Exempli gratia, si quis probauit aquam esse humorem potabilem, potabile & aqua pro extremis sunt collocanda,

Iam eniendum non est, eos syllogismos referre in figuras, qui sunt ex hypothesi. Nec enim referre eos possis ex his quæ proposita sunt: quia syllogismo non probant, sed ex conuentione & pacto admittuntur. Verbi causa, si quis id ponat, si una contrariorum non sit facultas, nec scientiam quidem eorum unam esse: tum probet contrariorum non esse unam facultatem, nempe quia salubris & insalubris non est eadem: ita enim fieret, ut res eadem salubris esset, & insalubris. profectò probatum est eo modo, non unam esse contrariorum omnium facultatem. at eorum scientiam non esse unam, probatum quidem id non est, quamuis necessario fateri id oportet

teat: non ratiocinatione quidem, sed ex pacto ac consensu. Non potest igitur hic syllogismus ad figuram referri: sed ille potest, quo concluditur non unam esse contrariorum facultatem: is enim fortasse ratiocinatio fuit, ille hypothesis tantum. Eodem pacto res habet in ijs qui per incommodum concludunt. nec enim resolvere eos possis: ductum autem ad incommodum, maxime. nam is ratiocinatione probatur. Illum quidem facere non possis, quia ex hypothesis concluditur. Est autem inter hos syllogismos, & superiores, discrimen: quod in illis præconcessionem est opus, ut rem confiteatur aduersarius. ut si probatur unam esse contrariorum facultatem, ac eorum eandem esse scientiam: in his autem sine ulla præconcessionem, rem confitebuntur ob perspicuam falsitatem uerbi causa, si ponas dimetientem esse rationabilem, consequitur, ut numeri impares paribus sint æquales. Sunt autem permulti quoque alij, qui ex hypothesis concludunt, syllogismi, qui diligenter & aptè obseruandi sunt & annotandi. Ac quot sint syllogismorum ex hypothesis genera, quotque modis illi fiant, posterius explicabimus. Quod ad rem præsentem attinet, hoc tantum intelligi debet, syllogismos eiusmodi in figuras referri non posse, ob eam, quam exposui, causam.

In quæstionibus autem omnibus, quæ per plures figuras probantur, si quæ in una conclusa sit, ipsam argumentationem in alteram figuram referre possis, ut quæ prius in prima concluditur, in secundam, quæ in hac, in primam referatur, non omnes, sed aliquæ: id quod in progressu perspicuum erit. Nam si a in nullo b reperitur, & b est in toto c, a sane in nullo c reperitur: nam

hoc

DE  
hoc p  
nuncia  
a erit,  
non on  
& bo  
recipr  
cinati  
sales q  
in par  
nullu  
negat  
est b,  
tur, ip  
candit  
a. atq  
aprop  
cinat  
fieri  
nullu  
ra, si  
hoc i  
solui  
nam  
forte  
figura  
in po  
vanu  
& a  
proc  
y auf



DE PRIMA RESOLVTIONE. 193

hoc pacto prima figura efficitur. Quod si inuentus pronun-  
 ciatū priuans, media erit figura. Ita enim  $b$  in nullo  
 $a$  erit, & in  $c$  toto. Hoc idem fiet, ubi in parte tantum,  
 non omnino concludet ratiocinatio. Ut si  $a$  in nullo  $b$ ,  
 & hoc in aliquo  $c$  in sit. nam efficietur figura media, si  
 reciprocetur pronunciatum priuans. Ex ijs autem ratio-  
 cinationibus, quæ in secunda figura struuntur, uniuersa-  
 les quidem in primam figuram referentur: ex ijs, quæ  
 in parte concludunt, altera tantum. Faciamus enim, ut  
 nullum  $b$  sit  $a$ , omne uero  $c$  sit  $a$ : sanè si retrò commet  
 negatio, prima figura dicitur. nam eo modo nullum  $a$   
 est  $b$ , & omne  $c$  est  $a$ . Quod si ipsi  $b$  affirmatio iunga-  
 tur, ipsi uero  $c$  negatio, illud  $c$  in maiori extremo collo-  
 candum est. ita enim fiet, ut nullum  $a$  sit  $c$ , & omne  $b$  sit  
 $a$ . atq; ita nullum  $b$  erit  $c$ , nec ullum quidem  $c$  erit  $b$ . re-  
 ciprocatur enim priuans pronunciatum. Quod si ratio-  
 cinatio in parte concludat, ubi maiori extremo negatio  
 fuerit iuncta, in primam figuram reducetur: ut si  $a$  in  
 nullo  $b$  in sit, & in  $c$  aliquo. efficietur enim prima figu-  
 ra, si retrò commet negatio. nam  $b$  in nullo est  $a$ , &  
 hoc in aliquo  $c$  in est. Vbi uero affirmatio ita fuerit, re-  
 solui non possit. ut si omne  $b$  sit  $a$ , non omne uero  $c$  sit  $a$ :  
 nam illud  $a$   $b$  reciprocationem non admittit. Quod si  
 fortè illa fiat, non stabit conclusio. Neo itē quæ in tertia  
 figura struitur ratiocinationes, in primam omnes refer-  
 ri possunt: contra quæ in hac sunt, ad tertiā omnes refe-  
 rantur. Faciamus enim, exempli causa, ut omne  $b$  sit  $a$ ,  
 & aliquod  $c$  sit  $b$ : cum igitur affirmatio in parte reci-  
 procetur,  $c$  quoq; in aliquo  $b$  in erit,  $a$  autem in toto  $b$  e-  
 rat sit igitur figura tertia. Eadem erit ratio, si priuans sit

ratiocinatio. Nam quia affirmatio in parte inuertitur,  
 ac retrò commeat, efficitur, ut  $a$  in nullo  $b$  in sit, &  $c$  in  
 aliquo. Ex ratiocinationibus autem, quæ in postrema fi-  
 gura struuntur, una modò in primam figuram resolui  
 nequit: nempe ubi negatio in toto non fuerit, reliquæ re-  
 ferri possunt omnes. Ponamus enim, ut &  $a$  &  $b$  in to-  
 to  $c$  dicantur, profectò ipsum  $c$  in utrumvis retrò com-  
 meabit in parte: atq; ita ipsum  $a$  in aliquo  $b$  in erit, &  
 efficietur prima figura, dum  $a$  in toto  $c$  in est, & hoc in  
 aliquo  $b$ . Eadem erit ratio, ubi  $a$  in toto  $c$  in erit,  $b$  uerò  
 in  $c$  aliquo. nam ipsa  $b$   $c$  inuertuntur ac reciprocantur.  
 Quòd si  $b$  in toto  $c$ , & in hoc aliquo ipsum  $a$  in sit, collo-  
 candum est ipsum  $b$  in primo limite. nam eo modo ipsum  
 $b$  in toto  $c$  erit, & hoc  $c$  in aliquo  $a$ : atq; ita ipsum  $b$  in  
 aliquo  $a$ : & quia pronuntiati in parte retrò commeat,  
 ipsum  $b$  in aliquo  $a$  in erit. Ac ubi ratiocinatio priuans  
 fuerit, & extrema omnia in toto sint, eodem modo om-  
 nia sumi debent. Sit enim, exempli gratia,  $b$  in toto  $c$ , &  
 in hoc nullo ipsum  $a$ : profectò ipsum  $c$  in aliquo  $b$  non  
 erit.  $a$  uerò in nullo est: cita medium erit ipsum  $c$ . Hoc i-  
 dem fit, ubi negatio est in toto, affirmatio in parte. nam  
 $a$  in nullo  $c$  in est:  $c$  uerò in  $b$  aliquo. quòd si negatio in  
 parte sumpta sit, resolutio nulla erit: nempe si omne  $c$  est  
 $b$ , quoddam autè  $c$  non sit  $a$ . Si enim illud  $b$   $c$  inuertatur,  
 pronunciata ambo illa quidem in parte erunt. Constat  
 autem in mutua illa reductione in figuras, pronuntiati,  
 quod minori extremo iunctum est, in utraq; figura esse  
 inuertendum: hoc enim commutato, egressio efficitur.  
 Ex his aut quæ in figura media fiunt ratiocinationes, u-  
 na in figurâ quidem tertiam resoluitur: altera non item.

Refertur

DE PRIMA RESOLVTIONE. 189

Refertur enim ea, in qua negatio est uniuersalis. nam si *a* in nullo *b* inest, et in *c* aliquo, utrumuis cum ipso *a* æque inueritur: atq; ita nullum *a* erit *b*, & quoddam *a* erit *c*. erit igitur ipsum *a* medium. Quod si *a* in toto *b* inest, in aliquo *c* non item, nulla fit resolutio, cum neutrum ex pronunciatis post reciprocationem sit uniuersale. Resoluentur etiam in mediam figuram, quæ in tertia sunt rationes: quando cunq; negatio in toto fuerit. ut si *a* in nullo *c* inest, & in *b* aut aliquo, aut omni: nam *c* in nullo *a* inest, et in *b* aliquo. Quod si priuatio sit in parte, nulla erit resolutio. neq; enim reciprocationem admittit negatio ea quæ est in parte. Hinc igitur constat, eos ipsos syllogismos in his figuris non resolui, qui in primam referri non potuerunt. Ac cum alij syllogismi in primam figuram referantur, ij ex incommodo tantum probantur. Ita ex ijs quæ hucusq; exposuimus, perspicuum est, quo pacto rationes reduci oporteat: quod etiam figuræ in se mutuò comineant & resoluuntur.

Nec uerò parum refert ad confirmandum, uel refutandum, arbitrerisne hæc idem ualere, an diuersa esse. non est inquam hoc, & est non hoc. uerbi causa, non est album, & est non album: neq; enim idem ualent. nec huius, esse inquam album, negatio est illud, esse non album, sed non esse album. Cuius rei ea est ratio. nam eodem modo se habet illud, potest ambulare, ad alterum, potest non ambulare: quo modo illud, est album, ad alterum, est non album: & hoc, nouit bonum, ad illud, nouit non bonum. Nihil enim refert dicas, hic bonum cognoscit, an, est peritus boni: nec item refert dicas, potest incedere, an est potens incedere. itaq; illorum contraria eadem sunt, non

potest ambulare, non est potens ambulare. Quod si idem ualent, illud, non est potens ambulare, & est potens non ambulare, uel etiam nec ambulare, profectò hæc eadem in eadem re simul reperiuntur: quippe cum homo idem facultatem habeat ut ambulet, & non ambulet, & est peritus boni & non boni. At affirmatio & negatio contrariæ, in eadem re simul nunquam insunt. Atque ita, quemadmodum hæc non idem ualent, non nosse inquam bonum, & nosse non bonum: ita nec illa, esse non bonū, & non esse bonum, rem eandem significant. Nam in his quæ similitudine inuicem comparantur, si unum sit alterum, aliud quoque necessario est: nec idem ualent, esse non æquale, & non esse æquale. Bi enim quod est, esse nō æquale, aliquid subijcitur, quod est inæquale: alteri planè nihil. quo fit, ut nō quæuis res æqualis sit, aut inæqualis: æqualis, uel non æqualis maxime. Iā hæc non simul perpetuò reperiuntur, est non album lignum, & non est album lignū. Nam si quid est lignum non album, illud est lignum: si quid uerò non sit lignum albū, non est necesse ut sit lignum: unde constat, ipsius pronūciati, est bonum, illud, est nō bonum, negationē non esse contrariā. Quod si de re quauis una, uel affirmatio uerè dicitur, uel negatio opposita, profectò ubi negatio non uerè dicitur, affirmatio quodam modo uerè enunciabitur. At cuiusuis affirmationis sua est negatio: illius igitur ista erit cōtraria, non est non bonum. Porro hunc ordinem hæc omnia seruant inter se. ponamus loco ipsius a esse bonum, in b non esse bonum, in c uerò esse non bonū, idq; sub ipso b: demū non esse non bonum in d, ac subijciatur ipsi a: sanè in re quauis aut ipsum a incrit, aut b ipsum, item c uel d, & in  
nulla

DE PRIMA RESOLVTIONE, 187

nulla re eadem inesse simul possint: ac in quacunq; re c  
reperitur, necesse est ipsum b in quauis reperiri. Nam si  
uerè dicitur, aliquid esse non album, uerum quoq; est, il-  
lud non esse album: quippe cum fieri nequeat, ut quid si-  
mul sit album, & non album: nec item sit lignum non al-  
bum, & sit lignum album: quòd si affirmatio ipsa non  
i sit, inerit negatio. ipsum autè c non perpetuò in toto b  
reperitur. nam quod planè non est lignum, nec lignum  
quidem est non album. Contrà fit in his, in quocunq; re  
peritur ipsum a, in eo reperitur ipsum d: quandoquidem  
necesse est uel c uel d in eo reperiri. At uerò quoniam fie-  
ri nequit, ut res eadè simul sit non alba, et sit alba, ipsum  
d semper inerit. Nam de ea re quæ alba sit, uerè dixeris,  
eam non esse non albam: at ipsum a non dicitur in toto  
d. nam de ea re quæ lignum planè non sit, non uerè dixe-  
ris ipsum a, nempe quòd ea sit lignum album, atq; ita in  
ipsa ipsum d uerè dicitur: at ipsum a, nempe quòd ea sit  
lignum album, non ita. Constat etiam, in nulla re eadem  
inesse posse a & c, quamuis b & d in nonnullis iisdem  
reperiri possint. Eandem rationem seruant priuationes  
ad enunciationes, modò is obseruetur situs. collocemus in  
a æquale, loco ipsius b non æquale: ubi est c, ponatur in a  
æquale, in locum d succedat non inæquale. ac in rebus  
permultis, quibus aliquid idem partim insit, partim non  
insit, æquè uera negatio fuerit: nempe quòd non omnia  
illa sunt alba, uel etiam quòd non est album unumquod-  
que ex illis: cum tamen falsum sit, unumquodq; esse non  
album, uel omnia esse non alba. Eodem modo illius  
pronunciati, omne animans est candidum, non est hæc  
negatio contraria, omne animans est non album (hæc  
enim



enim ambo falsa sunt) sed illud, non omne animal est candidum. Iam uerò, ex quo constat, hæc pronunciata res diuersas significare, est non album, inquam, & non est album: cumq; alterum aiat, alterū neget: perspicuum est, non eandem esse utriusq; probandi rationem. uerbi causa, omne animans non esse candidum, aut posse non esse candidum, & uerè dici non album: quod idem est, atq; esse non album. At uerò horum omnium, nempe quòd uerè dicatur, esse album, uel non album, eadem est concludendi ratio: ambo enim hæc per rationes concludendæ affirmationis, concluduntur in prima figura. Nam ipsum uerum eandem uim & situm habet, ac ipsum est: nam ipsius pronūciati, uerum est asseuerare hoc album, non est hæc negatio contraria, uerum est asseuerare hoc non album: quin potius illi contraria est, non uerum est asseuerare album. Quòd si uerè dicatur, quisquis homo fuerit, eum musicum esse, uel non musicum: sumendum est, omne animans musicum esse, uel non musicum: atq; ita res est confecta. At uerò illud, omnem hominem non esse musicum, in modum refutationis concluditur: idq; in tribus modis, quos superius exposuimus. At ut semel dicā, quandocunq; a & b ita sunt inter se affecta, ut in nulla re eadem ambo inesse possint, & in re quauis necesse sit alterum esse: c item & d eandem inter se rationem seruant: ac ipsius c illud a sit cōsequens, nec retrò commeet: profectò ipsum d consequens erit ad b, nec reciprocabitur. atq; a & d in re eadem esse possunt, b & c non possunt: ac primum hinc planè intelligitur, ipsum d consequi ad b. Nam cum alterum horum, c inquam uel d, necesse sit esse: in qua autem re b inest, ipsum c esse nequit, quia

DE PRIMA RESOLUTIONE. 189

quia ad ipsum statim consequitur a: hæc autem, a in qua  
 & b, in re eadem simul esse nequeunt: manifestū est igitur,  
 quod ipsum d consequitur. Nam uerò cum c non reci-  
 procetur cum ipso a, & in re quauis uel c dicitur, uel d,  
 ita accidit, ut a & d in eadem re insint: b uerò & c esse  
 simul nequeunt, eo quod ipsum a sit consequens ad c. In  
 de enim res quædam absurda consequitur, & quæ fieri  
 non possit. Constat igitur, ne ipsum quidem b cum c reci-  
 procari: quandoquidem ipsum a cum d stare potest. At  
 uerò in nonnullis accidit, ut decipiamur in huiusmodi  
 finium dispositione: idque ex eo, quod non bene sumantur  
 contraria ea, quorum alterum in re quauis inesse sit ne-  
 cesse. uerbi causa, si a & b in re eadem simul esse non  
 possunt, & necesse est in qua re alterum non sit, in ea  
 alterum esse: c item & d eodem modo inter se sunt affe-  
 cta, ac ipsum a in totum consequitur ad c: ita enim con-  
 cludetur, in qua re sit d, in ea necessario esse b: id quod  
 falsum est. Sumamus epim negationem ipsorum a b, quæ  
 sit in loco f: illorum item c d, quæ sufficiatur in locum i-  
 ipsius g: profectò necesse est, in re quauis aut a uerè dici,  
 aut f, nempe affirmationem, aut negationem: c item, uel  
 g, cum hæc sint aientia & negantia, ac in quacunque re c  
 inest, in ea quoque a ponitur: atque ita in quacunque re inest  
 ipsum f, in ea quoque inest & g. Rursus quādo in re qua-  
 uis uel f uel b dicitur, g item, uel d: g autem consequitur  
 ad f, atque ita ipsum b consequens erit ad d, id quod iam  
 intelligimus. Itaque si a consequitur ad c, b quoque ex d con-  
 sequens erit: id quod planè falsum est. Nam in his quæ ita  
 sunt inter se affecta, consecutionem contrā ualere docui-  
 mus: nec enim fortasse est necesse, ut in re quauis aut a  
 dicatur,

dicatur, aut *f*: *f* item, aut *b*: nec enim ipsum *f* negatio est illius *a*. nam boni, non bonum, negatio est: at non idem ualeat, hoc non est bonum, ac illud, non est nec bonum, nec non bonum. Eadem est ratio ipsorum *c* d: nam duæ negationes in his sumptæ sunt.

# ARISTOTELIS DE PRIMA resolutione Liber I I.

## Caput I.

**H**ucusq; igitur id à nobis expositum est, quot figuris, quot item quibusq; pronunciatis, quando, quaq; ratione struatur ratiocinatio: quæ etiam inspectanda sint ac obseruanda ei, qui aliquid refutare, uel confirmare uelit: quæ etiam sit inuestigandi propofiti ratio in arte quauis, qua item uia ac ratione unius cuiusq; quæstionis principia reperiamus. At uerò cum ex syllogismis alij in toto sint, alij in parte: qui in toto sunt, multa semper concludunt: qui uerò in parte sunt, si affirmant, plura quidem concludunt: si negent, unam tantum conclusionem colligunt. quod ideo fit, quia pronunciata alia retrò comeant, at negatio in parte non item. Cōclusio autem aliquid de aliquo significat: ita fit, ut ratiocinationes aliæ multa concludant. uerbi causa, si conclusum sit, *a* in toto *b* inesse, uel etiam in aliquo, necessario inde efficitur, ut *b* in aliquo *a* reciprocetur: ut quod si *a* in nullo *c* insit, ne in ullo quidem *a* ipsum *b* in erit. Hoc autem pronunciatum à superiori diuersum est. Quod si *a* in aliquo *b* non insit, non ideo efficitur, ipsum *b* in aliquo *a* non reperiri: quippe cum fieri possit, ut in eo toto insit. Atq; ea est una omnium syllogismorum ratio,

DE PRIMA RESOLVTIONE. 191

tio, tam qui in toto, quam qui in parte colligunt. in uni-  
 uersalibus autem, alia quoque ratio afferri potest. Eo-  
 rum enim omnium quæ uel medio continentur, uel con-  
 clusione, una est & eadem ratiocinatio, si hæc in conclu-  
 sione ponantur, illa in medio. uerbi causa, si conclusio a  
 b colligatur per c, necesse est, ut a de omnibus ijs dicatur,  
 quæ ipso b aut c continentur. Nam si d in toto b est, hoc  
 uerò in toto a, profectò d in toto a continebitur. Rursus  
 si e in c toto contineatur, c uerò in a, profectò & e in ip-  
 so a toto continebitur. Eadem est ratio, ubi priuās fuerit  
 conclusio. In secunda autem figura concludere tantum  
 licet, quod complexione continetur: ut si a in nullo b in-  
 sit, & in c toto, efficitur ipsum b in nullo c inesse. Quod  
 si d sub c contineatur, constat in eo non esse ipsum b: ex  
 ea autem ratiocinatione non constat, ipsum b non inesse  
 ijs quæ sub a continentur: tamen si re ipsa in ipso c non  
 insit, si sub a ipsum cōtineatur. At ratiocinatione est effe-  
 ctum, b in nullo c inesse: in a uerò nō esse, citra probatio-  
 nem, et ut confessum est sumptū. Itaq; ratiocinatione nō  
 efficitur, b in c non esse. In ijs autē qui in parte colligunt  
 syllogismi, quod ad ea attinet quæ cōplexione continen-  
 tur, nulla est eorum necessitas. neq; enim efficitur ratio-  
 cinatio, ubi illa in parte sumpta sit propositio. Eorum au-  
 tem quæ medio continentur, omnium quidem conclusio  
 erit, non tamē ex ratiocinatione: ut si a in toto b, & hoc  
 in aliquo c insit, profectò id quod sub c collocatum est,  
 non cōcludetur: quod autem sub ipso b est, maximē, non  
 tamen ob ratiocinationem antecedentem. Hoc idem fit  
 in alijs quoque figuris. neque enim concludetur id, quod  
 complexione comprehensum est. Alterum autem, con-  
 cludetur

cludetur illud quidem, sed non per ratiocinationem: quò modo in uniuersalibus probabantur, quæ sub medio erant, per pronunciatum nondum probatum, atq; ita in his concludetur: alioqui ne in illis quidem conclusio erit.

Potest autem fieri, ut pronuntiata uera sint ea quibus constat ratiocinatio, nonnunquam etiam falsa: aliquando, ut alterum uerum sit, alterum falsum. Complexio autem necessario uera est, uel falsa: ac ex pronunciatis ueris complexio falsa cõcludi nequit: ex falsis uera quidem colligi potest, non tamen per causam colligitur, sed quòd sit modò. Neq; enim ex falsis ratiocinatio unquam est, eaq; per causam: cuius rei ratio in progressu explicabitur. Principiò igitur ex ueris falsum concludi non posse, ex his erit perspicuum. nam si ubi *a* sit, necesse est *b* esse: ubi hoc non sit, necesse est *a* non esse. ubi igitur uerum sit ipsum *a*, necesse est quoq; ipsum *b* uerũ esse. Alioqui accidet, ut res eadem simul sit, & non sit: id quod fieri nequit. Neq; uerò suspicetur aliquis, ex eo quòd ipsum *a* extremum unicum positum sit, ex uno posito quidpiam necessario effici. Neq; enim hoc fieri potest. nam id quòd efficitur necessario, conclusio appellatur: ex quibus autem ea efficitur, illa minimum tria sunt extrema, interualla autem ac pronuntiata duo. Vbi igitur uerum sit, in quò *b* insit, in eo toto ipsum *a* inesse: in quo uerò sit *c*, ipsum *b* quoq; insit: necesse est, in quo sit *c*, in eo quoq; *a* inesse. Nec falsum id ullo modo esse potest. Illud igitur *a*, quòd quasi unum acceptum est, pro pronuciatis duobus coniunctis est intelligendum. Eadem quoq; est priuantium ratio. Neq; enim ex ueris falsum probari ullo modo potest: ex falsis autem uerum concludi, illud quidem potest,



## DE PRIMA RESOLVTIONE. 193

potest, seu falsa sint ambo pronunciata, seu alterum: nec tamen utrumuis, sed secundum, si pronūciatum in totum falsum sumamus, alioqui utrumuis indiscriminatim. Faciamus enim, ut *a* in toto *c* insit, & in *b* nullo, profectò ne *b* quidē in *c* erit. Quod autē dicimus, accidere potest: uerbi causa, nullus lapis est animās, nullus item homo est lapis. Vbi igitur sumptum sit, *a* in toto *b* inesse, & hoc in toto *c*, *a* in omni *c* inerit: atq; ita ex pronunciatis amobus falsis uera efficitur conclusio: omnis enim homo est animans. idem est existimandum de cōplexione priuante. Nam ponamus, *a* in nullo *c* inesse, item & *b*, *a* uerò in toto *b* inesse: ut si ea ipsa extrema sumantur, & in ijs homo mediū collocetur. Nā & animans, & homo in nullo lapide insunt, animal autem omni homini inest: atq; ita si sumamus in eo nullo inesse, cui toti inest: contrā in quo non inest, in eo toto esse, ex amobus pronunciatis falsis uera efficietur conclusio. Hoc idē probabitur, ubi utrumque in parte falsum sumatur. Quod si alterum modò falsum ponatur, ubi primum in toto falsum fuerit, ut ipsum *a* *b*, non efficietur uera conclusio: uera autem erit, si *b* *c* sumatur falsum. Appello autem pronūciatum in totum falsum, quod contrarium est uero: ut si in toto esse sumptum sit, quod in nullo inest: aut contrā, quod in toto inest, in nullo inesse. Ponamus enim, ut *a* in nullo *b* insit, *b* uerò in *c* omni: profectò si pronūciatum *b* *c* uerum sumptum sit, *a* *b* uerò planē falsum, ac ipsum *a* in *b* omni inesse sit positum, fieri non potest ut uera sit conclusio: ipsum enim *a* in nullo *c* inerat: quandoquidem cuiusq; insit *b*, in eo nullo inerat ipsum *a*: ac illud *b* in *c* quouis erat. Nec conclusio quidem uera esse possit, si *a* in *b* quouis

ais in sit, b uerò in omni c: ac pronunciatum b c ueritè  
 sumptum sit, a b uerò in totum falsum, hoc modo, nullum  
 b est a, conclusio sanè falsa erit. nam ipsum a in toto c  
 re ipsa inest: in quocunq; enim ipsum b inest, in eo quoq;  
 inest a. at b est in omni c. constat itaq; conclusionem ue-  
 ram non fore, ubi pronunciatum prius omnino falsum  
 sit sumptum, seu affirmet illud, sed neget: alterum autem  
 uerum sit. quòd si falsum quidem illud ponatur, non om-  
 nino tamen uera tum erit conclusio. Nam si a in omni c  
 inest, & in b aliquo, b item in omni c: quemadmodum  
 animans in omni cygno inest, & in albo aliquo, albus  
 uerò in toto cygno inest, profectò si sumptum sit, a in o-  
 mni b inesse, b uerò in omni c, a in omni c reuera inerit:  
 est enim omnis cygnus animans. Badem erit ratio, ubi  
 pronunciatum a b priuans fuerit: fieri enim potest, ut a  
 in aliquo b in sit, in c uerò nullo, b autem in c toto. uerbè  
 gratia, animans est in aliquo albo, & in nulla niue, can-  
 dor autem in omni niue reperitur: si ergo ponatur, a in  
 nullo b inesse, & hoc in omni c, ipsum a in nullo c inerit.  
 At uerò si proloquium a b in totum uerum sumatur, &  
 b c omnino falsum, efficietur uera conclusio: nihil enim  
 causæ est, quo minus ipsum a in b & c totis in sit, b autè  
 in nullo c reperiatur. Huius rei indicio sunt omnes eius-  
 dem generis formæ, quæ non se inuicem contineant: ani-  
 mans enim in equo et homine reperitur, equus autem in  
 nullo homine usitur: erit igitur falsa conclusio, ubi a in  
 toto b sumatur, & hoc in toto c inerit, ut omnino sit fal-  
 sum proloquiū b c. Hoc idè fiet, ubi propositio a b priuans  
 fuerit: quippe cū fieri possit, ut a in nullo b, in c itè nullo  
 in sit, b item in nullo c, ut se habet alterū genus ad formas  
 alterius.

DE PRIMA RESOLUTIONE. 195

Alterius. nam animal nec musica, nec medicina inest, nec  
musica etiam medicina: ita si sumatur, a in nullo b esse, b  
uerò in c toto, uera erit complexio. Quòd si pronuncia-  
tum b c non omnino, sed in parte falsum sit, ita quoq; ue-  
ra erit conclusio: nihil enim quicquam prohibet, quo mi-  
nus a in b & c toto insit: b uerò in c quodam, ut genus  
in specie est, & differente: animans enim in omni homi-  
ne inest, & in omni terrestri: homo uerò in aliquo terre-  
stri inest, non omni. Si igitur sumatur, a in omni b inesse,  
& hoc in omni c: efficietur, a in omni c inesse: id quod  
uerum erat. Idem fieri existimandum est, ubi proloquiū  
a b priuans sit: accidit enim, ut a in b ac c nullo insit, b  
uerò in aliquo c, quomodo se habet genus unū ad formā,  
& differentiam generis diuersam. animans enim nulli  
prudentiæ inest, nulli item cognitioni, prudentia autem  
alicui cognitioni inest. atq; ita si sumatur, a in nullo b,  
& hoc in omni c, a in nullo c inerit: id quod antea uerū  
erat. In rationationibus item in parte accidit, conclu-  
sionem ueram esse, ubi prius pronunciatum in totum sit  
falsum, alterum uerum: uel illud in parte falsum, hoc om-  
nino uerum. Item cum a b uerum sit, particulare autem  
pronunciatum falsum: quando item ambo falsa sint. nihil  
enim uetat, a in nullo b esse, et in c aliquo, ut b in c aliquo  
sit. exempli gratia, animans in nulla niue est, & in ali-  
quo albo, & in albo aliquo est nix. ita si nix medium col-  
locetur, animans uerò primū, et sumatur a in toto b esse,  
& hoc in aliquo c, effatū illud a b in totū falsum est: alte-  
rū autē, b c in quā uerū, & conclusio inde uera efficitur.  
tantundē fiet, si propositio a b neget: quippe cū fieri pos-  
sit, ut a in toto b insit, in aliquo autem c non insit, b uerò

alicui c insit. uerbi causa, animans in toto homine inest,  
 & alicui albo non est consequens, cum tamen homo ali-  
 cui albo insit. Atque ita uera erit conclusio, si homo medius  
 ponatur, ac sumatur, a in nullo b esse, & hoc in aliquo c,  
 cum tamen pronunciatum a b omnino sit falsum. Conclue-  
 sio item uera erit, si proloquium a b in parte sit falsum,  
 & b c uerum: neque enim quicquam uetat, a in b & c ali-  
 quo inesse, & b in aliquo c: ut animas in aliquo pulchro  
 reperitur, in aliquo item magno, & pulchrum in aliquo  
 magno est. si igitur sumas, a in omni b esse, & hoc in ali-  
 quo c, propositio illa a b quoadatenus est falsa, illa autem  
 b c uera, & conclusio ex his est uera. Eodem modo res  
 habebit, ubi pronunciatum a b negetur: nam ad huius rei  
 probationem idem sumuntur fines, ac eodem modo dispo-  
 nentur. Rursus si a b uerum sit, b c falsum, uera erit com-  
 plexio. Quid enim causa est, quo minus a in toto b insit,  
 & in aliquo c, b autem in nullo c insit? uerbi causa, ani-  
 mans in omni cygno inest, & in aliquo nigro, cum cygnus  
 in nullo nigro insit. Si igitur a in toto b sumatur, & hoc  
 in c quodam, uera erit conclusio, cum pronunciatum b c  
 sit falsum. Idem fiet, si pronunciatum a b priuans suma-  
 tur: fieri enim potest, ut a in nullo b insit, & in c aliquo  
 non insit, b autem in nullo sit c, quo modo se habet genus  
 ad formam generis alterius & diuersi, & ad accidentia  
 ea quae illius formis insunt. animans enim in nullo nume-  
 ro inest, & in quodam albo: numerus autem in nullo est  
 albo. Ita si numerus medius ponatur, et sumatur, a in nul-  
 lo b, & b in aliquo c, a in quodam c non erit, id quod mo-  
 do uerum erat: ac pronunciatum a b uerum est, b c fal-  
 sum. Vera etiam erit conclusio, si a b in parte sit falsum,  
 b c item

DE PRIMA RESOLVTIONE. 197

b c item falsum: neq; enim quicquā uetat, quo minus a in b, & c quibusdam insit: b uerò in nullo c. ut si b c sint aduersa, eaq; eiusdem generis accidentia ambo: animans enim in quodā albo est, quodā item nigro, et albū in nullo nigro inest: si igitur sumas a in toto b inesse, & hoc in aliquo c, uera efficietur inde cōclusio. Quòd si a b priuās sumatur, itidem fiet: ad id enim monstrādum ijdē fines eadem dispositione sumentur. Quòd si pronūciata ambo falsa sint, uera quoq; esse possit conclusio: fieri enim potest, ut a in nullo b insit, in c uerò quodā sit, cū b in nullo c insit: ut genus aliquod formæ generis diuersi omnino non inest, & in accidente quodā suarum formarū inest. Animās enim in nullo est numero, & in aliquo est albo, cum numerus in nullo sit albo: si igitur a in toto b ponatur, & hoc in quodā c, uera efficietur conclusio, cum falsa sint ambo pronūciata. Hoc idem fiet, si pronūciatum a b negetur. nihil enim prohibet, a in toto b esse, in c quodam non esse: b item in nullo c. ut animans in omni cygno est, in aliquo nigro non est, cygnus autem in nullo nigro. ubi igitur sumptum sit, a in nullo b inesse, & hoc in quodam c: efficietur, a in quodam c non esse: atq; ita uera erit conclusio, cum ambo pronūciata sint falsa.

Secunda figura. Cap. II.

In media uerò figura ex falsis uerū planè concludere licet, seu pronūciata ambo in totum falsa sumantur, seu in parte: seu alterum sit uerum, mētiatur planè alterum, idq; utrumuis. ubi etiam ambo in parte mentiantur, ubi item alterum sit planè uerum, alterum in parte falsum: & contrā, si alterum sit planè falsum, alterum uerum in parte, idq; tum in uniuersalibus syllogismis, tum in particularibus.



ticularibus. Nam si *a* in nullo *b* inest, & in *c* omni, quoa  
 modo animas in nullo lapide inest, & in omni homine;  
 atq; tum propositiones contrario modo ponantur, ut su  
 matur *a* in omni *b* inesse, & in *c* nullo, ex pronunciatis  
 plane falsis uera efficitur complexio. Hoc idem fiet, si *a*  
 in toto quidem *b* inest, & in *c* nullo. idem enim efficiea  
 tur syllogismus. Rursus si propositio altera tota falsa sit,  
 altera tota uera: nihil enim uetat, quo minus *a* in *b* & *c*  
 in totum insit, & *b* in nullo *c* insit, quomodo se habet ge  
 nus ad formas non cōtinentes inuicem. animans enim in  
 equo & homine in totum inest, cum tamen nullus homo  
 sit equus. Ita si sumatur, animans in altero toto inesse, et  
 in altero nullo, pronunciatum alterum in totum falsum  
 erit, alterum plane uerum: & uera erit conclusio, utrius  
 uis negatione adiecta. Item si alterū in parte sit falsum,  
 alterum sit omnino uerum: fieri enim potest, ut *a* in *b* ali  
 quo insit, & in *c* omni, & *b* in nullo *c* insit. eo modo ani  
 mans est in albo aliquo, & in toto coruo, cum candor in  
 nullo coruo insit. Igitur si sumatur, *a* in *b* nullo, & in *c*  
 toto inesse, pronunciatiū *a* *b* in parte erit falsum, *a* *c* om  
 nino uerum, ac uera erit conclusio. hoc idem fiet, si come  
 mutetur negatio. ex iisdē enim finibus id mōstrabitur, si  
 affirmatio sit in aliquo falsa, negatio plane uera. Quid  
 enim uetat, quo minus *a* in quodam *b* insit, & in *c* toto  
 non insit, *b* sit in nullo *c*: uerbi gratia, animas est in quo  
 dam albo, & in nulla pice, & album in nulla pice inest.  
 Itaq; si sumatur, *a* in toto *b* inesse, & in *c* nullo, proposi  
 tio *a* *b* in quadam parte erit falsa, *a* *c* uera omnino, &  
 cōclusio erit uera. Vera itē erit conclusio, ubi ambo pro  
 nuntiata in parte falsa sint: quippe cū *a* in *b*, et *c* quibus  
 dara

DE PRIMA RESOLVTIONE. 199

dam inesse possit, cum b in nullo c insit. exempli gratia, animas in quodā albo, quodā item nigro inest, cum albi in nullo nigro reperiatur. Itaq; si a in toto b sumatur, & in c nullo, propositiones ambæ in aliquo erunt falsæ, & uera conclusio: hoc idem fiet, si cōmutetur negatio in finibus ipsdem. hoc etiā fieri perspicuū est in ijs qui in parte concludunt syllogismi. Neq; enim quicquā prohibet a in toto b inesse, & in c aliquo, cum b in c aliquo non insit: ut animans in toto homine inest, & in quodā candido, cum homo in quodam candido non sit. Si igitur a in nullo b ponatur inesse, & in quodam c esse, pronuntiatum illud uniuersum in totum falsum est: quod autem in parte est uerum, & conclusio uera. Eadem erit ratio, si a b sumatur affirmatio. nam fieri potest, ut a in nullo b insit, & in quodam c non sit, & b in aliquo c non sit: ut animans in nullo inanimato inest, & in quodam albo non est, cum inanimatū in quodam albo non sit. Ita si ponatur a in toto b inesse, & in quodam c non esse, proloquiū illud uniuersum a b omnino est falsum, a c uerum, & conclusio uera. Itidē fiet, si uniuersalis propositio uera ponatur, particularis falsa. Quid enim prohibet, quæso, ipsum a nulli b, nulli item c esse consequens, cum b in quodā c non sit? Exempli gratia, animas nulli numero, nulli item inanimato est cōsequens, & numerus cuiusdam inanimato non inest. Si igitur ponatur a in nullo b, & in quodam c, uera erit conclusio: propositio autem uniuersalis quidem uera, particularis autem falsa. Idem fiet, si affirmatio sit uniuersalis. potest enim a in b & c totis inesse, cum b alicui c non sit cōsequens: quo modo se habet genus ad formā, & differens animans enim

totum hominem, totum item terrenum consequitur: homo uero non omne terrenum. Itaque si sumatur *a* in toto *b* inesse, & in *c* aliquo non esse, pronuntiatur uniuersale uerum erit, particulare falsum, uera autem complexio. Constat etiam ex ambobus falsis ueram effici complexionem, siquidem potest *a* in *b* & *c* totis inesse, cum *b* alicui *c* non insit. Si enim sumatur, *a* in nullo *b*, & in quodam *c* inesse, pronuntiata ambo falsa erunt, conclusio uera. Idem fiet, si affirmet pronuntiatur uniuersale, quod in parte est neget: potest enim *a* toti *c*, & nulli *b* esse consequens, cum *b* alicui *c* non insit. uerbi causa, animalis nullam scientiam consequitur, & totum hominem, & scientia non omnem hominem. Ita si ponatur *a* in toto *b* inesse, & cuidam *c* non esse consequens, pronuntiata falsa erunt, complexio uera.

Figura tertia, Cap. III.

In postrema quoque figura ex falsis efficitur uerum, tum ex ambobus in totum falsis, tum ex utroque in parte falso, & ex altero omnino uero, altero falso: ex uno item in parte falso, altero omnino uero, & contra. Demum quibuscunque alijs rationibus pronuntiata immutari possunt. Neque enim quicquam uetat, & *a* & *b* in nullo *c* inesse, cum *a* in aliquo *b* insit. uerbi gratia, homo & pedestre nulli inanimato sunt consequentia, & homo alicui pedestri inest. Itaque si ponatur *a* & *b* in toto *c* inesse, pronuntiata in totum falsa erunt, conexio uera. eadem est ratio, ubi alterum ait, negat alterum. Fieri enim potest, ut *b* in nullo *c* insit, & in eo toto insit *a*, cum *a* alicui *b* non insit, uerbi causa, nigrum in nullo est cygno, & in hoc toto est animal, animal autem non omni nigro inest. Ita si sumatur *b* in omni *c*,

Et in hoc nullo ipsum  $a$ ,  $a$  in quodam  $b$  non erit, & conclusio erit uera, propositiones falsæ. Vera item efficietur complexio, ubi utraq; in parte falsa sit propositio: neque enim quicquid uetat,  $a$  &  $b$  in quodam  $c$  inesse:  $a$  uero in aliquo  $b$ . uerbi causa, album & pulchrum in aliquo animante insunt, & album in re quadam pulchra inest. Si igitur ponatur, tum  $a$ , tum  $b$  in toto  $c$  inesse, pronunciata ambo in parte falsa erunt, complexio autem uera: hoc idem fiet, si pronunciatur  $a$   $c$  ponatur priuans. Quid enim uetat, quo minus  $a$  in quodam  $c$  non sit,  $b$  uero in  $c$  aliquo sit, cum  $a$  in  $b$  non toto insit? Exempli gratia, album in quodam animante non est, & in eo aliquo est pulchrum, album autem non omni pulchro inest: ita si sumatur  $a$  in nullo  $c$ , &  $b$  in eo ipso toto, propositiones ambæ in parte falsæ erunt, complexio uera. Eadem erit ratio, si propositio altera in totum falsa sumatur, altera omnino uera: quippe cum fieri possit, ut &  $a$  &  $b$  ipsi  $c$  omnino sint consequentia, cum  $a$  in quodam  $b$  non sit: ut animans & candidum omnino lori consequentia sunt, cum animans non omni candido insit. Propositis igitur huiusmodi extremis, si  $b$  in toto  $c$  sumatur,  $a$  uero in eodem nullo, profectò pronunciatum  $b$   $c$  omnino uerum erit: illud autem  $a$   $c$  planè falsum, cum ipsa conclusio sit uera. hoc idem fiet, si illud  $b$   $c$  falsum sit,  $a$   $c$  uerum: ad id enim confirmandum ij assumetur fines, nigrum, cygnus, inanimum. Quinetiam ubi ambo affirmantia sint pronunciata, tantundem fiet. Nihil enim uetat, ut  $b$  toti  $c$  sit consequens, & in eodem toto ipsum  $a$  non sit, cum  $a$  in quodam  $b$  insit. Hoc modo animans in omni cygno reperitur, & in eodem toto ipsum  $a$  non sit, cum  $a$  in quodam  $b$  insit. Hoc

modo animans in omni cygno reperitur, & in eodem nullo nigrum, cum nigrum alicui animanti iussit. Si igitur ponatur  $a$  &  $b$  in toto  $c$  inesse, pronuntiatio  $b$   $c$  uera planè fuerit,  $a$   $c$  uerò planè falsa, conclusio autem uera. Illud idem fiet, si  $a$   $c$  ponatur falsa: quod per eodem fines ac exempla confirmabitur. Rursus uera erit conclusio ex pronunciato planè uero, & altero in parte falso: sit enim nonnunquam, ut  $b$  in toto  $c$  insit:  $a$  autem in  $c$  aliquo, &  $a$  in quodam  $b$  insit. ut bipes omni homini inest, pulchrum non omni, & tamen pulchrum alii cui bipedi inest. Itaque si ponatur  $a$  et  $b$  in toto  $c$  esse, propositio  $b$   $c$  uera planè erit,  $a$   $c$  in parte falsa, conclusio autem uera. Idem fiet, si pronunciatum  $a$   $c$  uerum sumatur,  $b$   $c$  in parte falsum: usdem enim finibus commutatis id ostēdetur. Item si propositio altera neget, altera aiat. quandoque enim accidit, ut  $b$  in toto  $c$  insit, &  $a$  in eo alioquo. at dum hæc ita se habeant,  $a$  non omni  $b$  inest. Itaque si sumatur,  $b$  in toto  $c$  inesse,  $a$  uerò in  $c$  nullo, negatio eorum in parte falsa, altera propositio planè uera, conclusio item uera. Præterea quandoquidem probatum est, ubi  $a$  in nullo  $c$  insit,  $b$  uerò in eo aliquo, fieri posse, ut  $a$  in aliquo  $b$  non sit: perspicuum, ubi  $a$   $c$  planè uerum sit,  $b$   $c$  in parte falsum, conclusionem posse esse ueram. Nam si sumatur  $a$  in nullo  $c$  inesse,  $b$  uerò in  $c$  omni, pronunciatum  $a$   $c$  planè uerum erit,  $b$   $c$  autem in parte falsum. Constat item, in ratiocinationibus quæ in parte sunt, ex falsis uerum omnino concludi. Badem enim extrema sumi debent, quæ sumpta sunt, dum uniuersalia essent pronuntiata, in aientibus aientia, negantia in negantibus. Nam quod ad extremorum expositionem pertinet, nihil refert,



DE PRIMA RESOLVTIONE. 203

fert, quod nulli inest. sumere, quasi omnino insit: et quod alicui insit, omni non inesse. Idem de priuantibus est estimandum. Hinc igitur perspicuum est, ubi conclusio est falsa, ea ex quibus argumentatio constat, aut omnia, aut aliqua necessario esse falsa. Quod si uera sit, nec omnia, nec aliqua uera esse, necesse est: quin nonnunquam sit, ut cum neutra syllogismi propositio uera sit, conclusio sit a. q. e. uera, non tamē ex necessitate. Cuius rei hæc est ratio. nam quando duæ res ita sunt inter se affectæ, ut si una sit, altera quoque sit ex necessitate: hæc si non sit, ne illa quidem erit: quod si ea sit, non est necesse ut illa sit. Ex eo autem quod aliquid sit, & non sit, fieri non potest ut res eadem sit necessario. Quod dico tale est: cum a album est, ipsum b ex necessitate esse. Rursus cum a album non sit, ipsum b necessario esse. Nam quia ex eo quod hæc res, nempe a, est alba, necesse est illam, b inquam, esse magnam: at cum b est magnum, c non est album, profecto necesse est, si a sit album, ut c non sit album. Et cum ex duobus propositis, si unum sit, alterum esse necesse est: ubi hoc non sit, necesse est illud non esse: profecto cum b non est magnum, a nequit esse album. Quod si dum a non est album, ex necessitate b est magnum: accidit, ut cum b non sit magnum, illud ipsum b sit magnum, idque necessario: id quod fieri nequit. Nam si b non est magnum, a non est candidum ex necessitate. si igitur b erit magnum, dum a non est album, efficitur quasi per tres fines, si b non est magnum, ut illud ipsum sit magnum.

De probatione circulari. Cap. IIII.

Probatio autem in orbem & ex alternis tunc fit, cum sumpta

sumpta conclusione, & propositione altera ratione dicendi inuersa, concluditur altera propositio, quæ in superiori syllogismo sumpta fuit: exempli gratia, si probandum fuerit, omne  $c$  esse  $a$ , idq; probatum sit per ipsum  $b$ . Rursus si probetur  $b$  esse  $a$ , ex eo quod  $c$  sit  $a$ , &  $b$  sit  $c$ , atq; ita  $b$  sit  $a$ : principio autem contra sumpsit, qui ratiocinatur, nempe  $c$  esse  $b$ . Vel etiam si probandum sit,  $b$  esse in  $c$ , ac sumat  $a$  in  $c$  dici, quæ fuit conclusio, &  $b$  in  $a$  inesse. At antea contrario modo sumptum erat, nempe  $a$  esse in  $b$  aliquo, nulla fit ex alternis probatio. Nam si medium quoddam diuersum sumatur, non fit in orbem probatio: nihil enim idem sumitur. Quod si quippiam ex illis sumatur: alterum tantum accipi necesse est. Si enim ambo sumerentur, eadem efficeretur conclusio, cum diuersam effici oporteat. In his igitur quæ non retrò simul comeant, ratiocinatio efficitur ex altero pronunciata non confirmato: neq; enim in his extremis concludere positis tertium in medio inesse, aut medium in primo. in his autem quæ uicissim comeant extremis, omnia ex se inuicem probari possunt, ut si  $a$   $b$   $c$  comeant inter se, & sint æqua. Faciamus enim, ut  $a$   $c$  probatum sit per  $b$ , rursus  $a$   $b$  per conclusionem, & propositionem  $b$   $c$  conuersam: ita &  $b$   $c$  per conclusionem, & propositionem  $a$   $b$  inuersam: sunt autem pronunciata  $c$   $b$ , &  $b$   $a$  probanda. Ea enim sola citra probationem usurpauimus: sanè si  $b$  sumatur in toto  $c$  inesse, &  $c$  in omni  $a$ , efficitur ut  $b$  sit in  $a$ . Rursus si ponatur  $c$  in omni  $a$  inesse, hoc uerò in toto  $b$ , necesse est ut  $c$  in toto  $b$  in sit. Ac in ambabus illis ratiocinationibus pronunciatum illud  $c$   $a$  citra confirmationem sumptum est: reliqua uerò probata sunt.

itaq;

itaq; si illud confirmauerimus, omnia ex se inuicem confirmata fuerint. Itaq; si sumatur  $c$  in omni  $b$  inesse, hoc item in omni  $a$ , sumuntur duo pronunciata iam probata, & ex his efficitur necessario ut  $c$  in ipso  $a$  in sit. Perspicuum est igitur, in his modò quæ uicissim commeant, orbicularem probationem fieri, ac uicissitudinariam: in alijs uerò, eo quo diximus modo. Probatur enim  $c$  de  $b$ , hoc item de  $a$ , si sumas  $c$  dici in  $a$ . at  $c$  in  $a$  dici, ex pronuntiatibus illis probatur. utimur itaq; conclusione ad id probandum. In priuantibus autem ratiocinationibus hoc modo fit mutua confirmatio. Ponamus  $b$  in omni  $c$  inesse,  $a$  uerò in nullo  $b$ : efficitur conclusio, nullum  $c$  inquam esse  $a$ . Quòd si rursus concludendum sit,  $a$  in nullo  $b$  inesse, quod dudum sumptum est, sumetur  $a$  in nullo  $c$ , & hoc in omni  $b$ : atq; ita inuertetur pronuntiatum. Quòd si concludi oporteat,  $b$  in  $c$  inesse, non ita conuertendum erit illud  $a$   $b$ , cum pronuntiatum idem sit,  $b$  in nullo  $a$  inesse, &  $a$  in nullo  $b$ : sed sumendum est, in quo nullo ipsum  $a$  inest, ipsum  $b$  in eo toto inesse. ponamus  $a$  in nullo  $c$  inesse, quæ conclusio fuit, & in quo nullo est  $a$ , sumamus ipsum  $b$  in eo toto esse. necesse est igitur ipsum  $b$  in toto  $c$  inesse. Atq; ita cum tria sint pronuntiatum, unumquodq; effectum est conclusio. atque illud est in orbem demonstrare, nempe cum conclusionem sumis cum altero pronuntiato inuerso, unde concludis alterum pronuntiatum. At in ijs quæ in parte sunt ratiocinationibus, uniuersale pronuntiatum ex alijs probari nequit, particulare potest. Ac uniuersale concludi non posse perspicuum est, quandoquidem uniuersum ex uniuersis efficitur: cōclusio autem in his non est uniuersa, & probatio

effi.

efficienda est ex conclusione & altero pronūciato. Ad  
 de, quod retrò comēante pronūciato, nullus efficitur  
 syllogismus, cum in parte sint ambo pronūciata. Potest  
 autem, quæ in parte est propositio, probari. sit enim ian  
 probatum a de quodam c per medium b: iam si sumatur  
 b in omni a inesse, ac conclusio eadem maneat, projecto  
 b in aliquo c inerit: efficitur enim prima figura, ac me  
 dium est ipsum a. Quod si priuans sit ratiocinatio, pro  
 nūciatum uniuersum concludi nequit, ob eam quā pau  
 lo antè dixi, rationem. Quod in parte est nequit, si illud  
 a b eodem modo retrò comēet, atq; in uniuersalibus.  
 Potest autem concludi per assumptionem, nempe si su  
 mamus in qua re in parte inest a, in ea ipsum b in parte  
 quoq; inesse: quod si res aliter habeat, non efficitur syl  
 logismus, quia negat quæ in parte propositio. At uerò in  
 secunda figura affirmatio hac ita probari nequit, nega  
 tio maxime: ac non probatur affirmatio, qua non sunt  
 ambo affirmantia pronūciata. complexio enim est pri  
 uans, affirmatio autem ex ambabus affirmationibus ef  
 ficiebatur. Priuans autem pronūciatum hoc modo pro  
 batur. faciamus, ut a sit in b toto, in c nullo: conclusio est;  
 b in nullo c inesse. Quod si ponatur, b in omni a inesse;  
 & in c nullo, efficitur necessariò, ut a in nullo c in sit:  
 efficitur enim in secunda figura, ac medium est ipsum b.  
 Quod si a b sumatur priuans, alterum autem affirmans;  
 efficitur prima figura, siquidem in toto a est c, b uerò  
 in nullo c: ita b in nullo a erit, ne a quidem in b: c autem  
 est medium. Non igitur efficitur ratiocinatio ex com  
 plexione, & propositione una: quod si assumatur alte  
 ra, fiet. Quod si uniuersa non sit ratiocinatio, quod in  
 toto

D  
 toto  
 expo  
 tio u  
 omni  
 esse,  
 esse,  
 get;  
 mee  
 nega  
 mus.  
 salib  
 est,  
 ubi u  
 sunt  
 toto  
 con  
 figu  
 pos  
 qua  
 den  
 mo  
 nan  
 elu  
 situ  
 con  
 non  
 liqu  
 dem  
 est,  
 esse.

toto est pronunciatum probari nequit, ob quam antea exposui causam, quod in parte est: maxime ubi affirmatio uniuersalis fuerit. sit enim *a* in omni *b*, & in *c* non omni, conclusio est *b* *c*. Igitur si sumatur *b* in omni *a* inesse, & in *c* non omni, concludetur *a* in aliquo *c* non esse, ac medium est *b*. Quod si uniuersalis propositio neget, pronuntiatio *a* *c* non probabitur, etiam si retrò commeet illud *a* *b*. accidit enim ut uel ambo pronuntiata negent, uel certè alterum. Itaq; non efficietur syllogismus, sed eadem uia ac ratione probabitur ac in uniuersalibus: nempe si sumatur, cui ipsum *b* in parte non inest, in illius parte illud *a* inesse. In tertia autem figura, ubi uniuersa ambo pronuntiata sumpta sint, non possunt ea ex se inuicem probari. Nam pronunciatum in toto, ex ipso probatur quæ in toto sunt: ac in hac figura conclusio perpetuò est in parte. Constat igitur, in hac figura uniuersale pronunciatum concludi nullo modo posse: ubi uerò alterum sit in toto, alterum in parte, aliquando sanè licebit, aliquando non item. licebit quidem, ubi ambæ affirmant, & illud totum minori extremo iunctum sit: quod si alteri iungatur, non licebit. Ponamus enim, ut *a* in toto *c* insit, *b* uerò in eo aliquo, conclusio est *a* *b*: quod si sumatur, *c* in toto *a* inesse. propositione uniuersa retrò commeante, *a* rursus in *b*, quæ conclusio antea fuit, effectum est, *c* in aliquo *b* inesse, non contrà *b* in aliquo *c*: etiam si necesse sit, si *c* est in aliquo *b*, *b* quoq; in aliquo *c* inesse. Non tamen res est eadem, illud in hoc inesse, & hoc in illo: sed assumendum est, si hoc in illo aliquo sit, alterum quoque in eo aliquo esse. quod si sumatur, non iam efficietur syllogismus ex

con-



conclusionē, & altero pronunciato. At si *b* in toto *c* in-  
 sit, *a* item in aliquo *c*, illud *a* *c* probari potest, si sumatur  
*c* in toto *b* inesse, *a* uerò in eo aliquo. nam si *c* omni *b*  
 inest, *a* item alicui *b*, necesse est ut *a* alicui *c* insit, ac *b* est  
 medium. Probatitur item alterum pronunciatum, si u-  
 num adfirmet, alterum neget, & in toto sit id quod affir-  
 mat. Ponamus enim *b* in toto *c* inesse, *a* uerò in quodam  
*c* non esse in cōclusionē, efficitur, *a* in aliquo *b* non esse.  
 quòd si assumatur *c* in omni *b* esse, *a* autem non omni *b*  
 inerat, necesse est ut alicui *c* non insit: medium autem est  
*b*. Vbi uerò pronunciatum priuans in toto sit, non pro-  
 batur alterum, nisi sumantur pronunciata eadem ratio-  
 ne atq; in superioribus: nempe in quo illud in parte non  
 est, in eodem aliquo alterum insit. uerbi gratia, si *a* in  
 nullo *c* inest, & in hoc aliquo insit ipsum *b*, concluditur  
*a* in quodam *b* non esse. si igitur sumptum sit, ipsum *c* in  
 eo quodam esse, cui aliqua ex parte non inest *a*, necesse  
 est ut *b* in aliquo *c* insit: alioqui pronunciatum alterum  
 probari nequit, etiam si retrò commeet, quod in toto est:  
 nulla enim efficitur ratiocinatio. Hinc igitur perspicuū  
 est, probationem uicissitudinariam in prima figura effi-  
 ci, tum per primam, tum per tertiam figuram: si enim  
 affirmans sit conclusio, in prima efficitur: sin neget, in  
 postrema. nam sumitur alterum in eo toto inesse, in quo  
 nullo alterum inerat. At in figura media, si uniuersa sit  
 ratiocinatio, tum in ea ipsa, tum in prima figura, ac in  
 postrema efficitur conclusio. ubi autem in parte sit syllo-  
 gismus, tum in ipsa, tum in postrema figura id efficitur:  
 in postrema autem figura, omnia in ea ipsa probantur.  
 Constat etiam, quum in media figura, & in tertia per

eas ipsas non efficiuntur syllogismi, eos aut probationem orbiculari non efficere, aut cerie imperfectos esse.

## De ratiocinationum reciprocatione.

## Cap. V.

Retrò uertere, est conclusionem commutata concludere, uel maius extremum in medio non esse, uel etiam hoc in postremo. nam si inuertatur conclusio, & alterum pronuntiatur seruetur, necesse est alteri euertere. si enim illud sit, conclusio quoque erit. Refert autem plurimum, an in contradicens, an in contrarium conclusionem inuertat. nec enim idem efficitur syllogismus, si utroque modo illa inuertatur: id quod ex progressu intelligitur. Contradicentia hæc appello, omne, non omne: aliquod, nullum. aduersa uero per contraria, omni inesse, & nulli: alicui item, & non alicui inesse. Sit enim probatum a de c per medium b: profecto si sumptum sit, a in nullo c inesse, & in b toto, efficietur, ut b in nullo c insit. Quod si a in nullo c insit, b uero in toto c, a non omni b inheret. at nulli planè, non item: quippe cum in tertia figura non concludi totum diximus. Eam autem propositionem quæ maiori extremo coniuncta est, omnino ac in totum euertere per reciprocationem non licet, quippe cum in tertia figura semper euertatur. necesse est enim, ut ambo pronuntiata ad minus extremum sumantur. Eadem est ratio, ubi syllogismus priuans sit. sit enim probatum, a in nullo c inesse per medium b: si igitur sumatur a in toto c inesse, & in b nullo, ipsum b in nullo c inheret: item si a & b in toto c insint, a alicui b inheret, cū nulli antea inesset. Quod si uertatur conclusio in contradicens, diuersi fient syllogismi, & contradicentes, nec uniuersi: nam al-

terum pronunciatum in parte est. ita fit, ut & conclusio in parte quoque sit. faciamus enim, ut syllogismus propositus naturae affirmans, ac eo modo commutetur: profecto si *a* non omni *c* inest, & ipsi *b* omni, ipsum *b* non omni *c* inerit. Rursus si *a* non omni inest, & huic omni inest *c*, ipsum *a* non omni *b* inerit. Idem fiet, si priuans sit ratio cinatio. nam si *a* in aliquo *c* inest, & in *b* nullo, ipsum *b* alicui *c* non inerit, at non omnino nulli. Item si *a* in *c* aliquo inest, & huic toti inest *b*, quo modo initio sumptum est, *a* in aliquo *b* inerit. In his autem qui in parte sunt syllogismis, uertuntur ambo pronuntiata, dum conclusio in contradicens commutatur, quod si in contrarium uertatur, neutrum euertitur. nec enim in his fit, ut in uniuersalibus, nempe ut euertantur pronuntiata, si conclusio in conuersione deficiat: nec enim euertere ullo pacto licet. Sit enim ostensum *a* de aliquo *c*, tum si sumatur *a* in nullo *c* esse, *b* item in aliquo *c*, *a* in aliquo *c* non erit. Quod si *a* in nullo *c* inest, & in *b* omni, ipsum *b* in nullo *c* erit, atque ita ambo pronuntiata euertuntur. Sin contrario modo commutetur conclusio, neutrum tollitur. nam si *a* in quodam *c* non est, & in *b* toto, *b* in quodam *c* non erit. Necdum tamen euersum est pronunciatum initio propositum: quippe cum fieri possit, ut in aliquo sit, in aliquo non sit: ipsum autem uniuersale *a* *b* nullo pacto concluditur. nam si *a* in quodam *c* non inest, *b* uero in quodam est, neutrum pronunciatum in toto est. Idem fieri existimandum est, ubi priuans fuerit ratio cinatio. Si enim sumptum sit, *a* esse in toto *c*, euertuntur ambae propositiones: sin in aliquo, neutra. Huius rei eadem est, quae prius, demonstratio.

Figura

DE PRIMA RESOLUTIONE. 216

Figura secunda: Cap. VI.

At in secunda figura euerit nequit pronunciatum  
maiori extremo iunctum ex contrario, quocumq; modo  
reciprocatio fiat: quippe cū in tertia figura semper con-  
cludatur, in qua uniuersa cōclusio non efficitur. alterum  
autem pronunciatum eodem modo eueritemus, quo reci-  
procatio facta fuerit: eodem modo inquā, nempe si com-  
mutatio fiat in contrarium, contrario modo: sin in con-  
tradicens, contradictorio. Ponamus enim, ut *a* in toto *b*  
in sit, & in *c* nullo, cōclusio est *b* *c*. Si igitur sumptum sit,  
*b* in toto *c* inesse, dum *a* *b* idem seruetur, profectō *a* in to-  
to *c* inerit: efficitur enim prima figura. quōd si *b* in toto  
*c*, & *a* in nullo *c* inest, ipsa *a* non omni *c* inest: fit e-  
nim postrema figura. Quōd si *b* *c* in contradicens com-  
mutetur, illud *a* *b* eodem modo probabitur, *a* uerō con-  
tradictorio modo. nam si *b* alicui *c* inest, *a* uerō nulli *c*,  
ipsum *a* alicui *b* non inerit. Rursus si *b* in *c* aliquo repe-  
ritur, & *a* in toto *b*, *a* in aliquo *c* inest: atq; ita contra-  
dicens efficitur conclusio. eadem ratione id probabitur,  
si pronuntiata contraria ordine sint disposita. Quōd si  
ratiocinatio sit in parte, & conclusio in contrarium uer-  
tatur, neutrum pronūciatum euerietur, quemadmodum  
neque in prima figura: sin commeet in contradicens, u-  
trumq; tollitur. Sit enim positam *a* in nullo *b* inesse, &  
in *c* aliquo esse, concluditur inde *b* *c*: tum si ponatur *b*  
in quodam *c* inesse, & maneat illud *a* *b*, cōcludetur *a* in  
aliquo *c* non esse. nec ideo euersum est, quod initio positiū  
fuit, quippe cum fieri possit, ut quidpiā in alio aliquo in-  
sit, aliquo item non sit. Rursus si *b* est in aliquo *c*, *a* item  
in aliquo *c*, nulla efficitur ratiocinatio: neutrum enim

• 2 • pronun-

pronunciatum sumptum est in toto, atq; ita non subuertitur illud a b. quod si in contradicens commeet conclusio, euertuntur ambo pronunciata. nam si b est in omni c, & a in nullo b, profecto a in nullo c erit: at alicui inerat. Rursus si b in toto c, & a in aliquo c in sit, efficitur, ut a in aliquo b sit. Eadem est demonstrandi ratio, ubi uniuersale illud affirmauerit.

## Figura tertia. Cap. VII.

Neutrum item pronunciatum euertetur in syllogismo quouis in tertia figura, ubi conclusio in contrarium uertatur: ubi uero mutatur in contradicens, tollentur ambo in ratiocinatione quauis. sit enim probatum, a in aliquo b inesse, ac medium sumptum sit c, & pronunciata sint uniuersa: tum si sumatur a in quodam b non esse, b uero in omni c, non concluditur a de c: nec ite b, nec c concluduntur, si a in aliquo b inest, & in c omni. Eadem uia id monstrabitur, si in toto non sint pronunciata. aut enim ambo in parte sint oportet, ob cōuersionem: aut illud totum minori extremo iungi, quo modo nec in prima figura, nec in media efficiebatur ratiocinatio. Quod si contradictorio modo cōmeent, pronunciata euertuntur ambo. nam si a in nullo b, & b in toto c inest, a in nullo c inest. Rursus si a in b nullo, & in c toto reperitur, b in nullo c inest. Idem fiet, si in toto alterum non sit. nam si a in nullo b, & hoc in aliquo c inest, a in quodam c non erit. Si uero a in nullo b, & in toto c inest, ipsum b in nullo c erit. Eadem est ratio, si priuans sit ratiocinatio. Sit enim effectum, a in quodam b non esse, ac illud b c affirmet, a c uero neget: hoc enim modo efficiebatur ratiocinatio. non erit igitur syllogismus, dum sumatur contras



rium complexionis. nam si *a* in aliquo *b*, & hoc in omni  
*c* insit, diximus non concludi *a* & *c*: ne concluderentur  
quidem, si *a* in quodam *b* sit, & in nullo *c*. quare non e-  
uertuntur pronunciata. ubi uerò cōtradicens conclusio-  
nis sumitur, maxime. Nam si *a* in omni *b*, & hoc in om-  
ni *c* inest, *a* in omni *c* erit, cum antea nulli inesset. rursus  
si *a* in toto *b*, & in *c* nullo est, *b* in nullo *c* est: at antea o-  
mni inerat. Eadem ratione id probabitur, si pronunciata  
in toto non sint. nam illud *a* & efficitur uniuersale, & pri-  
uans, alterum in parte affirmans. Si igitur *a* sit in omni  
*b*, & hoc in quodam *c*, efficitur ut *a* in quodam *c* insit.  
at uerò nulli inesse, positum erat. Rursus si *a* in toto *b* in-  
est, & in *c* nullo, *b* in nullo *c* inest. Quod si *a* est in quo-  
dam *b*, & hoc in quodam *c*, nihil concluditur. & si *a* in  
*b* quodam insit, & in *c* nullo, ne sic quidem syllogismus  
fiet: quapropter illo modo euertuntur pronunciata, hoc  
uerò nequaquam. Ex his igitur quæ exposuimus, diluci-  
dum est, quo pacto in singulis figuris efficiatur ratio-  
natio, dum commutatur conclusio, quando pronunciati  
cōtrarium colligitur, quando cōtradicens. Constat etiam  
ex his, syllogismos in prima figura fieri tum per figurā  
mediam, tum per postremam. pronūciatum item minori  
extremo iunctū, semper in media figura tolli: quod uerò  
ad maius est, per postremam. At in secunda figura, tum  
per primam, tum per postremam: per hanc pronūcia-  
tum maius, per illam minus pronūciatum semper euerit.  
In tertia autem per primam, ac mediam: maius quidem  
per primam semper, minus uerò per mediam perpetuò.  
Atque ita planè constat, quid sit illud commutare, quoq; pa-  
cto in singulis figuris, & quis efficiatur syllogismus.

Ratiocinatio autem per incommodum tum demum  
 fit, cum conclusionis contradicens ponitur, & pronun-  
 ciatum aliud assumitur, idq; in omni figura efficitur. ac-  
 cedit enim ad reciprocationem: à qua eo differt, quòd  
 reciprocatione quidem utimur, ubi iam structus est syl-  
 logismus, & posita sunt ambo pronunciata: deducimus  
 autem in incommodum citra præconcessionem contradi-  
 centis, sed quia dilucide uerum est. fines autem in ambo-  
 bus eandem seruant collocationem, & est eadem in am-  
 bobus propositionum sumendarum ratio. uerbi causa, Si  
 a est in toto b, & medium est c, si ponatur a non omni  
 aut nulli b inesse, & ipsi c omni, quod antea uerum con-  
 cedebatur, necesse est ut c in b aut nullo, aut non omni  
 insit. hoc autem fieri nequit. falsum est igitur id quod  
 positum est, ac illius contradicens uerum. Eodem modo  
 fit in alijs etiam figuris. quæ enim reciprocationem ad-  
 mittunt, syllogismum quoq; ad incommodum recipiunt.  
 Ac quæstiones omnes aliæ in omnibus figuris per incom-  
 modum probantur: ea autem quæ in toto affirmat, per  
 mediam quidem ac tertiam figuram probatur, per pri-  
 mam nequaquam. Ponamus enim a in b, aut non omni,  
 aut nulli inesse: ac undecunq; assumatur pronunciatum  
 aliud, seu quòd c insit omni a, seu quòd b in toto d insit:  
 eo enim modo fuerit prima figura. Si igitur ponatur a  
 non omni b inesse, syllogismus non efficitur, undecun-  
 que pronunciatum alterum petatur: sin in eo nullo est,  
 cum sumetur pronunciatum b d, concludetur quidem  
 falso, non efficietur propositum. nam si a in nullo b, &  
 hoc

# DE PRIMA RESOLUTIONE. 215

Hoc in omni d inest, a in nullo d inest. sit autem hoc ex numero eorum quæ fieri nequeunt: falsum igitur est, a in nullo b esse. quod si hoc falsum sit, non continuo uerum est, in eo toto esse. Quod si propositio c a assumatur, nulla fit ratiocinatio: ne tum quidem fit, cum ponitur a non omni b inesse, perspicuum est igitur, uniuersalem affirmationem in prima figura per incommodum probari non posse. probatur autem ea questio, quæ quidpiam in aliquo, tum quæ in nullo, tum quæ in non omni inesse dicitur. Fingamus enim a in nullo b esse, & sumatur b in c, uel toto uel aliquo, necesse est igitur a non omni c aut nulli inesse: hoc autem est impossibile. Faciamus enim sit uerum ac perspicuum, a in omni c inesse: si igitur hoc falsum est, necesse est ut a in aliquo b insit: quod si alterum pronuntiatum assumatur, nullus efficitur syllogismus: ne tum quidem, cum contrarium conclusionis ponetur, nempe in aliquo non esse, unde constat, contra dicens esse ponendum. Rursus fingamus a in quodam b esse: sumatur item c in toto a, necesse est igitur c in quodam b esse, sit autem hoc impossibile. falsum igitur est, quod est positum: ita uerum est, in nullo esse. Eadem est ratio, si c a sumatur priuans. quod si ea sumatur, quæ ipsi b iuncta est, non efficitur syllogismus. Si uero contrarium ponatur, syllogismus quidem efficietur, ac concludetur quid absurdum: institutum autem non probatur. ponamus enim a in toto b inesse, & sumatur c in toto a: sane efficitur, ut c in toto b insit: id autem est impossibile. falsum igitur est, a in omni b inesse. at si non omni inest, non continuo necesse est ut nulli insit. Idem fieri arbitrandum est, si alterum pronuntiatum ad ipsum b sumatur.

sumatur. concludetur enim aliquid, idq; absurdum: at by  
 pothesis non collitur: contradicens igitur ponendum est.  
 Ut autem probemus, a non omni b inesse, ponendum est  
 omni inesse. nam si a omni b inest, & c omni a, c omni b  
 inerit: quod si hoc fieri nequeat, falsum est quod posui-  
 mus. Itidem fiet, si pronunciatum alterum ad b sumatur.  
 Item si illud c a sit priuans, eodem modo res habebit: ita  
 enim syllogismus efficitur. quod si negatio ad ipsum b  
 posita sit, nihil probatur: quod si ponatur non inesse in  
 omni, sed in aliquo, non efficitur, non omni inesse, sed  
 nulli. nam si a in aliquo b, & c omni a inest, c alicui b  
 inerit. quod si id fieri nequit, falsum fuit, a alicui b inef-  
 se: uerum igitur erat, nulli inesse. cum autem id ostendi-  
 tur uerum, rursus euertitur: nam a in quodam b erat, in  
 quodam non erat. Præterea absurdum nō est sequutum  
 ex illa hypothesis: falsa enim fuisset, quandoquidem ex  
 ueris falsum concludi nequit: at modò est uera. a enim a-  
 licui b inest: non fuit igitur fingendum, alicui inesse, sed  
 omni. Idem quoq; fit, si probemus a in quodam b non  
 esse. si enim idem ualet, alicui non inesse, & non omni  
 inesse, eadem erit in ambobus probandi ratio. Constat  
 igitur, in omni ratiocinatione contradicens ex fictione  
 ponendum esse, non cōtrarium. Eo enim modo & pro-  
 bandi necessitas erit, & locum habebit postulatum illud  
 præclarum. Nam si in re quauis affirmatio uera est, aut  
 negatio, & probetur negatio non esse uera, necesse est  
 affirmationem esse ueram: contrā si affirmationem ue-  
 ram non admittit, par est & uerisimile, postulare nega-  
 tionem: cōtrarium autem neutro modo postulare decet,  
 nec enim necesse est, si falsum est, nulli inesse, ut uerum  
 sit,

DE PRIMA RESOLVTIONE. 217

fit, inesse in toto: nec est uerisimile, si unum falsum sit, al-  
terum uerum esse. Constat igitur, uniuersalem quæstio-  
nem affirmatam in prima figura, non probari per in-  
commodum, alias autem omnes concludi.

De secunda figura. Cap. IX.

In media autem & postrema figura illa quoq; pro-  
batur. Fingo enim:  $a$  non omni  $b$  inesse, & sumatur  
 $a$  in omni  $c$  essetum si  $a$  non omni  $b$  inest, & ipsi  $c$  om-  
ni,  $c$  non omni  $b$  inest: hoc autem est impossibile. Sit enim  
manifestum,  $c$  in omni  $b$  inesse: est igitur falsum id, quod  
ex fictione posuimus: est igitur uerum, quod omni in-  
sit. Quod si fingatur contrarium, syllogismus quidem ef-  
ficietur, & concludetur quid absurdum, non tamen ef-  
ficitur quæstio proposita. nam si  $a$  in nullo  $b$ , in toto  $c$   
insit,  $c$  in nullo  $b$  erit: id autem absurdum est, falsum est  
igitur, nulli inesse. ut autem hoc falsum sit, non continuo  
uerum est, ut omni insit. Cum autem  $a$  alicui  $b$  inest, po-  
natur  $a$  in nullo  $b$  esse, & sit in omni  $c$ : necessario effi-  
citur, ut  $c$  in nullo  $b$  insit. quod si fieri nequit, ex neces-  
sitate consequitur, ut  $a$  alicui  $b$  insit. quod si ponatur ali-  
cui non inesse, ea ipsa efficientur, quæ in prima figura  
fieri diximus. Rursus fingamus  $a$  alicui  $b$  inesse, ac ipsi  $c$   
nulli insit, necesse est ut  $c$  in  $b$  non sit: at inerat omni, fal-  
sum est igitur, quod positum est: nulli igitur  $b$  ipsum  $a$   
inerit. Quando uero concludendum est,  $a$  non omni  $b$   
in esse, fingatur quasi omni insit, ipsi uero  $c$  nulli: neces-  
sario efficitur, ut  $c$  nulli  $b$  insit. id autem est absurdum. ue-  
rum est igitur, quod non omni inest. Atq; ita con-

stat, conclusiones omnes in media fi-  
gura effici.



Eadem ratione concludetur in postrema figura. Ponamus enim *a*, ut in aliquo *b* non sit, *c* uero in omni *b* insit: hinc efficietur, ut *a* cuidam *c* non insit. Quod si hoc fieri nequeat, falsum est, cuidam non inesse: uerum est igitur, omni inesse. Quod si ponatur, nulli inesse: absurdum quidem ea ratiocinatione concludetur, sed non tamen efficietur propositum. Nam si ponatur contrarium, ea ipsa efficietur, quæ prius. At ut alicui insit, id poni oportet; nam si *a* in nullo *b* inest, & *c* in *b* quodam, *a* non omni *c* inest. quod si falsum sit: uerum est, *a* alicui *b* inesse. Vbi uero nulli *b* inest *a*, ponamus quasi alicui insit, ac sumatur *c* in toto *b* inesse: inde efficitur necessarium, ut *a* alicui *c* insit. at nulli inesse diximus: falsum est igitur, quod *a* alicui *b* insit. Quod si ponatur *a* in toto *b*, non probatur propositum. Sumi autem debet ea hypothesis ad concludendum non omni inesse. Nam si *a* in omni *b* inest, & *c* in quodam *b*, *a* in quodam *c* inest: at non ita erat. falsum est igitur, quod omni insit: atque ita uerum, non omni inesse. Quod si ponatur, alicui inesse, id ipsum accidet, quod & in ijs quæ superius exposita sunt. Constat igitur, in omni syllogismo, qui per incommodum probatur, contradicens esse ponendum, ac in figura media affirmationem quodam modo concludi, in tertia etiam questionem uniuersam.

Inter eam autem probationem quæ fit per incommodum, & eam quæ propositum concludit, eò interest, quod illa ponit id quod euertere uult, deducendo hominem in mendacium confessum: ea autem quæ propositum concludit, initium sumit ex questionibus ueris ac concessis.

Sumunt

DE PRIMA RESOLVTIONE. 219

Sumunt igitur ambæ pronuntiata cōcessa: sed altera ea  
sumit, ex quibus efficitur syllogismus: altera uerò unum  
quidem ex his sumit, alterū autem sumit conclusionis con-  
tradicens. & illic conclusionem notam esse nihil oportet,  
nec prius sumi ita esse, uel non esse: hic uerò necessa-  
riò sumi debet, non esse ita. Neq; uerò quicquam refert,  
affirmet an neget conclusio. nam utrobq; eadem est ra-  
tio. ac quicquid recta probatione concluditur, ex incom-  
modo quoq; probabitur. Itidem quod ex incommo effi-  
citur, recta probatione efficitur, ac per eosdē fines, non  
tamen in iisdem figuris. nam ubi syllogismus in prima  
figura efficitur, uerum colligetur aut in media, aut in po-  
strema figura. In media quidem, si sit priuans: in postre-  
ma uerò, si affirmet. at quando in media figura efficie-  
tur syllogismus, uera conclusio efficitur in prima figu-  
ra, idq; in quouis genere questionum. Quod si in postre-  
ma figura syllogismus fiat, efficientur conclusiones ue-  
ræ tum in prima, tum in media figura: in illa quidem af-  
firmantes, in hac negantes. ponamus enim, ut in prima  
figura effectum sit, a in nullo b inesse, aut non omni-  
um hypothesis erat, quod ipsum a alicui b inesset. c ue-  
rò sumptum est omni a inesse, & in b nullo. ita enim syl-  
logismum effici diximus, et incommodum concludi: me-  
diam item esse figuram, si c in a quidem omni & nullo  
b insit: ex quibus effici constat, ipsum a in nullo b esse.  
Eodem modo fiet, si probatum sit, a non omni b inesse.  
ponitur enim, quod omni insit. c uerò sumebatur in toto  
a esse, in ipso uerò b non omni: hoc idē fiet, si illud c a pri-  
uans sumatur, hac enim uia efficitur media figura. Rur-  
sum probetur a in quodam b esse: profecto fingendū est,

uult

nulli inesse. *b* uero in toto *c* inesse sumebatur: *a* uero in ipso *c*, aut omni, aut quodam: ita enim incommodum efficitur, ac tum sit postrema figura, cum *a* & *b* in toto *c* insunt. inde concludi constat, *a* in quodam *b* inesse, idque necessario. Itidem fiet, si *b* uel *a* in quodam *c* inesse sumatur. Rursus probetur in media figura, *a* in omni *b* inesse: profecto fingendum est, quasi non omni in sit. sumptum est autem, *a* in omni *c* inesse, *b* uero in omni *c*. hoc enim modo incommodum concludetur, ac prima figura est, cum *a* in omni *c*, & hoc in omni *b* inest. Tantundem fiet, si in aliquo inesse probatum sit: nam hypothesis est, *a* in nullo *b* inesse. sumptum est autem, *a* in omni *c*, & *c* in quodam *b*. quod si priuans sit syllogismus, poni quidem debet, *a* in aliquo *b* esse: at sumptum est, *a* in nullo *c*, & *c* in omni *b*: efficitur igitur prima figura. Eadem erit ratio, si non in toto sit conclusio: sed effectum sit modo, *a* in quodam *b* non esse. ponitur enim *a* in omni *b*: iam uero positum est, *a* in nullo *c*, & hoc in omni *b*: hac enim uia efficitur prima figura. Rursus faciamus, ut probatum sit in tertia figura, *a* omni *b* inesse, ponitur ex hypothesis, *a* non omni *b* inesse. est autem iam sumptum, esse in omni *b*, & *a* in omni *c*. ita enim concludetur incommodum, et fiet prima figura. eadem ratione fiet, si probatum sit in aliquo esse. nam ponitur ex hypothesis, *a* in nullo esse *b*: & sumptum est *c* in aliquo *b*, & *a* in omni *c*. Quod si conclusio sit priuans ex fictione, ponendum est *a* in quodam *b* esse: positum est autem *c* in nullo *a*, & in omni *b*, ac media est ea figura. Itidem fiet, si in toto non sit probatio. Sumetur enim ex pacto, *a* in omni *b* inesse: & sumptum est *c* in nullo *a*, & in quodam *b*, atque ea est media figura.

Per spicuum

# DE PRIMA RESOLUTIONE. 221

Perſpicuum eſt igitur, unamquamq; quaſtionem per eadem extrema, tum probatione recta, tum per incommo- dum concludi poſſe. Eadem quoque ratione licebit, ubi ratiocinationes recta probantes fuerint, eas in incom- modum conuertere, in his quæ ſumpta fuerint extrema, dum contradicens propoſitio in conſuſione ſumatur. ef- ficiuntur enim q̄dem ſyllogiſmi atque ſunt, qui per con- uerſionem fiunt. unde & continuo figuris ipſas habe- mus, per quas unaquæq; quaſtio concludatur. Conſtat igitur, omnem quaſtionem utraq; uia probari, tum per incommodum, tum recto ductu, nec poſſe alteram uiam ab altera ſeiungi.

De ratione concludendi ex contrarijs.

## Cap. XI.

Perſpicietur autē hac uia, in quānam figura ex pro- nunciatis contrarijs concludere liceat, in qua non liceat. Contraria autem pronūciata in uoce quatuor eſſe dico: nempe, omne nullum, omne non omne, aliquod nullum, aliquod non aliquod: reuera tria tantum ſunt contraria. nam quoddam, & non quoddam, uoce modo pugnant. Ex his autē aduerſa ea dico, quæ in toto ſunt: ut omne & nullum. uerbi cauſa, omnis ſcientia eſt ſtudioſa, & nulla ſcientia eſt ſtudioſa. Alia uerò contraria appello. Ac in prima figura ex pronunciatis contrarijs non efficitur ſyl- logiſmus, nec affirmans, nec negans: affirmans quidem, quia oportet ambo pronūciata affirmantia eſſe, con- traria autem ſunt affirmatio & negatio: negans autem effici nequit, quia cōtraria idem de eodem affirmant & negant. At medium in prima figura de ambobus non di- citur, ſed aliud de eo negatur, ipſum autem de alio affir- matur:

matur: hæc autem contraria non sunt. At uerò in media figura syllogismus effici potest tum ex contradicentibus, tum ex aduersis. ponamus enim bonum in a, scientiâ autem in b & c: profectò si sumpsit omnem scientiam esse studiosam, item & nullam: a in toto b inest, et in c nullo; atq; ita b in nullo c inerit, nulla igitur scientia est scientia. Badem est ratio, si primum sumpserit omnem scientiam esse studiosam, dein sumat medicinam non esse studiosam. Nã a in omni b inest, & in c nullo, atq; ita quædam scientia non est scientia. item si a in toto c, & nullo b inest: ac b est scientia, c uerò medicina, a opinio. cum enim sumpsisset, nullam scientiam esse opinionem, postea accepit, quandam scientiam esse opinionem. Inter hunc autem syllogismum & superiorem hoc interest, quod extrema commutentur: nam antea affirmatio ipsi b iungebatur, nunc autem ipsi c. Eodem modo fiet, si alterum pronunciatum in toto altero non sit. perpetuò enim medium manet, quod de uno affirmatur, de altero negatur: atq; ita possint hic contraria concludi, uerùm non semper, nec ratione quauis: sed si ea sint inter se, quæ sub medio cõinentur, ut uel eadem sint, uel unum ad alterũ rationem totius ad partem habeat: alioqui id effici nequit: neq; enim pronunciata, aut contraria, aut contradicentia ullo pacto erunt. At in tertia figura nunquam ex contrarijs pronunciatis efficietur syllogismus affirmans, ob eam quam superius exposui rationem, in prima figura efficietur autẽ negans syllogismus, seu in toto sint extrema, seu non sint. Faciamus enim, ut loco b & c sit scientia, & in locum a succedat medicina: tum si quis sumat omnem medicinam esse scientiam, ac nullam medici-



DE PRIMA RESOLUTIONE. 254

nam esse scientiam, is sumpsit b in toto a, c autem in eodem nullo: unde efficitur, quandam scientiam non esse scientiam. Idem fiet, si pronunciatum a b in toto sumptum non sit: nam si quædam medicina est scientia, rursus nulla medicina scientia sit, efficitur, scientiam quandam non esse scientiam. ac ubi extrema in toto sumuntur, efficiuntur pronuntiata contraria: quod si alterum in parte accipiat, sunt contradicentia. Est autem aduertendum, contraria nonnunquam ita accipi posse, ut diximus: nempe omnem scientiam esse studiosam. Rursus aut nullam, aut certè quandam esse studiosam: id quod non solet esse obscurum. Licet & alterum concludere, uel etià sumere ex uarijs interrogationibus, quemadmodum in Topicis dictum est. Cum autem affirmationum tres sint oppositiones, accidit contraria sex modis accipi: ut totum & nullum, totum non totum, quoddam & nullum, idq; in extremis commutare. uerbi causa, a in omni c, & nullo b: aut in c toto, in b uerò nullos aut in altero quidem omni, in altero uerò non omni. Rursus id in extremis commutare licet. eadem est ratio & in tertia figura. Perspicuū est igitur, quot modis, ac in quibus figuris ex contrarijs pronuntiatis syllogismus effici possit. Constat etiam, ex falsis uerum concludi posse, quemadmodum antea exposuimus, ex contrarijs non posse: conclusio enim semper est rei aduersa, ut si sit ea bona, concluditur eam non esse bonam: aut si animal sit, efficitur non esse animal, idq; quia syllogismus ex contradictione constat: extrema autem proposita aut eadem sunt, aut alterum est totum, alterum uerò pars. Liqueat etiam, nihil uetare in rationationibus uitijs,

quo minus concludatur quæstionis positæ contrarium. ut si quid sit impar, id non esse impar. nam ex pronuntiatis contrarijs efficiebatur syllogismus contrarius. ubi igitur talia pronuntiata sumpseris, efficietur contradicens quæstionis positæ. Hoc autem intelligi debet, ex uno syllogismo contraria non posse ita concludi, ut complexio dicat, quod non est bonū, esse bonum, aut aliquid huiusmodi: nisi tale pronuntiatum statim initio sumpturi sit, ut omne animans esse album, & non album, hominem autem esse animans: quin uel contradictio assumi debet, ut quod scientia omnis sit opinio, & non sit opinio: deinde sumendum est, medicinam scientiam quidem esse, opinionem tamen nullam, quomodo reprehensiones fieri solent, aut duplici ratiocinatione illud efficiendum est. ut autem contraria sint reuera, quæ sumuntur, pronuntiata, alia ratione quàm hac fieri nequit, quemadmodum antè expositum est.

## De ratione postulandi propositi.

## Cap. XII.

Potest autem eius quod in quæstione est, petitio ac sumptio, ut pars quædam comprehendendi in uniuerso genere eorum modorum, quibus non bene id quod propositum est, demonstratur. Id quod multis modis fieri accidit: nempe seu nihil omnino concludatur, seu ex his quæ minus nota sunt, aut æquè ignota, & si ex posterioribus probetur id quod prius est: demonstratio enim efficitur ex uerisimilioribus, & prioribus. ac in nulla istarum postulatur propositum, sed cum alia per se cognosci comparata sint, nonnulla ex alijs, (initia enim per seipsa cognoscibilia sunt, quæ initijs continentur aliunde) cum id quod

per

# DE PRIMA RESOLUTIONE. 225

per se notum non est, conatur quis per se id ipsum probare, postulatur tum initio proposita quaestio. id quod ita fieri potest, ut continuo proposita quaestio postuletur. Potest etiam accidere, ut ad res nonnullas egrediamur, quae per alias natura probari erant comparatae, & ex his prima quaestio probetur. uerbi causa, si a probetur per b, & hoc per c, c uero suapte natura probari possit per a. ita enim fit, ut illud ipsum ex seipso probent, qui ita ratiocinantur: id quod faciunt, qui lineis aequè distantes describere se arbitrantur. neque enim intelligunt homines illi, se ea sumere, quae probari non possunt, nisi linea sint aequè distantes. ipsi itaque, qui sic ratiocinantur, euenit, ut dicant res singulas esse, si ipsae sint, quomodo res omnes per se cognobiles erunt. id quod fieri nequit. Si quis igitur postulet a esse in c, cum ignotum sit b esse in c, item & a in b, nondum constat, an principium postulet: sed manifestum est, eum non demonstrare. nam quod a què est ignotum, principium demonstrationis esse nequit. Quod si b & c ita sint inter se affecta, ut uel in idem conueniant, uel constet ea reciprocari, aut alterum in altero esse, postulatur quaestio prima. si enim ea reciprocantur, per illa quoque probauerit a esse in b. nunc autem id uetat, non modus: sin id faciat, fecerit quidem id quod dictum est, & in tribus reciprocationem efficit. Eadem erit ratio, si sumat b in c inesse, cum aequè sit ignotum, & a in ipso c: nec dum postulatur prima quaestio, non tamen demonstrat. Quod si a & b idem sint, aut ea retrò comueant, aut a sit consequens ipsi b, postulatur quaestio ea ipsa de causa. exposuimus enim antea, quam uim habeat illud initio propositum: nempe quod sit per se monstrare.

strare, quod per se manifestum non est. Quod si propositum postulare, est per se confirmare id quod per se non est notum: id autem est propositum non demonstrare, cum demonstratio fit, & æque sint ignota, quod demonstratur, & ex quo id demonstratur: aut quia eadem in aliquo eodem insit, aut quia res eadem ipsi insit: sanè in media figura, & in tertia utroque modo æque postulari potest propositum. In syllogismo autem affirmante, tum in tertia, tum in prima: in negante uero, ubi eadem ab aliquo eodem absunt, nec eodem modo se habent ambo pronunciata: item in media figura, quia extrema non retrò comitantur in syllogismis negantibus: ac in demonstrationibus postulatur principium, cum reuera ita se habet: in disputationibus autem dialecticis, non ita fit opinione hominum.

Illud autem, quod in disputationibus sæpe dicere solemus, falsum inquam eam ob causam non accidere, in ipsi primum ratiocinationibus accidit, quæ in incommo- dum deducunt, cum ad contradictionem eius rei pertinebit, quæ per incommo- dum probata sit. Neque enim quisquam dixerit illud non propter hoc, nisi qui contradicens dederit, sed quidpiam falsum esse contendet ex ipsi quæ ante ea sunt posita, nec in ea probatione, quæ propositum concludit, ut in qua non ponitur contradicens. Præterea cum quidpiam recta probatione eversum fuerit, ut per a b c, tum dici non potest, syllogismum ex pronunciato posito non fieri. Tum enim eam ob causam non fieri dicimus, cum ea sublata nihilominus concluditur syllogismus. Id quod in probantibus non accidit: quippe si propositio evertatur, nulla ad eam erit ratiocinatio. Constat igitur ob

# DE PRIMA RESOLUTIONE. 227

Et eam causam in ijs syllogismis dici, qui ad incommo-  
 dum ducunt, cum hypothesis initio propoſita ita ſe ha-  
 buerit ad incommodum, ut ſit ea, uel non ſit, nihilominus  
 ſequatur illud. Ac unus eſt modus maximè conſpicuus,  
 quo falſum propter hypotheſim non efficitur, cum ſyllo-  
 giſmus ex medijs ad incommodum factus ab ipſa hypo-  
 theſi abſolutus ſit, nullo modo coniunctus: quemadmo-  
 dum in Topicis dictum eſt. Illud enim eſt ponere cau-  
 ſam, quod cauſa non ſit. uerbi cauſa, ſi quis probare uo-  
 lens dimetientem eſſe irrationabilem, concurt Zenonis  
 rationem probare, nihil inquam moueri poſſe, & in id  
 incommodum rem deducat. nulla enim ratione coniun-  
 cta eſt hæc falſa cōcluſio cum eo quod initio dictum eſt.  
 Alius eſt modus, cum concluſio abſurda hypotheſi quidē  
 continens eſt & coniuncta, ob eam tamen non ſequitur:  
 id enim fieri poteſt, ſeu ſurſum, ſeu deorſum uerſus ſu-  
 mas continens. ut ſi ponatur a eſſe in b, b in c, c rurſus in  
 d: ſit autem falſum, b eſſe in d: ſanè ſi ubi a tolletur, ni-  
 hilominus b ipſi c inſit, c item ipſi b, concluſio falſa ex  
 hypotheſi initio poſita non ſequatur. Rurſus ſi quis ſur-  
 ſum uerſus continens & coniunctum ſumat, ut ſi a ſit in  
 b, e uerò in a, & f in e, cum falſum ſit, f eſſe in a. nam  
 hac ratione nihilominus efficietur incommodum, ubi tol-  
 latur hypotheſis poſita: abſurdum autem cōiungi debet  
 cum extremis initio poſitis: ita enim ex hypotheſi conclu-  
 detur. Vt ſi coniunctū & continens ſumas deorſum uerſus,  
 prædicato coniungas, nam ſi impoſſibile ſit a eſſe in  
 b, ipſo a ſublato non ſequetur falſa concluſio: ſin ſurſum  
 pergas, ſubiectum accipi debet. nam ſi fieri nequit, ut f  
 ſit in b, ipſo b ſublato non manebit incommodum. Eadem



erit ratio, ubi priuantes fuerint rationationes. Constat igitur, conclusionem falsam expositione non sequi, si in commodum cum extremis in initio positis nō sit iunctū: ac ne sic quidem falsum perpetuū ob hypothesim concludetur. nam si ponatur *a*, non quidem in *b*, sed in *g* inesse, *g* uerō in *c*, & hoc in *d*, hoc etiam modo manet absurdum. Idem fiet, si sursum uersus extrema sumas. Cum igitur seu illud sit, seu non sit, semper sequatur incommodum, expositione non est consequutum: uel certē, quod dicitur, eo sublato nihilominus falsum effici, non est ita accipiendum, quasi si aliud ponatur, sequatur incommodum: sed cum eo sublato idem incommodum ex pronuntiatis, quæ restant, efficitur. quandoquidem nihil est absurdum, eandem conclusionem falsam per multas hypotheses effici. uerbi causa, quod æquē distantes concurrant, seu interior angulus exteriore sit maior, seu triangulus plures duobus rectos habeat.

## De falsa ratione. Cap. XIII.

Efficitur autem ratio falsa ex eo, quod prius falsum fuit: quippe cum syllogismus omnis duobus pronuntiatis aut pluribus constet. Quod si ex duobus constet, necesse est, aut alterum, aut utrunq; falsum esse, quandoquidem ex ueris falsa conclusio effici non potuerit. sin ex pluribus constet, ut si *c* per *a* *b* probetur, & hæc per *d* *e* *f* *g*. nam in his est aliquid ex superioribus falsum, gratia cuius collecta est conclusio: nam *a* & *b* ex illis concluduntur: ex illis igitur efficitur conclusio, eaq; falsa. Ut autem ratione non decipiamur, & uincamur, obseruandum est diligenter, dum aduersarius rationes postulat sine conclusionibus, ne in pronuntiatis eadem res bis concedatur:

cedatur: quandoquidem intelligimus, sine medio syllogismum nullum effici. Medium autem appellatur id, quod sæpius dicitur. quod si nouerimus, quid in quaque figura concludatur, perspicuum inde fuerit, qua ratione medium sit obseruandum in unaquaq; conclusione. Illud autem non potest tibi esse obscurum. siquidem intelligis quale sit propositum, quod defendis. Quod autem respondentibus obseruandum præcipimus, id occultare debent qui argumentantur, uel certè id conari. id quod fiet primum, si conclusiones antea non confirment, ac concludant, sed post propositiones necessarias assumptas illæ obscuræ maneat, ac prætermittantur. Præterea si quis ea quæ propinqua sunt, non roget, sed ea inter quæ plurima sint media. uerbi causa, faciamus, ut concludi oporteat a de f, ac media sint b c d e: peti igitur debet, an a sit in b. Rursus non quidem an b sit in c, sed utrum d sit in e, deinde an b sit in c: eademq; ratione cætera sumi debent. quin & a medio incipiendum est, si per medium unicum efficitur syllogismus: eo enim modo respondentem maxime fefellerit. At uerò quoniam intelligimus, quando, quaq; ratione dispositis extremis efficiatur syllogismus: perspicuum est, quando sit futura reprehensio, quando non sit. fieri enim potest reprehensio, ubi omnia conceduntur, aut ordine mutato ponuntur responsa: nempe si alterum neget, aiat alterum. Syllogismus enim fore diximus, seu hoc, seu illo modo disposita sint extrema. Itaque si quid concedatur conclusioni contrarium, necesse est reprehensionem fieri. est enim reprehensio, syllogismus contradictionis. Quod si nihil concessum sit, fieri nequit reprehensio. nec enim efficiebatur

ratiocinatio, ubi omnia pronunciata negantia essent  
quare nec reprehensio. Nam si sit reprehensio, syllogis-  
mum quoq; esse oportet: non tamen si sit syllogismus, con-  
tinuò reprehensionem esse necesse est. Eadem erit ratio,  
si in respondendo nihil ponatur uniuersum, cum repre-  
hensionis ac syllogismi eadem sit ratio.

De deceptione, quæ in opinione oritur.

Cap. XIII.

Quemadmodum autem in extremorum dispositione  
decipimur, ita in opinione deceptio quoq; accidit. ut si  
quid duobus primum inesse possit, & alterum quis igno-  
ret, putetq; nulli inesse, alterum uerò nouerit. Faciamus  
enim ut a in b, & in c per se insit, ea item in toto d eo-  
dem modo: profectò si putet a in toto b esse, & hoc in c  
a uerò in nullo c, hoc autem in toto d, rem eandem si-  
mul cognoscet, & ignorabit. Rursus si quis fallatur in  
ijs quæ sunt ex eadem coniugatione: ut si a sit in b, &  
hoc in c, c rursus in d; & opinatur a in toto b inesse, &  
in nullo c. simul enim nouerit, & non opinabitur inesse.  
aliudne igitur hinc sibi uult, quàm quod nouit, id se non  
opinari? Nouit enim quadantenus a esse in c per b, quo  
modo pars in toto cognoscitur: atque ita quod quis qua-  
dantenus nouit, id se planè opinari putat: id quod fieri  
nequit. In eo autem quod prius est dictum, nemo opina-  
ri potest, ambas propositiones secundum media ambo, si  
non ex eodem ordine medium sumptum sit: ut si a sit in  
toto b, & in nullo c, & hæc ambo in toto d. ita enim eo  
uenit, ut prima propositio sumatur, uel in totum, uel cer-  
tè quadantenus contraria. Nam si arbiiretur, cuicunque  
insit b, illi omni inesse a, ac nouerit b. esse in d, profectò  
is nouit

DE PRIMA RESOLVTIONE. 231

is nouit in d esse a. Si igitur econtrario putet, cuiusq;  
insit c, in eo nullo esse ipsum a, is non putat a esse in ali-  
quo cui insit b: hæc autē aut omnino, aut aliqua ex par-  
te contraria sunt, arbitrari inquam, cui b insit, illi omni  
inesse a; & rursus, cui b insit, ipsi alicui non existimare  
a inesse. Ac eo modo opinio concipi nequit. At nihil ue-  
tat ex utroq; pronunciatum alterum opinari, uel ex alte-  
ro utrunq;, ut a in toto b esse, & b in d, rursus a in nullo  
c, est enim is error ei similis, quo in particularibus ballu-  
cinamur: ut si a sit in toto b, & hoc in toto c, a in toto c  
inerit. Si quis igitur nouerit, cuiusq; b insit, ei toti in-  
esse a, profectō nouit inesse ipsi c: at nihil prohibet, quo-  
minus ignoret ipsum c esse. Vt si a sit duo recti, in b uerō  
triangulus, in c triangulus sensibilis. possit enim quis ar-  
bitrari c non esse, etiam si nouerit omnem triangulum  
habere duos rectos: simul igitur rem eandem nouerit, et  
ignorabit. nosse enim triangulum omnem habere duos  
rectos, uarium est ac multiplex. est enim tum in toto id  
scire, tum sigillatim. ac nouit quidem scientia uniuersa, c  
habere duos rectos: singulari uerō nō item: ita fit, ut non  
habeant contrarias opiniones. Idem existimandum est  
de ratione illa scripta in Menone, scientiam inquam esse  
reminiscentiam. nunquam enim fit, ut res singularis an-  
ticipata cognitione sciatur: sed dum inductione utimur,  
simul rei particularis scientiam sumamus, quasi eam in  
memoriam reuocemus. Quædam enim sunt, quæ statim  
ubi uidemus, cognoscimus: ut duobus rectis, si nouerimus  
triangulum esse: id quod eodem modo fit in alijs. Cogni-  
tione igitur uniuersa partic. laria cognoscimus: propria  
ac peculiaria nescimus. Quo fit, ut in ijs ballucinemur,

non tamen opinione contraria: sed dum cognitionem uniuersalem habemus, decipimur particulari. Eadem est ratio eorum quæ superius exposuimus. Error enim ex medio non est ei scientiæ contrarius, quæ syllogismo par-  
ta est: nec opinio ea quæ ex uno medio nascitur, contra-  
ria est ei quæ ex altero comparatur. Nihil autem prohi-  
bet, qui nouerit *a* in toto *b* esse, & hoc in *c*, cum arbitra-  
ri, non esse *a* in *c*. uerbi causa, omnem mulam sterilem  
esse: opinari potest & hanc esse mulam, cum tamen eam  
uterum ferre putet. nec enim is scit *a* esse in *c*, nisi qui u-  
trumq; simul cognoscit. Cõstat igitur, si alterum nouerit,  
& alterum ignoret, eum falsum iri: quo modo se habent  
uniuersales scientiæ ad particulares: neq; enim sensibile  
lium quicquam scimus, si *a* sensu absit, ne si illud quidem  
etiam senserimus, nisi forte eo modo, quo rem uniuersam  
scimus, & quatenus propriam cognitionem illius habem-  
us, non quasi actu illam exerceamus. Scire enim tribus  
modis dicitur, nempe aut cognitione uniuersali, aut par-  
ticulari, aut actu & operatione: quare totidem etiã mo-  
dis intelligitur hallucinari. Nihil igitur uetat, quempiam  
in re eadem tum scire, tum decipi: non tamen contrario  
modo ei accidit, qui ex utraq; propositione rē nouit, neq;  
has prius expendit, qui enim putat mulam uterum gesta-  
re, is non habet actu ueram scientiam, nec item errorem  
scientiæ contrarium, ob huiusmodi opinionem: error  
enim uniuersali contrarius, est syllogismus. At uerò qui  
bonum malum esse arbitratur, is idem esse putat, bonum  
esse, ac malum. ponamus enim, bonum esse in *a*, malum  
uerò in *b*: item bonum esse in *c*, tum quia idem esse putat  
*b* & *c*, profectò arbitrabitur *c* esse *b*, item & *b* esse *a*,  
eadem



## DE PRIMA RESOLUTIONE. 233

eadem ratione, atq; ita c esse. ut enim si uerum sit, de quo c dicatur, b dici, item de quo b, ipsum a, profectò a de c uerum fuerit. non aliter in opinione res habet. Idem existimandum, in quo res sit. cum enim c & b eadem sint, b item & a, profectò c & a eadem fuerint. Ac in opinione eodem modo res habet. an uero si quis primum admitterit, id protinus necessarium est? at illud fortasse falsum est, quempiam inquam arbitrari, bonum esse malum: nisi forte accidentario: nam id uarijs modis arbitrari licet: id autem diligentius est perspicendum.

De ijs quæ in prima figura sunt recipro-  
cationibus. Cap. XV.

Vbi extrema retrò commeent, necesse est medium quoq; cum utroq; reciprocari. nam si a est in c per medium b, si illa commeent, ut cuicumq; insit a, c quoque ei omni insit, profectò b cum a reciprocatur: & cuicumq; inest a, ei omni inest b per mediū c, ac c cum b reciprocat per medium a. In negatione tantundem fit, ut si b sit in c, a uero in b non sit, ne a quidem in c erit: profectò si b cum a commeat, c quoq; cum a commeabit. faciamus enim b inesse in a, nec igitur erit quandoquidem b omni c inerat: quòd si cum b commeet, c quoq; cum a commeabit. in quocunq; enim dicitur b, c quoq; dicitur. Item si c cum a conuertatur, b quoq; conuertetur. nam in quo est b, in eo quoq; est c: in quo autem est c, a non inest, & id solum à conclusionē initium ducit. aliorum non est eadem ratio, quemadmodum & in affirmante syllogismo. Rursus si a & b conuertentur, c item & d, sit autem necesse in re quauis a uel c inesse, profectò b & d eiusmodi erunt, quorum alterum in re quauis insit. nam

p 5 quia

quia in quocunque est *a*, inest *b*, in quo item est *c*, inest quoque: dicitur in re quauis aut *a* aut *c* inest, non in eadem simul. liquet igitur in omni re aut *b* dici, aut *d*, et non ambo simul. uerbi causa, si quod ingenerabile est, incorruptibile quoque est: item quod est incorruptibile, est ingenerabile: necesse est, quicquid generatum est, caducum esse: et quicquid caducum est, genitum esse: componuntur enim duæ rationationes. Rursus si in re quauis *a* inest, aut *b*, item *c* uel *d*, nec in eadem simul, si *a* et *c* reciprocantur, *b* quoque et *d* retrò commeent. nam si cui rei *d* inest, in ea non sit *b*, constat *a* in ea esse: quod si sit, *c* quoque inest, quippe cum retrò commeent. simul igitur *c* et *d* in eadem re erunt: id autem fieri nequit. Quando uerò *a* in toto *b*, in *c* item toto inest, et de nulla re alia dicitur, *b* item in toto *c* inest, necesse est *a* et *b* retrouertitur. cum enim *a* de *b* et *c* tantum dicatur, dicitur autem *b* tum de seipso, tum de *c*: perspicuum est, de quibus dicitur *a*, de ijs quoque omnibus *b* dictum iri, præterquam de ipso *a*. Quando item *c* et *b* in toto *c* insunt, et *c* retrouertitur cum *b*, necesse est *a* in toto *b* inesse. cum enim *a* in omni *c* insit, *c* item in *b*, quia commeent illa, *a* quoque in omni *b* inerit. quando uerò ex duabus rebus propositis altera fuerit magis quam altera expetenda, ut *a* quam *b*, cum illæ contrariæ sint. Eadem ratione *b* magis expetendum quam *c*: si *a* *c* magis sunt expetenda quam *b*, id est, ipsum *a* magis expetendum est quam *d*. æquè enim *a* persequendum est, ac *b* fugiendum, cum hæc sint contrariæ: *c* item æquè ac *d*, quippe cum illa quoque contraria sint. si igitur *a* æquè expetendum est ac *d*, profectò *b* æquè fugiendum est ac ciutrumque: enim æquè fugiendum est, atque alterumque

DE PRIMA RESOLUTIONE. 239

alterum expetendum. quo fit, ut ambo, a inquam & c,  
æquæ atq; illa b d fugienda sint, aut prosequenda. nam  
quod maius est, par esse nequit. nam b d æqualia erant.  
Sic d sit ipso a magis expetendum, sanè b minus fugiens  
dū erit quàm c: minori enim minus opponitur. at maius  
bonum, & minus malum, magis expetenda sunt, quàm  
bonum minus, & maius malum: totum igitur b a magis  
persequendum est, quàm a c: at non ita est: a igitur ma-  
gis expetendum est quàm d, & c quoq; minus fugien-  
dum quàm b. Ac si id sibi proponit in amore, quicumq;  
amat, ipsum inquam a nempe ita esse affectum, ut gra-  
tificetur, & non gratificari sit in c, uel certe gratificari  
in d, in b uerò eum non esse qui gratificetur: constat a,  
ealem inquam esse, magis esse expetendum, quàm grati-  
ficari, atq; ita in amore amor congressui est præponen-  
dus: amor igitur in affectu est potius, quàm in congres-  
su: quòd si in eo potius collocatur, ut is sit illius finis, pro-  
fectò congressus aut nullo pacto est, aut dilectionis cau-  
sa: eo enim modo fiunt desideria alia, & artes. Perspi-  
cuum est igitur, quàmnam ratione se habeant extrema in  
reciprocatione, in comparatione item persequendorum  
& fugiendorum.

Hoc loco nobis exponendum est, non dialecticis mo-  
dò ratiocinationes ac demonstrationes per superiores  
figuris effici, sed & oratorias, ac omnem omnino pro-  
bationem in quavis ratione docendi. Res enim omnes  
probamus aut ratiocinatione, aut inductione. Ac indu-  
ctio & ratiocinatio ex ea tum fit, cum alterum extre-  
mum de medio concluditur per alterum: ut si in bis a c,  
medium sit b, & probetur a esse in b per c: hac enim uia  
induc

inductiones facere solemus. uerbi causa, sit a longæuum, b uerò uacās bile, in c singula longæua, ut homo, equus, mulus: sanè a est in toto b. quicquid enim bile uacat, est longæuum: quinetiam b, nempe uacans bile, est in toto c: quòd si c retrouertatur cum b, nec medium excedat, necesse est a esse in b: quippe cum antea à nobis probatum sit, ubi duo eìdem rei insint, & extremum cum altero eorum reciprochetur, alterum eorum quæ dicuntur ei inesse, quod reciprocatur: est autem c intelligendum, quasi quid ex uniuerfis singulis compositum. nam inductione ex omnibus efficitur: ea autem ratiocinatio primam propositionem concludit, & quæ medio caret. in his enim quæ medium habent, efficitur syllogismus ex medio: in his uerò quæ medio carent, fit per inductionem. Ac inductio ratiocinationi contraria est aliquo pacto. hæc enim ex medio probat extremum in tertio, illa uerò ab extremo confirmat tertium in medio. Natura igitur antecedit, & est notior ea ratiocinatio, quæ per medium efficitur: ratione nostri magis est perspicua, quæ fit per inductionem.

## De exemplo. Cap. XVI.

Exemplum autem tum est, quum extremum in medio inesse probatur, ex eo quòd sit simile tertio. debet autem notius esse, & magis perspicuum, quòd medium sit in tertio, & primum in illo singuli uerbi causa, constituamus in a malum: in b, suscitare bellum in finitimos: in c uerò, Athenienses aduersus Thebanos: in d, Thebanos in Phocenses. iam si probare uelimus, perniciosum esse, committere bellum cum Thebanis, primum sumendum est, perniciosum esse, in finitimos bellum gerere: id quod probatur

## DE PRIMA RESOLUTIONE. 237

probat ex simili, nempe quod Thebanis aduersus Phocenses perniciosum fuerit. Cum igitur in finitimos bellum gerere perniciosum sit: in Thebanos autem bellare, est bellum gerere in finitimos: constat igitur, in Thebanos bellare perniciosum esse. Ac constat b in c & d inesse: utrumque enim est in finitimos bellum committere. Constat item, a esse in b. nam Thebanis nullam utilitatem attulit bellum in Phocenses. probabitur autem a esse in b per ipsum d. Eodem modo fiet, si ex multis similibus probetur, medium in extremo esse. Hinc igitur manifestum est, exemplum non habere eam rationem, quam totum ad partem, aut pars ad totum: sed quam pars una ad alteram habet, quum ambæ in eodem toto continentur, altera autem est notior. ab inductione autem eo differt, quod ea ex uniuersis singulis extremum in medio esse confirmabat, nec connektebat syllogismum ad extrema. Exemplum autem coniungit quidem, ex omnibus autem non probat.

### De abductione. Cap. XVII.

Abductio uero est, quando constat primum in medio esse: an uero medium sit in postremo, ignotum quidem est: æque tamen credibile est, uel certe magis quam ipsa conclusio. Iam uero si pauca media intercedant inter postremum & medium: ita enim fit, ut ad cognitionem propius omnino accedat. uerbi causa, sit a res cognobilis, in b uero locetur scientia, in c intelligatur iusticia: sane constat, scientiam esse cognobilem. An uero iusticia sit scientia, obscurum est, & non cõpertum. Quod si æque, uel magis credibile sit, b esse in c, ac a in c, tum est abductio. cum enim rei scientiam antea non habemus,



remus, propius ad eam accedimus, in assumendo pronuntiato a c. Rursus si pauca sint media inter b & c. nam eo quoque modo propius cognitionem res est. exempli gratia, si d sit quadrari, & in e rectilinea figura, in f circulus: tum si inter e & f unicum sit medium, nempe ut perumbellæ circulus efficiatur par figuræ rectilineæ, sanè res est prope cognitionem: quando uerò b c magis credibile nō sit quàm a c, nec pauca eorum sunt media, abductionem tum nō appello: nec item cum b c medio uacat, id enim est scientia.

## De refutatione. Cap. XVIII:

Refutatio uerò est pronuntiatum alteri contrarium: Inter hanc autem & pronuntiatum hoc interest, quòd hæc in parte esse potest, pronuntiatum omnino nequit; uel certè in syllogismis uniuersalibus non potest. Obijciatur autem refutatio duplici ratione, & in duabus figuris. bifariam quidem: aut enim in toto est, aut in parte omnis. in duabus figuris: omnes enim afferuntur contrariæ pronuntiato, contrariæ autem in prima & tertia figura concluduntur tantum. nam cum quis postulat quidpiam in aliquo toto esse, occurrimus, uel quòd nulli insit, uel quòd in aliquo non sit: ex quibus illud in prima figura colligitur, hoc in postrema figura. uerbi gratia, intelligamus in a unam esse scientiam: in b uerò collocetur, aduersa: sanè si quis proposuerit, unam esse aduersorum scientiam, occurrit alter, uel quòd contrariorum eadem non sit omnino scientia: aduersa autem sunt contraria, atque ita efficitur prima figura: uel quòd rei notæ & ignotæ non sit una scientia, ea autem est figura tertia, nam in eo tertio, cognito inquam & incognito, uerè dicitur,

## DE PRIMA RESOLUTIONE. 239

dicitur, ea aduersa esse: cum tamen falsum sit, una scientia illa contineri. Eadem est quoque ratio in pronunciato priuante. si quis enim petet, contrariorum non esse unam scientiam, continuo ei occurrimus, aut omnium contrariorum esse eandem, aut certe quorundam aduersorum, ut sani & ægri, ac omnium unam esse probamus in prima, quorundam uero in tertia. Nam in omnibus omnino pronunciatis uniuersalibus, quæ quis pro exceptione adfert, id uidendum est, ut illud quod contra adfertur, sit uniuersale aliquid ad rem propositam: ut si petat non eandem esse aduersorum omnium scientiam, dicat ille, contrariorum unam esse: eo autem modo necesse est primam figuram effici. Est enim medium uniuersale quid ad questionem initio propositam. In parte autem si quid opponere uelis, aliquid asserendum est, ad quod subiectum propositionis sit uniuersale, ut cogniti & incogniti non esse eandem scientiam: aduersa enim totum sunt ad illa, & ita fit tertia figura. Nam quod in parte sumitur, medium est, ut cognitum & incognitum: nam ex his refutationes asserre conamur, unde contrarium concludere possumus. quapropter per eas figuras solas asserimus: nam in his tantum contraria conclusiones efficiuntur. nam in media figura nulla affirmatio colligebatur. Iam uero ut in ea fieri posset, certe prolixiori ratione opus esset ad refutationem in media figura colligendam. ut si non concesserit, a esse in b, quia c non sit ipsi consequens: id enim per alias propositiones facile intelligitur. at refutationem aliò diuertere non oportet, sed continuo propositionem perspicuam habere: quam obrem in una hac figura non est signum. Sunt autem

tem alia quoque refutationes expendenda, cuiusmodi sunt quae de contrario feruntur cum simili, tum etiam opinabili. Item, possitne sumi particularis in prima figura, aut priuans in media.

## De consentaneo &amp; signo. Cap. XIX.

Non est autem res eadem, consentaneum & signum. sed cōsentaneum & uerisimile, est probabile quoddam pronunciatum. quod enim plurimum uulgò norunt ita fieri, uel non fieri, esse item, uel non esse, id est uerisimile, ac consentaneum: ut oderint qui inuident, diligant qui amant. At signum suapte natura est pronunciatum, uel demonstrabile, uel necessarium, uel probabile: id enim est signum, quod res sit uel fuerit: quod dum est, uel sit, uel prius, uel posterius res ipsa facta est.

## De enthymemate. Cap. XX.

Est igitur Enthymema, ratiocinatio imperfecta ex uerisimilibus uel signis. intelligitur autem signum tribus modis, quot & medium in figuris. aut enim ita se habet ut in prima, aut ut in media, aut ut in tertia figura. uerbi causa, probare mulierē uterum ferre, quia lac habet, ex prima figura est. nam medium est, lac habere: ac in a ponatur uterum ferre, b uerò sit lac habere, mulier uerò in c ponatur. Illud autem, sapientes inquam uiros esse probos, quia Pittacus sit probus, per ultimam figuram efficitur. ponamus in a probum, in b sapientes, in c Pittacum: profectò uerè dicuntur a & b de c. ceterum alterum prae mittunt, quia illud norunt: alterum autem assumunt. illud autem, mulierem inquam uterum gestare, quia palleat, per secundam figuram effici solet: nam quia uterum gestantibus pallor est consequens, & huic quoque

quoque consequens est, effectum inde putant, eam uterum gestare. Sit pallidum in *a*, in *b* uterum ferre, in *c* mulier. ubi igitur una tantum propositio dicitur, signum est modò: si in altera assumatur, tum est syllogismus. uerbi causa, Pittacus est liberalis, nam ambitiosi sunt liberales, & Pittacus est ambitiosus: uel contra, sapientes esse uiros probos, quia Pittacus est uir probus, & idem est sapiens. Fiunt igitur ad hunc modum syllogismi. Cæterum qui in prima figura efficitur, dilui nequit, si uerus sit, cum sit uo- niuersalis: qui uero in postrema figura efficitur, dissolui potest, etiam si uera sit conclusio, quia nec uniuersalis est syllogismus, nec ad rem. ut enim Pittacus sit uir probus, non continuo necesse est, alios sapientes esse probos. Qui uero in media figura efficitur, is semper et ratione qua- uis solui potest. neque enim efficitur syllogismus unquam, dum extrema ita sunt collocata. ut enim mulier uterum gestans sit pallida, hæc etiam mulier palleat, non ideo necesse est hanc uterum ferre. In omnibus igitur figuris uerum efficietur. differunt autem eo, quo dixi, discrimine. Sanè uel hac ratione diuidi debet signum, & medium in illis constituendum est indicium, ac propria rei nota. aiunt enim indicium esse id, quod rem cognoscendam præbet: medium autem maxime est istiusmodi. uel certè appellatione signi intelligenda sunt ea quæ sunt in extre- mis. indicia autem appellanda sunt, quæ in media figura ponuntur. Nam quod in prima figura collocatur, admo- dum credibile est, & maxime uerum.

De ratione naturæ coniectandæ.

Cap. XXI.

Potest autem fieri, ut conijciatur natura & ingenii,

q

siquis

si quis concedat, naturales affectiones corpus simul cum  
 anima immutare. nam qui musicam edoctus est, animo  
 forte est immutatus: at ea affectio non est ex earum nu-  
 mero quæ nobis naturales sunt, sed aliæ potius. cuiusmo-  
 di sunt iracundia, concupiscentia naturalium mutatio-  
 num: profectò si quis hoc concesserit, & unius rei unum  
 esse signum, & accipere possimus suam cuiusq; generis  
 affectionem ac signum, naturam coniectare poterimus.  
 Nam si alicui generi uni sua est & propria affectio, ut  
 in leonibus fortitudo, necesse est quoddam esse signum:  
 quippe cum sit confessum, ea sese mutuò afficere. Sit igitur  
 illud, quod ingentes habent membrorum extremita-  
 tes, id quod in alijs quidem generibus reperitur; sed non  
 totis. nam ita demum signum est proprium, quia affectio  
 totius generis propria est, non unius tantum, quo modo  
 loqui solemus: Sanè id in alio genere inerat, critq; homo  
 fortis, item & quodpiam aliud animans, habebit igitur  
 signum illud: unius enim rei unum esse signum diximus.  
 Si igitur hæc ita habent, & in animantibus huiusmodi,  
 quæ affectionem unam propriam habent, ea signa colli-  
 gere poterimus: unaqueque autem affectio suum habet  
 signum: quandoquidem unum habeat necesse est, profe-  
 ctò naturam ac ingenium coniectare poterimus. Sin to-  
 tum genus duas habeat affectiones proprias, quemad-  
 modum leo & fortis est, & sauciabilis, quo pacto cogno-  
 scemus ex signis illis propriè consequentibus, utrum vo-  
 trius sit signum? an si in alio quodam, nò toto, ambo sint,  
 & in quibus non totis utrunq; in sit, cum unum habeat;  
 alterum non item. nam si fortis sit, nec liberalis, & ex  
 duobus hoc habeat, constat id in leone signum esse forti-  
 tudinis.



DE PRIMA RESOLUTIONE. 243

quidam. Coniectatur autem natura & ingenium in prima figura, cum medium cum priori extremo reciprocatur, & excedit tertium, nec cum eo commeat. uerbi causa, si a fortitudo, extremitates magna in b, leo in c: projectio in quo est c, in eo toto est b, item & in alijs. in quo autem est b, in eo toto est a. nec in pluribus dicitur, sed retrouertitur: alioqui non esset unius rei unicum signum.

F I N I S.

NICOLAUS GROVCHIVS  
discipulis suis S.



Go in ea semper fui sententia (optimæ spei adolescentes) nullum esse Aristotelis librū, cuius non esset cum propter rerum optimarū cognitionem, tum propter singularem exquisitamq; docēdi rationem, summa utilitas. Sed inter omnes mihi multis nominibus, primas partes semper obtinere uisus est liber de Demonstratione: in quod omnis docēdi, discēdi, ac tractandi, quicquid sub scientiam cadere possit, ratio continetur. Ego uerò illud etiam in omnibus quas adhuc uidi, philosophiæ  
q 2 scholis

scholis animaduerti, nullum esse Aristotelis librum, qui negligētius legatur, cuiusque utilitas minus percipiatur. Vnde autem illud malum omnes scholas inuasit, excogitare aliud nō possum, quàm quodd nimis pertinaciter aliorū consuetudinē obseruamus: ita ut sæpe non tam quid uerum sit, quàm quid in more positum, exquiramus. Neminem hæc in re doctorem accuso: tantum consuetudinem, penes quam culpa est, non possum non damnare: per quam factum est, ut in omnibus philosophiæ scholis liber iste potius legeretur, ne quid quod in more esset, omissum uideretur, quàm ut immensus fructus perciperetur. Eum librum ego uestro nomine, adolescentes mihi charissimi, horis subseciuis, quibus mihi à prælectionibus erat ocium, de græco uerti: ut in ea potissimum re, in qua summa esset utilitas, etiam ocij nostri, quod non magnum esse scitis, fructum aliquē, non illum quidem indebitum (nam quid præceptor talibus præsertim discipulis non debet?) sed uobis certè inexpectatum, perciperetis. Id autem eo uehementiore studio feci, quodd eum librum tam malè,

malè, ne dicam barbarè, uersum esse sciebam, ut non dubitarem quin ex uitiosa & barbara interpretatione nata obscuritas, studia uestra esset retardatura, & expectatam inde utilitatem maxima ex parte impeditura. Verti itaque hunc librum: atq; ita uerti, ut Ciceronis ego consilium secutus, non singula uerba pro singulis superstitiose redderè: sed quia hoc tantum mihi propositum esse existimarem, ut quod optimè Græcè Aristoteles scripserat, non malè latinè uerterem: illud autem etiam non ignorarè, linguam Latinam multis dicendis formulis uti non posse, quibus græca rectè uteretur. iccirco rebus quàm potui diligētissimè expensis, latina uerba ad eas explicandas ita accommodaui, ut non uerba uerbis, sed sententijs modò sententiæ responderent. Hoc genus interpretandi si quis non probet, uelit autem potius singula uerba curiosius esse persequenda: eius iudiciū eo minus reformidabo, quod necesse est, ut mecum Ciceronem (non modò dicendi, sed etiā interpretandi principem) in eo accuset, in quo à uiris doctissimis maximam laudem & admirationem est

consecutus. Hunc ego authorem non in  
 ratione tantum interpretandi, sed etiam  
 in uerbis, ubicunq; potui, secutus sum: in  
 quibus autem locis nil apud eum reperi  
 quod pro grecis uerbis reddere possem,  
 partim ex alijs receptæ fidei authoribus  
 quod ad rem nostram pertineret, desum  
 pli: partim usitato in scholis uerbo usus  
 sum. Hinc sunt illa uerba, mediatum, im  
 mediatum, suppositio, & alia nonnulla:  
 quæ quoniam à forma Latinorum uer  
 borum mihi non uidentur longè remo  
 ta, usurpare illa non ualde dubitavi. Ego  
 enim ut semper nimiam in seligendis uer  
 bis negligentia uituperavi, ita nunquam  
 religionem nimiam probandam esse exi  
 stimaui. Accipite igitur, adolescentes op  
 timi, singularis mei erga uos amoris  
 non obscuram significationem: & qui in  
 uestram omnium gratiam liber scriptus  
 est, uobis dicatus, sub uestro omnium no  
 mine appareat. Valete. Conimbricæ.

Ex regio gymnasio, Idib. Februarij,

M. D. XLIX.

## IN ANALYTICA POSTERIORA

Nic. Groucbij Argumentum.

**M**agna est & latè patens huius libri utilitas, sed magno doctrinarum omnium incòmodo paucis cognita. Id quod ij aperte indicant, qui nuper libris editis, cùm omnes Aristotelis libros, tum uerò hunc maximè infectati sunt. Nam si ullam partem ingenij Aristotelis attigissent, aut si suauitatem ipsius doctrinæ uel minimum degustassent, aliud perfectò scribendi argumentum quæsisent, quàm in Aristotelis libros animaduersiones: sed potius tanti ingenij subtilitatem admirati, aut tarditatem suam accusarent, si quicquam minus intelligerèt: aut quæ scripta in Aristotelem ediderunt, uel ad eum illustrandum, uel in ipsius aduersarios conuertissent. Ne quis igitur his decipiatur imposturis, & ut omnes intelligant quàm ualde fallantur, qui parum aut nihil fructus in ijs libris esse existimarunt, conabor, quid, ad quem usum, & quomodo, hoc nos libro Aristoteles docuerit, paulo quidem latius quàm argumenti fortasse breuitas postulat, sed tamen quàm breuissimè potero, explanare.

Quòdnam sit Aristotelis institutù in ijs quatuor libris quos inscriptione *ἀναλ. posterior* legimus, ipse Aristoteles docet tum initio primi libri de Ratiocinatione, tum ad finè 17. cap. secundi de demonstratione. Ex ijs enim locis intelligimus, nil aliud ijs libris uoluisse Aristotelem docerè, quàm quid, qualis quæ sit scientia demonstratiua. Nihil autem est scientia demonstratiua, quàm omnis quæ per demonstrationem acquiritur sciētia. Itaq; qui demonstrationem nouerit, quid, qualis, & quomodo cōficienda sit,



demonstratiuam scientiam cognouerit. Iam autem quia omnis demonstratio est ratiocinatio quædam, in eoq; maxime sita est omnis demonstrationis uis, ut uim tuæ conclusionis nunquam celes (in quo à Dialecticis rationibus distinguitur) sed quàm apertissimè fieri potest, ex sumptionib. id necessariò efficias, quod demonstrandum proposueras: propterea fuit necesse, ut non modò de Demonstratione ageret, sed etiam uim uniuersam, partes ac proprietates ratiocinationis explicaret. Continetur igitur duabus partibus uniuersa doctrina ἀναλυτικῶν. Vna est de Syllogismo, duobus libris absoluta. Altera est de Demonstratione, duobus item libris comprehensa. Idem enim est (ut scribit Aristoteles capite 17. libri secundi de Demonstratione) nosse demonstratiuam scientiam, quod ratiocinationis atq; demonstrationis naturam intelligere. Illa autem disciplina cuius finis est demonstratiua scientia, subiectum ipsa demonstratio, ab Aristotele Analytice appellatur, & primo Rhetoricorù, & primo libro de Demonstratione cap. 18. Itaq; non incòmodè Analytice à fine hoc modo defines: Analytice est, scientia quæ ad cognitionem omnis scientiæ demonstratiuæ pertinet. A' subiecto autem hoc modo: Analytice est, scientia quæ in explicanda natura, partibus, ac proprietatibus demonstrationis uersatur. A' partibus uerò hoc modo: Est scientia quæ tota ratiocinationis & demonstrationis cognitione continetur. Porro autem huius appellationis causam intelligemus, si modò usum ac utilitatem huius doctrinæ cognoscamus. Ac primum illud certū est, omnem certam ac firmam rei cognitionem, aut intelligentia concipiente impressas sensib. species contineri, aut argu-

menti

menti necessaria conclusione. Duobus autem illis perficitur omnis scientia. Nam priore modo principia cognoscuntur, posteriore conclusiones. Sed quoniam in priore illo cognoscendi genere parum est artis: perficitur enim solis propemodum naturæ instrumentis, sensu, cogitatione, experientia: alterum autem totum genus uia & ratione continetur: propterea de priori illo cognoscendi modo, aut nil, aut parum tractandum est: alterum genus, quia arte quadam absoluitur, explicandum est. Non enim quævis ratio ad probandum aliquid adhibita, scientiam parit: sed ea demum, quæ tibi rem ita facit perspectam, ut quin ita res habeat, dubitare non possis. Nihil enim scientia est, quàm certa ac firma rei quæ tibi dubia esse potuit, cognitio. Ergo quia omnes scire desiderant, nec hominis unquam animus conquiescit, nisi cum quàm certissimè fieri potest, quantumque rei fert natura, cognoscit: certò autem cognosci nò potest, nisi adhibita ad fidem faciendam ratio sit necessaria: propterea necesse est, ut quæ nam & qualis sit illa ratio cognoscamus: ut quum res proposita erit quam scire cupiamus, accommodare hanc rationem ad eam possimus. Illa autem ratio *ἀποδείξις* appellata est à Græcis, à Latinis aut demonstratio: uel, ut Quintilianus uocat, euidens probatio. Est igitur Analytices summa utilitas, quæ huius demonstrationis uim uniuersam, omnes partes, omnes proprietates explicat: siquidem hac adiuti scientia, omnem docendi, discendi, explicandi, quicquid nobis sit propositum ad sciendum, rationem tenemus. Hanc si sciamus, proposita quacunque re, de qua pos sit esse scientia, eam ita tractabimus, ut nulla ratione possit melius doceri. Hæc scientia est quæ ab

Aristotele secundo Metaphysic. modus sciendi appellatur. Hac enim arte instructi, pro rerum subiectarum natura, rationes aut magis aut minus accuratas postulabimus: nec semper in omni re probationes mathematicis demonstrationibus similes requiramus, sed semper principia cum re subiecta, societate quadam naturæ coniuncta esse debere intellegemus. Nam hominum imperitiam, qui omnibus in rebus pariter accuratas demonstrationes postulant, proficisci ab ignoratione Analytices, ipse Aristoteles 3. cap. libri quarti Metaphysices, ostendit, his uerbis, *ἡ ἀναλυτικὴ τῶν ἀναγνωστῶν τὴν ἀπὸ τοῦ* hoc est, quia imperiti sunt analyticarum præceptionum, idcirco id faciunt. Continet igitur hæc scientia, omnem rationem tractandarum omnium scientiarum: continet rationem bene docendi, & discendi quicquid sub scientiam cadere possit: continet illam quæ *μαθηματικὴ* ab Aristotele uocatur in principio libri de Partibus animalium, quæ nil est quàm eruditio & modus bene tractandæ ac distribuendæ scientiæ cuiusvis: ex qua *μαθηματικὴ*, hoc est eruditi ac doctrina politi homines appellantur, quorum munus est, ut ait illo loco Aristoteles, uia quadam & ratione possit citra ullum errorem discernere quid in quaque re bene, quid malè dicatur. Huius *μαθηματικὴ* contrarium est *ἀναγνωστικὴ*, quæ tam sæpe obijcitur ab Aristotele ueteribus philosophis tum in Physicis, tum in Metaphysicis, quæ profectò nil est, quàm analytices ignoratio. Postremò hæc scientia est, quam Aristoteles cap. 1. libri undecimi Metaphysicorum, circa demonstrationem ac scientiam uersari, quasi circa proprium ac certum subiectum, dicit. Atq; illa quidem de utilitate sufficiant: nunc huius appellationis

nis causam uideamus. Ac primùm Analyticen ab analysisi appellatam esse, nemo non uidet: significat autem analysis, in ea ex quibus quæq; res constant dissolutionem. Quoniam igitur mathematicæ scientiæ, ut sunt certissimæ, & maximè accuratæ, ita omnibus alijs quasi exemplar propositæ sunt, ut quam maximè fieri potest, earum docendi ac probandi rationem sequantur. Continentur autem omnes mathematicæ hac ratione docendi, ut propositis primùm principijs quibusdam, tum deinde ad theorematum ac problematum ueniant demonstrationes: atq; ita rei cuiusq; scientiam efficiant, si alia ex alijs persequendo, ac ueluti retexendo, ad prima principia perueniatur, quæ sunt in quaque scientia simplicissima. Quid autem est reuocare hoc modo unamquamque rem ad sua principia, quam dissolvere? Hac profectò ratione factum est, ut illa mathematicarum docendi ratio, analysis meritis appellaretur: nec modò mathematicarum, sed etiam aliarum scientiarum, quæ (ut suprà diximus) omnes quæ ad eius fieri potest, mathematicarum perfectionem imitantur: ob idq; eandem illam docendi rationem sequuntur. Quinetiam ipsæ artes & facultates quæ plurimum à ueris scientijs differunt, id docendi genus, quantum rerum in quibus uersantur natura patitur, non omittunt: sed suas probationes, quandocunque aliquid docere probando uolunt, hoc modo conficiunt. Quo fit, ut quatenus cognitione quadam continentur, scientiæ nomine interdum appellentur. Vt enim omnis quæ ad docendum adhibetur, ex proprijs quibusdam constans ratio (*διδασκαλικὸν λόγον* appellat Aristoteles in libro de reprehensionibus Sophistarum)

appel-

appellatur non incommode demonstratio : ita om-  
nes artes & facultates, quatenus ueri cognitione a-  
liqua continetur, eatenus scientiæ non malè uocan-  
tur. non quòd ueræ illæ ac perfectæ sint scientiæ,  
quarum uis in sola rerum cognitione certa cerni-  
tur: sed quoniam in ijs etiam est causarum quædam  
cognitio, per quas, licet non omnino necessarias,  
quid tamen uerius sit in actione, aut effectione, mēs  
nostra intelligit. ob eam causam sæpe nomen *ἐπιστήμη*,  
id est scientiæ, à Platone & Aristotele in ijs ap-  
pellandis usurpatur. Quia igitur hæc una est omniū  
scientiarum uia, quam in docendo ipsæ sequuntur,  
ut principia quædam initio proponantur, ex quibus  
omnium quæ in quacunq; scientia traduntur, tum  
oriatur cognitio, cum ad illa initia reuocantur : nil  
est autem hæc docendi ratio quàm analytis: profe-  
ctò non incommode illa ars quæ explicat omnium  
scientiarum docendi modum, Analytice appellata  
est. Analytin autem ex Aristot. 3. Ethic. capite 3. hoc  
modo definire possumus, causarum ex causis conti-  
nuatam eousq; persecutionem, donec ad prima il-  
lius rei, de qua quæritur, principia perueniamus.  
Sed quoniam aliæ etiam docendi rationes non mi-  
nus accommodatæ ad sciendum uidentur, quàm a-  
nalytis, consilium Aristot. hoc loco nobis uidetur  
esse explicandum, cur hanc unam rationem potissi-  
mum secutus sit. Plato, quemadmodum ex multis  
eius locis intelligimus, duas maximè docēdi ratio-  
nes probauit, *διαίρεσις* & *συναγωγή*, id est diuisionē  
& compositionem. Appellatur autem compositio,  
multorum in unam aliquam ideam, ac rursus huius  
& aliarum generis eiusdem, in aliam communem i-  
deam collectio, eousq; cōtinuata, dum ad summum  
aliquod



aliquod unumq; genus perueniamus. Diuifio uerò  
huic contraria, est distributio, quæ ducto à summo  
aliquo primoq; genere initio, eouſque perducitur  
per omnia media genera, dum ad ſpecies ultimas  
perueniatur. Ariſtotelis uerò aliud fuit conſilium:  
illam enim quam Plato uocat compositionem, uix,  
ac ne uix quidem, admittit in tractanda ſcientia. O-  
ſtendit enim Ariſtoteles ſtatim initio primi de Par-  
tibus animalium, hanc à rebus ſingulis ad uniuerſas  
progreſſionem in docendo ineptam eſſe, ac inuti-  
lem: quòd quidem neceſſe fit, eum qui hac uia per-  
ſequetur rerum ſubiectarum proprietates, eadem  
ſæpe repetere: quemadmodum illo loco exemplis  
apertiſſimè demonſtrat. Ergo in explicanda aliqua  
ſcientia, hanc rationem Ariſtoteles non admittit, ſed  
hactenus tantum utilem eſſe uoluit, ut ad inuentio-  
nem, itemq; ad cognitionem principiorum ualeret:  
quemadmodum ſatis indicant uerba illius, ultimo  
capite 2. lib. de Demonſtratione. Alteram autem ra-  
tionem, quam diuiſionem appellari diximus, ſuam  
quidem habere utilitatem in tractandis ſcientijs e-  
xiſtimauit Ariſtoteles: ſed eam tamen ut minimam  
particulam Analytices cenſeri debere, ipſe ſcribit  
capite 32. lib. 1. de Ratiocinatione. Quam uerò uti-  
litatem habeat hæc diuidendi ratio, tum illo eodem  
capite breuiter oſtendit, tum uerò ampliſſimè 2. li-  
bro de Demonſtratione capitib. 5. 14. & 16. Quan-  
quam igitur ſit utilis ad tradendas ſcientias ratio di-  
uidendi, non putauit tamen Ariſtoteles tatum in ea  
eſſe momenti, ut hanc faceret unam quandam expli-  
candæ ſcientiæ rationem, ſed eam quaſi particulam  
analyſeos tractauit in Analyticis. Quinetiam defi-  
niendi rationem, cui tantum non modò Plato, ſed

## 254 IN ANALYT. POSTER.

etiam ipse Aristoteles tribuit, ut alterum hunc sciendi modum 2. capite primi de Demonstratione, itemq; 3. capite secundi libri appellaret, ad Analytici ut partem quandam reuocauit. Quanquam enim ex quatuor quæstionum generibus tres, an sit, quale sit, & quamobrem sit, demonstratione absoluantur: quæstio autem Quid sit, tantum definitione: ob idq; sit ipsa per se quædam scientia, nosse quid res sit: non tamen id statim existimandum est, definiendi rationem non esse analytices partem. Est enim omnis definitio (ut inquit Aristoteles cap. 7. primi de Demonstratione, & cap. 10. secundi) aut principium demonstrationis, aut ipsa hoc dempto demonstratio, quod paulo diuersus magis est uerborum in demonstratione quam in definitione contextus, aut demonstrationis conclusio. Cum igitur omnis cuiusq; modi definitio, ut illis uerbis indicat Aristoteles, aliquo modo pertineat ad demonstrationem: subiectum autem analytices sit demonstratio: profecto negari non potest, ad subiectum analytices, indeoq; ad ipsam analyticen pertinere definitionem. Vnam igitur Aristoteles existimauit esse uiam tradendarum omnium scientiarum, analytin: in qua una omnes reliquæ rationes ab alijs inuenta continentur: scientia autem quæ illius analyseos naturam, partes, ac proprietates explicat, Analytice uocatur. Neq; enim mihi placet, omnium quos adhuc uidi Aristotelis ininterpretum ratio, quam reddunt, cur Analytica inscripserit libros illos quatuor, quorum duo sunt de syllogismo, & duo de demonstratione. In eam enim sententiam ferè omnes Græci ueniunt, Analytica appellata esse ab ea parte, in qua de analyti syllogismorum docet. Quod quam uerum sit, ipsi

ipsi uiderint. mihi certè non sit uerisimile, à minima parte quæ in quatuor libris tractatur, librorum quatuor inscriptionem esse desumptam: maximè cum analysi syllogismorum illo loco tractetur, ut una quædam proprietas ratiocinationis inter alias, quas duobus libris de Syllogismo tractat. Adde, quòd illi mihi non uidentur intellexisse, quatuor quidem librorum inscriptionem fuisse analytica, quemadmodum ex Aristotele intelligimus, citante sub hoc nomine tum priores, tum posteriores libros. Nam loquens Aristoteles de aliqua re quæ in libris de Syllogismo à se tractata sit, quàm sæpe analytica citat? ut capite primo secundi de Interpretatione, item 4. & 5. capite octauo libri Topicorum, item primo Rhetoricorum & secundo, multis in locis. Et cum loquitur de aliquo à se explicato in libris de Demonstratione, nunquid sub hac eadem inscriptione sæpe citatur 6. & hic cap. 3. duobus in locis. item 7. Metaphysico. cap. 12. item 2. cap. de Reprehensionibus sophistarum: quo sanè in loco aperte indicat, horum quatuor librorum inscriptionem fuisse Analytica. Mihi, inquam, hoc uidentur nostri interpretes ignorasse, hanc fuisse communem horum quatuor librorum inscriptionem, *ἀναλυτικὰ* propriam autem Priorum inscriptionem fuisse, de Syllogismo: Posteriorum, de Demonstratione. Quod ne fingere uideamur, Galenum testem laudabimus: Scribit enim in libello quodam ubi libros suos enumerat, de suis in libros Aristotelis de Syllogismo commentarijs, in hanc ferè sententiam: Inscribunt autem illos libros hoc tempore ferè omnes *ἀναλυτικῶν ποσῶν*, sicut eos qui de Demonstratione sunt *ἀναλυτικῶν δυνάμεων*. ipse autè Aristoteles illorum, sub

sub inscriptione de Syllogismo, horum, sub inscriptione de Demonstratione, meminit. Item in lib. 4. de Differentijs pulsuum, ad finem, scribit ijs uerbis: Sed iam libros etiam de definitionibus duos conscripsi, tertium & quartum commentarium in secundum librum Aristotelis de Demonstratione, cui libro titulum multi indiderunt, *ἀναλυτικῶν δυνάμεων*, sicut & libris de Syllogismo *ἀναλυτικῶν ποτέρων*. Ex ijs opinor Galeni uerbis satis perspicuum est, ueram inscriptionem Priorum librorum esse de Syllogismo, Posteriorum de Demonstratione: fuisse autem mutatam sua ferè ætate inscriptionem, in eam quæ etiamnum extat in omnibus libris. nisi quòd in noua inscriptione librorum de Demonstratione, ubi erat *δυνάμεων*, scriptum est *ὑτέρων*: quæ licet idem ualeant, illud tamen non est cognitu indignum, ueterem titulum post Galeni tempora, fuisse *ἀναλυτικῶν δυνάμεων*, non autem *ἀναλυτικῶν ὑτέρων*. Semper enim Galenus sub titulo *ἀναλυτικῶν δυνάμεων* citat, nūquam *ἀναλυτικῶν ὑτέρων*, ut ex duobus illis locis paulo antè citatis apparet: item quæ ex libro quarto de Differentijs pulsuum, non longè ab initio: & ex libro secundo de Placitis Hippocratis & Platonis. Quæ causa est, ut ueterem secuti inscriptionem, appellauerimus hunc librum de Demonstratione, siue de secunda parte *ἀναλυτικῶν*. Sed quoniam hæc aliquanto longius progressa sunt, redeamus unde diuertimus. Si igitur est uera Priorum inscriptio, de Ratiocinatione: Posteriorum, de Demonstratione, quemadmodum ostendimus: ridicula hæc profectò causa est, cur quatuor simul libri Analytica inscripti sint, quòd uno quodam in loco de analyti syllogismorum agatur. Scio adduci rationes quasdam,

quasdam, cur licet uno tantum loco de analyfi agatur, analytica tamen potius quam systatica, hoc est quasi compositoria appellentur. Sed mihi illæ non satisfaciunt: nec cuiquam puto placerent, accurate illa exquirèti. Itaq; eas ego suis authorib. relinquo. Aliorum fuit alia sententia, ob id scilicet appellata fuisse analytica, quod eam docendi rationem quæ analysis uocatur, in explicâdo syllogismo & demonstratione secutus sit Aristot. Quod quanquã uerum sit, non tamẽ hanc inscriptionis rationem existimo. Ego enim eos rogare, cur illos potius libros, quam alios quosuis, Analytica inscripserit Aristot. Si quidem id perspicuum sit, omnib. ferè suis libris hanc secutum fuisse docendi rationem. nisi si quis se uelit fateri doctrinæ Aristot. planè ignarũ. Ergo reiectis aliorum sententijs, in nostra maneamus, analytica ob id inscribi, quod ijs quatuor libris explicatur uniuersa illa tradendarum scientiarum omnium ratio, quæ Analysis appellatur, quã uiam & probauit Aristoteles, & in omnib. suis libris, quam maximè fieri potuit, secutus est. Postquam igitur superioribus duobus libris, quæ est prior pars analytices, syllogismi naturã uniuersam, partes & proprietates exposuit: nunc aggreditur ad explicationem demonstrationis, quæ duobus etiam libris comprehensa est. Ac primo quidem libro, primũ quædã ueluti principia, ad eorum quæ postea sequuntur demonstrationem necessaria, ponit, simul naturam demonstrationis definitione explicans: id quod ad quartum usq; caput facit. Illo loco incipit partes ac proprietates demonstrationis exquirere. Ac proprietates quidem sunt, constare ex necessarijs, constare ex ijs quæ per se insunt, ex æternis, ex ijs quæ propria sunt illius rei

r quæ



quæ demonstratur: item in prima figura maxime concludi: item contrariam habere ignorationem: item certo rerum numero, non infinito contineri, & huius generis multa, quæ illo libro docentur. Partes autem explicatur, cum aliam quod res sit, aliam cur ita sit, probare ostendit: item cum aliam uniuersam, aliam de parte, unam affirmantem, alteram negantem, denique unam directam, alteram per incommoda rem de qua quaeritur confirmantem facit. Vbi simul partes explicando, partium explicat aut potius demonstrat proprietates. Nam comparatio partium inter se, quod una sit melior, altera deterior, & cur ita sit, quid est quam rei proprietas? Atque in ijs ferè liber primus continetur. In secundo autem nil ferè tractatur quam de definitione: id quod eò (mea quidè sententia) factum est, quod secundo cap. primi libri dixerat, exquisitum se postea an esset alius sciendi modus, quam per demonstrationem. Vt igitur alterum illum sciendi modum exquireret Aristoteles, quia uidebat id dubium esse, an esset: propterea an quid est, possit demonstratione probari, primum exquirat. Nam si, quid res sit, non demonstratur, sciatur autem per definitionem quid res sit: profectò dubitari iam non potest, quin aliud sit per definitionem scire, aliud per demonstrationem. Priusquam autem ueniat ad illam quaestionem, an quid est demonstrari possit, statim initio quatuor quaestionum genera ponit, ut ex quatuor quaestionum generibus, quibus omnia quæ sub scientiam cadunt continentur, intelligeremus tria per demonstrationem cognosci: quaestionem autem quid est relinqueret, de qua quaereret, an etiam demonstratione cognosceretur: Et quoniam per definitionem sciri quid est, non per demonstrationem,

strationem, ex longa utrâq; in partem disputatione  
relinquitur, rationem definiendi uniuersam absoluta  
illa disputatione exquirat. Quâquam autem ille per  
definitionem sciendi modus, diuersus est reuera à  
scientia quæ per demonstrationem acquiritur: est ta-  
men ita affectus ad demonstrationem, quemadmo-  
dum suprà ostēdimus, ut pars quædam scientiæ de-  
monstratiuæ non immeritò censeatur, uel hoc nomi-  
ne, quòd licet demonstratione non probentur defi-  
nitiones: in demonstratiue tamen, ac per affectionē  
quam habent ad demonstrationem, ferè omnes co-  
gnoscentur, ac per demonstrationē (ut ostendit Ari-  
stoteles) illustratur, maximeq; illæ quas Aristoteles  
*λέγεις διὰ τὴν ὁρίσιν* appellat, hoc est, definitio-  
nes causam cur res sit explanantes: quæ ut solæ sunt  
perfectissimæ, ita nō sine ratione Galenus eas solas  
*ἀπὸ τῶν ὁρίσεων* appellandas esse existimat. Quia igitur non  
parum momenti est in definitione, sed ille etiam est  
unus quidem per se sciendi modus, propterea am-  
plissimè de ea agendum fuit. Sed etiam quia ad de-  
monstratiuā scientiam pertinet, ob id in ijs libris u-  
bi de demonstratiue agitur, fuit tractanda: id quod  
Aristoteles fecit. Postquam autem uniuersam illam  
disputationē de definitione absoluit, ad extremum  
communes uniuersæ scientiæ demonstratiuæ quæ-  
stiones proponuntur & dissoluuntur: de utilitate di-  
uisionis, ad cognoscendas rerum de quibus quæri-  
tur causas: & quæ sint eadem, quæq; diuersa proble-  
mata: & an reciprocantur semper causæ cum esse-  
tis: deniq; principiorum scientiæ demon-  
stratiuæ, quæ & qualis sit  
cognitio.

DE DEMONSTRATIO-  
NE, SIVE DE SECUNDA PARTE  
ἀναλυτικῶν, Liber primus:

NIC. GROVCHIO Interpretē.

CAPVT I.



Mentis doctrina, omnisq; disciplina, quæ  
ratione et intelligentia perficitur, ex an-  
tecedente cōstat cognitione. Id quod per-  
spicuum erit, si singulas persequamur di-  
sciplinas. Primum enim mathematicæ  
scientiæ, atq; adeo cæteræ omnes artes, hac ratione conti-  
nentur. Deinde et dialectici hoc modo aut ratiocinatione,  
ne, aut inductione differūt. utraq; enim argumētatione,  
iis quæ antè cognita sunt, id quod quæritur, docetur.  
Illa quidem, acceptis quibusdam quasi perceptis & co-  
gnitis ab iis quibuscum disputatur: hac uerò, ob id quod  
res uniuersa efficitur per singularia, quæ sunt unicuique  
manifesta. Postremò & oratores hanc in probando ra-  
tionem sequuntur. aut enim exemplis, quæ inductiones  
aut enthymematibus, quæ ratiocinationes sunt, probāt.  
Prænotionū autem duo sunt genera: quædam enim sunt,  
in quibus necesse est quod sunt antè cognoscere: alia, in  
quibus uis uerbi ac significatio intelligenda est: in alijs  
quibusdam utrunq;. ueluti illud, in quacunq; re uera est  
affirmatio aut negatio, quod sit, intelligēdum est. Trian-  
guli autem hanc esse significationē, nosse satis est. unita-  
tis autē & significatio intelligenda est, & quod ipsa sit,  
statim initio accipiēdum. neq; enim eodem modo unum  
quodq;

quodq; horum nobis cognitū ac perspectum est. Sunt autem eorum quæ cognoscuntur, quædam quæ ob id postea à nobis cognoscuntur, quoniā antecessit aliarum rerum cognitio. Alia uerò sunt, quorum simul cum altero acquiritur cognitio: cuius generis sunt singulæ partes, quæ sub uno genere uniuerso, quod tibi cognitum sit, comprehenduntur. Nam quòd omne triangulū tres habeat angulos pares duobus rectis, prænoueras: quòd uerò etiam illud quod in semicirculo descriptū est, tale sit, statim ubi animus aduertisti ad illud, agnouisti. Sunt igitur res quædam, quæ hoc modo in alijs cognoscuntur, nec medio adhibito extrema intelliguntur. cuiusmodi sunt omnis generis uniuersi singulæ partes, omniaq; quæ de nullo subiecto dicuntur. Ac fatendum est quidem, priusquam aut inductione aut rationatione illa concludamus, modo quodā illa iam sciri, & modo quodam alio nesciri. Nam quòd omnino nescit quisquā an sit, quomodo illud tres habere angulos pares duobus rectis, planè scire poterit? Attamen illud perspicuum est, quòd ea ex parte id scit, qua in toto genere illud cognitum ac perspectū habet; per se autem ac distinctè adhuc nescit. alioqui in laqueos illius quæstionis, quæ est apud Platonem in Menone, incidemus, ut aut omnino nihil discamus, aut id quod iam antè sciebamus, neq; enim cū ijs consentio, qui hoc modo soluere ista conantur: Scis ne omnem binariū parem esse? illo autem se scire dicente, tum proferebatur binarius aliquis, quem ille ne esse quidem suspicabatur, ob idq; nec parem esse sciebat. Ita enim dissoluunt, ut se dicant nescire quidem omnem binariū esse parem, sed omnē quem sciebant esse binarium. Atqui id dubium non est, quin id sciant quod

demonstratione conclusum est, & eo modo quo ijs probatum est. probatum autem eis est non de omni triangulo aut numero quem esse scirent, sed omnino ac simpliciter de omni triangulo aut numero. Nam nec sumptionum ulla in demonstratione cū hac adiectione sumitur, quæ scis esse numerum: aut, quod scis esse euthegrammum, id est quasi rectilineum: sed simpliciter in omni accipitur. Nihil igitur, mea sententia, uetat quo minus quod discas partim scis, partim nescias: neque enim incommodum est, id nos aliquo modo scire quod discimus: sed nos hoc modo scire, hoc est qua ratione & quomodo discimus, id iam scire, id uero est incommodum.

## CAPVT II.

Plane autem ac perfecte rem scire quisque censetur, ac non sophistarum modo (qui incertis ac fortuitis continentur) quando causam, per quam res est, ita ipsius rei causam esse cognoscit, ut non posse omnino rem aliter habere credat. nam quod rem scire, sit tale quidpiam quale dicimus, hoc argumento perspicui potest: quod omnes qui aut reuera sciunt, aut se scire putant, ob id aut sciunt, aut scire se existimant, quod rem ita se habere uti diximus, aut reuera, aut sua opinione cognoscunt. Itaque res quæ sub scientiam cadit, ita est certa, ut omnino aliter esse non possit. Ac sit ne aliud quidem genus sciendi, postea dicemus: illud nunc certum est, scire illum, qui per demonstrationem rem cognouerit. Demonstrationem autem uoco, ratiocinationem: quæ scientiam gignere ob id dicitur, quod illa animo comprehensa statim rem scimus. Si igitur id est scire quod diximus, necesse est demonstrationem scientiam ex ijs sumptionibus constare, quæ & uere sint,



re sint, & prima, & (ut sic dicā) immediata, & notio-  
 res, & priores deniq; & causæ conclusionis. nam si hæc  
 sint omnia, fiet ut accommodata sint ad id quod demon-  
 stratur, principia. Quanquam enim possit esse ratio-  
 cinatio, ut simul hæc non sint omnia, in demonstratione tamen  
 sunt necessaria: alioqui ut rem sciamus, nūquam efficiet.  
 Ac ueras quidem esse propositiones propterea oportet,  
 quoniam id scire non possumus, quod aliter habet atq; pu-  
 tamus: ueluti quod diagonus quadrati cum aliquo ex la-  
 terib; conuenire possit, cadere sub scientiam non potest.  
 Primas uerò ac indemonstrabiles easdem illas esse opor-  
 tet, quoniā illas quidem perspectas & cognitās habere  
 sine demonstratione possemus, si etiam illæ demonstratione  
 probari possent. Nam ea quæ demonstratione concludi  
 possunt, tum demū certē, ac non fortuitō sciūtur, cum est  
 animo cōprehensa eorū demonstratio. Sed etiā ut causæ  
 sint conclusionis & notiores prioresq;, necesse est. Nam  
 tum demum rem scimus, cum causam cognoscimus. Atqui  
 si causæ sint, necessariō efficitur, ut priores sint, & notio-  
 res: ac notiores quidem, non hoc tātum modo, ut uerbo-  
 rum uis ac significatio intelligatur: sed etiam, ut quod i-  
 ta res habeat, cognoscamus. Dicuntur autem priora &  
 notiora duobus modis. ut enim sunt alia quæ sunt naturæ  
 ordine priora, alia quæ nobis: ita plurimū inter se diffe-  
 runt, quæ omnino ac per se notiora, & quæ nobis magis  
 nota sunt. Ac nobis quidē illa priora et notiora appello,  
 quæ nostris sensibus magis obiecta sunt: omnino autem  
 ac per se, ea quæ sunt ab ijs remotiora. Huius generis sunt  
 res uniuersæ, illius res singulæ: quæ inter se res contra-  
 riæ sunt. Quod autem suprà diximus, ex primis constare

demonstrationem: id ita accipiendum est, ut ex proprijs principijs constare eā intelligamus. Prima enim & principia pro eodem sumo. Est autem principium demonstrationis propositio, quæ ob id immediata dicitur, quoniam nulla est alia prior, per quam ipsa cōfirmari possit. Propositio est enunciationis pars altera, in qua unum de uno enunciatur. Ac dialectica quidem propositio est, utrauis sine ullo discrimine pars contradictionis, ad probādum aliquid sumpta. Demonstratiua autē, altera tantum, atq; ea demum quæ est uera. Enunciatio est, omnis contradictionis pars utrauis. Cōtradictio autem est, contrariorū illa oppositio, in qua nihil quod uerè medium sit, reperi ri potest. Huius pars una affirmatio est, in qua unū alteri attribuitur; altera negatio, in qua unū alteri detrahitur. Principia immediata, quæ in demōstrationibus accipiuntur, in duo genera distribui possunt. unum eorum quæ quanquā demonstrari non possint, non tamen ita aperta & per se manifesta sunt, ut necesse sit iam antè cognita esse ei qui artem aliquam discere uelit: quas nos positiones appellamus. altero genere cōtinentur ea quæ ita sunt per se ipsa perspicua, ut non possint non esse omnib; multo antè cognita ac perspecta, quàm quicquam doceatur; quæ pronunciata dicuntur. Nam cum huius generis res quædam sint, tum uerò in illis appellandis hoc nomine pronunciatorum uti solemus. Sed & positiones rursus in duo genera diuidūtur; in hypotheses, quas suppositiones appellemus, & in definitiones. Ac suppositiones quidem sunt, cum alterutra pars enunciationis, ueluti aut esse aliquid, aut nō esse, sumitur. Definitiones uerò sunt, in quibus neutrum accipitur. Quanquā enim definitiones sunt  
posi-

positiones (id enim ab Arithmeticis inuiro poni solet, unitatem, uerbi gratia, id esse quod per quantitatem diuidi non potest) suppositiones tamen esse non possunt. Neque enim idem est, quid sit unitas accipere, & esse in rerum natura unitatem ponere. Quoniam autem ob id certò rem scimus, ac credimus, quia præceptâ animo habemus ratiocinationem illam, quæ demonstratio à nobis paulo antè dicta est: omnis autem ratiocinationis uis posita est in ijs ex quibus constat sumptionibus: illud certè necessariò efficitur, huiusmodi principia, aut omnia, aut aliqua, non modo esse antè cognoscenda: sed etiam multo magis, quàm ea quæ ex ijs còcluduntur, scienda. Semper enim id magis tale est, quod causa est ut tale sit alterum: ueluti, is nobis semper charior est, cuius causa alterum amamus. Si igitur hoc principia efficiunt, ut & sciamus, & quin ita res habeat non dubitemus: illa necesse est multo à nobis melius intelligi, quàm quæ per ipsa concluduntur. At qui nemo alijs rebus maiorem fidem habet, quàm ijs quæ certò scit: si illas aut per demonstrationem, aut certiore aliqua ratione non sciat. Quod tamen fatèdum erit, si ea non sunt nobis antè cognita, quæ faciunt nobis fidem rei quæ demonstratione concluditur. Planè enim necesse est credibilia esse principia aut omnia, aut quædam, ipsa conclusionem. Qui igitur per demonstrationem alicuius rei scientiam consecuturus est, eum necesse est non modò magis nosse principia, eisq; maiorem fidem habere, quàm rei quæ demonstratur: sed etiam omnino illi nil debet esse credibilis principijs, atque adeò nil certius scire debet, quàm horum principiorum contraria talia esse, ut si quid ex ijs concludatur, summam in-

scientiam atq; ignorationem rei efficiat. Alioqui id uerè dicere non poterimus, Scientem hominem ita esse immutabilem, ut omnino labi atq; errare non possit.

## CAPVT III.

Sed quoniam principia antè sunt scienda, quàm id quod concluditur: ob id quibusdam uisum est, nullam omnino posse esse scientiam. Aliorum contraria fuit sententia, omnium rerum esse demonstrationem. Sed neque hi, neque illi uerum dicunt, neque id necessariò efficiunt quod uolunt. Primum enim, qui omnem scientiam è medio tollunt, ex eo nil non posse scire confirmant, quòd in infinitum regrediendum sit: semper autem, ut sciamus posteriora, necesse est ut priora cognoscantur, quorum sunt aliqua tandem prima. Ac illi quidem hætenus bene dicunt: infinita enim animo percurrere non possumus. Quòd uerò in infinitum sit regrediendum, sic confirmant: quoniam si exitus tandem aliquis reperiatur, ac principia quædam dari possint, in quibus mens tandem consistat, illa necesse erit nobis esse incognita: quandoquidem illorum sententia, omnis cognitio ac scientia per demonstrationem acquiritur: illa autem si prima sint, demonstrari non possunt. At uerò si principia sciri non possint, ne illa quidem quæ ex ijs conficiuntur, planè et absolute intelligi poterunt, sed tantum quasi ex conditione, si illa sunt, ista esse scientur quæ per illa probantur. Alij autem in hoc quidem cum superioribus consentiunt, quòd non aliam putant esse scientiam, quàm quæ per demonstrationem comparatur: sed fieri posse ut omnium rerum sint demonstrationes, ipsi existimant: quando id fieri possit ut omnes res uicissim per se mutuo probentur.

pentur, ac ueluti in orbem redeant omnes omnium rerum demonstrationes. At uerò nostra longè alia est sententia. Primum enim, non omnem scientiam demonstrationem esse, sed principia quia immediata sunt, sine ulla demonstratione sciri posse existimamus. Id quod hac ratione perspicui potest. Nam si necesse sit scire ea quæ antecedunt, & ex quibus demonstratio constat: reperiamus autem aliqua tandem immediata, in quibus sit nobis consistendum: illa certe necesse erit sine ulla demonstratione cognosci. Itaque de hac re sic censeo, aliquam esse non modo scientiam, sed & principium quoddam scientiæ, quo nos extrema ipsa cognoscamus. Deinde uerò illud fieri non posse putamus, ut bene ac perfectè res demonstrarentur, si uicissim ita in orbem probentur. ex prioribus enim & notioribus constat omnis demonstratio. Fieri autem non potest ut res eadem, una eademque: re prior sit & posterior: nisi fortè id alio atque alio modo intelligatur. ueluti si uno modo quæ simpliciter & naturæ ordine priora sunt acciperentur, altero autem quæ nobis. quod posterius genus accommodatum est inductionibus: quæ ex ijs quæ hoc modo sunt priora, rem de qua quæritur faciunt manifestam. Quod si ita res habet, alterum horum dicendum est, aut propterea non rectè à nobis supra definitum esse, quid sit planè ac perfectè rem scire, quia huius duo genera non fecimus: aut pro demonstrationibus accuratis eis non esse habendis, quæ ex notioribus nobis constituuntur. Iam uerò illos qui ita sentiunt, in orbem res bene demonstrari, non modò illo quod nunc diximus incommodo urgere possumus: sed hoc etiam, quod qui ita probant,



nil aliud dicant, quàm id quod ridiculū est, si res aliqua sit, illā ipsam esse: quo certē modo facile erit omnia demonstrare. Illud autem sequi incommodum, quod dico, perspicuum erit, si tria extrema accipiamus. Nam id nil interest, an multis, an paucis interpositis, retrò commeēt probationes: modò ne in paucioribus quàm duobus, tuam illam ac reciprocam demonstrandi rationem fieri intelligamus. Quando igitur si sit *a*, necessariò est *b*: & si *b* sit, necessariò est *c*: id etiam ad extremū concluditur, si *a* sit, *c* esse. Itaq; si *a* posito sequitur *b*, & contrā ex antecedente *b* consequitur *a*, cuius generis erat reciproca demonstratio, loco consequentis *a* sumamus *c*: tum profectò ex *b* antecedēte *a* concludere, idē erit ac si ex eodem ipso *b* concluderes *c*. Atqui ex antecedente *a* conficere *c*, nil erat aliud quàm ipsum *a* ex se ipso efficere. Illud igitur aduersus illos qui hoc genus probādi reciprocum induxerunt, rectē effectum est, nil hoc cum dicūt aliud eos dicere, quàm huiusmodi conclusionem ualere, si *a* est, *a* est: quo profectò modo facile erit omnia demonstrare. Præterea reciprocum hoc genus probandi in ijs tantum uerbis locum habere potest, quæ uicissim retrò cōmeant, cuiusmodi sunt propria. Atqui uno posito simplici uerbo, aut una propositione, iam antea demonstratū est nil necessariò cōcludi posse: sed minimum duas primū accipi sumptiones oportere, ut ratio cinatione aliquid concludatur. Si igitur mediū uerbum *a* sit consequens extremorum *b*, *c*, atq; ista extrema inter se reciprocentur, etiā necesse erit ut uicissim retrò commeent cum *a* medio. Ac fieri quidem posse, ut quæ uicissim hoc modo retrò comeant, in prima figura concludantur omnia, iam antè à nobis

nobis demonstratum est in libris de Ratiocinatione. Sed etiam illud simul probatum est, in alijs figuris aut omnino hoc genus conclusionum locum non habere, aut ex ijs quæ sumpta sunt rem non posse cōcludi. Omnino autem in ijs uerbis quæ non reciprocantur, huiusmodi in orbem reciproca demonstratio fieri non potest. Quare si in demonstrationibus pauca sunt huius generis uerba, quæ admodum pauca esse certum est: illud certè perspicuum est, ridiculum esse, uel potius omnino fieri non posse, ut propterea omnium rerum sint demonstrationes, quoniam uicissim in orbem res concludi possint.

## CAPVT IIII.

Quoniam autem id quod certò scimus, non potest se aliter habere: illud profectò sequitur, rem esse necessariam, quæ sub scientiam cadit demonstratiuam. Atqui scientia demonstratiua est, quā tum habemus, cum mente percipimus alicuius rei demonstrationem. Quare demonstratio erit ratiocinatio, quæ ex necessarijs constat. Dicendum igitur, quæ & quales sunt res illæ ex quibus demonstrationes conficiuntur. Ac primū explicandū, quid est quod in omni inesse dicimus: tum, quæ sint ea quæ per se conueniunt: postremò, quid est, in uniuerso genere spectari. In omni id dicitur, quod ita in alterum cadit, ut nec sub illo genere partem ullam accipere possis, cui non conueniat: nec ullum tempus inuenire, in quo de illo non dicatur. Vt si in omni homine dicitur animal, necesse est ut quacunque in re uerè enunciabitur homo, etiam animal enuncietur: & quocunq; tempore illud uerum erit, & hoc uerum esse. Item, si in omnem lineam cadit punctum, idem illud quod in superiori exem

plo

plo dicendum. Quod uerò id sit in omni inesse, quod dixi, argumento est, quod omnes qui rogati fuerint, nūquid in omni quippiam insit, ita occurrere interrogationi solēt, ut aut aliquid subiiciāt cui illud non insit, aut certo quodam tempore non conuenire ostēdant. Per se autem illa primū conueniunt, quæ in explicanda rei natura atq; essentia adhibentur. Vt triangulo per se inest linea, lineæ punctum. Nam & in natura triāguli & lineæ, hæc insunt: & in definitione qua declaratur quid illa sint, ponuntur. Deinde illa etiā per se insunt, quæcunq; rem aliquam ita consequuntur, ut cum quid illa sunt definitione explicatur, necesse sit rem ipsam in definitione accipit quomodo lineæ cōueniunt rectum & circumductū, & numero par & impar, itē primū & compositū, deniq; quod parib. constat lateribus, & quod productiorib. aliter ex parte oris constat. Nam si ista uelis quid sint definitione declarare, in his quidē numerū, in illis autē lineā necesse erit adhibere. Atq; ut omnia similia semel complectar, ea omnia per se inesse dicēda sunt, quæcunq; aut hoc posteriore modo, aut illo priore, alteri cōueniunt: quæ uerò neutro modo insunt, accidentia appellabūtur. cuiusmodi sunt, album & musicū, quæ animalis sunt accidentia. Est uerò & alia significatio huius uerbi, cum ea per se esse dicuntur, quæ cum appellātur, in nullo subiecto esse intelliguntur. Nam cū ambulare dicimus, aliud quiddam intelligamus oportet, in quo illud ipsum ambulare insit: et cum album appellamus, aliud quoddam esse oportet quod album sit. Substantia autem, & omnia quæ hoc aliud significāt, aliud nihil sunt quā id ipsum quod sunt. Quapropter quæ in nullo subiecto insunt, ea per se esse

esse dico : quæ uerò in subiecto insunt, ea accidentia ap-  
 pello. Est etiam aliud quoddam genus, quo ea per se esse  
 dicuntur, quæ suapte natura ac propter se alteri conue-  
 niunt : quæ uerò non propter se conueniunt, accidentia  
 dicuntur. ut si ambulante aliquo fulserit, accidens est :  
 propterea quòd fulguris causa non est ambulatio, sed ita  
 fortè accidisse dicimus. Quæ uerò propter se cum alte-  
 ro sunt coniuncta, ea per se sunt : ueluti, ut quis iugulatus  
 intreat, id per se fieri dicimus, quando interius causa  
 est ipsa iugulatio, neq; id fortè ita contigisse dicimus, sed  
 quia iugulatus erat, ob id mortem obijisse. Itaq; in ijs re-  
 bus quæ sub certam ac perfectam scientiam cadunt, o-  
 mnia illa quæ duobus illis prioribus modis per se inesse  
 dicuntur, aut quoniam insunt in attributorum definitio-  
 nibus subiecta, aut contrà in subiectorum attributa : o-  
 mnia in quâ illa necesse est cum propter se ac ui sua con-  
 uenire, tum uerò necessario ijs inesse quib; attribuuntur.  
 Neq; enim potest aliter esse, quin aut ipsa (si nil habent  
 contrarium) conueniant : aut in quibus contraria repe-  
 riuntur, ex ipsis alterum insit. ut lineæ necesse est aut re-  
 ctum aut inflexum inesse : numero, aut par aut impar.  
 Nam si omne quod alteri aduersatur, est quasi alterius  
 priuatio aut negatio, ad idem genus pertinens : ut par nil  
 est quàm quod in genere numerorum non est impar : ne-  
 cesse autem est in omni re aut affirmationem aut nega-  
 tionem dici : illud profectò ijs consequens est, ea quæ per  
 se insunt, necessario ijs conuenire quibus attribuuntur.  
 Atq; hæc de ijs quæ in omni, & de ijs quæ per se dicun-  
 tur, sufficiant. Ad uniuersum autem genus ea pertinere  
 dico, quæ & in omni insunt, & per se rei cōueniunt, &

hoc

hoc ipso quod res talis est. Ex quo perspicuum est, ea quæ in uniuerso genere cernuntur, necessario ipsi conuenire quibus attribuuntur. Per se autem, & hoc ipso quod tale est conuenire, idem significant. ut per se inest lineæ punctum, & rectum esse: ea uerò etiam lineæ, quia lineæ est, conueniunt. Et triangulo, hoc ipso quod triangulum est, conuenit habere tres angulos pares duobus rectis: sed & per se triangulo illud ipsum conuenit. At uerò uniuersum genus ut demonstraretur, necesse est non modò ut in ea re inesse demonstraretur, cui omni conuenire possit: sed etiam ut de eo concludatur, in quo primum omnium cernitur. ut tres habere angulos pares duobus rectis, neq; in uniuersum genus figurarum cadit (etiam si figuram non eam quidem quam uis, sed incertè figuram, probare possumus habere tres angulos pares duobus rectis) neque illud qui demonstratione concludunt, in quauis figura sine ullo discrimine id rectè conficere possunt: quadrangulum enim figura est, neque tamen tres habet angulos pares duobus rectis. isosceles autem habet quidem, quodcunque illud tandem sit, tres angulos pares duobus rectis: sed non id primum est in quo illud cernitur, cum ad triangulum id prius pertineat. Quicquid igitur illud tandem sit, quod primum aut habere tres angulos duobus rectis pares, aut aliud quiduis demonstrabitur, id erit, in quo primum omnium genus uniuersum spectabitur. Ac demonstratio quidem propriè ac per se erit, qua uniuersum illud genus probabitur: in alijs autem omnibus, non propriè ac per se, sed alio quodam non accurato genere demonstrandi, illud idem concludetur. Quinetiam in isoscele, si illud demonstra-

stretur



stretur quod diximus, non ostendetur uniuersum genus, cum id multò latius pateat quàm isosceles.

## CAPVT V.

Illud autem hoc loco ignorare non debemus, sæpe id usuuenire, ut in accipiēdo genere uniuerso peccemus, putantes ipsum genus uniuersum à nobis in eo esse probatū in quo primò inest, cum reuera in eo subiecto primū non cernatur. Oritur autem huiusmodi error, aut quando in uno genere una est res singula, ob idq; superius ea aliquid accipi non potest: aut cum rebus singulis multis est una quidem cōmunis ratio, sed tamen nullum nomen impositum est, quo illud genus appelletur, diuersis specie rebus conueniens: aut si res illa in qua inesse quippiam demonstratur, quasi pars tantū eius sit, in quo primò inesse conspicitur. In singulis enim partibus ita demonstrari potest, ut etiam conclusio sit de toto genere affirmatio. Attamen non erit ea generis uniuersi de eo in quo primū inest demonstratio: quandoquidē eam demum demonstrationē genus uniuersum in quo primò inest, conclusisse puto, quæ in ea re subiecta probauit, in qua inest, hoc ipso quòd talis est. Si quis igitur rectas lineas nō posse concurrere ostendat, illa quidem uidebitur esse demonstrationis, propterea quòd in omnes rectas lineas id cadere potest, & tamen non est demonstratio: siquidem illud non conuenit lineis pari semper intervallo distantibus, quia sunt rectæ: sed id omnibus pariter distantibus, qualecunq; illæ sint, conuenire posse cernitur. Et si nullum esset triangulum præter isosceles, conuenire uiderentur triaguli proprietates isosceli, quia isosceles sit. Et proportio commutata inest in numeris, quia numeri

sunt: & lineis, quia lineæ: & in solidis & temporibus, hoc ipso quod aut solida aut tēpora sunt, cum ita demonstratur, quemadmodū aliquando separatim de ijs singulis demonstratum est. Nihilominus tamen fieri potest, ut una demonstratione communi, illud ipsum de ijs omnibus concludatur. Sed quoniam non est nomen impositū quo illud appellemus, in quo ista, numerus, linea, solidum, tempus conueniunt, communiq; una ratione continentur: & quoniam sunt hæ res specie inter se differentes, idcirco singulatim illa accipiuntur. Atqui nunc demū quum natura cōmunis accipitur, ipsum genus uniuersum demonstratur. Neq; enim inest aut numeris aut lineæ hoc ipso, quod aut numeri aut lineæ sunt: sed qua ratione, communi illa ratione participant. Quare si quis una aut altera demonstratione concludat, singul. v. trianguli species, ut isopleuron, scalenon, & isosceles, habere tres angulos pares duobus rectis: is nondum nouerit (nisi quomodo cognoscere solent sophistæ) triangulum habere tres angulos pares duobus rectis. Ac ne si præter illas quidem tres species nullus alius sit triāgulus, ob id credendum est eum scire uniuersum genus trianguli. Neq; enim triangulum nouit hoc ipso, quod triangulum est: neq; nouit omne triangulum, nisi secundum numerum, secundum speciem autem, & qua ratione unum quippiam est triangulum, nō nouit: etiam si ex singulis nullum sit quod non cognoscat. Quod si id scire uelis, quando genus uniuersum non cognoscimus, & quando generaliter atq; absolute rem aliquam intelligimus, id ego hunc in modum faciam manifestum. Nam si non alia uis atque natura trianguli esset, quam huius aut illius isopleuri, aut uerō omnium

omnium simul isopleurorum, semper in uniuerso genere rem intelligeremus. At si est huius atq; illius diuersa ratio, insit autem aliquid triangulo hoc ipso quòd triangulum est, nisi hoc modo sciamus, genus uniuersum non intelligemus. An autem insit aliquid triangulo quia triangulum est, an uerò isosceli quia est isosceles: deinde, quando aliquid alteri primum conuenire dicendum sit: postremo, quòdnam illud tandem sit genus uniuersum, quod demonstratione concludendum est, una hac ratione cognoscemus. Quando tale erit aliquid, quod detractis alijs, in re aliqua inest, atq; adeò illi rei primum omnium conuenit: ueluti isosceli aëo triangulo conuenit habere tres angulos pares duob. rectis. sed etsi illa tollas, æneum & isosceles, adhuc restat cui conueniet. At si aut figuram, aut quod extrema habet, tollas, nil tum quidem erit, cui illud cōuenire possit: sed tamen non sunt illa, quibus primum sublati, hæc sublata est proprietas. Quo igitur primum sublato hoc esse desijt triangulo scilicet. Quare & alijs per hoc conueniet: & in hoc solo erit uniuersi generis demonstratio.

## CAPVT VI.

Atqui si demonstratiua scientia ex certis quibusdam ac necessarijs initijs oriatur (cōne enim quod sub scientiam cadit, non potest aliter habere. sunt autem ea quæ per se rebus conueniunt, necessaria: ex his enim alia in definitione rei subiectæ adhibentur, aliorum autem natura cum definitione explicanda est) adhibito ipso subiecto in quo insunt declaratur: in quo genere, semper alterum ex contrarijs in re subiecta inesse necesse est. Ex ijs illud perspicuum est, demonstrationem ex huiusmodi

quæ per se insunt, constare. Omne enim quod alteri cõuenit, aut hoc modo, aut per accidens attribuitur. Constat autem, accidentia non esse necessaria. Aut igitur ita certè statuendum est: aut uerò nobis hoc loco quasi principium quoddam accipiendum, demonstrationem rem esse certissimam & necessariam: & si quid est quod demonstratione conclusum est, illud omnino non posse aliter se habere. Ex quo illud necessario efficitur, eam rationationem, qua huiusmodi res concluditur, esse ex necessarijs sumptionibus constituendam. Nam ex ueris quidem propositionibus alius concludit quàm demonstrator: ex necessarijs uerò, quia id iam demonstrationis est proprium, non potest alius præter demonstratorem concludere. Quòd autem fiat ex necessarijs demonstrationis, hoc quasi signo intelligi potest: quòd cum uolumus occurrere & obsistere ei qui se aliquid demonstratione probasse putat, hoc nos ferè modo obsistere solemus, ut non esse id necessariũ quod accipit dicamus, si aut reuera posse rem secus habere existimemus: aut uerisimiliter infirmari posse quod adfert, hoc modo putemus. Quæ propter ridendi sunt, qui se putant accommodata ad demonstrationem principia habere, cum probabiles ac ueris acceperint propositiones. Qualis est illa Sophistarum propositio, Scire nihil est quàm scientiam habere. non enim quod probabile est, aut minus probabile, principium est: sed quod in eo genere, in quo demonstrationes uersantur, primum est: nec omne quod uerum est, unicuique rei demonstrandæ statim est accommodatum. Iam uerò quòd necessarijs esse demonstrationis sumptiones oporteat, ita confirmari potest: Qui causam quamobrem res sit

alteri con-  
tur. Con-  
et igitur ita  
quasi prin-  
tionem rem  
d est quod  
non posse  
cietur, eam  
tur, esse ex  
am ex ueris  
am demon-  
onstratōis  
onstratorem  
emonstratō-  
em uolumus  
onstratōne  
sclemus, ut  
aut reuera  
similiter in-  
s. Quapro-  
ad demon-  
es ac ueris  
ophistarum  
dabere. non  
le, principū  
ationes uer-  
est, unicuiq;  
n. iam uerō  
ones opor-  
nobrem res  
sic

sit ignorat, is per demonstrationem non est rei scientiam  
affectus. Atqui si ita ponamus, esse conclusionem, omne  
c est a, necessariam: medium autem b, per quod illud con-  
firmatur, nō necessariū: fieri non poterit ut quomobrem  
res sit intelligamus, quādoquidem talis conclusionis tale  
medium causa esse non possit. Potest enim euenire ut hoc  
non sit, cū interim necesse sit illam conclusionem sem-  
per esse. Insuper si quis nunc rem aliquā nesciat, cum  
res quam sciebat, eadem manet, & incolumis ipse est, &  
adhuc animo retinet probationem eandem quam prius,  
nec memoria aliquid quod ad eam rem pertinet excidit:  
si quis inquam ita affectus, nesciat tamen, annon id cer-  
tum est, ne prius quidē illa probatione rem scire potuis-  
se? Atqui si medium non est necessarium, interire potest.  
Cum igitur non erit mediū, illud necessariō eueniet quod  
dixi: ut incolumis ego, re nulla ex parte mutata, eandem  
animo retinens probationem, nesciam tamen. quare il-  
lud necesse est, ut ne prius quidem sciuerim. Nam quod  
fortasse non interijt reuera medium, nil refert: id enim  
satis est quod possit. illud autem quod possibile ac contin-  
gens est, iam euenisse sine ullo incommodo poni potest.  
Atqui fieri non potest ut rem sciamus, cum hoc modo af-  
fecti sumus. Ac si quidem necessaria est conclusio, non est  
necesse ut & medium ex quo efficitur illa conclusio, sit  
necessarium. Quemadmodum enim ex falsis uerum in-  
terdum concluditur, sic etiam ex non necessarijs inter-  
dum conficitur necessarium. At si necessariae sunt sum-  
ptiones, & conclusionem esse necessariam oportet: si-  
cuti ex ueris nil unquam nisi uerum efficitur. ueluti si  
necesse est omne b esse a, itemq; omne c esse b, ex his ef-  
ficatur



ficitur necessario, omne *c* esse *a*. At uero si non est necessaria conclusio, fieri non potest ut medium sit necessarium. Sit enim hæc conclusio non necessaria, Omne *c* est autem si medium ita accipiat, ut necesse sit omne *b* esse *a*, & omne *c* esse *b*: ex his assumptionibus efficitur hæc conclusio, omne *c* necessario esse *a*, quam nos tamen posueramus esse non necessariam. Quoniam igitur quod per demonstrationem scimus, certum semper est ac necessarium: ex eo illud facile colligitur, medium demonstrationis necessarium etiam esse oportere: alioqui fatendum erit, nos non modo non posse, quamobrem res est, scire: sed nec quod res sit, posse certo cognoscere, sed alterum semper horum uenire necesse est, ut aut falsam tantum habeamus scientiæ persuasionem, si id necessarium esse putemus, quod minimè est necessarium: aut ne falsam quidem opinionem scientiæ habeamus. Atque id dico pariter euenturum, siue adhibeatur tale medium ad probandum quod res sit, quasi per mediatas propositiones: siue ad ostendendum quamobrem res sit, quasi per sumptiones immediatas. Accidentia autem quæ non ita insunt per se, quemadmodum supra definiuimus, non possunt sub scientiam demonstratiuam cadere, eo quod in his conclusio necessaria esse non potest. Nam quod accidens est, potest non inesse: ego enim sic accipio hoc loco nomen accidentis. At quæret fortasse quispiam, Quorsum igitur de his accidentibus sunt interrogationes, nisi si aliquid tandem necessario concludi potest? Nam quid refert qualia sint quæ interrogantur, ut ex illis aliquid necessario efficiatur? Dicendum igitur, non ob id illa interrogari, ut res ipsa quæ concluditur, necessaria per ea quæ

quæ interrogata sunt efficiatur: sed ut tantum, si illa posita sunt, hæc etiam necessario admittenda esse concludamus: & si uera sunt quæ antecedunt, ueram etiam esse consecutionem efficiamus.

## CAPVT VII.

Sed quoniam in unoquoque genere ea necessario insunt, quæ per se alicui rei, & quia res huiusmodi est, conueniunt: perspicuum est, non modò de his fieri quæ per se sunt, sed etiam ex his constare debere omnes demonstrationes, quæ parere scientiâ possunt. Accidentia enim non sunt necessaria. ob idq; ex his quâobrem sit res, quæ concluditur, non possumus certò scire: nec si illa quidem accidentia semper sint, qualia ferè sunt ex quibus constât rationationes, quæ ex proprijs rerû notis ducuntur. Nam quod per se est, hoc modo, nõ per se sciet: quare nec quâobrem res sit intelliget. Porro scire quamobrè res est, nil est quàm rei causam nosse. Quapropter necesse est, ut et mediũ minori extremo propter se conueniat, & maius item extremũ medio. Ex quo illud efficitur, initiosum esse in demonstrando, ex uno genere in aliud migrare, ueluti si ex his in quibus uersatur geometria, aliquid probetur per ea quæ ad arithmeticam pertinet. Tria enim sunt in quibus omnis continetur demonstratio. Prima est, ea quæ demonstratione conficitur conclusio: conclusionẽ autem intelligo, illud quod de certo quodã genere, per se enunciari ostenditur. Sunt deinde & pronunciata, ex quibus illud ipsum colligitur. Tertiũ est, ipsum genus subiectum, cuius affectiones, & quæ per se conueniunt accidentia, demonstrantur. Ac diuersis quidem scientijs eadem pronuntiata interdum accomodantur. Quando uerò subie-

Etum est diuersum, quemadmodū arithmetica et geometria, tum semper est uitiosum, uelle arithmeticas demonstrationes accommodare ad concludendas magnitudinis affectiones: nisi fortē magnitudines, numeros quosdam esse putemus. Porro quemadmodum illud in quibusdam non incommode fiat, paulo post dicemus. Nunc illud constat, arithmetici demonstrationibus unum quoddam esse subiectum, circa quod omnes uersentur: id quod in alijs etiam fit scientijs. Itaq; necesse est genus subiectum aut idem omnino esse, aut certē ex parte aliqua cōiunctum: ut, quæ demonstrationes unius loci propriæ sunt, accommodatē alium etiam in locum transferātur. Nam quodd, nisi horum alterum sit, fieri illud non possit, uel hac ratione intelligi potest: quodd necesse est ut & medium & extrema ad idem genus pertineant; quæ si nō per se conueniunt, accidentia esse fatendum est. Quare ad geometriam non pertinet, ostendere, in rebus aduersis unā uersari scientiam: sed nec, quodd duo cubi unum cubum facere possunt. omninoq; quodd unius scientiæ est, conuenire alteri non potest: nisi fortē cū una sic erit ad alteram affecta, ut in una altera contineatur: quomodo ad geometriam optice, et ad arithmeticam musica affecta est. Imō uerō ne id quidem ad geometriam pertinet, quodd lineis non conuenit, quia lineæ sunt. aut si quid aliud est, quodd ex proprijs suis principijs confirmari non potest: qualia sunt ista, quodd recta linea sit omnium pulcherrima: quodd circumductæ lineæ aduersetur recta, neq; enim hæc lineis conueniunt hoc ipso quodd proprio quodd genere continentur, sed qua ratione communi aliqua natura participant. Caterū si demonstrationis propositiones

tiones sint de toto genere, illud perspicuum est, oportere  
 etiā ut conclusiones huiusmodi demonstrationis, imò ue-  
 rò (ut generaliter dicā) omnis demonstrationis, sint sem-  
 piternæ: ob idq; eorū quæ fluxa & caduca sunt, nullam  
 neq; demonstrātionem, neq; scientiam, nisi fortē incertā  
 quandam & quasi fortuitam, esse posse. nam quæ talia  
 sunt, in omni dici non possunt, sed aut tempore modo ali-  
 quo insunt, aut quadam ex parte conueniunt. Cum uerò  
 est huius generis ipsa res quæ concluditur, necesse est ut  
 minimum altera sumptionum & de toto genere non sit,  
 & caduca atq; incerta sit. Ac illa quidem incerta muta-  
 bilisq; futura est, eo quod talis est conclusio: de toto autē  
 genere non erit, quoniam necesse est ut quædam sint in  
 quibus dicatur, quædā in quibus non dicatur. Quo fit, ut  
 de toto genere concludi non possit: sed hoc tantum effici  
 potest, hoc uel illo tempore ita esse. Quod autē in demon-  
 strationibus dixi, idē in definitionibus dico. Omnis enim  
 definitio aut est demonstrātionis principium, aut ipsa de-  
 monstratio, nisi quod desideratur collocatio: aut demon-  
 strationis est cōclusio. Quamquam autem quædam sint,  
 quæ plerunq; statimq; tantum fiūt temporibus (qualis est  
 lunæ defectio) perspicuū tamen est, cum in ijs uniuersum  
 genus accipitur, non minus certas & perpetuas esse tum  
 demonstrationes tum scientias, quā in alijs. Cum uerò  
 non semper esse conspiciūtur, tum in parte accipi. Quod  
 autem in defectioe dico, idem in alijs eiusdem generis  
 intellectum uolo. Sed quoniam id iam satis constat, nun-  
 quam aptē aliquid demonstrari, nisi propria cuiusq; rei  
 adhibeantur principia: illud profectō non erit satis ad  
 rem sciendam, quæ propter se alteri conuenit, adhibuisse

in probando ueras, indemonstrabiles, immediatasq; propositiones. Illud enim euenire potest, ut cum tales erunt sumptiones, nihilominus tamen talis sit demonstratio, qualis erat Brysonis, qua circulum quadrare conabatur, probatio. Nā sunt huiusmodi aliquæ rationes, quæ communia quoddā, & alteri etiam non minus conuenientia, ad aliquid ostendendum accipiunt: ob idq; ad res nullam omnino inter se societatem, naturæq; coniunctionem habentes, accommodari posse tales rationes cōspiciuntur. Quo fit, ut ex illis non possimus rem per se, et quia huius generis est, scire: sed tantum per accidens. alioqui non potuissent in aliud quoddam genus transferri. Hoc enim est per se, & non per accidens scire: quando aliquid eo modo alteri conuenire intelligimus, quo illi cōuenit: idq; per principia quæ sunt illi, quia illud ipsum est, propria. ueluti, habere tres angulos pares duob. rectis, tū scimus, quando illud cui propter se cōuenit intelligimus: atq; adeo per principia, quæ ad illam rem propriè pertinent. Itaq; si quid est quod per se alteri conueniat, & quia est illud ipsum quod est: ad illud demonstrandum, necesse erit uerbū medium accipere ex earum rerum genere, quæ eandem habent cum illo naturæ societate: aut certè quæ sic inter se affectæ sint, quomodo arithmetica musica respicit. Quamquam enim in ijs quæ ad hunc modū inter se affectæ sunt, illam etiam in demonstrando rationē sequamur: illud tamen interest, quod alterius scientiæ est, quod res sit ostendere, eo quod est illius aliud quoddā subiectum: superioris autē scientiæ (ut quæ in ijs reb. uersatur, quarū hæ sunt propriæ, ac per se affectiones) est, quā ob rem res sit demonstrare. Quare & illud ex his perspicuū est, nil



nil unquā bene ac perfectē demonstrari, nisi ex proprijs principijs: sed tantū principia inferioris scientiæ, ad alia quæ aliquanto latius patent, pertinere. Atqui si illud certum est, & hoc quoq; minimo negotio perspicui potest, quod cuiusq; scientiæ principia propria, nō possunt quasi ex alijs rursus principijs demonstrari: alioqui illa ex quibus hæc cōfirmabuntur, omnium rerū principia esse fatendum erit: & scientiā quæ in ijs uersabitur, omnium esse certissimam, facileq; inter omnes principatum obtinere. Quo enim quisq; ex superioribus causis cognoscit, eo rem multo certius intelligit: siquidē ea semper priora sunt, quæ ita sunt causæ, ut nullis præterea causis habeant quarum effecta sint. Itaq; si ut quisq; ex priorib. cognoscit, certius cognoscit: is certē qui ex primis omnium rerū nouerit, certissime nouerit. Et si est illa semper magis ac magis scientia, hæc omnium maxime scientia erit. Atqui non potest unius generis demonstratio in aliud genus transferri nisi (quod paulo antè dictum est) perinac sint effecta, atq; geometriæ demonstrationes ad optica aut fabrica demonstrationes, & arithmetica ad musicas.

## CAPVT VIII.

Difficile autē est internoscere quando rei scientiā assecuti sumus, ei quando minime: eo quod non est facile intelligere, an cognoscamus per propria cuiusq; rei principia, an secus: cum tamen illud demū sit rem scire. Sed nos id sæpe ad rem sciendā satis esse existimamus, si modò ex ueris ac primis quibusdā samptionib. cōstet ratiocinatio: cū tamen multo secus res habeat. Necesse enim est, ut illa præterea cū ijs quæ in eo genere prima sunt, naturæ quæ dā cōiunctione sint cōsociata. Ego uerò propria cuiusq; generis

generis principia appello, quæ quod sint demonstratio-  
ne probari non possunt. Nam quæ sit uerborum uis, ac  
significatio tum principiorum, tum eorum quæ ex prin-  
cipijs efficiuntur, intelligendum est. Quod uerò ipsa sint  
principia, citra demonstrationem ponitur: reliqua autē,  
demonstratione concluduntur. ueluti quid unitas, item  
quid rectum et triangulum significant, statim initio ac-  
cipiendum est. Sed & unitatem & magnitudinem esse,  
initio ponendum est: reliqua autem, esse demonstrantur.  
Sunt porro ex ijs quæ in demonstratiuis scientijs usui esse  
possunt, alia singularum scientiarum propria, alia com-  
munia. Appello autem hoc loco communia propter simi-  
litudinem, per quam pari ratione multis conuenire posse  
cernuntur. nam illa cum ad demonstrandum adhiben-  
tur, tum iam ad naturam subiectam traducta sunt. Ac  
propria quidē sunt, ueluti lineæ aut recti definitio. Com-  
munia autem sunt, ut illud, uerbi gratia: Si ab æqualibus  
æqualia auferas, quæ relinquentur erunt æqualia: quo-  
rum unumquodq; tum est ad demonstrandum accommo-  
datū, cum ad certum quoddā genus traducitur. Eandem  
enim uim ad concludendum aliquid habebunt, licet non  
generaliter, sed in magnitudinibus tantū accipiantur:  
aut uerò ut arithmetico conueniant, in numeris. Ex ijs ue-  
rò quæ sunt propria cuiusq; scientiæ, ea sunt quæ statim  
initio esse ponuntur, quorum in explicandis proprietati-  
bus ipsa tota scientia cernitur, ut, unitates esse arithmeti-  
ci, lineas & puncta geometræ, statim initio constituunt.  
Nam hæc non modò quam uim habeant, multo antè sta-  
tuendum est, sed etiam in rerum esse natura pro certo ac-  
cipiendum. Horum autem propriæ affectiones ipsæ qui-  
dem

dem quid significant, statim initio explicatur, ueluti in arithmetica, quid par appelletur, aut impar: aut quadratum, aut cubus: in geometria, quid hæc uerba significet, ratione carens, contractum esse, concurrere. At quod sint, subiectisq; rebus conueniant, demonstratione ostenditur, adhibitis tum communibus pronunciatis, tum demonstratis iam ante conclusionibus. Nec minus in astrologia idem illud fit, quam in geometria aut arithmetica. Omnis enim scientia demonstratiua, tribus quasi momentis continetur. Horum duo sunt, quæ iam inde ab initio esse accipiuntur: Genus scilicet subiectum, cuius proprietates ipsa scientia exquirat & contemplatur: & communia, ut appellantur, pronunciata, ex quibus primis demonstrationes conficiuntur. Tertium autem est, quo ipsa proprietates continentur: quarum uis & significatio à principio proponitur. Ac in quibusdam quidem scientiis non est uitiosum, horum aliquid prætermittere. ueluti si apertum ac manifestum est genus ipsum subiectum esse, non erit opus ab initio eius facere mentionem, ut, quod ipsum in rerum natura sit, subiiciamus. neque enim sunt omnia ex æquo manifesta: ut, quod numerus sit, non tam clarum est, quam quod calidum & frigidum. Item si significatio proprietatum ipsa per se intelligatur, illa à principio sine uitio prætermittetur. Nam ne communium quidem pronuntiatorum significatio explicatur, quando satis est per se manifesta. ut illud, uerbi gratia, quid significet æqualia ex æqualibus detrabere. Sunt tamen tria illa natura in omni scientia necessaria: res de qua aliquid concluditur, illud ipsum quod inesse alteri ostenditur, et ipsa principia ex quibus elicitur conclusio. Differunt autem plurimum suppositio, & postulatam,

postulatum, ab ijs principijs quæ ipsa per se tantâ habet  
fidem, ut sit necesse omnes ijs assentire. neq; enim demon-  
stratio, ut nec ipsa ratiocinatio, ad id pertinet quod uer-  
bo aut affirmatur, aut negatur: sed ab interiore sensu  
ulm habet, cumq; semper respicit. Nam quid est quod  
uerbo labefactari refelliq; non queat? At si suam quisq;  
mentem consulat, multa sunt quibus obistere non possit.  
Est igitur eorum quæ demonstratione quidem concludi  
possunt, attamen citra demonstrationem quasi certa acci-  
piuntur, duplex causa. Nam aut sumuntur quæ à disci-  
pulo approbantur, quod illa uera existimet: tumq; suppo-  
sitio est, non ea quidem quæ simplici nomine Suppositio  
appellari possit, sed quæ ex adiunctione ad docendû illâ  
suppositio dicitur. Aut uerò ea accipiuntur, de quibus ni-  
hil certum habet quod sentiat discipulus, uel etiam cōtrâ  
putat quàm accipitur, tumq; fit postulatum. nam hoc in-  
ter postulatum & suppositionem interest. Nihil enim  
aliud est postulatum, quàm quod aut repugnat sententiæ  
eius qui docetur: aut quum demonstratione confirmari  
possit, citra ullam probationem accipitur. Definitiones  
igitur non sunt suppositiones: esse enim, aut nō esse quip-  
piam, non significant: omnes autē suppositiones propo-  
sitiones sunt. Deinde definitiones tantū ut simplices quædā  
notiones animi, concipiuntur. illud uerò nemo appellaue-  
rit suppositionē: nisi idē uelit, cū singulis res singulis uer-  
bis auditu percipimus, tum semper esse suppositionē. Sed  
illæ sunt suppositiones, quibus positis elicitur conclusio,  
quia illæ sunt antē positæ. neq; uerò credendum est, falsas  
esse geometrarum suppositiones, quemadmodum qui-  
busdam uidetur. dicunt enim uitiosum esse, in probando  
falsis

falsis uti: geometram autem falsum accipere, cum peda-  
 lem lineam ponit, quæ minime pedalis est, aut rectā quæ  
 non est recta. At uerò geometræ cōclusio non ex eo uim  
 habet, quòd talis sit, aut secus, quàm profertur linea: sed uis  
 tota efficiendæ cōclusionis est in his posita, quæ ipsæ quasi  
 signis, nobis intelligenda relinquuntur. Iam uerò omnis  
 suppositio aut de toto genere, aut in parte enunciat, neu-  
 trum autem in definitione cernitur. Atque ideis quidem  
 esse, aut communem aliquam naturam à rebus singulis  
 separatam, ut demonstratio sit, non est necesse: sed illud  
 tantum uerum est, necessitatem esse, ut communis aliqua  
 ratio sit, quæ in rebus singulis cobareat. Nam si id non  
 sit, ne ullum quidem genus uniuersum esse poterit: quo  
 sublato, nullum medium ad sciendum accommodatum con-  
 stare poterit. Quare nec demonstratio ulla relinquitur.  
 Ex quo efficitur, ut sit necesse communem quandam, ac  
 minimè ambiguā esse naturam, quæ ita in multis cerna-  
 tur, ut ab his seiuñcta esse non possit. Hoc uerò pronuncia-  
 tum, affirmatio & negatio non possunt in eadem re si-  
 mul esse ueræ: in nulla unquam adhibetur demonstra-  
 tione, nisi talis sit cōclusio, in qua illud ipsum nominati-  
 ostendendum sit. Atque in hunc modum erit illa demon-  
 stratio conficienda, ut de medio dici affirmationem ma-  
 ioris extremi, non etiam negationē, in propositione acci-  
 piatur. Nec multum interest, an mediæ affirmatio & ne-  
 gatio accipiatur, an non: quemadmodum nec minoris  
 extremi. Nam si illa posita sit propositio, Omnem homi-  
 nem esse animal, non autem non animal: etiamsi illud  
 fortasse in non homine uerum esse possit, atque adeò ma-  
 neat uera propositio, accepta simul affirmatiōe et nega-  
 tione



tione hominis : semper tamen ex illa propositione, illud  
 quod est concludendum, efficitur, Calliam scilicet esse  
 animal, non autem non animal : licet possit non minus  
 fortasse uera esse conclusio, si negatio Calliæ simul cum  
 affirmatione acciperetur. Huius autem rei hæc est causa,  
 quia maius extremum est illud solum, quod bis attribui-  
 tur: semel medio, iterum minori extremo, quoniam om-  
 nium patet latissime. Quocirca quod attinet ad conclu-  
 sionem, nil refert sumaturne medium affirmatiuum tantum,  
 an uero simul affirmatum & negatiuum. Est & aliud pro-  
 nunciatum, In quacunque re uera est affirmatio aut nega-  
 tio: quo nulla utitur demonstratio, nisi quæ aduersarium  
 urget incommodo. Neque uero illud semper, sicut genera-  
 le est, ita uniuersè accipiendum est: sed qua ratione aptum  
 est ad aliquid demonstrandum. Aptum autem est, cum ad  
 certum quoddam genus, id in quâ in quo singula uersan-  
 tur demonstrationes (quod etiam paulo antè dictum est)  
 traducitur. Habent autem omnes scientiæ communia  
 quædam, quibus ipsæ inter se cōmunicant. Non quod aut  
 subiectū in quo uersantur, aut proprietates quæ demon-  
 strantur, non semper sint singulariū propria: sed pronun-  
 ciata ipsa quibus ad aliquid concludendum utuntur, ea  
 sunt quæ communia esse possunt. Dialectica etiam cum  
 omnibus scientiis communicat, & si qua est alia scientia  
 generalis, quæ communia proloquia demonstrare con-  
 tendat, qualia sunt hæc: De quacunque re uera est aut af-  
 firmatio aut negatio: si paria ex paribus auferas, quæ  
 restabunt paria erunt, & huius generis alia. Dialectica  
 porrò non habet certis quasdam res quas probet, nec in  
 uno quodam genere subiecto uersatur, alioqui nō inter-  
 rogaretur

rogaret. Nam qui demonstrare uolunt, ijs non est pendendum ab interrogatione: quandoquidē ex rebus contrarijs nunquam potest una eademq; res demonstrari, quemadmodum in libris de Ratiocinatione ostendimus.

## CAPVT. IX.

Atqui si interrogatio apta ad ratiocinationem faciendam, idem est cum propositione, quæ est pars altera contradictionis: propositiones autem in singulis scientijs appellantur, ex quibus constat unicuiq; scientiæ accomodata ratiocinatio: erunt profecto suæ cuiq; scientiæ interrogationes, ad res, in quibus uersantur, concludendas idoneæ. Vnde etiam perspicuum est, non temerè omnem interrogationem geometriæ, aut medico, aut alteri cuius conuenire. Sed sunt illæ demum geometricæ interrogationes, ex quibus demonstrantur ea quæ aut propriè ad geometriam pertinent, aut uerò à rebus geometricis fidem accipere possunt: cuiusmodi sunt ea in quibus uersatur Optice. quod idem in alijs scientijs intelligendum. Ac de ijs quidem rebus in quibus ipsa uersatur, ratio reddenda est ex geometricis principijs, & conclusionibus: de principijs uerò nullam potest geometra, hoc ipso quod geometra est, rationem reddere. Atq; in alijs scientijs eadem est ratio. Neq; igitur petenda est cuiuslibet rei ratio à quouis sciente, neq; par est ut ad quasuis interrogationes unusquisq; qui aliquam artem profiteur, respondeat: sed de ijs tantum ratio reddenda est, quæ propriè ad eam quam quisq; tenet scientiam, pertinent. Atq; si ad hunc modum, cum geometra, quia geometra est, quicquid differat, & ex huiusmodi interrogationibus aliquid concludat, rectè concludere uidebitur: sin minus, non rectè.

rectè. Quin neq; aliâ ratione redargui, neq; conuinci potest geometra, nisi fortè per accidens. Itaq; apud geometria imperitos de geometria non est differendû, eo quod rectène an perperam disputetur, intelligi nõ possit. quod idem in alijs scientijs obseruandû. Existit autem hoc loco quæstio, an non sicuti sunt aliquæ geometricæ interrogationes, ita sint aliquæ non geometricæ: ita ut illæ potius geometricæ sint, quæ à certa quadam ignoratione nascuntur, ea inquam ignoratione quæ oritur ex deprauata intelligentia, eorum quæ propriè ad aliquam scientiam pertinent? Alia etiam quæstio est, utra ratiocinatio inscientiam potissimum efficiat: eane, cuius sumptiones contrariæ sunt ijs ex quibus rei comparatur scientia: an quæ uitiosa est & fallax ratiocinatio, de re tamen geometrica? Est igitur ea interrogatio non geometrica, quæ ad aliam pertinet scientiam (cuius generis est musica, uerbi gratia, interrogatio) atq; adeo omni ex parte est à geometria aliena: illa autem, parallelas posse concurrere, est ex parte aliqua geometrica, ex altera autem parte non geometrica. Hoc enim uerbum, non geometricû, dupliciter accipitur: sicuti & illud, non numerosum. Vna quidem significatione dicitur non geometricum, quod nil planè à geometria habet: ut non numerosum, quod omnino aliud est à numero. Altera autem significatione dicitur utrunq; quod habet quidem à suo genere aliquid, sed uitiosum ac corruptum. Atq; etiam illa uerè inscientia existimanda est, quæ orta ex contrarijs principijs, scientiæ aduersatur. nam in doctrinis ac disciplinis non perinde atq; in disputationibus, locum habere solent uitiosæ illæ & fallaces ratiocinationes. causa autem est, quod uerbum meo-

diuus

Etiam ita ferè bis accipi solet, ut de illo maius extremum uniuersè enuncietur: ipsum autem de minori, etiam uniuersè nec unquam attributo, uniuersi generis nota præponitur. Hæc autem uerba, præter id quòd sic disponuntur, etiam minimo negotio quasi oculis mentis perspicuntur quomodo accipiantur: quod ferè inter disputandum incertum obscurumq; esse solet. ueluti si quis roget, sit ne omnis circulus forma quædam? Id nullam ambiguitatem habebit, si iam antè de picto aliquo circulo id quaeratur. Tum uerò si illud subiiciatur, annon uersus sunt, qui circuli nomine appellantur? Id iam apertissimum erit, omnino falsum esse. Nam sic est huic assumptio nî, alijsq; huius generis mathematicis propositionib. occurrendum, ut uniuersa sit propositio quam opponimus, non autem singularis, et ad inductionem faciendam apta. Vt enim propositio non est habenda, quæ non in multis dicitur, imò uerò in toto genere (nam ex uniuersi propositionibus constat ratiocinatio) ita nec oppositio. Eadem enim sunt propositiones & oppositiones: quandoquidem nil opponi possit, quod propositio aut dialectica aut demonstratiua statim nō fiat. Accidit autem interdū intiosa & fallaci ratiocinatione aliquid concludi, quando medium accipitur, quod est consequens utriusq; extremi: qualis est illa Cænei captio, qua ostendebat ignem gigni per proportionem multiplicatam: ignis enim (inquit) subito gignitur: quod autem per multiplicatā proportionem fit, subito gignitur. Atqui hoc modo nil necessario efficitur: sed sunt ita accipiendæ sumptiones, ut omne id quod citissima quadam ratione oritur, in multiplicata proportionē gigni proponatur: tum deinde assu-

matur,

matur, ignem citissima quadam ratione nasci. Interdum enim nil ex ijs quæ illo modo sumpta sunt, concludi potest: interdum uerò potest, sed id non apparet. Quod si non posset ex falsis uerum cõcludi, facile esset in suas causas conclusionem quamq; dissoluere: quandoquidẽ retrò commeare ac reciprocari illa inter se necesse esset. Esto enim a uerum: & hoc uero posito, sint uera ea, quæ ego certò scio esse uera, quæ sint b: cui quæso tum dubiũ erit, quin hæc talia sint, ex quibus illud a demonstrandum sit? Atqui in disciplinis quidem uix, ac ne uix quidem, euenire potest, ut non ea reciprocantur, quæ assumuntur: propterea quod non accidẽtia (qua etiam in re ab ijs sermõnibus, qui in disputatione ac dialogo continentur, ipse de disciplina differunt) sed definitiones ad docendum unumquodq; adhibentur. Solent autẽ disciplina singulæ progredientes, incrementum hoc modo capere, & quasi in longius produci, ut non multa congerant ad unam rem demonstrandam argumenta: sed aut in directum excurrentes, alia ex alijs docent, ueluti ex a ipsum b, tum ex b ipsum c, deinde ex c ipsum d: eodemq; modo ex superioribus inferiora, uel in infinitum usq; demonstrando. Aut in obliquum procedentes, quæ ex eodem sunt ordine, demonstrant: ueluti a de c & de e. Ac sit quidem a numerus tantus, aut infinitus, b autem numerus impar tantus: c uerò numerus ipse impar: ex ijs igitur constat, a de c demonstrari. Item sit numerus par tantus d, par ipse numerus e: concludi igitur etiam a de e manifestum est.

## CAPVT X.

Differunt multis modis inter se, scire quod res sit, & quamobrem sit. ac primum in eadem scientia, idq; bifariam.



i. Interdum  
concludi po-  
t. Quod si  
in suis cau-  
sâ quidē retrō  
esset. Et si  
ea, quæ ego  
duci erit,  
audum sit  
dem, eueni-  
untur: pro-  
b. h. sermo  
nec, ipse di-  
ctum uoluit.  
regula pro-  
p. quasi in  
l. unam rem  
tum excur-  
b. tum ex b  
ex superio-  
rando. Aut  
ordine, de-  
em a nume-  
par tantus  
stat, a de c  
ar ipse nu-  
tum est.  
res sit, &  
a, idq. bis-  
riam.

riam. Unus modus est, si ad concludendum non adhibean-  
tur immediatæ propositiones, neq; enim tum prima cau-  
sa accipitur. Scire autem cur res sit, nil est quàm primâ  
cuiusq; rei causam nosse. Alius modus est, cum immedia-  
tæ quidem sumuntur propositiones: at non ex causa o-  
stenditur effectus, sed contrâ hic, quia ut inter ea quæ  
retrō commeant est notius, pro medio accipitur. Nam  
inter ea quæ reciprocantur, fieri interdum potest ut id  
notius sit quod non est causa: quare & ad demonstnan-  
dum non incommode illud assumetur. ut si probetur,  
uerbi causa, planetas propius à terra moueri, quia non  
micant. Itaq; sint errantes stellæ, c: nullis micare radys,  
b: propè esse à nobis, a. Vera est quidem assumptio, om-  
ne c est b: errantes enim stellæ nullis radys micant. sed  
& propositio uera, omne b est a: nam quod nullis mi-  
cat radys, propè est à nobis: quemadmodum inductione,  
uel ipso sensu iam potuit esse manifestum. Illud igitur  
necessariò efficietur, omne c esse a: atq; ita demonstra-  
tum erit, propius à terra moueri stellis errantes: quæ de-  
monstratio, non cur ita sit ostendit, sed tantum quòd ita  
sit. non enim quia non micant, propè sunt: sed contrâ,  
quia propè sunt à terra, propterea non micant. Ob  
eamq; causam, si contrâ ex altero alterum probetur, fiet  
demonstratio cur res sit ostendens, hoc modo. Sint stel-  
læ errantes c, propè esse b, non micare a. Et b igitur ip-  
si c inest: & a ipsi b, quod est non micare, conuenit:  
quare & a ipsi c conuenire necesse erit. Atq; ita neces-  
se, ut etiam cur ita sit, hac probatione sit ostensum: pri-  
ma enim huius rei causa accepta est. Similis est huic etiâ  
illa demonstratio, qua rotundam esse lunam ostenditur

per luminis accretionem. Nam quod in rotundam semper per formam accrescit, rotundum est: luna autem in hunc semper modum accrescit, rotunda igitur. Atq; hæc quidem ratio, quod sit res ostendit: at si econverso medium statuatur, tum quamobrem res sit docebitur. Non est enim huiusmodi luminis accretio, causa cur globosa sit luna: sed contrā, quia globosa est, huiusmodi semper luminis accessiones capere conspicitur. Sit igitur luna c, rotundum b, luminis accretio a. Quando autem non reciprocantur cum extremis media, atq; illud euenit, ut sit manifestior effectus quā causa, ut quod res sit demonstrari potest: cur sit, nō potest. Ac ne tum quidem potest, quamobrem sit, demonstrari: sed tantum quod sit, cum medium est aliquāto longius petuum, id quod propterea sit, quia tale medium causa esse non potest: ueluti si paries non respirare ostendatur, quia non sit animal, nam si hæc sit non respirandi causa, necesse est ut uicissim animal sit respirationis causa: nimirum quia necesse est, si est negationis causa negatio, ut etiam affirmationis causa sit affirmatio. exempli causa, si calida cum frigidis non apte conuenire, id efficit ut non bene ualeamus: illa certe erit ut bene ualeamus causa, calidorum cum frigidis conuenientia. Sed etiam econtrariō, si est affirmatio-  
nis causa affirmatio, & negationis causa erit negatio. In illis autem uerbis quæ accepta sunt, non ita res habet, propterea quod non omne animal respirat. Conficitur autem illa ratio, in qua huiusmodi causa sumitur, in secunda figura hoc modo. Sit a animal, b respirare, c paries: iam omne b est a, hoc est, omne quod respirat est animal. deinde nullum c est a, nullum igitur c est b: id est,

nullus

nullus paries respirat. Sunt aut propemodum similes hæ  
 causæ ijs quæ ita reddi solent, ut in illis quasi hyperbole  
 quædam contineatur, quod quidem tum fit, cum longissi  
 me remotū a re medium accipitur. Huius generis est illud  
 Anacharsidis, apud Scythas tibicines non esse, quia illic  
 uites non essent. Atq; illa quidem sufficiant de discrimine  
 earum probationū, quibus quod res sit, & quamobrem  
 sit, ostenditur, cum ad eandem scientiam pertinet utraq;  
 probatio: item quomodo propter uerbi mediū uariā col  
 locationē hæc inter se distinguuntur. Est autem & aliud  
 inter ista discrimen, cum ad diuersas scientiis pertinet,  
 quod res sit, & quamobrem sit, ostendere: id quod tum  
 accidit, quando res uni scientiæ subiecta, sic affecta est ad  
 alterius scientiæ subiectū, ut sub illo contineatur. quomo  
 do ea in quibus uersatur optice, ad geometriam affecta  
 sunt: & quæ tractat fabrica, ad stereometriam: & quæ  
 docet musica, ad arithmeticam: & ipsa phenomena, ad  
 astrologiam. Sunt autem ex ijs scientiis quæ sic sunt inter  
 se affectæ, plurimæ quæ eodem ferè nomine appellatur.  
 ut astrologiæ nomine appellatur & ipsa de rebus cæle  
 stibus disciplina, & nautarum de ijs rebus peritia. Musi  
 ca appellatur, tum ipsa quæ mathematicarum scientia  
 rum una est, tum illa quæ auribus demulcendis modos a  
 ptos nouit adhibere. Ac nosse quidē quod res sit, est eo  
 rum qui eas artes exercent quæ sensuum iudicio cōtinen  
 tur: cur autem ipsa res sit intelligere, eorum est, qui scien  
 tia & doctrina sunt perpoliti. Hi enim sunt qui perspe  
 ctas habent singularum rerum ex suis causis demonstra  
 tiones: ac sæpenumero quod res sit ignorant. quemadmo  
 dum ijs qui uniuersas res contemplantur, sæpe usuuenit,

ut quasdam ex rebus singulis nesciant, propterea quòd ad illas res animum fortasse non aduertunt. In ijs autem rebus id potissimum euenire solet quod dico, quæ ut formæ quædam separatæ ob id considerantur, quòd aliam quædam rationem habere cernantur, atq; adeò quippiã aliud esse quàm quod sensu percipitur. Nam quis artes mathematicas in formis quibusdam uersari non uidet? Neq; enim res tractat illæ, quas certa quadam in materia esse necesse sit: & quanquam in aliqua fortè re subiecta inesse conspiciantur res geometricæ, in ea tamen non hoc ipso cernuntur, quo ad geometram pertinent. Est autem & alia quadam sciëntia, quæ eodem modo est ad optice affecta, quo ipsa optice ad geometriam: ea scilicet pars physica, quæ de iride disputat. Nam quòd sit, est physici scire: cur uerò sit, optici. atq; eius quidem est, aut omni ex parte, aut qua ex parte ratione ac doctrina continetur. Sunt porro etiam ex ijs quarum una sub altera non continetur, aliquæ scientiæ quæ eandem nihilominus habent inter se quadam ex parte coniunctionem, ut medicina & geometria. Nam quòd uulnera orbicularia difficilior ac tardius curentur, nouit medicus: huius autem rei causam reddit geometra.

## CAPVT XI.

Ex tribus figuris prima est ad scientiã accommodatissima. Primū enim mathematicæ sciëntiæ suas in hac figura demonstrationes concludunt: ut arithmetica, geometria, optice, & ut in summa dicam, omnes quæ cur res sit inquirunt. Omnes enim demonstrationes, quæ cur res sit ostendunt, aut certè pars earum maxima, ac multò sæpius in hac figura conficiuntur. quod etiam nobis argumento esse

esse potest, quàm sit ad sciendum accommodata hæc figura: quandoquidem illud certissimum accuratissimumq; genus sciendi est, quo rei cuiusq; causa inuestigatur. Dein de hac una figura definitionem, qua quid res sit intelligamus, inuestigare possumus. Nam in secunda figura nulla est aiens conclusio: definitionis autem cognatio, affirmatione quadam continetur. In tertia uero, aiens quidem potest esse conclusio, at nulla potest de toto genere esse: definitio autem ex eorū est numero, quæ uniuersæ enuntiantur, nam quis quadam tantum ex parte hominē esse animal bipes dixerit? Iam uero hæc seipsa contenta, nil illarum eget auxilio: in illis autem facta conclusione, si sint quasi retexendo ad immediatas propositiones reuocanda sumptiones, ex quibus illa facta est complexio huiusmodi quæ in dissoluendo fit coagmentatio, & in multitudinem quandam propositionum accessio, sine prima figura omnino fieri non potest. Perspicuū igitur est, primam figuram ad sciendum esse accommodatissimam. Vt autem sunt quædam affirmationes, in quibus ipsi b continuo inest a: sic sunt & aliquæ negationes, quibus confirmandis nullum medium adhiberi potest. Hoc enim est, quod alterum alteri continuo inesse, aut non inesse dicebam: quia cum nullum est medium, sit ut non per aliud quidpiam affirmetur aut negetur alterum de altero. Ac si quidem in aliquo toto genere aut a, aut b, aut utrumque contineatur: fieri nunquam poterit, ut sit immediata propositio, nullū b est a: nam si omne a est c, & nullum b sit c (cur enim ita non possit ueniire, ut c omni a conueniat, nulli autem b in sit, non indeo) ex his illud collinquetur hac ratiocinatione confirmatum, nullum b esse a,



hoc modo: omne *a* est *c*, nullum *b* est *c*, nullum igitur *b* est *a*. Par ratio erit, si quippiā sit quod de omni *b* dicatur: ut d, uerbi gratia, fiet enim hoc modo demonstratio: nullum *a* est *d*, omne *b* est *d*, nullum igitur *b* est *a*. Eodem porro modo illud demonstrabitur, si *a* & *b* sua quædam genera habeant, quæ de illis uniuerse affirmantur. Quod autem usuuenire possit, ut quod de omni *a* dicitur, de nullo *b* dicatur: aut contra quod inest omni *b*, nulli *a* inest, uel ex ipsis ordinibus et quasi classibus rerum omnium constare potest, quæ omnes suis finibus contentæ, in alienos non transeunt, nec aliquid unquam cōmunicant. Nam si nil eorum quæ sunt ex coniugatione *a* & *d*, in *ys* dicitur quæ pertinet ad ordinem *b* & finis autem *g* in omni *a*: necesse est ut illud *g*, quod ex altera classe sumptum est, nulli *b* in sit: alioqui iam permisceri ac confundi illos ordines fatendum erit. Eademque ratio erit, si aliquod genus est in quo cōtineatur ipsum *b*. Sin nihil reperiatur quod de *a* aut de *b* affirmari possit, tum certū est, negationem hanc, nullum *b* est *a*, esse immediatam. Nam si quod medium habeat, necesse erit illud de horū altero affirmari, quoniam aut in prima aut in secunda figura illa negatio concludetur. Ac si quidem in prima, in omni *b* medium dici oportebit: nam ut illa cōclusio efficiatur, assumptio nem oportet in toto genere affirmare. Ac si in secunda, poterit medium de utroque affirmari: quia siue propositio, siue assumptio uniuersa negans accipiat, in hac figura recte uniuersa negatio cōcluditur: nec licet utraq; negationes accipere. Perspicuum igitur est, alterum de altero citra ullum medium negari posse: quando autem, & quomodo id fiat, à nobis est explicatum.

LIBER I.  
CAPVT XII.

299

Ignoratio aut atq; inscientia, non illa quidem quæ ex negatione appellatur, sed quæ ex certa quadam affectione dicitur, nil est quam error ex aliqua ratiocinatione ortus. Hæc autem dupliciter fit in affirmationibus aut negationibus immediatis. Aut enim ex simplici animi perceptione nascitur opinio, quod ita res sit, aut secus: aut uero ex ratiocinatione. Ex simplici animi comprehensione, simpliciter, unoque modo gignitur falsa opinio. Quæ per ratiocinationem inducitur inscitia, uaria est & multiplex. fit enim hæc immediata negatio, nullum  $b$  est  $a$ . Si quis igitur ratiocinatione confirmare uoluerit omne  $b$  esse  $a$ , adhibito uerbi gratia medio  $c$ , is per ratiocinationem in falsam hanc inducetur opinionem. Ac huius quidem ratiocinationis utraq; sumptiones falsæ esse possunt: sed & altera tantum falsa, idem hoc concludi potest. Nam si negando ueræ sint hæc propositiones, nullum  $c$  est  $a$ , & nullum  $b$  est  $c$ , sumantur autem  $e$  contrario uniuersæ affirmationes, erunt profecto utraq; sumptiones falsæ. Illud uero euenire potest, ut  $c$  medium sic affectum sit ad extrema  $a$   $b$ , ut  $a$  de nullo  $c$  dicatur, de  $b$  autem aliquo non enuncietur ipsum  $c$ . neque enim fieri potest ut de omni  $b$  dicatur  $c$ , quia hanc negationem, nullum  $b$  est  $a$ , immediatam esse posuimus; neque ipsum  $a$  tale est, quale in omnibus quæ sunt dici possit. Quare hoc modo acceptis uniuersis affirmationibus, falsæ erunt utraq; sumptiones. At uera etiam potest altera esse, non ea quidem utrauis, sed propositio tantum, quæ est  $a$   $c$ . Nam quoniam nil est quod de ipso  $b$  uniuersæ affirmari potest, coefficatur ut assumptio quæ est  $b$   $c$ , non possit esse uera.

Quod

Quod uerò a c propositio uera esse possit, hinc intelligetur, si ponatur a citra ullum medium de c & de b dici. Quando uerò uerbum aliquod de duobus primum ac citra ullum medium dicitur, necesse est ut ex illis duobus alterum alteri non conueniat. Veruntamen parum refert ut uera accipiat propositio a c, an sit interiectum aliud quod medium inter a c, an secus. Atq; illæ quidem solæ sunt rationes, quibus inducitur opinio, qua sibi quis ueram esse de toto genere affirmationē falso persuadeat: quandoquidem non potest in alijs figuris talis ulla affirmatio concludi. Ut uerò in eum quis errorem se inducat, ut putet ueras esse in toto genere negationes quæ mentiantur, id tum in prima figura, tum in secunda potest euenire. Itaq; dicamus primum quot modis illud in prima figura possit accidere, & quàm uariè summptiones affectas esse oportet. Ac primum ex utrisq; falsis propositionibus id confici posse, hoc potest exemplo intelligi. Conueniat a omni c, & omni b, citra ullum medium: tum si propositio accipiat, nullum c est a: & assumptio, omne b est c; utraq; summptiones certū erit mentiri. Deinde ex altera, atq; adeo utralibet falsa, illud idem concludi potest. Id enim usuuenit, cum est uera propositio a c, assumptionem b c necessariò esse falsam. Ac uera quidem esse potest a c propositio, quia non tam latè patet uerbum a, ut in omnes res cadere possit: falsa autem b c assumptio, quia fieri non potest, ut omni b conueniat c, cum de hoc uniuerse negatur ipsum a, siquidem id futurum est ut non sit uera a c propositio. Adde, quod si utraq; ueræ ponerentur, etiam conclusio uera esset. Atqui illud etiam a contrariò potest accidere, ut uera sit b c assumptio, & falsa

falsa propositio: ut si de omni *b* dici possint  $\text{c} \text{ et } a$ ,  
 necesse est ut ex *ijs* duobus alterum alteri conuenire pos-  
 sit. Idcirco si sumatur nullum *c* esse *a*, falsa erit propo-  
 sitio. Perspicuum igitur est, in prima figura mentienem  
 fieri posse rationationē, tum ex falsis utrisq; sumptioni-  
 bus, tum ex altera tantum falsa. Nunc de secunda figura  
 dicamus. Primum si ambæ sint ex omni parte falsæ, nun-  
 quam fiet huiusmodi fallax conclusio. Quando enim in  
 omni *b* inest *a*, nil reperiri potest, quod uni ex omni par-  
 te conueniat, ab altero sit omni ex parte alienum. Vt au-  
 tem huiusmodi conficiatur conclusio, ita medium in sum-  
 ptionibus collocari debet, ut de uno uniuerse affirmetur,  
 de altero uniuerse negetur. Itaq; si certo quodam modo  
 acceptæ sumptiones mentiantur: necesse est ut contrario  
 modo sumptæ, contrariam affectionem habeant. quod  
 fieri omnino non posse, ostendimus. At uerò ut sit utraq;  
 ex parte falsa, non est incommodum. ueluti si *c* in quodā  
*a*, atq; etiam in quodam *b* tantum dicatur: sumatur autē  
 propositio, omne *a* est *c*, assumptio autem nullum *b* est *c*,  
 mentietur profecto utraq; sumptiones, non illæ quidem  
 ex toto, sed ex aliqua parte. Sed et si negationis colloca-  
 tio commutetur, eadem ratio erit. Quod si alterutra tan-  
 tum falsa sit, hæc etiam complexio recte efficietur. nam  
 quod omni *a* conuenit, potest etiam omni *b* conuenire.  
 Si igitur omne *a* est *c*, propositio fiat, et nullum *b* est *c*  
 assumptio: uerum dicet *c* a propositio, mentietur *c* *b* as-  
 sumptio. Rursus quod nulli *b* inest, id etiam potest non  
 omni *a* conuenire: quia si omni *a* conueniret, etiam om-  
 ni *b* inesse oporteret: cui tamen nulli inesse sumebatur.  
 Si igitur omne *a* esse *c* proponatur, et nullum *b* esse *c*  
 assumatur,

assumatur, erit uera  $c$   $b$  assumptio, falsa altera. Similiter porro ratio erit, si commutato ordine, prima ponatur negatio. Nam quod de nullo  $a$  dicitur, de nullo etiam  $b$  dicetur: ideoque si sumatur propositio, nullum  $a$  est  $c$ , assumptio autem omne  $b$  est  $c$ , uera erit  $c$   $a$  propositio, mentietur altera. Ac rursum quod in omni  $b$  uere enuncietur, in nullo  $a$  posse cadere, mendacium est. necesse enim est, ut si in omni  $b$  dicatur, in quodam etiam  $a$  dicatur. Sumpta itaque propositione, nullum  $a$  est  $c$ , & assumptione omne  $b$  est  $c$  erit haec uera, illa falsa. Perspicuum igitur est, etiam cum medio carent propositiones, in errorem tamen nos induci per ratiocinationem, sumptiones habentem partim utrasque falsas, partim alteram tantum.

## CAPVT XIII.

Quando uero interiecto aliquo medio affirmatur quippiam aut negatur, si proprium medium accipiat, atque ex eo tamen efficiatur falsa conclusio, fieri non potest ut utraque sumptiones mentiantur, sed ea tantum in qua maius extremum continetur, falsa erit. Ego uero proprium medium appello, idem illud medium, quod accommodatum est ad concludendam contrariam, ueramque pronunciationem. Itaque si  $a$  conueniat omni  $b$ , per medium  $c$ , quia necesse est ut fiat ratiocinatio, assumptionem  $c$   $b$  affirmantem esse: illud profecto clarum est, hanc assumptionem quae nec commutari, nec aliter accipi potest, ueram semper futuram. Propositio autem  $a$   $c$  falsa erit: hac enim contrarie sumpta, efficitur contraria ratiocinatio. Nec dissimilis ratio erit, si non proprium, sed ex alio quodam ordine sumptum medium adhibeatur, ut d: quod tamen ita sit ad extrema affectum, ut de omni illo enuncietur  $a$ , ipsum



ipsum autem de omni *b*. Nam & hic manere eandem  
 assumptionem *d* *b* oportebit, altera autem contra quam  
 uerum est accipietur: ob idq; illa semper uerū dicit, hæc  
 semper mentitur. Atq; hic error non nullum differt ab  
 eo qui ex proprio medio oritur. At uerò si non adhibea-  
 tur in efficienda fallaci conclusionē proprium medium,  
 affirmetur autem de medio ipsum *a*, de *b* autem negetur  
 mediū: necesse erit mentiri utraq;. Contrario enim mo-  
 do sumēda sunt sumptiones, quam quo modo uera erāt;  
 alioqui non fiet ratiocinatio. Atqui hoc modo sumptæ,  
 falsæ sunt utraq;. ueluti si uerū sit, omne *d* esse *a*: & nul-  
 lum *b* esse *d*, item uerum: acceptis contra utriq; proposi-  
 tionibus, ratiocinatio fiet ex duabus falsis sumptionibus.  
 Sin de medio *d* euam negetur *a*, crit uera propositio *a* *d*,  
 assumptio autē falsa *b* *d*. Ac illa quidē uera erit, quia non  
 poterat de *d* affirmari *a*. Hæc autē falsa, quia si etiā hæc  
 iterum diceret, non mentiretur complexio. Quod si per  
 secundam figuram inductus quispiam, falsa se implicet  
 opinione, id nunquam eueniet ex sumptionibus omni ex  
 parte falsis. Quando enim omni *b* inest *a*, nil unquā inue-  
 niri potest (quemadmodum etiā paulo antē dictum est)  
 quod de uno uniuerse affirmetur, de altero uniuerse ne-  
 getur. Sed ut altera, atq; adeo utralibet ex toto mentias-  
 tur, fieri potest. Nam si *c* de omni *a*, & de omni *b* dica-  
 tur, sumatur autem in propositione omni *a* inesse, in as-  
 sumptione autem nulli *b*, erit uera *a* *c* propositio, men-  
 dax altera. Rursum si omni *b* inesse *c* assumptū sit, pro-  
 positum autem nulli *a* conuenire, uerum dicet assumptio  
*c* *b*, falsum altera. Hactenus explicatur est, quando &  
 ex quibus falsa inducitur opinio per ratiocinationem;

qua

qua falsa negatio concluditur. Nunc dicendum est de eâ  
 ratiocinatione, per quam falsa efficitur affirmatio. Ac  
 primum si proprium medium accipitur, nunquam e-  
 runt utraq; sumptiones falsæ, quia necesse est eandem  
 manere assumptionem c b, ut ratiocinatione aliquid con-  
 cludatur, quemadmodum supra dictum est: quare quando  
 propositio sola est quæ contrâ accipitur quàm oportet,  
 hæc sola semper metietur. Eadem ratio erit, si non pro-  
 prium, sed ex alia quadâ classe atq; ordine sumatur me-  
 dium: sicut dictum est supra, cum errorem explicabamus,  
 qui negatione continetur. Etenim assumptionem d b  
 eandem manere oportet, propositionem autem ad con-  
 trâ ac uerum est accipi: atq; ita eundem errorem gigni  
 cum superiore. Sin medium nõ sit proprium, in omni au-  
 tem d dicatur a, hanc propositionem ueram esse oportet-  
 bit, mendacem alteram. Quid enim est cur non possit a  
 multis conuenire, quorû alia non contineantur sub alijs?  
 At si non possit a enunciari de omni d, planum est hanc  
 semper falsam futuram, ut quæ affirmans accipitur.  
 Assumptio uerò d b potest tum uera, tum falsa esse. Nam  
 quid uetat a in nullo d dici, cum interim omni b conue-  
 niat ipsum d? ueluti animal in nullam sciẽtiam cadit, ipsa  
 autem scientia de musica uniuerse affirmatur. Deinde ue-  
 rò, cur id euenire facile non possit, ut & a de nullo d di-  
 catur, & d de nullo b? Ex ijs igitur planum est, quando  
 sub a medium non cõtinetur, posse tum utraq; sumptio-  
 nes, tum alterutram mentiri. Atq; illa quidem satis de o-  
 mnibus modis, quibus falsa opinio per ratiocinationem  
 inducitur, tum in carentibus medio proloquijs, tum in ijs  
 quæ demonstratione probari possunt.

LIBER I.  
CAPVT XIII.

305

Illud uerò iam propemodum est perspicuum, cui sensus aliquis desit, necessario scientiam aliquā defuturam, quòd eam discere iam ac percipere non possit. Quicquid enim discitur, aut inductione aut demonstratione cognoscitur: ac demonstratio quidem rebus uniuersis continetur, inductio ex rebus singulis conficitur. Atqui rerum uniuersarum citra inductionem haberi cognitio non potest. id quod uel apertissime ostendunt eae res quae cogitatione abductae, & ab ijs rebus quae sub sensum cadunt separatae, non possunt tamen planè ac perfectè intelligi sine inductione. Et quanquam hae res hoc ipso quòd ad sensum traducuntur, non iam quasi abiunctae separataeque intelliguntur, semper tamen in ijs aliqua insunt, quae non nisi hac ratione manifesta fieri possunt. Quis porrò est qui sensibus carens, possit aliquid inductione perdiscere? Etenim in singularibus uersatur sensus. Nam istorum assequi non poterit scientiam: ex uniuersis enim ipsis, citra inductionem nil percipi potest, inductio autem non nisi opera sensuum absoluitur.

CAPVT XV.

Omnis ratiocinatio tribus extremis constat: atque est una quidem, qua affirmari a de c eo ostenditur, quòd ipsum a de omni b dicitur, & b de omni c. Alia autè, quae negationem concludit, sumpta una propositione aiente, altera negante. Ex quo planè ac perspicue intelligitur, ipsius demonstrationis summptiones (quae hypotheses appellari solent) esse illa ipsa quae demonstrationum principia dicuntur. neque enim, nisi acceptis quibusdā summptionibus, quicquid demonstratur, ueluti cum omne c esse a per

medium *b* probatur: ac rursus omne *b* esse *a*, alio quodā  
 medio itemq; omne *c* esse *b*, alio. Atq; ijs quidem qui suas  
 cōclusiones ad opinionē dirigunt, & dialecticē tantūm  
 disputant, illud modō uidēdum est, ut sint quāmaximē  
 probabilia, quæ ad probandū aliquid accipiuntur: aded  
 ut si reuera est interiectum aliquod medium inter *a* &  
*b*, nec ullum tamen esse uideatur, qui eam propositionem  
 in probando quasi indubitata accipit, is dialecticē mo-  
 dō rem probasse censetur. Iis uerō qui ad ueritatem suas  
 conferunt probationes, quid in ipsa re sit, perpetuō spe-  
 ctandum. Hoc autem ut fieri possit, inde euenit, quod in  
 unoquoq; genere sunt quædam quæ per se, non per acci-  
 dens insunt, ac dicuntur. Per accidens autem interpre-  
 tor, ueluti si quis illud quod candidum est, dicat esse ho-  
 minem: est enim hoc genus attribuendi illi ualde dijsimī-  
 le, quo contrā hominem esse candidū pronunciamus. Ho-  
 mini enim per se, non quia aliud quippiam esse intelliga-  
 tur, candidū esse attribuitur: at candido non alia ratione  
 attribuitur homo, quā quia ita fortē euenit, ut qui ho-  
 mo esset, candidus esset. Sunt igitur in unoquoq; genere  
 aliqua huiusmodi, quæ propter se attribuuntur. Ergo po-  
 natur *c* tale esse, ut nil infra se habeat, de quo enuncie-  
 tur. Sit autem huic proximum *b*, quod de illo affirmari  
 potest citra ullum medium: tum deinde sequatur *d*, quod  
 de ipso *b* eodem modo dicatur. Posthæc constituitur *e*,  
 proximē antecedens ipsum *d*. Nunc quero, nam sit ne-  
 cesse, ut aliquis tandem reperiatur exitus: an uerō ita su-  
 periora repetentem, regredi in infinitum licet? Rursus  
 ponatur *a* summum quoddam caput, de quo nil enuncia-  
 ri possit: dicatur autem primum omnium, ac citra ullum  
 medium

medium de ipso f: tum ipsum feadem ratione conueniat  
 g, deinde & g ipsi b. Illud igitur hic rogo, futurumne  
 sit, ut tandem reperiamus infimum aliquid, in quo neces-  
 se sit consistere, an aëro hic etiam in infinitum progredi  
 liceat? Hoc uero interest inter hanc questionem, & supe-  
 riorem: quod illa sumpto initio ab infimo, quod ipsum  
 quidem de nullo dicitur, de illo autem alia enunciantur,  
 illud querit, an superiora deinceps repetendo, in infini-  
 tum regredi liceat? in posteriore uero id queritur, si e-  
 xordiamur a supremo aliquo, cui nil omnino possit attri-  
 bui, ipsum autem de alijs affirmari queat, an inferiora  
 deinceps persequendo, in infinitum progredi liceat? Exi-  
 stit porro & tertia questio, possint ne media esse infini-  
 ta, constitutis iam ante ac definitis extremis, necne? Exem-  
 pli causa, si dicatur a de omni c, sitq; horum medium b:  
 deinde inter a & b alia interposita sint, ac rursus inter  
 hæc alia: est ne necesse ut certo quodam numero sint i-  
 sta media, an uero in infinito numero esse possint? At-  
 que has questiones tractare, nil est aliud, quam quære-  
 re an demonstrationum progressus in infinitum possit  
 produci: & an possint omnia euidenti probatione con-  
 firmari: an potius sint aliqui tãdem fines, ubi probatio-  
 num exitus reperiat. Eadem questio etiam ad eas tum  
 ratiocinationes, tum propositiones, quæ aliquid negant,  
 accommodari potest. ueluti si de nullo b dicatur a, aut  
 de hoc primum, ac citra medium negabitur, aut uero ali-  
 quid interiacebit, de quo prius negabatur, ut de c, uerbi  
 gratia, quod in ipso b omni dicitur: rursus & aliud erit,  
 in quo prius negatio uera erit, ut d quod de omni c enun-  
 ciatur. Hic igitur nũ queri recte potest, sit ne eorum in-  
 finitus



finitus numerus, quibus prius non inesse ipsum a reperietur, an uerò certus ac definitus? In ijs autem quæ reciprocantur, non possunt hæ quæstiones eodem modo locum habere. Quæ enim uicissim retrò commeant, in ijs nil tale reperitur, de quo primo & de quo ultimo alterum enunciatur: quia paria sunt inter se omnia. Veruntamen eatenus hæ quæstiones ijs accommodari possunt, quatenus id quæritur, possint ne infinita esse ea quæ per se alteri attribuuntur? aut etiam, possint ne tñ subiecta, tum attributa infinita esse? Sed quum ista reciprocantur, inter attribuendi genera hoc interest, quòd una est per accidens, altera propria ac per se attributio.

## CAPVT XVI.

Ac primum, minimo negotio illud ostendi potest, fieri non posse, ut media sint infinita, si sursum ac deorsum extrema reperiantur attributa, in quibus necessariò sit resistendum. Ego autem summa attributa interpretor, quæ sunt maximè generalia: infima autem, quæ minimè generalia sunt, ob idq; in parte maximè intelliguntur. Si igitur extrema sint a & f, quorum a in omni f dicitur, infinita autem media, b: quid quæso apertius est, quàm illud, si quis ab a ad infimum peruenire uelit, futurum ut infinita attributa prætergrediatur? priusquam enim ad f deueniat, interiecta sunt infinita. Et contrà, si ab f uelit ad summum ascendere, necesse esse ut prius infinita media percurrat, quàm ad a peruenerit? Quare si omnino ista fieri non possint, & illud quoq; absurdissimum est, inter a & f media esse infinita. Neq; uerò id quicquam nostræ rationi officit, quòd diceret fortasse quispiam, ex medijs quedam esse quæ continenter, nulloq;

inter-

interposito sequantur ipsum  $a$   $b$   $c$ . alia autem esse que omnino ne accipi quidem ac inueniri possint. Quocumque enim ex ipsis  $b$  medijs accepto, num semper aut uersus  $a$ , aut uersus  $f$  media restabunt infinita, annon? Nam unde primum incipiat infinitas, continuone à principio, an paulo post, nil refert, modo aliquam tandem infinitatem paulo post sequi ostendam.

## CAPVT XVII.

Sequitur deinde ut planum faciamus, si in affirmantibus demonstrationibus termini tandem aliqui utrinque reperiantur, quos excedere non liceat, necesse esse, ut suos etiam quosdam fines habeat negans demonstratio. Ponatur igitur nunc, neque ascensum ab imo ad summum infinitum esse, neque descensum à supremo ad infimum. Imum autem ego hic interpretor, quod de nullo dicitur, de ipso autem superiora multa enunciantur. Supremum autem ac primum intelligo, quod ipsum quidem in alijs dicitur, in illo autem nihil. Hoc itaque posito, facile erit intelligere, in negationibus exitum tandem aliquem futurum. Tribus enim tantum modis negatio concluditur. Primus est, cum ita disponuntur sumptiones, ut propositio sit, nullum  $b$  est  $a$ : assumptio, omne  $c$  est  $b$ . Ac perspicuum quidem iam est, hanc assumptionem  $b$   $c$ , atque adeo semper alteram ex sumptionibus, quam necesse est esse affirmationem, ad primam tandem, medioque carentem propositionem reuocatum iri. Alterius autem propositionis attributum, si non primo negetur de  $b$ , sed de altero prius, ut  $d$ , necessarium erit ut ipsum  $d$  in omni  $b$  insit: ac rursus si aliud quid prius est, de quo prius negetur  $a$ , quam de ipso  $d$ , illud si militer oportebit in omni  $d$  affirmari. Quoniam igitur

## 310 ARISTOT. DE DEMONST.

in hac probandi ratione deorsum uersus finis reperitur  
ubi consistendum sit, erit etiam superiora repetenti, in  
summo aliquid ubi consistat. Atq; erit tandem aliquid de  
quo uniuerse, ac citra ullum mediū negabitur a. Rursum  
si facta sit hac dispositione ratiocinatio, omne a est b,  
nullū c est b, nullum igitur c est a: uelit autem quispiam  
etiam hanc assumptionē probare, necesse erit ut aut pri-  
mam illam formam ac dispositionem sequatur, aut hanc  
ipsam quæ hac ratiocinatione continetur, aut tertiam.  
Ac de illa quidem prima figura iam satis dictū est. Nunc  
secunda explicabitur, in qua ad hunc modum res demon-  
strabitur, ut (si modo sit aliquid quod de ipso b dicatur,  
uerbi gratia d) hac forma collocentur sumptiones: omne  
b est d, nullum c est d. Ac rursus, ut de nullo c dicitur d,  
ita aliud quippiam accipietur, quod in omni quidem d  
affirmabitur, sed in nullo c enunciari poterit. Quia ergo  
sursum uersus est aliquis in affirmationibus exitus, neces-  
se etiam est ut in negationibus aliquid tandem inuenias-  
tur, ubi sit resistendum. Tertia forma est, cum ita conclu-  
ditur, nullum b est c, omne b est a, quoddam igitur a non  
est c, ubi si rursus est demonstranda propositio, necesse est  
ut aut altero modo ex ijs duobus quos proximē exposui-  
mus, id fiat, aut hac ipsa forma. Atq; in superioribus qui-  
dem illis probandi rationibus, fines tandem aliqui repe-  
riuntur. Hac uerò forma si quis id monstrare instituerit,  
ita necesse est medium accipiat, e uerbi gratia, ut de nullo  
e dicatur c in propositione: in assumptione autem, in  
omni e dicatur b eodemq; modo in alijs rursus faciat, si  
qua alia reperiantur media. Postquam igitur id possum  
est, affirmationes deorsum uersus sua habere quædam  
extremas

extrema: illud etiam necessario efficitur, ad extremum quoddam tandem peruenturas negationes, in quibus de aliquo negatur. Est porro illud etiam ex ijs perspicuum, quod si non una tantum uia ac ratione huiusmodi probentur negationes, sed simul omnibus, ita ut partim in prima figura, partim in secunda, & partim in tertia cōcludatur, planum inquam est hoc etiam modo necesse esse, ut aliquæ tandē ueluti stationes reperiuntur, in quibus commorandum & acquiescendum sit. Etenim hæc uia sunt finitæ: quæ uerò certa sunt ac definita, si non nisi certo quodam numero accipiantur, quomodo non facient totum quod ex ijs coniunctum erit certum ac finitum? Est igitur perspicuum, in negationibus certos quosdam ac definitos esse terminos, si modo in affirmationibus quosdam esse admittatur.

## CAPVT XVIII.

Quod uerò in his ipsis exitus tandem aliquis reperitur, nunc demonstrabimus. Ac primum logicè ista consideranti, non est difficile quam id uerum sit cernere. In primis certa esse ea quæ in definitione accipiuntur, uel hinc planum esse potest, quod si declarari aliquid definitione posse, aut uerò quid sit res posse oratione cognosci statuatur, necesse est numero quodam certo esse ponatur, quæ in oratione quid res sit explicante adhibentur: siquidem infinita nemo possit animo ac cogitatione percurrere. In uniuerso autem genere eorum quæ de altero dicuntur, idem illud uerum esse, hoc modo planū ac manifestum faciam. Verum quidem dicimus, cum hoc modo pronunciamus, quod candidam est, ambulare: aut illud quod magnū est, lignum esse: & rursus cum lignum esse

album, aut hominem ambulare enunciamus: inter hoc tamen enunciandi genus, atq; illud plurimum interest. Quando enim quod album est, lignum esse dico, nil dico nisi illud cui fortē accidit ut album esset, lignum esse: nec ita attribuo lignum albo, quasi subiectum quoddam ligno sit album: siquidem id usufruere hoc loco non uidemus, ut fuerit prius id quod albū est, aut omnino, aut pars eius, res quædam ipsa per se cohærēs, tum deinde illi conueniret lignum esse: quare quod album est, lignum esse, id fortuitum ac per accidens tantum est: quando uerò lignum esse album dico, id ego non uolo, rem quandam albo subiectam esse, cui idem acciderit, ut præter id quod alba est, lignū esset. qualiter fit cum ita enunciatur, Musici cum esse album: id enim ex eo uerum est, quod eidem homini, qui musicus erat, contigit ut albus etiam esset: sed illius enunciationis ea uis est, ut albo subiectum sit lignū, cui illud non alia ratione conuenire coepit, nisi quia lignum est, aut species quædam illius. Ac si hic mihi legem ponere, certumq; aliquid statuere liceat, tum dici aliquid attribuiq; statuatur, quādo posteriore hoc genere enunciabitur: cū uerò illo priore modo fiet pronuntiatio, tum aut nullo modo dici, aut non simpliciter, sed ex adiunctione per accidens attribui censeatur. Atq; esto attributum, ut album: subiectum autem, ut lignum. Ponatur igitur, omne attributum de subiecto simpliciter, ac non per accidens dici: quandoquidem talia semper sunt, quæ in demonstrationibus adhibentur. Vnde illud sequitur, quando cūq; unum uni attribuetur, necesse esse ut attributum aut in essentia rei contineatur, aut significet qualitatem, aut quantitatem, aut ad aliquid, aut facere, aut pati, aut locum,



locum, aut tempus. Iam uerò quæ ad explicationem naturæ pertinent, ita semper subiecto attribuuntur, ut subiectum significant esse id ipsum quod attribuitur, aut huius partem aliquam. Quæ autem rei naturam non declarant, sed in subiecto quodam dicuntur, quod nec illud ipsum est quod ei attribuitur, nec illius generis quippiam, ea accidentia dicuntur: quomodo album de homine dicitur. Neque enim homo est illud ipsum quod significat album, neque quod ab aliqua albi differentia significetur: sed homo animal est fortasse: atque adeo quod animal significat, illud ipsum homo est. Quæ porro non declarant rei naturam, ea semper in subiecto aliquo insunt: nec est quippiam quod ita album dicitur, ut nil aliud sit quam id ipsum quod hoc uerbo, album, declaratur. Nam id eas hoc loco ualere iubeamus. nil enim quam nugæ, & quæ si inanes cantiones sunt: & si sint, nil tamen ad hanc nostram disputationem pertinent: quando quidem in ijs rebus demonstrationes uersantur, quæ in subiecto insunt. Iam si non potest, ut hoc est illius qualitas, ita uicissim illud huius esse, nec omnino fieri possit ut sit qualitatis alia qualitas: illud profecto fieri non poterit, ut ab accidentibus ulla sit retrò commeans attributio: non quod uerum hoc modo dicere non liceat: sed cum retrò uertitur ab accidentibus enunciatio, fieri non potest, ut præter id quod uera sit, etiam proprium ac legitimum genus attributionis contineat. Quid enim? itane attribuentur illa, ut essentiam declarent, ac perinde dicantur quasi genera, aut differentie eorum quæ attribuuntur generum? Atqui paulo antè demonstratum est, ista nec ascensu nec descensu infinito contineri. ueluti si hominem, deinde

u   §   bipes,

bipes, tum animal, tū superius animali aliquid accipias, in infinitum non progredi: ut nec si inferiora persequaris, attribuendo animal homini, tum hominē Calliæ, deinde Calliam alicui alteri, cuius in essentia cōtineatur. Omnis enim qua aliquid est superius & inferius substantia, definitione explicari potest: infinita autem nemo potest cogitatione comprehendere. Quare si non possit ea substantia definiri, de qua infinita dicuntur, necesse est ut tum sursum tum deorsum sit aliquis tandē exitus. At certe non possunt ita vicissim retrō attribui, ut genera esse intelligantur: alioqui efficietur, ut idem sit id ipsum quod est. Sed nec de qualitate, nec de ullo alio accidente potest ullum accidens dici, nisi per accidens: quādoquidem ista omnia aduenticia sunt, & in substantia semper cernuntur. Quod uerō superiora persequentē non liceat in infinitum regredi, hinc intelligi potest, quod omne quod de quaque re dicitur, aut quale sit, aut quantum sit, aut simile aliquid indicat, aut uerō essentia rei declarat. atqui certo numero sunt quæ in natura rei continentur: & reliqua etiam attributionum genera finita sunt. Hæc enim ferè sunt, quale sit, quātum sit, ad aliquid, faciens, patiens, ubi sit, quando sit. Illud porro iam antè à nobis positum est, unum de uno dici, & nūquam euenire ut subiectum id ipsum sit quod attributum, nisi quid sit, ac substantiam significet ipsum attributum. Quæ enim non significant quid est, omnia sunt accidentia: sed ex ijs alia sunt quæ per se insunt, alia quæ alio modo conueniunt. Cuiuscunque generis sint, semper in aliqua re subiecta inesse, ac non ipsa quædā subiecta esse censemus. Nil enim horum est, quod, si esse dicatur, statim aliud quippiam esse non  
intelli-

intelligatur, quàm quod ipso uerbo cōtinetur: sed ipsum de alio quodam dicitur, alia quædam de altero. Neq; igitur sursum uersus, neq; deorsum fieri potest, ut unum de uno sine ullo fine dicatur. Nam de quib. accidētia dicuntur, ea sunt quæ substantiam declarant: quæ non possunt esse infinita. Superiora uerò cum inferiorib. conferēdo, neq; in ijs, neq; in accidentibus, potest esse in infinitū progressio. Quare necesse est ut aliquid tandem reperiatur, quod mox ab infimo positū, de illo primum omnium dicatur, tum deinde aliud de hoc ipso: atq; ita superiora deinceps repetendo tandē in summo aliquo consistatur, quod ipsum quidē de aliquo sibi proximo enunciabitur: supra se autē nil habebit, quod de se dici possit. Atq; una quidē huius rei probatio hæctenus explicata est: nunc aliā subiiciamus. Ea tantū demonstratione cōcluduntur, de quib. alia priora dici possunt: quæ uerò euidenti probatione possunt ostendi, ea nūquam certius meliusue animo percipiuntur, quàm cum planē ac perfectē sciuntur, nec uerò citra demonstrātionem certō sciri possunt. Porro illud certum est, si ex quibus aliquid manifestū sit, ea nec sciamus, nec alia quadam ratione melius ac certius intelligamus, quàm quæ scimus: fieri non posse, ut ex ijs aliquid planē ac perspicuē cognoscatur. Si igitur est aliquid quod per demonstrātionem simpliciter absoluteq; sciri possit, ac non quasi ex quibusdā concessis, aut ex fictione quadam omnia sciātur: necesse est ut certo quodam numero contineantur attributiones, quæ inter primas atq; ultimas interiectæ sunt. Nam si nullus tandem reperitur exitus, sed in infinitum aliqua semper superiora sint, nil erit quod demonstrātionē confirmari non possit.

Quare

Quare quæ euidenti probatione ostendi possunt, ea per demonstrationem scire non poterimus, siquidem infinita nemo possit ratione & intelligentia complecti. Si igitur ea animus non potest melius comprehendere, quàm cum eorum scientiam est assecutus: illud profectò necessariò efficitur, nil esse quod per demonstrationem simpliciter sciatur, sed ex fictione & quasi ex conditione omnia cognoscentur. Ac logicè quidem ista consideranti, hæc argumenta persuadere possunt, id ita esse quod dico: Analytice autè, si hæc eadem spectentur, breuius confirmari poterit, nō posse nec sursum nec deorsum uersus, infinita esse attributa, quæ in demonstratiuis scientiis (de quibus hæc uniuersa tractatio suscepta est) locum habent; contineatur enim omnis demonstratio ijs quæ per se attribuuntur. Hæc autem dupliciter dicuntur. uno modo, quæ in definitione eorum accipiuntur, de quibus dicuntur. altero, quæ subiecto attribuuntur, quod in eorum definitione explicanda adhibetur. Huius generis exemplum est, impar quod numero conuenit, et numerus in definitione ipsius ponitur. prioris exemplum est multitudo, aut quod diuiduum est, quæ ad numerum definitione explicandum adhibentur. At uerò neutrum horum potest immenso numero contineri: primum enim, quæ eo modo insunt, quomodo impar numero, non possunt esse innumerabilia. nam ut aliud quippiam sit quod rursus de impari dicatur, ita ut in eius definitione accipiatur impar, fieri potest: sed etiam cum illud usuuenit, necesse est ut in omnium illorum definitione numerus accipiatur: quando numerus est in quo primo ista omnia cernuntur. Itaq; si non possint uni infinita huius generis attributa conuenire, ne  
id

Id quidem fieri poterit, ut sursum uersus in infinitum regredi liceat. Atqui ista omnia necesse est numero attribui, uicissimq; in eorum definitionibus numerum adhiberi: illa igitur omnia cum numero reciprocabuntur, nec poterunt latius patere quam numerus. Iam uero ne illa quidem infinita esse possunt, quæ in oratione docente quid sit res quæq; continentiur: alioqui ne unam quidem definitionem licebit absolvere. Quare si dicantur per se omnia attributa, hæc autem non sint infinita, erit tandè primum quoddam caput, in quo cõsistamus: ideoq; ultimum etiam aliquid, ubi resistamus. Vnde necessario efficitur, ne illa quidem infinita esse posse, quæ intra illos terminos continentur. Hæc porro si uera sint, cõsequens est, ut sint quædam initia demonstrationum, nec possint omnia euidenti probatione ostendi: quemadmodum dicunt quidam, de quib. initio huius disputationis mentionem fecimus. Etenim si aliqua sint initia, nec demonstratione probari res omnes possunt, nec progredi in infinitum licet. Siquidem alterutrū horum ponere, idem ualet ac si dicatur, nullū planè esse interuallum ita continuatū, quin ali quo medio interceptū sit, & quasi interductū aliquo distinctū, sed omnia esse deiuncta & interrupta. Ita enim demonstratur unūquodq; ut uerbum mediū inter extrema immittatur, non autē extra ipsa extrema collocetur. Quare si ita alia ex alijs probādo, in infinitum progredi liceat, necesse erit ut inter duo extrema media infinita contineātur. Quod fieri omnino non potest, si modò propria singulorū attributa persequent, necesse sit tum sursum tum deorsum acquiescere. Quam uero illud necesse sit, & logicè supra, & analyticè modò ostendimus.



Demonstratis autem his, illud facile fiet manifestum; quod si unum attributum de duobus dicatur, ut a de c, & de d, quorum unum de altero aut nullo modo, aut nō in omni enunciatur, non semper commune aliquod uerbum reperiri, per quod illud attributum utriq; conuenire ostendatur. ueluti isosceli & scaleno conuenit habere tres angulos æquales duobus rectis, per communem aliā quam utriq; naturam: quia scilicet figuræ quædam sunt, nec iam aliud est cuius interuentu illud conueniat. Sed in omnibus nō est eadem quæ in his ratio. Est enim b, cuius interuentu a conuenit c & d. Cōstat igitur & aliud rursus esse medium, per quod ipsis c & d attribuitur b, atq; illud rursus per aliud quippiam. Ex quo efficitur, intra duo extrema, posse media infinita contineri: quod fieri omnino non potest. Non igitur necesse est, ut quod attributum de multis dicitur, semper alicuius alterius interies. Et dicatur: quandoquidē aliqua tandem interualla medio carentia reperiuntur. Sed ut ipsa quæ interueniunt uerba, ex eodē genere sint, isdemq; indiuiduis: illud sane necesse est, si modō illud cōmune uerbum cuius interuentu aliud ostenditur, in numero eorum sit quæ per se conueniunt. Nam traducere quæ unius generis sunt in aliud, demonstrando non licet. Perspicuum porrō etiam illud est, quādo a de b affirmatur, si est quoddā inter alia medium, illam affirmationem, omne b est a, demonstrationē posse concludi: atq; etiam tot & eadem esse elementa huius affirmationis, quot & quæ sunt ipsius media: quæ enim medio carent propositiones, aut omnes, aut certæ quæ in toto genere enunciant, sunt elementa. Sin nullum

est medium, ne demonstratio quidem erit, sed iam tum ad ipsa initia peruentum erit. Eadem ratio erit, si de b negetur a. nam si interueniat aliquid, siue mediū, siue in quo prius negetur a, demonstratio de ea re conficietur: sin minus, non conficietur. Verūm quot erunt uerba media, tot erunt principia & elementa; quandoquidē demonstrationis principia sint eæ propositiones quæ ex his uerbis constituuntur. Atq; etiam sicuti sumi aliqua initia quæ probari demonstratione non possunt, quibus aut hoc esse illud, aut huic illud inesse affirmatur: ita sunt quib. negando, aut hoc non esse illud, aut non inesse hoc illi, pronuntiatur: quo fit, ut præstò nobis esse possint principia tum affirmationibus tum negationib. concludendis. Et quidē quādo demonstrabitur affirmatio, ita semper accipiendū erit medium (quod sit, uerbi gratia, c) ut sit necesse ipsum c omni b inesse, ac deinde omni c inesse a. atq; eadem hac ratione persequi media oportebit, ita ut nulla unquam extra illos terminos propositio sumatur, nec unquam aliud quod ipsa omni attribatur, in probādo adhibeatur: sed semper ea quæ in medio sunt spacio coascruantur, donec ad cōtinens aliquod nulloq; medio distinctum interuallum, atq; adeò ad unum quippiam perueniatur. Ad illud uerò unum tum peruentum est, cum ad immediatum aliquod proloquium deuentum erit. Atq; est illa quidem certè propositio simpliciter ac propriè una existimanda, quæ omni medio caret: & quemadmodum in alijs omnibus rebus semper ipsum initium simplex est, non idem tamen in omnibus, sed in ponderibus (uerbi causa) mina, in modulatione dieis, in alijsq; alia. sic in ratiocinatione ipsa id quod est minimū, ac maxime unum,

est propositio immediata: in demonstratione uerò ac scientia, ipsa mens atq; intelligentia. In ijs igitur rationationibus, quibus affirmatio ostenditur, nunquam medium extra extrema accipi potest. In ijs uerò quæ negationem concludunt, in hac quidē figura prima, nil etiam extra conclusionis attributum accipietur. Veluti si probatum fuerit, nullum *b* esse *a*, per medium *c*, hoc modo collocatis sumptionibus, nullum *c* est *a*, omne *b* est *c*: ac rursus probandum sit nullum *c* esse *a*, hic accipietur medium aliquid inter *a* & *c*, eiusdemq; modi fiet semper progressio. Si in hac forma ostendatur nulli *e* conuenire *d*, quia omne *d* est *c*, & nullum *e* est *c*, aut non omne: extra *e*, quod est minus extremum, de quo aliud concluditur, nunquam cadet medium. In tertia uerò figura nec extra subiectum, nec extra attributum, negantis conclusionis medium unquam accipietur.

## CAPVT XX.

Deinceps sequitur, quoniā sunt aliæ demonstrationes de toto genere, aliæ de parte: & partim affirmantes, partim negantes: ut quæramus utra sit potior earū quæ singulis diuisionibus continentur. Idem illud quærendum est de demonstratione rem directò probante, & de ea quæ ad incommodum ducit. Sed nos prius quidem de uniuersi generis et partis demonstratione agemus: tum deinde ad directam, & eam quæ incōmodo urget, demonstrationem ueniemus. Ac primū his fortasse rationibus quispiam inducatur, ut credat eam probationem, quæ in parte uersatur, accuratiorem esse, quā quæ genus uniuersum confirmat. Vt quæq; probatio certiorē parit rei cognitionem, ita potior accuratiorq; est: siquidē in eo  
posita

posita sit omnis demonstrationis uirtus, ut scientiam gignat. Atqui unaquæq; res cum per se cognoscitur, tū melius ac certius intelligitur, quā si per aliud quippiā sciatur: ueluti Coriscum esse musicū tum magis scio, cum scio hunc ipsum Coriscū esse musicum, quā cum hominem, et sic alia. Vniuersa uerò demonstratio, quod aliquid in sit in alio semper, & nō in eo ipso in quo inest, demonstrat: ut isosceli conuenire quippiā ostendit, non quia sit isosceles, sed quia triangulū. Quæ autē in parte demonstrat, in eo ipso cui cōuenit, rem inesse ostendit. Itaq; si est melior quæ per se rem ostendit, illudq; magis illi cōueniat probationi quæ ad partē aliquam pertinet, quā quæ ad totum genus: relinquitur profecto, accuratiore esse partis quā uniuersi generis demonstrationē. Præterea si reuera nil sunt res uniuersæ præter singulas, eam autē opinionem inducat uniuersa demonstratio, ut rem quandā esse eā in qua aliquid ostendit existimemus, atq; adeo in rerū natura cohærere talē aliquam naturam: ueluti trianguli præter singulos triangulos quandā esse naturam, figuræ præter singulas figuras, numeri præter singulos numeros. Est porro ea semper accuratior probatio, quæ quod reipsa est, quā quæ quod nusquā est ostēdit: & quæ errorem nullum inducit, quā quæ in falsas nos inducit opinionones. Atqui est huius posterioris generis demonstratio uniuersa. Postquā enim demonstratores aliquātum iam in probando processerunt, tū ferē illud idē faciunt, quod in proportionē demonstranda usuuenit: nempe quicquid erit tale quippiā, omne illud erit proportionis particeps: quod quidē nec est linea, nec numerus, nec solidū, nec planū, sed præter illa nescio quid. Si igitur illud potissimū in

x

demon-

demonstrādo genere uniuerso eueniat, ideoq; in eo quod  
reuera sit, minus uersetur uniuersi generis quā partis  
demonstratio, adeo ut illa falsam etiam gignat opinionē:  
iam certē dubium esse non potest, quin longē superetur  
de toto genere probatio, a demonstratione de parte. At  
enim (ut hinc potissimum ordiar) prior illa ratio, nonne  
tam est ab uniuersi generis demonstratione, quā ab ali  
cuius partis probatione? Nam si non conueniat isosceli  
habere tres angulos pares duob. rectis, quia sit isosceles,  
sed quia sit triangulum: profectō necesse est eum nō tam  
perfectē rem ut est nosse, qui hoc isosceli inesse cognoue  
rit, quā qui triangulo. Atq; ut semel dicam, si non ita res  
habet, ut triangulo conueniat quia triangulum est, idq;  
uelit quispiam ostendere, non erit illa demonstratio: sin  
ita res habet, ut quisq; rem aliquam, quia ea ipsa est, no  
uerit, ita rem certius multo accuratiusq; perspectam ha  
buerit. Itaq; si latius patet triangulū, sitq; ipsius una quæ  
dā ratio, nec ulla in su in hoc ipso triangulo ambiguitas,  
in omni autem triangulo uerē dicatur par esse duobus  
rectis angulis: illud certē planum est, non triangulo quia  
sit isosceles, sed contrā isosceli quia triangulum sit, conue  
nire, ut habeat tres angulos duobus rectis pares. Quare  
qui totum genus nouit, rem ut est magis nouit, quā qui  
partem tantum intellexit, ob eamq; causam accuratior  
uniuersi generis demonstratio, quā alicuius partis. Idē  
uerō si uniuersum ipsum genus una quadam ratione, non  
autem sola nominis communione continetur: non minus  
in rerum natura cohærebit, quā rerum singularum  
nonnullæ, quin etiam multo magis: quandoquidem quæ  
immutabilia sunt, nec interitum agnoscunt, in rebus uni  
uersis



uersis cernuntur: res uerò singule maxima ex parte caduce sunt, & mortales. Insuper quæ tandem necessitas est, quia res uniuersa unum quippiam est, in eam statim uenire opinionem, ut uniuersale esse aliquid à rebus singulis separatum credamus? nam cur id magis hic necesse sit, quàm in alijs quæ non substantiam, sed aut qualitatem, aut ad aliquid, aut facere significant? Illius igitur falsæ opinionis, non causa est demonstratio, sed qui eam malè accipit. Præterea demonstratio est ratiocinatio, quæ adhibetur ad docendam causam cur res sit: in uniuerso autem genere, causa maximè continetur. Cui enim propter se aliquid conuenit, ipsum sibi est causa cur ita sit: est autem uniuersum genus illud, in quo primum ac per se res insunt: in ipso igitur uniuersali causa continetur. Quapropter erit potior accuratioq; de toto genere demonstratio: quandoquidem illa magis causam cur res sit explicat. Præterea cum quæritur, quamobrem sit aliquid, non cognoscimus, donec ad genus aliquod uniuersum perueniamus: ac tum demum existimamus nos esse affectos rei sciētiam, quando nil iam aut esse, aut fieri uidemus, ultra illud totum genus. Exitus enim finisq; ultimus in causæ inuestigatione, hac demum ratione inuenitur. Verbi gratia, cur uenerit quispiā, causa est, ut pecuniam accipiat: tū huius ratio est, ut se ere alieno liberet: rursum huius causa est, ne quam alteri iniuriam faciat. Et quidē cū hoc modo causas ex causis persequimur, si quando eò perueniamus, ut iam non ob aliam causam, nec alterius rei gratia fieri aliquid uideamus, tum id ipsum finem esse cur uenerit, dicimus: aut cur aliud quippiam uel sit uel fiat, tumq; maximè quamobrem uenerit, nos scire putamus.

putamus. Si igitur similis est ratio in causis omnibus, et par sit eademque affectio in omnibus questionibus, quæ quomobrem quæque res sit inquirunt: est aut illa quam diximus certissima ratio sciendi, in ijs rebus in quibus causa quæ inuestigatur, finis est: et in alijs profectò causis, tum maxime cognita ac perspecta res erit, cū iā nulla erit ulterior causa, quā reddamus. ueluti cum scimus exteriores isoscelis angulos quatuor rectis pares esse, quia isosceles est, id adhuc desideratur, quomobrem id isosceli cōueniat, quia scilicet triangulū: ac rursus cur triangulo, nimirum quia est forma rectis lineis cōstans. Hic uerò si iam nulla sit ulterior causa, necesse est ut hac demum causa intellescit, illa res planè ac perspicuè cognita sit. Atqui hoc genus quoddam uniuersum, est latissimè patens: est igitur accuratior uniuersi generis quàm partis demonstratio. Ad hæc, quo magis ad singulas partes declinamus, eo ad infinita magis accedimus: contrā autē, quo magis ad res uniuersas ascendimus, hoc ad simplicē definitamque naturā magis appropinquamus. Atqui quæ sunt res infinitæ, hæc sub scientiā minimè cadunt: quæ uerò finitæ sunt, ea scientiæ subiiciuntur. Res igitur ipsæ magis hoc ipso quòd uniuersæ sunt, sub scientiam cadent, quàm cum in parte spectentur. Quare ad demonstrandū magis accommodatæ erunt res uniuersæ, quàm singulæ partes. Par aut est, ut earum rerū quæ ad demonstrationē magis accommodatæ sunt, sit etiam magis demonstratio: simul enim quæ cum aliquo cōferuntur, utraq; elationē suscipiunt. Quando igitur magis demonstratio est quæ in toto, quàm quæ in parte uersatur, id necessariò relinquitur, præstantiorem esse uniuersi generis demonstrationem. Iam uerò illa  
semper

semper optabilior est demonstratio, per quā simul multa cognoscimus, quā quæ unius tantum rei adfert cognitionem. Atqui percepto toto genere, simul quod in parte est intelligitur: qui uerò hoc nouit, non etiam uniuersum genus habet perspectū. hac igitur ratione necessario cōfiscitur, optabiliorē esse illam demonstrationē. Sed etiam illud hoc pacto confirmari potest: nil enim est res magis generales, quāq; latius patent, scire, quā per illud medium rem nosse, quod ad initia propius accedit: illud autē quod proximum est à primo, nullo medio est ab illo distinctum, quod quidem est ipsum principium. Si igitur est ea accuratior demonstratio quæ ex principijs constat, quā quæ non cōstat, aut uerò quæ ex ijs cōponitur quæ magis principia sunt, ea est potior quā continentur illa quæ à principiorum appellatione magis sunt remota: est autem prioris illius generis demonstratio de toto genere: profectò necesse est ut sit multo excellentior uniuersi generis probatio. ueluti si demonstrandum est a in d inesse, media sunt b et c, ac superius quidem est b. quapropter necesse est ut latius pateat demonstratio quæ illud mediū accipiat, quā quæ alterum. Sed sunt quidē ex ijs rationibus quæ adductæ sunt, nonnullæ logicæ. Nūc uerò paucis, quā sit præstantior de toto genere quā de parte demonstratio, planum faciam. Nos enim scientes priorem aliquam propositionem, simul et posteriorem quodāmodo scimus, utq; ac facultate hanc in illa animo complectimur. ut qui scit, omne triangulum habere tres angulos pares duobus rectis: scit etiam, quodāmodo isosceli idem illud conuenire, etiā si nesciat fortasse isosceles esse triangulum. At qui hanc posteriorem nouit proposi-

tionem, illam uniuersam nec re ipsa, nec ui & facultate percepit. Et uniuersi generis probatio, ratione & intelligentia continetur: quæ autem de parte concluditur, ad sensum pertinet, eoq; terminatur. Quòd igitur longè præstat demonstratio uniuersa, demonstrationi quæ in parte uersatur, ista sufficiant.

## CAPVT XXI.

Nunc sequitur, ut aientem negante præstantiorè esse ostendamus. Ac primum ponatur, illam demonstrationè alteri præstare, quæ cum reliqua paria habeat, paucioribus absoluitur postulatis, aut hypothesibus, aut propositionibus. ut enim sint æquè manifestæ utriusq; propositiones, illa certè quæ paucioribus constat, celerius rei cognitionem adferet: quod profectò optabilius est. Porro cur præstare dicatur, quæ paucioribus absoluitur, ei quæ pluribus, hæc communis ac generalis ratio reddi potest. Quoniam licet similia sint in perspicuitate media, semper tamen sunt notiora quæ priora sunt, ut probatione una, de e dici a, per media b c d ostèdatur: altera autem, quòd d cõueniat ipsum a per media f g demonstretur: nec obscurius sit ac difficilius intelligere de d dici a, quàm de e idem ipsum a dici: illud tamen prius ac notius est, quòd a conueniat ipsi d, quàm quòd ipsi e in sit a, quandoquidè illud ad hoc demonstrandū adhibetur. Est uerò illud semper credibilius, quod ad faciendam de altero fidem accipitur. est igitur præstantior ea demonstratio, quæ cum cæteris in rebus cum altera conueniat, paucioribus absoluitur, quàm illa. Ac istæ quidem ambæ de quibus queritur, tribus constant uerbis simplicibus, ac duab; summationibus: uerùm una affirmationes tantùm accipit, altera ea

affir.

affirmationē & negationem: quo fit, ut hæc ex pluribus  
cōficiatur quàm illa, ideoq; sit deterior. Iā uerò uel hinc  
perspici potest, hæc illa esse deteriorē, quòd alijs in libris  
ostendimus non posse ex duab. sumptionibus, negantibus  
quippiā, necessariò confici: sed semper unam affirmare,  
alterā negare oportere. His accedit, quòd demonstrandis  
negationibus semper adhibendæ sunt affirmationes, sem-  
per enim maior est aientium quàm inficientium propo-  
sitionum numerus, in omni demonstratione, quæ retrò  
acta ad principia, in aliquam magnitudinē augetur. Ut  
aut plus quàm una negatio in omni ratiocinatione suma-  
tur, fieri negamus. Sint enim hæc sumptiones, nullū b est  
a, omne c est b: nunc si oporteat has rursus propositiones  
confirmando in maius augere demonstrationem, inter-  
ponendum erit medium inter a & b, quod sit d: et aliud  
quippiam inter b & c, quod sit e. Ac perspicuū quidem  
est, medium e in affirmationibus tantū accipi: d autem,  
cum b quidem coniunctum in assumptione, affirmationē  
facit: propositio autem in qua cum a ipsum d connecti-  
tur, est negans, ut fiat hoc modo ratiocinatio: nullum d  
est a, omne b est d. Est igitur in eo toto propositionum  
numero, una sola negatio. nec secus in alijs omnib. ratio-  
cinationibus fiet: siquidem in affirmatione concludenda  
semper necesse est utramq; sumptionem esse affirmantē,  
in negatione uerò tantū altera inficiatur. Quo fit, ut  
hæc sola negatio sit, cum alie omnes sint affirmantes. Si  
igitur id semper notius & credibilius est, quod ad fidem  
faciendam adhibetur, demonstratio autem negans per  
affirmantem, nec uicissim affirmans per negantem con-  
firmatur: erit perfectò aliens demonstratio prior, no-  
tior.



tior, credibilior altera, ob eamq; causam præstator. Potest enim, si nil est principium demonstrationis, quam universa propositio medio carens, accipitur autem in aiente probatione affirmans talis propositio, in inficiente autem negans; et affirmans negante prior est et notior: ac notior quidem, eo quod confirmandis negationibus affirmationes adhibentur: prior uero, quoniam esse prius est quam non esse: ex his profecto efficitur necessario, certiora præstatoraq; esse affirmantis quam negantis demonstrationis principia. At enim quæ melioribus utitur initijs, eam non modo meliorem esse necesse est, sed etiam ad ipsorum principiorum naturam magis accedere, hoc ipso quod non potest negans sine affirmante constare,

## CAPVT XXII.

Quoniam autem longè præstat demonstratio affirmans neganti, perspicuum etiam est, ab illa eadem longè superari probationem quæ aduersarium urget incommodo. In primis autem quid hæc probatio differat ab ea quæ ad fidem directò pertinet, intelligendum est. nam cum ita conficitur ratiocinatio, nullum b est a, omne c est b, nullum igitur c est a: tum est directæ huius negationis, nullum c est a, probatio. Quæ uero ad incommodum ducit, hunc in modum conficietur. Esto hoc propositum ad ostendendum, nullum b est a. ut id ostendam, ego contrā accipiam, omne b esse a: tum assumam, omne c est b: ex quo efficietur, omne c esse a. Quæ conclusio quoniam perspicue falsa est, fieriq; id non posse quod ait, omnium opinione confirmatum est, propterea ego ad extremum concludo, non fuisse ueram illam propositionem, omne b est a. Nam si illam assumptionem omne c est b, ueram esse

esse certum est, ac concessum: fieri omnino non potest, ut uera sit propositio, omne  $b$  est  $a$ . Ac uerborum quidem simplicium ex quibus utraq; constant, collocatione non distinguuntur: sed in eo tantum cernitur discrimen, utra ex duabus negantibus propositionibus notior esse ponatur, illane quæ dicit nullum  $b$  esse  $a$ , an quæ nullum  $c$  esse  $a$ ; nam si id aperius est non esse, quod hac conclusione pronuntiatur, erit demonstratio per absurdam conclusionem docēs: sin illa clarior est quæ in ratiocinatione propositionis loco accipitur, erit directæ rei probatio. Atqui naturæ ordine prius est, nullum  $b$  esse  $a$ , quam nullum  $c$  esse  $a$ ; quandoquidem ea semper priora sunt complexione, ex quibus ipsa complexio efficitur. Est autem hæc, nullum  $c$  est  $a$ , complexio: illa autem, nullum  $b$  est  $a$ , propositio, ex qua hæc conficitur conclusio. Neque enim quoquo modo ex alijs reprehendatur ac refellatur quippiam, id statim ita accipi debet, ut hæc semper conclusio censeatur, illæ sumptiones, ex quibus efficiatur illa complexio, appellentur. Sed ea demum sunt ex quibus aliquid concludi propriè dicitur, quæ in aliqua ratiocinatione ita accipiuntur, ut aut quasi pars post totum, aut contrà post partem totum, ante cõplexionem sumptum sit. Duæ autem illæ propositiones  $a$   $b$  et  $a$   $c$ , non sic sunt inter se affectæ. Quocirca si præstâtior est quæ ex apertioribus ac prioribus constat, ualeant autem illæ quidem utraq; negantes demonstrationes ad fidem faciendâ, sed una ex prioribus, altera ex posterioribus conficiatur: illud profectò necesse erit, ut demonstratio negans, quæ simpliciter ac directò rem probat, ea sit accuratior, quæ ad incommodum ducit. Vnde perspicuum est, quia omni

neg inte præstantior est affirmans demonstratio, longe præstare ipsam affirmantem, omni, qua per incommoda res docetur, demonstrationi.

## CAPVT XXIII.

Proximum est, ut scientiam cum scientia comparemus. Ac primum illa est accuratior ac prior, qua simul & quòd res sit, & cur sit, non autem quòd sit tantum percipitur, quàm si qua sit, qua rei tantum causa cognoscatur. Deinde illa semper est certior, quæ in eo subiecto uersatur, quod est omnino à sensu iudicio disiectum, quàm quæ in re uersatur ad sensum maxime accommodata. ut, arithmetica quàm musica subtilior est ac certior. Postremo accuratior est, quæ simplicioribus elementis constat, ea cuius elementa non nisi ex aliqua adiectione intelliguntur: qua ratione geometriæ præstat arithmetica. Quid autem ex adiectione appellauerim, hoc exemplo intelligi potest. Vnitatis enim natura quædã est, quæ nusquam posita, per se spectatur: punctum autem substantia quædam est, quæ situ quodam suo intelligitur: quod nos supra appellauimus ex adiunctione. Vna scientia est, quæ in uno quodã genere uersatur, earum rerum quæ ex iisdem primis initis constare cernuntur: quorum initiorum aut partes, aut affectiones sunt illa quæ per se conuenire illi generi conspiciuntur. Diuersæ autem sunt, quarum principia nec eadem sunt, nec alia sub alijs continentur. His uero, diuersis esse scientias, quas dicimus, ijs constare poterit, qui ad prima usque principia regrediendo peruenierint. illa enim ad idem genus pertinere debent, ad quod ea quæ demonstratione concluduntur: ut uel hoc argumento perspicui potest, quòd ea ipsa quæ

ex ijs principijs probantur, necesse est omnia eiusdem esse generis, summaq; natura societate inter se conuincta. Iam fieri potest ut ad eandem rem probandam adhibeantur plures demonstrationes, non solum si ex eodem quidem ordine, sed non deinceps ac continenter sumantur media, cuius generis sunt media inter a & b, c d & c; sed etiam si ex alia quadam serie rerum accipiat medium. Exempli gratia, sit a agitari, d uero moueri, b uoluptate affici. Ac rursus sit e tranquillari. Verum igitur est, & omne d esse a, & omne b esse d. Quicquid enim mouetur, agitur: qui autem uoluptate fruitur, mouetur. Et rursus uerum est, omne e esse a, & omne b esse e. Omnis enim qui tranquillatur, euamnum in agitatione est: qui autem uoluptatibus fruitur, tranquillatur. Itaq; per diuersa media, quorum non ponitur unum sub altero, sed ad diuersas rerum series pertinent, ratiocinatione effecta est hæc una conclusio. Verum intelligendum est, ea media non tam posse esse diuersa, ut alterum alteri nullo modo conuenire possit: quandoquidem eidem aliqui ambo conuenire conspiciuntur. Videndum porro est etiam in alijs figuris, quam multæ de eadem re ratiocinationes fieri possunt.

## CAPVT XXIIII.

Borum autem quæ casu, aut forte fortuna fiunt, nulla potest esse quæ ex euidenti probatione oriatur scientia. Neq; enim necessarium est, neq; plerunq; ita fit, quod fortuito euenit: sed in alio rerum genere, quod est præter hæc duo, euenta fortune collocantur. Omnis autem demonstratio, ex altero illorum constat. Nam omnis quæ quippiam demonstratur probatio, constat proposito-

nibus

nibus aut omnino necessarijs, aut quæ plerunq; ita fiunt. Ac si quidem necessarie sumptiones sint, necessaria est complexio: sin ex ijs sunt quæ plerunq; eueniunt, talis etiam futura est conclusio. Quare si quod casu & fortuito fit, nec semper, nec plerunq; ita fit, non poterit illius ulla esse euidens probatio. Ac ne per sensum quidem ulla oritur scientia. quanquam enim uniuersæ cuiusdam rei, ac non singularis sit sensus, quæ tamen res actu sentitur, eam necesse est non modò singularem esse, sed & certo quodam loco & tempore definitam. ipsum autem genus uniuersum, quod in omnibus rebus singulis continetur, sensu percipi nullo modo potest: quando quidem non sit certo quodam loco ac tempore definitum: aut certe uniuersa res non esset. Nam quod semper est & ubiq;, hoc est quod uniuersum genus appellamus. Quando igitur uniuersarum rerum sunt demonstrationes, quas non possumus sensu percipere, perspicuū est, nos sola sensuum perceptione non posse cuiusquam rei scientiam assequi. Quinetiam illud planum est, tametsi sensu percipi posset, triangulum habere tres angulos pares duobus rectis, nihilominus huius rei nos demonstrationem requisituros: nec eam (quod aliqui affirmant) adhuc sciremus. Quod enim sensu accipitur, singulare est. omnis autem scientia in rei uniuersæ cognitione posita est. Quo fit, ut si supra lunam positi, obiectam terram uideremus, nondum tamen causam defectionis intelligeremus. Quanquam enim tum lunam deficere sentiremus, tamen non omnino quamobrem deficiat intelligeremus: quando quidem sensu non percipitur genus uniuersum. Illud tamen fieri potest, ut quia idem illud sapius euenire conspexi-



speximus, inuento tandem uniuerso genere, rei demon-  
 strationem assequamur. Sic enim ex multis rebus singu-  
 lis, totum genus manifestum fieri solet. Est porro genus  
 uniuersum uel hoc nomine plurimi faciendum, quod cau-  
 sam rei complectitur ac declarat. Quare earum rerum  
 quæ sub scientiam cadunt, uniuersa cognitio est præstan-  
 tior omni sensuum perceptione: imò uerò & omni alia  
 cognitione animi, si modò earum rerum sit quæ causam  
 aliquam habent. nam de principiorum cognitione alia  
 ratio est. Planum igitur ex ijs est, in sentiendo non esse  
 positam rei quæ demonstrari potest scientiam: nisi id  
 quisquam fateri uelit, nil aliud esse sensibus percipere,  
 quàm scientiâ cuiusq; rei per demonstrationē consequi.  
 Veruntamen quædam quæstiones sunt, quarum obscuri-  
 tas ac dubitatio confertur ad sensuum defectionem, &  
 infirmitatem. Quædam enim sunt, quæ si oculis cernere  
 possemus, nunquam dubitaremus: non quòd rem oculis  
 perspicere, sit scire, sed quoniam ex oculorum sensu ori-  
 tur uniuersi generis conformatio. ueluti si tantum oculi  
 ualerent, ut minimos uitri meatus, transmissumq; per il-  
 los lumen cernere possent, id nobis apertissimum esset  
 quamobrem luceat uitrum, propterea quòd uidentes in  
 alio atq; alio uitro ita rem habere, cōmunem notionem  
 statim efficeremus, esse omnium eandem rationem.

## CAPVT XXV.

Sequitur ut ostendamus, non posse esse omnium ra-  
 tiocinationum eadem initia. Ac primùm logicè ista con-  
 sideranti, sic probari potest: Omnis ratiocinatio aut ue-  
 ra aut falsa est: quamuis enim ex falsis uerum efficiatur,  
 id tamē non plusquam semel, unaq; conclusione euenire  
 potest.

potest. ueluti si uera sit hæc cōclusio, omne c est a, mediū  
aut b falsum, cum nec uerum sit omne b esse a, nec omne  
c esse b: uelit autem rursus quispiā has proposiuitones alio  
quodam medio concludere, fieri non poterit quin falsa  
sint quæ hic accipiētur sumptiones, eo quod falsa con-  
clusio non nisi ex falsis efficitur: ex ueris autem, semper  
uera. At enim uera à falsis maxime distinguuntur. Deinde  
de uerò ne ipsa quidem falsa carent aliquo inter se disci-  
mine: falso enim de se inuicem enunciat̃ur, tum quæ ad-  
uersa sunt, tum quæ ita sunt repugnantia, ut omnino con-  
uenire inter se non possint. ut, iusticiā esse iniusticiam fal-  
sum est, aut ignauiam: & hominē esse equum aut bouē,  
& quod æquale est, aut maius esse aut minus. At si ea tan-  
tū quæ ad hoc nostrum institutum pertinent, spectare  
uelimus, hunc in modum ostendetur, ne eorum quidem  
quæ uera sunt, omnium eadem esse principia. Multa e-  
nim sunt, quorum principia cū genere diuersa sint, nul-  
lo modo inter se conuenire possunt. Cuiusmodi sunt, uni-  
tates & puncta, quæ quomodo conuenire possunt, cum  
illæ nullum situm habeant, hæc nisi alicubi sita intelligi  
non possint? Nam si conuenire possint, & demonst-  
rans alijs alia accommodari, necesse est ita applicentur, ut  
aut in medio sita sint eorum quæ demonstrantur, aut su-  
pra, aut infra, aut certē partim intra extrema, partim  
extra ipsa. Sed nec ex communibus principijs aliqua es-  
se possunt, ex quibus omnia demonstrentur. Communia  
autem initia appello, quale est illud, In quacūq; re aut  
affirmatio aut negatio uera. Genera enim eorum quæ  
sunt, diuersa sunt: & in quantitate & qualitate semper  
sunt aliqua, quæ eorum generum propria sunt: quibus  
acceptis,

acceptis, ac deinde simul adiectis cōmunibus, omnes constant demonstrationes. tam uerò nō multo pauciora sunt principia, quàm conclusiones: nihil enim sunt principia quàm propositiones illæ, quæ connectuntur ex uerbi mediæ uaria collocatione, quod interdū extra extrema accipitur, interdum inter extrema inijcitur. Adde, quod conclusiones in immensum excrescere possunt, cum interim extrema finito certoq; sint numero. Deniq; principiorū alia sunt necessaria, alia in rebus contingentibus cernuntur. Qui igitur his rationibus ista examinauerit, faciliū debet fieri omnino nō posse, ut sint omnium eadē principia certo quodam numero comprehensa, si sint innumerabiles cōclusiones. At uerò si quis hoc de quo agitur, effatū aliter interpretetur, ut dicat esse quādam uniuersæ geometriæ communia principia, alia quæ eadem omnibus numeris conueniunt, tum deinde alia quæ medicinæ sunt accommodata: quid quæso hoc aliud est, quàm dicere, singulis scientiis sua quādam esse ac propria principia? Quid uerò magis ridiculum est, quam ob id dicere omnium scientiarum eadem esse principia, quod unaquæq; scientia sua quādam habet principia, quæ seorsum ipsa conueniunt, idemq; sunt? Possunt enim hac ratione omnia eadem appellari. Sed ne id quidem dici potest, nil aliud esse, eadem omnium principia quærere, quàm uelle omnia principia, ad quamvis rem demonstrandam ualere. Nam quid hoc absurdius? neq; enim id in ijs scientiis quæ adhuc inuentæ & cognitæ nobis sunt, fieri uidemus: neque omnino id fieri potest in dissolutione. Principia enim nil sunt aliud quàm propositiones immediatæ. Semper autem alia atq; alia efficitur con-

conclusio, quando diuersæ propositiones immediatæ accipiuntur. Quod si hic dicat quispiam, primas propositiones immediatas esse ipsa quæ eadem esse dicuntur principia, ne id quidem uerum esse poterit: quandoquidem uniuscuiusque generis una est huiusmodi propositio. Si igitur non possit effatum hoc, de quo agitur, ita accipi, ut ad demonstrandum quoduis, omnia principia ex æquo accommodari possint & debeant: nec rursus illo modo intelligi, ut nil dicatur nisi prout sunt diuersæ singulæ scientiæ, ita diuersa esse principia: relinquitur ut uideamus possitne in eam sententiam cõferri, ut omnium scientiarum principia dicantur esse cognata, et naturæ quadam coniunctione consociata: sed tamen hæc illis probandis esse aptiora, itemque alia alijs. Atqui perspicuum iam est, ne id quidem fieri posse. Suprà enim demonstratum est, rerum genere diuersarum esse diuersa genere principia. Sunt enim duo principiorum genera. alia sunt, ex quibus conclusiones efficiuntur: alia, quæ sunt ipsæ res, in quibus uersatur scientia: & sunt illa quidem ex quibus communia, hæc uerò in quibus semper sunt propria: quomodo uidemus numerum, rem esse omnino à magnitudine distinctam.

## CAPVT XXVI.

Scientia, & res quæ sub scientiam cadit, differt ab opinione, & re opinabili: quod in rebus uniuersis, ijsque necessarijs cernitur scientia necessaria autem hic dicuntur, quæ se aliter habere non possunt. Sunt porro aliqua quæ & sunt in rerum natura, & uera sunt, quæ tamen aliter atque sunt, esse possunt. Planum autem est, in ijs non uersari scientiam: alioqui, quæ omnino aliter esse non possent

possent atq; sunt, secus esse possent atq; sunt. Sed nec intelligentia in ijs cerni potest. Intelligentiā enim appello, primam omnis scientiæ originem. Neq; uerò certissima illa, quæ citra ullā demonstrationem acquiritur, scientia in illis uersatur. Ego uerò scientiam hanc appello, perceptionem illarum propositionum quæ nullo medio confirmari possunt. Atqui omnes habui quibus uera noscuntur, sunt intelligentia, scientia, opinio: & quæ ab ijs cognominata sunt, res ipsæ sunt, quæ uerè ab ijs percipiuntur. Restat igitur, ut opinio in ueris quidem aut falsis cernatur, sed quæ aliter atq; sunt esse possunt: ita ut opinio nihil sit aliud, quam propositionis nullo certo argumēto confirmatæ comprehensio non necessaria, quod autem de opinione dixi, id consentaneum est ijs quæ in opinando usuxenire conspiciuntur. Est enim infirma semper atq; incerta opinio: uisq; ac natura ipsius, in hac infirma assensione continetur. His accedit, quod nemo se dicit opinari, sed planè scire, cum existimat non posse rem aliter habere: sin ita sentiat esse quippiam, ut nihilominus posse aliter esse existimet, tum se opinari dicit: quasi in huiusmodi rebus incertis cerni opinionem indicās, in certis autè ac necessarijs scientiam. Existit autem hoc loco quæstio, quomodo nō eadem res sit quam opinamur et quam scimus, & cur non idem sint opinio & scientia, si nil est quod quis scire possit, de quo opinio etiā esse non queat. Num enim quemadmodū sciens, ita opinator, media singula eousq; persequetur, dum ad prima medioq; carētia proloquia deueniat? Hic uerò quid est cur ob eā causam ille sciat, hic opinator nesciat? neq; enim opinio tantum uersatur in putando quod res sit, sed etiam quamobrem



res sit opinabile est, quod nil est quam medicū. An si quis ita conceperit animo ea quæ per se necessaria sunt, nec aliter habere possunt, ut etiam teneat ipsas definitiones, ex quibus demonstrationes conficiuntur, an inquam non illa tum opinatio, sed scientia erit? Sin uera illa quideni esse existimet, sed non ita hæc illis conuenire, ut in essentia ac natura rei contineantur, atq; adeo per ipsam rei formam, tum opinabitur, non uere sciet? Et quidē quod res sit, & quamobrem sit, opinabitur, si nata sit opinio ex quibusdam propositionibus immediatis: at si non ex immediatis, tantum quod res sit opinio erit. Neq; uero eiusdem omnino rei sunt opinio & scientia, sed ut uera et falsa opinio, dicuntur quodammodo eiusdem rei esse, ita in eadem re uersari opinionem & scientiam intelligendum est. Dicere enim ueram et falsam opinionem in eadem omnino re uersari, quemadmodum uolunt quidam; id tum multis alijs incommodis quæ ex eo sequuntur refelli potest: tum quia illud, quod ualde absurdum est, sequitur, non opinari nos quæ falsa opinamur. Sed quoniam ambiguum est & multiplex hoc uerbū, idem propterea fit ut una significatione eiusdem esse recte dicantur, altera uero recte negentur. Nam diametrum conuenire, comparabilemque esse cum latere, uere esse opinabile, id absurdum est: hoc tamē ipso quod eadem est diametrum, de qua sunt utraq; opiniones, de eadem re utranque opinionē esse dicimus: cum ratio quid utrumque sit ostendens, sit diuersa. Simili modo eiusdem rei esse dicuntur opinio & scientia. Hæc enim ita animal cognoscit, ut non possit non esse animal: illa uero, ut secus esse possit: perinde ac si una esset in homine, quia homo est: altera autem in homine

mine etiam, sed non hoc ipso quod homo est. Hæc enim idem sunt, hoc ipso quod homo unum aliquid est. in quo utraq; cernuntur, ratio autem est diversa. Perspicuum autem ex ipso est, nil esse quod simul sub opinionem ac scientiam cadere possit. alioqui simul animo concipiemus, posse aliquid aliter esse atq; est, & non posse: quod omnino fieri non potest. Nam ut alio atq; alio tempore, in rem eandem cadat utraque, fieri potest, quemadmodum etiam paulo antè dictum est. At ut eodem tempore id fiat, omnino est à ratione alienum. Sic enim exulsi maret quispiam, hominem (uerbi gratia) esse idipsum quod animal (nam hoc idem est, quod non posse esse non animal) & simul non esse id ipsum quod animal. accipitur enim hoc, pro eo quod est, accidere homini ut sit animal. Reliqua autè quæ præter opinabilia supersunt, quomodo sint distribuenda, ut partim ad excogitandum pertineant, partim ad intelligentiã, partim ad scientiam, partim ad artem, partim ad prudentiam, partim ad sapientiam, hæc inquam distributio, ex parte una ad Physicam pertinet, ex altera ad eam philosophiæ partem quæ est de moribus.

## CAPVT XXVII.

Solertia uerò est perspicacitas quædam, per quam cuiusq; rei medium & causa nobis statim occurrit. ueluti si quis uidens, semper lucidã partem lunæ ad solem esse conuersam, continuo excogitaret cur ita sit: nempe quod luna solis lumine illustratur. Aut si quis cum diuite aliquo colloquentem uideat alium, confestum iudicet, peti mutuam pecuniam. Aut ob id contrarietatem esse inter aliquos nouam amicitiam, quoniam communem inimicum

habere

habere cœperunt. Nam qui medias causas perspicit, statim extrema cognoscit. Est *a*, lucidam lunæ partem conuersam esse ad solem: *b* uerò, accendi à sole: *c* luna. Conuenit igitur *c* lunæ ipsum *b*, quod est accendi à sole. & omne *b* est *a*: hoc est, à quo lucem accipit quicquam, ad id conuersum esse oportet. quare ipsi *c* conueniet *a*, per medium *b*.

DE DEMONSTRATIONE,  
sive de secunda parte *ἀνα-*

λυσινῶν,

LIBER . SECVNDVS.

CAPVT I.



Questionum tot sunt, quot rerū quæ sciuntur, genera. Quatuor autē generibus continentur omnes quæstiones, *An ita sit, cur ita sit, sit necne, & quid sit.* Cū enim quærimus, sit ne hoc an illud, nō in uerbo simpliciter, sed coniuncto iam aliquo uerborum numero, uerbi gratia, *an sol deficiat an non, tum sit quæstio, an ita sit, quam tum Quale sit, tum quæstionem cōsecutionis appellare latine possumus.* Quod autē sic res habeat, argumentum est, quod statim ubi inuenimus deficere solem, cōquiescimus: & si iam ab initio sciremus deficere solem, non quæreremus an ita sit. Postquā autem quod ita sit cognouimus, proximum est ut quæmobrē ita sit inuestigemus. ut postquam scimus aut solem deficere aut terræ motum fieri, tum deinde quærimus quam ob causam deficiat, & quæ sit terræ motus causa. Atq; illæ quidem quæstiones, huius

huiusmodi sunt. Aliæ autē sunt, in quibus quærendi ratio est diuersa. ueluti, sint necne centauri, aut dj. Hic autem cum quæritur, sit necne, in uerbo simplici quæstionem accipi uolo, non autem coniunctē, sit ne albus quispiam, an non. Postquam autem esse rem nobis compertum est, illud proximē sequitur, ut quærat<sup>ur</sup> quid sit. uerbi causa, quid deus sit, aut quid sit homo. Quæstionum igitur, & rerum quæ per quæstionem inueniuntur ac percipiuntur, genera tot & talia sunt, quot & qualia diximus.

## CAPVT II.

Cum autem quæritur aut quale sit, aut simpliciter sit necne, tum nil quæritur nisi an aliquod mediū sit, an minus, quo utrunq; eorū ostendatur. Postquam autem intellegimus tale esse (id quod in parte aliqua eorum quæ sunt cernitur) aut omnino coherere in rerum natura (qua quæstione nō, sit ne res aliqua hoc aut illud, sed simpliciter sit necne quæritur) rursus quærimus, aut cur tale sit, aut quid sit: quibus quæstionibus nil quæritur nisi quodnam sit ipsum medium. Ego uero quod suprà dixi quæstiones, an ita sit, & an sit, in parte & simpliciter quærere, sic interpretor, ut sit in aliqua parte quærere. ueluti si, an luna deficiat aut accrescat, quærat<sup>ur</sup> in huiusmodi enim quæstionibus non an sit omnino, sed an sit hoc aut illud quæritur. Simpliciter autem est, cum ita quæritur, sit necne luna, sit ne nox an non. In omnibus igitur quæstionib. id usuenit, nil aliud inuestigari, quàm aut sit ne mediū, aut quodnam illud sit. Etenim causa & medium idem sunt. in omnibus autem quæritur causa: ueluti cum quæritur an luna deficiat, quid quæso aliud inuestigatur, quàm sit ne aliqua defectus causa, an non? Hanc au-

tem postquam esse aliquam cognoscimus, tum quærimus quænam illa sit. Causa enim per quam res est, non hoc, aut illud, sed simpliciter in rerum natura, itemq; causa per quam alicui subiecto conuenit attributū aliquod per se, aut quoddam accidens, utraq; inquam causa medium est. Esse autem id simpliciter dico, quod est quasi subiectum quoddam, cuiusmodi est luna, sol, terra, triangulum: esse uerò hoc aut illud, est, ueluti deficere, æquale esse, in medio esse aut non esse: in ijs enim omnibus perspicuum est, definitionem quæ docet quid res sit, et causam cur res sit, eandem esse. Exempli causa. Quid est defectio lunæ? est interpositu interiectuq; terræ facta lunæ obscuratio. Quamobrem deficit luna? quia lumen eius terra interpositu obscuratur. Item quid est concentus? est apta numerorum in graui & acuto ratio. Quam ob causam concinunt graue & acutum? eo quod certam quandam numerorum rationem inter se habent acutum & graue. Postremo si quærat, possint ne concinere acutum & graue: hoc quæretur, sit ne inter hæc numerorum certa affectio: ac postquam esse quandam intelleximus, tum quænam sit illa ratio & affectio numerorum quærimus. Quod uerò omnis quæstio ad mediū pertineat, in ijs rebus quæ sub sensum cadere possunt apertissime constat: in ijs enim hæc nobis est causa quærendi, quoniam medium non uidemus. Ut, deficiat necne luna, ob id quærimus, quia sensibus id non percipimus. At si supra lunam essemus, tum neutrum quæreremus, neq; an deficiat, neq; cur deficiat: sed utrunq; nobis statim esset manifestum. Ex sensu enim uniuersi generis conformatio efficeretur. Nam quod hoc tempore sit interposita terra, quia nunc

deficere



deficere lunam perspicuum sit, hoc est quod sensus percipit, mox autē ex eo oritur uniuersi generis notio. Quare nosse quid sit, & cur res sit, idem sunt, sicuti diximus: idq; tum locū habet in ijs quæ simpliciter ac per se sunt, non alteri insunt: tum in ijs quæ in subiecto semper aliquo insunt: cuius generis sunt, habere tres angulos pares duobus rectis, maius esse aut minus. Quod igitur omnes quæstiones ad medij inuentionem pertineant, ex ijs quæ dicta sunt, perspicuum est.

## CAPVT III.

Quomodo autē quid sit res, hoc est rei definitio, ostendatur, tum qua ratione in demonstracione locum habeat, deinde quid sit definitio, postremò quæ fiat quæ definitione explicentur, nunc dicendum est: sed prius tota hæc disputatio probabiliter ac dubiè tractanda. Ac primum quidem sumamus exordium ab ea quæstione quæ maximè accommodata uidetur, ad ea quæ deinceps sequuntur intelligenda: quæ est, an eandē rem eadem ratione per definitionem intelligere possimus, quam per demonstrationem cognoscimus: an omnino id fieri non possit. Etenim definitio, quid sit res quæq; declarat: omnia autem quæ quid sit res ostēdunt, & uniuersè enunciantur, & non nisi in affirmatē proloquio dicuntur. Atqui ratiocinationes sunt etiam negatæ, & in parte interdum concludunt. ut quæ in secunda sunt figura, omnes sunt usq;antes: quæ in tertia, omnes in parte concludunt. Deinde uerò ne omnium quidem affirmationum, quæ in prima figura concluduntur, definitio esse potest: ueluti huius, triangulum omne habere tres angulos pares duobus rectis. Huius autem rei hæc ratio est, quod scire rem quæ demonstrari potest,

nil est quam eam rem per demonstrationem cognoscere.  
 Quare si est earum rerum demonstratio, statim efficitur  
 non esse earundem definitionem requirendam: alioquin  
 nos per definitionem eas res sciremus, non per demonstra-  
 tionem: quandoquidem fieri possit, ut seorsum à demon-  
 stratione definitionem percipiamus. Satis porro ad facien-  
 dam huius rei fidem ualere inductio poterit. nunquam  
 enim earum rerum quæ aut per se insunt, aut alteri acci-  
 dunt, perfectam scientiam quisquam affecutus est per so-  
 lam definitionem. Iam uero definitio est, substantiæ ac  
 naturæ declaratio: illa autem, perspicuum est non esse sub-  
 stantius. Quod igitur non possit in quâ rem cadit demon-  
 stratio, etiam definitio cadere, dictum est. Sequitur nunc  
 alia quæstio: An in quamcunque rem cadit definitio, possit  
 etiam cadere demonstratio, an potius id fieri non possit?  
 Ac huius quidē rei hæc una ratio est, quod unius rei hoc  
 ipso quod una sit, una est scientia. Quare si scire rem quæ  
 demonstratione confirmari potest, nil est quam per de-  
 monstrationem rei assequi cognitionem, hic rursus idem  
 incommodum efficietur. Nam qui rei definitionem tene-  
 bit, citra demonstrationem rem sciet, quæ demonstratio-  
 ne probari potest. Deinde principia demonstrationum  
 sunt definitiones: illorum autem nullam esse demonstra-  
 tionem, supra probatum est. Aut enim dicendum est, de-  
 monstratione confirmari principia, & principiorum  
 alia rursus esse principia, atque ita nos in infinitum posse  
 regredi: aut fatendum, prima cuiusque artis initia esse de-  
 finitiones, quæ citra ullam demonstrationem intelligen-  
 tur. Sed quoniam non potest omnis res pariter sub u-  
 trunq; cadere, nunquid in quibusdam rebus id euenire  
 potest,

potest, ut pariter in eas cadant definitio & demonstratio? An potius ne id quidem fieri potest? Ad quam enim rem definitiones adhibentur, ad eam demonstrationes non conferuntur: siquidem omnis definitio eo pertinet, ut quid res sit, atq; essentiam declaret: demonstrationes autem omnes non quid res sit concludunt, sed ante demonstrationem id positum ac perceptum esse debet. Sicuti in mathematicis uidemus statim initio accipi quid sit unitas, quid impar, & huius generis alia. Iam uero quod sub demonstrationem cadit, propositio est, in qua alterum de altero dicitur: eorum autem quæ in definitione continentur, nunquam alterum de altero enunciatum. uerbi causa, nec animal de bipede, nec uicissim bipes de animali enunciatum. Item figura de plano non dicitur: quandoquidem nec planum figuram esse, nec figuram planum ipsum esse, uerum sit. Præterea aliud est quid sit, aliud quod res sit ostendere: definitio autem quid res sit declarat, demonstratio uero semper unum alteri conuenire aut non conuenire ostendit. Et ut res sunt diuersæ, ita semper est alia atq; alia demonstratio, nisi alterum sit affectum ad alterum, ut pars quædam ad totum. Ego uero hanc partis ad totum affectionem sic interpretor. exempli causa, postquam ostensum est omne triangulum habere tres angulos pares duobus rectis, non alia requiritur demonstratio, qua id isosceles conuenire ostendatur, eo quod hæc pars est, illud totum. Atqui non sic affecta sunt inter se ista duo, quid sit, & quod sit, nec unum pars est alterius. Perspicuum igitur est, nec omne quod definitur posse demonstrari, nec contra omne quod demonstratur posse definiri. Vnde fit, ut in rem eandem

nunquam uirga; cadere possint. Ex quo planum est, nec definitionem & demonstrationem idem esse, nec altera in altero quasi partem in toto contineri: quandoquidem necesse esset, si illo modo affectæ essent inter se definitio & demonstratio, ut etiam res illis subiectæ eodem se modo respecerent. Atq; illæ quidem quæstiones hæcenus satis agitatae sunt.

## CAPVT IIII.

Nunc sequitur ut quæramus, an quid sit res, possit rationatione, adeoq; demonstratione concludi: an potius, quemadmodum hæc quæ paulo antè posita sunt rationes ostendebant, id fieri omnino non possit. Omnis enim rationatio unum alteri conuenire, per medium ostendit. Omnis autem definitio, est rei quæ definitur propria, & in quæstione qua quæritur quid res sit, dicitur. Ea uerò quæ huius generis sunt, necesse est omnia uicissim retrò commeari. Nam si *a* extremum maius, proprium est minori *c*, necesse est ut etiam sit idem *a* proprium medio *b*, itemq; *b* proprium ipsi *c*, atq; ita uicissim omnia reciprocentur. Atqui si ita conueniat *a* ipsi *b* ut sit eius definitio, itemq; *b* ipsi *c* ut eius etiam definitio sit, necesse erit. *a* ipsi *c* ita conuenire, ut quid sit declaret. Quod si sumerentur propositiones citra illam geminationem, id non posset concludi, *a* ita inesse ipsi *c*, ut in quæstione quid est dicatur. Sed nec si propositio, Omne *b* est *a*, illam adiectionem ut definitio, habeat: in assumptione autem Omne *c* est *b*, omittatur. At si in sumptionibus utrique sumatur illa adiectio, ut & definitio, iam igitur in ipsa assumptione acceptum erit, *b* definitionem esse ipsius *c*. Itaq; si utraque sumptione accipiaturs definitio, & quid res

res sit ostendens oratio, iam ante conclusionem in ipso medio definitio, quæ quærebatur, accepta erit. Ac ut paulo cis absoluiam, ponamus, uerbi gratia, demonstrari posse quid homo sit, atque esto  $c$  homo,  $a$  autem definitio, animal bipes, aut alia quævis. ut igitur id tandem ratione concludatur, necesse est in omni  $b$  inesse  $a$ , medium autem uerbum est alia quædam definitio, quare etiam illa quid homo sit indicabit. in assumptione igitur, id ipsum quod demonstrandum erat, accipitur:  $b$  enim est hominis definitio. Sed ut id apertissime fieri uideatur quod dico, sumendæ sunt duæ propositiones primæ et immediatæ. Qui igitur ex eo uolunt ostendere quid anima sit, aut quid homo, quod reciprocari inter se duas quasdam orationes conspiciunt, id ipsum quod à principio quærebatur, ad probandum accipiunt. exempli causa, si quis ostendere uelit animum esse id quod sibi ipsum uitæ est causa, ex eo quod est numerus seipsum mouens: priusquam id efficiat quod uult, necesse est ut ante possit, animo ita conuenire numerum seipsum mouentem, ut cum animo idem sit: atque ita idem, ut definitio sit. neque enim si quoquo modo conueniat  $a$  ipsi  $b$ , et  $b$  ipsi  $c$ , ad extremum efficietur  $a$  ita conuenire ipsi  $c$ , ut eius definitio sit: sed id modò concludetur, uerum esse, omne  $c$  esse  $a$ . Sed nec conclusio huiusmodi efficietur, etiam si in omni  $b$  ita dicatur  $a$ , ut uerum sit,  $b$  esse id ipsum quod  $a$ . in homine enim ita uidemus animal dici, ut animal esse homini rectè attribuitur: quandoquidem non minus uera sit hoc modo enunciatio, esse hominem est esse animal, quam illo, omnis homo est animal, attamen non ita conuenit animal homini, ut una eadem.



eademq; res sit homo, atq; animal. Ergo nisi illo quo diximus modo sumptiones accipiantur, nunquā effici poterit, ita conuenire a ipsi c, ut ea sit eius definitio atq; essentia. At si tales sint quales uolumus sumptiones: iam, antequam ad conclusionē perueniatur, in assumptione, b esse definitionem ipsius c, acceptum erit. Itaq; non erit illa demonstratio: quandoquidem id ipsum quod ab initio in quæstione positum est, in probando accipitur.

## CAPVT V.

Neque uerò illa probandi ratio quæ per diuisiones absoluitur, ad demonstrandum ualeat, sicuti eo loco diximus, ubi de dissolutione figurarum egimus: quia non ita ex alijs alia conficiantur, ut conclusionem, quia sunt antepositæ sumptiones, esse concludamus. Sed hac uia non magis res demonstratur, quàm quum inductione aliquid ostenditur. neque enim cum res demonstratur, interroganda est, perinde atque propositiones, ipsa conclusio. neque ob eam causam rem esse oportet, quia admissum est ita esse: sed ex sumptionibus efficienda est necessario conclusio, etiamsi is qui cum disputatur, non admittat. Verbi causa, nunquid homo aut animal est, aut inanimal? tum ex hac interrogatione sumitur, non autem necessario concluditur, hominem esse animal, Deinde num sit omne animal aut terrenum, aut aquatile? hic etiam accipitur, non probatur terrenum esse. Ad extremum autem, de homine coniunctim dici animal terrenum, non necessario ex antepositis conficitur, sed id quoq; concedi à respondente, itaq; accipi oportet. Quod uerò hic in duobus uerbis ostendi, idem fieri intelligendum, si plura accipienda essent. quid enim inter

est, in

est, in multis an paucis id accidere ostendatur? Iam uerò tametsi esset hæc ratio concludendi per diuisionem necessaria, tamen ad hanc rem, de qua agitur, concludendam non ualeret. Primum enim quid uetat totam aliquam orationem uerè in homine enunciari, nec eam tamen esse definitionem, neq; omnino quid homo sit indicare? Deinde uerò, quid in hac probandi ratione prohibet, quo minus plus aliquid aut minus accipiam quàm necesse est? aut quo minus transfiliendo explicem essentiam? Verùm enim tria hæc quidem uitia in definiendo per diuisionem committi possunt: sed tamen non est difficile illa declinare, modò inter diuidendum nil accipiat, quod essentiae attributum non sit: & ducto initio à primo genere, deinceps & eo ordine quo diuiduntur, omnia sumatur, ita ut interim nil prætermittatur. Quam uerò id sit in diuidendo necessarium, facile uidebimus, modò id putemus in omni bona diuisione obseruandum esse, ut diuisionis partes uim uniuersam complectantur rei quæ diuiditur, & ut in ea nil minus positum sit. At qui hæc inter diuidendum necessariò obseruanda sunt, quia necesse est omnem definitionem ad unam quandam naturam specie indiuiduam conferri. Sed tamen nulla inest uis necessariò concludendi in diuisionibus: sed si qua est in ijs utilitas, in eo est quod alio quodam modo ad explicandam atq; illustrandam rem ualet. id quod non incommodè fieri uidetur, quando quidem eum qui inductione utatur, non probare rem necessariò, nihilominus tamen illustrare, & alio quodam modo declarare perspicimus. Qui igitur per diuisiones definitionem colligit, nihil adhibet ex quo rem ueluti necessaria conclusionem

sione efficiat. Nam quod vsuuenit in ijs conclusionibus, in quibus citra iustam uerbi medij collocationem ex antecedente colligitur consequens, ut ad extremum quæritur, unde & quamobrem illa sequatur complexio: illud idem in definitionibus accidit, quæ per diuisionem colliguntur. Verbi causa, si ostendatur quid homo sit, singulis partibus definitionis hoc modo deinceps collectis, animal, mortale, ingrediens, bipes, pennis carens, ut quæq; pars adijciatur in definitione, ita rogabitur in singulis, unde & cur illud colligatur. Nam hæcenus tantum ualeat (in quo illi non falluntur) hæc probatio, ut ostendat omnem hominem esse aut mortalem, aut immortalem: huiusmodi autem tota oratio, non est definitio: quare ut etiam illud positum sit, diuisionem habere uim aliquam probandi, hanc tamen esse rei definitionem non potest necessario concludere.

## CAPVT VI.

Sed nunquid potest, quid res sit atq; essentia, ita demonstrari, ut antè subiiciatur illa propositio: illa oratio rei essentiam continet, quæ est propria alicuius rei, & constat ijs uerbis quæ ad ostendendum quid res sit ualent? Atqui hæc sola sunt, quæ quid sit hæc res ostendunt, & tota oratio propria est: ex ijs enim num ita rectè concludi potest, hæc igitur oratio quid res sit indicat? An etiam in hac probatione idipsum quod in quaestione est, uidelicet, quid sit res, in sumptionibus accipitur? Necessè uerò est, ut rectè demonstretur, aliud quoddam medium adhibere. Iam uerò quemadmodum quoties ratiocinatione aliquid concludimus, non sumimus quid sit ratiocinatio, quandoquidem est ita semper affecta unaquæque propo-

propositio, ex qua constat ratiocinatio, ad alteram, ut illam ueluti totum, aut ueluti illius pars quædam respiciat: ita in hac qua quid res sit ostenditur probatione, non debet quid sit ipsa definitio accipi, sed seorsum à summptionibus seponenda est ratiocinationis definitio: quæ tum usui erit, cum erit controuersia, an aliqua iam antè facta argumentatio sit ratiocinatio, necne. tum enim ita occurrere licebit, ut ostendamus esse ratiocinationem, quia talis sit argumentatio, cui ratiocinationis definitio conueniat. Simili modo, postquam esset probata aliqua ratiocinatione definitio, si quis ambigeret essetne illa definitio an non, tum locus esset definitioni definitionis, qua ostenderetur hanc esse definitionem, quia talis oratio sit, qualem esse definitionem posuitum est. Itaq; necesse est, ut ratiocinatio sit citra definitionem ratiocinationis, ita quid res sit ostendere, non adhibita definitione definitionis. Ac uitium quidem idem committitur, si ex conditione hunc in modum quid res sit ostendatur. Si est bonum malo contrarium, & indiuiduum, diuiduum, sit autem mali essentia diuiduum esse, erit etiam boni natura indiuiduum esse: atqui bonum malo, & diuiduum indiuiduo aduersatur, estq; mali natura diuiduum esse: est igitur boni natura atque essentia indiuiduum esse. Nam hic quoq; definitio, quæ id ipsum est quod queritur, in summptionibus accipitur. At enim, inquires, hic quidem ad probandum quid res sit, accipitur definitio, sed diuersa ab ea quæ ostenditur. Esto. at in demonstrationibus, non modò id ex quo aliud probatur, non debet esse idem, sed etiam tale, quale non sit eiusdem rationis cum eo quod probatur, quodq;

quodq; non possit uicissim recte ex illo demonstrari. Communis porro ratio est aduersus utrosque, eos inquam qui diuisione, & qui hoc de quo loquimur, syllogismo, definitionem demonstrare conantur: Cur potius erit citra coniunctionem expressa hæc oratio, homo est animal bipes, terrenum, definitio hominis: quam illa, animal & bipes? Nil enim in sumptionibus harum probationum sumitur, unde necesse sit, ex singulis definitionis partibus unum attributum fieri, non magis quam quomodo idem homo est musicus & grammaticus.

## CAPVT VII.

Quæ igitur demonstranda definitionis & naturæ ratio restabit? Neq; enim ex quibusdam positis, ita quid res sit ostendi potest, ut hoc esse necesse sit, quia illa sunt ante posita: esset enim hæc demonstratio. Neq; uerò ex rerum singularum inductione, quid sit res ita demonstrabitur: ut quoniam rebus singulis omnibus conuenire aliquid per appeximus, in toto genere illud concludamus: quandoquidem inductione non quid sit, sed sit necne res ostendatur. Nunc uerò, præter illa duo probandi genera, quæ potest esse reliqua ratio? Neq; enim sensu, aut digito, quid res sit demonstrari potest. Iam uerò quomodo quid homo sit definiendo demonstrari potest? necesse enim est ut omnis qui scit quid homo sit, aut aliud quiduis, quod ipsa res sit cognoscat. Nā quod nō est, nemo scire potest quid sit: sed tantum quid aut oratio, aut uerbum significet. ueluti quid significet tragelaphus intelligi potest, quid sit ipse tragelaphus non potest. Atqui docendo quid sit, quomodo eadem ratione etiam quod res sit doceri potest? aliud enim est definitio, aliud demonstratio: ut quid homo sit, aliud est,



est, quàm sit necne homo. Deinde nil est præter substantiam, quod per demonstrationem esse non ostendatur. Probare autem rem esse & in rerum natura coherere, non est rei essentiam atq; naturam declarare, quia ens genus esse non potest. Demonstratio igitur, non definitio erit, quæ quòd res sit indicabit: quemadmodum etiam in singulis scientijs usuuenire uidemus. Geometra enim quæ sit uis huius uerbi, triangulum, statim initio citra probationem accipit: esse autem ipsum triangulum, demonstratione ostendit. Quid ergo nil definiens triangulum aliud demonstrabit, quàm quid ipsum sit triangulum? Euenire igitur hoc poterit, ut quisquam quid res sit intelligat, nec tamen an sit cognoscat: quod fieri omnino non potest. Perspicuum autem est ex his definiendi modis, qui adhuc obseruantur, non ostendere eos qui definiunt, simul quòd res sit. Quanquam enim proposita sit in medium hæc oratio, quod habet lineas à puncto medio ad extremum ductas inter se pares: nil tamen in se habet cur necesse sit esse rem quæ hac oratione explicatur, curq; oporteat id quod oratione hac continetur, esse circulum. Nam quod ad hanc orationem attinet, potest hæc orichalci definitio dici. Definitiones enim neq; esse rem quæ definitur, neq; quòd illæ sint huius rei definitiones declarant: sed semper quæstioni, cur eorum utrumq; sit, locum relinquunt. Ergo cum necesse sit eum qui quippiam definit, aut quid sit res ipsa, aut quid nomen significet, demonstrare: si non demonstret quid sit, illud restat ut definitione nil ostendatur, quàm quæ sit uocabuli cuiusq; significatio: quod ualde esse absurdum, multis rationibus ostendi potest. Primum, quia etiam in eas res quæ sub-

stantia

stantia non sunt, atq; adeo in ea quæ omnino in rerum natura non sunt, definitiones cadere possent. in ijs enim quæ non sunt, potest quæ sit uis ac significatio uerbi ostendi. Deinde, quod omnes orationes possent esse definitiones. nam quæ tandem oratio est, cui unum nomen imponi non possit? itaq; omnis disputatio, omnis sermo, definitionibus constabit: & non incommode illius Homerici definitio appellabitur. Postremo, quia nulla scientia est, in qua id demonstratione concludi uideatur, quod sit huius nominis illa significatio: neq; igitur in ipsis definitionibus inerit uis demonstrandæ huius rei. Atq; ex ijs quidem quæ hactenus dicta sunt, hæc omnia uidentur esse uerisimilia, definitionem & demonstrationem neq; idem esse, neq; in eadem re uersari: itemq; definitionem non habere uim demonstrandæ, imò ne declarandæ quidem cuiusquam rei: postremo, quid res sit, nec definitio ne, nec demonstratione posse cognosci.

## CAPVT VIII.

Nunc uerò est aggredienda rursus huius rei disputatio, ut uideamus ex ijs omnibus quid uerum, quid non uerum sit: tum quid sit definitio: deniq; num questio Quid est, demonstratione quodam modo & definitione absoluitur, an uerò id nullo modo fieri possit. Quoniam igitur idem est (ut supra diximus) nosse quid res sit, & causam qua questio An sit, absoluitur: ratio autem huius questionis An sit, est, quia aliqua est per quam res esse ostenditur causæ: & quidem causa quæ redditur, aut una tantum est, ac eadem semper causa, aut alia est rursus superior causa: & si est alia causa, uel ex hac illa demonstrari potest, uel non potest. Ergo si est alia causa superior,

superior, ex qua demonstratio confici possit, necesse est ut pro uerbo medio illa causa accipiatur. & ut in prima figura concludatur demonstratio: quandoquidē uniuersa affirmatio est, quæ hac probatione ostenditur. Atque ille quidem erit uerus modus qui hac ratione continetur, probandæ unius definitionis per alteram: medium enim ad probandam definitionem accommodatum, est definitio: & cum demonstratur aliquid quod proprium est, medium etiam proprium esse oportet. ita ergo statuendum est, ex definitionibus eiusdem rei, unam concludere posse, alteram non posse. Ac genus hoc probationis, non esse demonstrationē ipsius definitionis, iam antè dictum est. sed id non potest negari, quin sit ratiocinatio logica ipsius definitionis, hoc est, probatio ex qua quid res sit, certa quadam ac necessaria ratione intelligitur.

## CAPVT IX.

Quo autem modo id accipiendum sit quod dixi, logica ratiocinatione quid res sit cognosci, nunc paulo altius repetito initio dicamus. Ac primum quidem, quemadmodum postquam quale sit intelligimus, cur ita sit querimus, & simul interdum utrumque cognoscimus: sed nunquam prius quam obrem res sit percipi potest, quàm ita esse intelligamus: ita planè quid res sit, nisi esse ipsam cognitum sit, cognosci nunquam potest: quia nemo potest scire quid sit illa res, quam sit necne ignorat. Est porro duplex ratio intelligendi utrum sit res, necne: una per accidentia, altera per ea quibus rei uis atque natura continetur. ueluti esse tonitrum, quia est strepitus in nubibus: et defectionem, quia sit luminis priuatio: & hominem, quia sit animal quoddam tale: & animum,

quia sit illud quod à seipso agitur. Cum igitur per accidentia rem esse intelligimus, tum nil adfertur unde nos quid res sit assequi possimus, quando ne an sit quidē hac ratione perspicui, certoq; cognosci queat. Quærere autem quid sit, cum rem esse nescias, inane est, nulliusq; momenti. Cum uerò ad docendū rem esse, adhibentur ea quæ ad explicationem naturæ pertinent, tum minimo negotio ad cognitionem quid sit peruenitur. Itaq; ut quisq; affectus est ad cognoscendum an sit, ita ad intelligendū quid res sit, aut propius aut longius abest. Ac in hīs quidem ubi rem esse cognoscimus per ea quæ quid res sit ostendunt, prius exemplum subiiciamus. Esto defectio a, luna c, terræ interiectus b. Quærere ergo utrū defectio sit, necne, nil est quàm sit necne medium b, inuestigare. At enim hoc mediū inquirere quid aliud est, quàm definitionem ipsam quærere, sit necne in rerum natura? itaq; si esse definitionem comperiamus, & ipsam defectionem esse intelligimus. Et ut aliud exemplum subiiciam, quærere sit necne hæc proprietas, habere tres angulos pares duobus rectis, idem ualet ac si quæreretur, utrius partis contradictionis ratio in rerū natura cohæreat, affirmationis ne, quæ est habere tres angulos pares: an negationis, quæ est non habere. Atq; illam quidem rationem ubi inuenimus, tum simul & quòd ita sit, et quam ob causam, intelligimus, si modò proprio suo ac uero medio utramq; quæstionem tractemus. Nam si secus faciamus, rem quidē ita esse cognoscemus: cur autem sit, minime intelligemus. uerbi gratia, Sit luna c, defectio a, lunam cum plena sit subtracto etiam omni obstaculo umbram non facere b. si igitur ipsi c conueniat b, hoc est si luna non possit

possit umbram facere quum pleno orbe conspicitur, & nihil inter nos & lunam uideatur esse interiectum: huic autē b medio conueniat a, quod est deficere: hac quidem ratione ostendetur lunam deficere, sed quamobrem deficiat, nondum perspectum erit: & esse quidem in rerum natura defectionē intelligitur, sed quid sit, ex eo percipi non poterit. Porro cum perspectum est ita esse quippiā, tum proximum est ut quæatur, cur ita sit: quæ quæstio eam uim habet, ut perinde sit ac si quæreretur, quidnam sit ipsum b: nempe an b sit terræ interiectus, an ipsius lunæ conuersio, an uerò lucis extinctio. Hæc autem est definitio alterius extremi: ueluti in hoc exemplo, medium est definitio ipsius a maioris extremi: nil enim est lunæ defectio, quàm terræ interpositus. Quid est tonitrus? est ignis extinctio in nube. Cur tonat? quia extinguitur & opprimitur in nube ignis. Sit igitur nubes c, tonitrus a, ignis extinctio b. Ergo c, hoc est nubi, inest b: quia uerum est, in nube ignem opprimi. Huic autē b conuenit a, quod est tonitruum: & definitio maioris extremi a, est ipsum b. Nunc uerò, si aliud quoddam adhiberi medium posset ad concludendam hanc propositionem, necesse esset ut illud rursus medium, una esset ex reliquis definitionibus, quibus quid hæc eadem res sit ostenditur. Quo igitur modo quid res sit assequamur, & qua ratione id ipsum manifestum fiat, dictum est. Ac illud quidem ex ijs quæ dicta sunt efficitur, nec demonstratione, nec ulla necessaria conclusione quid quæque res sit probari posse: nihilominus tamen per aliquam ratiocinationem & demonstrationem apertum fieri quid res sit. Ideoq; definitiones quæ alia rursus causa concluduntur, non possunt



illa quidem citra demonstrationem percipi: & tamen demonstratione probari quid res sit omnino non potest, sicuti suprà rectè ostensum est, cum adhuc dubitater singula & sine ulla affirmatione proponebamus.

## CAPVT X.

At enim ex ijs quæ ad probandum sumuntur, quædam sunt quibus confirmandis alia rursus ratio desideratur, alia quæ superiorem causam nullam habent. Vnde satis constat, eas definitiones esse quædam ueluti initia, quibus probandis nullo argumento opus est: sed statim initio & quòd sint, & quam uim habeant accipitur, aut alio quodam modo manifestæ fiunt: id quod arithmeticus facit, quando statim initio, & esse unitatem ponit, & quid ipsa sit declarat. In quibus autem probandis aliud atq; aliud medium reperitur, cumq; nò illa tantum quæ in aliqua demonstratione accipitur, est rei definitio, sed alia quædam, quæ est huius ueluti causa, illud profectò tum usuuenit quod diximus: nempe, definitionem quidem per demonstrationem explanari, sed hanc huius esse definitionem, nullo modo probari. Quoniam autem definitio uocatur oratio quid quæq; res sit declarans: hinc profectò planum est, genus quoddam esse definitionis, quo explicatur quæ sit cuiusq; uocabuli significatio: aut si breuius appellare libet, nominis explicatio. cuiusmodi est oratio qua docetur, quæ sit uis ac significatio huius uerbi triangulum: postquam esse assecuti sumus, tum quamobrem sit quærimus. Difficile autem est ex hoc definitionum genere, naturam rei assequi, quam sit necne ignores. Huius uerò difficultatis causa paulo antè à nobis explicata est, nempe quòd ne an sit quidem huiusmodi

huiusmodi argumentis certò scimus, sed fortè temere, & (ut ita dicam) per accidens tantum. Porro autem oratio duobus modis una appellatur. priore modo, dicitur oratio una per coniunctionem, ut Ilias uniuersa: posteriore, una ex eo appellatur, quòd unum quippiam uni attribuitur, atq; ita unum, ut per se ac propriè, non fortuito & ueluti casu aliquo unum sit. Atq; illud quidem unum genus definitionis est, quod modò explicatum est. Aliud autem genus est, quo causa cur res sit, continetur. Itaq; prius genus ad rem quidem explanandam ualet, ad probandam minimè: posteriore autem genere definitionis, quandam ueluti demonstrationem contineri, ipsa per se ratio definiendi declarat, quandoquidem à demonstratione tantum collocatione differat. Est enim alia ad quæstionem, cur tonat, alia ad quæstionem, quid est tonitruum, respondendi forma. nam ad illam respondetur, quia extinguitur ignis in nubibus: ad hanc autem, qua quid sit tonitrus quæritur, hoc modo respondetur, Est strepitus oppressi & extincti ignis in nube. Quare eadem hæc oratio, uno modo expressa, definitio est: alio modo, demonstratio: non illa quidem suis sumptionibus distincta, sed una quadam oratione tota simul comprehensa. Præter hanc autem alia est tonitrus definitio, strepitus in nube factus. Hæc autem est conclusio illius demonstrationis, per quam illustrari quid res sit diximus. Aliæ uerò definitiones earum rerum quæ initio citra ullam probationem accipiuntur, nihil sunt quàm positiones quædam, quibus nulla adhibita demonstratione, quid res sit ponitur. ut igitur rem in pauca conferam, unum genus definitionis est, quod nulla ex parte demonstratio-

nem desiderat. alterum est, in quo ratiocinatio, quæ adhibetur ad illustrandā definitionem, continetur: & hoc tantum à demonstratione distinguitur, quòd mutata ali quantum uerborum terminatione exprimitur. Tertium est, quod conclusionis obtinet locum in demonstratione, quæ quid res sit illustratur. Atq; ex ijs quidem quæ diximus, perspicua sunt hæc omnia: primum, quomodo in definitionem demonstratio cadat, & quomodo non cadat: tum in quas definitiones possit, & in quas non possit cadere demonstratio: deinde, quot sint definitionum genera, & quonam modo quid res sit ostendat definitio, & quomodo non ostendat: mox, quarum rerum sit, quarum non sit definitio: postremo, quomodo est ad demonstrationem affecta definitio, & qua ratione in eadem re cerui utraq; possunt, quaq; ratione non possunt.

## CAPVT XI.

Quoniam autem censetur quisq; tum demum rem scire, cum est assecutus causam: causarum autem quatuor sunt genera: unum est, forma atque essentia cuiusq; rei: alterum est, in quo inest necessitudo non absoluta, sed ex adiunctione, si alia quædam sint, hoc esse necesse est: tertium genus est, id in quo inest rei efficiendæ uis primaria: quartum est finis, cuius causa aliquid fit: omnia quidem certè ista causarum genera, pro medio adhibita in demonstratione intelliguntur. Ac primum quòd genus illud causæ, ex quo necessarium esse ut aliud sit concluditur, medium sit, hinc intelligitur, quòd illa consequentis ex antecedente consecutio, accepta una propositione non censetur habere uim necessariam, sed minimum ut duæ suppositiones antecedant necesse est: duas uerò ad aliquid

liquid efficiendum sumptiones accipere, quid est, quam unum quoddam medium habere? Hoc igitur uno media accepto, necesse est conclusionem esse. Sed etiam exemplo idem illud ostendi potest. Sit quaestio, quamobrem rectus est angulus, qui in semicirculo descriptus est? aut si accommodatus ad hoc causae genus quaerere uelis, quid est quo posito rectum hunc angulum esse necesse est? Resto autem angulus rectus a, dimidium duorum rectorum angulorum b, angulus in semicirculo descriptus c: ut igitur a conueniat ipsi c, id est ut sit rectus angulus qui in semicirculo descriptus est, causa est b. Et enim paria sunt a & b, itemq; c & b. omnis enim angulus qui dimidium habet duorum rectorum, est rectus. Ergo quia b est, hoc est dimidium duorum rectorum angulorum, necesse est a omni c inesse: quod est, rectum esse angulum qui in semicirculo descriptus est. Medium porro istud idem ualet, quod forma atque essentia rei, propterea quod oratio haec illam ipsam declarat. At uero quod causa, quae forma atq; essentia rei continetur, medium sit demonstrationis, iam supra dictum est. Alia itaq; causa explicanda est. Quamobrem Medi aduersus Athenienses bellum gesserunt? Eo pertinet haec quaestio, ut causa quaeratur, quae effecerit ut bellum Atheniensibus inferretur: quae est, propterea quod Athenienses ipsi una cum Bretrijs incurSIONem in Sardeis fecerant. Hoc enim est quod primum ad bellum Medos excitauit. Sit igitur bellum a, priores impetum facere b, Athenienses c. Et bigitur conuenit ipsi c, quod est, Athenienses priores inuasisse: & a ipsi b. nam eos bello persequi, qui priores laeserunt, aequum est. Ergo hunc in modum haec ratio

connectitur. Omne b est a, hoc est, omnes qui priores inuaserunt, iusto bello oppugnantur: omne c est b, hoc est, Athenienses autem priores bellum intulerunt. Atque in hac ratione, medium, est causa, in qua motionis principium cernitur. Superest ut de ijs dicamus, in quibus finis cuius causa fit aliquid, accipitur. exempli gratia: Quam obrem deambulamus? ut ualeamus. Quam ob causam damos habemus? ut suppellectilem uniuersam seruemus. Atque in superiori quidem quaestione finis est, ualere: in posteriori, seruare. Porro autem inter has interrogandi rationes, cur post cenam inambulare oporteat, & cuius causa, nil interest. Esto igitur deambulatio post cenam c, non fluitare cibos in stomacho b, ualere a: id igitur efficit deambulatio post cenam, ne ad os uentriculi redundent cibi: id autem ad seruandam ualetudinem plurimum ualet. Conuenit enim ipsi c, quod est inambulare, b, quod est non fluitare cibos in stomacho: itemque ipsi b conuenit a, quod est utile esse ad ualetudinem conseruandam. Causa igitur cur omni c insit a, quod nihil est quam finis cuius causa illud fit, est b. hoc autem b est ueluti illius definitio. nam si quis docere uelit quid sit a, in definitione, explicanda ipsum b accipiet. Cur autem b insit ipsi c, causa est, quod ita in imum stomachum cibos deprimi sa lubre est. Atque ut ista singula apertius uideantur, commutandae sunt superiores propositiones. In ijs autem causis atque in efficientibus, rerum ortus contrario modo spectatur. efficientes enim causae, quae pro medio in argumenti conclusionem accipiuntur, tempore praecedunt, & ante nascuntur quam effecta: contra in finibus, c minus extremum antecedit; finis autem ipse cuius causa ille fit, postremus



postremus est. Accidit autem interdum, idem effectum probari non modò ex fine, sed etiam ex materia, quæ necessitudinis causa dicitur. uelut cur lumen per later-  
nam transmittatur? Huius rei causa duplex redditur. una est, quia necesse est ut per maiores meatus, id quod subtilioribus constat partibus, transmittatur: siquidem eo lux cernatur, quia corpus aliquod permeet & transeat. altera, est finis, ne uidelicet uspiam offendamus. At enim, si in ijs quæ sunt, duplex causa reddi possit, nunquid etiam in ijs quæ fiunt, idem illud usuenire poterit? Et certè potest. nam si eam ob causam tonurus fiat, quia restringitur ignis, hæc una causa erit, cur strepitum illum & stridorem in aere fieri necesse sit: alia autè causa erit (si uerum est quod aiunt Pythagorei) ad terrendos manes qui sunt in tartaro. Sunt autem huius generis plurima, ac potissimū in ijs quæ natura constant et fiunt. Cum enim ad suum quendam finem pertineat semper natura, tum omnia nescio qua facit necessitate. Est uerò duplex quæ in rebus cernitur necessitudo. una, quæ est naturæ & ingentitæ cuiq; rei inclinationi consentanea. altera est, quæ uim adfert, et naturali cuiusq; rei inclinationi repugnat? ueluti lapidem & sursum & deorsum quadā necessitate ferri rectè dicimus: sed non idem esse necessitatis genus, facile perspicitur. Ex ijs uerò quæ ratione & artificio fiunt, quedam sunt in quibus casus nullum locum habere potest: cuiusmodi sunt domus & statua, quæ nō illa quidem necessariò fiunt, sed ad finem aliquem semper pertinent. alia sunt, in quibus etiam fortuna interdum cernitur: qualis est ualetudo, & salus cuiuspiam. Posterioris autem generis ea potissimum sunt, quæ ut hoc modo,

## 364 ARISTOT. DE DEMONST.

ita secus fieri possunt, quo tempore non erit rei euentus fortuitus. Quocirca finis est bonum aliquid, cuius causa aliquid aut natura, aut arte fit. Nam quod fortuito euenit, nullius rei gratia fieri dicitur. Porro autem quæ causa est eorum quæ sunt, eadem est eorum quæ fiunt, & quæ facta sunt, & quæ futura sunt: quandoquidem quæ rerum causa est, ea in demonstratione medium est. Verum id est diuersum, quòd in ijs quæ sunt probandis, medium quod iam est, accipitur: in ijs autem quæ fiunt, fieri medium sumitur: in factis factum, in futuris futurum. uerbi causa, cur fuit lunæ defectio? quia fuit terræ interiectus: sit autem defectio, quia interponitur terra: erit, quia interponetur: est autem defectio, quia est terræ interpositus. Esto autem & aliud exemplum, ac primum definiatur glacies aqua concreta: tum aqua sit c, concreta sit a, causa autem ac medium sit b, quod est caloris usquequaq; defectio. in ipso igitur c dicitur b: & in hoc ipso b, a inest, quod est congelare. gignitur autem glacies, cum gignitur medium b: et fuit glacies, quia fuit b: & erit, quia futurum est ut b sit. Atq; huiusmodi quidem causæ simul sunt cum effectibus, ita ut cum fiat unum, fiat alterum: & quo tempore unum est, eodem tempore alterum esse necesse est. nec secus in præterito & futuro tempore fit.

## CAPVT XII.

In ijs autem quæ nō simul sunt, quæstio est, an, quemadmodum nobis uidetur, ita res habet: ut ex causis effecta sequantur continuò, hoc est, perpetua quadam, & nullo temporis spacio intercisa consecutione: cum interrim sit semper rei factæ causa, res facta: rei futuræ, futura:

tura: & rei quæ sit, quippiam quod paulo antè fiebat. Est igitur in primis hoc loco perspicuum, semper ab eo quod posterius factum est, duci argumenti cõclusionem: nec immeritò. est enim *ys* quæ facta sunt, quasi principium quoddam, id quod posterius factum est: ob eamq; causam in *ys* quæ fiunt, eodem modo argumentum ducendum est à posteriori. à priori uerò argumentum ducere nullo modo licet. neq; enim rectè efficies. si, quia *sc* aliquid iam factum, uelis concludere, id quod posterius est, esse factum: quod idem in futuris intelligendum. Siue enim incertum, siue certum quoddam tempus proponas, id nunquam efficies ut rectè sequatur: *sc* hoc factum est, ergo illud quod posterius est, factum est. quandoquidem necesse est hanc cõclusionem falsam esse toto illo tempore, quod interiectum est inter prius factum & posterius: eademq; ratio est in futuris. Neq; uerò ad hunc modum rectè efficies, quia illud factum est, necesse esse ut illud post fiat. medium enim demonstrationis simul genitum esse debet cum re quæ concluditur: nempe eorum quæ facta sunt, medium est quod factum est, futurorum futurum, eorum quæ fiunt quod sit, eorū quæ sunt quod est. Atqui quod factum est, & quod futurum, genita simul esse non possunt. Iam autem siue incertum, siue certum ac definitum quoddam tempus accipias, nil, ut id rectè sequatur, effeceris: quia illo toto spacio tēporis quod interiectum est inter id quod factum est, & quod futurum est ut fiat, falsa erit illa cõplexio. Sed quid illud sit, quo res ita connectuntur & cõiunguntur, ut statim post factum esse sequatur fieri, uideamus. An non uerum est cohærescere inter se id quod factum est, & quod fit?

Rtenim

Etenim contingere & coherere inter se nō possunt duo (ut sic dicam) facta esse: quia ipsa extrema quædā sunt omnino indiuidua. Ut igitur nō possunt puncta punctis coherescere, ita factum esse cum altero eiusdem generis perpetuari non potest: utraq; enim indiuidua sunt. Vnde efficitur, ut nec factum esse & fieri, contingere inter se possint: fieri enim, diuiduum est: factum esse, indiuiduum. Quod igitur est punctum ad lineam, hoc est factum esse ad fieri: quandoquidem in eo quod fit, insunt facta infinita. Sed de ijs clarius dicendi alius est locus, ubi genus uniuersum motus explicatur. Atq; illa quidem hoc loco sufficiant, de ratione quam habet causa; quæ pro medio accipitur, ad effectū, in ijs rebus in quibus deinceps ex alijs alia oriuntur. Nam cum argumenti conclusio in ijs rebus connectitur, perinde inter medium & maius extremum nil debet esse interiectum, atq; in alijs. Exempli causa, factum est a, quia c factum est, ubi c posterius est, prius a. Ob id autem c in hac conclusione principium est, quia propius ad instans accedit, quod est temporis principium. tum uerò, quoniam d factum est, necessario efficitur c factum esse: illud igitur ad extremum necessario concluditur, quia d factum est, a factum esse: cuius rei causa est c. Etenim si factum est d, necesse est ut c factum sit: si autem c factum est, necesse est ut a prius factum sit. At quæret quispiam, firine id possit, ut medium tandem accipiatur usq; eò coniunctum, atq; adhaerescens, ut nullum sit præterea medium? an uerò quia mediorum infinitis quædam inest, aliud atq; aliud semper accipi possit? Nam hoc paulo antè dictū est, non posse inter se connecti & coaptari duo facta.

facta. Verumenimvero, quicquid contrā obijciatur, illud certum est, ducendum semper initium ab eo medio quod instanti est propinquius. Eadem autem ratio est in futuris. Nam si uerum est fore d, illud necessario prius futurum est ut sit a, ubi etiam causa est c. Si enim erit d, prius erit c: si autem erit c, prius erit a. neq; uerò in his minus est infinita diuisio, quàm in factis. nec enim momenta quæ in futuris cernuntur, continentia esse possunt. Porro illud etiam in his obseruandum est, ut initium accipiat ab eo, citra quod nullum sit interpositum medium. Quod autem modò dixi, in ipsis etiam artium operibus cernitur. ut si domus facta est, necesse est incisos atq; adeò paratos fuisse lapides. Cur autem id necesse sit, causa est, quia necesse fuit iacta esse fundamenta, ut factam esse domum intelligamus. Atqui ut fundamentum esset, iam antè paratos fuisse lapides necesse est. Nec ratio dissimilis erit, si ad futurum id trāsferas. nam si erit domus, futuri sunt antè parietes: idq; eodem modo, adhibito aliquo medio probabitur, quia necesse est ut sint antè iacta fundamenta.

## CAPVT XIII.

Quoniam autem rerum naturalium ortus in plurimis reciprocari, ac ueluti in orbem redire conspiciuntur, eo fit ut non incommodè interdum argumenti conclusiones uicissim in orbem tractentur. id quod tum erit, cum inter se mutuò consequentia erunt, medium, & extrema. in talibus enim uerbis cernuntur uicissim retrò commeantes probationes. Demonstratum autem est in superioribus libris, fieri interdum, ut uicissim ad concludendas summptiones, adhibeatur complexio: quod aliud nil est quàm reciproca



reciproca & orbicularis demonstratio. Quod autem in naturæ operibus hoc probandi genus cernatur, hoc exemplo perspicui potest: postquam terra imbre madefacta est, inde necesse est nasci uapores: tum ex ijs oritur nubes: mox autem nube resoluta, imbrem effundi necesse est: ex quo rursus madefieri terram consequitur. id autem est, unde sumptum erat exordium. Itaque hæc quasi orbem quendam absoluunt, quæ ita in se redire uidentur, ut posito uno aliquo, sequatur aliud: tum illo posito, mox aliud, ex quo id ipsum quod primum erat renascitur. Sunt autem duo genera eorum quæ fiunt. unum est, eorum quæ quia semper, & in omnibus eodem modo se habent, aut fiunt, propterea uniuerso genere contineri dicuntur. alterum in ijs cernitur, quæ non semper, sed maxima ex parte ita fiunt. ut non sunt omnes uiri barbati, sed in maxima tamen parte id cernitur. Porro quæ ad hoc posterius genus pertinent, sui etiam generis medium, quod plerunque sit, habent. Nam si ita conueniat a ipsi b, ut in totum genus cadat, itemq; b uo niuerse enuncietur de c, efficietur necessariò ita in omni c dici a, ut huius generis omnibus ac semper conueniat. Hoc enim est, quod cadere in totum genus diximus, quod omni ac semper conueniat. Atqui id maxima tantum in parte uerum esse ponebatur: necesse igitur est, ut medium b ex genere sit eorum quæ plerunq; fiunt. Quapropter eorum quæ plerunq; eueniunt, illa erunt propria, omniq; medio carentia principia, quæ ipsa plerunq; etiã ita sunt, aut fiunt.

LIBER II.  
CAPVT XIII.

369

Sequitur nunc, quia supra ostensum est quomodo definitio in argumenti conclusione pro aliquo uno ex tribus extremis accipiat, & quomodo demonstratione aut definitione quid res sit ostendatur, aut non ostendatur: sequitur inquam, ut inuestigandæ definitionis rationem doceamus. Ac primum, inter ea quæ in altero dicuntur, nonnulla reperiuntur, quæ latius ipsa quidem patent quàm subiectum, sed tamen non latius quam genus ipsius subiecti. Ego uerò latius patere ea dico, quæ sunt alicui cum alijs communia. ut si quid est quod omnino ternario conueniat, & alijs præterquam ternario, cuiusmodi est (ut sic dicam) ens, quod cum in omni ternario dicatur, tam latè præterea patet, ut uel omnem numerum longè excedat: impar autem commune quidem est ternario cum alijs (nam etiam quinarium impar est) sed non latius patet quàm genus istorum. Numerus enim, quinarum genus est: præter numeros autem, nulli conuenit impar esse. Est igitur definitionis hic modus, ut sumas ea quæ sunt ei rei quam definire uelis cum alijs communia, idq; usque eò persequaris, dum proprium efficiatur quod nullam in aliam rem transferri possit. Nam illa oratione uim atq; naturam rei uniuersam contineri necesse erit. Exempli causa, omnis ternarius est numerus impar, tum est primus, idq; bifariam: & quod eum alius numerus non metitur, & quod ex multis numeris non componitur. Hinc igitur colligitur hæc ternarii definitio: Numerus impar primus, atq; adeò bifariam primus. Ac eius quidem definitionis pars prior, omnibus est imparibus numeris cum ternario communis: posterior au-

A

tem

tem etiam binario conuenit: iunctæ autem simul utrâq; partes, in nullam aliam rem transferuntur. Quoniam autem supra docuimus, necessaria esse quæ in explicanda definitione sumuntur: quandoquidē quæ in omni dicuntur, necessario conueniunt: hæc autem quæ ad definiendum ternarium, aut aliud quiduis adhibentur, uim ac naturam rei declarant: ternario igitur illa omnia necessario conueniunt. Quod uerò uniuersam rei essentiam complectatur, hinc perspicitur potest, quod necesse est, si naturam rei uniuersam non complectatur hæc oratio, ut sit genus quoddam, quod aut uno nomine appellari possit, aut nullum habeat nomen impossiu. Vnde sequitur, latius patere hanc orationē ternario. nam id hoc loco accipiendum est, omne genus ad multas posse species pertinere. Ergo si hæc oratio alteri nulli conueniat, quàm omnibus ternarijs, necesse erit ut ea, uis ac natura ternarij uniuersa contineatur. Ponendum enim hoc loco nobis est, uim ac naturam rei esse huiusmodi quoddam attributum, indiuiduis modò alicuius speciei conueniens. Itaque hæc eadem ratione in alijs omnibus, in quibus idem modus definiendi obseruabitur, quæ sit rei uis ac natura ostendetur. Si autem uelut quispiam genus ipsum definitione explicare, hæc erit illi uia sequēda. Primum distribuendum erit genus in species ultimas, in quas primum, inter diuidendum incidet: ut numerus in ternarium, & binarium. tum singularum formarum erunt inquirendæ ex superiore ratione definitiones: uerbi gratia, quid sit recta linea, quid circulus, quid rectus angulus, & huius generis alia. Deinde postquā genus, ad quod sit id ipsum quod definitur, referendū, inueneris, nempe utrum quantitas

litas sit, an qualitas, tum ex ijs quæ sunt communia pri-  
 mis illis speciebus, erunt illa colligenda, quæ proprie ges-  
 neri conueniant. Nam quæ illa sint quæ uniuerso gene-  
 ri, quod ex infimis speciebus componitur, conueniant, ex  
 definitionibus ipsarum formarum manifestum fiet: quan-  
 doquidem omnis propemodum cognitionis initium est  
 definitio, idque quod simplex est. Ac simplicibus quæ con-  
 ueniunt, in ipsis simplicibus solis per se spectantur, in al-  
 ijs autem per ipsa simplicia. Porro autem diuisiones  
 generum per differentias factæ, plurimum ualent ad  
 perfectas definitiones, hac ratione conficiendas. Et qua  
 ratione quidem ad demonstrandam definitionem adhibe-  
 antur huiusmodi diuisiones, paulo ante docuimus. ne-  
 que enim existimandum est, eam modò diuisiones ha-  
 bere utilitatem, quod ad concludendum quid res sit, uim  
 quandam necessariam afferant: sed id potius censen-  
 dum est, nullam in ijs inesse concludendi necessitudinem:  
 quandoquidem absoluta diuisione, statim omnes partes  
 definitionis, citra probationem accipiuntur, perinde ac  
 si iam inde ab initio, nulla antefacta diuisione, sumeren-  
 tar. Sed eo ualent ad definiendum diuisiones, quoniam  
 plurimum interest, quo ordine singula disponas, & quid  
 primo, quid secundo loco constituas. uerbi gratia, non  
 parum refert, an hominem dixeris esse animal mansue-  
 tum bipes, an bipes animal mansuetum. Quæ uerò præ-  
 terea in definitione uidenda sunt, efficiaturne unum  
 aliquid ex duabus definitionis partibus: ueluti an quip-  
 piam unum sint animal mansuetum, itemque an ex illo ge-  
 nere, & illa differentia, constituatur hominis natura: aut  
 uerò quid illud tandem sit, cuius hac una oratione natu-

ra continetur: illa inquam utraq; non probat qui diuisione utitur, sed citra probationem accipit. Est autem & alia diuisionis utilitas, ut in definiendo nil prætermittamus eorum quæ quid res sit ostendere possint. Nam ut id uitium declinemus, propemodum sola diuidendi ratio præstare potest. Postquam enim primo loco genus acceptum est, si quis non proximam diuisionem accipiat, sed ad inferiorem aliquam transiliat, in partes diuisionis non cadent omnia quæ sub genere continentur. Vt si quis animal diuidat in ea quæ alas habet perpetuas continuasq;, & ea quæ alas habent diuisas: non comprehendet hac diuisione omne animal, sed uolucres tantum hac diuisione continentur, quarum hæ propriæ sunt differentiae. Animalis autem illæ sunt primæ differentiae, in quas cadit omne animal: quod idem in alijs generibus dicendum est, siue illa sint omnino ab animali diuersa, siue sub ipso animali comprehendantur. Primæ enim uolucris differentiae sunt, in quibus omnes uolucres continentur: & piscis, in quibus omnes pisces. Ac singula quidem ita persequendo per diuisionem, facile erit uidere, num prætermittatur quippiam: sin hanc rationem negligamus, necesse erit ut & aliquid interdum prætermittatur, & semper incertum sit, quicquamne prætermisum sit, an secus. Neq; uerò necesse est, ut definit aut diuidas quippiam, simul omnia quæ sunt nosse: tamen si quibusdam uideatur fieri non posse, ut rerum inter se discrimina intelligamus, nisi eas ipsas res perspectis ac cognitis habeamus. ut autem rerum assequamur cognitionem, non intellectis earum inter se differentijs, consentaneum non esse. A quo enim non discrepat quippiam,



piam, cum eo idem esse: à quo autem distinguitur, aliud esse ab eo. Ac primum quidem falsum est postremum hoc proloquium, neque enim omnis differentia aliam rem efficit: quandoquidem multæ sunt inter ea quæ specie non distinguuntur differentia, quæ nec in rei natura cernuntur, nec propter se insunt. Deinde uerò, postquam quisquam accepit contrarias differentias: idque necesse esse, ut aut hac aut illa parte contineatur id omne quod in hoc genere cernitur: mox autem in altera parte id ipsum cuius definitio quæritur comprehendendi, idque ita esse cognoscit: quid, inquam, postquam hæc omnia rectè effecerit, refert, sciat an nesciat, in quibus alijs hæc differentia dicantur? Perspicuum enim est, eum qui hanc uiam insistent, eò perueniet, ubi iam nulla possit esse differentia, quæ res præterea diuidatur, inuenturum eam quam quærit. Hæc orationem, qua rei uis uniuersa contineatur. Porro autem genus uniuersum in partibus diuisionis contineri, si partes in eo contrariorum genere sint, quibus nil interiectum est, non postulatum est: sed uelit nolit is qui cum disputatur, necessarium, ut si ueræ sint differentia, ad unam earum pertineat quicquid illo genere comprehenditur. Sed ut per diuisionem rectè conficiatur definitio, tria sunt obseruanda. Primum est, ut accipiantur attributa quæ sint ad declarandum quid res sit ac commodata. Alterum est, ut quod primum quodque secundum esse debet, suo loco collocetur. Tertium est, ut omnia quæ sunt ad hanc rem necessaria, adhibeantur. Ac horum quidem primum hinc consequi poterimus, quod ut loci sunt quibus accidentis quæstio tractatur, cum alterum alteri inesse ostenditur: ita suos quosdam

locos habet quæstio generis, quibus quippiam genus esse confirmetur. Secundum autem, quod est singula ut par est collocare, ita facile præstabitur, si quod primum est, primo loco accipiatur: id autem erit, si id acceptum sit, quod est omnium consequens, nec uicissim ex eo alia consequuntur omnia. semper enim inter definitionis partes est aliquid huiusmodi. Postquam autem id erit ita constitutum, idem modus erit seruandus in collocandis reliquis inferioribus. nam secundum ad reliqua comparatum, est ut primum: itemque tertium, ad ea quæ sequuntur. Sublato enim primo, id quod deinceps sequitur, est omnium primum, nec dissimilis est in alijs ratio. Tertium autem, quod in eo est ut intelligamus, ea quæ accepta sunt, illa esse omnia quæ ad rem definiendam fuerunt necessaria, hinc perspicitur, quod sumpto primo, ita ipsum diuiditur, ut necesse sit omne quod illo genere continetur, aut hac aut illa parte comprehendere: idque quod definitur, in ea parte reponimus, in qua continetur. tum rursus hoc totum quod ex superiore diuisione natum est, suis differentijs distribuimus: idque usque eò persequimur, donec ad extremum totum quoddam efficiamus, cuius nullæ sint differentie: uel certè quod statim ubi adiecta est ultima differentia, ab ipsa re quæ definitur, specie non distinguitur. Perspicuum enim est, in definitione quæ hac ratione confecta est, nil redundare: quia omnia quæ sumpta sunt, ad ostendendum quid res sit sunt accommodata. neque abesse quicquam: aut enim genus hic desiderabitur, aut differentia. Atqui genus hic primo loco acceptum est, illudque cum differentijs coniunctum. Differentie autem omnes hic appositæ sunt: quandoquidem nulla præterea differ-

differentia hic locum habere possit: alioqui totam hanc orationem specie differre à re quæ definitur, dicendum erit, quod nos supra negauimus. Illud autem uidendum est ei qui rerum definitiones inuestigat, ut primum quid commune habeant ea quæ similia sunt, nec specie differunt, consideret: deinde in alijs rursus idem faciat, quæ ad genus illa quidem unum, & idem cum superioribus, pertineant, sed specie ab illis distinguantur: cum interim comparata inter se, specie idem sint, quemadmodum & illa. Postquam autem sumpseris quid his & illis, alijsq; eiusdem generis commune sit: tum illud spectabis, sit ne quod in ijs omnibus commune esse reperies, idem aliquid, atque ita idem, ut communem efficiat unam rationem. Nam si ad unam quandam rationem peruenias, erit proculdubio illa rei definitio: sin unam in rationem non conueniant, sed aut duas aut plures, certum est nō esse simplicem, sed multiplicem naturam eius rei cuius quærebatur definitio. Exempli gratia, si uelimus nosse quid sit magnitudo animi, uidendum est quid inter se commune habeant aliqui, quos constet fuisse magnanimos: quod genus sunt, Alcibiades, Achilles, Ajax: quibus id fuisse commune uidemus, ut æquo animo contumeliam pati non possent. Alcibiades enim ob eam causam bellum patriæ intulit: Achilles implacabili exarsit iracundia: Ajax sibi mortem consciiuit. Tum eiusdem generis alios spectabimus, ut Lysandrum & Socratem, in quibus animi magnitudinem ex eo agnoscimus, quod tam aduersas quam secundas res moderate & constanter iulerunt. Comparatis igitur inter se ijs duobus, considerandum est ecquid commune habeant, cōstantia, idemq;

in utraq; fortuna animus, & summa in ferenda contus-  
melia impotentia. Quod si nil commune reperias, statue-  
re poteris, duas esse magnanimitatis species.

## CAPVT XV.

Semper autem res uniuersa est, quæ definitione expli-  
catur. neq; enim medicus, cum definit, quodnam sit salu-  
tare oculis medicamentū, definitionem ad hūc aut illum  
oculum tantū accommodat: sed aut in genus uniuersum  
oculorum, aut in aliquā sanē speciem uult transferri. Por-  
rò autē singularia definire multo est facilius, quā uni-  
uersale: ob eamq; causam à singulis rebus ad uniuersas  
progreduendum. Etenim ambiguitas quæ est in reb. uni-  
uersis minus cernitur, quā quæ est in ys rebus quæ spe-  
cie non distinguuntur. Sicut autem in demonstratōibus  
conficiendis, necesse est ut insit in demonstratione neces-  
saria concludendi ratio: ita in definitionibus imprimis  
uidendum, ut apertē ac perspicuē res doceatur. Id quod  
consequemur, si non statim ad genus uniuersum definiē-  
dum aggrediamur, sed seorsum antē definiamus singu-  
las res, quæ ad unum quoddam genus pertinere uidētur.  
Veluti non totum genus similitum primò definire opor-  
tet: sed prius qui sint similes colores, & quæ sint figuræ  
similes definiendum est: itemq; quid sit acuta uox prius  
explicandum, tum ad definiendum genus uniuersum ue-  
niemus: sed ita semper, ut ne subsit ambiguitas, cauea-  
mus. Iam autem, si est inter disputandū uitiosum uti meta-  
phoris, id profectò uitiosum etiam erit, in definiendo aut  
perpetuas adhibere metaphoras, aut uerbo aliquo aliud  
de translatō uti. Nam si hic sint metaphoræ, translatio-  
nes usurpare in differendo necesse erit.

LIBER II.  
CAPVT XVI.

377

Est autem & alia diuisionum & partitionum siue incisionum utilitas, ad causas multarum quaestionum intelligendas, si has in promptu habeamus. Est autem haec tractandarum per diuisiones quaestionum ratio. Primum uidendum est quae sint generis alicuius uniuersi, quod propositum sit, consequentia: atque esto illud, uerbi causa, animal. Spectandum igitur quae sint quae omnibus animalibus conueniant: tum ubi ista absolueris, pergendum est ad partes, uidendumque est, ut quaeque latissime patet, proximeque ad generis communitatem accedit, quae sint huius consequentia: atque esto uolucris. quae igitur omni uolucris insint spectandum. Idemque in alijs deinceps partibus, ut quaeque primo generi est proxima, faciendum. Perspicuum enim est, postquam ita singula fueris persecutus, facile tibi esse causam reddere, cur generis uniuerso si consequentia singulis partibus conueniant: ueluti quam obrem homini, aut equo, conueniat animalis consequentia. Esto igitur animal a, animalis consequentia b, quaedam autem ex animalibus singulis c d e. cur ergo omni d & alijs conueniat b, causa est a. Nec dissimilis est in alijs eiusdem generis ratio. Atque illa quidem ratio, quam modo subieciimus, ad ea pertinet, in quibus communi generi impositum nomen est, quo appelletur. Caeterum non ad illa tantum ualet haec ratio, sed etiam si aliud quippiam commune multis reperiatur. Nam hic quoque primum quae sint illius communis generis consequentia, spectandum erit: deinde ad singulas partes, quae huius sunt antecedentia, pergendum. exempli causa, omnibus cornua habentibus ista conueniunt, omnes habere, & in

A 5

utraq;



utraq; maxilla dentes non habere. sunt autem & animalium quædam species, quibus cornigerum esse est consequens: in quibus si quæraur, quamobrem illa consequentia insint, in promptu causa erit, nempe quia cornuta sunt. Præter illos autem duos modos, est & alius modus, causa ex partitionibus eruenda, in ijs quæ portione quadam sola idem sunt: quod genus sunt, sepium, os, spina, quibus non est communis aliqua natura, quæ una appellatione ipsa complectatur: sunt tamen horum quædam communia consequentia, perinde ac si una quadam natura continerentur. Quæstiones autem eædem aliæ dicuntur, eo quod unum quoddam medium habent, ueluti omnes quæstiones quarum causa est antiperistasis. Sed in ijs quædam sunt, quæ cum eadem genere sint, quibusdam tamen inter se distinguuntur differentijs, quæ partim ex subiectis diuersis, partim ex rationibus uarijs sumuntur. uerbi causa, tres hæ quæstiones, Quam ob causam fit echo, Cur in speculis rerum formæ apparent, Quamobrem fit iris in cælo: tres inquam hæ quæstiones genere conueniunt, siquidem omnium causa est reflexio, sed specie inter se distinguuntur. Aliæ autem ex eo dicuntur eadem, quod unius medium, in medio alterius continetur. ut hoc, quamobrem circa finem mensis, maior concitatioq; est Nilus: quia sunt extremo mensis imbres frequentiores. Rursus, cur obeunte mense, uis maior est imbrum: quia tum lumen lunæ magis ac magis minuitur. Sunt igitur hæ duæ quæstiones, hoc modo quo diximus inter se affectæ.

## CAPVT XVII.

De causis autem & effectis ambiget hoc loco quispian,

piam, nunquid possint uicissim adhiberi effecta ad causas concludendas, cum semper sequatur, si effectus est, causam esse? nam si defluere arboribus folia, aut defectionem lunæ ponas, mox sequitur, esse horum effectuum causam. Atque esto, uerbi gratia, causa cur decidant frondes, lata habere folia: defectionis autem, terræ interpositus. Etenim si ex ijs effectis non sequantur hæ causæ, necesse erit ut sint præterea aliæ eorum causæ, siquidem simul cum ijs causis sint effectus. simulac enim posuisti terræ interuentum, sequitur defectio: & posita arbore cui sint lata folia, statim efficitur, defrondescere posse. At uero si res ita habet, nobis igitur admittendum erit, uicissim ex alijs alia demonstrari posse. Sit enim defrondescere a, arbor latioribus constans folijs b, uitis c. si ergo in omni b est a, quod est, omnem arborem latioribus uestitam folijs, caduca habere folia: itemque in omni c dicatur b, omnis enim uitis laxioribus tecta est folijs: ad extremum igitur concludatur, omne c esse a, quod est, omni uiti frondes decidere. Atque in hac quidem ratiocinatione uerbum medium b, causa est. At contra etiam concludere possumus, uitem habere lata folia, per medium defrondescere. Esto arbor cui sunt ampliora folia d, defrondescere e, uitis f. omni igitur f conuenit e, hoc est, omnis uitis defrondescit: in omni autem c dicitur d, id est, omne quod defrondescit latiora habet folia: unde efficitur, omni uiti latiora esse folia: sumptumque est pro causa huius rei, defrondescere. Quod si non possint ista uicissim sibi esse causæ, ut certe non possunt (semper enim prior causa est effectui, & ut deficiat luna, causa est terræ interpositus: nec contra defectio lunæ causa esse potest, ut

inter solem & lunam terra interponatur) erit igitur quæ ex causa constabit, accurata & cur res sit demonstratio: quæ autem ex effectu ducetur, tantum quod res ita sit confirmabit. Ex hoc enim effectu interponi quidem terram cognoscimus, sed quam ob causam intericiatur nescimus. Quod autem defectio non sit causa cur interueniat terra, sed contra interiectus terræ ipsius defectio, hinc perspicitur, quod in definitione defectio-  
nis accipitur terræ interpositus: unde planum est, fieri manifestam defectio-  
nem per interuentum terræ, nec contra huius naturam per illud explanari. Iam uero, quid uetat eiusdem effecti multas esse causas? Profecto si idem effectus multis primò attribui possit, id non uidetur esse incommodum. Dicatur enim a in omni b primò, itemq; in omni c primò etiam insit a: dicantur autem b & c, de d & e. Hic ergo cur a in omni d & e insit, causa sunt b & c: illud quidem b cur ipsi d conueniat, hoc autē c cur in ipso e dicatur. Itaq; posita causa, efficitur necessariò ut res sit: at cum res est, non sequitur uniuersam causam esse, tametsi pars aliqua causæ necessariò consequatur. An si genus uniuersum complectatur quæstio, semper ex uniuersa causa sequetur uniuersus effectus, & contra? Exempli causa, defrondescere, quanquam sit plantarum multis generibus commune, si singula uelis persequi, tamen est certum quoddam unum genus, in quo id primùm omnium cernitur, quod est uel planta, uel certi cuiusdam generis planta. Quare in ijs etiam medium & effectum æqualia esse, atque adeò uicissim retrò commeare necesse erit. ueluti si causa est cur decidant arboribus frondes, quoniam concresecat humor: necesse est, ut si po-

nas defluere arboribus folia, statim humidi concretione  
ponis: & contrā, si est humoris talis concretio, necesse  
est defrondescere arbores. Sequitur nunc alia quæstio,  
utrum sit semper eiusdem effectus eadem causa, an alia  
atq; alia esse possit? an, si ex his ducta sit argumenti con-  
clusio quæ propter se rei conueniunt, non autē ex signis,  
aut accidentibus, fieri non poterit ut sit unius rei plusquā  
una causa? mediū enim est alterius extremi definitio: si  
secus res concludatur, fieri poterit. Ac possunt quidem  
maius extremum & minus per accidentia quædam tra-  
ctari, sed tamē non erunt ad sciendum accommodatæ illæ  
quæstiones. Ac si accidentia omnia omittantur, erit sem-  
per eiusdem generis medium cum extremis: nempe si ho-  
monyma sint extrema, erit homonymum medium: si ge-  
nere quodam uno contineantur, & medium simile erit.  
Exēpli causa, quæ alia sunt huius quæstionis uerba, quæ  
obrem quibusdam inest proportio commutata: tale est  
medium. est enim alia in lineis causa, alia in numeris, &  
eadem tamen: nam hoc ipso quod hæ lineæ sunt, illi nu-  
meri, est alia atq; alia causa: qua ratione autem, est certi  
cuiusdā generis accessio, eadem est in omnibus causa. Ea-  
dem ratio est in omnibus id genus. Item, cur similes sint  
inter se colores, & cur figuræ figuris similes, semper est  
alia atq; alia causa: quia simile, uerbum ambiguum est,  
cum ad ista transfertur. Ac similes quidē figuræ hac ra-  
tione fortasse dicuntur, quod certa quædam sit inter la-  
tera proportio, & pares sint anguli: colores autem, quia  
uno sensu omnes percipiuntur, aut simile aliquid. Porro  
autem in his quæ proportionem sunt eadem, medium etiam  
idem erit proportionem. Propterea autē eiusdem semper  
generis

## 351 ARISTOT. DE DEMONSTR.

generis est medium cum extremis, quoniam mutuo se consequuntur, causa, effectus, & res cui per causam attribuitur effectus. Ac si quidem singulatim res subiecta accipiantur, latius patebit effectum. ut exteriores angulos pares esse quatuor rectis, latius patet quam triangulum, aut quadrangulum. At si genus uniuersum earum formarum spectes, quibus conuenit habere exteriores angulos pares quatuor rectis, cum eo reciprocabitur, eique par erit. Nec dissimilis est in medio ratio. Medium autem, maioris extremi definitio est: quocirca dicuntur omnes scientiae ex definitione oriri. uerbi gratia, defrondescere est quidem uitis consequens, sed multo latius patet: itemque ficus, sed longe ficum excedit. At si cum omnibus huius generis arboribus conferas, non latius patet, sed aequale est. Si igitur primum medium ad probandum sumas, erit definitio huius uerbi, defrondescere: ac primum quidem adhibetur hoc medium ad concludendum uniuersum genus, deinde uero ad singulas partes accommodabitur: atque esto medium, quoniam contrahitur concrefcitque succus, aut tale aliquid. Quid uero aliud est defrondescere, quam succum ea in parte contrahi, ubi foliorum pediculus cum extremis ramulis, qui quasi frondium semina sunt, coniunctus est? Quod si quis hanc causam & effectus consequutionem uelit sibi descriptionibus quibusdam & exemplis declarari, sic habeto. Dicatur a in omni b, in sit autem b omni d, sed ita ut latius pateat. Erit igitur b, generale quoddam uerbum, facta ad omnia quae sub d continentur collatione. Nam illud generale appello, quod non reciprocatur: uniuersale autem primum illud uoco, quod cum singulis partibus comparatum,



tum, non uicissim retrò comseat. cum toto autem genere collatum, reciprocatur, nec latius patet. Ergo quod in omnibus d dicatur a, causa est b. Quare latius patebit a, quam b. nam si non ita sit, quæ causa est cur mutuò sibi causæ esse non possunt? Iam autem, si rursus omnibus e conueniat a, aliam quandam causam habebunt ipsa e, præter b. nam si secus res habet, cur uerum est, omni e inesse a, nec uicissim fit ut omne a sit e? quamobrem enim non erit causa cur omnibus e conuenit a, sicuti aliqua est cur omnibus d insit? Habebunt igitur ipsa e, aliam quandam rationem in qua conuenient: sed quæ n. in illa sit, considerandum: atq; esto c. fieri igitur potest, ut eiusdem rei plures sint causæ: sed ita tamen, ut nunquam plures sint eius effecti, quod in rebus specie iisdem cernitur. uerbi gratia, uitæ in longum tempus protrahendæ, in quadrupedibus causa est quod felle careant, in uolatilibus quod ualde sicca sint, aut simile aliquid. Postrema quæstio est, quando non statim ad primam mediocq; carentia pronunciata dissoluitur res proposita, sed multa media alia ex alijs, multisq; causis persequi oportet. Vtrum magis causa est, medium quod generale est, & ad genus uniuersum accommodatum, an quod ad res singulas, in quibus aliquid quæritur, magis accedit? Profectò non dubium est, quin illud medium magis causa sit, quod ad minus extremum, in quo quæritur an aliquid insit, proximè accedit. Semper enim hæc prima causa est, cur sub uniuerso genere illud contineatur. ueluti, ut omni d conueniat a, causa est c. Sic igitur persequi causas oportet, ut dicamus c causam esse cur a conueniat d: tum cur c insit a, causam esse b: postremò,

cur ipsi b conueniat a, ipsum b sibi causam esse. Ac de ratiocinatione quidem, & demonstratione, & quid sint, & quomodo conficiendæ, hæcenus dictum est: ex quo quid qualisq; sit scientia demonstratiua intelligitur, utpote quæ nil ab illa distinguatur.

## CAPVT XVIII.

Supereſt ut doceamus, qua ratione principiorum aſequamur cognitionem, & quis ille ſit habitus, per quem ipſa intelliguntur. Sed prius quàm hoc aggrediamur, quid utramq; in partem probabile ſit, ſubiciemus. Ac primùm, quòd ſcire nemo poſſit per demonstrationem, quin antè cognita & percepta habeat prima atq; immediata principia, ſuprà oſtendimus. Hic igitur ambiget forte quiſpiam, utrum ſit eadem principiorum quæ aliarum rerum cognitio, necne: & utrum harum & illorum cognitio ſcientia appellanda ſit. an uerò harum quidem, ſcientia: illorum autem aliud quoddam cognitionis genus. Et utrum non inſit nobis iam inde ab ortu principiorũ habitus, ſed uſu acquiratur: an uerò nobiſcum quidem naſcatur, ſed lateat tamen, nec ſe ſtatim exoratur. Ac nobis quidem ingenitum eſſe, nec intelligi, abſurdum eſt: alioqui fatèdum erit, eum qui certius aliquid cognoſcat, quàm ſi per demonstrationẽ ſciret, in ſumma tamẽ ignoratione uerſari. At uerò, ſi nõ eſt inſita natura principiorum noticia, ſed uſu & progreſſu temporis acquiritur, quònam pacto aſſequi ac diſcere ipſa principia poterimus, nulla antecedeẽte cognitione? Nam illud fieri non poſſe, in explicanda demonstratione ſuprà diximus. Perſpicuum igitur eſt, neq; ſimul nobiſcum naſci principiorum cognitionem: neq; cum antè planè omnium re-

rum imperiti essemus, nullumq; habitum qui ad ista cognoscenda pertineret habessemus, postea usu & temporis processu acquiri. Quapropter necesse est, ut ingenita quædam naturæ vis huius cognitionis nobis præbeat occasionem: quæ tamen facultas non tam accuratè ac subtiliter singula perspicere possit, quàm certa hæc, minimeq; fallax principiorum cognitio. Atq; hæc facultas in omnibus inesse animantibus videtur. Omnibus enim animalibus tribuit natura aliquam ad discernendis diiudicandisq; res facultatem, quam sensum appellant. Cumq; hæc omnia animalia conveniant, quod sensum habeant: in eo discrimen est inter ipsa, quod ea quæ sensibus obiecta sunt, in quorundam animis impressa atq; infixæ manent, alijs statim excidunt. Quorum autem animis rerum obiectarum species non imprimitur, ea aut nullam planè, aut certè earum rerum quæ animo non retinentur, non habent cognitionem, nisi quo tempore sentiunt. Quæ uerò sensuum oblatas impulsiones retinent, ea postquam sentire desierunt, habent etiamnum infixam animo unam quandam rei speciem. Cumq; huius generis multa sint animantia, hic rursus est quædam inter illa differentia, eo quod quædam sunt quæ coniunctam habent cum illarum rerum memoria rationem. Alia sunt, quæ huius planè sunt expertia. Oritur ergo (ut diximus) ex sensu memoria: tum ex memoria, aliquoties repetita, nascitur experientia. nil enim est experientia una, quàm multæ (ut sic dicam) memoriæ. Postremo ex experientia, quæ tum est cum est infixæ animo de toto genere pronuntiatio, aut unius cuiusdam rei notio, quæ sit ipsa quidem præter res singulas, sed in illis

tamen omnibus una eademq; manens cohereat : ex ipsa  
inquam experientia, proficiuntur omnis artis ac scientiæ  
principia. Artis quidem, si ad eas res pertineant quæ  
oriuntur & occidunt : scientiæ autem, si ad ea quæ ea-  
dem semper sine ulla mutatione permanent. Neq; igitur  
certi cuiusdam generis habitus sunt nobis natura in-  
fusi, quibus principia intelligamus : neq; ex alijs habiti-  
bus prioribus ac notioribus oriuntur, sed sensibus modò  
tribuenda est huius cognitionis origo. Quemadmodum  
enim inclinata iam acie, fusoq; propemodum exercitu,  
si resistere unus incipiat, mox alius gradum sistit, deinde  
alius atq; alius : donec ad principium agminis id perue-  
niat, ita (ut sunt animi nostri) simile aliquid in ijs usuue-  
nire potest. Sed quod modò dictum est, nec satis aperte  
explicatum, nunc ab initio explanemus. Ac primum,  
cum se aliquod indiuiduum sensibus offert, tum primum  
animo comprehenditur uniuersum genus. Etenim sin-  
gulare quidem est quod sentitur, sed sensus ipse intimaq;  
cogitatio ad genus uniuersum pertinet. ueluti cum ho-  
minem aliquem uideo, sensus ad hominem concipien-  
dum, non ad Calliam hominem percipiendum pertinet.  
Tum uerò animus aliquandiu in hac atq; illa communi  
notione conquiescit, idq; eò usq; persequitur, dum ad sim-  
plicissimam aliquam latissimeq; patètem notionem per-  
ueniat. ueluti huius atq; illius generis animantia tanti-  
per considerat, dum ad communem animalis notionem  
perueniat : ac deinde pari ratione ex hoc genere ad alia  
progrediatur. Ex ijs planum est, prima initia inductione  
fieri nobis manifesta. quid enim aliud est profecta hoc  
modo à sensibus noticia, quàm inductio? Quoniam au-  
tent

tem omnium qui ratione cernuntur habituum, quibus  
 uerum aliquid dicere possumus, alij sunt in quibus per-  
 petua inest ueritas, alij in quibus ut falsum dicatur inter-  
 dum euenit: huius generis sunt, rerum agendarum & fa-  
 ciendarum ratio, & opinio. Ex genere autem eorum  
 quæ semper uera sunt, est scientia & intelligentia. Et  
 quia nil est certius accuratiusq; scientia, præter intelli-  
 gentiam, semperq; notiora sunt principia demonstra-  
 tione, sine qua nulla potest esse scientia: ex ijs profectò  
 necessariò efficitur, principiorum non esse scientiam.  
 Atqui nil est certius accuratiusq; scientia, præter intelli-  
 gentiam. Itaq; in cognoscendis principijs intelligentiam  
 positam esse, perspicue hac ratione ostenditur. Sed et-  
 iam hac ratione id confirmari potest: Principium de-  
 monstrationis non est demonstratio, neq; igitur princi-  
 pium scientiæ erit scientia. Quare si præter intelligen-  
 tiam nil est in quo sit perpetua ueritas, perinde atque in  
 scientia: erit profectò intelligentia ueluti quoddam prin-  
 cipium omnis scientiæ. Atq; ita id quod ualde consenta-  
 neum est, fiet, ut principium scientiæ ipsis attribuatür  
 principijs: scientia autem, simili modo, omni-  
 bus his rebus quæ ex principijs  
 ortæ sunt.

F I N I S.

B A R I.



# ARISTOTELIS

## TOPICORVM LIBRI VIII.

Ioachimo Perionio interprete, per Nicolaum Grouchium correcti & emendati.

### LIBRI I. CAPVT I.



Oc nobis loco propositum est, uiam atq; rationē inuenire, qua & de omni quaestione proposita, probabili argumentatione poterimus differere: & nihil repugnans, si quid in disputationibus defendamus, asseremus. Ac primum quidem quid sit ratiocinatio dicendum est, quæq; eius genera: ut ratiocinatio dialectica, quoniam hoc sermone eam inuestigamus, quid sit intelligatur. Est igitur Ratiocinatio, oratio, in qua quibusdam positis, aliud quidpiam, quam quæ posita sunt, ex ijs ipsis quæ posita sunt, efficitur necessario. Demonstratio autem est, cum ex ueris & perspicuis conclusio est: aut certè eiusmodi, quæ à quibusdam perspicuis & ueris causam cognitionis sumunt. Dialectica uero ratiocinatio est, quæ ex probabilibus concluditur. Vera quidem sunt & perspicua ea, quæ non ab alijs, sed à seipsa fidem habent. Neq; enim initiorum ac principiorum, quæ in singulis sunt scientijs, querenda ratio est, eaq; omnia per se ipsa perspicua esse debent. Probabilia autem sunt quæ probantur aut omnibus, aut plurimis, aut certè sapientibus: atq; ijs uel omnibus, uel plurimis, uel ijs quorum spectata est & perspecta sapientia. Fal-

lax

lax autem & certandi studio comparata ratiocinatio est, quæ ex ijs progreditur, quæ probabilia uidentur, nec sunt: aut quæ ex probabilibus, uel quæ probabilia uidentur, constans conclusio, necessaria esse uidetur, nec est. non enim omne quod probabile uidetur, etiam probabile est: quandoquidem nihil eorum quæ habentur probabilia, extrinsecus & quasi specie prima, tale existit omnino. Id quod initijs conclusionum fallacium solet contingere. Celeriter enim ac sæpe ijs etiam qui parum cernere possunt, his in rebus falsa natura se offert & ostendit. Prior igitur ratiocinationum earum quas fallaces & studio certandi comparatas esse diximus, etiam ratiocinatio uocetur. Altera fallax ratiocinatio, non omnino ratiocinatio dicatur: quoniam concludere uidetur, neque concludit. Sunt etiam præter eas ratiocinationes quas exposuimus, fallaces conclusiones, quæ ex proprijs initijs nonnullarum artium efficiuntur, & constant: quod fit in geometria, alysq; quæ huic finitimæ sunt. Nam inter genus hoc et superiora aliquid interest: neque enim ex ueris & primis, neque ex probabilibus progreditur is qui pseudographo uitur. Non enim in definitionem incurrit: quoniam nec sumit quæ probantur omnibus, nec quæ plurimis, nec quæ sapientibus: atque his nec ea quæ omnibus, nec quæ pluribus, nec quæ probatis: sed ex proprijs scientiæ sumptionibus non ueris, quod uult efficit. Nam quia semicirculos describit, non quemadmodum describendi sunt, aut lineas ducit, non quomodo sunt ducendæ, eò falsam conclusionem efficit. Ac ratiocinationum quidem genera hæc sunt, quæ a nobis pingui quadam minerva exposita sunt. Nam & de

ijs quæ iam diximus, & de ijs de quibus deinceps dictu-  
ri sumus, hoc semel admonere uolo, nil horum me uello  
subtiliter & accurate docere, sed tantum rudem ueluti  
formam subijcere rerum singularum. Ego enim ita sen-  
tio, ad hanc artem quam hoc loco docere institui, sa-  
tis esse, rudem quandam ac simplicem rerum singula-  
rum habere cognitionem.

## CAPVT II.

Sequitur ut deinceps, ad quot quasque res instituti no-  
stri ratio conducatur, differamus. Tria autem sunt, quo-  
rum primum exercitatio est, alterum congressus, ter-  
tium philosophiæ scientia. Atque ad exercitationem quia  
dem magnum eam adferre adiumentum, hinc perspici  
licet, quod si uia & ratione instructi ueniamus ad di-  
sputandum, facilius de re proposita differere poterimus.  
Ad congressus autem & colloquia, quod multorum e-  
numeratis expensisque sententijs, non ex alienis & longe  
petitis, sed proprijs aptisque locis sermonem depromemus,  
quem cum ipsis conferamus. Ita si quid minus præclare  
nobis uidebuntur dicere, id facile refellemus. Ad philo-  
sophiæ autem cognitionem, quod facultate in utranque par-  
tem de re quaque disputandi instructi, facilius in quaque re  
quid uerum sit, quid falsum, perspicimus. Atque etiam ad  
prima initia omnium artium cognoscenda, in hac arte uis  
maxima est. Nam quoniam principijs, quæ propria artis  
eius sunt de qua agitur, adhibitis, de ijs ipsis nihil dici po-  
test, nec concludi, (sunt enim prima) certe ijs quæ in qua-  
que probabilia sunt utamur necesse est, si quid de his exa-  
ponere uelimus, quod dialecticæ proprium est uel maxime.  
Cum enim hæc ratio sit quædam indagatrix, ad omnia  
omnium

omnium rerum quæ uia & ratione progrediuntur principia, uiam aperit. Sed hæc tum demum perfecta in nobis erit ratio, cum id accidet nobis, quod ijs qui arte rhetorica, medicina, cæterisq; facultatibus sunt præditi: id est, cum ex ijs quæ commodè ad rem propositā adhiberi possunt, efficiemus quæ uolumus. Neq; enim uel orator omnibus modis persuadere solet, uel medicus curationem adhibere: sed si nihil prætermittat eorum quæ adhibere possit, tum deniq; & peritum eum & artificem iudicamus.

## CAPVT III.

Primum igitur ex quibus hæc cõstet ratio, uideamus. Quod si exposuerimus, quot quibusq; de rebus omnis instituaturs disputatio, ac ex quibus conficiatur, & quænam admodum ea omnia nobis suppetent, facile quod uolumus consequemur. Sunt autem numero paria, & ea ex quibus argumentationes constant, & ea in quibus ratiocinationes uersantur. quippe cum probationes ex propositionibus cõficiantur, & ratiocinationes de quæstionibus suis. Omnis autem propositio, omnisq; quæstio aut genus declarat, aut proprium, aut accidens. Nam differentia, quia generale quippiam est, in eodem, in quo genus, numero reponenda est. Quoniamq; proprium aliud est, quod rei naturam explanat, aliud quod nō explanat, diuisum sit proprium et distributum in partes has duas: appelleiurq; unum, id quod rei uim & naturam declarat, Definitio: alterum communi nomine quod habuit, uocetur Proprium. Ex quo perspicuum est, quatuor omnia fieri, ut diuisimus, uel proprium, uel definitionē, uel genus, uel accidens. Neq; uerò dictum uelim, hæc omnia per se aut propositionem efficere, aut quæstionem: sed

hoc dico, ex his omnibus & quæstiones cōstare, & propositiones. Differt autem ratione quadam propositio à quæstione. nam si quærat<sup>ur</sup> hoc modo: An sit animal grad<sup>us</sup> bipes, definitio hominis? aut, sit ne animal hominis genus? propositio est. sin hoc modo, sit ne animal grad<sup>us</sup> bipes, definitio hominis, necne? quæstio est, quod idem in cæteris contingit. Pari igitur numero inter se respondent & propositiones & quæstiones: præsertim cum ex omni propositione, si rationem dicendi mutes, quæstionem facere possis.

## CAPVT IIII.

Nunc dicendum est, quid sit definitio, quid genus, quid proprium, quid accidens. Definitio, est oratio, quæ id quod definitur, explicat quid sit. Adhibetur autem aut oratio pro nomine, aut pro oratione oratio. possunt enim quædam quæ oratione exprimuntur, definitione aperiri. Qui autem quoquo modo nomen pro nomine reddunt, ij profectò rei definitionem non explicāt: quædoquidem omnis definitio oratio est. attamen hoc referendum est ad definitionem: ut, Honestum est, quod deceat. Itemq; hoc, utrum idem sit sensus & scientia, an aliud, definitioni attributum est. in definitionibus enim idemne sit, an alterum, multus usus est. Ad definitionemq; pertinent ea omnia, quæ eadem uia & ratione tractantur, qua definitio. Atq; hæc omnia talia esse, ex hoc intelligi potest, quòd si possumus quid idem sit, quid aliud, differere, magna nobis de definitionibus disputandi superpetet copia. Nam si non idem esse ostendemus, definitionem infirmabimus: quanquam non id retrò commeat, non enim satis est ad construendam definitionem, idem esse



esse docere: ad euertendam autem satis est, non esse idem ostendere. Proprium autem est, quod quid sit res non explicat, in soloq; inest, & uicissim de re dicitur: ueluti hominis proprium est, nauum esse ad percipiendam grammaticam. Si enim homo sit, uim habet ad percipiendam grammaticam: & si quid sit quod uim ad percipiendam grammaticam habeat, homo. Neq; enim quisquam id proprium esse dicat, quod in aliam rem transferri potest: ut dormire hominis proprium non est, etiam si ad quoddam tempus in solum hominem cadat. sed si quid tale propriū dicatur, non omnino, sed ad quoddam tempus, aut ad aliquid collatum, proprium appellabitur. Nam à dextra esse, proprium est interdum: & bipedem esse, proprium est, quod cum aliquo confertur, ut hominis proprium est ad equum & canem. Atq; nihil eorum quæ in alio etiam inesse possunt, uicissim dici, hinc perspicui licet, quod non est necesse, si quid aliud dormiat, id esse hominem. Genus autem id est, quod de pluribus, specie autem differentibus dicitur, in quaestione qua quid sit res quaeritur. In quaestione autem qua quid quicque sit quaeritur, ea dicuntur omnia quæ accommodatè & aptè respondentur, cum rogatur quid sit id de quo agitur. Vel si quis rogetur quid sit homo, aptè respondebit animal. Generi etiam illud attributum est, sit ne aliquid in eodem genere in quo aliud, an in alio. hoc enim eadem ratione tractatur, qua genus. Nam si animal genus hominis esse demonstrauerimus, itemq; bouis: certè ostenderimus, quod in eodem sunt genere. & si alterius genus esse docuerimus, alterius non esse, ea non ad idem genus docuerimus pertinere. Accidens est, quod nihil horum

est, nec genus, nec definitio, nec proprium, rei autem conuenit: & quod cadere potest in rem unam aliquam, & in eandem non cadere, uelut sedere, & conuenire eidem & non conuenire potest. itemque id quod album est: quoniam nihil prohibet eundem aliàs album esse, aliàs non album. Harum autem accideatis definitionum uerior est & aptior secunda. Siquidem priore proposita, si quis eam sit intellecturus, is ante quid definitio sit, quid genus, quid proprium, sciat necesse est: at posterior satis ipsa per se plena & perfecta est, ut quid sit accidens per se intelligatur. Accidenti attributæ sunt rerum omnium inter se comparationes, quæ ab accidente ducuntur: ut, utrum expetendum magis, quod honestum est, an quod utile? & utra uita suauior, eam quæ uirtute, an quæ uoluptate dirigitur? & si quid aliud eodem modo dicitur. In ijs enim omnibus, utri id de quo agitur magis conueniat, quæritur, ex quo perspicuum est, accidens ad quoddam tempus, & cum aliquo collatum, proprii nomen obtinere posse: ueluti sedere, quod est accidens, si quis solus sedeat, tum ad tempus proprium erit: & si solus quia sedeat, etiam erit proprium ad eos qui non sedent. Ita nihil prohibet accidens ad quoddam tempus, & cum aliquo collocatum, uim proprii ac nomen obtinere, cum interim non sit futurum omnino proprium.

## CAPVT V.

Illud autem ignorare non debemus, ea omnia quæ ad proprium, quæ ad genus, quæ ad accidens referuntur, attribui etiam definitionibus posse. Nam si demonstrauerimus, non soli ei conuenire quod definitur, ut in proprio: aut non esse in definitione genus id quod da-

rum

tum est : aut non inesse aliquid eorum quæ in definitione continentur : quod etiam in accidente dici potest : certe definitionem euertimus. Ita iuxta illam, quam paulo ante posuimus, rationem quodammodo sub definitionem cadent omnia. Nec uero ob eam causam in his omnibus uia & ratio una generalis quærenda est. Non enim hoc inuentu facile est : & si inuentum sit, tamen obscurum erit omnino, nec magnum adiumentum ad id quod quærimus adferet : at si propria eorum sigillatim uia tradatur, facilius ex ijs quæ singulorum propria sunt, de re proposita erit explicatio. Itaq; summa illa (idq; rudi, ut paulo ante dixi, minerva) facienda partitio est. Tum sua cuiq; assignanda sunt attributa, quæ tum generis, tum definitionis attributa dicentur. Fere autem quæ exposita sunt, ea sunt quæ singulorum generum attributa sunt.

## CAPVT VI.

Primum autem omnium de eodem differendum est, quot modis dicatur. Tripertitò autem, ut rudius hanc rem subiiciam, distributum est. Aut enim numero, aut specie, aut genere idem solui sumus dicere. At numero quidem eadem sunt, quorum & nomina plura & res una est : ut uestimentum & uestis. Speciei autem eiusdem sunt ea quæ multa sunt, neq; specie differunt : ut duo homines, ut duo equi. Ea enim eiusdem speciei dicuntur, quæ eidem speciei subiecta sunt. Itemq; eiusdem generis sunt ea, quæ eidem generi subiiciuntur : ut homo, & equus. Aqua autem quæ ab eodem fonte manat, eadem dici alio modo atq; superiora uidebitur : sed tamen in eodem genere numeranda est, in quo ea quæ unius speciei quoquo

quoquo modo habetur, præsertim cum cognatione quadam & similitudine hæc inter se coniuncta sint omnia, Siquidem aquæ omnes, quod similitudinem quandam inter se habeant, eiusdem speciei sunt: & aquæ ab eodem fonte fluentes, quæ eadem dicuntur, non alia ratione differunt ab alijs, nisi quod excellentior sit & maior harum similitudo. Itaque non ab ijs hoc genus seiungimus, quæ eadem quoquo modo specie continentur. Constat autem inter omnes, id quod est unum numero, idem appellari uersimè. Idq; solet in multas partes tribui: quarum prima est, & maxime propria ea, qua aliqua eodem nomine uel definitione dicuntur, ut uestimentum & tunica, ut animal gradiens bipes & homo. Secundo loco, cum per proprietatem idem aliquid exprimitur: cuius generis est hoc totum quod uim habet ad cognitionem percipiendam, & homo: & quod sublime natura fertur & ignis, eadem sunt proprietate. Tertio loco, cum id ab accidentibus nascitur, ut quod sedet, quodq; musica præditum est, idem est quod Socrates. unum enim numero hæc declarare omnia, ex ijs qui nominum mutationem faciunt, intelligi potest. Sæpe enim si quem euocari iubemus nominatim, neq; is intelligit cui iubemus, alio tum nomine utimur, quasi facilius ex re aduenticia sit intellecturus, ideoq; uel sedentem, uel disputantem ad nos accersiri iubemus. Ex quo perspicuum est, idem existimare nos accidente declarari, quod nomine. Idem igitur tribus modis, ut expositum est, dicitur.

## CAPVT VII.

Omnem autem disputationem de ijs quæ suprà dicta sunt haberi, ex hisq; constare, primum inductione perspicui

perspici licet. Si quis enim unamquamque propositionem  
& questionem perspiciat & consideret, is certe uel ex  
definitione, uel ex proprio, uel ex genere, uel ex acciden-  
te eam constare animaduertet. deinde id ratiocinatione  
hac concludi potest. Quicquid enim de aliquo dicitur,  
id necesse est reciprocari, uel non reciprocari. Si reci-  
procatur, definitio erit, uel proprium. Nam si naturam  
rei explicet, definitio: si non explicet, proprium erit  
præsertim cum proprium id esse definierimus, quod ui-  
cissim diceretur, neque rei uim naturamque explicaret. Sin-  
minus ipsam & res reciprocentur, aut in ijs est quæ in  
definitionem inclusa de subiecto dicuntur, aut non. Si  
in ijs quæ in definitione comprehensa de subiecto di-  
cuntur, aut genus, aut differentia sit necesse est: quan-  
doquidem è genere ac differentijs omnis definitio est.  
Si non est in ijs quæ in definitione continentur, profe-  
cto accidens sit necesse est: siquidem accidens id esse de-  
finiuimus, quod nec definitio est, nec genus, nec pro-  
prium, rei autem accidit. Deinceps categoriæ exponen-  
dæ sunt, ad quas eæ quatuor rerum quas diximus distin-  
ctiones differentiæque referuntur. Sunt autem numero  
decem: substantia, quantitas, qualitas, ea quæ cum ali-  
quo conferuntur, ubi, quando, situm esse, habere, face-  
re, pati. Semper enim ad unam harum decem, accidens,  
genus, proprium, & definitio pertinent: ut necesse sit o-  
mnes quæ ex his constabunt propositiones & quæstio-  
nes, aut substantiam, aut qualitatem, aut quantitatem,  
aut aliquam aliam categoriam indicare. Id autem quod  
significat quid alterum sit, interdum substantiam signi-  
ficare, interdum qualitatem, interdum aliam catego-  
riam,



riam, ex hoc perspicui potest, quod cum proposito homi-  
ne aliquis dicit, id quod propositum sit, esse hominem  
aut animal, is & quid est dicit, & substantiam expli-  
cat: cumq; proposito & constituto colore albo, dicit id  
de quo agitur, colorem album esse, naturam & substan-  
tiam declarat, explicatq; qualitatem. Itemq; si propo-  
sita magnitudine unius cubiti, id confirmet, de quo age-  
tur, magnitudinem esse unius cubiti, substantiam dicit,  
& quantitatem indicat. Quod idem in ceteris contin-  
git. Siue enim idem de se dicatur, siue genus de eodem,  
naturam substantiamq; declarat. Sin de alio, non natu-  
ram iam, sed uel qualitatem, uel quantitatem, uel ali-  
quam aliam categoriam indicat. Quare hæc tot sunt,  
de quibus, & ex quibus omnis instituitur disputatio:  
Sequitur ut, quemadmodum propositiones eligamus;  
quibusq; rebus hæc nobis facultas suppeditabitur, do-  
ceamus.

## CAPVT VIII.

Primum igitur exponendum est, quid sit Propositi-  
tio dialectica, quid quæstio dialectica. Neq; enim pro-  
positio quæstioq; omnis dialectica putanda est, præ-  
sertim cum nemo, qui quidem mentis suæ sit, accipiat ut  
aliquid probet, quod probetur nemini: neq; pro quæ-  
stione ponat, quod perspicuum sit omnibus, aut pluri-  
mis: quando quidem hæc nullam dubitationem ha-  
bent: illa autem nemo unquam admiserit. Est au-  
tem Propositio, interrogatio probabilis, quæ non sit  
contra opinionem, uel omnium, uel complurium, uel sa-  
pientum: ac sapientum, aut omnium, aut permulto-  
rum, aut eorum quorum maxime perspecta est & spe-  
ctata

Etata sapientia. Nam id facile admitti solet, quod sapientibus probatur, dummodo maximæ partis sententis minimè repugnet. Pertinent etiam ad propositiones huius generis ea omnia, & quæ ad probabilitum similitudinem accedunt, & disparata eorum quæ probabilibus aduersantur, omnesq; sententiæ quæ ijs artibus quæ inuentæ sunt, congruunt & consentiunt. Nam si hoc probabile est, eandem in contrarijs artem uersari: etiam illud, eidem sensui subiecta esse contraria, probabile uideatur. Et si unam numero grammaticam esse, tibiæ etiam artem unam esse probabile erit: si plures grammaticæ, plures etiam artes esse tibiæ. Hæc enim similia & cognata sunt omnia. Itemq; disparata eorum quæ probabilibus contraria sunt, probabilia uidebuntur. Si enim hoc probabile sit, Afficiendos esse beneficijs amicos: illud etiam probabile erit, De amicis non esse malè merendum. Atqui contrarium est, malè merendum esse de amicis: disparatum uerò, non esse malè merendum. Similiter, si de amicis bene merendum sit, de hostibus non est bene merendum: quod est contradicens eius, quod probabili repugnabat. Contrarium enim est, Bene merendum esse de hostibus. Eadem est ratio cæterorum. Ex similitudine etiam probabile existet, contrarium de contrario. Si enim de amicis bene merendum est, de inimicis etiam malè. quorum illud, Bene de amicis merendum est, contrarium est huius, De inimicis malè merendum est. Virum autem id uerè dicatur, necne: deinceps, cum de contrarijs differemus, docebimus. Hoc autem perspicuum est,

sententia

sententiis omnes quæ artibus consentiunt, propositionibus ijs quæ dialecticæ sint, attribui oportere. Illa enim quisque admittere solet, quæ probantur ijs qui in quaque arte uersati sunt: ueluti in re medica, quæ medico: in re geometrica, quæ geometræ. Quod de alijs iudicandum est eodem modo.

## CAPVT IX.

Quæstio autem dialectica est, quæstio aut ad expectandum & fugiendum, aut ad ueritatem cognitionemque pertinet: idque uel per se, uel quia adiumentum afferat ad aliquid aliud, quod horum altero genere continetur: de qua aut neutram in partem, aut contra plerique ac sapientes sentiunt, aut sapientes contra ac plerique, aut utrique ipsi secum discordant. Sunt enim quæstiones quædam ad persequendum quid & declinandum: cuius generis hæc est, Vtrum uoluptas bonum est, necne? Aliæ sunt solum cognitionis & scientiæ: ut si quærat, Sit necne sit mundus sempiternus? Quædam ipsæ per se ad neutrum horum ualent, habent tamen suam quandam ad illa utilitatem. Multa enim sunt, quæ per se ad cognoscendum nos non mouent, nisi aliorum causa, ut per ea alia discamus. Sunt etiam quæstiones, de quibus rationationes contrariæ sunt. Vtrum enim sic, an ne secus sit, quæstio est, propterea quod in utranque partem rationes probabiles suppetant. Sunt & de quibus, quia magna & ardua sunt, statuere nil possumus, rati difficilem esse causæ explicationem: quo ex genere hæc est, Vtrum mundus æternus est, necne? id enim incidere potest in disputationem. Ac Propositio quidē & Quæstio exposita sunt. Propositum autem, sententia est admirabilis, contraque

contraq; opinionem omnium, alicuius eorum quorum in Philosophia illustris est & peruagata fama: uelut, Non posse contradici, ut placet Anystheni: uel, Moueri omnia, Heracliti sententiæ: uel, Vnum esse omnia, quemadmodum ait Melissus. Nam curare quæ quisq; contra opinionem & sententiam omnium asserat, amentia est. Aut de ijs certè rebus, quæ cum sint contra opinionem, ratione tamen niti uidentur: quale illud est, Non omne quod est, aut natum esse, aut sempiternum, ut sophistis placet. Bum enim qui musicus sit, esse grammaticum, neque factum est, neq; sempiternum. Id enim etsi nemini uerum esse uideatur, quia tamen probabili illa ratione nititur, alicui probabile uideri poterit. Ac propositum quidem, etiam quæstio est, nõ omnis autem quæstio propositum: quando quidem nonnullæ quæstiones sunt eiusmodi, de quibus neutram in partem sunt sententiæ. Propositum autem esse quæstionem, hinc perspicitur potest: quòd si uera sunt, quæ paulo antè dixi, necesse est, aut multos de proposito à sapientibus, aut quoqua modo à seipsis utrosque illos dissentire: quippe cum propositum sit, sententia contra aliorum opinionem. Porro autem omnes ferè Dialecticæ quæstiones hodie proposita uocantur, nihil tamen refert quocunque nomine utamur. Neque enim hæc ita distinximus, quasi sua nomina singulis rebus dare uelimus, sed ut ne ignoraremus quæ sit eorum distinctio. Nec uerò omne propositum, omnemue quæstionem nobis ad disputandum proponere debemus: sed de qua quærat aliquis eorum qui rationem desiderant, non poena digni sint, aut sensu careant. Nam & qui quarunt, Sint, necne sint dii colen-

di, & amandi parentes, supplicio coercendi sunt: & qui, sit ne alba nix necne, sensu carent. Nec de ijs etiam quæstionibus & propositis disputare debemus, quorum in promptu est & facilis explicatio, aut nimium remota & difficilis: quoniam illa nullam dubitationem afferant, hæc maiorem quam ut eam ferre possit exercendi consuetudo.

## CAPVT X.

His autem expositis, deinceps quot sint genera argumentationum dialecticarum, dicendum est. Est autem una, quæ inductio: altera, quæ ratiocinatio nominatur. Ac ratiocinatio quid sit, iam diximus. Inductio autem est, ex rebus singulis ad uniuersas progressio: ut, si gubernator is demum sit optimus, qui peritus et doctus, itemq; auriga: in quaue etiam re qui sit peritus & exercitatus, omnino sit optimus & præstantissimus. Inductio quidem uerisimilior apertiorq; est, sensuumq; iudicio familiarior & notior, ac sæpius in populi ore uersatur. Ratiocinatio autem magis urget, ad eosq; qui cōtrā dicunt refellendos potentior est. Ac genera quidem in quibus uersantur, & ex quibus constant argumentationes, ea sunt quæ diximus.

## CAPVT XI.

Rationes autem quibus magnam ratiocinationum argumentorumq; copiam comparabimus, sunt quatuor. quarum una est in propositionibus eligendis: altera in distinguendo quot modis quicq; dicatur: tertia in differentijs inueniendis: quarta in similitudinis cognitione & scientia. Sunt autem quodammodo tria illa propositiones. Licet enim ex unoquoq; eorum propositionem ducere:



ducere: ut expetendum esse, uel quod honestum est, uel quod incundum est, uel quod utile. Et hoc inter sensum & scientiam interesse, quod si scientia amissa sit, rursum comparari potest: sensus semel erutus & amissus, non potest recipi. Et quam rationem habet id quod efficit bonam ualeitudinem, ad bonam ualeitudinem: eandem habere id quod firmam constitutionem facit, ad firmam constitutionem. Atqui prima propositio est ex ijs quæ multis modis dicuntur, secunda est differentia, tertia ex similitudine. Propositiones igitur eligendæ sunt, quot modis in propositione explicanda diximus, ut uel omnium sententias seligamus, uel plurimorum, uel sapientum: atque eorum uel omnium, uel plurimorum, uel eorum in quibus ualet opinio sapientiæ, uel etiam quæ contrariæ sint probabilibus, uel quæ sunt artium singularum propriæ sententiæ: sed contrariæ probabilibus ita sunt accipiendæ, quemadmodum supra diximus, ut non ipsæ, sed contradicentes earum sumantur. Hoc etiam utile, in ijs eligendis non solum probabiles sumere, sed eas etiam quæ ad earum similitudinem accedunt simul proferre: ut eundem sensum in contrarijs uersari, quoniam etiam ars & scientia uersatur. itemq; nos cernere aliqua re in aspectum intromissa & recepta, non inde eiecta & emissæ: quoniam eodem modo audimus, gustamus, & olfacimus. Quod idem fit in cæteris. Iam ea pro initio & propositione assumenda sunt, quæ in omnibus uel certè in plurimis rebus ita esse uidentur. Talia enim facile admittunt, qui nil habent in quo uera illa non esse ostendant. Seligendæ etiam ex his disputationibus propositiones, quæ ab alijs scriptæ sunt: sed descriptiones ita faciendæ

*Don't look at  
probability  
in the cap 12*

sunt, ut de quoque genere separatim perscribamus: ueluti de bono, aut de animantibus, ac de omni genere bonorum, initio facto à quæstione naturæ. Notandæ etiam sunt omnium sententiæ: ut placere Empedocli, quatuor esse corporum initia & elementa, dictum enim clari hominis facile admittitur. Propositiones autem & quæstiones (ut earum rudi minerua numerum complectar) tribus fere generibus continentur. partim enim ad uitam & mores, partim ad naturæ obscuritatem, partim ad differendi rationem pertinent. Ad uitam & mores, quales hæc sunt: Sitne parentibus potius parendum, an legibus, si discrepent? Ad differendi rationem: Vtrum eadem ars in contrarijs uersetur? Ad naturæ obscuritatem: ut, Sitne mundus sempiternus? Eadem est ratio quæstionum. Porro autem quænam, & qualia sint tria genera, definitione explicare difficile est: tamen diligentia nobis adhibenda est, ut inductione frequenti, ex similitudine exemplorum, quæ de singulis generibus proposui, quod sit quodq; intelligamus. Ac instituto quidem philosophorum ad ueritatem, dialecticorum ad opinionem & uerisimilitudinem, hæc omnis de ijs dirigi debet disputatio. Sumendæ sunt autem quàm maximè uniuersæ omnes propositiones, & una in multis distribuenda est: ut eadem arte contraria contineri, deinde aduersa, tum ea quæ cum aliquo conferuntur. Eodemq; modo hæc in partes diuidendæ sunt, quoad diuidi possunt. ut, bonorum & malorum eandem esse artem, alborum & nigrorum, frigoris & caloris: idemq; in cæteris faciendum est. Ac de propositione quidem satis multa dicta sunt.

LIBER I.  
CAPVT XII.

409

13

In illo autem, quot modis quidq; dicatur, non solum uidenda sunt quæ alio atq; alio modo dicuntur, sed dāda etiam opera est, ut rationes afferantur. ueluti non solum explicandum est, bonum alio modo dici iusticiam & fortitudinem, quā id quod ad firmam affectionem corporis, & id quod ad bonam ualitudinem efficiendā ualet. sed etiam illa, hoc ipso quod affectiones quædam sunt et qualitates: hæc, ob causam, quod uim habeant efficiendi aliquid, non quod ipsa sint qualitates. Quod in cæteris omnibus uidendum erit diligenter. An autem specie multis modis, uel uno modo aliqua dicantur, ex his perspicere potest. Primum ex contrario considerandū est, an multis modis dicatur, siue specie, siue etiam nomine discrepet. Sunt enim quædam, quæ statim nominibus alijs atq; alijs differant: ut ei quod acutum est in uoce, contrarium est graue; in magnitudine, obtusum. Perspicuum est igitur id multis modis dici, quod acuto contrarium est. Quod si hoc, etiam quod acutū est, utriusq; enim ratione alterum erit contrarium: quoniam non idem acutum obtuso & graui cōtrarium futurum est. atqui utriq; acutum est contrarium. Rursum grauitati in uoce contrarius est acutus sonus, in magnitudine leuitas: ita grauitas multis modis dicitur, quandoquidem etiam eius contrarium. Itemq; quoniam pulchro in animali, turpe contrarium est, in domo autem, si quod illa peccatum habet: fit, ut pulchrum sit homonymum. In quibusdam, cum nomina non sunt uaria, tamen aperta speciei distinctio est: ut in candido & fusco contingit. uox enim & candida & fusca dicitur: itemq; color candidus & fuscus. Non igitur nomine

C 3 discre-

discrepāt, cum interim perspicua speciei aut generis de-  
 claretur differentia. non enim eodem modo color fuscus,  
 & uox fusca appellatur. Atq; etiam ex sensu id perspicui  
 licet. Quæ enim eiusdē sunt generis, eidem sensui subie-  
 cta sunt: de eo autem quod in uoce & in colore est candi-  
 dum, non eodem sensu iudicamus: sed hoc aspectu, illud  
 auribus. Itemq; eius quod acutum est & obtusum in sa-  
 poribus & magnitudinibus, nō in eodem sensu iudicium  
 est: sed huius in tactu, illius in gustu. neq; enim hæc nomi-  
 nibus discrepant, neq; ipsa per se, neq; contraria. quippe  
 cum obtusum in utroq; sit, & contrarium. Præterea ui-  
 dendum est, unine quid sit contrarium, alteri nihil sit o-  
 mnino. ut uoluptati quæ ex potione capitur, contrarius  
 dolor est is quem sitis affert: at huic quæ ex cognoscendo  
 & discendo capitur, diametron lateri incomparabilem  
 esse, nihil contrarium est. Ita uoluptas multis modis dici-  
 tur. itemq; φιλῶν ut animi est, contrarium habet odisse:  
 φιλῶν autem ut ad actionem corporis refertur, nihil ha-  
 bet contrarium: ob eam causam φιλῶν multis modis di-  
 citur. Hoc etiam considerādum est in ijs inter quæ media  
 interiecta sunt, utrum aliquorum sit medium, aliorum  
 nihil sit: aut sit ne utriusq; nec tamen idem medium, ut  
 inter candidum & fuscum colorem pallidus est interie-  
 ctus, inter uocem candidam & fuscā nihil. nisi forte  
 ravis interiecta est: placet enim quibusdam, rauā uo-  
 cem esse interiectā. Sunt itaq; candidum & fuscum mul-  
 tiplicita. Præterea hoc etiam uidendum est, sint ne ali-  
 quorum plura media, aliorum unum: ut inter candidum  
 & fuscum colorem plura sunt interiecta. Coloribus eo-  
 nim multa sunt interiecta, uoci unum raucedo.

LIBER I.  
CAPVT XIII.

407

In disparatis etiam uidendum est, dicantur ne multis modis. Si enim unius multi sunt modi, etiā contrarij multi modi erūt: ut si non cernere multis modis dicatur, uno priuatū esse oculis, altero non fungi oculorum officio, cernere etiam multis modis dicatur necesse est. Vtrique enim significationi uerbi non cernere aliquid opponitur: ut non habere aspectum, & habere: & non fungi officio oculorum, ac fungi. In his autem contrarijs quæ priuantia dicuntur, idem hoc spectandum est. Nam si unum multis modis dicatur, etiam alterum: ut si sentire multis modis dicatur, quia modò ad animum, modò ad corpus pertineat, etiam multis modis dicetur carere sensu, cum modò ad animum, modò ad corpus transferatur. Ea autē priuantia esse hinc intelligi licet, quòd animantia nata sunt ad sentiendum animo & corpore. Iam uerò in coniugatis hæc spectanda sunt. Si iuste multis modis dicatur, eius etiam quod iustum est multa erunt genera. Ex utroque enim eorum quæ iuste fiunt, genere, quod iustum est nominatur. ut si iuste appelletur modò ex sua sententia iudicare, modò recte: eodem modo etiam quod iustum est appellabitur. Similiterque si quod ad ualitudinem pertinet multis modis dicatur, etiam accommodatè ad ualitudinem multis modis dicetur. Ut quoniam quod ad ualitudinem ualet, dicitur, & quod efficiens est ualitudinis, & quod conseruans est, & quod indicans: sic accommodatè ad ualitudinem uel efficiendam, uel euendam, uel indicandam. Itemque in cæteris, si alicuius multa sint genera, casuum etiam multa erunt: & si casuum multa, etiam illius. Atque etiam uidendum est, si aut ne



genera categoriarum quæ nomini congruunt, eadem in omnibus quibus ipsum attribuitur. Si enim non eadem sunt, certè id de quo agitur, ambiguit̃ est. bonum in cibo id est, quod est efficiens uoluptatis: in medicina, quod efficiens est ualeudinis: in animo quale sit, aliquid significat, ut temperatū esse, uel fortem, uel iustum. Quod idem in homine contingit. Hoc etiam aliquoties in categoria Quando reperitur, ut quod in tempore sit bonum. Bonū enim dicitur, quod opportunè sit, & in tempore. Hoc etiam ad categoriam Quantitatis interdum pertinet, ut quod sit modicè. bona enim est mediocritas. Quapropter bonum multis modis dicitur. Itemq; candor in corpore color appellatur in uoce, quod facile et statim percipitur. Eodemq; modo id quod acutum est: neq; enim similiter in omnibus idem dicitur: ut uox acuta est ea quæ cita, ut placet ijs qui modos & concentus in numeris conſectantur: angulus autē acutus is est, qui minor est recto: & machera, cuius est acutus angulus. Videndum est etiam, sint ne genera quæ eidē nomini conueniunt diuersa, atq; ita diuersa, ut unum ab altero non contineatur: ut grus, cum auem & machinam significat. Eorum enim uaria est nominis definitio & ratio. Nam illud species quædam auis est, hoc autem machinæ. Sin unum genus ab alio cōtineatur, non necesse est uarias esse rationes: ut corui & animal genus est, & auis. Cum igitur coruum auem esse dicimus, animal quoddam eum esse dicimus, ita de eo utrunq; genus dicitur. Itemq; cum coruum animal pennigerum bipes nūcupamus, auem eum esse declaramus. ita utrunq; genus in coruo, eorumq; ratio intelligitur. In ijs autem generibus, quorū unum non ab altero  
contio

continetur, hoc non contingit. neq; enim cum machinam dicimus, auem dicimus: neq; machinam, cum auem. Nec uerò in eo solū de quo agitur, spectare debemus, an sint uaria genera, quorum neutrum alterum continebit: sed ex contrario etiā id perspicere debet. Nam si contrarium multis modis dicatur, profectò id etiā quod propositum est, dicatur multis modis necesse est. Vtile est etiam definitionem uerbi coniuncti diligenter ponderare & exquirere: ut candidi corporis, & cādda uocis. Sublato enim eo quod proprium est, eadem relinqui debet definitio. quod in homonymis non contingit: uelut in ijs ipsis quæ a nobis modò prolata sunt. Superioris enim hæc erit definitio: Corpus candidum, corpus est quod tali est colore affectum. Posterioris hæc: Vox candida, est uox quæ facile intelligitur. Sublato igitur corpore & uoce, non idem in utroq; relinquitur. Atqui deberet, si quidem synonymum erat candidum, quod in utroque idem esse dicebatur. Et quoniam sæpe in definitionibus homonymum quod consequens est, ignoratur, propterea spectanda etiam definitio est, ut si quis efficientia ualeitudinis & indicantia, esse dicat ea quæ certo quodam modo ad ualeitudinem affecta sunt, non erit propterea desistendum: sed exquirendum, quid in utrisq; certus ille modus quem dixit significet. uerbi gratia, dicanturne efficientia, certo quodam modo ualeitudinem respicere, quia uis eorum tanta sit, ut efficere ualeitudinem possint: indicantia autem, quia talia sint, ut qualis sit ualeitudo indicare possint. Præterea illud etiam considerandum est, possint ne conferri ex maiore, uel ex similitudine: ut uox candida, & candida uestis: acutus sapor, & uox acuta. Hæc enim

nec eodem modo alba & acuta dicuntur, nec alterum altero magis tale. Ex quo fit, ut id quod acutum est, & quod candidum, sint homonyma: quippe cum synonyma omnia ualeant ad comparationem. nam aut similia dicuntur, aut aliud alio maius. Quoniam autem diuersorum generum, quorum neutrum ab altero continetur, diuersæ specie differentiæ sunt (ut animalis & scientiæ sunt diuersæ differentiæ) uidendum est, an ea quæ eidem nomini subiecta sunt, differentiæ sint diuersorum generum, quorum unum ab altero non contineatur: ut quod acutum est, uocis & magnitudinis. Vox enim à uoce differt, quod acuta sit: item magnitudo à magnitudine. Ita fit, ut acuti uocabulum sit in homonymis. Diuersorum enim generum, quorum unum ab altero non continetur, diuersæ sunt differentiæ. Iam illud etiam spectare debemus, eorumne quæ eidem nomini subiecta sunt, diuersæ sint differentiæ: ut coloris eius qui in corpore inest, & eius qui in figuris rhetoricis, uariæ sunt differentiæ: illius, quod ualet ad separandum aspectum, & quod ad comparandum: huius non eadem sunt. quo fit, ut color uarijs modis dicatur. Eorundem enim rerum eadem sunt differentiæ. Postremo, quoniam species nullius differentia est (homo enim & bos non in numero differentiarum habentur, cum speciei nomen uimq; obtineant) uidendum est diligenter, eorumne quæ eidem nomini subiecta sunt, unum in specie, alterum in differentia numeretur. ueluti, candor qui accedit corpori, coloris est species: qui autem in uoce spectatur, differentia. Differt enim uox à uoce, quod sit candida. Ac in ijs quæ multis modis dicuntur, hæc consideranda sunt omnia.

LIBER I.  
CAPVT. XIII.

4

Conventus B

Differentias autem in ijs primum quæ ad unum ge-  
nus referuntur, perspicere & iudicare debemus, ueluti  
quid inter iusticiam & fortunam intersit, & inter  
prudentiam ac temperantiam. quoniam hæc ex eodem  
genere uirtutis nata sunt omnia. Præterea in ijs quæ di-  
uersis generibus continentur, sed ita, ut inter illa differen-  
tias inuestigemus, inter quæ non uidetur magna distan-  
tia: ut quid sensus à scientia differat. In ijs enim quæ mul-  
tum inter se discrepant, facile apparent eorum distin-  
ctiones & dissimilitudines. Similitudo uero in ijs sic spe-  
ctanda est, quæ in diuersis generibus collocantur: ut alte-  
rum ad alterum est, sic aliud ad aliud, hoc modo: Quam  
rationem habet scientia ad id quod scientiæ subiectum  
est, eandem sensus habet ad id quod sub sensum cadit. I-  
temq; ut alterum in altero est, sic aliud in alio, hoc mo-  
do: Quemadmodum aspectus in oculo est, sic mens in ani-  
mo: & sicut in mari tranquillitas, ita serenitas est in æ-  
re. quoniam utrunq; est quies uacuitasq; uentorum. In ijs  
autem rebus quarum magnæ sunt dissimilitudines & di-  
stinctiones, usus & exercitatio capienda est maxime. Sic  
enim facilius, quæ aliarum sunt similitudines perspicere  
poterimus. Atq; etiam illud spectandum est, in eandem quæ  
ad idem genus pertinent, aliquid idem conueniat: ut in  
hominem, equum & canem. Si enim unum & idem in  
eos cadat, hoc ipso erunt similes. Meditatum autem &  
in promptu habere, quot quicq; modis dicatur, magnum  
ad perspicuitatem affert adiumentum. Facilius enim quid  
sit id de quo agitur, si explanatum sit, quot modis dica-  
tur, intelligitur. In eo etiam magna uis est, ut de re ipsa,

FIN

non de nomine tractetur argumentatio. nam si incertum sit, quot modis id de quo agitur dicatur, fieri poterit, ut & is qui respondet, & is qui interrogat, non eodem animi sensum referat, & intelligentiam. At si explicata sit ambiguitas, et is qui rem proponit ad disputandū, suum animi sensum de re ipsa exprimat, profectò ridiculus sit is qui rogat, nisi eodem omnē conferat conuertatq; orationem. Magnā etiam uim habet, & ut ne fallaci conclusionē ab alijs capiamur, & ut alios captioso conclusionis genere fallamus. Si enim quot modis dicatur id de quo agitur, sciamus, non decipiemur; intelligemusq; is ne qui rogat, ad eandē intelligentiā omnem conferat orationē, an non; et nos, si quando nobis obijciendum est, eum qui respondeat, si ignoret quot modis id de quo agitur dicatur, fallaci conclusionē poterimus decipere. Sed huius rei non semper est locus: sed cum eorum quæ ambigūe dicuntur, alia uera, alia falsa sunt. Nec uerò hic locus aptus est, & proprius dialecticæ. Itaq; ijs omnibus qui ratione & uerē differere uolunt, hoc omnino fugiendum est, ne eorum in nomine uersetur disputatio & controuersia, nisi forte aliquis non possit aliter de re proposita disputare.

## CAPVT XV,

Differentiarum autem inuentio, & ad ratiocinationes conficiendas de eodem & alio utilis est, & ad cognoscendum quid quicq; sit. Conferre quidem ad ratiocinationes de eodem & alio, hinc perspicī potest: quod si rerum propositarum dissimilitudines, distinctionesq; inuenerimus, facile non esse idem docebimus; ad perspicendum autem quid quicque sit, quod eam orationem quæ uim & naturam cuiusq; rei exprimat, ex proprijs cuiusq;



eiusq; rei differentijs intelligere solemus. Similium uero cognitio hanc nobis commoditatem afferet, ut argumentationes & per inductionem, & per rationationes quæ ex fictione dicuntur, tractemus: & definiendo uim naturamq; rerum explicemus. Argumentationes quidem per inductionem tractabimus, quia rerum singularum quæ similes sunt inductione, res uniuersis concludi existimamus. Neq; enim facile inducere possunt ij, qui ignorant rerum inter se similitudines. Ad eas autem rationationes quæ ex fictione tractantur, quod probabile est, ut res habet in uno eorum quæ similia sunt, sic in reliquis habere: ita de uno aliquo, cum differere poterimus, illud ante ex conuentione ab aduersario accipimus, quemadmodum in eo res se habet, ita in eo quod propositum sit habere. Cum autem illud docuerimus, etiam id de quo quæritur, quasi ex illa fictione, docuerimus. Nam cum id positum sit, quemadmodum in hoc sit, ita esse in eo de quo quæritur, necessaria conclusione confecta res à nobis fuit. Definiendi autem artem tenebimus, quod si posimus quid in quaq; re idem sit perspicere, non ignorabimus ad quod genus rem quam definire uolumus, referre debeamus. Genus enim id est semper, quod ex ijs quæ cōmunia sunt, maxime indicat quid quidq; sit. Atq; etiam in ijs quæ multum discrepant, ad definitionem utilis similitudinis cognitio est. ut idem esse tranquillitatem in mari, & in aere serenitatem, quoniam utrunq; est quies: & quod punctum in linea, id uinum in numero, quia utrunq; principium est. Quapropter si pro genere illud accipiamus, quod illis est hoc modo commune, non uidebimur alienis uerbis definiendo

rem

rem explicasse. Quin etiam ij qui definiunt, ferè eundem modum in definiendo seruare solent. Nam & u-num, principium numeri, & punctum, lineæ principium esse definiunt. Ex quo perspicuum est, eos commune u-triusq; genus dicere. Ac rationes quidem & quasi instrumenta, quibus ratiocinationes tractabuntur, diximus. Locos autem, ad quorum usum hæc ipsa accommodata sunt, deinceps trademus.

## TOPICORVM LIBER Secundus.

### CAPVT I.



Quæstiones autem partim uniuersæ sunt, partim singulæ. uniuersæ sunt hæc, Omnis uoluptas in bonis est, Nulla uoluptas in bonis est. Singulæ hæc, Est quædam uoluptas in bonis, Quædam uoluptas non est in bonis. Vtrumque autem genus quæstionum, uniuersis rationibus quæ & ad confirmandum & infirmandum ualent, continetur. Si enim docuerimus aliquid in totum genus cadere, etiam in partem aliquam cadere ostenderimus. Itemq; si in nullam rem cadere ostendimus, non in totum genus docebimus conuenire. Primum igitur de locis qui ad refellendum totum genus pertinent, dicendum est, quod simul ad generales, & eas quæ tanquam partes subiectæ sunt generi, quæstiones ualent: & quod quæstiones sapientius afferri soleant ad disputandum quæ aiunt, quàm quæ negant: ijs autem qui contra disputant, refutationis locis utendum. Sed difficile me ab accidente, quasi

quasi commutata dicendi ratione, appellationem propriam desumimus. Aliqua enim ex parte, non omnino in esse, in solis accidentibus reperitur. Nam & à proprio, & à definitione, & à genere commutato sermone appellationem accipi necesse est. ut si cui insuum sit, ut sit animal graduens bipes, uicissim id animal graduens bipes esse uerè dicetur. Similis est generis ratio. Si cui enim conuenit esse animal, id animal est. Quod idem cōtingit in proprio. Si cui enim id tributū sit, ut aptum animum habeat ad percipiendam grammaticam, id grammatica capax rectè appellabitur. Nihil enim horum potest aliqua ex parte conuenire, aut non conuenire: sed omnino uel conueniunt, uel non cōueniunt. At accidens, ut candorem & iusticiam, nihil prohibet quadam ex parte in esse. Quocirca non satis est, candorem & iusticiam docere inesse, si docere uelimus aliquem album esse, uel iustum. Habet enim dubitationē, propterea quod quadam ex parte albus est, uel iustus. Non igitur in accidentibus uicissim hæc retrò commeant necessariò. In quæstiones autem duo peccata incidunt, quæ exponenda sunt. peccatur enim aut mentiendo, aut decedendo à uerbis quæ imposita sunt rebus. Nam & ab ijs peccatur, qui quod non cadit in aliquem, cadere confirmant: & ab ijs, qui res minus usitatis & tritis nominibus appellant. ut qui hominem platanum appellant, nominum impositorum fines transeunt. Primum uidendum est, an id quod alio modo dicitur, pro accidente explicarit: quod peccatum in genere uersatur maximè. ut si quis candori accidere dixerit, ut sit color. nō enim accidit candori ut sit color, cum eius sit genus color. Atq; id quidem fieri potest, ut

nominatum

nominatim quod genus est, accidens esse ponat: ueluti si  
 dicat, accidere iusticiæ ut sit uirtus. Sæpiſimè autem, e-  
 tiam si non exprimat, tamen faciliè intelligitur genus pro  
 accidente dictum esse: ut si quis candorem colore perſu-  
 sum esse dixerit, aut incessum moueri. Nullo enim ex ge-  
 nere *παρὰ τὸν* trahitur de specie dicēdi ratio, omniaq;  
 genera *κατὰ τὸν* de formis dicuntur. Species enim &  
 nomen generis sibi uendicant, & definitionem. Qui igitur  
 candorem colore tinētum dixit, nec pro genere usus  
 est colore, quia *παρὰ τὸν* dixit: neque pro proprio aut  
 definitione, quia propriū & definitio ad nullā rem aliā  
 trāſferri possunt. At colore perſusa sunt etiam alia per-  
 multa: ut lignum, lapis, homo, equus. Ex quo perspicuum  
 est, id expressum esse, tanquam accidens esset. Alius locus  
 est, ut singula persequēdo uideas, id ne quod dictum est,  
 in totū genus cadat, an in partem nullā. Quod in formis,  
 non in infinitis uidendū est. Sic enim uia et ratio erit cer-  
 tior, in paucioribusq; consistet tractatio. Initiū autem à  
 primis faciendum est, deinde usq; ad indiuidua progre-  
 diendum deinceps. Vt si in contrarijs uersari scientiā dis-  
 xerit, uidendū, an in ijs quæ cum aliquo conferuntur, &  
 in ijs quæ aduersa appellantur, & in priuantibus, & in  
 negantibus, eadē spectetur scientia. Quod si ne tum quio-  
 dem id perspicui poterit, rursum hæc in partes usq; ad in-  
 diuidua tribuenda sunt: ut, in iustisne & iniustis rebus,  
 aut in duplo & simplo, aut in cæcitate & aspectu, aut  
 in eo quod est, aut in eo quod non est. Si enim in eorum  
 aliquo ostensum sit non esse eandē, sublata & infirmata  
 erit à nobis quæstio. Quod idem indicandum est, si uni-  
 uerse negaret quæstio proposita. Hic autem locus & ad  
 confira

eonfirmandum & ad infirmandum ualeat. Si enim diui-  
 sione facta, uel in omnibus intelligatur, uel in plerisque,  
 poscendum est ut aut uniuersum detur, aut certe occurra-  
 tur nobis non ita in quodam reperiri. Nam si neutrum  
 horum faciat, ineptus uidebitur qui non concedat. Alius  
 locus ducitur ex definitione accidentis, & rei cui id ac-  
 cidit, uel utriusque uel alterius. In quo id considerandum  
 est, num quid in definitionibus non uerum pro uero sum-  
 ptum sit. ueluti si quaeratur, Deusne iniuriam faciat: con-  
 stituendum est, quid sit iniuriam facere. Nam si sit, spon-  
 te nocere: profecto Deus non facit iniuriam, quoniam  
 Deus nocere non potest. Si etiam ponatur, An inuidus  
 sapiens, statuendum est, quis sit inuidus, & quid inuidia.  
 Cum enim inuidia, ægritudo sit ex rebus secundis alicuius  
 boni uiri, certe sapiens non inuidet: esset enim improbus.  
 Itēq; si ponatur, An qui indignatur inuidus sit, definien-  
 do aperiendum est, qui sit uterq; sic enim, uerūne sit an  
 falsum quod dictum est, intelligetur. ueluti, si is inuidere  
 dicitur, qui bonorum dolet rebus secundis: & indignari  
 is, qui dolet improborum secundis rebus: perspicuum est,  
 non inuidere eum qui indignetur. In quo sæpe etiā adhi-  
 bendæ sunt definitiones pro ijs nominibus, quæ in defi-  
 nitionibus continentur: nec ab hoc desistendum, quoad  
 res intelligatur. sæpe enim tradita tota definitione, non  
 intelligimus quod quaeritur: at definitione adhibita pro  
 aliquo nomine eorum quæ in definitione sita sunt, intel-  
 ligimus. Præterea postquam ex quaestione tibi proposi-  
 tionem feceris, quaerendum est, sit ne quicquam quod op-  
 ponere contra possis. nam si quid inueneris quod con-  
 tra propositionem opponas, id erit aduersus quaestionem

D

argue



argumentum. Quanquam autem hic ferè locus idem uide-  
 let, quod is quem iam exposuimus, uidendum esse, utrum  
 in toto genere, an in nullo reperietur, quod pro acciden-  
 te dictum esset: tamen modo quodam & ratione dissec-  
 runt. Iam uerò exponendum est, quæ appellanda sint, ut  
 pleriq; solent, quæq; non sint appellanda: qui locus et ad  
 confirmandum & refutandum ualet plurimum, ut res  
 nominibus ijs quæ trita sunt uulgo & usitata appella-  
 das esse: at uerò in constituendo quæ res tales uel non ta-  
 les sint, nõ audiendam esse multitudinem. ueluti salubria  
 ea quæ ualetudinis efficientia sint, uocanda sunt illa qui-  
 dem uulgi opinione: sed utrum id de quo agitur efficiens  
 sit necne ualetudinis, de eo nõ iam uulgi, sed medicorum  
 iudicium expectare debemus. Præterea si multis modis  
 quid dicatur, propositum autem sit conuenire illud ali-  
 cui, uel non conuenire, ad alterum significatum multipli-  
 cis conferendum est argumentum, si ad utrunq; non pos-  
 sit. Hoc autem faciendum est in ijs, quorum latet ambi-  
 guitas. Nam si incertum non sit quot modis dicatur, oc-  
 curret statim, non esse id explicatum quod quæreret ac  
 dubitaret, sed alterum. Hic autem locus & ad proban-  
 dum, & ad reprehendendum ualet: nam si confirmare  
 uolumus, alterum accidere docebimus, si utrunq; non po-  
 terimus. Refellentes autem, si utrunq; non possumus, alte-  
 rum certè non dici & reperiri, in re de qua agitur, osten-  
 demus. Sed hoc interest, quòd is qui reprehendit & re-  
 futat, nihil debet ex ijs quæ concessa sunt, & ex conuen-  
 tione accepta disputare, nec si in toto genere, nec si in  
 nulla parte positum sit quid reperiri. Nam si cuius non  
 accidere docebimus, in toto genere reperiri aliquid re-  
 prehen-

prebēdemus. Itemq; si in uno aliquo reperiri demonstra-  
 bimus, nulla ex parte reperiri cōfutabimus. At is qui pro-  
 bat, antē debet ita quasi conuentione uti, si in parte ali-  
 qua intelligatur, in toto etiam genere intelligi, si modō  
 pronunciatum uerisimile habeatur. Neq; enim satis est,  
 ad probandū aliquid in totum genus cadere, in aliquam  
 partem cadere, docere: ueluti, si hominis animus immor-  
 talis sit, omnem etiam animum esse immortalē. Quapro-  
 pter antē conuenire oportet, si quāuis anima sit immor-  
 talis, omnem etiam immortalem esse. Quanquā hoc non  
 semper obseruandum est, sed tum deniq; cum de toto ge-  
 nere communem & uniuersam rationem non habebi-  
 mus talem, qualis est ea, qua geometra demonstrat, trian-  
 gulum tres angulos habere duobus rectis pares. Quōd si  
 non ignoret uerbi ambiguitatem is qui ponit quæstio-  
 nem, cum explicatum erit quot eius sint genera & mo-  
 di, tum id & confirmandum erit, & refellendum: ut si  
 id quod decet, utile significat & honestum, omnem dili-  
 gentiam adhibere oportebit, ut utrunq; probemus, uel  
 refutemus in eo de quo agatur, ut esse honestū & utile,  
 aut neq; honestum neq; utile. Sin utrunq; non potest, alte-  
 rum docendū erit, ita tamen ut præmoneamus esse quidē  
 unum uerum, sed alterum non esse uerum. Eadem ratio  
 est, si plures sint partes, in quas id quod propositū sit tri-  
 buatur. Præterea exponenda ea sunt, quæ non homony-  
 ma multis modis dicuntur, sed alio modo: ut artem unam  
 esse multarum rerum, aut quia & ipsius finis sit, & ea-  
 rum rerum quæ ipsæ ad finem pertinent atque referun-  
 tur: ueluti, medicina est ualitudinis, & rationis uictus  
 aut quia est rerum duarum, quarū utraq; finis est, ueluti

rerum contrariarum eadem esse artem. neque enim ex eo quia alterum alterius dicitur, finem esse finis intelligere oportet, aut quia unius est per se & ui sua, alterius temere & casu: ut per se quidem triangulum scimus habere tres angulos pares duobus rectis, temere et casu id quod latera habet æqualia. Nam quia accidit triangulo, qui constat lateribus æqualibus, triangulum esse: ob id intelligimus, quod duobus rectis pares habet tres angulos interiores. Si igitur eadem ars esse multarum rerum, nullo horum modorum potest, certe omnino esse non potest: aut si quodam modo potest, perspicuum est id fieri posse. In quo ad utilitatem causæ nostræ referenda est diuiso. ut si confirmare quid uelimus, ea proferenda sunt omnia, in quibus id uerum est quod uolumus ostendere: eaque tribuenda sunt in eas solùm partes, quæ ad probandum ualebunt. Sin autem refellamus, in ea quæ ad refutationem ualent, cætera uerò omittenda erunt. Sed hoc tum erit faciendum, cum incertum erit quot modis quicque dicatur. Atque hoc in illo uersari, aut non uersari, iisdem locis confirmandum erit: ut artem hanc, in hac re cerni, aut tanquam in fine, aut tanquam in ijs quæ ad finem referuntur, aut in ijs quæ forte temere accidunt: aut contra non cerni aliquid ullo modo eorum, quos modò diximus. Eadem etiam ratio est cupiditatis, eorumque omnium quæ sunt multarum rerum. Est enim cupiditas huius aut illius rei, uel quasi finis, ut ualeitudinis: uel ut eorum quæ ad finem pertinet, ueluti remedij: uel quasi forte temere eueniat, quo modo affectus est qui dulci uino delectatur, non quia uinum sit, sed quia dulce. dulcedinem enim per se expetit, uinum temere & casu: quando quidem si coacescat,

cescat, non id iam appetit. Ita fit, ut uinum forte temere  
 appetat. Huius autē loci usus est plurimus in ijs quæ cum  
 aliquo conferuntur. quoniam huiusmodi omnia ferè sunt,  
 quæ eius generis sunt. Præterea commutandum est uer-  
 bum, in id quod magis dilucidum esse uideatur. ut pro eo  
 quod accuratum & exquisitum est in opinione, aper-  
 tum & perspicuum dicendum est: & pro nimia cura  
 rerum agendarum, studium rerum agendarum. Si enim  
 apertius et planius fiat quod dictum est, tum deniq; pro-  
 positum facilius argumento tractari poterit. Valet autē  
 hic locus & ad confirmandum quid, et ad refellendum.  
 Ut autem contraria in eadem re cerni doceamus, genus  
 spectare debemus. ueluti si uolumus confirmare, in sensu  
 uersari integritatem & deprauationem. si sentire iudic-  
 care est, & iudicare licet rectè & non rectè, certè in  
 sensu integritas & prauitas uersetur necesse est. Qui lo-  
 cus ex genere ducitur. iudicare enim, genus est sentiendi:  
 quoniam qui sentit, quodammodo iudicat. Ex forma eo-  
 tiam generis duci potest. Quæ enim speciei accidunt, ea-  
 dem esse in genere intelliguntur omnia: ut, si scientia sit  
 bona & mala, recta etiam sit et praua affectio necesse  
 est: siquidem affectio genus est sciētiæ. Ac prior quidem  
 locus uitosus est, si ad confirmandum adhibeatur: alter  
 uerus & commodus. Neq; enim necesse est, quæcunq; ge-  
 neri accidunt, eadem speciei accidere: quandoquidē ani-  
 mal est pennigerum & quadrupes, homo non item. Om-  
 nia autem quæ cadunt in speciem, eadem necesse est ca-  
 dere in genus. Si enim homo probus sit, animal etiā pro-  
 bum. In refellendo contra, prior locus uerus est, alter ui-  
 tiosus. nam & quæ generi non accidunt, speciei accidere

non possunt: & quæ in speciem non cadunt, ea non necesse est in genus non conuenire.

## CAPVT II.

Quoniam autem necesse est, in quibus genus dicitur, in ijs etiam speciem aliquam dici: & quæcunq; genus habent, aut quæ à genere nomen duxerūt, eadem aliquam speciem habere, aut nomen ab aliqua specie ducere. ueluti, si de aliquo scientia dicatur, certè de eodem uel grammatica dicetur, uel musica, uel aliqua scientia: & si quis arte sit instructus & prædius, aut nomen ab arte habeat, certè grammatica uel musica, aut aliqua alia arte instructus sit necesse est: aut nomen ab arte aliqua ducet, ueluti grammaticus uel musicus appellabitur. Si quid igitur proponatur, de quo genus aliquo horum modo dicatur, ueluti animi moueri: considerandū est, moueaturnā animus aliquo genere motionis, ut crescātne, an immineatur, an intereat, an oriatur, an alio genere motus agitetur. Si enim nullo genere motus agitetur, certè non mouetur. Atq; hic locus & ad confirmandum ualet, & ad reprehendendum. Nam si aliquo genere motus cieatur, mouetur: & si nullum genus in eum cadat, certè non mouetur. Cui autem copia non suppetet argumentorum ad propositum confirmandū aut infirmandum, is à definitionibus præsidium petere debet, aut quæ rei propositæ propriæ sint, aut quæ esse uideantur. quòd si ab una non possit, à pluribus petat. Nam ijs qui rem definiendo explicarint, facilius erit argumentum ducere: quippe cum facilius sit in definitionem argumentatio. Videndum etiam est, cui rei res proposita adiuncta sit: aut quid necessario, res proposita si sit, unā secum esse uelit. Ac is quidem qui

confir-



confirmare uolet, cui rei res proposita adiuncta sit; uidebit: quoniam si rem illam doceat cadere, rem etiam propositam docebit. Qui autē refellendi partes tenebit, quæ res rei propositæ sit adiuncta, considerabit. Si enim id quod rei propositæ sit consequens, non esse ostendimus, rem etiam propositam non esse docebimus. Spectandum est etiam, an tempus alicubi discrepet. ut si quis id dixerit quod alitur, augescere necessario. Et si enim animalia semper aluntur, tamen non semper augescunt. Itemque si quis scire dixerit, memoria tenere. Nam hoc ad præteritum tempus pertinet: illud et ad instans, & ad futurum. Nam & scire dicimur præsentia & futura, ut solis definitionē fore: meminisse nisi præterita non possumus. Iam locus captiosus & fallax est, eo loci impellere alterum, ubi magna argumentorum copia nobis suppetet. Quod interdum necessarium est, interdum necessarium uidetur: interdum nec uidetur, nec necessarium est. Necessario autem id faciendum est tum, cum is qui contrā disputat, negat aliquid eorum quæ ad rem propositam pertinent, & alter de illo differit: accidit autem eiusmodi illud esse, ad quod probandum amplissimus locus suppetat. Quod idem facere licebit, cum inductione utemur ad aliquid quod est ceteris re proposita cōiunctum, quod nos euertere conabimur. Bo enim sublato & infirmato, res etiam de qua agitur, infirmabitur. Necessarium autem id uidetur, cum id ad propositum pertinere uidebitur: ad id autem ad quod sumitur, non pertinebit argumentum, siue neget is qui respondet, siue facta inductione probabili ex proposito ad aliquid quod infirmare conatur. Reliquum autem tum incidit, cum nec est, nec uidetur necessarium eo transferre

disputationem, quò ille traducit: accidit autem citra ule-  
lam rationem, eum qui respondet redargui. Hoc autem  
extremum genus, quoniam omnino à differendi ratione  
alienum remotumq; est, declinare debemus. Quocirca  
debet is etiam qui respondet, non grauare ei qui hoc mo-  
do disputat respondere, eaq; dare, quæ ad propositum  
non pertineant; ita tamen, ut interim significet sibi qui-  
dem illa non probari, ea tamen se admittere, propterea  
quòd ferè in maiore animi distractione uersari solent ij  
qui interrogant, si ijs talibus omnibus positis nil ad ex-  
tremum se confecisse uideant. Iam uerò quoniam omnes  
qui quiduis dixerint, quodammodo multa complexi sunt  
(unamquamque enim rem multa necessariò consequun-  
tur: ut is qui hominem esse dixit, & animal esse dixit, &  
animatum, & bipedem, & mentis ac disciplinæ compo-  
tem) sit, ut infirmata & reprehensa una quauis re earum  
quæ sunt consequentes, id etiam quod initio dictum est  
reprehendatur. Sed uidendum est, ne ad rem difficultio-  
rem delabamur. Interdum enim facilius est id quod rem  
propositam consequitur, interdum rem ipsam proposi-  
tam euertere. In ijs autem rebus quibus alterum inest  
necessariò, aut non inest, ueluti in homine uel morbus  
inest, uel ualeiudo, si de altero possumus disputare in u-  
tranq; partem, de altero etiam poterimus. Quod ad us-  
tranq; partem trahi potest. Si enim alterum accidere do-  
ceamus, alterum non accidere docebimus: & si alterum  
non conuenire demonstremus, reliquum docebimus con-  
uenire. Perspicuum est igitur, ad probandum & refel-  
lendum ualere hunc locum. Atq; etiam argumentum du-  
cendum est à notatione uerbi: quæ multò aptius uideatur

nim uerbi explicare, quàm id ipsum ad quod significans  
 dum impositum est. ueluti *ὁ ψυχρὸς* non fortem, ut tri-  
 tum est, sed eum qui bene animo sit affectus: *ὁ δὲ ἀγαθὸς*,  
 eum qui bona expectat. itemq; *ὁ δὲ αἰμωγὰ* eum esse, cui  
 ius animus sit bonus: quemadmodum Xenocrates *ὁ δὲ αἰ-  
 μωγὰ* ait esse, eum cui animus bonus datus sit. eum enim  
 deum esse omnibus. Nam cum res aliæ necessario eueniāt,  
 aliæ plerunq; aliæ fortè temerè: si quis eam quæ neces-  
 sario euenit, plerunq; fieri ponat: aut eam quæ plerunq;  
 fit, eiusue contrariam quæ plerunq; ita fit, necessario fie-  
 ri, is semper locum suppeditabit argumento. Nam si id  
 quod necesse est fieri, plerunque fieri ponat, profectò  
 non in toto genere inesse dixerit, quod toti conuenit: ita  
 aberrauit siue id quod plerunq; accidit, necessario fieri  
 dixerit, quoniam de toto genere dixit, quod toti non ac-  
 cidit. Quod idem fit, si id dixit quod rei contrarium est,  
 quæ plerunq; euenit, euenire necessario. Semper enim  
 in paucioribus dicitur, quod rei quæ plerunq; fit, con-  
 trarium est. ueluti si ferè mali sint homines, boni ra-  
 rius, certè uehementius errauit, si quis bonos dixerit esse  
 necessario. Eodemq; modo si id quod temerè fit, necessa-  
 riò fieri, aut plerunq; dixerit. Neq; enim id quod teme-  
 rè utranq; in partem cadit, necessario fieri potest, neq;  
 id quod plerunq;. Fieri autem potest, ut etiam si non di-  
 xerit, neq; exposuerit, utrùmne plerunq; fieri, an ex ne-  
 cessitate uelit quod propositum est: si fiat autem ple-  
 runq;, tamen disputet alter, quasi ille ex necessitate fieri  
 asseruerit. ut si malos ex heredibus esse dixerit, neq; expo-  
 suerit, oportet disputare quasi ex necessitate id ille dixe-  
 rit. Illud etiam uidendum est, an eandem rem sibi acci-

126 ARISTOT. TOPIGORVM

dere quasi aliam posuerit, quod alterum eidem sit nomen impositum. Quemadmodum Prodicus diuisit uoluptatem in gaudium, delectationem, & letitiam. eiusdem enim nominis uoluptatis hæc sunt omnia. Si quis ergo gaudio letitiam accidere dicat, is idem sibi accidisse confirmabit.

CAPVT III.

Quoniam autem sex modis inter se contraria iunguntur, & quatuor solum modis iuncta repugnantiam efficiunt: sumenda sunt contraria ut commodum erit, & ei qui confirmandi, & ei qui refellendi partes tuebitur. Ac sex modis ea componi inter se hinc perspicitur potest, quod aut utrumque contrarium utrique comparatur, idque bifariam. ut de amicis bene mereri, & de hostibus male mereri: aut contra, de amicis male mereri, & de hostibus bene. Aut utrumque uni, quod etiam duobus fit modis. ut de amicis bene mereri, & de amicis male mereri: uel de inimicis bene mereri, & de inimicis male mereri. Aut unum utrique, quod etiam fit dupliciter. ut de amicis bene mereri, & de inimicis bene mereri: uel de amicis male mereri, & de inimicis male mereri. Ac duæ quidem primæ comparationes non sunt pugnautes: quoniam de amicis bene mereri non est illi contrarium, male de hostibus mereri: quippe cum sint expetenda, & ad eosdem mores pertineant. nec illud, de amicis male mereri, huic repugnat, bene mereri de inimicis. sunt enim hæc fugienda, & moribus eiusdem continentur utraq;: nec res quæ fugienda est, ei quæ fugienda est aduersatur, nisi unum sit nimium, alterum parum: quoniam quod nimium est, id in rebus fugiendis ducitur, itemque parum.

At reliqua quatuor contraria sunt inter se. nam & de amicis bene mereri, illi contrarium est, de amicis male mereri: quandoquidem à contrarijs moribus proficiunt, atq; illud sequendum est, hoc fugiendum. Eadem est ratio cæterorum. In coniunctionibus enim singulis quiddam est expetendum, & quiddam repellendum: & illud ad bonos mores pertinet, hoc ad malos. Ex quo perspicuum est, eidem plura data esse contraria. huic enim, de amicis bene mereri, illud contrarium est, de inimicis bene mereri: & illud, de amicis male mereri. Itemq; ei qui illa omnia intuebitur, duo uidebuntur contraria. Sumenda igitur sunt ea contraria, quæ prodesse poterunt causæ nostræ. Iam si quid sit accidenti contrarium, considerandum est, an ei accadat cui accidens conuenire dixerit. Si enim hoc conuenit, illud non conueniet: quoniam fieri non potest, ut simul eidem contraria conueniant. Aut an tale aliquid dixerit, quod si sit, necesse sit contraria simul eidem inesse: ut si id eas in nobis esse dixerit. Nam & moueri eas & stare concludetur, sub sensum cadere, ac ratione & intelligentia contineri. nam & quiescere eas & immobiles esse, & sub intelligentiam cadere, placet is qui eas ponunt. Quæ si in nobis sita sint, profectò non poterunt esse immobiles: quum præsertim si ipsi moueamur, necesse sit ea omnia quæ in nobis sunt, unà moueri. Atq; etiam sensu eas percipi, si modò in nobis sint, ex hoc intelligi potest, quòd sensu oculorum formam uniuscuiusque rei cognoscimus. Rursus si posium est accidens id cui quid est contrarium, uidendum est, idemne sit contrarij & accidentis subiectum. Eadem enim res uim habet ad recipienda



contraria. ueluti si de odio dici iram dixerit, profecto  
 odium in ea parte animi in qua irarum existit ardor,  
 insit necesse est: est enim sedes iræ. Considerandum igitur,  
 sit ne contrarium in ea parte animi in qua irarum  
 existit ardor, qualis amicitia est. nam si non insit, in  
 eaq; parte animi quæ cupiditatis sedes est, insit amici-  
 tia, certe non est consequens iræ odium. Eadem ratio  
 est, si eam partem animi in qua uoluptates insunt, igno-  
 rare dixerit. Sedes enim erit scientiæ, siquidem etiam i-  
 gnoracionis sit: quæ pars non uidebitur sedes esse scien-  
 tiæ. Atq; ex hoc loco, quemadmodum docui, ei qui refel-  
 lendi partes obtinebit, depromenda erunt argumenta.  
 cum autem qui confirmare uolet, nihil adiuuabit hic lo-  
 cus, quatenus accidens conuenit: quatenus uero potest  
 conuenire, adiuuabit. Nam si non posse contrarium re-  
 cipere doceamus, nec conuenire accidens, nec conueni-  
 re posse docebimus. At uero non si contrarium conueni-  
 re, aut uim habere ad recipiendum contrarium doceamus:  
 idcirco etiam accidens conuenire demonstrauerimus,  
 sed posse conuenire tantummodo confirmatum e-  
 rit. Quoniamq; quatuor sunt contrariorum genera, spe-  
 ctanda erunt disparata ex eo argumento, quo uicissim  
 retrò se sequuntur, & ei qui probabit & ei qui refel-  
 let. Per inductionem uero argumentatio qualis sit, intel-  
 ligendum hoc modo. Si homo est animal, quod non est  
 animal, id non est homo. Itemq; in cæteris hoc enim lo-  
 co commutato ordine tractatur argumentatio. Cum eo-  
 nim hominem sequatur & comitetur animal, tamē non  
 si quid non sit homo, id continuo sequitur non esse ani-  
 mal: sed contra, si quid non sit animal, sequitur non esse  
 hominem.

hominem. In omnibus ergo id pronunciandum est, ut si quod honestum est, id iucundum sit: etiam si quid non sit iucundum, id non sit honestum. Quod si hoc non est consequens, ne illud quidem erit. Itemque si quod iucundum non est, id non sit honestum: certe quod honestum est, etiam iucundum sit necesse est. Perspicuum est igitur, reciprocari in aientibus & negantibus argumentationem, si retrò tractetur. In ijs autem contrarijs quæ aduersa appellantur, hoc uidendum est & ei qui probabit, & ei qui reprehendet, an ex contrario contrarium sit consequens, siue directò, siue conuerso ordine tractetur consecutio. Harum autem consecutionum genus utrunque quale sit, & quomodo aduersis conueniat, inductione sumendum. Directè autem argumentatio tractabitur hoc modo. Fortitudinem uirtus, ignauiam uitium sequitur: & fortitudinem sequitur id quod expetendum est, ignauiam id quod fugiendum. In his ergo ualebit directò à consequentibus ductum argumentum: quoniam id quod expetendum est, ei quod fugiendum contrarium est. Quod idem fit in cæteris. Contrà autem consequentia sunt, ut firmam corporis affectionem sequitur bona ualetudo: infirmam uerò affectionem morbus non sequitur, sed contrà morbum infirma constitutio. Ex quo perspicuum est, contrà in his argumentationem à consequentibus ualere. Rarò autem illa è conuerso consecutio in aduersis incidit, ac ferè directò tractatur argumentatio. Quod si nec directò contrarium ex contrario erit consequens, nec uicissim retrò commebit: profectò in ijs de quibus agitur, nunquam alterum ex altero erit consequens. Sin in aduersis sequatur, etiam

in propositis alterū alteri consequetur necessariō. Quod  
item in priuantibus perinde atq; in aduersis consideran-  
dum est, nisi quod in his non uicissim retrō comseat ara-  
gumentum ex consequentibus, sed directō necessariō.  
Quemadmodum aspectum sensus sequitur, sic cæcita-  
tem sensus priuatio. Opponuntur enim sensus & priua-  
tio sensus, ut priuantia: quoniam eorum illud habitus est;  
hoc eius rei priuatio. Atq; etiam de ijs quæ cum aliquo  
conferuntur, eodem modo quo de priuantibus iudican-  
dum est. In ijs enim etiam ualet à consequētib; tractum  
directō argumentum. ut si triplum multiplex sit, etiam  
subtriplum submultiplex erit. Conferitur enim triplum  
cum subtriplo, & multiplū cum submultiplici. Rursum,  
si scientia opinio est, etiam quod sub scientiam cadit, erit  
opinabile. Et si aspectus sensus sit, id etiam quod aspe-  
ctabile est, sub sensum cadat necesse est. Hic autem occur-  
ritur, non duci necessariam in ijs quæ cum aliquo conse-  
runtur argumentationem à consequentibus, quemadmo-  
dum dixi. Non enim si quod sensum mouet, scientia con-  
tinetur, idcirco sensus est scientia. Nec uerè certè quidem  
occurritur: multi enim negant, ea quæ sensus mouentia  
sunt, cadere sub scientiam. Nec minus contra hoc quod  
dixi ualet hic locus: nempe id quod sub sensum cadit, non  
posse scientia comprehendī: quoniam ne sensus quidem  
sit scientia. Rursum, à coniugatis & casibus ducendum  
est argumētum, siue confirmemus quid, siue refellamus.  
Coniugata autem sunt hæc, iusta & iustus, cum iusticia:  
& fortia & fortis, cum fortitudine. Itemq; efficiētia  
& conseruantia coniugata eorum sunt, quorum sunt &  
conseruantia & efficiētia: ut efficiētia ualetudinem  
naletu-

ualitudinis, & conseruantia firmam corporis constitutio-  
 tionem firmæ corporis constitutionis. Eodemq; modo  
 de cæteris iudicandum est. Atq; hæc quidem Coniugata  
 appellari solent. Casus autem sunt, ut iustè, fortiter, sa-  
 lubriter, & aptè ad firmam corporis affectione, quæq;  
 eodem modo dicuntur. Sed etiam ea quæ ex casibus di-  
 cuntur, in coniugatis esse uidentur: ut iustè cum iusticia,  
 & fortiter cum fortitudine, coniugata sunt. Coniugata  
 autem dicuntur, quæ sunt ex uerbis generis eiusdem: ut  
 iusticia, iustas, iusta, iustè. Perspicuum est igitur, si quid  
 probatum sit eorum quæ eiusdem sunt generis & con-  
 iugationis, esse in bonis, & laudabilibus, cætera proba-  
 ta esse omnia. ueluti, si iusticia sit in rebus laude dignis,  
 etiam iustus in ijs sit, & res iusta, & quod iustè fit,  
 necesse est: concludeturq;, quod iustè fit, etiam laudabi-  
 liter fieri, ex eodem casu, quoniam à laudabili re or-  
 tum est: quemadmodum illud iustè à iusticia. Non so-  
 lum autem in eo quod in quæstione est, spectanda sunt  
 coniugata, sed etiam in contrario: ut quod bonum sit,  
 non necessario esse iucundum. Neque enim quod ma-  
 lum est, necessario molestum est: aut si hoc, etiam illud.  
 Et si iusticia scientia sit, iniusticia ignoratio erit. & si  
 quod iustè fit, id fiat scienter & peritè: id etiam quod  
 iniustè, inscitè & imperitè fiat necesse est. Aut si hæc  
 non placent, ne illa quidem: quemadmodum in eo quod  
 modo commemorauimus, perspicui potest. multo enim po-  
 tius uidebitur quod iniustè fit, id peritè quàm imperia-  
 tè fieri. Atque hic locus expositus est tum, cum de con-  
 trarijs quæ aduersa dicuntur, disputaremus. Nihil e-  
 nim nunc aliud uolumus, nisi contrarium ex contrario  
 esse

esse consequens. Præterea ab ortu & interitu rerum, et ex causis efficientibus & corrumpentibus, magna copia suppetit ad disputandum, siue confirmare uelimus, siue refellere. Quarum enim rerum ortus & origo est in bonis, eæ etiam in bonis sunt: & si hæ in bonis sint, origines etiam earum erunt. Si uero origo sit in malis, eæ etiam in malis numerabuntur. A rerum interitu contra ducitur argumentum è consequentibus. Si enim interitus rerum sint in bonis, res ipsæ erunt in malis. Et si interitus & euersio rerum sit in malis, res ipsæ ducuntur in bonis. Eadem est etiam ratio causarum efficientium & euertentium. Quorum enim effectorum causæ sunt in bonis, effecta etiam in bonis erunt. Quarum autem rerum causæ euertentes sunt in bonis, eæ sunt numerandæ in malis.

## CAPVT IIII.

Proximus locus est à simili: in quo uidendum est, an res similes eodem se modo habeant: ut si scientia una sit multarum rerum, etiam opinio. Et si aspectum habere, sit uidere, etiam auditum habere, sit audire. Quod idem contingit in cæteris omnibus, & quæ sunt, & quæ uidentur. Valet autem in utranque partem hic locus. Si enim in aliqua re simili ualeat, in cæteris etiam ualeat necesse est. Et si in aliqua re simili non ualeat, nec in cæteris ualebit. Considerandum etiam est, an in uno, & in pluribus eodem modo res habet: quoniam interdum discrepat & dissimilis est affectio. ut si scire sit cogitare: multa scire, erit multa cogitare: quod non est uerum. Multa enim scientia comprehendi possunt, multa simul cogitari nõ item. Quod si non hoc, nec scire erit cogitare.

re.



re. Sumuntur etiam ex maiore & minore argumenta. Suntq; ex maiore & minore quatuor loci. Vnus, si maior res ex maiore sit consequens, hoc modo: Si uoluptas bonum sit, maior uoluptas maius sit bonum. Sin iniuriā facere malum est, maiorem iniuriā facere maius malum erit. Atq; in utraq; partem hic locus trahi potest. Si enim rei subiectæ elationem & summisionem accidentis sequatur elatio & summissio, quemadmodum dixi, necesse erit in re proposita accidens inesse: sin minus sequatur, non inerit. Hic autem locus per inductionem intelligendus est. Alter locus est, cum una res duabus comparatur. Si cui uerisimilius est conuenire non conueniat, ne illi quidem cui minus: & si cui minus probabile est conuenire conueniat, ei etiam cui uerisimilius. Tertius est, cum duæ res cum una conferuntur, si quæ magis conuenire uidetur non conueniat, nec quæ minus. & si quæ minus uidetur conuenire conueniat, ea etiam quæ magis conuenire uidebitur conueniet. Extremus locus est huiusmodi, cum duæ res duabus comparantur. Si quæ alteri magis uidetur conuenire non conueniat, ne reliqua quidem reliquæ conueniet: & si ea quæ minus conuenire alteri uidetur conueniat, reliqua etiam reliquæ conueniet. Sequitur locus, ex ijs quæ paria sunt, aut paria uidentur. atq; is triplex, quemadmodum exposui de tribus locis postremis, quos ex maiore elici dixi. Si enim una aliqua res duabus eodem modo conueniat, aut conuenire uideatur, neq; alteri conueniat, ne alteri quidem conueniet. Quod si uni, etiam alteri. Alter locus tractatur hoc modo: Si duæ res eidem pari ratione conueniant, & altera non conueniat, ne altera quidem conueniet.

ueniet. Quòd si altera, etiam reliqua. Tertius hoc modo: Si duæ res duabus eodem modo conueniant, unq; altera non conueniat, reliqua etiam reliquæ non conueniet: quòd si una alteri conueniet, reliqua etiam reliquæ conueniat necesse est. Atq; ex maiore & minore & paribus tot argumenta duci eliciq; possunt. Alius locus sequitur ex adiectione, hoc modo: Si una res ad alteram adiecta, eam faciat bonam aut albam, cum prius bona & alba non esset, quæ adiecta est, bona erit & alba, quale etiam totum reddidit. Præterea si ad aliquid quod inest, quippiam addatur, quod illud magis tale efficiat, quàm antè erat, idem tale erit. Eadem est ratio cæterorum. Quamquam hic locus non ualet in omnibus, sed in ijs tantummodò quæ elationem aliquam suscipere possunt. Atq; idem non uicissim retrò commeat in refellendo. non enim si id quod additur, non facit id cui adiectum est bonum, propterea id non bonum esse necesse est. Quod enim bonum est, si ad id quod malum sit addatur, totum nõ efficit bonum necessariò, nec rem nigræ candor albam facit, nec dulcedo rem amaræ dulcem necessariò, si addantur, efficit. Iam uerò si quid maius aut minus dicitur, omnino etiam conuenit. Nam quòd bonum non est, nec album, id nec maius bonum, neque minus dicitur, neque albius, neque minus album: quippe cum id quod malum est, nulla re maius bonum sit, aut minus bonum, sed maius malum, aut minus dicitur. Nec uerò hic locus in refellendo uicissim retrò commeat. multa enim eorum quæ illud magis respuunt, omnino dicuntur. Homo enim, etsi magis aut minus, quàm alius homo, non dicitur, non tamè propterea homo esse desinit. Eodemq;

modo uidendum est quid quadam ex parte, quid aliquando & alicubi esse dicatur. Si quid enim quadam ex parte possit esse, aut aliquando, aut aliquo in loco, id certè omnino esse potest. Quod enim omnino fieri non potest, id nec aliqua ex parte, nec interdum, nec alicubi fieri potest. Quanquam huic loco occurritur, quòd quadam ex parte homines natura boni sunt: ut liberales, ut temperati, cum interim boni non sint omnino naturat siquidem nemo prudens natura dicitur. Itemq; fieri potest, ut aliquid eorum quæ interire possunt, quodam tempore non intereat & occidat, cum fieri non possit omnino quin occidat. Eodemq; modo alicubi hanc uel illam uictus rationem seruare, ut in locis pestilentibus & insalubribus prodest, omnino non prodest. Aliquo etiam in loco fieri potest, ut unus modò sit, & tamen non unus modò esse illic possit omnino. Itaq; alicubi etiam immolare patrem laudi ductum est, ut apud Tribalos: omnino autem non datur laudi & gloriæ, nisi fortè hoc non aliquo in loco fieri declarat, sed apud aliquos, quoniam nihil refert ubi sint: ubiq; enim apud Tribalos id gloriæ ducitur. Rursum medicamentorum usus interdum, ueluti cum sis in morbo, adiuuat, nec adiuuat omnino. Nisi fortè nec hoc quidem aliquando fieri significat, sed certum quoddam affectionis genus. neque enim refert, id quocunq; tempore fiat, dummodo ita sit affectus. Id autem demum omnino & absolute esse dicitur, quod citra ullam adiectionem dicitur, honestum, uerbi gratia, aut turpe: ut patrem immolare, non dicis honestum esse, sed apud nonnullos honestum esse. non igitur omnino honestum est. At deos colere, pulchrum

dices, etiam si nihil adiungas. est enim pulchrum omni-  
no. Quare quod sine adiunctione uidetur esse pulchrum,  
aut turpe, aut aliquid aliud eiusdem generis, tale esse id  
dicetur omnino.

## TOPICORVM . LI- ber Tertius.

### CAPVT I.



Elíquus est comparationis locus, in quo  
uidendum est, duobus propositis, utrum sit  
optabilius aut melius. Ac primum expo-  
nendum illud est nobis, hoc loco non esse  
propositum de ijs differere quæ ualde dis-  
similia sint, quorumq; magnæ sint differentiæ & distin-  
ctiones, (neq; enim est quisquam, cui in dubium ueniat,  
sit ne beatitudo quàm diuitiæ magis expetenda) sed de  
ijs quæ cognata sunt & uicina, & ijs quibus propo-  
sitis dubitamus, utri priores partes tribuamus, propterea  
quòd quid alterum alteri præstet, minimè uideamus. Ex  
quo perspicuum erit, exposita harum rerum præstantia  
una aut pluribus, animi assensurum & approbaturum,  
id est magis expetendum quòd excellat. Ac diuturniora  
quidem anteponenda sunt breuioribus: & quæ pruden-  
tes anteponant, aut uiri boni, aut leges rectæ, aut quæ an-  
teponant ij qui in aliqua re excellunt, hoc ipso quòd ta-  
les sunt: aut quæ ij qui unoquoq; genere scientes sunt, aut  
quæ plures, aut etiam omnes: ut in medicina & fabrica,  
quæ plures medici anteponant, aut omnes: aut quæ om-  
nino plures, uel omnes, uel omnia, quale est ipsum bonum.  
expetunt

expetunt enim bonum omnia. Ex ijs autem argum-  
tum ducetur, prout commodum uidebitur ad eam rem  
de qua agitur. Suntq; omnino anteponenda ea quæ  
meliore arte proficiſcuntur: ut quoniam philoſophia me-  
lior eſt ars quàm architectura, omnino ea quæ à philo-  
ſophia efficiantur, ijs quæ ab architectura anteponan-  
tur. Quæ autem à cuiusq; arte efficiuntur, ea quiſq; alie-  
nis anteponit. Deinde anteponenda ſunt ea quæ ui ſua in  
genere ſunt, ijs quæ non ſunt: ut iuſticia uiro iuſto. iuſti-  
cia enim in genere eſt bonorum, uir iuſtus non eſt: & il-  
la ui ſua bonum eſt, hic non item. nihil enim eſt id ipſum  
quod genus, quod non ſit in genere: ut homo albus non  
coloris nomen obtinet. Quod idem in cæteris contingit.  
Anteponuntur etiam quæ propter ſe expetuntur, ijs quæ  
propter aliud: ut uale tudo exercitationi. quoniam illa  
propter ſe expetenda, hæc propter aliud. Et quæ pro-  
pter ſe expetuntur, ijs quæ fortè, temerè & caſu: ut ami-  
corum iuſticia, hoſtium iuſticiæ: quòd illa per ſe expe-  
tenda eſt, hæc caſu, & fortuito, ut ne nobis noceant.  
Hic autem locus eandem ferè uim habet, quam ſuperior,  
ab eoq; niſi modo non differt. nam amicos per ſe iuſtos  
eſſe optamus, etiam ſi nihil inde ad nos redeat, & apud  
Indos habitent: at hoſtes ſic propter aliud iuſtos eſſe o-  
ptamus, ut nihil nobis obſint. Et ex quibus per ſe bona  
propagantur, ijs ex quibus caſu & temerè, ut uirtus for-  
tunæ. illa enim per ſe efficiens eſt cauſa bonorum, hæc  
fortuito. Et ſi quid aliud tale eſt. Eodem modo de con-  
trarijs iudicandum eſt. Ea enim: quæ per ſe cauſæ ſunt  
malorum, poſtponuntur ijs quæ caſu & fortuito: ut ui-  
tium fugiendum eſt potius, quàm fortuna. illud enim



per se malum est, hæc casu. Et quæ omnino bona sunt, ijs anteponuntur quæ alicui bona sunt: ut ualere quàm scari magis optandum est, quoniam illud omnino bonum est, hoc alicui qui sectione egeat. Et innata ac insita bona assumptis & aduenticijs, ut iustitia uiro iusto: quoniam illa insita est & innata, illud aduenticiū. Et quæ in re meliore insunt, & quæ iustiores habent uenerationem, ijs quæ in deteriore: ut bona Dei hominum bonis, & animi corporis bonis sunt anteponenda. et quæ propria sunt melioris rei, ijs quæ deterioris: ut Dei quàm hominis. Cum enim bonis, quæ illis inter se sunt communia, non differant inter se, proprijs alter alteri præstat. Et quæ in melioribus, aut antiquioribus, aut in ijs quæ in maiore sunt precio & honore, ea sunt anteponenda ijs quæ in deterioribus: ut ualetudo uiribus corporis, & pulchritudini corporis. Valetudinis enim sedes est in humore, siccitate, calore & frigore: ijsq; omnibus, ex quibus primum animal constat, coheret: hæc uero in posterioribus quibusdam. nam & uis corporis in neruis atque ossibus sita est, & pulchritudo corporis est apta quædam compositio membrorum. Fines, ijs quæ ad finem pertinent atq; conducunt. Ex duobus, quod ad finem propius accedit. Quæ ad uitæ finem pertinent, ijs quæ ad alium aliquem: ut quæ ad beatam uitam pertinent, ijs quæ ad prudentiam, quod enim ad beatitudinem pertinet, anteponendum est. Quæ fieri possunt, ijs quæ non possunt. E' duobus efficientibus, cuius finis melior, id etiam præstantius. Ex efficientibus & finibus proportionem concludendum est, hoc modo: Cum pluribus partibus finis fini præstat, quàm finis ille suæ causæ efficienti: ut si bea

tudo

ualendo ualitudinem pluribus partibus superet, quàm ual-  
 tudo salubria, efficitur, ut efficientia beatæ uitæ uin-  
 cant ualitudinem. Quanto enim beatitudo ualitudinem  
 præstat, tanto salubria præstant efficientia beatitudi-  
 nis. Atqui minore interuallo salubria ualitudo antebat:  
 pluribus igitur partibus salubribus præstant beatitudi-  
 nis efficientia, quàm ualitudo salubribus. Ex quo per-  
 spicuum est, efficientia beatæ uitæ sanitati, quia ei præ-  
 stent, esse anteposenda. Iam quæ per se in maiore sunt  
 honore & precio, & laudabiliora sunt, anteposenda  
 sunt: ut amicitia diuitijs, iustitia ualitudini, & uiribus  
 corporis. Illa enim numerantur propter se, in ijs bonis  
 quæ sunt honorabilia & laudabilia: hæc non propter  
 se, sed propter aliud. Nemo enim opes propter se amat,  
 sed propter aliud. Amicij uero autem propter se colimus,  
 etiam si nihil inde fructus speremus nos esse perceptu-  
 ros. Iam si duo quædam sint ualde inter se similia, nec  
 quid alterum alteri præstet & excellat, perspicere pos-  
 simus: id ex consequentibus intelligi licet, hoc modo. Ex  
 quo enim maiora bona sequuntur, id anteposendum al-  
 teri est: quod si mala consequantur, ex quo minora ma-  
 la oriuntur, id est eligendum. Nam si utrunque eligen-  
 dum, nihil prohibet aliquid molestiæ consequi. Ex con-  
 sequentibus autem duo argumenta sumuntur, quoni-  
 am & aliquid antecedit rei, & præcurrit, & aliquid  
 rem sequitur: ueluti discenti antecedit ignoratio, &  
 eum consequitur scientia. Fere autem melius est quod  
 rem sequitur. Argumentum uerò à consequentibus su-  
 mendum est, ut commodum fuerit. Plura bona paucio-  
 ribus anteposenda sunt aut omnino: aut cum alia quæ

pauciora sunt, in alijs, quæ plura, continentur. Huic autem loco occurritur, si unum alterius gratia petatur. Neque enim uni utrunque anteponitur. ueluti curari & ualeitudo non pluris sunt quam ualeitudo, quandoquidē curari optamus ualeitudinis gratia. Nihil etiam prohibet, ea quæ nō sint in bonis, bonis anteponi. ut beatitudinem coniunctam cum aliqua re quæ non numeratur in bonis, iusticiæ ac fortitudini. Et eadem cōiuncta cum uoluptate, magis expetenda sunt, quam sine uoluptate; et eadem ipsa cum indolentia copulata, quàm cum dolore. In quo etiam quicquid tēpore maiorem uim habet, id in eo magis optandum est: ut in senectute sine ulla molestia & cura uiuere, quàm in adolescentia. plus enim potest in senectute. Eademque ratione in senectute magis expetenda prudentia est. Itaque nemo adolescentes imperatores deligit, quod prudentes eos non esse existimet. contraque fit in fortitudine, cuius in iuuentute necessarium munus & officium est. Eadem est etiam temperantiæ ratio. adolescentes magis quàm senes cupiditatibus seruiunt. Quæ per omne tēpus ætatis plus possunt, ijs quæ maxima parte, utiliora sunt. ut iusticia & temperantia fortitudine; quia illis semper, hac interdū utimur. Quæque seipsum contenta sunt, meliora, quàm quæ egent alijs. quod in iusticia & fortitudine cernere licet. Nam si iusti essent, nihil loci esset fortitudini; at si fortes essent, iusticiam requirerent. Comparatio etiam ex interitu, abiectiōe, origine, acceptione, contrarijsque sumi potest, hoc modo: Quorum bonorum interitus magis declinandi sunt, ea meliora. Quod idem in abiectiōibus & contrarijs cōtingit, cuius enim prætermisio & expulsio, aut contrarium, magis

magis fugiendum est, id etiam optabilius. Contra fit in ortu & acceptione. Quarum enim rerum origines & assumptiones optabiliores sunt, ea alijs anteponuntur. Alius locus: Quod ad bonum propius accedit, id & optabilius & melius est: quodq; ad bonum similitudine propius accedit, id melius, ut iusticia iusto. Quæ meliori similia sunt, ea meliora: quemadmodum Aiace[m] Vlyssi anteponunt, quod Achilli similior esset. Occurritur huic loco, quod nihil prohibeat Aiace[m], non qua parte Achilles optimus fuerit, ei similiorem fuisse: et tamen alterum virum bonum fuisse, et si dissimilem. In quo utdèdum est, an etiam in ijs quæ magis ridicula sunt, cernatur similitudo: quemadmodum simia similitudine ad hominem propè accedit, cum equus non sit similis. Neq; enim præstantior est simia, etsi similior homini quàm equus. Rursum è duobus si unum meliori, alterum deteriori similis sit, melius erit quod similis est præstantiori. Atq; etiam huic loco occurritur, nihil enim prohibet, unum meliori paululum similem esse, alterum ualde deteriori. ut si Ajax paululum admodum similis sit Achilli, & Vlysses ualde Nestori. Et si id quod meliori similis sit, mala eius imitetur: quod autem ad deterius similitudine propius accedat, bonam in partem simile sit. ut equus a sino, & simia homini. Quæ magis insignia sunt, minus insignibus anteponuntur: & laboriosa, proclivibus: chariora enim nobis sunt ea quæ difficulter parantur. Et propria communibus. Quæq; molestiæ minus habent. quæ enim nullam molestiam afferunt, ijs quæ afferunt anteponuntur. Quæ alijs præstantiora sunt omnino, etiam quæ in eo genere præstantissima sunt, ijs quæ in altero genere sunt præstan-

tiſſima anteponuntur. ueluti ſi nobilior equo homo ſit,  
 nobiliſſimus homo etiam ſit generoſiſſimo equo præſtan-  
 tior. Et ſi res præſtantiſſimæ & clariſſimæ nobiliſſimis  
 alterius generis præſtant, etiam omnino illis rebus excel-  
 lunt. ut ſi clariſſimus homo generoſiſſimo equo præſtet,  
 etiã homo equo præſtat omnino. Quæq; cum amicis com-  
 municare licet, iſs quæ non licet. Quæ in amicos præſta-  
 re cupimus, iſs quæ in quemuis. ut officia ſeruare et bene  
 mereri magis optamus, quam uideri bene mereri, & of-  
 ficia ſeruare. Quoniã beneficia malumus in amicos con-  
 ferre, quàm uideri: in quemuis contrã. Non neceſſaria  
 neceſſarijs meliora ſunt, eaq; interdũ magis expetuntur.  
 Bene enim uiuere præſtat quàm uiuere: cum bene uiue-  
 re ſit non neceſſarium, et uiuere in neceſſarijs. Fit autem  
 interdum ut quæ meliora ſunt, non etiam magis expetan-  
 tur. non enim ſi quid melius, propterea id neceſſe ſit etiã  
 magis eſſe expetendum. Philoſophorum enim uita cum  
 eo genere uitæ quod in pecunijs quærendis conſiſtit, ſit  
 melior: attamen ei cui res ad uiuendum neceſſariæ non  
 ſuppetunt, non magis expetenda eſt. Non neceſſaria au-  
 tem ſunt, cum ſuppetunt res neceſſariæ, & aliæ præte-  
 rea quædam honeſtæ parãtur. Ac ferè quidem certè ne-  
 ceſſaria magis expetenda ſunt, non neceſſaria meliora.  
 Quæ ab alio non ſuppeditari poſſunt & accipi, iſs quæ  
 poſſunt: quomodo iuſticia ad fortitudinem affecta eſt.  
 Quæ ſine alijs expetenda ſunt, iſs quæ niſi cõiuncta cum  
 alijs non expetuntur: ut uires corporis ſine prudentia non  
 ſunt expetendæ, ſine uiribus etiam prudentia expetenda  
 eſt. E' duobus ſi unum diſimulemus aut negemus in no-  
 bis eſſe, ut alterũ in nobis eſſe uideatur, id antepone-  
 dum eſt.



est, quo præditi esse uideri uelimus: ut laboriosos nos esse negamus, ut ingenio ualere uideamur. Quorum bonorum defectio minus in ijs uituperanda est, qui melius ferunt ea à se abesse: & quorum defectio in ijs qui non acerbè ferunt ea à se abesse, magis reprehendenda est. **Borum quæ in eodem genere sunt,** quod propria illius generis uirtute & laude ualer, alteri quod eo caret anteponendū est. Ex ijs in quibus inest, id in quo maior est. Quæ bonum eum in quo sint efficiunt, ijs quæ non efficiunt: ut calidius id est quod calefacit, eo quod non calefacit. Ex ijs quæ efficiunt, ea quæ magis efficiunt: aut quæ id quod melius est, & magis præcipuum bonum, efficiunt: ut quæ animum bonum efficiunt, ijs quæ corpus. Ex casibus etiā & usu, actionibus & operibus, comparationis locus sumitur, & quæ ab illis orta sunt concluduntur. alterum enim alteri consequens est: ut si id quod iustè fit, ei quod fortiter, anteponendū sit, iusticia fortitudini anteponetur. Et si iusticia fortitudini anteponenda sit: etiam id quod iustè fit, ei quod fortiter. Quod idem fit in cæteris. Si quo bono, unū maius bonum sit, minus alterum, maius magis expetendum est: uel si maiore aliquo maius sit alterum. Quinetiam e duobus quæ alicui præponenda sunt, id quod magis expetendū sit, potius eligendū erit, quàm id quod minus. Quorum præstantia & laus, præstantiæ laudiq; aliorum anteponitur, ea etiam anteponenda sunt: ut amicitia diuitijs, amicitia enim excellentia & gloria, opum excellentiæ & exuperantiæ anteponenda est. Quæ ipsum sibi quisq; parare & querere malit quàm alterum, ea anteponenda: ut amici opibus. Ex adiunctiōne hoc modo: Si eidem rei aliquid adiungatur, totumq; melius

melius efficiat, id magis expetendum est. In quo cauendum est, ne ad ea progrediamur, in quibus altero eorum quæ coniunguntur, utatur id quod utrisq; commune est, uel aliqua alia ei adiumenta asserat, reliquo non utatur, neq; ei sit adiumento. quales sunt, cum fabrica, serra & falx coniuncta: quarum serra si coniuncta sit, optanda magis est, cum magis expetenda non sit omnino. Rursum, si, uid ad minus additum, maius totum efficiat, magis expetendum est. Quod idem ex detractiōe effici potest. Quicquid enim est eiusmodi, quo detractō, id quod reliquum est minus efficitur, id omne antepōndum. Quæq; propter se expetenda sunt, ijs quæ ad existimationem hominum & opinionem accommodantur: ut ualetudo pulchritudini antepōnenda est. Illud autem ad iudicium hominum & opinionem dirigitur, quod si nesciant, nullus in eo parando labor impendatur. Quæ etiam propter se expetuntur, & ad hominum commendationem, ijs quæ alterius solum gratia. Quæq; ui sua per se & propter se in maiore precio & honore sunt, eadem meliora sunt, & magis expetenda. Ea autem per se in maiore honore sunt & precio, quæ detracta omni opinione utilitatis, tamē magis propter se peteremus.

## CAPVT II.

Diuisio etiam rerum expetendarum, & quarum causa expetantur, magnam suppedabit copiam disputandi: ut utilitatis, uel honestatis, uel uoluptatis gratia res omnes expetendas. Quibus enim ad omnia, uel ad plura utimur, ea ijs antepōnenda sunt quibus ad tot res non utimur. Quod si in utrisq; eadem reperiuntur, in utris magis reperiuntur uidendum est: utrum iucundiora sint, an honestiora.

honestiora, an utiliora. Quæ melioris rei causa comparata sunt, eadem magis expetenda: ut quæ uirtutis, quam quæ uoluptatis gratia. Eadem ratio est rerum fugiendarum. Fugienda enim sunt magis quæ res expetendas impediunt: ueluti morbus magis declinandus & uitandus est, quam deformitas, quod magis nos à uoluptate & uirtute morbus detorquet. Ex eo etiam argumenta sumuntur, si rem propositam & expetendam & fugiendam esse doceamus. Minus enim expetenda est res eiusmodi, quam expetere æquè ac fugere liceat, quam altera quæ tantummodò sit expetenda. Ac comparationes quidem rerum inter se tractandæ sunt, quemadmodum à me præscriptum est. Qui idem loci ualent etiam ad faciendam sine comparatione fidem, quid sit expetendum, quidq; fugiendum. Detrahenda enim modò excellentia & præstantia est, qua alterum alteri præstat. Si enim quæ in maiore honore sunt & precio, eadem magis expetenda sunt: certè quæ in honore sunt, & ducuntur gloriæ, eadè sunt expetenda. & si quæ utiliora sunt, ea magis expetenda: utilia etià expetuntur. Quod idem fit in cæteris quæ comparantur. Sunt autem quædam, ex quorum inter se comparatione statim utrumq; expetendum esse, aut alterum intelligimus. ueluti cum unum natura bonum, alterum minimè dicimus. perspicuum est enim, id quod natura tale sit, esse expetendum. Sumendi sunt autem à maiore & minore loci, qui quàm latissimè pateant. sic enim ad plura concludenda ualebunt. Possunt autem quidam ex his locis quos exposuimus, generaliores effici, si parua nomen fiat mutatio: ueluti, quod natura tale uel tale est, eo est magis tale, quod non est tale uel tale natura. Ex duobus

bus si unum efficit, alterū non efficit tale uel tale: id quod  
 ipsum habet, aut in quo inest, magis tale est, quod inter-  
 dum facit, quā quod nō facit. Sin utrunq; uim efficien-  
 di habeat, id quod plus efficit, & magis tale uel tale est.  
 Et si ex duobus, unum magis superet tertium quippiam,  
 quā alterum. Si ē duobus unum magis tale uel tale sit,  
 quā quod tale est: alterū magis quā quod non est e-  
 iusmodi: profectō primū in eo genere uincat necesse est.  
 Ex coniunctione idem efficitur. Si quid ad eandem rem  
 addatur, totumq; magis tale uel tale efficiat. Et si quid  
 ad rem additum quā minus sit eiusmodi, totam magis ta-  
 lem reddat. Itemq; detractiōe. nam si quid detrabatur  
 ab aliquo, ex eoq; quod reliquum est minus tale uel tale  
 existat, id in eo genere praestat. Quae mixta coniunctaq;  
 sunt minus cum contrarijs, ea magis talia uel talia. ueluti  
 id albius est, quod minus admixtū habet nigrorem. Prae-  
 ter illos autem locos, qui suprà enumerati sunt, hic alius  
 est locus. Quod sibi magis rei de qua agitur uerā asciscit  
 definitionem. uelut si candoris haec sit definitio, Color as-  
 pectum oculorum diuidens: is albius color erit, qui ma-  
 gis dissipat aspectum. Quod si quaestio nō generalis, sed  
 quae subiecta sit generi tanquam pars ponatur, primum  
 loci qui expositi sunt, ad confirmandum uel reprehēden-  
 dum omnes ualent plurimum. Si quid enim omnino &  
 totum confirmemus aut refellamus, etiā partem ostendi-  
 mus: propterea quod si quid in toto genere reperiatur,  
 etiam in parte: & si in nulla parte, in aliqua intelligi nō  
 potest. Aptissimi autem sunt loci, latissimeq; patent, y qui  
 ex contrarijs coniugatisq; sumuntur. Aequē enim proba-  
 bile est effari, si omnis uoluptas sit in bonis, etiam dolo-

rem

Item dominem in malis esse: ac si qua uoluptas sit bonum, aliquem etiam dolorem esse in malis. Et si quis sensus non sit uis & facultas, sequitur, ut sensus priuatio non sit imbecillitas. Et si, quod opinabile est, scientiæ subiectum sit fit, ut cædā opinio sit scientia. Rursum, si qua res iniusta, ut in bonis, aliqua etiam res iusta sit in malis necesse est: & si quid eorum quæ iniuste fiunt, malum est, aliquid etiam eorum quæ iuste fiunt, erit bonum: & si quid eorum quæ iucunda sunt, in rebus fugiendis sit, alia qua etiam uoluptas fugienda. Eodemque modo, si quid eorum quæ iucunda sunt, uile sit, aliqua etiam uoluptas erit in bonis. Quod idem in ijs quæ uim interimendi habent, & in ortu & interitu contingit. Si quid enim quod uim habeat interimendæ uoluptatis & scientiæ, in bonis est, sit etiam necesse est aliqua uoluptas & scientia in malis. Itemque, si aliquis interitus scientiæ sit in bonis, aut ortus in malis: erit in malis aliqua scientia, ut si obliuio flagitiorum alicuius, in bonis, aut recordatio in malis numeretur, certè & cognitio flagitiorum alicuius in malis ducitur. Quod idem in cæteris contingit, propterea quod eadem ratio uersimilitudinis ualet in omnibus. Idem ex maiore, minore & pari efficitur, hoc modo: Si quid eorum quæ ex alio genere sunt, magis tale uel tale sit, illorū autem nihil sit: efficitur, ut id quod propositum est, non sit eiusmodi: ut si qua scientia bonum sit potius quā uoluptas, nec ulla sit in bonis scientia, ne uoluptas quidem in ijs numerabitur. Similiter ex pari & minore licebit confirmare & refellere, nisi quod ex pari utrunque efficietur: ex minore cōstituere solū, non etiam destruere. Si enim pari ratione uis aliqua in bonis sit & scientia,

fin



fit autem uis aliqua in bonis, etiam scientia erit. Sin nulla uis & facultas, ne ulla quidem scientia. Si autem minore ratione uis aliqua bonum sit, quàm scientia, sitq; uis aliqua bonum, etiam scientia: sin nulla uis in bonis ducatur, non necesse est nullam etiam scientiam duci in bonis. Ex quo perspicuum est, locum ex minore solum uim habere ad probandum. Non solum autem ex comparatione eorum quæ sunt diuersorum generum, argumentum duci potest: sed ex eodem etiam genere, si quis sumat quod sit in eo genere maximè tale. ut si qua ponatur esse in bonis scientia, probatumq; sit non esse in bonis prudentiam, nulla alia numerabitur: quippe cum ne ea quidem quæ maximè uideatur. Ex fictione idem efficitur, si id antè conueniat: pari ratione, si cui cõueniat, etiam omnibus cõuenire, aut non conuenire: ut si hominis animus sit immortalis, etiam caterorum. Quòd si non hic, ne cæterorum quidem esse. Si igitur in quæstione positum sit alicui conuenire, non conuenire alicui docere debemus. Sic enim illud consequens erit ex fictione nulli conuenire. Quòd si cui non conuenire ponatur, probandum est alicui conuenire. sic enim illud consequens erit, conuenire omnibus. Illud autem perspicuum est, eum qui ex huiusmodi fictione argumentum ducit, ad generalem reuocare quæstionem, quæ in parte proposita est. eum enim uult, qui partem concedat, totum etiam concedere: quandoquidem si uni, pari ratione æquum putat conuenire omnibus. Ac infinitæ quidem quæstiones uno modo euertere refelliq; possunt: ut si uoluntatem bonum esse dixerit, aut non esse bonum, neq; aliud quicquam exposuerit. Nam si uoluptatem aliquā in bonis esse dixerit, nullam esse

esse

esse omnino probandum est, si rem propositā uelit euertere. Item si uoluptatem aliquam non bonam esse enunciarit, omnino demonstrandum est omnē esse: aliter enim non potest reprehēdi. Nam si uoluptatem aliquam non esse bonum, aut esse doceamus, nōdum proposita res reprehensa est. Ex quo perspicuum est, rem infirmari uno modo posse, cōfirmari duobus. Siue enim omnino doceamus omnem in bonis uoluptatem duci, siue aliquam, res confecta erit. Itemq; si opus sit ostendere, aliquam uoluptatem non esse in bonis, si nullam esse doceamus, aut aliquam non esse, utrū effecerimus, aliquā in bonis non esse uoluptatem docuerimus. Definita autem quæstione, duo ad refellendum loci suppetere: ut si quis ponat in bonis uoluptatem aliquam esse, aliquam non esse: siue omnis in bonis esse doceatur, siue nulla esse, res proposita infirmata erit. Quod si unam tantummodò in bonis uoluptatem posuerit, tribus modis id poterit refelli. Si enim omnem esse, uel nullam, uel plures docuerimus, rem propositam euerterimus. Si uerò quæstio definita expositaq; sit pluribus, ueluti prudentiam solam ex uirtutibus esse scientiam, ad id reprehendendum quatuor modis instructi erimus. Nam si doceamus omnem uirtutē scientiam esse, aut nullam, aut etiam aliam, ueluti iudiciam, aut ipsam prudentiam non esse scientiam, euersum erit id de quo agitur. In quo utile erit, quid cuiq; rerum singularū quæ continetur sub specie de qua quæritur accadat, aut non accadat, uidere: quemadmodū de generalibus quæstionibus tradidi. Genera etiam uidenda sunt diligenter, eaq; in partes, ut dixi, usq; ad indiuidua, tribuēda. Siue enim in toto genere uideatur inesse, siue in nulla parte, postquā in singu-

lis rebus aliquot, ita rem habere docueris, petendum est, ut omnino totumq; concedat: aut certe occurrat, in quo non ita reperitur. Postremo, quibus in rebus diuidi in specie diuersa, aut numero potest accidens, facta eius diuisione, nunquid conueniat uidendum est: ut tempus non moueri, aut non esse motum, si probare uelimus, quot sint genera motus docendum est. Si enim nullum eorum conueniat tempori: tempus certe non mouetur, nec motus est. Itemq; animum non esse numerum, licebit docere diuisione adhibita, omnem numerum aut parem esse, aut impar. nam si animus neq; par, neq; impar sit, profecto esse numerus nullo modo potest. Ac ex his quidem locis argumenta ducenda sunt, & depromenda ad confirmandum uel refellendum accidens.

## TOPICORVM LIB.

## ber Quartus.

## CAPVT I.

**D**inceps ea quæ ad genus & proprium pertinent, uideamus. In ijs autem elementa definiendi traditur: illa autem ipsa raro in disputationem incidunt. Si igitur ponatur genus alicuius eorum quæ sunt, primum uidendum est, an de aliquo eorum quæ illi cognata sunt, & uicina, minimè dicatur: ut sit in accidentibus. ut si uoluptatis genus bonum statuatur, an aliqua uoluptas non sit in bonis, uidendum erit. Nam si ita fiat, certè uoluptatis bonum non est genus: quippe cum genus in formis omnibus quæ sub ipsum subiectæ sunt, intelligatur. Deinde considerandum est, an in questione qua quid sit res exquiratur, minimè dicatur, sed ut accidens: ut id quod album

est de niue, aut de animo id quod pulsu suo & interiore  
 agitur. neq; enim idem nix est quod albu aliquid. itaq;  
 non est id quod album est, niuis genus: nec animi, id quod  
 à se mouetur. accidit enim ei ut moueatur, quemadmodu  
 saepe animali ut ambulet. Præterea quod à se mouetur,  
 non quid est, sed facere aut pati indicat. Itemq; id quod  
 album est, non naturam niuis significat, sed qualitatem.  
 Ita neutru eorum in naturæ quæstione dicitur. Maxime  
 uero an definitio accidentis in id genus quod datum est  
 conueniat, spectare debemus. Nā ut in eo exemplo quod  
 modo protuli, permaneam, fieri potest ut aliquid seipsum  
 & moueat, & non moueat. Itemq; ut album sit aliquid,  
 & non album. ex quo efficitur, neutrum eorum genus  
 esse, sed accidens: quandoquidem accidens diximus esse,  
 id quod & conuenire alicui potest, & non conuenire.  
 Iam illud etiam uidendum est, an non in eadem diuisione  
 genus & species numerata sint: unumq; eoru ad substan-  
 tiam, alterum ad qualitatem: aut illud ad ea quæ cum ali-  
 quo conferuntur, hoc ad qualitatem pertineat. ueluti nix  
 & cygnus ad substantiam: id autem quod album est, non  
 ad substantiam, sed ad qualitatem pertinet. Ita id quod  
 album est, nec niuis genus est, nec cygni. Rursus, quoniam  
 scientia in ijs est quæ cum aliquo conferuntur, bonum  
 autem & honestum in qualitate: fit, ut honestum aut bo-  
 num non sit genus scientiæ, præsertim cum eorum quæ  
 cum aliquo conferuntur, genera etiam ipsa in eodem ge-  
 nere esse debeant. id quod in duplo cernere licet. Nam  
 cum multipulum dupli sit genus, ipsam etiam in ijs est quæ  
 cum aliquo conferuntur: atque ut summatim dicam, ei-  
 dem diuisioni, cui species, genus subijci debet, siue enim

species substantia sit, etiam genus: siue qualitas sit species, etiam genus qualitas sit necesse est. ut si candor ad qualitatem referatur, color etiam refertur. Quod etiam sit in cæteris. Præterea uidendum est, an necesse sit, aut possitne genus eo participare quod in genere positum est: de finis-  
 tio autem participandi est, eius quod communicatur reci-  
 pere definitionem. Ex quo perspicuum est, species gene-  
 rum participes esse, genera formarum non esse: quando  
 quidem generis cum specie communicatur definitio, spe-  
 ciei cum genere non item. Illud ergo uidendum est, genusne  
 id de quo agitur, particeps sit, an possit esse speciei parti-  
 ceps. ut si quis eius quod est, aut unius aliquod genus tra-  
 dat: ita enim fiet, ut particeps sit formarum genus. quonia-  
 in rebus omnibus quæ sunt, id quod est & unum intelli-  
 guntur: ergo etiã eorum definitio. Illud etiam, an species  
 data & proposita in aliqua re uerè dicatur, genus non di-  
 catur: ueluti si id quod est, aut quod sciri potest, opinabi-  
 lis ponatur genus. de his enim rebus quæ nullæ sunt, opi-  
 nabile dicitur: quoniam multa eorum quæ nulla sunt, in  
 opinione confidunt. Id autem quod est, aut quod scientia  
 comprehenditur, de ijs quæ nulla sunt, ut perspicuum est,  
 non dicuntur. Ex quo fit, ut neq; id quod est, neq; id quod  
 scientia comprehenditur, sit genus opinabilis: præsertim  
 cum in quibus species dicitur, genus quoque dici debeat.  
 Præterea illud etiam considerandum est, an nullius formæ  
 id quod positum est in genere, particeps esse possit. fieri  
 enim non potest, ut generis sit particeps, id quod nullius  
 formarum est: nisi forte aliquid eorum sit quæ in diuisione  
 prima formarum collocantur, quæ omnia genere tantum-  
 modo participant. Si igitur motus ponatur uoluptatis  
 genus



genus esse, an neq; interitus, neq; commutatio, neq; ullus motus alius eorum qui eodem genere continentur, uoluptas sit, uidendum est. Perspicuum est enim, nullius formæ recipere posse cōmunionem : ita ne generis quidem. quandoquidem id necesse est, quod generis est particeps, alicuius etiam particeps esse formarum. Ita fit, ut motionis species uoluptas esse non possit, neq; indiuiduorum, neq; eorum quæ subiecta sunt sub specie motionis: quandoquidem generis specieiq; cum indiuiduis definitio comunicatur. ut certus homo, & hominis particeps est, & animalis. Præterea illud etiam uidendum est, an id quod positum est in genere, in pluribus quàm genus intelligatur. ut opinabile in pluribus quàm id quod est, dicitur. etenim id quod est, & quod non est, in opinione consistit. Ita opinabile eius quod est, species esse nullo modo potest. semper enim ad plura genus quàm species pertinet. Itemq; illud, an genus in totidem rebus quot forma dicatur. ut si eorum quæ res omnes consequuntur, unum genus, alterum species statuatur: qualia sunt id quod est, & unum. omnibus enim in rebus id quod est & unum intelliguntur. Neutrum igitur alterius esse genus potest, quandoquidem in rebus paribus æqualibusq; dicuntur. Quod etiam fiet, si quod primum est & principium, alterum alterius genus esse statuatur. nam & initium primum est: & quod primum est, id initium. Ita si utrunq; idem ualeat, certè neutrum alterius genus futurum est. In quibus omnibus illud initium & quasi elementum nobis propositum esse debet. Genus ad plura quàm speciem differentiamq; pertinere. Pauciora enim quàm genus, etiam continet differentia. Animaduertendum etiam est, an id

quod pro genere adhibitum est, non est genus alicuius  
eorum quæ specie non differunt, an etiam non possit ui-  
deri. Is quidem qui rem cõfirmabit, sit ne cuiuspiam uia  
debit. est enim omnibus ijs quæ specie non differunt, idem  
datum genus. Quod si unius docuerit esse, profecto om-  
nium esse ostēderit: sin unus non esse docuerit, certē nul-  
lius docuerit. ut si quis indiuiduas lineas ponat, dicatq;  
earum genus esse id quod secari non potest. linearum es-  
nim earum quæ diuidi possunt, non est genus id quod da-  
tum est, cum specie non differant: quandoquidem rectæ  
lineæ omnes specie non differunt.

## CAPVT II.

Illud etiam, an sit aliud aliquod genus eius speciei quæ  
data est, quod nec genus propositum contineat, neq; sub  
illud subiectum sit: ut si quis iusticiæ genus esse scientiam  
ponat. quoniam enim genus est etiam uirtus, neutrumq;  
genus alterum continet, scientia genus esse iusticiæ nullo  
modo potest. Cum enim species una duobus generibus  
subiecta est, tum alterum altero continetur. Quamquam  
de nonnullis quæstio est. nonnullis enim et uirtus & scien-  
tia prudentia uidetur esse: nec alterum genus altero con-  
tineri: non tamen omnium consensu prudentia scientia est.  
Quod si quis id quod dixi uerum esse concedet, at certē  
alterum alterius genus esse, aut sub eodem genere utrun-  
que subijci, quod eidem genus sit necesse est. quod & in  
uirtute & in scientia contingit. utrunq; enim eidem ge-  
neri subiectum est, quippe cum eorum utraq; habitus sit  
& affectio. Illud igitur uidēdum est, an neutrum generi  
proposito conueniat: quoniam si nec alterū altero conti-  
netur, nec utrunq; eodem, certē id quod propositum est,  
esse

esse genus nullo pacto potest. Spectandum etiam genus est propositi generis, & semper id genus quod supra est, omniane illa de specie dicantur, & in quaestione naturæ intelligantur. De specie enim, in quaestione naturæ genera quæ supra sunt dici debent omnia. Quod sicubi hæc non constet ratio, profecto id quod propositum est, non est genus, iam illud etiam considerandum est, an speciei cum genere, aut cum aliquo genere eorum quæ supra sunt, communicetur definitio. Quod enim genus supra est, nullius eorum quæ infra sunt definitione participat. Ac ei quidem qui partes infirmandi obtinet, ita, ut dixi, hic tractandus locus est. Ei autem qui probabit rem, si speciei genus propositum convenire constiterit, in dubiū autem veniat an ut genus conveniat: satis erit aliquod eorum generū quæ supra sunt, dici de specie in quaestione qua quid quicq; sit exquiritur, docere. Etenim si unū aliquod in illa quaestione dicatur, certè omnia & quæ hoc priora antiquioraq; sunt, et quæ posteriora, siquidē de specie dicantur, in naturæ quaestione dicentur. ex qua efficitur, id genus quod datum sit, in eadē quaestione dici. Quod si unū in naturæ quaestione dicatur, cætera etiam omnia, si quidem dicantur, in eadem dictū iri quaestione, inductione concludendū est. Sin, an omnino genus propositum speciei conveniat, in controuersia uersetur: non satis est docere, unum aliquod genus eorū quæ supra sunt, in naturæ quaestione dici de specie: uelut, si quis ingressui genus dederit delationem, non satis est ingressum esse delationem docere, ad probandum ingressum esse delationem, quando quidem alia sunt etiam motionum genera: sed antè docendum est, ingressum nullius eorum quæ

in eadem diuisione, qua delatio, collocantur, nisi delatio-  
nis retinere definitionē. Quod enim particeps est defini-  
tionis generis, id alicuius etiam formarum, quæ prima  
partitione continentur, definitione participet necesse est.  
Quod si ingressus nec accretionis, nec imminutionis, ne-  
que aliarum motionum sibi definitionem uendicet: pro-  
fecto delationis uendicet necesse est. ita ingressus delatio  
genus erit. Præterea in quibus species posita ut genus di-  
citur, considerandum est, an etiam genus quod datum est,  
in questione naturæ de ijs de quibus etiā forma, dicatur:  
itemq; an quæ supra genus sunt omnia. Nam si quo loco  
hoc non conueniat, certè id quod datum est, generis no-  
men non obtinebit. Etenim si genus esset, omnia & quæ  
supra sunt, & ipsum illud in naturæ questione diceren-  
tur, quemadmodū etiam species in ea questione dicitur.  
Comodum igitur erit ei qui refellendi partes obtinebit,  
non dici genus in questione qua quid sit quæretur, de ijs  
omnibus de quibus etiam forma dicatur: at ei, qui confir-  
mabit in ea dici questione. Ita enim efficietur, & genus  
& formam de eodem in questione naturæ dici: ex quo  
consequens erit, idem duobus generibus esse subiectum.  
Alterū igitur altero contineatur necesse est. Quod si de-  
monstratū sit, id genus quod constituere uolumus, nō esse  
subiectum sub specie: profectō species sub eo subiecta eo-  
rit. Ita ostensum erit, generis id nomen obtinere. Viden-  
dum etiam est, an speciei propositæ, ijsq; quibuscum spe-  
cies communicatur, generum conueniat definitio. neces-  
se est enim in specie, ijsq; omnibus quæ specie participāt,  
generum dici definitiones. Quod si quo loco non conue-  
niat, certè quod datum est, generis nomen non obtinet.

illud

Illud etiam num differentiam pro genere adhibui: ut, si  
immortale genus Dei dixerit. est enim animantium diffe-  
rentia immortale: quandoquidem animantium alij sunt  
mortales, alij immortales. ex quo perspicuū est, in errore  
illum esse uersatum, quoniam nullius rei genus differentia  
est. Quod uerū esse ex hoc intelligi potest, quia differentia  
quid res sit, non indicat, sed potius quale quid sit, quem-  
admodum gradus & bipes. Illud etiā, an differentiam  
in genere quasi specie posuerit: ut si quis impar speciem  
numeri dixerit. differentia enim numeri est impar, non  
species: nec differentia generis est particeps, praesertim  
cum quicquid generis est particeps, id uel species sit, uel  
indiuuiduum: & differentia, nec speciei, nec indiuidui no-  
men obtineat omnino. Ita fit, ut generis nō sit particeps  
differentia. Non igitur impar species est, sed differentia,  
quandoquidem non est particeps generis definitionis.  
Præterea illud etiam considerandum est, an genus in for-  
marum numerum retulerit: ut contiguitatem idem esse  
quod continuationem: aut permixtionē idem quod tem-  
perationem. aut ut Plato definit, delationē, loci mutatio-  
nem. neque enim necesse est contiguitatem cōtinuationem  
esse: sed contrā, continuationem contiguitatē esse necesse  
est. quippe cum non omne quod coaptatur, continuetur  
sed quod continuatur, aptatur. quod idem fit in cæteris.  
neque enim confusio omnis temperatio est, quoniam sicco-  
rum permixtio non est temperatio: nec mutatio loci om-  
nis, delatio. Ingressus enim delatio non uidetur esse, pro-  
pterea quod in his tantūmodō quæ ui, non sponte & uo-  
luntate sua locum mutant, dicitur. id quod in rebus inani-  
mis contingit. Ex quo intelligitur, speciem, quā genus,



in pluribus dici, in ijs quæ data sunt, cum contrà necesse sit fieri. Videndum etiam illud est, an sub formarum aliqua differentiam collocarit: ueluti, si immortale idem esse quod Deum dixerit. Ex eo enim consequens erit, id quod inferius est specie in paribus, aut pluribus dici specie semper enim in paribus rebus, aut in pluribus, quàm species, differentia dicitur. Etiam illud, an genus sub differentia quasi speciem reposuerit: ut colorem sub eo quod uim habet ad aspectum oculorum comparandum, uel numerum sub impari. Itemque illud, an genus dixerit differentiam. Fieri enim potest, ut aliquis hoc propositum afferat, & inducat, temperationis differentiam esse confusionem, aut delationis, loci immutationem. Atque hæc omnia ex iisdem locis, quoniam inter eos communio est & societas quædam, intelligenda sunt. nam et genus in pluribus dici debet quàm differentia, & differentia non esse particeps. quod si ita, ut in superioribus exemplis, genus detur, neutrum eorum quæ exposuimus accidere potest. Sic enim & in paucioribus dicitur genus, & participabit differentia. Præterea illud intelligendum est, si differentia nulla earum quæ generi subiectæ sunt, de specie quæ data sit, dicatur, ne genus quidem dictum iri. nam quoniã de animo nec impar, nec par dicitur, eo fit, ut ne numerus quidem. Iam uerò si species sit prior naturæ ordine, & genus unã secum tollat & euerstat, nam id contrà fieri debet: quod idem fit, si species genus expressum & propositum, aut differentiam, potest relinquere: ut animus motum, aut opinio uerum et falsum. neque enim alterum eorum genus potest esse, aut differentia: quoniam quandiu species est, eam & genus & differentia sequuntur.

LIBER IIII.  
CAPVT III.

459

Atq; etiam illud uidendum est, an id ipsum quod possum est genus esse alicuius, particeps sit definitionis contrarij generis, aut esse possit. sic enim eadē res simul contrariorum poterit esse particeps, propterea quod species nunquam genus prætermittit: & contrarij est, aut potest esse particeps. Illud etiā, an cum specie aliquid communicetur, quod ijs quæ subiecta generi sunt, conuenire non possit, omnino: ut si animus uitæ est particeps, nec ullus numerus possit uiuere, certè animus esse numeri species nullo modo potest. Illud etiam uidendum est, an species multis uarijsq; modis cum genere collata dicatur. In quo ex locis eorū quæ multis modis dicuntur, quos exposuimus, argumēta nobis suppetēt. Sūt enim genus & species synonyma. Cumq; omniū generū multæ sint formæ ac species, considerandum est, an possit alia species esse illius generis quod datū est. nā si non sit alia species, profecto id quod propositum est, in numero generū non est habendum omnino. Illud etiam, an quod per translationē dicitur, pro genere sit positiū. ueluti si quis temperantiam, concordiam concentūq; dixerit. Nam cum genera omnia propriè de formis dicantur, concentus de temperantia non propriè, sed per translationē dicitur. quando quidem concentus omnis in sonis cernitur. Iam uerò an aliquid speciei contrarium sit, uidendum est. qui sanè locus multis modis tractari potest. Primum, si in eodem genere etiam contraria reperiuntur, cum interim nihil sit generi contrarium. In eodem enim genere contraria inesse debent, si nihil generi sit contrarium. Quod si quid contrarium sit generi, an contrarium in contrarij sit,

fit, uidendum est. Contrarium enim, si quidem sit generi aliquid contrarium, in contrario necesse est esse, quæ omnia ex inductione intelligi licet. Præterea illud etiā, an in nullo omnino genere id insit quod speciei contrarium est, sed genus ipsum sit, quale est bonum. Nam si illud in genere non reperiatur, nec contrarium quidem eius in genere reperiatur, sed ipsum in generum numero habebitur. Quod in bono maloq; cōtingit: quorum neutrum ad genus refertur ullum, sed utrunq; eorum genus est. Illud etiam, an contrarium et genus sit alicui, & species: & quibus aliquid est interiectum, & quibus nihil est. Nam si quid interiectum sit generibus, etiam formis est: & si formis, etiam generibus uicissim. Quod in uirtute & uitio, iusticia & iniusticia perspicitur licet: quorum utrisq; aliquid interiectum est. Huic loco occurritur, inter ualetudinem & morbum nihil medium esse, inter malum & bonum aliquid esse. Tum uidendum est, an inter species & genera aliquid interiectū sit, nec eodem modo, sed ita ut inter alia negatio interiecta sit, inter alia res aliqua subiecta: siquidem eodem modo utrisque probabile est data esse. Id quod uidere licet in uirtute & in uitio, & in iusticia & iniusticia, quibus aliqua interiecta est negatio. Porro quando non erit generi contrarium, non solum illud uidendum est, an contrarium in eodem genere reperiatur, sed etiam illud quod medium est. quandoquidem in quo extrema, etiam medium collocatur, quod in candore & nigrore contingit. Nam et eorum & colorū omnium qui medij sunt & interiecti, color genus est. Cui tamen loco occurritur. Parum enim & nimium cum in eodem genere reperiantur (sunt enim

nim in malis) tamen mediocritas quæ ips interiecta est,  
 non in malis est, sed in bonis. Illud etiam, an genus ali-  
 cui, species nulli sit contraria. Nam si genus alicui con-  
 trarium est, etiam forma est: ueluti uirtus & uitium, ius-  
 titia & iniustitia. Quod idem in cæteris omnibus per-  
 spici licet. Hoc tamen loco nobis occurritur. ualētudo e-  
 nim uniuersa, morbo contraria est: certus autem mor-  
 bus cum morbi sit species, nulli contrarium est. ut febris,  
 ut oculorum dolor, & singuli alij. Ac ei quidem qui re-  
 fellendi partes tuebitur, tot modis hæc uidēda sunt. quo-  
 niam si ea ipsa quæ exposuimus minus reperiuntur, cer-  
 tē quod datum est & propositum, non est genus. Ei au-  
 tem qui confirmabit, tribus ex locis ad disputandum sup-  
 petet copia. Primus est, si quod contrarium est speciei, id  
 in eo genere situm sit quod positum est, cum interim con-  
 trarium generis minimē reperiatur. Si enim cōtrarium  
 ad aliquod genus pertineat, profectō propositum etiam  
 ad illud genus pertinebit. Alter locus est, si id quod in-  
 teriectum est & medium, ad genus propositum refera-  
 tur. ad quod enim genus media, etiam extrema referun-  
 tur. Tertio loco, si quid contrarium est generi, an etiam  
 contrarium sit in contrario, uidendum est. si enim sit,  
 profectō propositum etiam genus sit in proposito ne-  
 cesse est.

## CAPVT IIII.

At uerō & ei qui infirmabit, & ei qui confirmabit,  
 à casibus & coniugatis uidendum erit, an eodem modo  
 sint consequentia quæ proponuntur. Nam si semel in u-  
 no, etiam in omnibus intelligetur, aut non intelligetur:  
 ueluti si iustitia scientia quedam est, etiam id quod iuste  
 fit,

fit, scienter fiat, et iustus sciens sit necesse est. Quod si nihil eorum sit, ne aliorum quidē esse aliquid potest. A simili hoc modo: Quod iucundum est, eandem habet rationem ad uoluptatem, quam id quod utile est ad bonum: siquidem utrunq; utriusq; efficiens est. ita fit, ut si uoluptas sit in bonis, etiam id quod iucundum est, sit in ijs quae utilia sunt. Perspicuum est enim boni esse efficiens, quandoquidem uoluptas est in bonis. Hoc etiam modo locus ab origine et ortu interitusq; ducitur. ut si aedificare sit agere, aedificasse etiam erit egisse. et si discere est recordari, certe didicisse recordatū esse erit. et si dissolui, interire est: profectō et dissolutum esse, interisse erit, et dissolutio aut diremptio, interitus. Eadem est ratio eorum quae uim habent ad gignendum et interimendum. Itemq; uis et usus, omninoq; in quauis similitudine, et is qui refellet argumentationem, et qui confirmabit, eodem modo perspicere debet, quomodo in loco ab ortu et interitu exposuimus. Si enim id quod uim habet ad interimendum, uim etiam habet ad dirimendum, etiam interire erit dirimi et si id quod uim habet ad gignendum, pertineat ad efficiendum, certē et gigni idem quod fieri erit, et ortus idem quod effectio. quod de ui et usu eodem modo iudicandum est. Nam si uis affectio sit, etiam posse affici erit; et si alicuius rei usus et functio actio sit, profectō et fungi idem quod agere, et functū esse idem quod egisse ualebit. Quod si priuatio erit id quod speciei contrarium est, dupliciter licebit refellere. Primō quidem, si in genere quod propositum est, id contrarium reperiatur. Aut enim in nullo omnino genere eodem, aut certē nō in extremo priuatio est: ueluti si aspectus in extremo genere sensu



sensu in sit, certè sensus cæcitas esse non potest. Deinde si  
 & generi & speciei contraria sit priuatio, neq; sit con-  
 trarium in contrario, ne id quidem genus quod propo-  
 situm est, in proposito intelligetur. Atq; is quidem qui re-  
 fellit, argumenta sumet, quemadmodum exposui: qui au-  
 tem confirmabit, unum tantummodo depromei: hoc mo-  
 do: Si cōtrarium in contrario, etiam propositū genus in  
 proposito reperiatur necesse est: ut si cæcitas, quæ dū sen-  
 sus uacuitas sit: etiam aspectus sensus sit necesse est. Ab  
 aientibus autem et negantibus cōmutato ordine, quemo-  
 admodum in accidentibus exposuimus, argumenta dis-  
 cenda sunt, hoc modo: Si quod iucundum est, bonum est  
 quod est non bonum, id non iucundum est. Si enim non ita  
 sit, erit aliquid iucundū, quod non est bonū. Fieri autem  
 nō potest, ut si bonum genus sit eius quod iucundum est, sit  
 aliquid non bonum iucundū: præsertim cum in quib; ge-  
 nus non dicitur, ne ullā quidē species in ijs dici queat. Hoc  
 quidē modo ei qui confirmabit ducendum argumentum  
 est: Si quod non bonum est, id non iucundum est, quod iu-  
 cundū est, in bonis est: ita genus est bonū eius quod iucun-  
 dum est. Quod si in ijs sit species, quæ cum aliquo cōse-  
 runtur, an etiam genus in ijs sit, uidēdum est. Si enim spe-  
 cies in eorū habeatur numero, quæ cum aliquo cōferun-  
 tur, etiam genus habeatur necesse est. quod in duplo &  
 multiplo cernere licet: quorum utrūq; in ijs est, quæ cum  
 aliquo cōferuntur. At uerò non si genus ad ea pertineat,  
 speciei etiam pertinere necesse est. Nā et scientia in ijs est,  
 & grāmatica non item. An ne id quidem quod suprà di-  
 ximus, uerū uideri potest? nā cū uirtus in bonis sit, & in  
 rebus honestis, uirtusq; in ijs quæ cū aliquo cōferuntur,  
 tamen

tamen nec bonum nec honestum in ijs quæ cum aliquo conferuntur, sed in qualibus. Præterea uidendum est, an species non ad idem referatur per se, et generis rationem ut si duplum simpli dicitur duplum, etiã quod multipulum est ad simplum referri debet: sin minus, certè multipulum esse genus dupli nullo modo potest. Itemq; illud, an minime ad idem referatur, & generis, & omnium generum superiorum ratione. si enim duplum sit simpli multipulum, erit etiam duplum exuperans simpli, omninoq; omnium generum quæ supra sunt, ratione ad simplum referetur. Quamquam huic loco occurritur: propterea quod non necesse sit, ipsum per se & generis nomine cum eadem re conferri. Nam cum scientia ad rem quæ scientia comprehenditur, referatur, tamen habitus & affectio non ad rem quæ sub scientiam cadit, sed ad animum pertinet ac refertur. Illud etiam, an genus & species iisdem casibus explicentur: ut an alicui tribuatur, an uerò alicuius sit, aut aliõne modo dicatur. Eadem enim est ratio speciei & generis. Id quod fit in duplo, ijsq; omnibus quæ supra sunt. Alicuius enim rei & duplum & multipulum, duplum multipulumq; dicitur: quod eodem modo de scientia iudicandum est. Alicuius enim scientia, & ipsa scientia, & genera, ut affectio, ut habitus esse dicuntur. Occurritur tamen interdum, non ita rem habere, propterea quod differens & contrarium alicui contrario dicitur: cum interim diuersum quod illorum genus est, non alicui diuersum, sed ab aliquo dicitur. Diuersum enim quid ab aliquo nominatur. Rursum illud uidendum est, an ea quæ cum aliquo conferuntur, iisdem casibus explicentur, minimeq; reciprocentur eodem modo: ut fit in duplo

duplo & multiplo, quorum utrumq; alicuius & ipsum, & cum uicissim reciprocatur, dicitur. nam & simplum & subduplum, alicuius rei simplum, & submultipulum appellatur: quod idem in scientia & opinione contingit, quæ alicuius esse dicuntur. Itemq; reciprocantur. Nam quod sub opinionem cadit & scientiam, eodem modo in ablatiuo, cum scientia & opinione reciprocatur: ex quo fit, ut si in aliquo non uicissim respondeat alterum alteri, non sit futurum genus. Illud etiam uidendum est, an in hoc ipso genere quod tractamus, genus & species paribus casibus explicentur, quoniam iisdem paribusq; casibus utrumq; dici debet: quod fit in dono & largitione. nam & donum, alicuius donum, & alicui dono datum esse dicitur: & largitio, alicuius largitio, & alicui facta largitio dicitur: quorum largitio genus doni est. est enim donum, largitio quæ reddi non debet. Quamquam nonnulla sunt in hoc genere, quæ paribus casibus non efferrantur. Duplum enim alicuius duplum est. quod autem uincit, & maius est, & aliqua re maius est, & aliqua magnitudine maius est. Quicquid enim præstat, id excellentia aliqua præstat, & alicui rei præstat. Ita non sunt genera dupli, quæ propofita sunt: quandoquidem paribus casibus ea & species non exprimuntur: aut certe non omnino uerum est, speciem & genus paribus casibus efferrari. Atq; etiam illud uidendum est, ut contrarij contrarium genus sit, ut dupli multipulum, & simpli submultipulum: contrarium enim contrario genus esse debet. Quod si quis scientiam ponat esse sensum, id etiam quod sub scientiam cadit, sub sensum cadere oportebit. non ita est. neq; enim omne quod scientia comprehenditur, mouet sensum:

cum præsertim quædam eorum quæ intelligentia & rati-  
 one continentur, subiecta sint scientiæ. ita nõ est genus  
 eius quod scientia cõprehenditur, id quod sub sensum ca-  
 dit: quod si ita nõ est, ne sensus quidem sciẽtiæ genus est.  
 Quoniã autem eorum quæ cum aliquo cõferuntur, par-  
 tim necesse est, in ijs sita esse quibuscum conferuntur, ut  
 affectio, ut habitus, ut apta cõpositio membrorum, quæ  
 in nullo alio possunt inesse, quam in ijs ad quæ referun-  
 tur: partim nõ est necesse in ijs sita esse ad quæ pertinet:  
 potest tamen, ut ita sit, euenire: (ut, si animus est qui sci-  
 entia contineatur, nihil prohibet animum sui continere  
 scientiam, & tamen non est necesse: cum præsertim fieri  
 possit, ut hæc ipsa in alio sita sit) partim nõ possunt in ijs  
 inesse omnino ad quæ referuntur, ut contrarium in cõtra-  
 rario esse non potest, neq; scientia in eo quod subiectum  
 est scientiæ, nisi cum animus aut homo ea sunt quæ sub  
 scientiã cadunt: illud uidendum est, an aliquis ad aliquod  
 genus eiusmodi quippiam retulerit, quod non est eius ge-  
 neris: ut si quis memoriã, retentionem scientiæ dixerit.  
 Omnis enim retentio in eo sita est quod retinet: Ita fit,  
 ut scientiæ retentio in scientia sita sit: memoria igitur in  
 scientia sita erit, quandoquidẽ scientiæ retentio est. quod  
 fieri non potest. Omnis enim memoria in animo sita est.  
 Hic autem locus ad accidẽs referri potest: nihil enim in-  
 terest, utrum memoriæ genus sedem & retentionem di-  
 camus, an ei hoc accidisse: quoniã si quouis modo memo-  
 ria retentio sit scientiæ, eadẽ ei attribuetur ratio:

## CAPVT V.

Illud etiam intelligendum est, si quis habitum pro ac-  
 tione dixerit, aut actionẽ pro habitu, eorum neutrum  
 esse

esse genus: ut si quis sensum, motum corporis dixerit. est enim sensus habitus, motus autem actio. Quod idem fiet, si memoriam habitum continendæ opinionis appellauerit. nulla enim memoria habitus est, sed potius actio. Errant etiam ij, qui habitum statuunt esse uim quæ consequens est ex habitu: ut clementiam, iræ cōtinentiam: & fortitudinem atq; iusticiam, metus lucriq; continentiam. Nam & fortis clemensq; uacuis à perturbatione dicitur: & continens, is qui est in perturbatione, neq; ab ea uincitur. Ac uis quidem ex utroq; talis fortasse consequitur, ut si sit in perturbatione, nō ab ea uincatur, sed eam uincat. sed tamen fortem aut clemētem esse, non est hoc se modo continere, sed nihil omnino ab ijs perturbationibus agitari. Interdum etiam, quod ex re qualibet consequens est, id pro genere dicunt: ut dolorem, iræ genus: & fidei, opinionem. utrunq; enim eorum cum ex formis propositis quodam modo consequatur, neutrum tamen in numerum generum uenit. qui enim irascitur, dolet ille quidem, sed ita ut dolorem antè esse quam iram intelligamus: quandoquidem non ira doloris, sed dolor iræ causa est: ex quo efficitur, ut ira non sit dolor omnino. Ex quibus etiam intelligi potest, fidem non esse in opinione. Fieri enim potest, ut is etiam qui non fidem habeat, eandem habeat opinionem. quod fieri non posset, si quidem fides esset opinionis species. Non enim fieri potest, ut idem etiam permaneat aliquid, si ex specie omnino aut genere in genus transferatur: quemadmodum fieri non potest, ut aliquid sit idem animal, & aliàs homo sit, aliàs non sit. Quod si quis contendat, necesse esse eum qui opinetur etiam credere: idem paria esse &



neque patere opinionem ac fidem fatebitur. Ita non erit genus, quoniam genus ad plura debet pertinere. Illud etiam uidendum est, an in aliquo eodem utrunque inesse possit. In quo enim genus inest, etiam species. ut in quo canis existit, etiam color: & in quo grammatica, etiam scientia solet existere. Si quis igitur uerecundiam metum esse dicat, aut iram dolorem, non efficietur ut in eodem genus speciesque intelligantur. Est enim uerecundia in ea parte animi sita, quæ rationis est particeps: metus autem in ea, in qua irarum existit ardor: & dolor in ea, in qua cupiditates uersantur, quoniam in ea etiam uoluptatis est sedes: ira uero, in qua ira uersatur. Ex quo efficietur, non esse genera ea quæ proposita sunt, quandoquidem non in eo ipso insunt in quo species & formæ. Itemque si amicitia in ea sit parte in qua uoluptates habitant, non erit uoluntas aliqua, præsertim cum uoluntas omnis in ea parte sita sit quæ rationis est particeps. Valet etiam hic locus ad subiecta & accidentia. in quo enim accidens situm est, etiam id cui conuenit situm est. ita fit, ut si in eodem non existant, non sit accidens. Illud etiam, an quædam ex parte cum specie genus quod datum est communicetur. Non enim quadam ex parte genus communicatur, quippe cum homo non sit quadam ex parte animal, nec grammatica aliqua ex parte scientia. quod idem in cæteris contingit. Illud ergo considerandum est, an quædam cum genere quadam ex parte communicetur: ueluti si animal cadere sub sensum, aut aspectabile quoddam esse dictum est. animal enim & sub sensum, & sub aspectum quadam ex parte cadit: quandoquidem corpore sensum & aspectum mouet, animo autem non mouet. ex quo

quo sequitur, non esse genera animalis aspectabile, & quod sensum mouet. Falluntq; nos interdum ij qui totum ad partem transferunt, ueluti animal ad corpus animatum. atqui pars in toto nullo modo dicitur: non est igitur corpus genus animalis, quandoquidem pars eius est. Atq; illud etiam spectandum est, num quid eorum quæ uituperanda & fugienda sunt, ad uim, aut ad id quod aliquid potest, relatum sit: ut si sophistam eum statuerit aliquis, qui potest parare pecunias sapientia, quæ in eo uidetur existere: aut calumniatorem, eum qui potest calumniari, & ex amicis inimicos facere: aut furem, eum quæ potest clam aliena furari. nemo enim eorum quos exposuimus, eiusmodi appellatur, ex eo quod possit aliquid eorum efficere. Quandoquidem & Deus potest, & uir bonus, quæ mala sunt efficere, cum interim non sint eius modi. Omnes enim improbi ex animo & uoluntate nominantur. Præterea omnis uis et facultas in numero expetendorum habentur. etenim malorum uis expetenda est. Itaq; deum & uiros bonos ipsi præditos esse dicimus: eos enim fatemur res malas & flagitiosas agere posse. Ita fit, ut uis nullius rei, quæ quidem uituperanda sit, genus possit esse. Sin secus, certè efficitur, ut aliquid eorum quæ uituperanda sunt, sit expetendū. Sic enim uis aliqua uituperanda erit. Itemq; illud uidendum est, an aliquid eorū quæ propter se & per se honorabilia sunt, aut expetenda, ad uim & facultatem, aut ad id quod potest aliquid, aut quod efficiens est, relatum sit. uis enim omnis, & quicquid aliquid potest, aut efficiens est, id omne propter aliud expetendum est. aut, an aliquid eorum quæ duplex habent genus, aut plura, ad alterū retulerit.

Sunt enim quedam, quæ ad unum genus referri non possunt: quo in genere sunt impostor, & calumniator. neque enim is calumniator aut impostor habendus est, qui uult, nec potest: neque is qui potest, neque uult: sed is demum, in quo utrumque horum inest. ex quo efficitur, ea quæ posita sunt, non in uno genere, sed in utroque esse collocanda. iam uero contra interdum genus pro differentia, & differentiam pro genere dicunt. ut stuporem, magnitudinem admirationis: & fidem, stabilitatem opinionis. neque enim magnitudo, neque firmitas & stabilitas, generis, sed differentie nomine appellari debent. quoniam & stupor admiratio est nimia, & fides firma opinio. ex quo perspicuum est, & admiratione genus esse, & opinionem: magnitudinem uero nimiam, & firmitatem, esse differentiam. Præterea si quis exuperantiam & firmitatem pro genere explicauerit, efficietur ut res inanimæ & fidem habeant & consternentur. Nam quoniam inest uni cuiusque rei firmitas, & magnitudo, aut exuperantia in eo cuius est firmitas & exuperantia: certe si stupor exuperantia est admirationis, stupor inerit in admiratione: ita obstupescet admiratio, itaque fides erit in opinione: si quidem firmitas opinionis est. ex quo efficitur, opinione credere. Cōsequens etiā erit, ut is qui isto pacto de genere sentiet, firmitate firmam exuperantiamque nimiam esse fateatur: quando quidem fides aliqua firma est. Si igitur fides firmitas sit, certe firmitas firma futura est. Itemque quoniam stupor aliquis nimius est, si stupor exuperantia sit, erit nimia exuperantia. quorum neutrum uerum est, quemadmodum nec scientia, id est quod sub scientiam cauit, neque motus id quod mouetur. Errant etiam interea dum

dum ij, qui affectionem eius faciunt speciem cuius est affectio, quales sunt ij qui immortalitatem uitam sempiternam esse definiunt. est enim affectio quædam, aut certe comes uitæ immortalitas. quod uerum esse fiet perspicuum, si quis ex mortali immortalem effici concesserit. Nemo enim cum hominem aliam uitam degere, sed aliquid ei conuenire, aut affectionem accidere fatebitur. Ita fit, ut immortalitatis uita non sit genus. Quo etiam in errore uersantur ij qui affectionem eius rei cuius est affectio, genus esse ponunt: ut uentum esse aerem motum & agitatam. Est enim potius uentus, aeris impulsio: quando quidem idem aer & cum agitur, & cum stat, permanet. ex quo efficitur, uentum non esse omnino aerem. Effet enim uentus, etiam si aer non impelleretur: si quidem idem aer qui uentus erat, permanet. Similis est ratio cæterorum eius generis. Quod si etiã in hac re uentum esse aerem impulsam & agitatam cõcedere debeamus, at certe non omni ex parte id approbandum est: non ijs quidem in rebus, in quibus hoc tale genus non uere dicitur: sed in ijs, in quibus uere intelligitur genus id quod propositum est. Sunt enim quædam in quibus non uere dicitur: ex quo genere sunt nix & cœnum. Aiuunt enim niuem esse aquam congelatam atq; concretam: cœnum uerò terram humore temperatam: at qui neq; cœnum terra est, neq; nix aqua. Neutrum igitur genus esse eorum quæ proposita sunt, ullo modo potest: quippe cum semper genus de formis uere dici debeat. Item, ne uinum quidem aqua est putris, ut ait Empedocles: Aqua putruit in ligno. Iam uerò si omnino nullus sit genus id quod datum est, perspicuum est, ne eius quidem quod possumus

c6

est esse. quod hinc intelligi potest, quia nihil specie differunt ea omnia, quibus cum genus id quod datum est communicatur. Cuius generis sunt alba, quæ specie inter se non differunt. Species autem omnis generis differunt. Non igitur id quod album est, ullius genus esse potest. Illud etiam uidendum est, id ne pro genere aut differentia dixerit, quod ex rebus omnibus consequens est. Sunt enim multa, quæ res omnes consequuntur: ueluti id quod est, & unum in ijs sunt quæ rem omnem sequuntur. Itaque si id quod est genus esse posuerit, certè omnium rerum genus futurum est, quandoquidem in ijs dicitur: genus autem de nullo, nisi de formis dicitur. Ita unū eius quod est, species esset, ex quo efficeretur, in ijs omnibus in quibus genus, etiam speciem dici. quandoquidē & id quod est, & unum de rebus omnibus dicitur, cum species pauciora quàm genus continere debeat. Quod si id quod omnibus ex rebus sequatur differentiam appellauerit, profectò paria aut plura, quàm genus, differentia continebit. Nam si genus etiam in ijs est quæ consequentia sunt ex omnibus, ex æquo: sin minus ex omnibus genus sequatur, plura eo contineat differentia necesse est. Iam si in subiecta specie genus id quod datum est, ut id quod album est in niue inest, perspicuum est id non esse genus. solum enim genus de subiecta specie dicitur. Atque illud etiam uidendum est, an genus & species sint synonyma. Genus enim de formis omnibus nominis definitionisque communis societate dicitur. Qui etiam error nascetur, quando generi & speciei aliquid erit contrarium, meliusque contrariorum ad genus deterius referetur. ita enim fiet, ut id quod reliquum est, inest in alio. sunt enim in contrarijs

gene-



generibus contraria. Fit igitur ex his, ut id quod melius est, sit in deteriore. atqui optima cuiusq; rei, etiam genus optimum est. Illud etiam uidendum est, idem ne aliquid quod ad utrunq; eodem modo affectum sit, ad deterius genus, non ad præstantius retulerit: ut si animum motum, uel id quod mouetur, dixerit. Nam quoniam idem animus æque uim habet standi ac mouendi, profecto si status melior est, in eo genere animus statuendus erat. Iam ex maiore & minore elicere argumenta licet ei qui refecit, si genus accessionem capiat, & species non capiat, nec ipsa, neq; quod ab ea deductum est, hoc modor: Si uirtus elationem habeat, etiam iusticia & iustus habebunt. alius enim alio iustior dicitur. nã si genus quod datum est, accessione accipiat, speciesq; non accipiat, neq; ipsa, neq; id quod ab ea natum sit, id quod datum est, esse genus nullo modo potest. Præterea si id quod magis aut æque uidetur genus, non est genus: certe ne id quidem quod datum est. Atq; huius loci in ijs plurimus usus est, in quib. multa de specie in quæstione dicuntur, qua quid res sit quæritur, nec certũ genus traditum est, neq; quod eorum genus sit possumus explicare. ut de ira, & dolor, & opinio contemptus in naturæ quæstione dicuntur: præsertim cum is qui irascitur, angatur, seq; contemni putet. Quæ eadem tractatio in specie per locum comparationis suppetit, hoc modo: Si quæ species magis aut æque in esse uidetur in genere quod datum est, non inest in genere, ne ea quidẽ quæ data est, in genere erit omnino. Atq; is quidem qui infirmabit, quemadmodum exposui, hunc tractabit locum: qui autem confirmandi partes tenebit, ei hic locus nihil ad argumentandum suppediabit, quo-

ties genus quod datum est, & species recipient accessio-  
nem. nihil enim prohibet, si utrunq; recipiat, alterum al-  
teri non esse genus. Nam & id quod album est, quodq;  
honestum, accessionem capit, nec alterū alteri genus est.  
Sed generum ac formarū inter se comparatio magnā ei  
suppeditabit argumentorū copiam, hoc modo: Si eadem  
est huius & illius generis ratio, & alterum genus est, eo-  
tiam alterum erit. Itemq; ex minore et maiore idem effi-  
ci potest, hoc modo: Si cōtinentiā uis magis quā uirtus  
genus est, uirtus autē genus est, uis etiā erit. Quod de spe-  
cie eodem modo iudicādum est. Si enim æque hoc atq; ibi  
lud eius de quo agitur species est, et alterū est species, etiā  
reliquum. Et si quod minus uidetur, species est, etiā quod  
magis uidetur. Illud etiam in confirmatione uidendū est,  
an genus de ijs quibus datū est et tributū, in naturā quæ-  
stione dicatur, nec una sit species eius quod genus esse po-  
situm est, sed & plures & differentes. sic enim genus e-  
rit. Quod si una sit species ea quæ data est, uidendum est,  
an etiam de alijs formis genus dicatur in quæstione na-  
turæ. ex quo iterū efficietur, & de pluribus ipsum ac dif-  
ferentibus dici, & genus approbari. quoniā autem qui-  
busdam placet, differentiam in quæstione naturæ dici de  
formis, secernendum est genus à differentia, ijs locis quos  
exposuimus. quorum primus est, Genus plura quā dif-  
ferentiam continere: alter, Genus in respondendo quid  
quicq; sit aptius dici posse, quā differentiam. Qui enim  
hominē animal esse dixerit, planius facit quid sit homo,  
quā si gradienst dicat. tertius est, Differentiam generis  
qualitatem declarare semper, genus differentiæ qualita-  
tem non itē. nam & qui gradienst dixerit, quale quid ani-  
mal

mal exprimit: et qui animal dicit. nō quale quid graidēs  
 explicat. Ac differentia quidem à genere hoc pacto sepā  
 rāda est. Quoniam aut uidetur musicus, quia musicus sit,  
 sciens esse, etiam musica scientia quādā est. quoniamq; si  
 quod ingreditur, ob eam causam quia ingreditur & am  
 bulat, mouetur, ingressus etiam quādā est motio. In quo  
 autē genere aliquid confirmare et efficere uelimus, quē  
 admodū dixi, diligenter uidendū est, hoc modo: Si scien  
 tiā esse fidem confirmandū est, si is qui scientia prāditus  
 est, quia sciat, credit, profectō sciētia fides sit necesse est.  
 Eademq; ratione in alijs omnibus facere licebit. Postre  
 mō quoniam quod alicui consequens est semper, nec uia  
 cissim retrō comēat, id difficile est improbāre non esse  
 genus, si hoc ex illo omni ex parte sequatur: illud uerō ex  
 hoc non omnino (ueluti ex tranquillitate quies sequitur,  
 & ex numero id quod secari potest, contraq; non sequi  
 tur: quandoquidem non quicquid diuidi potest numerus  
 est, nec quies tranquillitas omnis) eo quidem utendum est  
 pro genere quod semper sequitur, tum cum alterum non  
 reciprocatur. quod si ab altero id proponatur, non in o  
 mnibus, neq; omni ex parte probandū est. ei autem hoc  
 loco sic occurrendum est: id quod non est, ex rebus omni  
 bus quæ gignuntur consequens est, cum præsertim quod  
 gignitur non sit. neq; retrō id comēat uicissim. Non e  
 nim omne quod non est, generatur. attamen non est ge  
 nus, id quod non est, eius rei quæ gignitur: quandoquidē  
 eius quod non est, nullæ sunt species omnino. Ac in gene  
 re quidem probando uel improbando, eam uiam ac  
 rationem quam præscripsi, sequi ac te  
 nere debemus.

**V**trum autem propriū sit, necne, id quod proposi-  
tum est, ex ijs locis quos deinceps exponemus, in-  
telligetur. Explicatur quidem proprium aut per  
se & ui sua, ac semper, aut alterius comparatione, & in-  
terdū, ueluti hominis propriū est per se ac ui sua, animal  
esse humanū natura: alterius autē cōparatione, ut animi  
ad corpus, quod animus imperare, corpus parēre debet.  
Proprium aut semper est, exempli causa, Dei, animal es-  
se immortale. Interdū propriū est, ut certi hominis deam  
bulare in gymnasio. Nascuntur aut ex eo quod collatum  
cum altero proprium explicatur, aut duæ aut quatuor  
quæstiones. nam si alicuius proprium esse ponat, alterius  
idē neget esse, duæ tantummodo quæstiones oriuntur. ut  
hominis cum equo collati propriū est bipedem esse: nam  
hominem non esse bipedem aliquis possit cōcludere, &  
equum bipedē. & utroq; modo, propriū sic positum con-  
futabitur. Quod si utriq; suum proprium concedatur, ita  
ut etiam utrumq; ab utroq; negetur, quatuor quæstiones  
existent. ueluti hominis cum equo collati propriū est bi-  
pedē esse, & equi quadrupedē: nam et hominē non esse  
bipedē, & natura quadrupedē esse, argumento conclu-  
dere licet. itemq; equus bipes esse, & nō quadrupes, pro-  
bari potest. Ergo si quouis modo doceatur, quod propo-  
situm est refellitur. Propriū autem per se ac ui sua id est,  
quod omnibus tribuitur, & ab omni genere separat: ut  
hominis proprium est, mortale esse animal natum ad co-  
gnitionem

gnitionem & scientiam. Proprium uerò ad alterum est, quod non ab omnibus, sed à quodam certo distinguit & separat. ut uirtutis cū scientia collatæ propriū est, in plurimis animi partibus esse: sciētia, in ea solū quæ ratio nis est particeps, & in his solū animalibus quæ ratione utuntur, existere. Semper proprium est, quod per omne tempus uerè dicitur, nec unquam amittitur: ut animalis, ex animo & corpore constare. Aliquando id proprium est, quod ad aliquod tempus uerè dicitur, nec semper consequens est necessariò. ueluti cuiuspiam hominis, in foro deambulare. Fieri autē potest ut proprium proponamus ad aliud, & differentiam inter aliqua dicamus duobus modis. Vno modo, ut id quod proprium dicitur, omni & semper conueniat: altero, ut in maxima parte & plerumque insit. ueluti hominis cum equo collati bipedem esse ita proprium est, ut & in omnibus hominibus id & semper intelligatur: quando quidem omnes homines bipedes sunt per omne uitæ tempus, equus autem nullus unquam bipes est. Imperare autem parti ei animæ in qua uoluptates uersantur, & ei in qua irarum ardor existit, sic proprium est eius partis animi quæ rationis est particeps, ut ferè & maxima in parte intelligatur. huius enim imperare est, illarū parēres nec pars animi rationis particeps omni ex parte imperat, interdumq; contrā paret. neque pars ea in qua uoluptates habitāt, & in qua iræ, parent semper, sed interdū imperant, tum cum hominis animus uitiosus est & deprauatus. Sed ea plurimum ad differēdiū ualent propria, quæ per se sunt, et semper cōueniunt, & ea quæ cum aliquo cōferuntur. nam ex eo quod proprium est cum altero collatū, multæ, quemadmodū suprà dixi,



dixi, quæstiones nascuntur. aut enim duæ, aut quatuor in ille eliciuntur necessario. multa igitur argumenta ex eis ducuntur. Ex eo uero quod per se & perpetuo proprium est, multa argumenta licet ducere, aut ad plura tempora trahere. quod enim per se inest, ad multa pertinet: quandoquidem ei cui proprium est, exclusis separatimq; omnibus alijs, quod hoc modo proprium est, conuenire debet. Quæ obrem si ab omnibus non separet, certe non est commode attributum proprium. Quod autem semper proprium est, id in pluribus temporibus obseruari debet an conueniat. nam nisi conueniat, & conuenerit, & conueniet, non est futurum proprium. Quod uero interdum proprium est, non in alijs temporibus, nisi in instanti spectatur. Itaque paucae argumentationes ducuntur ex eo. quæstio autem ad differendum ualet ea, ex qua & crebra & firma argumenta trahuntur. Atq; ipsæ ex locis quos in accedente exposuimus, argumenta ad differendum de eo proprio quod ad alterum est, suppetent, si proprium aliquid conueniat, alicui non conueniat. Ad tractandum autem quod semper proprium est & per se, ij loci qui deinceps exponentur, magnam nobis ad argumentandum copiam suppediunt.

## CAPVT II.

Ac primum quidem uidendum est, an recte & apte, necne, explicatum sit proprium. esse autem recte aut minus recte explicatum, ex uno loco illo intelligemus, si rebus minimè notioribus, aut si rebus magis perspicuis expositum sit proprium. Ac is quidem qui refellit, non constare ex notioribus ostendet: is autem qui confirmabit, ex ijs ipsis quæ magis perspicua sunt, constare demonstrabit. Esse autem expositum uerbis minus perspicuis & no-

tis, cognoscimus. primum, si omnino obscurius & magis  
 inuolutum erit proprium quod datur, quam id cui attri-  
 buitur proprium. neque enim proprium apte & commo-  
 de propositum erit, quandoquidem cognoscendae & illu-  
 strandae rei gratia proprium inuentum est. nam & pro-  
 prium & definitiones discendi cognoscendique causa ad-  
 hibemus. uerbis igitur magis perspicuis illustranda sunt:  
 sic enim facilius intelligemus. ut qui posuit ignis proprium  
 esse, proximè ad animi similitudinem accedere: is certè  
 obscuriore usus est uerbo animi, quam ignis. quoniam fa-  
 cilius quid ignis sit, quam quid animus, cognoscimus: ita  
 non rectè minusque aptè propositum fuit proprium ignis,  
 ad animi similitudinem proximè accedere. Deinde, cum  
 minus planum sit ac perspicuum hoc illi conuenire: non  
 enim solum proprium re clarius & notius esse debet, ue-  
 rum etiam rei conuenire. qui enim nescit an huic rei pro-  
 prium conueniat, ne illud quidem, an huic rei soli conue-  
 niat, intelliget. ita fit, ut si alterutrum horum interueniat,  
 incertum & obscurum futurum sit proprium: ut quādo  
 aliquis ignis proprium esse ponit, in quo primum animi  
 sedes est, eo utitur quod obscurius est igne, animum in i-  
 gne, & in eo primum consistere. ex quo fit, proprium i-  
 gnis non esse aptè positum, id in quo primo animus inest  
 natura. In confirmatione autem, ut rebus magis perspi-  
 cuis, & ijs perspicuis magis, duob. modis quos modò ex-  
 posuimus, uidendum est. Sic enim apte & commodè hac  
 ex parte proprium explicabitur. quandoquidem loci ij  
 qui ad confirmandum aliquid rectè positum esse ualent,  
 alij ex hac tantum parte, alij omnino rectè expositum do-  
 cebunt. ueluti, si quis proprium animalium dicat habere  
 sensum,

sensum, is rebus magis perspicuis, & planius, utroq; genere proprium explicabit. Aptè igitur expositū est, hac ex parte animalis proprium esse sensum habere. Proximus locus est in refutatione, si quod uerbum eorum quibus proprium explicatur, pluribus modis dicatur, aut oratio ipsa multa declaret omnino. sic enim minus aptè possum erit proprium: ueluti, quoniam sentire plura significat, unum habere sensum, alterum uti sensu, certè animalis non erit aptè explicatum proprium, sentire natura: ob eamq; causam non est utendum uerbo aut oratione, quæ pluribus modis dicatur, qua proprium exponamus, propterea quòd ea quæ multis modis dicuntur, obscuram faciunt orationem: cum præsertim in dubium ueniat ei qui argumētaturus est, utrum tandē alter dicat ex ijs quæ multiplici uerbo cōtinentur. profectò enim cognitionis causa cōparatum est proprium. Iam uerò præterea necesse est eos reprehendi, qui isto pacto explicant proprium, quando aliquis in ea significatione, in qua id quod propositum est, uerum non sit, ratiocinationē conficiet de eo quod multis modis dicitur. In confirmatione huius loci usus est, si id quod proprium datur, nec multa significat, neq; ullum uerbum, neq; ipsa oratio: sic enim hac ex parte aptè proprium ponetur. ueluti quoniā nec corpus multa declarat, nec id quod celerrimè sursum fertur, neq; ea quæ ex his uerbis constat oratio, ob eam causam rectè ponetur ignis proprium esse, corpus quod maxima celeritate sursum mouetur. Sequitur locus in refutatione, si multis modis dicatur id cuius proprium explicetur, neq; exponatur cuius eorum ponatur esse propriū. neq; enim rectè proprium illud datū est. Quibus autem

de causis, ex ijs quæ suprà dixi intelligi potest. Eadem enim necesse erit cōcludere, hoc modo: Quoniam aliquid scire multa significat (nam et scientiam habere aliquid, & scientia uti aliquid, & scientiam esse eius, & scientia uti eius) ob eam causam nullum proprium rectè dari poterit illius scire aliquid, nisi cuius eorum proprium ponat, explicetur. In confirmatione autem eius usus erit, si multis modis non dicatur id cuius proprium ponitur, ut numq̃ sit & simplex. hac enim ex parte proprium aptè explicabitur: ut quoniam homo uno modo dicitur, homini rectè proprium tribuetur, animal cicur natura. Coniunctus huic locus in refutatione ualebit, si sæpe idem in proprio dictum erit. sæpe enim fallunt nos ij qui hoc faciunt, ut in definitionibus, sic in proprijs. quod si in proprio contingat, non erit rectè datū: quippe cum id quod sæpe dicitur & iteratur, auditorem conturbet. ex quo fit, ut & obscura sit oratio, & præterea delirent & nugentur qui eam inducunt. Duobus autem modis aliquid idem sæpe repetitur. Primum, cum eandem rem sæpe nominabit: ut si quis dicat, ignis proprium esse corpus leuissimum corporum: sic enim sæpe dixit corpus. Deinde si quis pro nominibus definitiones accipiat: ut si quis terræ proprium tribuat, substantia quæ naturaliter fertur celerrimè corporum deorsum. deinde utatur pro uerbo corporum illa oratione substantiarum talium, quoniam corpus idem ualet quod substantia talis, ex quo efficitur substantiæ nomen iterari: ut neutrum proprium rectè tributum esse uideatur. At uerò in confirmatione huius loci usus erit, si nullo uerbo eodem sæpe utare: hac enim ex parte aptè proprium statuetur. ut si quis proprium

H . hominis

hominis dixerit, animal ad cognitionem & scientiā natū-  
 tum, is nec sepe eodem uerbo uietur, & hac ex parte re-  
 ctē homini propriū statuet. Sequitur locus in refutatio-  
 ne, si tale aliquod uerbum in proprio expresse-  
 rit, quod conueniat rebus omnibus: inusitatum enim & minus a-  
 ptum erit uerbum quod à nullo separat. atqui ut in defi-  
 nitionibus, sic quod in proprijs exprimitur, debet seiuna-  
 gere: nō igitur rectē expositum erit proprium. ut si quis  
 proprium scientiā dicat, opinionem, quæ ratione dimo-  
 ueri non potest, cum sit una: quoniam in proprio expo-  
 nēdo aliquo eiusmodi usus est, unius scilicet nomine, quod  
 rebus omnibus conuenit, profectō scientiā proprium re-  
 ctē positum nullo modo uideri potest. In confirmatione  
 ualebit hic locus, si nullum uerbum cōmune adhibeatur;  
 sed eiusmodi quod à re aliqua separet. hac enim ex parte  
 præclare positum erit proprium: ut si quis animali pro-  
 prium tribuat habere animum, is quoniam nullo uerbo  
 communi usus est, habere animum rectē hac ex parte a-  
 nimalis proprium dedit. Proximus locus est in refutatio-  
 ne, si quis plura propria eidem statuatur, neq; se plura po-  
 nere explicet: tum enim haud rectē positū erit propriū.  
 ut enim in definitionibus nihil adhibendū est præter ora-  
 tionem, quæ rei uim & naturam explicet: sic ne in pro-  
 prijs quidem, præter orationem, quæ proprium id quod  
 datum est efficiat, quicquam exprimendum est. quando-  
 quidem inusitatū minusq; aptum est, quod præterea ad-  
 datur. id quod continget, si quis ignis propriū dixerit cor-  
 pus tenuissimum & celerrimum: utrunq; enim de solo  
 igne uerē dici potest. ex quo efficitur, ignis propriū, cor-  
 pus tenuissimum, & leuissimum, non esse rectē datum.

In con-



In confirmatione huius loci usus erit, si nō plura propria eiusdem, sed unum esse ponatur: hac enim ex parte proprium recte ponetur. ut si quis dicat humoris proprium, corpus quod in omnem formam flectitur, &c. quoniam unum expreßit proprium, non multa, eo recte usus est humoris proprio. Sequitur locus in refutatione, si uel eo utatur cuius proprium explicat, aut eorum aliquo quæ ei tribuuntur. nam quoniam cognitionis gratia inuentum est proprium, eo modo non recte ponit. Eadem quidem res semper æquè obscura est. quod autem alicui tributum est, id quoniam eo est posterius, non est magis perspicuum. ita fit, ut ex his nihil disci cognosciq; possit: ut, si quis proprium animalis ponat substantiam, cuius est species homo, is quia aliqua re usus est earum quæ animali tributæ sunt, profecto non commodè usus est proprio. In confirmatione autem ita demum proprium recte hac ex parte statuetur, si nec eo, neq; aliquo eorum quæ ei tributa sunt utamur. quod fiet, si proprium animalis ponamus, quod ex animo & corpore concretum est: sic enim neq; ipsum, neq; quicquam ipsius adhibebimus. ex quo efficietur, ut præclare hac in parte animalis proprium explicemus. Eademq; ratione ea spectanda sunt in alijs etiā rebus, quæ non faciunt, aut quæ faciunt aliquid planius. Iam uerò in refutatione uidentū est, an tale aliquid adhibitum sit, quod aut cōtrarium sit, aut omnino æquè antiquum naturæ ordine, aut posterius: neq; enim recte proprium ponetur. Nam contraria sunt ordine naturæ æquè antiqua, quod autem æquale est alicuius, naturæ ordine, & eo posterius, non facit ipsum planius, neq; declarat. ut si quis boni propriū dicat, malo maxime esse cono-

trarium, is boni contrarium adhibuit, ob eamq; causam proprium boni haud recte explicauit. In confirmatione autem huius loci usus erit, si nec contrario utemur, neq; ullo alio quod æquale sit ordine naturæ, uel posterius: sic enim recte hac in parte statuemus proprium. ut si quis scientiæ proprium ponat, opinionem quæ maxime fidem facit, is quia nihil adhibuit, nec quod scientiæ esset contrarium, nec quod omnino simul esset cum eâ, aut ea posterius naturæ ordine, eo recte proprium scientiæ hac ex parte statuit. Sequitur locus in refutatione, si quod non semper sequitur, propriū positum est, sed id quod interdum non proprium est. non enim præclare & cōmodè proprium erit explicatum. Neq; enim in eo nomē necessariò uerè dicitur, in quo inesse ipsum intelligimus: neq; in eo necesse est nomen nō dici, cui illud non intelligimus conuenire. ita non erit recte expressum propriū. Præterea non erit perspicuum, an conueniat id quod statutum est esse proprium, si tale sit, ut prætermitti separariq; possit. itaq; non erit perspicuum, neq; apertum proprium. ut si quis propriū animalis ponat, moueri interdum aut stare, is, quia tale statuit proprium, quod interdum non proprium efficitur, certe haud aptè propriū statuit. In confirmatione cōsiderabimus, an id proprium statutum sit, quod semper est in re necessariò. hac enim ex parte recte propriū ponetur: ut si quis uirtutis proprium dicat, eum in quo sit bonum efficere, is quia proprium statuit quod semper cōsequens est, ob eam causam recte uirtutis propriū hac ex parte constituit. Sequitur locus in reprehensione, si id quod hoc tempore proprium est statuatur, neq; se proprium huius tēporis dare exponat. neq; enim recte

recte statuet propriū. Primum enim, quod contra mores  
 & cōsuetudinem statuitur, id omne enodationis indiget.  
 Atqui solēt ferē omnes id proprium statuere, quod sempi-  
 ternum est. Deinde incertū est, is ne qui nō explicat men-  
 tem suam, uelut id ponere, quod hoc tempore sit propriū.  
 non igitur dare debet reprehensionis occasionem. quod  
 continget, si quis ponat alicuius hominis proprium esse  
 sedere unā cum aliquo homine, illudq; hoc tēpore pro-  
 prium esse non statuatur. neq; enim illud recte statuatur pro-  
 prium, nisi se dixisse hoc tēpore proprium esse explicet.  
 Atq; hic locus ad confirmandum ualebit, si explicemus,  
 cum aliquid proprium statuemus hoc tempore, nos pro-  
 prium hoc tempore ponere. sic enim recte propriū hac  
 in parte statuemus. exempli causa, si quis alicuius homi-  
 nis propriū dicat esse, aliquo in loco hoc uel illo tempore  
 deambulare, quoniam distinctione usus est, recte id pro-  
 prium esse posuit. Proximus in reprehensione locus erit,  
 si quis tale statuatur propriū, quod conuenire aliter, quam  
 sensu perspicere non licet. neq; enim tum positum propriū  
 erit: quandoquidē quicquid mouet sensum, si id extra sen-  
 sum sit, obscurum est. incertū enim est an iam cōueniat,  
 propterea quod sensu tantūmodo intelligatur. Quod ue-  
 rum esse in ijs quæ non necessariō semper consequuntur  
 perspicimus. ueluti si quis solis proprium esse dicat, æ-  
 strum splendidissimum quod supra terrā fertur, is adhi-  
 bet in proprio illud quod supra terrā fertur: quod qui-  
 dem quia sensu cognoscitur, non recte solis proprium sta-  
 tuit. incertum enim erit cum sol occiderit, an supra terrā  
 feratur, quod tum sensus oculorum nos deficit. At in con-  
 firmatione huius loci usus erit, si proprium statuamus  
 eiusmodi,

eiusmodi, quod sensu non sit perspicuum: aut certe quod si sensum mouet, perspicui potest necessariò cōuenire. hac enim ex parte rectè statutum erit propriū. ut si quis extremitatis proprium ponat, quod primum colore inficitur, is illo toto Colore inficitur, quod sensum mouet, ille quidem utitur, sed eiusmodi quod perspicuum est semper conuenire. ita hac ex parte rectè statutū est extremitatis proprium. Iam in reprehensione uidendum erit, an definitionem ut propriū posuerit. sic enim proprium non rectè ponetur, quandoquidē non debet proprium rei uim naturamq; explicare. Cuius exemplum erit, si quis hominis proprium dicat, animal gradens bipes: proprium enim hominis statuēt, quod quid res sit explicat. nō igitur rectè statuit hominis proprium. In cōfirmatione autem huius loci usus erit, si propriū eiusmodi statuamus quod uicissim dicatur, neq; rei uim naturamq; declaret. Erit enim hac ex parte rectè explicatum proprium. ut si quis hominis proprium ponat, animal cicur natura: propriū ille quidem statuēt quod uicissim dicitur, sed quod non quid res sit indicat. ita fiet, ut hac ex parte rectè statutū sit hominis proprium. Coniunctus huic locus est in reprehensione & refutatione, cum proprium datur, cuius nulla pars quid res sit explicet. Oportet enim ut in definitionibus, sic in proprijs, primum genus exprimi, deinde iam hoc pacto adiungi cetera quæ separant atq; seiungunt. Non igitur rectè proprium ponetur, quod non eo modo statuēt: ut si quis proprium animalis dicat, animal habere, non ponet in quæstione naturæ animalis: ex quo sequetur, animalis proprium nō rectè positum esse. In cōfirmatione autem considerandum est, an colloca-

tum sit aliquid, quod in quaestione naturæ dicatur de eo cuius proprium ponitur, & ita demum adiungatur cetera: hac enim ex parte recte proprium datum erit. ueluti si quis proprium hominis ponat, animal ad scientiam et cognitionem natum, is & proprium quod in quaestione naturæ aliqua ex parte positum est, dabit: & ea ex parte hominis proprium recte explicabit. Ac utrum recte, an minus recte proprium datum sit, & explicatum, ex his locis qui adhuc sunt exposti, intelligere debemus.

## CAPVT III.

Vtrum autem id proprium sit omnino quod explicatur, & datur, nec ne, ex his quos deinceps exponemus, licebit concludere. hisdem enim locis aliquid omni ex parte recte poni proprium concludemus, quibus proprium omnino statuitur. quorum primus erit in refutatione diligens eorum omnium animaduersione, & consideratio, quorum propria dabuntur. ueluti uidendum erit, an ea ex parte qua datur, non uere de singulis dicatur: an uero non sit proprium uniuscuiusque eorum, eius ratione cuius proprium explicetur: sic enim non erit proprium quod esse ponebatur. ut quia de geometra non uere dicitur, eum nulla ratione falli posse, (fallitur enim geometres in falsa descriptione) non est proprium futurum docti et artificis, non falli ratione. In confirmatione autem, an in omnibus uere dicatur, & hac ex parte qua sub illo toto genere continentur, uidendum est, quoniam proprium erit quod positum est esse proprium: ut quia animal ad cognitionem & disciplinam percipiendam natum, in omni homine uere dicitur, & quia homo sit, eo hominis proprium erit animal ad disciplinam percipiendam natum. Huius autem loci usus erit in refutatione,



tatione, quoties in quo nomen, non etiam oratio uerè dicetur: & cum in quo oratio, non etiam nomen intelligi licet. In confirmatione autem, cum in quo nomen, etiam oratio: & in quo oratio, nomen quoque intelligitur. Alter locus est refutationis, cum de quo oratio, non etiam nomen uerè dicitur: & cum de quo nomen, non etiam uerè dicitur oratio. tum enim quod positum est esse proprium, non erit proprium: quod ex hoc exemplo intelligi potest, animal enim ad disciplinam & scientiam percipiendam natum in Deo uerè intelligitur, homo non intelligitur. ex quo efficitur, non esse proprium hominis hoc totum, animal quod ad disciplinam cognitionemque percipiendam natum est. In confirmatione autem ualebit, quoties in quibus omnibus oratio, nomen etiam dicetur: & in quibus nomen, etiam oratio. quod enim proprium positum est non esse, proprium erit. Quod hinc intelligi potest, quia de quibus illud totum, habere animum, etiam animal uerè dicitur: et de quibus animal, etiam animatum. ita habere animum animalis proprium est. Refutationis tertius locus erit, si subiectum eius esse proprium statuatur, quod in subiecto esse dicatur. ut si quis proprium statuatur tenuissimæ rei ignem, quia rem subiectam proprium ei quod de illa dicitur tribuit, certè non rectè posuit ignem proprium esse rei tenuissimæ. Ob eamque causam subiectum non est futurum proprium eius, quod in subiecto esse dicitur. sic enim idem multorum, & quæ specie differunt, proprium esset: quandoquidem multa quædam quæ specie differunt, eidem conueniunt, quæ de eo solo dicuntur: quorum omnium subiectum proprium futurum est, si quis isto pacto statuatur proprium. Ad confirmandum autem ualebit, si id quod in sub-

iecto inest, subiecti proprium esse ponatur: quandoquidem proprium futurum est id quod positum est non esse proprium. siquidem in solo eo intelligitur, ut dixi, proprium, cuius proprium esse dicitur: ut si quis terræ proprium dicat, corpus grauißimū specie, is quia proprium subiecti dedit eiusmodi, quod & de sola re, & ut proprium dicitur, efficitur ut rectē positum sit terræ proprium. Sequitur locus proprius refutationis, si quis per communicationem proprium tribuat: nō enim erit proprium, quod positum est esse proprium: quippe cum id quod communione quadam cōuenit, ad uim naturamq; rei explicandam pertineat. Erit autem hoc modo positū proprium differentia quædam, quæ de specie aliqua dicetur. ut si quis proprium hominis dicat hoc totum, gradus bipes, per communionem quandā proprium explicabit: ex quo fiet, ut non sit proprium hominis gradus bipes. Hoc loco uidebit is qui confirmādi partes obtinebit, ne per cōmunionem proprium explicet, neq; uim naturamq; rei declaret: ita tamen ut uicissim de re dicatur. Quod enim positū est non esse proprium, id proprium futurum est. ut si quis animalis propriū ponat hoc totum, quod uim habet sentiendi, is nec proprium communione explicabit, neq; tale quod uim naturamq; rei declaret, et tamē eiusmodi quod uicissim de re dicatur. Ita proprium erit animalis hoc totum quod uim habet sentiendi. Proximus locus refutationis erit, si doceatur propriū non posse unā cum re cuius proprium ponitur coherere: sed uel posterius, uel prius quam ipsum nomen rei conuenire. Sic enim aut nunquam, aut certē non semper proprium est futurū, id quod positum est esse proprium. Ut quia alicui

prius conuenit esse hominem, posterius autem ambulare  
 per forum, certe uolitare in foro aut nunquam, aut non  
 semper hominis est proprium. In confirmatione autem  
 huius loci usus erit, cum id quod proprium ponitur, unà  
 cum re semper aderit necessario, neque definitionis um,  
 neque differentie habebit. Sic enim proprium erit, quod  
 positum est non esse proprium: ut quia hoc totum, ani-  
 mal quod ad disciplinam cognitionemque natum est, unà  
 cum homine existit necessario, neque differentia est, neque  
 definitio, certe hominis proprium id ipsum futurum est.  
 Sequitur locus refutationis, cum eorundem, quia eadem  
 sint, non est idem proprium, non enim quod positum est  
 proprium esse, proprium erit: quod intelligi potest ex hoc  
 exemplo. Nam quia eius quod persequendum est, pro-  
 prium non est, uideri nonnullis bonum, ne eius quidem  
 quod expetendum est, proprium erit uideri nonnullis bo-  
 num. Idem enim ualent, quod persequendum est, & quod  
 expetendum. Is autem qui confirmabit, ex hoc loco argu-  
 mentum ducet, quando eiusdem rei, quia eadem sint, idem  
 proprium esse ponetur. Nam proprium erit, quod positum  
 est non esse proprium: ut hominis, quatenus est homo, pro-  
 prium dicitur, habere animum tripertitum: & mortalis,  
 quatenus mortalis est, tripertitum animum habere pro-  
 prium erit. Valet etiam hic locus in accidente, quoniam  
 isdem, quatenus eadem sunt, eadem conuenire aut non con-  
 uenire debent. Coniunctus huic locus est in refutatione,  
 cum eorum quæ sunt eiusdem speciei, non ea ponuntur  
 propria, quæ etiam eadem sint specie: non enim rei illius  
 id quod positum est, proprium erit. ut quoniam eiusdem  
 generis homo & equus habetur, neque semper proprium  
 est

est equi à se stare, ne hominis quid: propriū erit à se sem-  
per moueri & aitari. Sunt enim eiusdē generis moueri  
& stare per se: quoniam in utroq; eorum, quatenus anima-  
lia sunt, hæc conueniunt. In confirmatione autem illud ui-  
dendum est, an eorum quæ sunt eiusdem generis, id pro-  
priū statuatur, quæ à tempore ad idē genus reueratur.  
erit enim propriū, quod nō esse propriū positum est.  
ut quoniam hominis propriū est, esse gradientem bipede-  
dem: cuius etiam propriū erit, uelutrem esse bipedem.  
sunt enim hæc eiusdē generis omnia. Alia enim, ut species  
quæ sub eodē sunt genere, cum sint animali subiecta, a-  
lia uerò ut generis animalis differentia. Sed hic locus fal-  
sus est, cum alterū eorum quæ numerata erunt, non alicui  
soli speciei conueniet, alterum pluribus, quæ sunt gra-  
diens quadrupes. Quoniā autem idem & alterū multis  
modis dicuntur, difficile est si quis captionibus contrā di-  
sputare uelit, unius & solius alicuius rei explicare pro-  
priū. Quod enim conuenit alicui, cui quid accidit: etiam  
accidenti conueniet, si cum eo sumatur cui conuenit. ut  
quod inest in homine, etiam in albo homine, si modò sit  
albus, reperiatur. Itemq; quod in albo homine inest, id  
etiam in homine inest. Sed quispiam multa propria re-  
fellit, si subiectum aliud per se; aciat aliud, si cum acci-  
dente coniunctum sit. ut si dicat aliud esse hominem, al-  
liud album hominem: idem fiet, si aliud ponat habitum,  
aliud id quod ex habitu nominetur. ut enim quod in ha-  
bitu inest, in eo etiā inest quod ab habitu appellatur: sic  
quod in eo quod ex habitu nominatur inest, etiam in ha-  
bitu inest necesse est. ueluti quoniam artifex ab arte dici-  
tur, non erit artis propriū non posse ratione diffiniri:  
quippe

quippe cum id etiam artifice cōueniat, qui nulla ratione de sententia deduci dimoueriq; possit. In confirmatione autem dicendum est, non esse aliud omnino id quod accidit, & aliud id ipsum cui accidit, si cum eo cōprehendatur quod accidit: sed ob eā causam aliud dici solere, quòd eorum sit natura & ratio diuersa, quoniam aliud est hominem esse hominem, & aliud hominem album esse hominem album. Præterea ex casibus eruendum est quod contra huiusmodi captionem adferamus: scilicet, nō esse artificē, aliquid quod ratione mutari non possit, sed eum qui ratione dissuaderi non possit. nec artem & sciētiam esse id quod ratione sit immutabile, sed ipsam rationem esse immutabilem. Nam ei qui omni ratione contendit, omni etiam ratione occurrendum. In refutatione proximus locus erit, si quis uelit aliquid quod natura inest explicare, eoq; uerbo id ponat, ut id semper inesse declaret. Sic enim fiet, ut iacere id et ruere quod positum est proprium uideatur. ut si quis hominis proprium dicat, esse bipedem, uult ille quidem exponere aliquid quod natura insitum est, sed oratione sua id quod semper insitum est, significat. ita non est futurum hominis proprium, bipedem esse: quandoquidem non omnis homo duos habet pedes. In confirmatione autem huius loci usus erit, si id quod natura insitum est, proprium statuere uelimus, idq; oratione nostra exponamus. Neq; enim propriū ex hac parte tolletur, aut corruet. ut si quis proprium hominis ponat hoc totum, animal ad disciplinam et cognitionem percipiendam natum: idq; significet oratione sua, natura illud esse insitum proprium, hac ex parte nunquam improbabitur hominis proprium esse id quod diximus.



Iam aerò in quibus est aliquid primū, & aliquid cui per illud primum conuenire quippiam dicitur, difficile est explicare proprium. nam si eius proprium dederit, quod in alio aliquo intelligitur, etiam de primo uerè dicitur: sin autem primi proprium ponat, etiam in illo quod in alio intelligitur, reperiatur. ut si quis extremitatis proprium dicat colore infici, etiam colore infici in corpore dicitur: quod si in corpore, etiam in extremitate. Ita fiet, ut non in quo oratio, nomen quoque uerè dicatur. Sæpe autem accidit ut in quibusdam proprijs explicandis peccetur, propterea quod nec quomodo, nec quorū proprium ponant, explicent. Omnes enim enituntur proprium statuere id, quod aut natura insitum est, quale est hominis bipes: aut quod hoc tempore cōuenit, ut hominis alicuius quatuor habere digitos: aut specie, quemadmodum ignis tenuissimis ex partibus constare: aut omnino & per se, ut animalis uiuere: aut per aliud, ut animi, prudentia esse præditum: aut quasi in quo primum aliquid inest, ut in parte animi quæ rationis est particeps, prudentiæ esse sedem: aut ex eo quod aliquid habet, quemadmodum artificis est proprium, ratione de sententia deduci non posse. Neque enim ex alia re quàm eo quod habet quicquam, ratione de sententia deduci non potest. Aut etiam statuitur propriū ex eo quod aliquid habetur, sicuti proprium est scientiæ ratione non posse mutari: aut ex eo quod aliquid cōmunicatur, quale proprium est animalis sentire: nam & si aliquid aliud, ueluti homo, sentit, tamen iam cum illo hoc comunicatur. aut ex eo quod comunicat, ut alicuius animalis uiuere. Si igitur non adiungatur illud natura, certè in eo peccatur, propterea quod fieri potest,

poteſt, ut quod natura inſitū eſt, ei non conueniat, cui nā  
tura conuenit: quemadmodū homini duos habere pedes.  
Peccat etiam qui ſe non explicat, proprium dare quod  
nunc ſit proprium: propterea quòd ex eo efficitur, quod  
eſt proprium rei, certo quodam tempore illi non conue-  
nire: quale eſt, quatuor habere digitos hominē: ſi etiam  
non exponat ſe id proprium ponere quod primum, aut  
quod per aliud conueniat, non in quo oratio, etiā nomen  
uerè dicitur. ut ſi quis colore infectū eſſe, uel extrema-  
tis uel corporis proprium expoſuerit. Quòd ſi non antè  
explicarit ſe id propriū dare, uel quia habeat ipſum, uel  
quia habeatur, certè id quod dedit nō eſt futurum pro-  
prium. nam ſi ei proprium tribuit cui hoc ipſo conuenit,  
quo ab aliquo habetur: etiam ei illud conuenire perſpi-  
cietur, quod ex eo tale eſſe intelligitur, quia in ſe habet  
quippiā: & ſi ei qui habet, tribuat, ei etiam quod habe-  
tur, conueniet. quòd fiet, ſi hoc totum, ratione non poſſe  
diſſuaderi, ſcientiæ aut artiſicis proprium eſſe ponatur.  
Atq; etiam peccabit in explicādo proprio, qui non expo-  
ſuerit ſe id ſtatuerè proprium, quod dat, uel ex eo quòd  
participet, uel ex eo quòd cōmunicetur, propterea quòd  
iſto pacto alijs quibusdā conueniet proprium. Nam ſi in  
eo ſtatuat quod communicatur, cum ijs quæ participant  
conueniet: at ſi in eo quòd participat, ijs quæ cōmunican-  
tur. ut ſi quis alicuius animalis, aut animalis propriū po-  
nat uiuere. Peccat etiam, qui uerbū illud, ſpecie, non ad-  
dit, eo quòd uni ſoli eorū quæ illi ſubiecta ſunt, cuius pro-  
prium ſtatuitur, conueniet. Quod enim præſtat & excel-  
lit, id uni ſoli cōuenit; ut igni conuenit celeritas maxima.  
Fit etiam interdum, ut is aberret tradendo proprio, qui  
uerbum

uerbum  
quibus  
addat  
tingu  
ignis  
flam

cuius qu  
minu  
det: c  
eſſe p  
eſt, qu  
magis  
non er  
tiusq; d  
quod o  
omni  
lyſimi  
minu  
men ſi  
rit, arg  
queſto  
ſed ut p  
cuius

In  
ipſius  
bit, qu  
eſt quo  
natur

uerbum illud, specie, addidit. oportet enim earum rerum quibus proprium tribuitur, esse unam speciem, ut recte addatur hoc uerbum, specie: quod in nonnullis non contingit, quo ex genere ignis est. neque enim una est species ignis: quandoquidem species inter se differunt, pruna, flamma & lumen, quorum unumquodque ignis est. ob eam autem causam, cum speciei nomen adiungitur, alia species eius, quod dictum est, non debet esse: quia alijs magis, alijs minus, id quod proprium explicatum est, conuenire accidet: cuius generis est tenuissimum esse, si ignis proprium esse ponatur. nam & prunis & flamma lumen tenuius est, quod non debet accidere, quoties nomen non dicitur magis in eo, in quo oratio uernis dicitur. alioqui id uerum non erit, in quo sit magis oratio, etiam nomen magis potiusque dici. Præterea ita fiet, ut sit idem proprium, & illius quod omnino, & illius quod maxime inest, in eo quod omnino tale uel tale existit, qualem habet ratione subtilissimum corpus ad ignem. Nam & luminis & ignis omnino illud ipsum futurum proprium est: quippe cum lumen sit tenuissimum. Ac si quis isto pacto proprium statuerit, argumenta contra ducenda erunt. ei autem qui ponit questionem, uidendum est, ne his obiectionibus det locum: sed ut primum proprium posuerit, quemadmodum, & cuius generis proprium ponat, explicandum.

## CAPVT IIII.

In refutatione proximus erit locus, si quis aliquid sui ipsius proprium statuatur: neque enim proprij uim obtinebit, quod positum est esse proprium. Quicquid enim idem est quod aliquid idem, id naturam explicat. quod autem naturam explicat, non est proprium, sed definitio. ut si quis  
bonest

honesti proprium dicat esse decorum, is quia aliquid sit  
 ipsius ponit proprium (honestum enim idem est quod  
 decorum) cerit non erit honesti decorum proprium. Hu-  
 ius autem loci usus erit in confirmatione, si aliquid sui ip-  
 sius non ponamus esse proprium, & tamen eiusmodi,  
 quod uicissim dicatur. sic enim, quod proprium non esse  
 statutum est, proprium uim & nomen obtinebit. quod fiet, si  
 quis proprium animalis ponet hoc totum, natura anima-  
 ta: neque enim aliquid sui ipsius proprium esse ponit,  
 cum interim uicissim dicatur. Ita proprium animalis eo-  
 rit, animata natura. Iam in ijs quæ ex similib. eiusdemq;  
 generis partibus constant, uidendum erit, in refutatione  
 totiusne proprium in parte non uere intelligatur, an  
 proprium partis in toto minime dicatur. quoniam non  
 recte explicatum erit, quod positum est esse proprium.  
 hoc enim in quibusdam solet contingere. fieri enim pos-  
 test, ut ijs quispiam proprium tribuat, quæ ex sui simili-  
 bus eiusdemq; generis partibus constant, modo totius,  
 modo partis habita ratione: quorum neutrum recte ex-  
 plicabit. Exemplum totius erit: si quis dicat maris pro-  
 prium hoc totum, aqua plurima quæ salsa est. nam alia  
 cuius, quod ex sui similibus partibus concretum est, pro-  
 prium ponit: sed eiusmodi, quod in parte non uere dica-  
 tur. quandoquidem certum quoddam mare non est a-  
 qua plurima salsa: ita maris proprium non erit hoc to-  
 tum, plurima aqua quæ salsa est. Partis autem exemplum  
 tale est: Si quis aeris proprium esse dicat, quod respira-  
 bile est, is alicuius quod ex sui similibus partibus con-  
 stat, ponit proprium: sed eiusmodi, quod etsi de quodam  
 aere uere dicitur, tamen de uniuerso non dicatur: quip-  
 pe cum

pe cum non omnis aer sit respirabilis, quare spirabile aeris futurum non est proprium. In cōfirmatione autem ex hoc loco argumentum ducemus, si proprium quod dabimus, de unoquoque quod ex sui similibus constat, uerè dicetur: ita tamen, ut proprium sit eorum totius ratione. sic enim quod proprium non esse positum est, erit proprium. ut, quoniam in uniuersa terra uerè intelligitur in inferiorem locum ferri natura, certè proprium erit hoc ipsum alicuius terræ omnino, quia terra est. nā de terra, hoc ipso quod terra est, dicitur: ex quo efficitur, ut terræ sit proprium natura ferri ad inferiores partes. Ex contrarijs autem multa argumenta utraq; in partem elici possunt. Primum in refutatione ex contrarijs, quæ aduersa dicuntur, erit, quando contrarij non est cōtrarium proprium. neq; enim proprium contrarij contrarium futurum est, hoc modo: Si iusticia iniusticiæ contraria est, & optimo id quod est deterrimum: iusticiæ autem optimum non est proprium, non erit igitur iniusticiæ quod deterrimum est proprium. In confirmatione autem usus erit, quoties contrarij contrarium est proprium. sic enim fiet, ut contrarij proprium sit contrarium. exemplum tale est: Si malum bono cōtrarium est, id quod fugiendum est, ei quod est expetendum: est autem boni proprium, id quod expetendum est: profectò mali proprium erit id quod fugiendum est. Alter locus est ex ijs quæ cum alio quo conferuntur. in refutatione quidem hoc modo tractabitur: Si quid eorum quæ cum aliquo conferuntur, alicuius eiusdem generis non est proprium, ne id quidem quod est in ijs quæ cum aliquo conferuntur, ullius eiusdem generis proprium erit. quod ex hoc exemplo intelligi



ligi licet : Si duplum simpli duplum dicitur, & id quod uincit illius quod uincitur : id autem quod uincit non est dupli proprium : certe simpli, id quod uincitur & superatur, non erit proprium. In confirmatione autem hoc modo : Si illius quod cum aliquo confertur, aliquid eiusdem generis propriū est, id etiam quod ex eo genere est; alterius eiusdem generis erit proprium. cuius exemplum est : Si duplum cum simplo confertur, unum cum duobus; & duo cum uno : dupli autem propriū est, id quod duorum habet rationem ad unum : perfectō dupli propriū sit, id quod unius ad duo rationē habet, necesse est. Proximus locus est ex priuantibus, qui in refutatione tractabitur hoc modo : Si rei res nō est proprium, ne priuationis quidem proprium priuatio erit. Et si priuationis priuatio nō est proprium, ne rei quidem res proprium erit. ut si surditatis proprium non est, uacuitatem esse sensus : (est enim id ceterorum sensuum commune) ne auditus quidē sensum esse proprium uidebitur. In confirmatione hoc modo : Si res rei proprium est, etiā priuationis proprium erit priuatio : et si priuationis priuatio proprium est, rei etiam res propriū erit. ut si aspectus proprium est cernere, ex eo quod aspectum habemus : cæcitatē etiam propriū erit non cernere, quia aspectū non habeamus, cum natura aptus nobis aspectus esse uideatur. Sequitur locus ex alienis & negantibus, qui in multis partibus distributus est. ac primi quidem, qui ex ijs quæ dicuntur, ducitur, in refutatione solū usus est, hoc modo : Si id quod ait alterius est proprium, non erit eius proprium id quod negat. Et si id quod negat eius proprium sit, id quod ait non est illius futurū proprium. ut si animalis propriū est,

est, id quod animatum est: nō erit animalis proprium, id quod nō est animatum. Alter est ex ijs quæ dicuntur, aut nō dicuntur: et ex ijs de quib. dicuntur, aut nō dicuntur: qui in refutatione tractabitur hoc modo: Si id quod ait, eius quod ait nō est proprium: ne id quidem quod negat, eius proprium est quod negat. Et hoc modo: Si id quod negat, eius proprium non est quod negat: ne id quidem quod ait, eius quod ait futurū est proprium. Cuius exemplum est tale: Si hominis proprium nō est animal, ne eius quidē quod non est homo proprium erit, id quod non est animal. uicissimq;: Si eius rei quæ non est homo, ea nō uideatur propria quæ nō est ex genere animalū, ne hominis quidē animal propriū est futurum. In confirmatione autē huius loci tractatio est talis: Si eius quod ait, id quod ait est propriū: etiam eius quod negat, id quod negat erit propriū. Et si eius quod negat, id quod negat proprium est: etiā eius quod ait, id quod ait propriū erit. quod hoc exēplo illustrari potest: Si eius quod est nō animal, proprium est non uiuere: certē animalis uiuere erit propriū contraq;: Si uiuere animalis est proprium, certē eius etiā rei quæ est non animal, proprium erit non uiuere. Tertius locus est ex ijs quæ subijciuntur, cuius in refutatione tractatio erit talis: Si ea quæ statuta sunt esse propria, aientiam sunt propria, non erunt eadem etiam negantium propria. Et si negātium expressa sint propria, aientium propria non erunt. Exemplum tale est: Si animalis proprium est quod animatum est, certē quod animatū est esse propriū eius quod est non animal nullo modo potest in confirmatione autē hoc modo: Si ea quæ posita sunt esse propria, non sunt aientū, negantium erit.

Quamquam hic locus interdum uitiosus est, & capiti-  
sus. Nam nec aientia negantium, nec negantia aientium  
propria sunt. Aientia enim negantibus non conueniunt  
omnino. Negantia autem aientibus illa quidem conue-  
niunt, sed non ut propria. Sequitur locus ex diuisione,  
cuius in refutatione tractatio talis est: Si eorum quæ in  
diuisione enumerantur, nihil ullius reliquorum est pro-  
prium, ne id quidē quod eius positum est esse proprium,  
illius futurum est proprium. ut si animal quod sensum  
mouet, nullius aliorum mortalium animantium est pro-  
prium: ne id quidem animal quod intelligentia & ra-  
tione continetur, Dei proprium est. In confirmatione au-  
tem hic locus nobis copiam ad argumentandum suppedi-  
tabit, quoties quiduis reliquorū omnium quæ in diuisione  
enumerata sunt, sumetur proprium uniuscuiusq; eo-  
rum quæ distributa sunt. Quod si est alicuius eorū pro-  
prium quæ enumerata sunt in diuisione, etiam reliquum  
proprium erit illius alterius cuius proprium non esse sta-  
tuebatur. id quod ex hoc exemplo intelligi poterit: Si  
prudentiæ proprium est per se uirtutem esse eius partis  
animi quæ rationis est particeps, cæterarumq; uirtutum,  
quarum singulæ hoc modo assumuntur: certē temperan-  
tiæ proprium erit per se, naturaq; sua uirtutem esse eius  
partis animi, in qua uoluptates uersantur. Sequitur lo-  
cus ex similiter cadentibus, qui in refutatione hoc modo  
tractabitur. Si casus alterius casus non est proprium, ne  
id quidem quod similiter cadit, alterius proprium erit.  
cuius exemplum est tale: Si eius quod iuste fit, non est  
proprium præclare fieri, nec iusti id quod præclarum  
est proprium erit. In confirmatione autem eius loci talis  
est

est tractatio. Si id quod cadit alterius proprium est, etiā casus erit alterius proprium. ut si hominis proprium est hoc totum, gradicens bipes, etiam homini in datuo conueniet gradienti bipedi. Non solum autem ex ijs quæ exposuimus à similiter cadentibus, sed etiam à contrarijs, quemadmodum in superioribus locis explicatum est, argumenta ducenda sunt, ac in reprehensione quidem hoc modo: Si contrarij casus non est proprium casui alicuius contrarij, ne contrarij quidem casus alterius casui contrarij futurum est proprium. cuius exemplum est tale: Si eius quod iuste fit, non est proprium probè fieri, certè eius quod iniuste fit, improbè fieri proprium non erit. In confirmatione autè ducetur hoc modo: Si cōtrarij casus alterius cōtrarij casui proprium statuitur, etiam cōtrarij casus alterius cōtrarij casui ponetur proprium. ut si boni proprium est optimum, mali quoq; id quod deterrimunt est proprium erit. Sequitur locus à simili, cuius in reprehensione talis erit usus: Si similitum similia non sunt propria, nec similitum similia propria erunt. Si enim, exēpli gratia, architectus eandem habet rationem ad extruendam domum, quam medicus ad efficiendam et restituendam ualitudinem: medici autem proprium non est efficere ualitudinem, ne architecti quidē extruere domum proprium erit. In cōfirmatione autem hic locus hoc modo exponitur: Si similitum similia propria sunt, similitum quoque propria erunt similia. ut si medicus eandem habeat rationem ad efficiendam ualitudinem, quam gymnasij præfectus ad efficiendam firmam constitutionem: et sit proprium præfecti gymnasiij uim habere ad efficiendam firmam corporis constitutionem, erit etiam

medici proprium esse effectorem ualitudinis. Proximus locus est eorum quæ habet eandem proportionem, cuius tractatio est huiusmodi in refutatione: Si ea quæ eandem habent proportionem, aliorum quæ eandem habent proportionem non sunt propria: nec ea quæ eodem modo affecta sunt, aliorum quæ eandem habent affectionem, propria erunt. Et si quid eorum quæ eodem modo affecta sunt alterius proprium est, id non erit proprium eius cuius proprium esse ponitur. ut si eodem modo prudentia affecta est ad honestum & turpe, quod utriusque eorum est scientia: prudentiæ autem proprium non est scientiæ esse honesti: profecto non erit proprium prudentiæ, rei turpis esse scientiam. Et si prudentiæ proprium est honesti scientiæ esse, eius certe rei turpis scientiam esse non erit proprium. quandoquidem eiusdem multa esse propria non possunt. In confirmatione autem huius loci nullus est usus: quippe cum id quod eodem modo affectum est, unum cum multis comparatur. Proximus locus est ex ijs quæ ad naturam, originem, interitumque referuntur, qui in reprehensione tractabitur hoc modo: Si id quod ad naturam & statum refertur, non est eius quod ad naturam & statum pertinet proprium: ne id quidem quod ad interitum pertinet, illius quod eiusdem est generis: nec quod ad ortum, ulius eiusdem generis proprium erit. ut si, exempli causa, hominis non est proprium, esse animal: non erit proprium huius totius, hominem gigni, illud totum, animal fieri: nec hominis interitus proprius est, interitus occasusque animantis. Eodemque modo sumenda argumenta sunt ex ortu concludendo statum & interitum, itemque ex interitu concludendo statum & ortum: quemadmodum paulo ante ex sta-



tu conclusus ortus & interitus est. In confirmatione autem hoc modo: Si id quod ad statum pertinet, est alicuius eiusdem generis proprium, eius etiam quod ad ortum pertinet, erit proprium id quod eiusdem est generis: & illius quod ad interitum, quod eiusdem generis esse ponitur. cuius exemplum tale est: Si hominis proprium est esse mortalem, etiam hominis ortus proprium erit nasci mortalem: & interitus hominis, mortalem interire. eodemque modo concludendus est ex ortu & interitu status & ortus, quemadmodum hic locus in refutatione exposuitur est. Sequitur locus ex forma rei propositæ. In refutatione quidem huius loci talis erit tractatio: Si formæ non convenit, aut certe non ex ea parte qua id dicitur convenire, cuius proprium datum est, quod proprium positum est, non erit proprium. ut si ipsi homini non convenit quies, quia homo sit, sed quia idea, non erit proprium quiescere. In confirmatione autem locus est eiusmodi: Si quid speciei convenit, idque ex hoc ipso convenit, quia dicatur de eo ipso cuius ponitur non esse proprium, erit proprium id quod positum est non esse proprium, ut si convenit ipsi animali, ex animo & corpore concretum esse, idque et quia animal sit convenit, certe animalis proprium erit ex animo & corpore constare.

## CAPVT V.

Sequitur locus comparisonis ex maiore & minore, qui quadripartito distributus est, quorum primus in refutatione tractabitur hoc modo: Si quod elationem habet alterius eiusdem generis non est proprium, ne id quidem quod submisionem habet, ullius eiusdem generis proprium erit: nec quod minora habet alterius, nec quod maiora habet elationem alterius eiusdem generis, nec denique

id quod omnino dicitur ullius eiusdē generis. ut si, exem-  
pli causa, colore magis infectum esse, magis corporis nō  
est proprium, nec minus colore infectum esse, eius quod  
minus est corpus proprium erit, nec infectum esse colo-  
re corporis omnino. In confirmatione autem huius loci  
tractatio erit talis: Si id quod elationem habet, eiusdem  
generis alicuius proprium est: id etiam quod submissionē  
habet, alicuius eiusdem generis proprium erit. Itemq;  
id quod minimam habet submissionem, alterius eiusdem  
generis, & quod maximam habet elationem, alicuius e-  
iusdem generis, & quod omnino dicitur, alicuius eiusdē  
generis sit proprium necesse est. cuius exemplum est eius  
modi. Si eius quod magis uiuit, magis sentire proprium  
est: etiam eius quod minus uiuit, id quod minus sentit: &  
eius rei quæ maximè uiuit, maximè sentire: & eius quod  
minimo beneficio uitæ utitur, minimè sentire: & eius  
quod omnino uiuit, omnino sentire proprium erit. Atq;  
etiam ex eo quod omnino dicitur, argumenta ducenda  
sunt. In reprehensione quidem hoc modo: Si id quod om-  
nino dicitur alterius eiusdem generis non est propriū,  
ne id quidem quod elationem habet eius quod est eius-  
dem generis, neque id quod submissionem habet alterius  
eiusdem generis, neq; id quod maximā habet elationem  
alterius, neq; id quod minimam habet submissionem al-  
terius, erit proprium. quod ex hoc exemplo intelligi po-  
test: Si hominis non est proprium, bonum esse, ne eius  
quidē qui hominis nomine magis aut potius appellatur,  
probiorem esse proprium erit. At in cōfirmatione argu-  
mentum ab hoc loco sic sumetur: Si id quod omnino di-  
citur eius quod est eiusdē generis proprium est, id etiam  
quod

quod maiorem elationem habet alterius, & quod minorem habet submissionem, quodque minimā ac maximam habet alterius eiusdem generis, proprium futurum est. ut si ignis proprium est sursum ferri natura, eius etiam proprium erit quod ignis potius dicitur, celerius in superiore locū suapte natura ferri. Eodemque modo ex ceteris hæc concludenda sunt omnia. Alter locus est in reprehensione talis: Si quod magis proprium uideatur alicuius, non est proprium: ne id quidem quod minus proprium esse uidebatur, alterius proprium erit. Eius loci tale exemplum erit: Si animalis magis proprium est sentire, quam hominis scire: nec proprium est animalis sentire, non erit hominis scire proprium. In confirmatione autem hoc modo tractabitur: Si id cui illud minus additur, alterius cui id adiungitur est proprium: etiam id cui magis additur, alterius cui idem iungitur, est futurum proprium. ut si minus hominis proprium est, cicurem & humanum esse natura, quam animalis uiuere: hominis autem est propriū, cicurem esse suapte natura, & humanum: profecto animalis proprium erit uiuere. Tertius locus ex maiore & minore in reprehensione talis est: Si quid eius cuius magis est proprium, proprium non est, ne eius quidem proprium erit, cuius minus est proprium: & si illius est, non etiā huius erit. ut si colore infici, extremitatis magis proprium est, quam corporis, nec propriū est extremitatis: non erit proprium corporis omnino, colore infici. quod si est extremitatis proprium, non erit corporis propriū. At uero in confirmatione huius loci nullus usus est: cum præsertim idem multorum propriū esse nullo modo possit. Quartus locus est in refutatione huiusmodi: Si quod ma-

gis proprium uidetur alicuius, id non est eius proprium: ne id quidem proprium erit, quod minus proprium eius uidetur. Cuius exemplum tale est: Si animalis magis proprium est sensu percipi, quàm secari in partes: & animalis non est proprium sensu percipi: nõ erit animalis proprium, in partes secari. In confirmatione autem tractabitur hoc modo: Si quod minus proprium est alicuius, id eius proprium est: certè quod magis propriũ est, eius erit proprium. ut si minus est propriũ animalis sentire, quàm uiuere: & animalis sentire est proprium, profecto animalis proprium erit uiuere. Deinceps sequitur locus à partibus, cuius loci tractatio in refutatione hæc prima erit: Si quod æquè est proprium, non est proprium alicuius cuius æquè proprium est: ne id quidem quod æquè propriũ est, eius erit proprium cuius æquè proprium est. ut si æquè proprium est partis animi in qua uoluptates uersantur, appetere, ac eius quæ rationis est particeps, ratiocinari: & eius partis in qua uoluptates uersantur, non est proprium appetere: non erit etiam ratiocinari, eius quæ rationis est particeps proprium. In cõfirmatione autem huius loci tractatio erit eiusmodi: Si id quod æquè proprium est, eius est proprium cuius æquè proprium est: erit etiam quod æquè proprium est, eius proprium cuius æquè proprium est. cuius exemplũ tale est: Si æquè proprium est partis animi quæ rationis est compos, primam esse sedem sapientiæ, atq; eius in qua uoluptates habitāt, primam esse sedem temperantiæ: & partis eius quæ compos est rationis, primam esse sedem sapientiæ proprium est: illius etiam in qua uoluptates habitāt, proprium erit primam sedem esse temperantiæ. Alter locus in reprehensione

ben-  
sion-  
pru-  
id nō  
est ho-  
cerne-  
firma-  
cuius e-  
æquè p-  
est ani-  
tiocin-  
esse q-  
parte  
in rep-  
ration-  
cuius a-  
ration-  
propr-  
Si, ex-  
atq; p-  
non e-  
propr-  
loci nu-  
locum  
ne fun-  
attrib-  
to qu-  
tione  
ui ad  
quæ n-  
est pro-  
rabile

henfione talis est: Si quod pari ratione alicuius est pro-  
 prium, non est proprium eius: quod æque proprium est,  
 id nõ erit, eiusdem propriũ. ut si cernere æque proprium  
 est hominis, ac audire: hominis autem non est proprium  
 cernere, non erit etiam audire hominis proprium. In con-  
 firmatione autem talis usus erit: Si quod pari ratione ali-  
 cuius est proprium, id eius proprium est, etiam id quod  
 æque proprium, eius erit proprium. ut si æque proprium  
 est animi, eius partem ualere ad appetendum, ac posse ra-  
 tiocinari proprium: animi autem proprium est, eius partem  
 esse quæ primum appetat: animi etiam proprium erit,  
 partem eius primum posse ratiocinari. Tertius locus est  
 in reprehensione eiusmodi: Si quid non est propriũ eius  
 cuius æque proprium est, non erit propriũ eius cuius pari  
 ratione est proprium: & si illius est proprium, alterius  
 proprium non erit. Quod hoc exemplo illustrandum est:  
 Si, exempli causa, incendere æque proprium est flammæ  
 atq; prunarum, & flammæ incēdere non est proprium,  
 non erit prunarum proprium incēdere: quod si flammæ  
 propriũ est, non erit prunarum proprium. Huius autem  
 loci nullus usus est in confirmatione. Interest autem inter  
 locum à similibus & à paribus, quod ille ex proportio-  
 ne sumitur, non ex eo quod unum quodam modo alteri  
 attribuitur: hic autem ex eo quod inest unum alteri cera-  
 to quodam modo, uim habet. Deinceps locus in refuta-  
 tione tractatur, si quis ex ui propriũ statuet, propriumq;  
 ui ad id quod non est accommodabit, nec uis poterit rei  
 quæ non est conuenire, non erit proprium quod positum  
 est proprium esse. ut si quis dicat, aeris propriũ esse in spi-  
 rabilem esse, ex ui proprium statuit, quādoquidem illud  
 proprium



proprium respirabile, quod respirari potest, significat, atq; etiam proprium statuit rei quæ nulla est: siquidem sublato animali, quod respirare aerem solet, aer esse potest. nec tamen si nullum sit animal, fieri potest ut quid respiret: ita fit, ut aeris non sit futurum proprium eiusmodi, quod respirari potest, tum cum animal nullum erit tale quod respiret: quare aeris proprium non erit spirabilem esse. At in confirmatione huius loci usus erit, quando ex ui proprium explicabimus, quod aut ad id quod est, aut ad id quod non est, refertur: sed ita, ut uis ipsa rei quæ nulla est, possit conuenire. sic enim proprium erit id quod positum est non esse proprium, ut si quis eius quod est, proprium ponat posse pati uel facere, is ex ui proprium expressit, idq; ad id quod est accommodauit. Quandiu enim aliquid est, id & pati aliquid & facere potest: ita eius quod est, proprium erit posse pati uel facere. Extremus locus refutationis erit, quando ex præstantia & excellentia proprium exponitur, proprium non est quod positum est esse proprium. ij enim qui hoc pacto proprium statuunt, faciunt ut in quo oratio, in eo non etiam nomen uerè dicatur: sublata enim re, tamen stabit oratio, quippe cum alicui earum rerum quæ sunt conueniat maxime, ut si quis ignis proprium dicat esse hoc totum, corpus leuissimum, igne sublato erit corpus aliquod leuissimum. non est igitur ignis proprium hoc totum, corpus leuissimum. In confirmatione autem, ne præstantia statuamus proprium prouidendum est. ex ea enim parte rectè ponetur proprium: ut si quis hominis proprium ponat hoc totum, animal natura cicur & humanum, is quoniam non explicauit proprium ex præstantia, ex ea parte proprium rectè statuit.

TOPI.



re dici  
genere  
definit  
nam ad  
ne collo  
genus d  
oration  
modum  
Ea sin  
catam.  
non au  
uerè dic  
conclud  
unum e  
mus: cu  
uenire;  
fateren  
est, aut  
cis gene  
autem r  
tè defi

LIBER VI.  
TOPICORVM LI-  
ber Sextus.

509

CAPVT I.



**I**N tractatione autem locorum defini-  
tionis, quinq; ad reprehendendum nobis  
proponere debemus. Primum, omnino  
non uerè dici, de quo nomen, etiam ora-  
tionem. debet enim in omni homine ue-  
rè dici hominis definitio. Alterum, non esse positum pro  
genere, aut pro accommodato genere, id genus quod est in  
definitione. nam qui definit rē, debet ad genus differen-  
tiam adiungere: cum præsertim eorum quæ in definitio-  
ne collocantur, rei quæ definiendo explicatur, naturam  
genus declarat maxime. Tertium, non esse propriam  
orationem, quoniā debet propria esse definitio, quemad-  
modum supra dixi. Quartum, ut omnia quæ dixi perfe-  
cta sint, non tamen rem definitā esse, nec eius uim expli-  
catam. Postremum est uitium, si tu quidem definiueris,  
non autem rectè. Ac si de quo nomen, non etiam oratio  
uerè dicitur, ex locis accidentis ad id demonstrandum et  
concludendum argumenta ducenda erunt. Illic enim hoc  
unum egimus, ut uerène an falso diceretur, cognoscere  
musicum præsertim quando differebamus accidens con-  
uenire, uerè dici: quando non conuenire, non uerè dici,  
fateremur. Non esse autem aptū genus id quod positum  
est, aut non esse propriam orationem quæ data est, ex lo-  
cis generis & proprii qui sunt expositi, docebimus. quod  
autem reliquum est, non esse definitam rem, aut non re-  
ctè definitam, quemadmodum intelligemus, meditatur  
digers.

dicere. Primum quidem, an minus aptè res definita sit videndum est, quando quidem facilius est facere aliquid, quàm rectè facere. ex quo perspicuum est, sapius in hoc ipso peccari, quando quidem difficilior est. ita argumèta facilius in hoc quàm in illo genere suppetēt. Sunt autem due partes eius rei quæ non aptè definita est. Vna, si dubia & obscura interpretatione utamur. debet enim is qui rem definit, quàm potest apertissima interpretatio-  
ne uti: quādoquidem cognoscendæ rei causa traditur definitio. Altera est, si aliquid amplius quàm necesse erat, in definitione posuerit: sic enim superuacaneum erit, quicquid amplius adiectum erit in ea definitione. Rursus utrunq; eorum quæ exposita sunt, in plures partes distributum est. ac primus quidem locus ad probandum definitionem esse obscuram, erit, cum aliquod uerbum quod in definitione continetur, ambiguum erit. ut si quis definiat ortum motum ad naturā ferentem, aut ualeitudinem esse aptam caloris & frigoris temperationē & moderationem. est enim ut motus, sic moderationis ambiguum uerbum: ita dubium erit, utrum uelit significare eorum quæ explicata sunt & declarata, eo uerbo quod multis modis dicitur. Quod idem continget, quoties res quæ definitur multis modis dicitur, neq; explicatur. sic enim incertum erit, utrius definitionē explicauerit: inciduntq; tum cauillationes, quasi non ad omnia quæ definiendo explicata sunt, accommodetur definitio. idq; tū incidet maxime, cum obscura est & latens ambiguitas. Atq; etiam ratiocinatio conscribi potest, diuisione adhibita, quot modis dicatur id quod in definitione concluditur. Si enim satis explicatum non sit ulla significatione earum quibus id dicitur.

profecto

profecto eo modo res recte explicata non erit. Proximus locus est, quando per translationem definitio explicatur. ut si quis scientiam definiens immutabile esse dicat, et quæ nunquam deculat, aut terram altricem, aut temperantiam concentum. Est enim obscurum, quicquid per translationem dicitur. Calumniari etiam poterimus aduersus eum qui translatione usus erit, quod non proprio uerbo sit usus. quandoquidem non poterit rei quæ definitur accommodari definitio, quod in temperantia contingit: quando quidem in sonis omnis concentus cernitur. præterea si concentus genus sit temperantia, idem in duobus generibus erit, quorum neutrum alterum continet. neque enim concentus uirtutem continet, nec uirtus concentum. Deinceps locus sequitur, quando aliquis in definiendo uerbis inusitatis utitur, id quod Plato fecit, qui oculum *ὀφθαλμόν*, id est cilijs unctam definiuit: *ὀφθαλμὸν ἀράχνης*, id est, ut ita dicam, putrimordacem: aut si quis medullam ossium procreatricem dicat: quicquid enim inusitatum est, id obscurum est. Sunt etiam nonnulla quæ nec per ambiguitatem, nec per translationem, nec proprie dicuntur. ut si lex definitur esse, modus uel imago eorum quæ natura iusta sunt. quæ omnia translatione deteriora sunt. translatio enim illustrat declaratque: quodammodo propter similitudinem, id quod significatur: quippe cum omnes qui transferunt uerba, ea propter quandam similitudinem transferant. At uero illud tale nullo modo recte illustrat, quando quidem similitudo nulla reperiatur, propter quam lex, modus, aut simulachrum dicatur: nec id proprie dici solet. ita si modum proprie aut simulachra legem dicant esse, metiuntur: est enim simulachrum id, cuius origo ab imitatione profecta est, quod

quod in lege non reperitur. Quod si improprie id dicat, certe obscure loquuntur, atq; deterius quam ea quæ per translationem dicuntur. Locus alius erit, quando contrarij definitio ex ea quæ data est, non intelligitur. Quæ enim recte definitiones constituuntur, etiam contrarias significant atq; declarant. Aut quando per se prolata, non perspicuum erit cuius sit definitio: sed simile aliquid usuiueniet, quod in ueterum pictorum operibus, quæ quidem nisi quis superscripsisset, nunquam cognosci intelligi; potuissent, ac ex ijs quidem locis, ad probandum non esse definitionem dilucidam, argumenta ducuntur. Quando autem abundans dabitur, & constituetur definitio: primum uidendum erit, an uerbum aliquod adhibitum sit eiusmodi, quod cõueniat omnibus rebus, aut quæ sunt omnino in rerum natura, aut quæ subiectæ sunt generi eidem rerum quæ definiuntur. Sic enim, ut in definitione aliquid reducet, necesse est. Nam & genus à cæteris, & differentia ab aliquo eorum quæ sunt in eodem genere, debet rem quæ definitur seiungere. Atqui quod rebus omnibus conuenit omnino, à nulla separat: & quod omnibus quæ subiectæ sunt eidẽ generi conuenit, ab ijs quæ sunt in eodem genere non secernit: ita superuacaneum est tale illud quod adiectum est. Alius locus erit, quando id quod adiectum est, est proprium: quo sublato, & reliqua ratio propria est, & naturam rei explicat. quale est in hominis definitione hoc totum quod adijcitur, natum ad disciplinam. eo enim sublato, propria est definitio, naturamq; rei indicat: atq; ut uno uerbo complectar omnia, id omne superuacaneum est & redundans, quo sublato, quod reliquum est planam facit rem eam quæ definiuntur.



nitur. qualis est, etiam animi definitio, siquidem numerus  
 sit se ipse mouens, & agitans. est enim animus id quod  
 seipsum mouet, quemadmodum Plato definiuit: nisi for-  
 te proprium est illud quidem quod expositum est, sed nu-  
 mero sublato, rei uim naturamque non declarat. quorum  
 utrum uerius sit, difficile est explicare. In his autem om-  
 nibus quantum utilitatis ratio postulat, uidendum est. Qua-  
 lis est pituitæ definitio illa, humor primus ex cibo inco-  
 ctus. unus enim primus humor est, non multi. ita redun-  
 dat illud, incoctus. quandoquidem sublato illo, propria  
 reliqua est futura definitio. Fieri enim non potest, ut ali-  
 quid ex cibo unum atque alterum primum decideret: nisi for-  
 te pituita non est id omnino quod ex cibo primum decedit,  
 sed primum est eorum quæ non sunt concocta, ut illud non  
 concoctum addendum esse uideatur. nam si illo modo de-  
 catur, non uera erit definitio: siquidem non est primum  
 omnium. Proximus locus erit, quoties aliquid eorum quæ  
 in definitione continentur, non omnibus istis quæ sunt sub  
 eadem specie conuenit. qualis definitio deterius et absur-  
 dius explicata est istis omnibus, in quibus aliquid adhibe-  
 tur, quod omnibus naturis conuenit. illo enim modo si reli-  
 qua propria erat definitio, & tota propria erit. quando-  
 quid si ad proprium, aliquid quod uerum est addatur,  
 omnino propria est tota oratio. At si quid eorum quæ in  
 definitione collocata sunt, non omnibus conueniat istis quæ  
 eidem speciei subijciuntur, tota esse oratio propria nullo  
 modo potest: neque enim de re uicissim dicitur. cuius gene-  
 ris est hoc totum, animal gradiens bipes quatuor cubitorum  
 neque enim eiusmodi definitio de re uicissim dicitur, pro-  
 pterea quod non omnibus istis quæ eidem speciei subijciuntur,

K

magni.

magnitudo quatuor cubitorum conuenit. illud etiam ad-  
dendū erit, an uerbum idem iteratum est: ut si quis cupi-  
ditatem definiat, uoluptatis & delectationis appetitio-  
nem. omnis. n. cupiditas est uoluptatis: quare illud etiam  
quod idem est cum cupiditate, uoluptatis erit. Definitio-  
ni igitur cupiditatis cōueniet, esse appetitionem uolupta-  
tis: nihil enim interest, cupiditatē dicas, an appetitionem  
uoluptatis. Itaq; esse uoluptatis de utroq; dicitur: nisi for-  
tē hoc alienum uideri non potest. homo enim cum bipes  
sit, certē bipes erit id quod idem est quod homo. est autē  
idem quod homo, animal gradiens bipes: ita animal gra-  
diens bipes, bipes est. Sed non ex hoc alienum quicquam  
& incommodum efficitur: quandoquidem de animante  
qui gradiens est solo, ac per se sumpto, bipes non dicitur  
bis. sic enim bis de eodem bipes diceretur: cum autem de  
animante gradiente bipede nomē bipedis dicatur, semel  
tantummodō bipes dicitur. Badem est ratio cupiditatis,  
propterea quod non de appetitione dicitur illud esse de-  
lectationis, sed de tota oratione. ita fit, ut semel etiā hoc  
loco ratio dicēdi exprimatur. Atqui iterare idem uerbū  
non est incommodum: sed illud demum incōmodum est,  
sape idem de aliqua re dicere. quod Xenocrati usuenit,  
qui sapientiam aut esse definitionem & cognitionē natu-  
rarum, quippe cum definitio quēdam sit cognitio: ita bis  
idem dixit, adiecto uerbo cognitionis. In eodem errore  
uersantur ij qui refrigerationē, caloris naturalis priua-  
tionē esse definiūt. nam cum eius quod insitum est, omnis  
sit priuatio, superuacaneum est nomen naturalis addere,  
satisq; erat addere caloris priuationem: quandoquidem  
ex ipso nomine priuationis, rei naturalis esse intelligitur.

Rursus

Rurſus uidendum eſt, an ad id quod omnino dicitur, ali-  
quid etiam quod in parte ſit, adiungatur. ut ſi quis æqui-  
tatem definiat, imminutionem rerum utilium atq; iuſta-  
rum. cum enim quod iuſtum eſt, etiam utile ſit quiddam,  
profectò in rebus utilibus continetur. ita illud rerum iu-  
ſtarum redundat: quia poſito eo quod omnino & in to-  
tum dicitur, id adiectũ ſit quod eſt in parte. Quod idem  
fiet, ſi medicinã aliquis definiat, ſciẽtiã rerum ſalubriũ  
animali & homini: aut legem, imaginẽ eorum quæ na-  
tura & ui ſua bona ſunt & iuſta. Nam quoniã quod iu-  
ſtum eſt, quẽdam pars eſt boni, is qui ita definit, ſæpe idẽ  
dicit. Ac utrum rectẽ necne definitio explicata ſit, ex his  
locis & alijs eiꝯdem generis intelligemus. Ad proban-  
dũ autem naturam rei explicatã eſſe, aut non eſſe defi-  
niendo, ex ijs quos deinceps exponemus, argumenta ſu-  
mentur. Primum uidebimus, num priorib. et magis per-  
ſpicuis uerbis expoſita ſit definitio. Definitio enim rei  
cognoſcẽdæ gratia traditur. Et rem cognoſcimus non ex  
rebus & uerbis quibꝯlibet, ſed ex prioribus & magis  
perſpicuis: quemadmodum in demonſtrationibus con-  
tingit. ea enim uis eſt omnis doctrinæ & diſciplinæ. Ex  
quo perſpicuum eſt, eum non explicare rem definiendo  
qui non rebus eiꝯdem generis rem illuſtret & aperiat de-  
finitione. Si enim rem definiuit, certẽ multæ erunt eiꝯ-  
dem rei definitiones: quippe cum perſpicuũ ſit, eum qui  
rebus magis perſpicuis & notioribus definierit, aptius  
& commodius rem definiendo explicaffe. ita eiꝯdem  
rei utraq; definitio erit propria: quod non ita eſt. Sua  
enim cuiuſq; rei una eſt uis atq; natura. Itaq; ſi multæ ei-  
uſdem rei definitiones erunt, uis & natura rei eiꝯ quæ  
definitur,

definitur, erit eadem, quæ utraq; definitione declaratur. Atqui & naturæ non sunt eadem, quandoquidem aliæ & diuersæ sunt definitiones. Perspicuum est igitur, eum non definiuisse rem, qui non magis perspicuis neq; notioribus rebus definierit.

## CAPVT II.

Ad probandum igitur, non esse explicatam definitionem magis perspicuis rebus, duplex locus suppetet. Nam aut uidebimus, an ex magis dubijs omnino & ignotis, aut an nobis magis ignotis & dubijs, exposita sit res definiendo. quoniā utroq; modo id fieri potest. Quod enim prius est, id eo quod posterius est, notius est omnino. ut punctū linea, & linea plano, planū solido: quemadmodum unio numero notior est, quoniam prior, initiumq; est omnis numeri: itemq; elementum syllaba. At uerò in nostra cognitione contrā interdum contingit. nam & quod solidū est, magis sub sensum cadit, quàm quod planum est: & quod planum est, magis quàm linea: & linea, quàm punctum: quippe cum hæc plerisq; nota sint omnia. Hæc enim cuiusuis, illa subtilis & ociosi ingenij est discere. Et quanquam præstat omnino eniti, ut posteriores res ex prioribus intelligamus & cognoscamus: (habet enim id maiorem uim ad scientiam) tamen apud eos qui rem ex talibus nō possunt cognoscere, necesse est profectō rem definiendo aperire ijs rebus quæ illis notæ sunt & perspicuæ. cuius generis sunt & puncti, & lineæ, & plani definitiones. omnes enim res antiquiores, posterioribus explicat: ut lineæ punctum, plani lineam, solidi planum extremum esse definiunt. Sed tamen illud intelligendum est, eos qui ita definiunt, uim & naturam rei

rei quæ definitur, explicare non posse. Nisi forte idem sit & nobis notius, & omnino. siquidē omnes qui rectē rē definiunt, genere differentisq; definire debent, quæ in ijs sunt rebus quæ omnino et per se notiores sunt, & magis perspicuæ, quàm forma. quippe cū sublato genere, sublata differentia, forma tollatur. Ex quo fit, ut specie priora sint, et antiquiora. Atq; etiam notiora esse ex hoc intelligi potest, quod cognita specie genus & differentiam cognosci necesse est. qui enim hominem nouit, etiā animal et bipes nouit. at cognito genere, aut cognita differentia, nō necesse est speciem esse cognitam, ita species minus nota & perspicua est. Itā uerò ita fiet, ut ij qui definitiones eiusmodi ueras esse confirmant, quæ ex ijs constant quæ cuiq; perspicua sunt & nota, multis eiusdem rei definitiones esse fateātur. Nam quoniā alia alijs, nec eadē omnibus notiora sunt, una cuiq; & alia assignāda erit definitio: siquidem definitio ex ijs quæ cuiq; planiora sunt, & notiora, constitui debet. Præterea eidem alia alijs magis aperta uidentur. nam à primo ortu, ea quæ sub sensum cadunt: ubi autem acriori sunt iudicio, cōtrā. Ita ne eidem quidem semper eandem definitionem dare debent ijs, qui definitionem rebus, quæ cuiq; magis perspicuæ sint, tractari uolunt. Ex quo perspicuum est, non ijs talibus, sed ijs quæ omnino clariora sunt, rem esse definiendam: quippe cum ita demum una & eadem semper sit futura definitio. Ac fortasse quod omnino & ui sua notum est, nō omnibus perspicuum est, sed ijs demum qui bene animo constituti sunt. quemadmodū id etiam quod omnino salubre est, ijs salubre est quorū bene affectū est corpus. Tractari ergo hæc debēt omnia accurate et subtiliter;



tiliter: adhiberi aut in disputationibus pro rerū usu. Sed consensu omnium euerti definitio tum potest facillime, cum nec omnino perspicuis & notis, nec ijs quæ nobis nota sunt explicabitur. Ac una quidē ratione ita intelligetur non esse perspicuis traditam & apertam definitionem, si posterioribus (quemadmodū supra dixi) priora declarabuntur. Alia aut ratione, si eius rei quæ stabilis & certa est, incertis & mutabilibus nobis statuetur definitio: quippe cū prius sit & clarius quod stabile & certū est, quā quod incertum & mutabile. Ad probandū autem non constare ex prioribus definitionē, tribus ex locis argumenta sumentur. Primus erit, si contrarijs cōtrarium definiēdo aperietur. ut, si bonū malo definiatur: simul enim naturæ ordine sunt cōtraria, & quibusdam eadem ars in utroq; uersari uidetur. ex quo fit, ut alterum altero nō sit notius. Sed tamē illud ignorare nō debemus, quædam esse quæ aliter definiri non possint: cuius generis est duplum, quod sine simplo definiri non potest: itemq; omnia quæ per se cum aliquo conferuntur. nam cum eorum omnium uis & natura idem ualeat, quod ad aliquid quodammodo affectum esse, profectō utrunq; sine altero cognosci non potest, ut necesse sit alterum in alterius definitione contineri. Ac sunt cognoscenda illa quidem eius generis omnia, eisq; in his (ut res feret) ita utendum est. Alter locus nobis argumenta suppeditabit, quando in definitione aliquid adhibetur quod idem ualeat quod res quæ definitur: id quod obscurum est tum, cum non eodem uerbo utuntur, quod est rei quæ definitur. ut si solem, astrum die perspicuum definiant: qui enim diei uocabulo utitur, etiam solis utitur. Ut autem hæc manifestō depre-

bendantur.

hendantur, pro nomine definitio sumenda est, hoc modo: Dies est solis motus super terram. sic enim perspicuum erit, eum qui motus solis super terram dixerit, etiam solem nominasse: ut solis nomine usus sit, qui diei usus fuerit. Alter locus est, quando eo quod in eadem diuisione numeratur, alterum eiusdem generis definitur: ut si quis imparem numerum definiat, qui parem uno uincit. Sunt enim simul ordine naturæ ea, quæ ex eodem genere distribuuntur in partes: cuiusmodi sunt impar et par, quæ numeri sunt differentie. Quod item fiet, si superiora inferioribus definiendo aperiantur. ut si par numerus definiatur esse qui bifariam diuiditur, aut bonum habitus uirtutis. nam et bifaria à duobus quæ sunt paria ductum est, et uirtus quædam est pars bonorum: ita hæc illis subiecta sunt. necesse est etiam, eum qui eo quod infra est utatur, etiam superiore uti: cum præsertim qui uirtutis nomen usurpat, boni etiam nomen usurpet. quandoquidem uirtus in numero bonorum habetur. Itemque is qui bifariam dicat, pari utitur: quoniam illud bifariam, aliquid in duas partes distributum declarat, et duo paria sunt. Atque hic quidem locus unus est, ut generatim dicam, ex quo ad docendum definitionem non prioribus et magis perspicuis esse illustratâ, argumenta ducentur. cuius partes erunt superiores. Secundus locus erit, quando res quæ definitur ex aliquo est genere, neque in genere ponitur. qui error in his omnibus uersatur, in quibus non ponitur genus definitionis. ut si quis corpus definiat, id quod habet tres dimensiones: aut hominem, id quod ratione numerorum tenet: is non dicit quid est quod habet tres dimensiones, quæ est magnitudo, et quid

est quod scit numerare, quod est animal. Genus autem quid res sit declarat, & primum eorum quæ in definitione dicuntur collocatur. Idem fiet, si res quæ definitur in multis dicatur, neq; ad omnia pertineat definitio. ut si quis grāmaticam definiat, artem esse scribendi id quod dicitur & profertur. deest enim & legēdi: quandoqui dem non potius scribendi, quàm legēdi eā artē tradidit is, qui eam definiuit. ut non qui alterū, sed qui utrumq; dixerit, definisse uideatur: siquidē eiusdem rei multæ definitiones esse non possunt. Ac in nonnullis quidē hoc uerē dicitur quod expositum est, in quibusdā uerò non item: cuius generis ea sunt omnia, in quorum utroq; non per se res quæ definitur cernitur. quemadmodum medicina in morbo & in ualitudine uersatur, quorum in ualitudine ui sua & per se, in morbo temerē et casu cernitur: praesertim cum omnino alienum sit à medicina, morbū efficere atq; generare. Ita non uerius medicinā definiendo aperit is qui utrumq; cōplexus est, quàm is qui alterū, imò uerò deterius: quandoquidem quiuis alius morbum efficere potest. Proximus locus erit, quando non ad id quod praestantius est, sed ad id quod deterius, res quæ definitur accommodatur, cum plura sint, in quibus uis eius intelligatur. Omnis enim ars, uisq; omnis, ad id quod continet praestantissimum omnium referri uidetur. Rursus, si res quæ definitur in proprio & accommodato genere nō collocetur, argumenta ex his locis generis quos suprà exposuimus, ducentur. Iam si quis superiora genera definiēdo dicat, non rectē definit: ut si quis iusticiam definiat esse habitum efficientē æquabilitatis, aut habitum qui suum cuique tribuit: is enim ita definiendo uirtutem transilit. quoniam;

quoniam igitur iusticia genus prætermittit, uim eius & naturam nõ explicat: quippe cum cuiusq; rei uis sit cum genere coniuncta. Hic autem locus idem ualci quod ille: Non in proximo genere aliquid collocare. Qui enim in proximo genere numerarit aliquid, is superiora dixit omnia: quandoquidem in inferioribus ea quæ suprà sunt, intelliguntur. Quocirca aut proximum genus in definitione usurpandam est, aut generi quod suprà est, adiungenda sunt differentia omnes, quibus uicinum genus definiatur. Sic enim nihil prætermittetur, exprimiturq; oratione inferius genus pro nomine. At qui superius genus solum dixerit, non etiam inferius explicat. ueluti, qui plantam dicit, non etiam arborem declarat. Rursum in differentijs eodẽ modo uidendum est, an generis differentias definiendo explicarit. nam si rem aliquam non suis proprijs differentijs definiuerit, aut etiam aliquid dixerit eius/modi, quod nullius rei differentia esse possit, ut animal, ut substantiam: is rem non definiuerit. Atq; etiam illud uidendum est, sit ne aliquid quod diuisum quasi ex altera parte differentia quæ proposita sit, respondeat. si enim non sit, profectò quæ data est, non erit generis differentia: quandoquidem in differentijs, quæ diuiduntur ex contrarijs partibus, genera omnia tribuuntur: ut animal in terrenum & pennigerum, in aquatile & bipes. Aut si est differentia qua ex altera parte genus diuidatur, nec de genere uerè dicatur, perspicuum est neutram generis esse differentiam, præsertim cum omnes differentia in quas genus tribuitur, de proprio & suo genere uerè dicantur. Itemq; si uerè illa quidem dicatur, neq; adiecta generi speciem efficiat, profectò non erit generis hæc

ARISTOT. TOPICORVM

talis. speciei procreatrix differentia: quippe cum speciei  
effectrix differentia speciem procreet, si cum genere  
iungatur. Quod si hæc in differentijs non numeretur,  
nec ea quidem quæ prolata est: quandoquidem in banc  
etiam genus diuisum est. Illud etiam considerandum est,  
an in negationem genus sit distributum. Quod ij faciūt,  
qui lineam definiunt longitudinem esse latitudine caren-  
tem. nam cum nihil aliud indicet, nisi quod non habet la-  
titudinem, ita fiet, ut genus definitionis formæ sit parti-  
ceps. quandoquidem longitudo omnis aut caret latitudi-  
ne, aut habet latitudinem: & de rebus omnibus aut aien-  
tia aut negantia uerè dicuntur. ita longitudo cum lineæ  
genus sit, aut non habebit, aut habebit latitudinem. At  
qui longitudo non habens latitudinem, speciei ratio est,  
itemq; habens latitudinem, præsertim cum quod latitu-  
dinis expers est, & particeps, sint differentia: ex diffe-  
rentia autem ac genere speciei constat ratio & defini-  
tio: ita genus sibi formæ definitionem uendicabit. itemq;  
differentia, quandoquidem altera differentiarum quas  
exposuimus, de genere dicitur necessario. Hic autem lo-  
cus ualet contra eos, qui ponunt ideas esse. Si enim non  
est ipsa longitudo, quoniam tandem pacto de genere di-  
catur, quod aut latitudine caret, aut latitudinis est parti-  
ceps? Debet enim alterum modò eorum de omni longitu-  
dine dici, siquidem futurum est ut uerè de genere dica-  
tur. Quod ita tamen non fit, cum sint longitudines quæ  
latitudine careant, & quæ habeant latitudinem. Ergo  
hic locus contra eos solos ualebit, qui genus unum nume-  
ro esse contendunt: quod ij faciunt, qui ideas ponunt.  
nam & ipsam longitudinem, & ipsam animal uolunt  
genus



genus esse. Quanquam in quibusdam definiendis negatio adhibenda est necessario, cuius generis sunt privationes. cæcum enim est id quod aspectum non habet, cum cum ei est aptus natura. Nihil autem interest, negatione res definiatur, an affirmatione eiusmodi, cui necesse sit negationem ex altera parte in diuidendo respondere. ut si quis longitudinem, quæ latitudinem habeat, definiendo dixerit. Quod enim habet latitudinem, ei quod ea caret, cum in eas quid diuiditur, respondet, præterea nihil. ita rursus in negationem genus tribuetur. Illud etiam uidendum est, speciemne definiendo pro differentia dixerit. quod faciunt ij qui conuicium, contumeliam cum irrisione definiunt: nam cum irrisio quædam sit contumelia, fit ut non differentia, sed species sit irrisio. Iam illud etiam, an genus pro differentia definiendo posuerit: ut si quis uirtutem, habitum bonum definiat. Est enim bonum uirtutis genus: nisi forte non genus bonum est, sed differentia. siquidem uerum est illud, non posse idem in duobus generibus numerari, quin unum altero contineatur. neq; enim bono habitus, neque habitu bonum continetur: quandoquidem non omnis habitus bonus est, neq; omne bonum habitus. Ita utrunq; esse genus nullo modo potest. Quod si habitus uirtutis genus est, profecto bonum non uirtutis genus, sed differentia est. Præterea habitus quid sit uirtus declarat: bonum autem non quid sit, sed qualis, indicat. Atqui quale quid significat differentia, uidendum etiam est, an quid non quale quid, quæ data est differentia, declaret: quoniam qualitatem omnis differentia declarat. Atque etiam, forsene ac temere rei quæ definiatur differentia conueniat,

ut enim nullum genus, sic differentia nulla in ijs numeratur, quæ temere & casu rei conueniunt, præsertim cum alicui conuenire, & non conuenire, non possit differentia. Iam si de genere dicatur differentia aut species, aut aliquid eorum quæ speciei subiecta sunt, nulla definitio est, nihil enim eorum quæ enumerata sunt, de genere dici potest, quandoquidem in pluribus genus quàm omnia reperiatur. Quod idem fiet, si de differentia genus dicatur: cum præsertim non de differentia genus, sed de ijs de quibus differentia, dicatur. ueluti animal in homine, bove, cæterisq; terrenis animalibus dicitur, non in ea differentia quæ de specie dicitur. Si enim de singulis differentijs animal dicitur, certè multa animalia de specie dici poterunt, cum præsertim de specie differentia dicatur. Præterea isto pacto aut in formis, aut in indiuiduis, omnes differentia numerabuntur, si quidem animalia esse ponantur. quandoquidè omne animal uel speciei uel indiuiduorum nomen obtinet. Similiterq; considerandū est, an species, uel aliquid eorum quæ subiecta sunt sub speciem, de differentia dicatur. quod fieri non potest, quandoquidem ad plura differentia quàm forma trāsferitur. Isto etiam pacto fiet, ut inter species differentia numeretur, si quæ species de ea dicatur. Si enim de ea homo dicitur, certè homo est illa differentia. Illud etiam uidendum est, an specie non sit prior differentia. debet enim ut genus sequi, sic specie antecedere differentia. Illud etiam, an alterius generis sit differentia ea quæ producta est, quod quidem nec contineatur, nec contineat. neque enim uidetur duobus generibus data eadem differentia, quorum alterum ab altero minimè contineatur. Sin se-

tus, profectò illud etiam fiet, ut eadem species in duobus generibus sit, quorum unum non contineatur ab altero. Ex differentia enim genus concluditur, ut ex terreno & bipede animal. Ita fit, ut in quo differentia, etiam genus utrunq; dicatur. Ex quo perspicuum est, formam in duobus generibus esse, quorum unum altero nō comprehendatur. nisi forte non omnino fieri non potest, ut eadem differentia duorum sit generum, quorum neutrum alterum contineat: sed adiungendum est, quorum utrunque eidem minime subijcitur. Nam terrenū animal & pennisigerum animal, genera sunt, quorum neutrum alterum complectitur, quorum utriusq; bipes differentia est: ita addendum illud est, quorum utrunq; sub idem genus non subijcitur. hæc enim duo animalia subiecta sunt. Illud etiā perspicuum est, non necessario ex omni differentia suum concludi genus: quandoquidem esse duorum generum, quorum unum altero non continetur, eadem potest: sed solum alterum necesse est ex ea cōcludi & probari, eaq; quæ suprā sunt omnia: quemadmodum animal pennigerum uel terrenum ex bipede concluditur. Videndum etiam, an id quod alicubi quid esse significat, pro differentia posuerit. neq; enim inter substantiam & substantiam hoc interest, quod alicubi sit. Itaq; eos qui animal in terrenum & aquatile partiūtur, reprehendunt: propterea quod terrenum & aquatile in aliquo esse declarant. nisi forte in his non iure reprehēdunt. neq; enim in aliquo esse, aut alicubi aquatile & terrenum, sed quale quid indicat: præsertim cum si sit in loco sicco, tamen æquale aquatile: & si in humido loco, terrenū, non aquatile sit futurum. Sed tamen hoc perspicuum est, si quid esse in aliquo

in aliquo significet differentia, in ea exponēda & expli-  
canda peccari. Præterea uidendum est, an perturbatio-  
nem in differentia numerarit. Omnis enim perturbatio  
amplificata, ex statu suo naturam dimouet: ex quo gene-  
re non est differentia. Magis enim statū eius, cuius est dif-  
ferentia, differentia conseruat: neq; fieri potest omnino,  
ut sine sua quicq; differentia permaneat: sublata enim  
terreni differentia, esse homo nullo modo potest. Quibus  
autem (ut omnia semel cōplectar) commutatur id in quo  
ea sunt, eorum nihil illius differentia est: quandoquidem  
omnino eiusmodi amplificata, naturā ē statu suo dimo-  
uēt. Quapropter qui talem aliquam differentiā dederit,  
in eo peccauit: quoniā in differentijs non cernitur cōmu-  
tatio, quæ alteratio solet appellari. Iam si quis definiē-  
do aliquid eorū quæ cum aliquo cōferuntur, non cōstitue-  
rit differentiam quæ ad aliud aliquid referatur, errabit.  
Eorum enim quæ cum aliquo conferuntur, tales etiam  
debent esse differentie. Quod in arte perspicui potest, cu-  
ius differentie sunt, ut una sit cognitionis, altera actio-  
nis, tertia effectiois: quæ ad aliud referuntur omnia.  
nā cognitio & actio & effectio intelligi non possunt,  
quin alicuius res esse dicantur. Illud etiam consideran-  
dum est, an ad id definitionem accommodarit is qui rem  
definit, ad quod natura apta sunt omnia quæ cū aliquo  
conferuntur. Sunt enim quædam, quibus ad id solum uti  
licet, ad quod natura aptum est unumquodq; eorum quæ  
cum aliquo cōferuntur. sunt quibus etiam ad aliud licet:  
ueluti aspectu ad cernendum tantummodo uti licet, at la-  
bro etiam quis hauriat. tamen si quis definiat, labrum  
instrumentum esse ad hauriendum, peccabit, quoniā ad

id n  
quod  
quod  
rei an  
prim  
in pl  
tiam  
animi  
prude  
dem  
terea  
babi  
defini  
eo sit  
modu  
autē  
esse  
tem  
tiom  
tatan  
set, si  
dem i  
Etia  
dem  
tud  
sic er  
cum  
apta  
esse  
effecti

Id non est natum & comparatū. Definitio autē illius, ad quod natum & institutum est unūquodq; hæc est, id ad quod prudēs, quia prudens sit, utitur, & propria cuiusq; rei ars & scientia. Peccabit etiam definiendo, qui rei cui primū conuenit, non accommodat definitionem, quoties in pluribus intelligitur. ut si quis (exempli causa) prudentiam definiat, hominis aut animi uirtutē, non eius parit animi quæ rationis est particeps. est enim prima sedes prudentiæ, in parte animi quæ ratione utitur: quod quidem ex ea & animus & homo prudēs esse dicitur. Præterea si nō est hoc rei quæ definitur subiectum, cuius uel habitus uel dispositio in definitione esse dicitur, uitiose definiuit. Omnis enim affectio, omnisq; perturbatio in eo sita esse solet, cuius est affectio & perturbatio: quæ ad modum ars in animo, cuius est affectio, sita est. Interdum autē in his ipsis peccatur, uelut ab ijs qui aiunt somnum esse sensus imbecillitatem: & dubitationem, æqualitatem rationum contrariarū: et dolorem, discordiam partium coniunctarum natura, uehementiore motu excitatam. Neq; enim somnus inest in sensu. quod necesse esset, si esset sensus imbecillitas. Itemq; ne dubitatio quidem in contrarijs rationibus inest, nec dolor in coniunctis natura partibus. dolebunt enim res inanimæ, si quidem dolor eis aderit. Atq; etiam illa ex eo genere ualitudinis definitio est, apta compositio caloris & frigoris. sic enim necesse erit ualere res calentes & frigidas. nam cum cuiusque rei apta compositio in illis sit, quorum est apta compositio, certē in eis etiam ualitudo insit necesse est. Præterea ita fiet, ut ij qui sic definiunt, quod effectus est, efficiens esse dicant, aut contrā. neq; enim dolor



dolor dissensio partium natura coniunctarum, sed hoc est quod ad eum efficiendum uim habet: nec imbecillitas sensus, somnus, sed alterum alterius efficiens est. quippe cum aut propter imbecillitatem sensus somno opprimamur, aut propter somnum, sensuum munere non fungamur. Itemque dubitationem asferre solet contrariarum rationum æqualitas. Cum enim in utraq; partem de aliqua re cogitamus, et paria sunt momenta rationum, tum denique quid nobis agendum sit dubitamus. Iam omnium temporum habenda ratio est, sicubi discrepent: ut si quis immortale animal, quod nunc non interit, definiat. sic enim fiet, ut animal quod nunc interitus expers est, hoc tempore sit immortale. nisi forte in hoc id non est uerum: est enim ambiguum, nunc interitus esse expers aliquid. aut enim non interisse nunc significat, ut non posse interire hoc tempore: aut esse hoc tempore eiusmodi, ut nunquam intereat. Cum igitur dicimus, hoc tempore interitus expers esse animal, non hoc dicimus, tale esse nunc animal: sed, quod nunquam occidere possit: hoc enim idem est quod immortale. ita minime efficitur, ut id nunc tantum sit immortale. Attamen sicubi id accadat, ut quod oratione explicetur, hoc tempore insit, aut superiore: id autem quod nomine declaratur non insit, nunquam idem erit. Usus ergo huius loci talis est. Atque etiam illud uidendum est, id ne quod definitum sit, alia oratione, ac ea quæ alata est, aptius explicetur: ut si iusticia definitur, potestas suum cuique tribuens. iustus est enim potius, qui suum cuique uult tribuere, quam qui id potest. Ex quo fit, ut non sit iusticia, potestas suum cuique tribuens: alioqui iustus etiam esset, qui suum cuique tribuere posset. illud etiā uitiolum est  
defia

definiendi genus, cum res accessionem recipit: id autem quod oratione explicatur, non recipit: aut contrā, cum id quod oratione explicatur recipit, res autem non recipit accessionem. Aut enim utrunq; aut neutrum capere debet: siquidem idem est quod oratione explicatur, et res ipsa. Vitiosum etiam illud genus est, cum utrunq; accessionem illud quidem recipit, sed non simul: ut si amor cupiditas concumbendi definiatur. cum enim is qui uehementius amat, non magis cōcubitus appetat, fit, ut non recipiat simul utrunq; accessionem: quod quidē deberent, siquidem idem ualerent. Quod idem fiet, si propositis duobus, de quo magis res dicetur, de eo minus dicetur oratio. ut si ignis definitur corpus tenuissimum: nam & flamma magis ignis est quā lux, et corpus tenuissimum flamma est minus luce. atqui utrunq; eidē magis conuenire deberet, siquidem idem ualerent. Vitiosum etiā est definiendi genus, si duobus propositis, unum utriq; æquē conuenit, alterum non æquē, sed alteri magis. Item, cū duo sunt ad quæ res quæ definitur pertinet, si utrunq; ad definiendū acciperit, quasi ponens duas definitiones. ut si pulchrum definitur id esse, quod uel oculos uel aures demulceat: & id quod est, quod pati, uel facere quid potest. sic enim simul idem & pulchrū erit, & non pulchrum: itemq; idē erit, & non erit: quādoquidem quod aures mouet ac demulcet, idem erit quod pulchrum. Ita quod non demulcet aures, idē ualet quod id quod minime pulchrum est. Rebus enim iisdem eadē data sunt contraria. Contrariū autem est pulchro, id quod pulchrū non est: eiq; quod sensum auriū suauitate quadā mouet, id quod non mouet sensum aurium. Perspicuum est igitur, idem ualere id quod non

L

mouet

mouet aures suauitate quadam, & id quod est non pulchrum. Si quid igitur est quod sensum oculorum moueat, non aures, id & pulchrum, et non pulchrū futurum est: eodemq; modo idem esse, & non esse, doceremus. iam uero si orationes pro nominibus sumamus, & generum et differentiarum, & eorum omnium quæ definitio complectatur, an aliquid eorum discrepet, uidendum est.

## CAPVT III.

Quod si res quæ definitur, in ijs sit quæ cum aliquo conferuntur, uel per se, uel ratione generis, considerandum erit, an in definitione expressum non sit id cum quo uel ipsa per se, uel generis communione conferatur. ut si quis scientiam, opinionem immutabilem definiat, uel uoluntatem cupiditatem ab ægritudine uacuam. Eorum enim omnium quæ cum aliquo conferuntur, natura ad alterum refertur: quandoquidem uniuscuiusque eorum quæ ex illo sunt genere, natura illa sit, ad aliquid quodam modo affectum esse. Debit ergo scientia definiri, opinio de eo quod scientia continetur: & uoluntas, boni cupiditas. quod item fiet, si grammatica literarum scientia definiatur. Exprimendum enim fuit definitione, cum quo ipsa, genus uel conferatur. Illud etiam uidendum est, an alicuius eorum quæ cum aliquo conferuntur, non ad finem directa sit definitio: finis autem unicuique est quod optimum est, aut quod cætera omnia referuntur. Ita aut quod optimum est, aut finis, & extremū exprimi debet. ut cupiditatem, non rei quæ uoluptatem affert, sed ipsius uoluptatis: quippe cum eius gratia, etiā id quod eam efficit, expetamus. Videndū etiam est, id ne ad quod retulerit, in ortu uel actione consistat: nihil enim eorum

eorum finis est. egisse enim, & ortum esse, finis potius nomen, quam uel oriri, uel agere, obtinet. Quamquam non in omnibus rebus ita est. Jere enim omnes uoluptatem capere ex quaq; re malunt, quam desisse capere: ita agere potius finem constituunt, quam egisse. Iam in quibusdā, si quanta qualiaq; sint, & ubi fiant, itemq; cetera dissimilitudines minimē explicentur, uitiosa erit definitio. ut si non aperiatur, qualis & quantæ gloriæ cupidus sit ambitiosus. nam quoniam omnes gloria ducuntur, non satis est ambitiosum dicere eum qui gloriæ sit appetens: addendæq; sunt differentiæ quas enumerauimus. itemq; si auarus definiatur, quanto studio pecunia teneatur exponendum est: aut si impotens, quarum uoluptatum sit, in quibusq; uersetur. neque enim si quis qualicunque, & quauis uoluptate uincatur, is continuo impotens habendus est: sed is demum, qui certa quadam superetur. Eiusdem generis sunt definitiones & qua noctem definiunt umbram terræ, & qua terramotum motionem terræ, & qua nubem aeris crassitudinem, & qua uentum aeris motionem. Addendum enim, quantum, & quale id sit, & ubi fiat, & unde. Quod eodem modo de alijs eiusdem generis iudicandum est. Qui enim quamuis differentiam prætermittit, is naturam rei non explicat. In id autem quod prætermisum est, omnis semper dirigi debet argumentatio. non enim si quomodocunq; aut quantumlibet terra mota sit, continuo terramotus est: nec si aer quoquo modo, aut quiuis pellatur, uentus est. Eodem modo peccatur in appetitionibus definiendis, cum quod uidetur non adijcitur: in ceterisq; omnibus, in quibus illud adijciendum est. ut si uolunt, is definiatur,

appetitio boni: & cupiditas, appetitio rei quæ uoluptas  
tem efficit: nec addatur, eius quod bonum uideatur, aut  
eius rei quæ uoluptatem efficere uideatur. Sæpe enim i-  
gnorant ij qui cupiditate tenentur, bonum esse, aut iucun-  
dum esse, id quod cupiunt. ita non est necesse id esse bo-  
num, aut iucundum, sed modò uideri. debuit ergo eo pa-  
cto explicatio fieri. Quod si ita, ut dixi, rem tradat &  
aperiat, ad species impellendus erit is qui ponit ideas ef-  
fe. neque enim idea est in ulla re quæ esse uideatur &  
appareat, & species ad speciem referri uidetur: ut ipsa  
cupiditas ipsius iucundi est, & ipsa uoluntas ipsius bo-  
ni. non igitur eius quod bonum esse uideatur, ipsa uolun-  
tas erit: neque rei quæ uoluptatem afferre uidetur, ipsa  
cupiditas. absurdum est enim, esse aliquid ipsum bonum  
apparens, aut iucundum. Iam si habilius definitio expli-  
cetur, ex eo in quo est habitus, ducetur argumentum: &  
si eius in quo est habitus, ex habitu. itemq; in cæteris ta-  
libus: ut si id iucundum dicatur quod prodest, etiam qui  
uoluptate afficitur, adiuuatur. In definitionibus autem  
eius generis sit, nescio quò modo, ut is qui rem definien-  
do aperit, plura uno definiat. qui enim scientiam definit,  
quodammodo etiam definit ignorationem: itemq; quod  
doctum & indoctum est, scire & ignorare. si enim pri-  
mum planum fiat quodammodo, etiam cætera perspi-  
cua fiēt omnia. Quapropter in his talibus, si quid discre-  
pet, ex his locis quos in contrarijs & coniugatis expo-  
suimus, argumenta ducemus. Atq; in ijs etiā quæ cum ali-  
quo conferuntur uidendū est, an ad quod genus accōmo-  
datum est, etiam ad illud aliquid relata sit forma. ut si  
opinio cum eo quod opinabile est confertur, etiā opinio  
quædam



quædam cum quodam opinabili conferetur. Et si res  
multiplex ad submultiplicem refertur, etiam quædam mul-  
tiplex ad quandam & certam submultiplicem refertur.  
Si enim non ita explicata res est, profectio uero erit de  
finitio. Et illud uidendum, an contrarij explicata expo-  
sitaque sit definitio contraria: ut, sit ne simpli definitio  
contraria dupli definitioni. Si enim duplum est quod pa-  
ri uincit, etiam simplum erit quod pari re uincitur. Ea-  
dem est ratio eorum contrariorum quæ aduersa dicuntur.  
Contrarij enim contraria erit definitio, una quadam contra-  
riorum inter se connexione, hoc modo: Si id prodest quod  
bono afficit, etiam id obest quod malis afficit, aut quod  
bonis priuat. Alterum etiam eorum contrarium sit eius  
quod prius dictum est, necesse est: quod si neutrum con-  
trariorum sit eius quod initio expositum est, certe neutra  
eorum quæ posterius exposita sunt, esse contrarij definitio-  
nis ullo modo potest: ita ne ea quidē quæ initio data est,  
uerē & recte fuit explicata & constituta. Quoniamque  
contraria sunt quædam quæ alterius priuatione dicun-  
tur, ut inæqualitas æqualitatis priuatio uidetur esse, in-  
æqualia enim sunt quæ non sunt æqua & paria: profe-  
ctio id semper quod priuatione dicitur, altero contrario  
definitur necessario, alterum non etiam necesse est illo  
quod ex priuatione nominatur, definiri. sic enim fieret,  
ut utrumque ex altero cognosceretur. Quare hoc uitium in  
contrarijs animaduertere debemus, ut si quis æqualita-  
tem definiat, id quod inæqualitati contrarium est: defi-  
niendo enim aperit rem, eo quod ex priuatione appella-  
tur. Iam uero necesse est, cum qui ita definiat, ea re uti  
quæ definiatur. Quod ita intelligetur, si cum nomine cō-

mutetur oratio. Quando enim nihil interest, inæqualitatē dicamus, an æqualitatis priuationem, certē erit æqualitas contrarium æqualitatis priuationi. ita eadem re usus est. Quod si neutrum contrariorum priuatione dicatur, eodemq; modo explicetur definitio, ut bonum est, quod malo est contrarium: certē malum erit, quod est bono contrarium. Eorum enim quæ ita contraria sunt, similiter explicāda definitio est. Sic rursus fiet, ut eam ipsam rem quæ definiatur, adhibeat in definitione, præsertim cum insit bonum in mali definitione: ita si bonum malo contrarium est, malum autem nihil refert dicas, an quod bono est contrarium, efficietur, ut bonum cōtrarium sit eius quod bono contrarium est. Ex quo perspicuum est, eodem usum esse eum qui ita definiat. Vitiosa etiam definitio est, cum ita aliquid eorum quæ priuantia sunt, aperitur: ut cuius sit priuatio, ueluti habitusne an contrarij, an cuiusuis, minimē explicetur. Quod idem fiet, si cuius aut in quo solet esse priuatio, non addatur omnino, an in quo primò solet habitare. ut si quis ignorationem priuationem esse dicat, nec addat priuationem esse scientiæ, aut non adiungat in quo uersari solet: aut si adiungat, non dicat in quo primò id habitare solet: ut si quis non in ea parte animi quæ rationis est particeps, sed in homine, uel in animo aliquid sitū esse definiendo explicet. Si enim quiduis horum prætermiserit, aberrabit. Eodemq; modo si quis cæcitatem, non aspectus priuationem in oculis dixerit. qui enim uim & naturam priuationis accommodatē apteq; explicare uult definiendo, is debet, & cuius rei sit priuatio, & quæ res priuetur, exponere. Illud etiam cōsiderandum est, an priuatione explicetur, quod

# LIBER VI.

115

non numeratur in priuatiuibus. Qui quidē error in igno-  
ratione uersari uidetur ijs, qui nullam ponūt ignoratio-  
nem, cuius natura ex negatione intelligatur. Quod enim  
artis & sciētiæ expers est, id ignorare minimē uidetur:  
sed id demum, quod errat & fallitur. Itaq; nec res inani-  
mas, nec pueros ignorare dicimus. ita non priuatione sci-  
entiæ ignorantia dicitur. Iam illud uidendum est, an simi-  
libus nominis casibus similes definitionis casus respōde-  
ant. ut si id prodest, quod efficiens est ualitudinis, utili-  
ter & accommodatē ad ualitudinem efficiēdam, etiam  
quod profuit, id ualitudinem efficit. Spectandum est e-  
tiam ex idea, sit ne uera & propria quæ data est defini-  
tio: quandoquidem in quibusdam id non reperiri cerni-  
tur. Quemadmodum Plato definit, adiungens animans  
tium definitionibus mortale. Si enim idea est, certē non  
est mortalis, ueluti ipse homo. ita idæ minimē conueniet  
definitio. Omnino necesse est, si addatur id quod efficiēs  
est, aut patibile, in idea discrepare definitionem. impati-  
biles enim & immutabiles uidentur idæ, ijs qui ideas  
defendunt. Quales definitiones contra eos ualent.

## CAPVT IIII.

Vitiosum etiam genus definiendi est, si omnium eo-  
rum quæ ambigūe dicantur, communis una definitio  
statuatur. Cum enim synonyma sint ea, quorum una est  
nomini congruens definitio: nullius certē eorum quæ no-  
men complectitur, propria definitio est, quandoquidem  
æquē omnibus homonymum conuenit. Quod uitium in  
uitæ definitione reperitur, quam Dionysius tradidit,  
Motus uniuerso eorum quæ nutriuntur generi natura  
insitus. nec enim hæc oratio animantibus magis in-

L 4

est.

NON

est, quàm ijs quæ è terra gignuntur: cum interim uitæ nõ  
unum genus sit, aliudq; uitæ genus animantibus, aliud ijs  
quæ è terra gignuntur, tributum esse uideatur. atq; fieri  
potest, ut quasi de industria sic definitionē uitæ explices-  
mus, quasi sit synonymū uerbum, unumq; sit genus uitæ  
sed etiam nihil prohibet eum qui homonymiam & am-  
biguum perspiciat, uelitq; alterius definitionem tradere,  
ita tamē facere, ut non propriam, sed communem utriq;  
statuat definitionem. Sed tamen utrius modo id fecerit,  
certē aberrabit. Quoniam autem quadā homonyma ob-  
scura sunt, is quidē qui interrogat, eis pro synonymis uti  
debebit: non enim alteri, unius significati conueniet defi-  
nitio. Ita alter quodā modo definisse non uidebitur: quo-  
niam in omnia cōuenire debet synonymum. idem autem  
ipse si respondeat, ambigū debet distinguere. Quoniāq;  
nonnulli eorum qui rem aliquam defendunt in disputa-  
tionibus, synonymum ambiguum esse dicunt, quoties nõ  
conuenit in omnia quæ statuta est definitio: & ambigū  
in synonymis dicunt, si utrisq; conueniat: antequam ag-  
grediari ad disputationem, conuenire debet, qualia ue-  
lit ea esse qui respondet: aut antè ratiocinandum est, &  
concludendum ambiguum esse, aut synonymum, aut utrū  
libet. Facilius enim concedunt ijs, qui quid sequatur non  
prouident. Quòd si non conuenerit inter eos qui disse-  
runt, & aliquis synonymum ambiguum esse dicat, pro-  
pterea quòd ea definitio quæ data est, in hoc sicut in illo  
minime intelligatur: tum uidendum est, an huius in cate-  
ra conueniat definitio. Perspicuum est enim, id synony-  
mum cum reliquis futurū: aut certē si illud sit, nec tamen  
hoc cum alijs synonymum sit, plures erunt reliquorum  
definitiones.

definitiones. duæ enim nominis definitiones ad ea accom-  
modabuntur, & prior quæ data est, & posterior. Rur-  
sus, si quis quid eorum quæ multis modis dicuntur desig-  
niat, neque in ea omnia quæ uerbum ambiguum comple-  
ctitur, definitio conueniat, nec ambiguum tamen dicat,  
sed nomen non omnibus conuenire, quoniam ne definitio  
quidem in omnibus reperiatur: contra eum afferre  
debemus, appellatione utendum esse ea quæ & tradita  
sit, & ab omnibus recepta: nec illam æquum esse infir-  
mare, tametsi quædã sint in quibus à uulgi consuetudine  
discedendum esse uideatur. Si autem alicuius eorum uer-  
borum quæ coniuncta sunt definitio statuatur, detrahe-  
re alterius eorum quæ copulata sunt oratione, an reliqua ei  
quod reliquum est conueniat, uidendum est. Si enim se-  
cus, profectò ne tota quidem toti conueniet. ut si quis hoc  
totum lineam finitam rectam definiat, extremitatē pla-  
ni habentis extremitates, cuius medium extremitatibus  
adiungitur; si finita linea hæc definitio est, extremitas  
plani quod habet extremitates; hæc reliqua debet esse re-  
ctæ definitio, cuius medium extremitatibus addatur. At-  
qui linea infinita nec medium habet, nec extremitates,  
cum interim recta sit: ita non est eius quod reliquum est,  
reliqua definitio. Vitiosum etiam definiendi genus est,  
cum id quod definitur copulatum est, eiq; attribuitur de-  
finitio eiusmodi, quæ æqualibus & paribus quasi memo-  
bris respondeat. Definitio autem paribus membris refer-  
tur, cum quot sunt coniuncta, totidem etiam sunt & no-  
mina & uerba in definitione. In his enim talibus ipsorum  
nominum, aut omnium, aut aliquorum mutatio facienda est  
necessario: quandoquidem non plura sunt hic, quàm



prius, nomina, debetq; is qui definit, pro nominibus omnibus maxime, sin minus, pluribus, explicare definitionem. sic enim simplicia uerba nunquam definiat is, qui uerbum tantum pro uerbo reddit: ut si pro ueste tunicā. Vehementius etiam in definiendo errabit, si uerba magis dubia assumat. ut si pro homine albo, terrigenam & mortalem candidum. neq; enim definiuit, cum minus apertum & perspicuum sit, quod ita dictum est. Atq; etiā in commutandis uerbis illud uidendum est, an idem significet una atq; altera oratio. ut si quis artem quæ rem animo cernit, definiat opinionem quæ rem animo cernit, et contemplatur. opinio enim non est idem quod ars & scientia: quod quidem deberet, si modò totum idem sit futurum. nam quod animo rem cernit et contemplatur, in utraq; oratione est: quod reliquum est, diuersum est. Iam si quis alterum uerbum commutet, neq; differentiam, sed genus commutet, uitiosa erit definitio. Quod in exemplo, quod modò protuli, cernere licet: hoc enim totum, quod rem animo cernit & contemplatur, uerbo artis obscurius est: quoniam hoc genus est, illud differentia: & genus, quoniam latissime patet, omnium est clarissimum et planissimum. Ergo non genus mutandum fuit, sed differentia, quandoquidem obscurior est. nisi forte ridicula hæc reprehensio est: præsertim cum nihil prohibeat differentiam notissimo uerbo significari, genus non item. Quæ cum ita erunt, certè generis, non differentia nomen mutandum erit. Quod si quis non nomen pro nomine, sed orationem pro nomine mutet, profectò magis differentia, quam generis explicanda definitio est: quandoquidem rei illustrandæ & cognoscendæ gratia definitio

nitio traditur, & minus nota differentia quam genus est. Si uero differentia definitionem explanant, an ad aliquid aliud definitio transferatur, uidendum est. ut si numerum imparem dicat, numerum qui medium aliquid habet: exponendum est, quemadmodum medium habeat. nam & numerus in utraque oratione est & imparis uerbum in definitione mutatum. atqui medium aliquid & linea & corpus habent, cum non sint imparia. non igitur propria est illa imparis definitio. Quod si multis modis dicatur id quod medium aliquid habet, distinguendum est, quemadmodum medium completatur: ita aut refellitur, reprehendeturque definitio, aut uitiosa esse concludetur. Præterea uitiosa etiam erit, si id cuius definitio statuitur, in ijs quæ sunt numeretur: quod autem definitioni subicitur, non numeretur. ut si quis, exempli gratia, rem albam esse dicat, colorem cum igne permixtum. Neque enim quod expers est corporis, permisceri potest cum corpore. ita color permixtus & confusus cum corpore nullus est: & aliquod album est. Iam si omnes qui non distinguunt in ijs quæ cum aliquo conferuntur, id cum quo conferuntur, pluræque complectuntur dicendo, aut omnino, aut quadam ex parte, uitiose definiunt, ut si quis, exempli causa, medicina nam dicat artem esse eius quod est. nam si nullius eorum quæ sunt medicina ars est, certè uitiosa falsaque est omnino definitio. si alicuius est, alicuius non est ars, quadam ex parte falsa est. debet enim esse omnium, siquidem per se non temere & casu eorum quæ sunt esse dicitur: id quod in cæteris quæ cum aliquo conferuntur, perspicui licet. Quicquid enim scientia & arte continetur.

cuius

cum sciētia & arte confertur. Eadem est ceterorum ratio: quandoquidem quæ cum aliquo conferuntur, reciprocantur omnia. Omne enim quod arte cōiunetur, in ijs est quæ cum aliquo conferuntur. Præterea si is qui non per se, uerūm fortuito & casu rem explicat, recte explicet & aperiat definiendo: non cum uno, sed cum pluribus. unūquodq; eorum quæ cum aliquo cōferuntur, comparabit. Nihil enim prohibet eandem rem & esse, & albam & bonam esse. Itaq; ut cum quouis eorū collatum quid definiat, recte definierit, si modò is qui re aduentitia temerè rem aliquam explanat, recte explanat. Postremò hæc talis definitio propria rei quæ explicata est et data, esse non potest. neq; enim medicina sola, sed pleræq; etiā aliæ artes in rebus quæ sunt, uersantur: ita unaquæq; ars in eo quod est, uersabitur. ex quo perspicuum est, hanc ipsam nullius artis esse definitionem: præsertim cum propria, non communis definitio esse debeat. Sed interdum non rem nudam, uerūm rem quæ in eo genere perfecta est definiunt. quo ex genere oratoris & furis definitio est: si orator is est, qui quod in quaq; re ad faciendam fidem ualeat, perspicere potest, neq; quicquam eorum prætermittit: & fur, is qui clam accipit. perspicuum enim est, eum qui talis est, qualem hæc definitiones describunt, perfectum & oratorem & furem esse. Neq; enim fur est qui clam sumit, sed qui uult clam sumere. Rursus uitiosa erit definitio, si id quod per se expetendum est, ut ad agendum faciendumue impellens, aut quiduis propter aliud expetendum, explicetur. ut si iusticia legum custos, uel sapientia beatæ uitæ effectrix definiantur. Efficientia enim & cōseruantia in rebus sunt, quæ propter aliud expetuntur,

expetuntur. Et quanquā nihil prohibet, id quod propter se expetitur, etiam propter aliud esse expetendū: tamen in eo peccatur, si quis ita id quod propter se expetendum est, definiat. Nam cum in cuiusq; rei ui & natura explicanda optimum quicq; adhibendum sit, id autem quod propter se expetitur, ei quod propter aliud anteponatur, fit, ut illud ipsum potius significare debeat definitio.

## CAPVT V.

Atq; etiam illud considerandum est, si ne qui aliquid definit, hoc & illud esse, an ex hoc et illo esse, an hoc cū illo esse definiat. nam si hoc & illud esse definiat, fiet, ut & utriq; conueniat, et neutri: ut si quis, exempli gratia, iusticiam definiat temperantiam esse & fortitudinem. nam si duo sint, quorum uterq; altero sit præditus, uterq; & neuter iustus erit: quando quidem ambo iusticiam habent, & uterq; non habet. Quod si hoc non uidetur admodum absurdum esse, propterea quod in alijs quibusdam hoc cōtingit, (nihil enim prohibet duos habere misericordiam, & neutrum habere) at illud certè per absurdum uidebitur, eisdem contraria conuenire. Quod fiet, si eorum unus temperantia & ignauia sit præditus, in altero fortitudo & intemperantia insit. Uterq; enim iusticiam et iniusticiam habebit. Si enim iusticia est fortitudo et temperantia, iniusticia etiam ignauia erit & intemperantia. Omninoq; omnia argumenta quæ sumi possunt ad demonstrandum, totum non esse idem quod partes, ad efficiendum id quod dictum est ualebunt: quippe cum is qui eiusmodi definitionem statuit & inducit, idem esse partes & totum confirmare uideatur. Aptissima autem omnium in hoc genere argumenta ducentur ab his, in quibus

bus aperta & perspicua partium compositio est: cuius generis est domus, & si qua sunt similia. Perspicuum est enim, si partes sint, nihil prohibere non esse totum. Ita non sunt idem totum & partes. Si uero res quæ definiatur non esse hoc & illud, sed ex hoc & illo constare dicatur, primum uidendum erit, an unum aliquid ex ijs ipsis minimè natura constare queat. Quædam enim, uelut linea & numerus, ita affecta sunt inter sese, ut nihil ex eis effici possit. Deinde, id ne quod definitione apertum est, in una re aliqua prima situm esse soleat: ea autem ex quibus ipsum constare ille dixerit, non in una re prima inesse soleat, uerum utrumque in altero. Perspicuum est enim ex ijs, nunquàm illud ex ijs constare posse, præsertim cum in quo partes, etià totum necesse sit existere. ita non in una re prima totum, sed in pluribus inerit. Quod si et partes & totum in una re prima insint, illud considerandum est, an non in eadem re, sed in alia partes, in alia totum. Tum sublato toto, an una etià partes tollantur et intereant uidendum est. Contra enim effici debet, ut interemptis partibus, totum intereat: interempto uero toto, non necesse est partes interire. Aut illud, an totum bonum uel malum est, & partes neutrum: uel contra, partes in bonis aut in malis sint, & totum in neutro. neque enim ex re ulla quæ nec bona nec mala est, aliquid quod bonum sit aut malum effici potest: neque ex ijs quæ ipsa mala sunt, uel bona, fieri aliquid potest quod sit in malis uel bonis. Aut, maiusne altera pars bonum sit, quam altera malum: quod autem ex eis constare dixerit, non sit maius bonum quam malum. ut si, exempli gratia, impudentia ex fortitudine et falsa opinione constare dicatur, quorum fortitudo maius bonum est, quam



Quam malum falsa opinio. Debit igitur etiam id quod  
 ex illis est, ex maiore esse consequens, & esse aut bonum  
 omnino, aut maius bonum quam malum. Quod non ne-  
 cesse est, nisi utrūq; per se in bonis malisue ducatur: quip-  
 pe cum multa efficientia, per se non sint illa quidem bo-  
 na: coniuncta autem & commixta cum quibusdam, in  
 bonis numerentur. Alia sunt contra, quorum utrunq; bo-  
 num est: quæ si coniungantur, uel mala erunt, uel indiffe-  
 rentia. Quod autem posterius dictum est, facillime in re-  
 bus salubribus uel pestilentibus perspicitur. Quædam  
 enim medicine eam uim habent, ut & utraq; per se pro-  
 fit: & si coniunctæ mixtæq; adhibeantur, sint obutu-  
 re. Iam illud quoque uidendum est, an ex meliore & de-  
 teriore parte aliquid constare dicatur, quorum meliore  
 totum non sit deterius, & deteriore præstantius. An ne  
 hoc quidem necessarium est, nisi per se sint ea ex qui-  
 bus illud concretum est, in bonis. nihil enim prohibet,  
 totum in bonis non numerari: quod in ijs quæ modò com-  
 memoravi, perspicitur licet. Illud etiam, eodem ne nomine  
 totum & pars altera appellentur. non enim debent, si o-  
 cuti nec syllabæ quidem: nam syllaba nunquam eo-  
 dem nomine appellari solet, quo elementa ex quibus  
 constat. Vitiosum etiam est, rationem concretionis non  
 exponere. Non enim satis est ad aperiendum declaran-  
 dumq; aliquid, id ex his uel illis constare dicere, præfero  
 tim cum eorum omnium quæ concreta sunt, uis & nata-  
 ra non sit ex his uel illis constare, sed hoc uel illo modo  
 ex his uel illis effici. Id quod animaduerti licet in do-  
 mo. neque enim si quæ res quouis modo disponatur,  
 continuo domus erit. Quod si quid esse hoc cum illo  
 definias,

definiat, primum dicendum est, hoc cum illo aliquid esse, idem quod hoc & illud, aut quod esse ex hoc & illo ualere. Qui enim dicit aliquid mel cum aqua esse, is uel mel & aquam dicit esse, uel ex melle & aqua constare. Ita si utrumuis horum idem esse concedat quod esse hoc cum illo aliquid, eadem omnino sumenda erunt argumenta, quæ ad utrunq; refellendum supra exposuimus. Deinde diuisione adhibita, quot modis aliquid cum alio dicatur esse, nullòne modo hoc cum illo sit, uidendum erit. ut si dicatur aliquid esse cum alio, uel ut in aliquo eodem subiecto: ueluti iusticia & fortitudo in animo insunt. uel in eodem loco, uel in eodẽ tempore, & nullo modo id quod queritur de his uerè dicatur, profectò nullius erit propria & uera ea quæ statuta est definitio: quando quidem nullo modo hoc cum illo est. Sin diuisione adhibita, quot modis aliquid cum altero esse dicatur, uerè sit in eodem tempore utrunq;, uidendum est, an utrunq; minus ad eundem finem pertinere possit. ut si quis fortitudinem definiat, audaciã cum recta ratione: fieri enim potest, ut audacia prouectus sit aliquid spoliandi, cum recta ratione ac intelligentia de rebus salubribus sit præditus. Atqui non habebitur fortis is, qui eodem tempore hac re cum illa ualebit. Iam uerò illud etiam, an ad idem utrunq; referatur, ut ad res medicas. nihil enim prohibet aliquem audaciam & rectam intelligentiam ad medicinam afferre: cum interim fortis non erit is qui hoc eum illo coniunxerit. neq; enim ad diuersa utrunq; eorum referri debet, neq; ad quamuis eandem rem, sed ad finem fortitudinis: qualia sunt belli pericula, aut si quis alius magis ei propositus est finis. Sunt autem quedam, quæ nõ in eam quam

quam exposui cadant diuisionem. ut si ira ægritudo est cum contemptus opinione: hoc enim declarat, ex opinione eiusmodi nasci ægritudinem. hoc autem ex illo nasci, non idem est quod hoc cum illo esse, ullo genere eorum quæ exposita sunt à nobis. Rursus si quis definiendo, aliquarum rerum concretionem, totum esse dixerit, ut corporis & animi concretionem esse animal: illud uidendum est, an qualis sit cōcretio explicarit. ut si quis definiendo carnem uel os, dixerit esse ignis, terræ, aerisq; cōcretionem. neq; enim satis est concretionem dicere, sed qualis ea sit exponendum est: quandoquidem non si quouis modo hæc ipsa coalescant, continuò caro nascitur: sed si hoc modo coalescant, caro: sin illo modo, os gignitur. Quamquam neutrum eorum idem uidetur esse quod concretio, præsertim cum omni cōcretioni diremptio & dissolutio contraria sit, neq; sit ulli eorum quæ exposuimus. iam si æquè probabile est, esse omne quod concretum est concretionem, aut nullum: nullū autem animal, quorum unumquodq; concretum est, concretio est: ne ullum quidem eorum quæ concreta sunt, concretio erit. Præterea si pari ratione alicui conuenire natura sua solent contraria, & altero re definiendo aperuerit aliquis: certè non uera erit definitio: sin secus, profecto plures eiusdē rei definitiones erunt. Quis enim hoc potius, quam altero, rem definierit, quandoquidē æquè in eodem utrunq; reperiri solet? Ex quo genere est illa animi definitio, natura capax sciētiæ. pari enim ratione ignorationis est capax. Quod si cui ad totam definitionē euertendā nullum suppetat argumentū, propterea quod totū obscurum est, et abstrusum, is ad partem aliquam, quæ nota erit, & non rectè explicata

M

uideatur,

uideatur, omnem argumentationem dirigere debet. e-  
 uersa enim parte, tota etiam euertetur definitio. Quæq;  
 obscuræ sunt definitiones, eas ita omnes exquirere ac  
 considerare debemus, corrigendo & restituendo, ut &  
 aliquid lucis & argumentorū copiam afferamus. neces-  
 se est enim eum qui respondet, aut quod ab eo qui interro-  
 gat assumitur, approbare: aut certè ipsum quod tādens  
 definitione aperiatur, exponere. Iam uerò quemadmo-  
 dum in concionibus legem soliti sunt ferre, quæ si melior  
 sit, superiorem abrogat: sic in definitionibus faciendum  
 est, aliaq; inducenda est definitio. Si enim uerior uidea-  
 tur, magisq; id quod definitur declarare, certè euersa e-  
 rit prior: quandoquidem non sunt eiusdem rei plures de-  
 finitiones. Ad omnes autē definitiones non minima in eo  
 uis est, si id de quo agitur, ipse tecū consideratè definiat:  
 aut definitionem quæ rectè tradita & explicata sit, assue-  
 mas. nam ut maior quædam nobis argumentorum copia  
 suppetat, necesse est quasi exemplar, & quid in definitio-  
 nibus prætermisum sit, & quid redundet, intueri. Ac  
 de definitionum quidem locis, hætenus.

TOPICORVM LIB-  
 ber Septimus.

CAPVT I.



Nunc, utrum id de quo agitur idem sit, an  
 alterum, eo genere quod de eodem maxi-  
 mè propriam exposui, dicendum est. Idem  
 autem maximè propriè dixi, quod unum  
 est numero. Ac primus locus sumitur ex  
 casibus, coniugatis, & contrarijs. Si enim iusticia &  
 fortitudo

fortitudo idem sunt, iustus & fortis idem erunt, & iuste idem quod fortiter. Eadem est contrariorum ratio. Nam si quæ eadem sunt, eorum etiam contraria eadem erunt, in quavis repugnantia earum quas exposui. nihil enim interest, huic an illi contrarium sumatur, quâdoquidem eadem sunt. Alter locus ex ijs ducitur, quæ uim habent efficiendi quid, uel interimendi: itemq; ex ortu & interitu, & uno nomine ex ijs in quibus est aliqua unius ad alicrum affectio. Quæ enim omnino eadem sunt, eorum etiam origines & interitus iidem sunt, & ea quæ uim habent efficiendi, & ea quæ interimendi. Atq; etiam illud uidendum est, an quorum alterû maximè quiduis dicitur, eorum etiam alterû eodem modo dicatur maximè. Quemadmodum Xenocrates beatam uitam & rectam eandem esse docet: quandoquidem recta & integra uita, & beata, maximè una ex omnibus expetenda est: unum enim esse quod maximè expetatur, & quod maximum sit. Quod idè in cæteris eiusdè generis contingit. Sed illud intelligendû est, utrunq; eorum quæ maximè expetenda esse, aut etiam maxima dicentur, unû numero esse oportere. Sin secus, esse idem non docebimus. non enim si Græcorû fortissimi sint Peloponnesij & Lacedæmonij, continuo Peloponnesios & Lacedæmonios eosdè esse necesse est: quandoquidè non unus numero est Peloponnesius & Lacedæmonius. sed unum alterum complectatur necesse est, quemadmodum Lacedæmonios Peloponnesij: aliter enim fiet, ut si alteri alteros non complectantur, ipsi inter se meliores sint. nam necesse est Lacedæmonijs meliores esse Peloponnesios, si alteri alteros non complectantur: sunt enim cæteris omnibus præstantiores.



Itemq; Peloponnesijs anteponuntur Lacedæmonij, quod-  
 niam ipsi cæteros uincunt. ita fiet, ut alteri alteris præstā-  
 tiores sint. Perspicuū est igitur, unum numero esse oportere id quod optimum & maximum dicitur, si futurum est ut idem esse doceatur. Itaq; Xenocrates non demonstrauit, quando quidem non eadem numero est beata & recta uita. nō igitur necesse est eandem esse uitam, quod utraq; expetenda sit maximē, sed alteram ab altera contineri. Rursus uidendum est, duobus propositis, si quid et unum eorum idem sunt, an etiam id et alterū idem sunt. si enim ambo non idem ualent, quod aliquid quod idem est, profectō eadem ipsa non erunt. Iam ex attributis rerum, & ijs rebus quibus hæc ipsa attributa sunt, ducenda sunt argumenta hoc modo: Duobus propositis, quæ uni attributa sunt, eadem omnia alteri etiam attribui debent. Et quibus unum eorum attributum est, etiam alterum attribui debet. Et si quid horum absit, profectō ea quæ proposita sunt, non sunt eadem. Videndum est etiam, an in uno genere categoriæ minus utrumque numeretur, unumq; qualitatem, alterum quantitatem, aliud relationem indicet. Illud etiam, an utriusq; minimē sit idem genus, sed unum bonum, alterum malū: aut hoc uirtus, illud scientia. Aut si genus idem, eadē mne minus sint differentia, quæ de utroq; dicantur: sed de hoc, quæ rem animo cernit scientia, de illo ea cuius opus est in agendo. Quod idem in cæteris omnibus uidendum est diligenter. Ex maiore hoc modo ducuntur: Si unum relationem habet, alterum non habet: aut si utrūq; habet, sed nō simul. quemadmodum qui uehementius amat, non magis concubitus appetit: ita non idem est amor, quod concubitus appetitio.

petitio. Ex adiunctione hoc modo: Si uterq; ad idem additum, idem totum nō faciat & reddat. Aut si eadem re ab utroq; detracta, quod reliquum est, aliud manet. ut si quis duplum simpli, & multipulum simpli idem esse dicat. deiuncto enim ab utroq; simpli, quæ reliqua sunt idem declarare debent; neq; declarant, cum præsertim duplum & multipulum non idem efficiant. Neq; uerò id modò uidendum est, an ex proposito iam aliquod incommodum efficiatur: sed illud etiam, an ex fictione possit aliquid tale effici. Quod ij suscipere coguntur, qui inane aliquid & plenum aeris idem esse dicunt. Perspicuū est enim, si aer euadat & abeat, non minus inane, quin etiā magis futurū esse: quo tamen tempore nil est aere plenū. Ergo posito aliquo, siue quod falsum, siue quod uerū sit, nihil enim refert, si alterum tollatur eorū, alterū non itē, eadem illa non erunt. Atq; ut summatim cōplectar, in ijs quæ de utroq; quouis modo dicuntur, & in quibus hæc ipsa dicuntur, illud considerandū est, aliquōne loco hæc discrepent. Quæ enim de uno eorum quæ eadem sunt dicuntur, ea de altero etiam dici debent omnia: & in quibus unum dicitur, alterum etiam dici debet. Et quoniam multis modis idem dicitur, an alio genere, aliaq; ratione eadem sint, uidendum est. Quæ enim eiusdem generis uel speciei sunt, ea non eadem numero sunt necessariò. In eo genere necne eadem aliqua sint, considerabimus. Postremo, si unum sine altero coherere potest, certè non idem ualebunt. Ac loci qui ex eodem ducuntur, expositi sunt. Ex ijs autem quæ adhuc exposita sunt, intelligi potest, omnes locos qui ualent ad refutandam quæstionem de eodem & diuerso, esse accommodatos ad refutationem

definitionis. Nam si nomen & definitio non idem dectarent, certè non uera erit quæ constituta definitio est. Eorum autem locorum qui ad confirmandum quid sumuntur, nullus ad definitionem probandam ualet. Non enim satis est ad confirmandū definitionem idem esse id quod definitioni, nominiq; quod definitur subiectum est, docere: sed cætera omnia quæ proposuimus, completi debet definitio. Sic igitur definitionem, ex ijsq; locis euertere debemus. Quod si probare eam & constituere uelimus, primum intelligendum est, neminem, aut paucos certè eorum qui disputant, definitionem per rationationem tractare & concludere solere, eamq; omnes principio initioq; sumere. cuiusmodi sunt geometræ, et ij qui in numerorum ratione uersantur, cæterisq; disciplinis generis eiusdem. Deinde illud intelligendum est, non esse huius disputationis subtiliter explicare, quid sit definitio, & quemadmodum sit definiendum. Nunc quidem quo ad hic locus postulare uidetur, eatenus hoc solum dicendum est, & definitionem & uim naturamq; rei per rationationem posse concludi. Nam cum definitio oratio sit, quæ quid sit res explicat, eaq; sola quæ in definitione dicuntur in natura rei dici debeant: (dicuntur autem de natura rei genera & differentiæ) profectò si quis ea solumumat quæ de natura rei dici debent, quæ hæc ipsa complectetur oratio, definitio sit necesse est. Non enim aliud definitio esse potest: quandoquidem nihil aliud in rei natura dicitur. Ergo illud quidem perspicuum est, definitionem per rationationem posse cõcludi. Quibus autem ex locis sumenda sint argumenta ad constituendam definitionem, alijs libris accuratius exposuimus: ad hunc

Hunc autem locum pertinent qui sequuntur. Ex ijs enim contrarijs quæ aduersa dicimus, & cæteris contrarijs eligenda sunt argumenta, siue totam definitionem, siue singulis partes spectemus. nam si opposita & cōtraria oppositi definitio est, ea etiā quæ statuta & posita est, eius sit de quo agitur necesse est. Quoniam autem aduersorū plures sunt coniunctiones, sumenda est ex aduersis quæ contraria definitio uideatur maxime. Ac ex tota quidena definitione argumenta, quemadmodū exposui, trahenda sunt. Ex partib. autē hoc modo, & primum ex genere: Si contrarium in contrario est, id autem de quo agitur, non est in eodem, certē in cōtrario genere erit: quādoquidem necesse est, contraria aut in eodem genere esse, aut in contrarijs. Atq; etiam contrarias differentias de contrarijs dici æquum putamus, ut exempli causa, de albis et nigris, quorum de his quod uim habet comparādi, de illis quod uim habet dissipandi aspectus dicitur. ita si de contrario contrariæ dicitur, projectō de eo quod propositum est, ea etiam differentia quæ statuta sunt, dicuntur. Ex quo fit, ut quoniam & genus & differentia rectē explicatae sunt, definitio uera sit quæ data est. Aut nō necesse est, in cōtrarijs contrarias dici differentias, nisi in genere eodē cōtraria reperiuntur. Quorū autē cōtraria sunt genera, nihil prohibet eandem differentiam de utrisq; dici, ut de iusticia & iniusticia: quorum illa uirtus, hæc uitiū animi dicitur. Ita animi differentia in utroq; dicitur, quoniam corporis etiā sua uirtus est, & uitiū. Hoc igitur uerum est quidē certē, contrariorum aut contrarias aut easdē esse differentias. Si ergo de contrario cōtraria dicitur, de hoc aut non item: projectō in hoc ipso ea quæ statuta est, intelligetur.

telligetur. Cum autem ex genere et differentijs definitio sit, si contrarij perspicua et clara sit definitio, eius etiam de quo agitur, perspicua claraq; erit definitio. Quoniam enim contrariū in eodem genere est in quo alterum contrarium, aut in cōtrario: eodemq; modo differentie aut contrarie de contrarijs, aut eadem dicuntur: certē de eo quod in controuersiam incidit, aut idem genus quod etiam de contrario dicitur, & differentie contrarie uel omnes uel nonnullae, & ceterae eadem: uel contrā differentie eadem, & genera contraria, uel utraq; cōtraria & genera et differentie, quoniā eadem esse utraq; non possunt. alioqui contrariorū eadem erit definitio. Ex casibus etiam & coniugatis ducuntur argumenta. Genera enim alia alia sequuntur, & definitiones alia alias, hoc modo: Si obliuio est depulsio scientiae, etiam obliuisci depellere scientiam erit: & oblitum esse, idem quod depulisse scientiam. Si igitur unum eorum quae dixi, cōcessum sit, cetera etiam concedantur necesse est. Itemq; si interitus dissolutio est naturae, interimere etiam erit dissoluere naturam, & accommodatē ad interimēdum idem quod accommodatē ad dissoluendum. Et si id quod uim habet ad interimendum, idem est quod id quod uim habet ad dirimendā naturam, interitus etiam diremptio erit naturae. Eadē est ceterorum ratio. Ita fit, ut si unūquodlibet sumptū sit, etiam reliqua omnia concedantur. Ex ijs quae eodem modo inter se affecta sunt, hoc modo: Si id quod salubre est, efficiens est ualetudinis; id etiam quod ualet ad firmam constitutionem corporis, efficiens erit firmæ corporis constitutionis: & quod prodest, ad bonum efficiendum pertinebit. Eodem enim modo ad suum quicq;

eorum



eorum finem affectum est. Ita si unius eorū definitio est, uim habere ad efficiendū finem, uniuscuiusq; etiam ceterorum hac propria erit definitio. Ex maiore etiā, & ex paribus quot modis licet confirmare, duo cū duobus comparantur, hoc modo: Si hac magis huius rei, quā illius rei definitio est: quæ autem minus uidetur, definitio est: etiam quæ magis uidetur, definitio erit. Et si pari ratione hac huius rei, & illa illius rei definitio est, & una alterius rei est, reliqua etiam reliquæ rei erit. Quod si una definitio cum duabus rebus, aut res una cum duabus definitionib. conferatur, nullus huius loci usus erit. neq; enim duarum rerum una definitio, neq; duæ unius rei definitiones esse possunt. Maxime autem apti et accommodati sunt ex omnibus loci ij qui modò expositi sunt, & qui ex casibus coniugatisq; sumuntur. Itaq; ij maxime in mente & cogitatione defixi atque parati esse debent (maxime enim apti sunt ad multas quæstiones) atq; etiam ex ceteris omnibus ij qui latissime patent, quoniam ex ceteris omnibus ualent plurimum. ut si propositis rebus singulis & formis, uideas, an in ea omnia conueniat definitio, quandoquidem synonyma est species. Qui quidem locus contra eos etiā ualet, ut supra dixi, qui ideas esse ponunt. Iam si per translationem nomen quod definitur dixit, aut idem de se dixit ut alterum: & si quis alius locus late pateat, firmusq; sit, is adhibendus est.

## CAPVT II.

Difficilius autē esse confirmare & probare quā res. felle definitionē, ex ijs quæ deinceps dicemus perspicere poterit. neque enim facilis est cognitu definitio: neque ij quos interrogamus, libetē dant propositiones eiusmodi.


Horum quæ data definitio cõplectitur, unum genus esse, alterum differentiam: & In natura rei genus differentiasq; dici, sine quibus ratiocinatione concludi nõ potest definitio. Nam si quædam etiam alia in rei natura dicantur, certè dubiũ est, eãne quæ statuta est, an alia eius definitio sit: quandoquidem definitio oratio est, quæ quid res sit explicat. Quod etiam ex his intelligi potest, quia facilius est unum quàm plura concludere. Ac ei quidem qui euerit, satis est in unum dirigere argumentationẽ: quippe cum si unum qualecunq; refellamus, euertimus definitionem. At uerò ei qui confirmat, omniũ eorum quæ definitio complectitur, necessaria concursio est. Præterea ei qui probat definitionem, de toto genere tractanda est ratiocinatio. Debet enim de omnibus definitio dici quæ nomen complectitur: & præterea uicissim, de quib. definitio, nomen etiam dici debet, si futura sit propria quæ est statuta definitio. At ei qui refellit, non est necesse de toto genere monstrare. Satis est enim docere, non uerè dici de aliquo eorũ quæ nomini subiecta sunt definitio-nem. Quod si totum & omnino refellendũ sit, certè non necesse est reprehendendo reciprocari argumentationem. Satis enim est cum qui refellit omnino, ostendere in aliquo eorum quæ nomen complectitur, definitionẽ non intelligi: contraq; non necesse est docere, de quibus oratio dicatur, nomẽ non dici quod definiatur. Iam si omnibus etiam quæ nomen complectitur, conueniat, non solis autem ijs, definitio euerfa erit. Similis est ratio proprii & generis. Vtrunq; enim eorũ facilius refellitur, quàm probatur. Atq; id quidẽ de proprio, ex ijs quæ dicta sunt perspicui potest, ferè enim in cõiunctione explicatur proprium,

prium. Ita uno uerbo reprehenso licet refellere: at ei qui probat propriū, omnia concludenda sunt necessario. Cætera autē omnia ferē quæ ad definitionem, ad propriū etiam conueniet assumere. Eum enim oportet qui probat, omnibus ijs quæ subiecta sunt nomini, docere conuenire. At eum qui refellit satis est uni docere non conuenire, et si cōueniat omnibus, at non solis, hoc etiam pacto reprehensum erit, quemadmodum in definitione diximus. Genus autem uno modo licet probare, si omnibus cōuenire doceamus, refelli autē duobus. Nam & si nulli, & si cui doceatur non conuenire, euersum erit. Iam eum qui probat, non satis est ipsum inesse monstrare: sed eum etiam oportet quare ut genus insit, ostendere. At eum qui refellit, satis est non inesse docere in aliquo, uel in nullo. Videtur autē, ut in cæteris rebus facilius est dissipare quā dissipata & dispersa cōnectere, sic in his refellere quā probare. Accidentis porro uniuerſa quæstio, facilius refutatur quā confirmatur. Confirmando enim docendum est conuenire omnibus: in refutatione satis est, unū ostendere non conuenire. Contrā quæstio quæ in parte proponitur, facilius confirmatur quā reprehenditur. Ad probandum enim satis est alicui docere conuenire: refutando autem nulli conuenire docendum est. Atque etiam illud perspicuum est, quid ita facilima sit una ex omnibus refutatio definitionis. plura enim quā pleraque eorum quæ exposuimus, complectitur. atque ex pluribus facilius efficitur conclusio: quoniam in multis sæpius quā in paucis rebus error uersari solet. Præterea ad definitionem euertendam ex alijs argumenta sumi possunt. siue enim oratio non est propria, siue non

est genus quod datum est, siue aliquid eorum quæ cōple-  
 titur non conueniat, euersa erit definitio. At uerò ad cæ-  
 tera refutanda, neq; ea quæ ex definitionibus existunt,  
 neq; alia sumi possunt omnia. Sola enim ea quæ ad acci-  
 dens sumuntur, ei sunt cum cæteris omnibus communiat  
 quippe cum inesse & conuenire omnia debeant. Si uerò  
 genus non ut proprium conueniat, non idcirco genus ea  
 uersum erit. Item q; non necesse est propriū ut genus, neq;  
 accidens ut genus uel proprium cōuenire, sed solū con-  
 uenire. Ita fieri non potest, ut ex cæteris ad alia, nisi ad  
 definitiones, argumenta ducantur. Perspicuū est igitur,  
 definitionis unius ex omnibus & refutationē faciliam  
 esse, & difficilimā probationem. nam effici & illa con-  
 cludi debent omnia. Siquidem cōuenire illa ipsa ex qui-  
 bus cōstat, docendum est, & genus esse id quod affertur,  
 & propriam esse orationem, & præterea rei naturam  
 declarari oratione, atq; id præclare factum esse. Ad de-  
 finitionis hanc naturā proximè ex reliquis accedit pro-  
 prium. nam & facillimum est ad refutandum, quod fere  
 constet ex multis uerbis: & ad probandū difficilimum,  
 quod multa concurrere & quasi conuenire debeant,  
 quodq; soli rei insit, & cum ea reciprocetur. Omnium  
 autem accidens facillimum est ad probandum. Cum eo-  
 nim cætera non solū conuenire docendum sit, satis est  
 ostendere conuenire et inesse accidens: difficilimeq; ac-  
 cidens refelliitur, propterea quod perpauca completi-  
 tur. neq; enim declaratur in accidente, quomodo conue-  
 niat. Itaq; cætera omnia duobus modis refelli possunt, et  
 docēdo non conuenire ea, & non hoc uel illo modo con-  
 uenire. Accidens autem refutari non potest, nisi ostenda-

tur

tur n  
 quibus  
 torum



deinde  
 mo hæc  
 dem ph  
 gumen  
 hoc tot  
 sunt D  
 exquisi  
 ficatur  
 hoc non  
 conium  
 prouid  
 operat  
 cum re  
 tur qu  
 dem ex  
 bris ex  
 queren  
 que pr

tur non conuenire. Ac loci quidem ferè expositi sunt, ex quibus nobis ad quamq; quæstionem magna argumentorum suppetet copia.

## TOPICORVM LI- ber Octauus.

### CAPVT I.



Sequitur, ut de dispositione & ordine argumentorum, interrogandiq; ratione dicendum esse uideatur. Primum quidem locum ex quo argumentū sumat, inuenire debet is qui quæstionem positurus est: deinde querere ipse per se, & disponere omnia: postremo hæc omnia apud alios tractare et eloqui. Ac loci quidem philosopho cum dialectico cōmunis inuentio est: argumentorū autem dispositio & interrogatio, quoniam hoc totum, alterum qui cōtrā disputet, requirit, propria sunt Dialectici. Philosophus enim, quiq; per se & solus exquirat omnia, modò uera sint, & nota ea ex quibus efficitur conclusio, non laborat, an qui contrā disputat, uel hoc nomine maxime non cōcedat, quòd finitima sint & coniuncta ijs quæ à principio proposita sunt: & quòd prouideat, quid effici concludiq; oporteat. Quin etiā dat operam, ut quàm clarissima sint, maximeq; coniuncta cum re pronunciata: quippe cum ex his talibus conficiantur quæ scientiam gignunt ratiocinationes. Ac loci quidem ex quibus ducenda sunt argumenta, superioribus libris expositi sunt à nobis. Nunc de eorum dispositione, quærendiq; ratione ita dicemus, si ante eas propositiones quæ præter necessariis reliquæ sunt, partiamur. Neces-

sariæ



*farie autem dicuntur ea, ex quibus ratiocinatio constat.*  
*Quatuor autem genera sunt earum quæ præter has assu-*  
*mitur. Aut enim inductionis gratia, ut quod uniuersum*  
*est detur: aut augendæ & amplificandæ argumentatio-*  
*nis, aut occidendæ celandæq; conclusionis, aut illustran-*  
*dæ aperiendæq; orationis causa omnis propositio sumi-*  
*tur, præterea nulla. Sed eò omnis diligentia conferenda*  
*est, ut his ipsis uel argumentatione amplifcemus, uel in*  
*interrogando utamur. Quanquã autem eas quæ occultan-*  
*dæ conclusionis causa assumuntur, certandi studio adhi-*  
*bemus: eis tamen, quoniam hoc totum huius artis munus*  
*cum altero transigendum est, uti necesse est. Necessariis*  
*igitur, ex quib. conficitur ratiocinatio, non statim propo-*  
*nere, sed longe ad summis proficisci debemus. non enim*  
*debet aliquis, exempli causa, contrariorum quæ aduersa*  
*dicuntur, eandẽ artem esse sumere, etiam si id uelit, sed o-*  
*mnino contrarium. Hoc enim concesso & posito, etiam*  
*aduersorũ eandem artem esse concludet: siquidem aduer-*  
*sa subiecta sunt contrarijs. Quòd si non concedat, tum*  
*per aduersorum singulorum inductionem tractada erit*  
*argumentatio. Nam aut ratiocinatione, aut inductione su-*  
*mendæ sunt necessariae propositiones: aut quædã ratioci-*  
*natione, quædam inductione. Quæq; ualde perspicuæ et*  
*clare sunt, eas præponere debemus, propterea quòd ob-*  
*scurior est semper magisq; dubia in recessu & in indu-*  
*ctione conclusio. Atq; mox ipsis necessariis proponere,*  
*si quis sumere illo modo non possit, est maximè expeditũ.*  
*Quæ autem præter necessariis enumeratæ sunt, & illa-*  
*rum ipsarum causa sumi debent, et ita adhiberi, ad indu-*  
*cendum quidem: ut à singulis ad uniuersas & generales,*  
à non

non dubijs clarisq; ad obscuras dubiasq; perueniamus inducendo. Clariora autem sunt ea quæ sensui subiecta sunt, aut per se, aut certè plerisq; ad celādam autem conclusionē, ut antè fiat de ijs ratiocinatio, ex quib. id quod initio propositū est, cōcludi efficiq; debet. Quod ita fiet, si quis non solū necessarias, sed aliquam etiam earum quæ ad illas utiles erunt, cōcludat. Illud etiam proderit; cōclusiones tacere, easq; pōst quasi per coacervationem omnes colligere syllogismo. Sic enim à primo proposito aberrabit lōgissimè. At ut in summa dicam, cum oportet qui obscure uult interrogare, ita hoc præstare, ut interrogata iam tota oratione, effectaq; cōclusionē, alter causa quæ sit requirat. Idq; ex superiore loco efficitur facillimè. Si enim sola ultima conclusio pronuncietur, incertum erit, quemadmodum efficiatur: quòd is qui contrā disputat; unde efficeretur non provideret, cum priores ratiocinationes in mēbra digestæ non essent. Minimè autem digeritur in membra ratiocinatio conclusionis tum, cum eius sumptiones non enumerantur & disponuntur; sed illa ex quibus probantur illius syllogismi sumptiones. Vtile erit etiam, non continenter propositiones sumere ex quibus ratiocinationes constant, uicissimq; aliam & aliam efficere conclusionē. Collatis enim unum in locum ijs omnibus quæ apta sunt ad aliquid concludendum, facilius quid ex eis efficiatur intelligi potest. Atq; etiam generalis quædam ex definitione non eorum de quibus agitur, sed coniugatorum, sumenda propositio est. Falsa enim conclusione se ipsi capiant n̄ qui respondent, cum coniugati sumitur definitio, quasi uniuersam generalēq; minimè concedant propositionem: ut si hoc sumendum sit,

fit, eum qui irascatur, appetētem esse ultionis, sumaturq; ira libido esse puniendi eum qui contempsisse uideatur: certē sumpto hoc, omnino quod uolumus habebimus. At si quis definitionem afferat eorum de quibus agitur, ferē fit, ut is qui respōdet ei resistat, quōd facilius sit in his occurrēdi ratio. Cuius generis illud est: Non omnes qui irascuntur, pœnam appetere: nos enim parentibus irasci, neq; eos supplicio affici optare. Et quanquā non uidetur uerē hoc loco occurri, propterea quōd nōnullis satis grauis pœna est, aliorum molestia & pœnitentia: habet tamen aliquid probabilitatis & authoritatis, ut non sine causa propositum negatum esse uideatur. Definitioni autem iræ tā facile resisti non potest. Præterea is qui quæstionem ponit, ita proponere debet, ut non ad id de quo agitur, sed aliō quod affert pertinere uideatur. Declināt enim omnes qui respondent, ea omnia quæ ad propositū pertinent. Dare etiam operam debet, ut quā maxime incertum sit, utrum id de quo agitur, an eius contrarium uelit sumere. Cum enim quid ad propositum pertineat obscurum est, neq; apparet, tum facilius concedunt quod illis probatur. Iam uerō ex similitudinis collatione interrogandi erunt, quoniam & uerisimile est: & uniuersares quam uult quispiam concludere, obscurior & occultior redditur. uelut, quemadmodum ars & inertia eadem est contrariorum, sic sensum eundem uersari in contrarijs: aut contrā, quando sensus in contrarijs rebus cernitur, etiam artem. Quod quidem genus finitimum est inductioni, non idem tamen ualet. Illic enim ex rebus singulis ad uniuersas peruenitur, in similitudine autem non peruenitur ad uniuersas, in quib. similia omnia continentur.

rinentur. Ipse etiam sibi interdum debet resistere. suspectos enim non habent eos qui æqui in disputando uidentur. Utile est etiā si dicat, ea se proponere quæ usitata & trita sunt, in omniumq; ore uersantur. neq; enim audent usitata repudiare & tollere, quod quid contrā obijciāt, non habent: & quia hæc illis usitata sunt, haud periculum est ne ea reprehendant. Iam & studium nostrum in aliqua re sumēda dissimulare, etiam si utile sit, debemus. Ijs enim qui magnum studium in aliqua re ponunt, resistunt libentius. Et similitudinum collatione proponere: quia facilius concedunt rem in alio, quā per se propositam. Magna etiam uis in eo est ad probandum obscure quod uolumus, si id non proponamus quod sumendū est, sed id quod illud consequitur necessariō. Facilius enim dant & cōcedunt illud ipsum, quod nō æquē ex eo perspicere potest quid sit efficiendū: quo tamen sumpto, etiam illud sumptum erit. Illud etiam plurimū ualet, extremo loco id proponere, quod in primis efficere uelimus. Solēt enim omnes primæ disputationi resistere acrius, & diligentius: propterea quod omnes qui disputant, ea in primis proferre solent, in quibus maius studiū curamq; posuerūt. Quanquam apud nonnullos hæc quæ ad rem maximē faciunt, prima dici debent: cuiusmodi sunt difficiles, qui quidem ea concedunt facilius, quæ prima disputatione afferuntur, si modō quid sequatur non omnino appareat: ad extrema autem, difficiles se proteruosq; præbent. Quod idem de ijs iudicandum est, qui acutos se putant in respondendo. positis enim concessisq; permultis, tumultuantur in conclusione, quasi ex ijs quæ posita sunt, minimē sequatur. Illi autē facile cōcedunt, & freti

N ingenio

ingenio suo, & rati nullum se incommodum consecuturum. Postremo producenda erunt, & amplificanda, interijciendaq; in argumentatione ea omnia, quæ nihil ad rem pertinere uidebuntur. Id quod ij soliti sunt facere, qui falso aliquid describunt & delineât: Nam cum multa sunt, difficilis est falsi dyjudicatio. Itaq; celant & obscurant rem interdum ij, qui obscure utuntur interrogastionibus, ea quasi in cumulo occulta proponentes, sumentesq; quæ nunquam per se ac singula darentur. Atq; ex his locis argumenta ducenda erunt, ad celâdam dissimulandamq; conclusionem. In ornanda autem amplificandaq; disputatione, rerum finitimarû & coniunctarum adhibenda inductio atq; diuisio est. Inductio quidem quid sit facile perspicitur. diuisio autem talis est, ut artem arte præstantiorem esse, aut quia certior sit, aut quia in rebus melioribus uersetur. Et artium alias esse, quarum omne opus est in cognoscendo: alias, quarum in agendo: alias; quarum in faciendo. Hæc enim & ornatum asserunt orationi, nec necessaria sunt ad efficiendam cõclusionem: Dilucidam autem & perspicuam argumentationem facient, exemplû, similitudinisq; collatio. Exempla autens propria, & ad rem apta esse debet, & eiusmodi, ex quibus res intelligatur. cuiusmodi illa sunt quæ Homerus, nõ quæ Choerilus commemorat. Sic enim notius erit & clarius id quod proponitur. In differendo autem ratiocinatione utendum erit apud Dialecticos potius, quàm apud multitudinẽ: inductio contra magis multitudinem commouet. Sed de his generibus iam dixi. In quibusdã rebus facile potest is qui inductione utitur, inuenire id quod totum dicitur: in alijs non facile potest, quod omnib. similitudinibus



titudinibus non est cōmune nomen impositū. Quinetiam  
 rum genus uniuersum cōcludi debet, eandēq; ceterorum  
 similitum rationem aiunt esse, tum id profectō diffi-  
 cile est, quæ nam eorum quæ cōmemorata sunt eiusdē  
 sint generis, quæ non sint, explicare dicendo. Ob eamq;  
 causam sæpe disputantes inter se dyssident & hærent, dū  
 alij similia esse cōfirmant, quæ non sunt similia: alij simi-  
 lia num similia sint, ambigunt. Quocirca in his omnibus  
 omni ratione efficiendum est, ut nomina fabrieentur, ut  
 nec ei qui poscit quæstionē, num eius quod affertur non  
 sit similis ratio, hæere liceat: nec ei qui rogat, calumniari,  
 eandem esse rationem, quod multa eorum quorū simi-  
 lis ratio non est, eodem modo dici uideantur. Cum autem  
 inductione multarum rerum adhibita, non dat alter id  
 de toto genere, tum æquum est, ut aliquid cōtrā obijciat,  
 postulare. Quod si in aliquibus nō doceas hoc modo com-  
 tingere, non erit æquum rogare, quorum tandem non sit  
 similis ratio. Primum enim argumentatio per inductio-  
 nem tractāda est, tum postulandum ut resistatur. Sed po-  
 stulandum est, ut occurratur nobis non in eo ipso quod  
 proponitur, nisi forte unum est solū eius generis: ut duo,  
 sunt tātūmodo pariū numerorū primus. debet enim is  
 qui resistit, in alio genere resistere: aut certē dicere, hoc  
 uel illud solum esse ex eo genere. Quod autē ad eos atti-  
 net, qui in toto genere occurrūt nobis: nec in eodē gene-  
 re occurrunt, sed in eo quod eodē nomine, sed ambiguo  
 continetur (ueluti habere aliquē non suū colorem, aut  
 pedem, aut manum, quoniā & pictor habeat non suū  
 colorem, & cocus nō suū pedē) in his omnib. diuisione ad-  
 hibita interrogare debemus, nā si ambiguū lateat, neq;

aperiatur, recte in propositione nobis uidebitur resistere. Quod si in simili genere, nō in ambiguo resistens, nostrum labefactet rogatum, detracto eo in quo resistet nobis, quod reliquum est in toto genere ualere docebimus, dum quod cōmodum est effecerimus. Quod in obliuionis uerbo, & oblitū esse, animaduerti potest. Non enim concedunt eum oblitum esse, qui artem amiserit, eo quod casu & interitu rei eam amisit, non oblitus est tamē. Quod ergo reliquum est, dempto eo in quo occursum est nobis, commemorari debet. ut si quis remanente re, artem amiserit, eum oblitum esse. Eodemq; modo de ijs iudicandū est, qui hoc loco nobis occurrūt: maiore bono maius malum esse contrarium. Proferunt enim ualitudinem, quæ cum minus sit bonum quàm firma corporis cōstitutio, tamen ei maius bonum contrariū est: morbum enim maius malum esse infirma affectione corporis. Ex his etiam id detrabendū est, in quo occurritur. eo enim sublato, facilius licebit proponere: ut maiori bono maius malum contrarium esse, nisi unum alterum unā secum inferat, ut firma corporis affectio ualitudinem. Quod idem faciendū erit non solum si quis nobis occurreret, sed etiam si non occurreret, & tamen id negabit & abnuet, quod aliquid tale prouideat, quod iure cōtrā obijci possit. Sublato enim eo in quo nobis resistit, dare & concedere cogetur. id quod reliquum est, quod in eo quod reliquū est aliquid contineri, quod non sit ita, minimē animaduertat. Quod si dare nolit, etiam tum cum petitū est ut resisteret, certē quo resistat nobis non habebit. Sunt autē propositiones eiusmodi, quæ quadam ex parte falsæ sunt, quadam ex parte ueræ: in quibus eo quod ex parte est sublato, reliquū licebit

uerum relinquere. Si uerò multa proponamus, in quibus nobis minimè resistat, tum ut concedat omnino petere debemus. Propositio enim dialectica est, quæ magna ex parte rem ita habere declarat, neque refellitur. cum autem eadem res & sine incommodo, & cum incommodo per ratiocinationem concludi potest, hoc an illo modo efficiatur, nihil ad eum qui necessaria ratione, non probabiliter concludit: is autem qui probabiliter ratione utitur, non debet argumentationem tractare per ratiocinationem, per quam alter incommodo urgeatur. nam et cum nullo incommodo urgent concludendo, nihil controuersie loco relinquunt: & cum incommodo urgent, tum nisi sit cuiusdam & perspicuum id falsum esse, alij incommodum id negant esse. Ita non habent quod uolunt ij qui questionem ponunt. Proponenda autem sunt ea quæ magna ex parte ita se habent, & refelli aut non possunt omnino, aut certe id facile quasi prima facie perspicui non potest, cum enim in rebus quibusdam non ita esse perspicere nequeunt, tum id quod propositum sumptumque est, quasi uerum sit solent concedere. Nunquam autem queri debet conclusio: si secus, cum alter eam negabit, ratiocinatio nunquam ad exitum perducipotest. Sæpe enim etiam cum nulla interrogatio & questio ponitur, sed ut consequens concluditur, id negatur effici. quod cum faciunt illi, certe ab ijs qui non uident quid ex concessis sequatur, minimè reprehendi uidetur. Cum igitur unus rogat, neque id aut ex antepositis effici, alter autem negat omnino, tum ratiocinationi nihil omnino loci relinqui uidetur. Neque uerò quicquid de toto genere dicitur, dialectica propositio est: ex quo genere illud est, Quid est homo: aut hoc, Quot modis bo-

num dicitur? Propositio enim dialectica est, ad quam respondere licet, etiam, aut non: quod non licet ad superiora. ita non est dialectica questio, nisi is qui proponit, faciat. Et ante definitionem, diuisione hunc in modum roget: An bonum hoc uel illo modo dicatur? Quam quidem questionem licet uel negare, uel concedere. Quocirca enim tunc est, ut ita, ut dixi, omnes hae ponantur questiones. Quin illud etiam par est ab illo requirere, quot sint bonorum genera, quando explicatione & diuisione adhibita a nobis, ille nullo modo concedet. Qui autem in una ratione interroganda multum temporis immoratur, is inscienter quaerit. Nam si is qui rogatur, ad rogatum respondere, profecto ille aut plura quam necesse est interroget, aut sepe idem quaerat necesse est. ita aut nugatur, nihilq; agit: aut ratiocinationem per quam argumentationem tractat, non habet: quandoquidem ex paucis quibusdam omnis constat ratiocinatio. Quod si minus respondere, cur eum aut non increpat, aut relinquit? Illud autem intelligendum est, omnia proposita, quae argumentis per difficulter probantur, eadem facilia esse ad defendendum: cuius generis ea sunt quae & prima sunt, & ultima ordine naturae. Nam & prima ac perspicua definitionem requirunt, & ultima multis concludantur necesse est ab eo qui iam inde a perspicuis & primis continuatam seriem argumentorum persequi uelit. Aliter enim fallaces ac captiosae argumentationes uidebuntur: praesertim cum aliquid doceri non possit, nec demonstrari, nisi a proprijs initijs & principijs capto exordio, usq; ad ultima perueniatur. Ac illi quidem qui respondent, nec rem ipsi uolunt definire: nec si qua proponatur ab interrogan-

te definitio, facile admittunt. Sed profectò facilis non est differendi ratio, nisi quid sit id de quo instituitur disputatio, intelligatur. quod in principijs contingit maxime, quib. cætera probantur, ipsa alijs non possunt; definitio neq; aperienda sunt, et cognoscenda necessariò. Difficilia etiã probatu ea sunt omnia, quæ principiorũ uicinitatẽ sequuntur. neq; enim multa, ad ea probãda, argumenta possunt suppetere, cũ pauca interiecta sint inter ipsa & initium, quib. necesse est consequentia omnia monstrari. Definitiones autem eæ ex omnibus euerri possunt difficile limẽ, quæ uerbis eiusmodi explicatæ sunt, ut primũ dubium sit, uno modo an pluribus dicatur: deinde incertũ, utrũ proprie de re quæ definitur dicantur, an per translationem. Nam quia dubiũ est illud, non perspicuũ, inde fit ut nulla argumentorum copia suppetat: hoc aut quia incertum est, an per translationem dicatur, non possunt refelli qui definitionẽ posuerunt. omnino quæstio omnis si difficilis est probatu, uel definitionẽ requirit, uel in ijs est quæ multis modis, aut quæ per translationẽ dicuntur, aut non lōgè abest à principijs: aut eo certè difficilis est, quia non est prima facie perspicuũ, quo sit ex genere eorum quæ exposita sunt, id quod affert dubitationẽ. nam si quo ex genere sit intelligatur, illud etiam intelligetur, aut definitione explicandum id esse, aut diuisionem adhibendam, aut inueniẽdas esse medias propositiones, quib. ultimæ probentur. Pleraq; etiam proposita, nisi rectè tradita & explicata definitione, neq; disputari facile, neq; probari argumentando possunt. quo ex genere illud est: Sicut unum uni contrarium, an multa? Quod si contraria desiniantur, certè illud facile erit explicare:



sint necne sint plura eorundem contraria. Quod eodem modo iudicandum est de alijs quæ definitionem requirunt. Atq; etiam in mathematicis uidentur quædam non facile describi posse prætermisione definitionis. quale est illud: Eam lineam quæ ad latus plani secat, simili ratione & lineam secare, & locū: quod definitione adhibita facile intelligetur, quoniā & loco & lineæ eadem respondet, quasi ex altera parte diuisio: quæ quidem illius de qua agitur orationis definitio est. Omnino autem prima elementa definitionibus expositis, ut quid sit lineæ, quid orbis, facile probari demonstrariq; possunt: uerū ad singula eorum probanda non multis argumentis uti possumus, propterea quod non multa sunt media quibus probetur. Definitionibus autem initiorum prætermisiss, uix, aut ne uix quidē, probari possunt. Quod idem fit in ijs elementis quæ differendo adhibentur. Hoc igitur intelligendum est, cum propositū aliquod difficile est probatu, id aliqua de causa earū quas exposui euenire. Cum autem propositio et enūciatio quæ adhibetur ad aliquid probandum, difficiliorem habebit probationem quā propositū, dubitare liceat, sit necne sit admittenda. Nam si eam non admittat, sed ei etiam probandæ adhiberi probationē uelit, maius alteri onus imponet, quā quod erat à principio propositum. Sin eam admittat, ijs certē quæ minus ualent ad faciendam fidem, ipse adducetur ut credat. Ac si quæstio difficilior non reddenda sit, ponenda est: si non dubijs & perspicuis dubia concludenda erunt, non est admittenda. Aut ei qui se dat in disciplinam, ponenda non est, nisi sit notior: ei autem qui exercitationis gratia disputat, ponenda, si modò uera esse uideatur,

deatur  
cet, eod  
qui inte  
rogand  
tione r  
officiū  
dicamur  
mentati  
surdior  
quuntur  
ne quon  
nionem  
de se pro  
nus pecc  
bet, de in  
sunt aut  
cia eorū  
disputa  
discipu  
idem h  
tiam om  
semper  
nemo e  
tandi s  
aliquid  
in re ill  
gressu  
tentana  
ad huc  
inuestig

deatur. Ex quo perspicuū est, non esse æquum ut qui doceat, eodem modo postulet sibi concedi quæ sumit, quo is qui interrogando disputat. Ac de ratione quidem interrogandi & collocandi satis fere dictum est. Nunc de ratione respondendi differemus: ac primum, quod eius sit officium, qui & rectè poscit, & rectè ponit quæstionem, dicamus. Est autem eius qui ponit quæstionem, ita argumentationē tractare, ut eum quicum disputet, cogat absurdiora concedere, quàm quæ ex re proposita consequuntur. Bius uerò qui quæstionem poscit, dare operam, ne quod incommodum sua culpa, aut quod sit contra opinionem omnium, effici uideatur, sed ex ipsa tantū re quæ à se proposita est ad differendū. Aliud enim fortasse genus peccati est, cum quis proponit primum quod non debet, deinde propositum illud defendere non potest. Non sunt autem explicata & constituta adhuc à quo quæ officia eorum, qui exercitationis & periculi faciendi gratia disputant. Neque enim idem propositum est doctoribus, aut discipulis, quod ijs qui certandi studio disputant: neque idem his ipsis, & ijs quorum ad cognitionem & scientiam omnis dirigitur exercitatio. Nam & discipulis ea semper ponenda sunt quæ probatur omnibus: quoniam nemo eò operam confert, ut falsa doceat. at eorū qui certandi studio disputant, is qui quæstionem ponit, semper aliquid facere uideri debet: & is quicum disputat, nulla in re illi cōcedere. Quoniam autem in conuentu & congressu dialecticorum, ijs qui non certandi studio, sed uel tentandi, uel cognitionis gratia inter se differunt, non est adhuc à quoquam, ut dixi, expositum & traditum: quid inuestigare, quid dare, aut non dare oporteat eum qui

poscit quæstionem, ut gnauiter, aut nõ gnauiter ac præclare decreta sua defendat: nos hoc loco instituimus dicere. Qui igitur respondendi munere fungitur, is quæstionem defendat necesse est, uel probabile, uel non probabilem, uel neutram: ita tamẽ, ut aut probeatur, aut non probeatur omnino, uel cum adiunctione: ut huic, uel alij. Quo autem modo probabilis, uel non probabilis sit, nihil interest: quandoquidem idem genus retinendum erit præclare respondendi ad rogatũ, aut dandi aut non dandi rogatum. Ac nõ probabile quidem si sit propositum, probabilem: sin probabile, non probabilem necesse est conclusionem effici. Contrarium enim propositi semper concludit is qui interrogat. Quod si id de quo agitur sit eiusmodi, ut nec probeatur, nec improbetur, eiusdẽ generis efficitur cõclusio. Quoniam autem is qui scitẽ ratiocinatur & concludit, rebus non dubijs & perspicuis id quod dubium est aperit & ostendit, profectò si quando id quod interrogatur, nõ sit probabile, omnino non debet is qui poscit quæstionem, neq; id dare quod non probetur omnino: neq; id quod illud quidem probeatur, sed minus quàm conclusio: quippe cum propositum, si non probabile sit, conclusio probabilis sit futura. Ita fit, ut ea quæ sumuntur, omnia probabilia esse debeant, ac magis probabilia quàm id de quo quæritur: siquidem magis perspicuis minus probabilia uelit concludere. Ita si non sit ex eo genere id quod interrogatur, non id debet qui respondet concedere. Sin autem probabile omnino sit propositum, improbabilis omnino cõclusio erit. Itaq; danda erunt, quæ probantur omnia: & eorum quæ non probantur, si qua magis probabilia sint conclusione: sic  
 enim

enim recte disputatū fuisse uidebitur. Quod idem faciū-  
dum erit, si nec minus sit probabilis quæstio, sic enim &  
quæ probantur, danda sunt omnia: & quæ non proban-  
tur, si qua magis probabilia, quàm conclusio, erunt. Sic  
enim fiet, ut probetur magis disputatio. Ac si id de quo  
agitur omnino probabile sit, aut non probabile, tum ha-  
benda erit eorum ratio, quæ omnino probantur. Sin au-  
tem non omnino probabile, aut non probabile, sed ei mo-  
dò qui respondet, tum ex ijs quæ ei probantur, aut minus  
probantur, iudicare debet, quid concedendū aut non con-  
cedendum esse uideatur. Quod si alterius sententiā defen-  
dat is qui respondet, certe eius mentem & sententiā spe-  
ctare debebit, ut quid concedendum sit aut negandū, in-  
telligat. Itaque qui alienis sententias introducunt, ut bonū  
& malum esse idem, ut placet Heraclito, ij non dant in  
eodē simul non inesse contraria: non quod non probetur  
hoc eis, sed quod Heracliti sententia ita dicendum est.  
Quod etiam ij faciūt, qui alij ab alijs proposita accipiūt.  
Exquirunt enim illi, quid sit responsurus is qui rem pro-  
ponit. Hoc igitur perspicuū est, quæ exquirere is debeat  
qui respondet, siue omnino probabile, siue alicui sit id  
quod quæritur. Quando autem necesse est omne rogatū  
aut probabile esse, aut non probabile, aut neutrum, &  
uel ad conclusionem efficiendam ualere, uel non ualere,  
rogatum: si probetur, neq; ad conclusionem efficiendam  
ualeat, id & dare, & probabile dicere debemus. Bo-  
nim posito & cōcesso, propositum primum non euer-  
titur. Si autem neq; probetur ipsum, neq; ad conclusionem  
efficiendam ualeat, id quidem dandum est: sed ita tamen,  
ut non probari id nobis significemus, uitandæ amentię  
gratia.

gratia. Si uerò & probabile sit, & ad rem pertineat, respondendum erit, id quidem uideri & probari: sed propositum adeò finitimum esse, ut eo concesso, propositum tollatur necessario. Si ad conclusionē efficiendā ualeat, & admodum sit improbabile, respondendū erit, conclusionē eo posito et concesso effici: sed stultum id esse quod afferatur. Cum autē nec probabile quid, nec minus probabile rogabitur, tum si ad conclusionē efficiendā nihil ualeat, id dādum erit nulla facta distinctione: sin ualeat, exponendum est, eo posito, sublatū iri id de quo agatur. Sic enim & nihil eius qui respondet culpa factum uidebitur, si quidem quid concedere et dare debebat, semper prouiderit: & is qui quæstionem ponit, quod uult efficiet, cum ei ea dabuntur omnia, quæ magis quàm conclusio probentur. Qui autem instituunt argumentationem tractare per ratiocinationē, sumptis ijs quæ minus quàm cōclusio approbantur, ijs quoniam inscienter ratiocinantur, quæ rogant dari concediq; non debēt. Eodem modo eis occurrendū erit, cum res dubias & obscuras, & quæ multis modis dicuntur, afferent. nā quoniā & qui poscit quæstionem, si minus intelligat, licet dicere, non intelligo: & quod multis modis dicitur, non necessario id aut concedere aut negare debet: profectò si quid afferatur quod obscurum sit, sine ulla dubitatione & mora se id non intelligere fatebitur. Sæpe enim ex eo quod dant et cōcedunt, ijs quibus obscura nec aperta interrogatio proponitur, absurdum aliquid incidit. Cum autem cognitū apertumq; erit id quod multis modis dicitur, si omni ex parte & omnino uerum sit aut falsum quod assertur, id omnino concedi negariue debebit: sin quadam ex parte falsum

falsum  
& in d  
poster  
ne amb  
attende  
si ad al  
non ip  
ret & a  
rationi  
rogatu  
respon  
let ad co  
quib. rat  
tur: pers  
assumi, c  
per indu  
omni  
sunt, si u  
objicien  
resistat  
putand  
stant, ne  
queat, p  
rò si non  
tum mi  
Quarq  
extant,  
plicatio  
& stadi  
traria m



falsum sit, & quadam ex parte uerum, id ambigüe dici,  
 & in illo uerè & in hoc falso dici indicabit. nam si id  
 posterius distinguat, dubium erit, an in prima disputatio  
 ne ambigü perspexerit. Quod si ambiguum uerbü non  
 attendat, idq; tum cum alterius habet rationem cöcedat;  
 si ad alterü impellatur, fateri debet se id concessisse, cum  
 non ipsum illud ad quod uocatur, sed alterum ipse specta  
 ret & attëderet. Cum enim plura eidem nomini & o  
 rationi subiecta sunt, tum facile existit controuersia. Sin  
 rogatum & planum sit & simplex, aut etiam, aut non,  
 respondendü est. Quoniamq; omnis propositio quæ ua  
 let ad conclusionem efficiendâ, aut aliqua earum est ex  
 quib. ratiocinatio conficitur, aut ad aliquâ earum refer  
 tur: perspicuum est autem tum alterius probandæ gratia  
 assumi, cum multa similia interrogâtur, quippe cum fere  
 per inductionē uel similitudinē id quod de toto genere et  
 omnino dicitur, concludatur: singula omnia concedenda  
 sunt, si uera sint & probabilia; contra uniuersum genus  
 obijciendü aliquid. Impedire enim cursum orationis, nisi  
 resistis uerè, aut saltem uideare, hoc est iniquü se in di  
 sputando difficilemq; præbere. Ita si multa similia exi  
 stant, neq; det in toto genere dici tum, cum refellere ne  
 queat, profectò difficile se proteruumq; præbebit. Iã ue  
 rò si non habeat cōtrarium argumentü ad refellendum,  
 tum multo etiam magis difficilis proteruusq; uidebitur.  
 Quanquã ne hoc quidem satis est. multæ enim rationes  
 extant, sentētijs omniū contrariæ, quarū difficilis est ex  
 plicatio. cuius generis est Zenonis ratio, qua tollit motū,  
 & stadij traiectionem. nec uerò propterea eorum con  
 traria minus defendi concediq; debent. Ergo si quis nec

contra

contra illam adferre rationem queat, nec aliquid opponere in quo non ita sit, & tamen non concedat, is profecto Etō iniquum se præbebit in disputando. est enim in disputationibus iniquitas & proteruitia, responsio quæ præter modos quos exposuimus, uim habet ad interimendam tolerantiamque conclusionem. Defendere autē & propositū et definitionē, ita par est, si antē argumēta ipsi in nos quasi aduersariorum tela iaciamus. Quibus enim rationibus infirmāt nostra decreta ij qui ponunt quæstionē, ijs ipsis resistere debemus. Propositum autem non probabile timidè defendendum est. Multis autem modis non probabile esse potest. nam & id non probabile est, ex quo efficitur, ut incommoda et absurda quædam fateamur. ut si quis uel omnia, uel nihil moueri dicat: & ea omnia quæ deterior status & cōstitutio sequi solet, & quæ hominū uoluntatibus repugnant. quale illud est: Voluptas est bonum, & Facere quàm accipere præstat iniuriā. nō enim quasi disputationis gratia defendat: sed tanquā ea dicat quæ probet & sentiat, ita eum oderunt. Argumenta autē quibus falsum concluditur, dissoluenda sunt, infirmando euerdēdoque eo ex quo falsum effectū est. Neque enim quouis sublato argumentū soluitur, ne si falsum quidem sit id quod sit euersum. Multa enim falsa in argumentatione contineri possunt. ut si quis sumat, eum qui sedeat scribere, et Socratem sedere: ex his efficitur, scribere Socratē. Buerfa igitur hac enūciatione, Socrates sedet, non tamē dissoluta & explicata argumentatio est. Et quanquam falsa enūciatio est, non tamē falsa ob id est argumētatio: Si quis enim sedeat, neque scribat, non iā in hac tali causa hac ipsa accommodata dissolutio est. Non igitur hoc refertur

lendum

lendum  
fertim n  
gument  
argumē  
sue cogn  
se de ser  
tiansi si  
sit docen  
& cons

Imp  
tuor mo  
cundō, o  
explicat  
gredi no  
nim inte  
consequ  
quibusd  
progre  
sin pote  
id est, qu  
ea affer  
quam pa  
dem qua  
nibus ex  
conclus  
ex eius m  
etiam sit  
argumen  
tatem su

tendum est: sed illud, cum qui sedeat, scribere: cum praefertim non omnis scribat, qui sedet. Ita fit, ut dissoluat argumentum is, qui falsi causam tollit: & explicationem argumenti intelligat is, qui causam argumentationis falsae cognouerit, quemadmodum in his quae falso & uitiose describuntur, contingit. neque enim satis est resistere, etiam si falsum sit quod refellitur: sed etiam cur falsum sit docendum est: Sic enim utrum occurrendo, ratione & consilio ductus sit necne, intelligitur.

## CAPVT II:

Impediri autem argumentatio potest, ne concludatur, quatuor modis. Primum, id ex quo falsum est refellendo. Secundò, occurrendo ei qui quaestionem ponit. Saepè enim non explicato & dissoluto argumento, tamè is qui rogat, progredi non potest longius. Tertiò, refellendo rogatū. fit enim interdū, ut ex his quae quaeruntur, non quod uolumus consequamur, propterea quòd uitiose interrogatum est, quibusdā tamè apposis effici potest conclusio. ac si ultra progredi is qui rogat non potest, occursum erit roganti: sin potest, rogato. Quartū genus resistendi et deterrimū id est, quod ad tēpus refertur. nonnulli enim in refellendo ea afferūt, quae ad differendum plus temporis desiderāt, quam patitur disputandi consuetudo. Ac resistendi quidem quatuor, ut dixi, genera sunt: sed prima una ex omnibus explicatio est, cetera impedimenta sunt quaedam conclusionū. Reprehensio autem argumentationis non cadet ex eius natura & ex interrogandi ratione nascitur. ferè enim fit culpa eorū qui rogantur, ut non rectè tractetur argumentatio: quòd non cōcedant ea quae magnā facultatem suggerant ad id efficiendum quod quaeritur. Neque enim

enim in alterutro solum positum est, ut cōmunis res rectē ad finem exitumq; perducatur. Quapropter interdū qui aliquid respondet, refellendus est necessario, & omittendum ipsum propositū: tum deniq; cum is qui quæstionem poscit, instructus calumnijs, paratus uenit ad contradicendū. Ita iniquos se præbentes, disputationes non dialecticas, sed concertationū plenas instituunt & inuehunt. Et quoniam exercitationis & ueluti examinis causa, nō eruditionis, hæc tales disputationes comparatæ sunt, profectō non modò uera, sed etiam falsa concludenda sunt: nec ex ueris semper, sed interdum etiam ex falsis. Nā & plerunq; uero posito, is qui contrā disputat, refellere debet. ita fit necessario, ut sint proponenda falsa: & falsum quod positum est, interdū falsis euertere tolliq; debet, cum præsertim nihil prohibeat falsa alicui magis quam uera probari. ita si ex ijs quæ illi probantur, progrediat argumētatio, persuasus potius quam adiutus erit. Sed omnes debent, qui aliō disputationē rectē traducere & trahere uolunt, ut geometra geometricē, sic dialecticē, non pugnaciter traducere, siue falsum, siue uerum sit id quod concluditur. Quæ autem sint dialecticæ ratiocinationes, suprà expositū est. Ut autem in rebus usuuenit, ut socius iniquus & sceleratus sit is qui rem communem impedit: sic in disputationibus in quibus etiā cōmune quiddam propositum est utriq; præterquàm ijs qui certandi studio disputant. Neq; enim utriq; eorum licet eundem finem cōsequi, præsertim cū plures uno uincere non possint. Vtrum aut in respōdendo, an in rogando id efficiāt, nihil interest. Nam & qui certandi studio rogat, uitiose & præposterē differit: & qui respondendo non concedit,

dit, ne  
mum  
Ex qu  
tionem  
eum q  
tiofam  
stionem  
qui res  
es pro  
lit, sed  
tation  
ria ho  
situm  
aliqui  
prius e  
repug  
dunt)  
pa est  
cedun  
per sp  
eos qui  
Argum  
Prim  
cludit  
sint, u  
ex qu  
bus da  
citur  
nem,  
& eo

dit, neq; dat quod uidetur probabile, neq; inducit in animum audire quid tandem uelit is qui ponit quæstionem. Ex quo perspicuum est, non eodem modo argumentationem, si per se consideretur, reprehendendam esse, & eum qui eam rogando tractat. Nihil enim prohibet, uitiiosam argumentationem esse: cum interim is qui quæstionem ponit, quam poterit accommodatissimè, cum eo qui respondet disputabit. Nam si res sit cum difficilibus & proteruis, non potest profectò statim quas quisq; uelit, sed quis possit, tractare per ratiocinationē argumentationes. Quoniam autem incertum est, quando contraria homines sumunt, & quando id quod à principio positum est in quæstione: (sæpe enim ipsi secum, et soli cum aliquid loquuntur, repugnātia dicunt: negatoq; eo quod prius est, concedunt posterius. itaq; cum rogantur, sæpe repugnantia, & quod primo loco propositum est, concedunt) eo uitiosas argumentationes necesse est effici. culpa est ista eorum qui respondent, qui quædam non concedunt, alia eiusdem generis concedunt. Ex quo etiam perspicuum est, non eodem modo reprehendendos esse eos qui quæstionē ponunt, & ipsam argumentationem. Argumentatio autem quinque modis reprehendi solet. Primo, cum ex ijs quæ rogata sunt, & quæ sita, nihil concluditur omnino, nec quod ad rem pertineat, quod falsa sint, uel non probabilia omnia, aut certè plurima eorum ex quibus cōclusio efficitur: & quod nec detractis quibusdam, nec additis, nec alijs detractis, alijs additis, efficitur conclusio. Secundo, si tractetur per ratiocinationem, quæ ad rem non pertineat argumētatio, ex talibus & eo modo quo in superiori dictū est. Tercio, si additis quibusdam



quibusdam conficiatur ratio: inatio, sed quæ deteriora  
sint quàm quæ rogata sunt, minusq; probabilia conclu-  
sione. Quarto, si detractis quibusdam, idem contingat.  
interdum enim plura sumuntur quàm necesse est, ut non  
ex eo quia hæc concessa sunt, efficiatur conclusio. Postre-  
mo, si ex minus probabilibus & credilibus efficiatur,  
quàm sit conclusio: aut si ex ueris, sed quæ difficilius &  
maiore negotio quàm id quod quæritur, ostēdi possunt.  
Neq; uerò id postulandum est, ut omnes quæ de proposi-  
to instituuntur, æquè probabiles sint ratiocinationes, &  
æquè ualeant ad faciendam fidem. Eorum enim quæ  
exquiruntur, partim prima facie faciliora sunt natura  
sua, partim difficiliora: ut si quibuscunq; probabilibus  
possint, concludetur, rectè conclusa uideantur. Perspi-  
cuum est igitur, non eodem modo argumentationem iu-  
dicandam esse uitiosam, cum ad quæstionem refertur, et  
cum per se exquiritur. Nihil enim prohibet, argumen-  
tationem per se uitiosam esse: quæ si ad quæstionem rea-  
feratur, uera erit: uicissimq; uera per se considerata, cum  
quæstione collata, uitiosa esse potest: cum facile ex mul-  
tis probabilibus & ueris, quæ illi quæstioni tractandæ  
sunt accommodata, effici potest quod uolumus. Fit au-  
tem interdum, ut argumentatio etiam quæ concludit, ea  
quæ non concludit sit deterior: cum illa ex ijs quæ minus  
probantur concludit, cum quæstio proposita in eo ge-  
nere non sit: hæc autem talia modò requirit, quæ proba-  
bilia & uera sint, nec ex ijs quæ assumpta sunt, argu-  
mentatio est. neque uerò ij qui ex falsis uerum conclu-  
dunt, iure reprehendi possunt, cum præsertim & neces-  
se sit semper falsum ex falsis, & liceat interdum uerum

ex falsis concludi. quod ex Analyticis perspicui potest. Cum autem argumentatio quæ exposita est, alicuius rei demonstratio erit, si qua sit alia propositio quæ cum conclusione nullam habeat coniunctionem, ex ea non efficietur conclusio. Sin speciem præ se ferat coniunctionis, fallax erit conclusio non necessaria. est etiam *φαισώδης* ratio ratiocinatio necessaria: epicherema autem ratiocinatio probabilis. Sophisma autem ratiocinatio pugna. *ἀνέγνα*, ratio in utranq; partem differendi. Quod si ex utraq; propositione probabili aliquid ostendatur, neq; æque probentur, nihil prohibet id quod demonstratum est magis quam utranq; probari. At si una sit probabilis, altera neutro modo: aut si hæc probetur, illa non probetur, si id quidem similiter sit, tum ex æquo probabitur & non probabitur, quod demonstratione concluditur: sin altera magis probetur, magis etiam probabitur. Atq; etiam in tractandis argumentationibus per ratiocinationem peccatur, cum aliquid pluribus ostenditur, quod paucioribus potest, quæ etiam in argumentatione reperiuntur. Cuius generis illud est quod sumitur ad probandum, opinio aliam alia uerius dici opinionem. Si quis poscat hanc enunciationem, quicquid appellatur cum accessione pronominis, ipsum illud est, quod in eo genere maxime est id ipsum quod est. Est autem opinabile aliquid: quod quia uere est opinabile, appellatur ipsum opinabile: ex quo sequitur, illud ipsum cum maxime sit, alijs quibusdam esse magis opinabile: porro autem omne quod magis esse dicitur, alterius comparatione dicitur magis. Est uero opinio etiam aliqua uera, quæ accessione pronominis, ipsa opinio appellari potest: quæ alijs quibusdam certior est.

Hic igitur sumptum est ueram esse aliquam opinionem, quæ accessione pronominis ipsa opinio uocaretur. Itēq; illud, in omni genere illud esse maximē tale quod per accessionem pronominis, ipsum nominatur: ex quibus sequitur, ipsam opinionē quæ maximē uerax est, eam esse quæ maximē & uerissimē opinionis nomine uocatur. Sed quod uitium in hac est ratiocinatione? An ob eam causam, quod facit ut causa ex qua ratiocinatio conficiatur, ignoretur? Argumentatio autem perspicua est uno modo, qui maximē in populi ore uersatur, cum ita conclusa est, ut iam nulla sit opus interrogatione. altero, qui etiā crebris usurpatur sermonibus, cum sumpta sunt ea, ex quibus esse necesse est quod cōcluditur. sunt autem ea ex alijs conclusionibus collecta. præterea si quid prætermisissum sit quod ualde sit probabile. Falsa autem dicitur quatuor modis, & cum uidetur concludere, neque concludit, quod uocatur cōclusio, & ratiocinatio ad conertationes spectans. Et cum efficit illa quidem aliquid, sed quod minus ad rem pertineat. quod ijs contingit maximē, quibus incommodo alij urgentur. aut aliquid concludit, quod ad id quod agitur pertinet, sed non propria accommodataq; ratione: id est, si ea quæ non est medicinæ propria, uideatur medicinæ esse, aut geometrarum quæ non est, aut dialecticorum quæ non est, siue uerum, siue falsum sit quod efficitur. Alio modo falsa est argumentatio, cum ex falsis concludit: cuius generis erit alia falsa, alia uera conclusio. nam & falsum sentper ex falsis, & uerum interdum ex falsis, ut supra dixi, concluditur. Ac oratio quidem quod falsa sit, culpa est eius qui argumentationem tractat potius, quam argumentationis.

Nec

## LIBER VIII.

581

Nec uerò culpa est semper disputantis, sed tum denique cum falsam se aliquam argumentationē tractasse ignorat: (quando quidem sæpe falsam orationem & propositionem, cū animo aliquid per nos ipsos tractamus, magis quàm multis ueris approbamus) præsertim cum ex ijs quæ maxime uidetur probabilia, aliquid eorum quæ uera sunt, ipse refellit. nam quomodo ea sit semper culpa disputantis, cum sæpe ad res ueras demonstratione concludendas huiusmodi ratiocinationes ex falsis adhibeantur? quippe cum aliquid eorum quæ posita sunt, falsum esse debeat omnino, ut id demonstretur. Si uerò falsis, & ualde absurdis uerum concludat argumentatio, multo certè deterior ijs futura est quæ falsum concludunt. cuius generis argumentatio etiam falsum concludere potest. Perspicuum est igitur, primum uidendū esse, an concludat argumentatio: deinde, uerūne an falsum: tum, ex quibus. nam si ex falsis, sed quæ probabilia sint, tolerabilis erit, & non aspernanda ratio: sin ex ueris, sed quæ non probentur, uitiosa: si & falsa, & quæ ualde improbeantur, profectò uitiosa erit aut omnino, aut in re de qua agitur. Quemadmodum autem is qui quæstionem ponit, id quod initio propositum est, & contraria petat ad ueritatem, expositum est in *Analyticis*: quemadmodum ad opinionem, nunc dicendum est. Petendi autem id quod initio dictum est, quinque sunt genera. Primum & clarissimum, si quis id petat quod demonstrandum ipsi est: quod quidem in eadem re non facile ignoratur: in synonymis autem, ijsque omnibus quorum nomen & definitio idem declarant, magis. Alterum, cum id quod singillatim demonstrari debet, omnino & totum aliquis petit.

O. 3 ut si

ut si quis probans, contrariorum quæ aduersa dicuntur, unam esse artem, petat contrariorum omnino unam esse. uidetur enim, quod per se probari debeat, id unâ cum alijs pluribus petere. Tertium, si quis singillatim petat, quod propositum est ad demonstrandum omnino. ut si omnium aduersorum esse propositum sit, aliquorum petat: nam uidetur hic etiam, quod cum multis erat docendum, id petere per se ac separatim. Rursus si quis adhibita diuisione, id de quo agitur petat. ut si demonstrandum sit, medicinam esse salubrium & contrariorum, separatim petat utrumq;. Aut si quis alterum petat eorum, quorum alia alijs consequuntur necessario: ut latus cum diametro componi non posse, cum probandum sit, diametrum cum latere non posse. Contraria etiam tot modis, quot ea quæ initio dicta sunt, petuntur. Primum, si contraria petat, aientia & negantia. Secundò, si contraria eo modo quo sunt inter se repugnantia: ut bonum & malum esse idem. Tertiò, si quis omnino & totū sum pserit, & in parte petat, quod repugnat. ut si quis hoc sumpto, aduersorum usam esse artem, petat salubrium & insalubrium aliam artem: aut si hoc posterius petito, de toto genere repugnantiam sumat. Rursus, si quis contrarium petat eius, quod ex positis & concessis efficitur necessario. item, si quis contraria ipsa non sumat: duo autem petat eiusmodi, ex quibus repugnantia sequetur. Sumere autem contraria, & petere id quod initio positum est, hoc differunt, quod huius error in cōclusionem incidit. (illud enim spectantes, peti id dicimus quod initio positum est) contraria autem in propositionibus cernuntur, quod inter se quodam modo affectæ sunt. Vt

autem



autem exercitatio & meditatio in argumentationibus  
 eiusmodi paretur, primum assuescendum est argumene-  
 tationes conuertere. Sic enim maior nobis ad disputan-  
 dum argumētiorum suppetet copia, & in paucis multas  
 argumentationes tenebimus. Conuertere enim est, unum  
 eorum quæ data sunt refellere, mutata in suam oppositā  
 conclusionē, eaq; cum altera sumptionum accepta. Nam  
 si tollatur conclusio, una aliqua propositio tollatur ne-  
 cesse est: siquidem positis ijs omnibus necesse sit conclu-  
 sionem effici. Ad omne uerò propositum multum ualeat,  
 in hanc & illam partem argumenta inuenire, quibus so-  
 lutio illico quæreda est. Sic enim fiet, ut simul et in quæ-  
 rendo, & in respondendo exercitati simus: & si nemo  
 alius sit quo cum disputemus conferamusq; hæc ipsa, no-  
 bis certè per nos, & nobiscum licebit. Sunt etiam com-  
 paranda inter se argumēta, quæ utramq; in partem plus  
 rimum ualent. Hoc enim & ad obfirmandum se, & ad  
 refellendū multum ualeat, cum alicui magna argumento-  
 rum copia in utrāq; partem differendi suppetit. nam ad  
 contrarijs partes fiet tutior. Posseq; ante perspicere, &  
 perspexisse, quid utrāq; quæstionem & causam sequa-  
 tur, non paruum adiumentum adjert ad cognitionem,  
 philosophiæq; rationem. Relinquitur enim, ut eorum  
 rectè alterum sequamur. Sed ad id efficiendum ingenio  
 opus est: uerumq; ingenium & indoles in eo est, ut pos-  
 sis uerum rectè sequi & declinare falsum. quod quidem  
 ij quibus acumen ingenij, & indolens natura largita  
 est, præclare efficere possunt. Cum enim amant, & o-  
 derunt quod assertur & proponitur, uerè de eo quod  
 præstantissimum est iudicant. cum uerò ad quæstiones,

quæ sæpiſſimè in diſputationem incidunt, parati & inſtructi argumentorum copia uenire debemus, tum maximè ad eas quibus capita prima propoſita, & quæſtiones generales diſputantur: quoniam in his ferè ij qui reſpondent, omnia ferè quæ uulgò recepta ſunt, reſpungere ſolent. Iam definitionum nobis magna uis ſuppeteret debet: eaq; in promptu habere debemus maximè, quibus ea quæ probantur, & prima declarantur, cum præſertim ex ijs ratiocinationes conſtent. Danda eſt etiam opera, ut ea in quæ alia argumenta incurrunt, teneamus. Ut enim in geometria utile eſt elementa, exercitatione parata & meditata habere: & in numerorum ratione, prima quaſi capita in præptu habere: magnaq; in hoc ipſo uis eſt, ut alium etiam numerum multiplicatum cognoscant: ſic in argumentationibus, principia tenere, & propoſitiones in ore habere. Quemadmodum enim in memoriæ exercitatione loci collocati & diſpoſiti, ſtatim faciunt ut redeant res nobis in memoriam: ita hæc ipſa magnam nobis ad differendum copiam ſuggerent, quod loci ipſi certi ſint, quos ſpectemus. Sed locus communis potius, quàm tota ratiocinatio, memoriæ mādandus eſt, quippe cum difficile ſit, mediocrem principiorū et propoſitorum uim ac numerum ſuppeteret. Præterea argumentum unum in multa diſtribuire aſſueſcendum eſt nobis: ita tamen, ut id obſcuriſſimè facere uideamur. Quod ita fiet, ſi quis longiſſimè aberrat à uicinitate eorum de quibus agitur. Ea autem argumenta in hoc genere plurimū ualebunt, quæ de toto genere id maximè efficere poſſunt. Cuius generis illud eſt, Non eſſe unam multarū rerum artem. Eadem enim ratio eſt eorum quæ cum aliis quo

quo conferuntur, & contrariorum quæ aduersa dicuntur, & coniugatorum. Atq; etiam rationes quas ab alijs accepimus, quasi uniuersales accipere debemus, etiamsi in parte sint tractatæ. sic enim ex una multis etiam facere licebit. Quod fieri in arte rhetorica de enthymematibus eodem modo iudicandum est. Is uero qui respondet, hoc quantum poterit declinabit, ne ad totum genus reuocetur disputatio: illiq; hoc uidendum est semper, an de pluribus rebus communibus tractetur facta ab alio argumentatio. Omnis enim quæ de parte est, in uniuerso genere continetur, inestq; in priuata & singulari causa uniuersi generis expositio & demonstratio: quod sine uniuersi generis locis nihil concludi potest. Vfus autem argumentationum earum quæ per inductionem tractantur, ad rudes & ignaros: earum quæ per ratiocinationem, ad peritos transferri accommodariq; debet. Enitendumq; est, ut ab ijs qui argumentationes per ratiocinationem tractare possunt, propositiones: ab ijs qui per inductionem, similitudinum collationes comparationesque accipiamus, sunt enim utriq; in hoc genere exercitati. Omnino is qui exercitationis gratia disputat, conari debet utilitatem illam ex disputatione consequi, ut aliquam inde referat aut ratiocinationem ad aliquid probandum, aut propositionem, aut solutionem, aut oppositionem (quæ instantia uulgò appellatur.) Et ut notet, bene an perperam, aut ipse aut alius disputauerit: & quæ ratione utrunque euenerit. Ex his enim tota hæc facultas constat: exercitatio autem facultatis gratia suscipitur. Sed ex ijs omnibus quæ dixi, maxime querendæ sunt propositiones & oppositiones: hoc est, ut uocantur, instantiæ.

stantia. Dialectici enim uis maximè cernitur in proponendo, & resistendo. Est autem proponere, unum facere ex multis: quandoquidem unum omnino sumi debet, ad quod pertinet argumentatio: resistere uerò, est multa ex uno: aut enim distinguit, aut euertit, cum ex ijs quæ proposita sunt, hoc concedit, illud non concedit. Quoniam autem uitiosæ & iniquæ disputationes cum quibusdam futuræ sunt necessariæ, nec cum quouis disputationes instituire, nec quemlibet in societatem exercitationis recipere debemus. nam aduersus eum qui hoc unum agit, hoc conatur, ut alterius argumenta quacumque ratione eludat, æquum est omnino disputare, tamen non semper decet. Quocirca non temerè cum quibusuis exercitationis causa confidendum est. hinc enim maledicta, hinc contumelia, hinc iracundie contentiones, concertationesque nascuntur. Neque enim fieri potest, ut qui unum in locum discendi exercendæque artis gratia conueniunt, sine concertationibus disputare desinant. Atque ut finem dicendi faciam, parata & meditata argumenta nobis esse debent ad eiusmodi quæstiones: quibus tractandis, quo minor copia suppetet, eo ad plura ualebunt. Quo ex genere sunt & ea quæ per uniuersum generis quæstionem fusa sunt, & ea quorum ex tempore difficilior suppeditatio & inuentio est.

F I N I S.

NICO.

## NICOLAUS GROVCHIVS O.

*mnibus in regio Lusitaniæ gymnasio studio  
philosophiæ auditoris  
bus S. P.*

**A**lij libri, quos de ratione differendi ab Aristotele & Porphyrio transtulit Perionius, licet multis in locis à nobis emendati, sub illius tamen nomine excusi sunt: hic, De sophistarum reprehensionibus, eodem iure esse non potuit, quia nō eadem huius atq; aliorum fuit causa. Cum enim ego id tantum spectarem, ut studiosis philosophiæ auditoribus non modo latinè, sed etiam planè ac dilucidè loquentē Aristotelem audire posthac in hoc regio gymnasio liceret: in alijs libris, paucis admodum mutatis, ab ijs quæ latinè & elegatè scripserat Perionius, id quod instituerā facile præstiti: in hoc tam multis in locis dilucidam orationem, ueramq; Aristotelis sententiā in Perionio (quod pace tamen tanti uiri dixerim) desideravi, ut satius esse duxerim totum à principio librum de Græco uertere, quàm tātōpere immutare, ut minimam à suo authore partem habere uideretur. Meum consilium, ut in omnium studiosorum philosophiæ utilitatem collatum est, ita omnibus, opinor, æquis iudicibus probabitur: eruntq; æquiores, si hac nostram cum Perionij interpretatione conferant. Non quo homini eloquentissimo ulla me ex parte conferendū esse prædicem: sed fidelius certè, ni fallor, & planius à nobis uersum esse hunc librum iudicabunt, qui utrumque legerint. Valere. Conimbricæ, ex regio gymnasio. X. Calend. Augusti,

M. D. X L I X.

A R I.



**ARISTOTELIS**  
**DE REPREHENSIONIBVS**  
 Sophistarum Liber unus, Nic. Grouchio  
 Rotomagensi interprete.



**D**e Sophistarum autem reprehensionibus, & de ijs quæ speciem habent reprehensionum, reuera tamen fallaces ac uitiosæ conclusiones sunt, nunc dicendum. In quo ego naturam imitatus, ab ijs potissimum exordiar, quæ sunt huius disputationis prima ueluti elementa. Ac primum quidem alias esse ueras ratiocinationes: alias, quæ tantum uideantur, nec sint ratiocinationes, iam per se propemodum est perspicuum. Atq; ut alijs in rebus, ita in argumentationibus propter quandam rerum inter se similitudinem id accidit. Sunt enim inter homines alij, quibus reuera inest bonus corporis habitus: in alijs, aut tumor quidam talis, qualis esse hostiarum solet in sacris curialibus per æmulationem curiarum, aut fictus ad eam rem ornatus bonam corporis habitudinē imitatur. Sunt item, qui sua ipsi forma pulchri sunt: alij autem, qui per fucum tantum tales uidentur. Nec dissimilis est in rebus inanimatis ratio, in quibus sunt nonnullæ, quæ ut uidentur, ita reuera sunt, aut argentum, aut aurum. aliæ cum non sint, falsa quadam specie iudicio sensuum uidentur: ut lithargyrina & stannea, uidentur esse argentea: quæ felle tincta sunt, aurea. Eodem planè modo ratiocinationes & reprehensiones huius sunt, aliæ propter imperitiā uidentur. Sunt enim imperiti homines ijs propemodum similes, qui procul res prospiciunt.

ciunt. Ac uera quidem tum ratio cinatio est, cum ex quibusdam positis, quippiam ab ijs quæ posita sunt, diuersum ob id necessario sequitur, quia illa sunt anteposita. Reprehensio autem, cum est ratio cinatio, per quam non modo conclusio, sed eius etiam disparatum conficitur. Fallaces autem in utroque genere orationes sunt, quæ idem quod illæ, efficere uidentur, nec tamen efficiunt. Id quod multis quidem ex causis euenit: sed unus est inter omnes uulgatissimus & latissimè patens locus, ex rerum uocabulis. Quia enim ipsis per se rebus in medium prolati, constare disputatio non potest, eoquæ uerbis, quasi notis quibusdā, pro rebus uti cogimur: propterea fit, ut idem ferè usuueniat, quod in subducendis per calculos rationibus, nempe ut uerborum ac rerum eādem omnino esse rationem existimemus. In quo nos longè latequæ erramus: tantum enim inter illa interest, ut uerborum & orationum certus sit ac definitus numerus, rerum infinitus. Unde efficitur, ut una oratione aut nomine multas res significari sit necesse. Et quemadmodum in subducendis calculis qui rudes sunt, & quid suo quique loco ualeant calculi, nesciunt, ab ijs, qui sunt in eo genere periti, facile circūueniuntur: ita in sermonibus conferendis, qui ignorant quæ sit uerborum uis & significatio, facile, siue differant ipsi, siue aliorum audiant sermones, decipiuntur. Atque illa quidem una causa est, præter alias quæ postea explicabuntur, cur sæpe uideantur esse ratio cinationes aut reprehensiones, quæ non sunt. Quoniam autem quibusdam illud est ingenium, ut se operæ præciū maius facturos existiment, si sapientes uideantur, nec sint, quam si essent, nec uiderentur (est enim Sophistice, simulata & non uera sapientia).

C 2

pientia: & Sophista is dicitur, qui ex ea quam præ fa-  
 fert, non uera, sed simulata sapientia, quæstū facit illud  
 profecto ex ijs perspicuum est, tali ingenio natis homi-  
 nibus magis elaborandum esse, ut sapientis officiū præ-  
 stare uideantur, quàm ut faciant, nec uideantur. Est autē  
 (ut singula cum singulis conferam) sapientis in re quaq;  
 officium, ut rogatus de ijs rebus quarum habet scientiā,  
 nil falsum dicat: et ut, si quem in errore uersari senserit,  
 illum coarguat, & de falsa opinione deducat. Quorum  
 prius in bene reddenda ratione de ijs quæ interrogātur,  
 positum est: posterius in bene interrogando, si quid sit de  
 quo reposcenda sit ab altero ratio, cernitur. Neceffe igitur  
 est, ut qui sophistæ munus probè fungi uelit, illud fal-  
 lacium argumentorum genus, de quo paulo antè diximus,  
 in primis exquirat: quandoquidem in eo tantum est mo-  
 menti, ut hæc sit una ratio, qua sapientiæ opinionem, in  
 qua illi sunt omnia, consequi possit, si talium argumen-  
 torum facultate instructus sit. Ac esse quidem nonnulla hu-  
 ius generis argumenta, & huiusmodi facultatem ab ijs  
 quos Sophistæ appellare solemus expeti, satis explicatū  
 est. Nunc quot sint rationum sophistarum genera, &  
 quis sit numerus singularum facultatum, ex quibus con-  
 stat hæc tota facultas: & quot partes sint huius tracta-  
 tionis quam instituiimus, & si qua sunt alia quæ ad hu-  
 ius artis perfectionem pertinent, dicamus. Sunt igitur  
 ad differendum quatuor omnino argumentorum gene-  
 ra. Vnum est, eorum quæ propriè ad docendum sunt ac-  
 commodata: alterum, eorum quæ dialectica uocantur.  
 Tercio genere continentur, ea quæ ad probandum &  
 examinandum alterum adhibentur. In quarto genere  
 sunt,

sunt, quæ contentiosa appellantur. Atq; illa quidem ad docendum sunt accommodata, quæ constant ex proprijs cuiusq; disciplinæ principijs, nec uim habent ab eo quod respondenti probatur. Credere enim, & indubitatam fidem habere cum oportet, qui discere aliquid uelit. Dialectici autem sunt, quibus utraq; pars contradictionis ex probabilibus concluditur. Illa uero ad tentandum & examinandum alterum apta dicuntur, quæ ex ijs modò uim habent, quæ ei probantur, quo cum disputamus: quæq; ealia sunt, qualia ignorare non possit, qui sibi alicuius rei scientiâ tribuit & arrogat. Qua uero ratione id sit faciendum, alijs in libris docuimus. Contentiosa autem sunt, quæ ex ijs quæ probabilia uidentur, nec sunt, aut concludunt necessario, aut non concludunt, sed modò uidentur. Ac de ijs quidem quæ ad docendum & demonstrandum ualent, dictum est à nobis in Analyticis: de dialecticis autem, & ijs quæ ad examinandum alterum adhibentur, in superioribus libris. Nunc de contentiosis dicamus. Primum autem intelligendum est, quot & quæ sint ea quæ differendo sibi proponunt, qui contentionis modò & uim edici causa disputant, quæ sunt quinque: Reprehensio, falsum, incredibile, quodq; sit contra omnium opinionem, solæcismus: et quintum, cogere eum quicum disputant, nugari: quod est eiusdem uerbi inepta & inanis repetitio. Atq; illa quidem sibi proponunt, ut aut reuera assequantur, aut certè ut assequi uideantur. Hoc enim est quod primum & maxime contendunt huiusmodi homines, ut coarguere respondentem uideantur: secundo loco, falsum aliquid uolunt concludere: tertio, ducere eò aduersarium, ut admirabile aliquid & contra opinio-

C 3

opinionem hominum dicere cogatur: quarto, ut eum, si possint, cogant solæcismum committere, quod est, aduersarium uel rationis adductum uideri non posse effugere, quin barbarè loquatur: postremo, ut ad ineptiā eiusdem uerbi iterationem adducant. Sunt autem reprehensionū generales duo modi: unus in uerbis, alter in rebus. Atque ille quidem modus in quo uis captionis ex uerbis oritur, in sex partes distribuitur, quæ sint: Vocabuli multiplicitas, orationis ambiguitas, coniunctio, diuisio, accentus, forma dictionis. Esse autem tot, nec plures partes, non modo inductione doceri, sed etiam ratiocinatione, non una quidem fortasse, sed hac certè demonstrari apertissime potest: nempe quia non possit præter illos modus alius reperiri, quo non idem semper iisdem uerbis & orationib. dicamus. Ex nominis multiplicitate hæ omnes captiones ducuntur: Quæ memoriter ab alio recitantur, ea grammatici *μαρβαῖος*: ergo qui docti sunt, *μαρβαῖος*. Homonymum est *μαρβαῖος*. interdum enim idem ualeat quod intelligere rem aliquam, interdum significat idem quod discere. Quod quæque facere oportet, id bonū est: sæpe autē usuuenit, ut mala nos subire oportet: malum igitur aliquod bonū est. Oportere duobus modis accipi potest. uno modo, pro eo quod necessarium est: quæ significatio ad mala sæpe pertinet: sunt enim quæ, licet mala sint, nobis tamen necessariò subeunda sunt. altero modo, quod bonū est, officioque consentaneum, hoc uerbo intelligitur. Qui surgebat, stat: & qui cōualescebat, ualeat: atqui surgebat sedens, et cōualescebat ægrotans: stat igitur sedens, & ualeat ægrotans. Aegrotantē facere aliquid, aut pati, non habet unam tantum significationem:

sed

DE  
sed inter  
nunc aut  
prius, au  
seebat, a  
est ægro  
ægotat  
referen  
quisq; co  
uel ad co  
Item illi  
autem u  
dicis, tu  
tur illud  
ambigu  
accipi po  
taceat: a  
Sunt au  
nymia  
oratio.  
cat: ut  
tiplicit  
modis a  
fication  
cia non  
Ea ta  
cant ip  
rum co  
quibus  
quos e  
hæc pe



sed interdum huius generis participia significāt eum qui nunc aut ægrotat, aut sedet: interdū uero, qui ægrotabat prius, aut sedebat. Illud tamen uerū est, eum qui conuale-  
 scbat, ægrotantē etiamnum fuisse: qui autem ualet, non est ægrotans. nisi ita accipi-*is*, ut eum significet qui prius ægrotabat. Ad ambiguitatem orationis hæc omnia sunt referenda: Ego uelle me hostes capere. item illud: Quod quisq; cognoscit, illud ipsum cognoscit. hæc enim oratio uel ad cognoscētem, uel ad rem cognitam referri potest.  
 Item illud: Quod quis uidet, illud ipsum uidet: columnam autem uidet quispiā: columna igitur uidet. \* Quod esse dicis, tu illud ipsum dicis: lapidem autem esse dicis: tu igitur illud ipsum, lapis scilicet, dicis. Postremō illud quoq; ambiguum est, *οἷον* proloqui: nam & hoc dupliciter accipi potest. uno modo, ut signi-*f*icet loqui aliquem qui taceat: altero, ut de rebus mutis loqui aliquem declaret. Sunt autem tres potissimum modi, quibus omnis homonymia & amphibolia continetur. *unus* est, quando aut oratio, aut uocabulum propriē ac per se multa significat: ut aquila, canis. alter est, quādo ex usu loquendi multiplicitas nascitur. tertius, cum uerba coniuncta multis modis accipi possunt, separata simplicem habent significationem: quale est illud, scire literas. ut enim multiplicia non sint singula hæc uerba, scire, & literas, coniuncta tamen multis modis accipi possunt. aut enim significānt ipsis literas scientiæ capaces esse, aut uero literarum cognitionem habere alterum. Ac modi quidem, quibus homonymia aut amphibolia continetur, hi sunt, quos exposuimus. nunc de coniunctione dicamus, ad quā hæc pertinent omnia: Posse sedentem ambulare, posse

\* Exēplum  
 hoc licet omnino non ex-  
 primat græcum, tamen quantum patitur latinus sermo, ad græci proxime accedit.

P non

non scribentem scribere. Etenim hæc duo non idem significant, cum est coniuncta, & cum est diuisa orationis sententia. Est autem huius orationis, posse non scribentem scribere, sententia coniuncta, cum significat eum qui non scribit, posse, cum non scribit, scribere: diuisa autem, cum eam uim habet, posse eum qui nunc non scribit, postea scribere. Est etiam illud ex coniunctione ductum: Quis scis literas, modò didicisti eas. Item illud: Quod unum solum potest ferre, multa potest ferre. Ex diuisione autem ista ducuntur: Quinq; sunt duo & tria, atq; ita paria & imparia. Item illud: Maius dicitur, quod tantum est quantum alterum, & aliquid amplius: ergo quod maius est, tantum erit, quantum alterum, itaq; æquale. Neq; enim idem ualet oratio, cum illius sententia modò diuisa, modò coniuncta accipitur. qualia sunt hæc: Ego te feruum feci liberum: Quinquaginta hominum centum heros liquit Achilles. Ex accentu autem uix oritur captio, nisi si de scripto sit controuersia. nam in scripto & poëmate sæpe locum habet. Quo modo liberatur eorum calumnia Homerus, qui apud illum dicunt absurdè scriptum esse ὅτι καὶ ἀνὴρ ὄντα δούλω. dicunt enim, malè accipi accentum illius particulæ ὅτι, quæ non circumflexo, sed acuto notari debet, hoc modo ὅ. Item cum ille locus Homeri reprehenditur, ubi de somnio Agamemnonis agitur, ita occurrunt, ut dicant non esse illa accipienda quasi Iouis uerba, ὁ δὲ ἴσως ἂν οἱ ἐδῶκεν ἁπλοῦς, sed ijs uerbis imperare louem somno, ut det ipse somnus Agamemnoni illud, ut fiat sui uoti compos Agamemnon, ita ut ὁ δὲ ἴσως pro ὁ δὲ ἴσως accipiat. Ac de accentu quidē hæctenus. Ex forma autem dicendum duci intelliguntur captiones, quando

quando alterius uerbi specie falsi in ijs eandem esse rationem interpretamur, in quibus non est eadem ratio. ueluti cum masculinum ad fœmininum genus transferimus, aut contrà fœmininum ad masculinum: aut uerò, cum neutrum genus malè accipimus: & cum ad qualitatem transferimus quantitatem: aut contrà, ex qualitate facimus quantitatem: & cum id quod facere significat, in patiendi significatione accipimus. Denique, cum id quod certam quādam affectionem declarat, pro actione sumitur. eodemq; modo in alijs omnibus categorijs, quomodo superioribus libris à nobis diuise sunt. Illud enim usuenire interdum, ut quod actionem non significat, si tantum speciem uocabuli spectes, ita accipiat, quasi facere aliquid significet, uel hoc exemplo intelligi potest: Valere, dicendi forma simile est his uerbis, secare, ædificare: & tamen illud qualitatem & certam quādam affectionem significat, hæc actionem: nec dissimilis est in alijs ratio. Ac de locis quidem, ex quibus ductæ ex uerbo captiones eruntur, satis. Sequitur, ut de fallacibus conclusionibus, quæ in rebus continentur, dicamus quarum septem sunt genera. Primum est, ex accidente. secundum, ex eo quod simpliciter aliquid dicitur: uel non simpliciter, sed cum aliqua adiectione, aut partis, aut loci, aut temporis, aut affectionis ad alterum. tertium, est ex ignoratione reprehensionis. quartum, ex consequenti. quintum, ex eo quod sumitur illud ipsum, quod iam inde à principio in questione positum est. sextum, ex eo quod pro causa ponitur, quod minime est causa. septimum, ex eo quod quæ multæ sunt interrogaciones, pro una accipiuntur. Ac fallaces quidem

ex accidente conclusiones tum ducuntur, quando rei subiectæ & accidenti eadem omnia attribuuntur: quia enim multa sunt in eodẽ subiecto, quæ eius modò sunt accidentia, propterea nõ necesse est eadem omnia rei subiectæ conuenire, & omnibus rei subiectæ attributis. nisi uelimus fateri, omnia quæ sunt, esse eadem: quemadmodum sophistæ dicunt. in quo uel hac ratione utuntur: Si est diuersus ab homine Coriscus, est à seipso diuersus: Coriscus enim homo est. uel ista: Si est diuersus à Socrate Coriscus, sit autem Socrates homo, diuersum esse Coriscum ab homine necessario fatendum est. Hæc autem est huius captionis occasio, quòd ita fortè accidit, ut is, à quo diuersus est Coriscus, homo esset. Ex eo autem, quod omnino ac simpliciter esse dicitur, id quod uerè dici potest hoc uel illud esse, aut quod ex parte modò aliqua non proprie, tum uitiosa nascitur conclusio, quando ita accipitur quod ex aliqua tantum parte uerum est, quasi omnino ac simpliciter uerum esset. ueluti si quis aut ex eo quòd res quæ nõ est, opinabilis est, uellet concludere, esse rem quæ non est (neq; enim idem ualet rem esse omnino, quod esse aliquid tale) aut contrà, rem aliqua: quæ sit, non esse, quia de illa negetur alia quædã res: uerbi gratia, quia uerum sit rem illam nõ esse hominem. Multum enim interest dicis, rem nõ esse simpliciter & sine ulla adiectione: an uerò, nõ esse hoc aut illud. sed quoniam, si uerba modò spectes, maxima est affinitas & cõiunctio inter ista, esse quidpiam, & esse: itemq; non esse quidpiam, & non esse: idcirco fit, ut distingui hæc inter se non uideantur. Quod autẽ dixi, in eo quod non omnino esse, sed cum adiectione tale aliquid esse dicitur: idem  
intelli-

DE  
intelligi  
& quod  
citer om  
dus aliq  
beat, er  
una sit  
in eodem  
ptionum  
postquam  
sit albu  
extremi  
ria conc  
grum.  
explicati  
quando  
simplex  
altera, c  
spicere,  
fit: que  
alicui i  
ter dici  
tius cum  
illud ni  
Caption  
tur, q  
tiocina  
nitioni  
ctio un  
atq; ad  
ipsum.

intelligendum est, quando id quod in parte modo aliqua  
 & quodam modo uerum est, ita accipitur, quasi simpli-  
 citer omniq; ex parte uerum esset. exempli causa: Si in-  
 dus aliquis, cum sit toto corpore niger, dentes albos ha-  
 beat, erit igitur idem albus, & non albus. Item si pars  
 una sit uno colore tincta, alteraq; altero, inerunt igitur  
 in eodem subiecto duo aduersa. Porro autem, harum ca-  
 ptionum causa in quibusdam facile perspicitur: ueluti si,  
 postquam sumpseris nigrum esse Aethiopem, roges, num  
 sit albus dentes (ut poeta loquuntur) tum eo sumpto ad  
 extremum omni absoluta interrogatione, putes te necessa-  
 ria conclusione effecisse, nigrum esse eundem, & non ni-  
 grum. In alijs quibusdam saepe usuenit, ut sit difficilis  
 explicatio, idq; ex duabus potissimum causis. Prima est,  
 quando ex eo quod cum adiectione alicuius partis dicitur,  
 simplex & absoluta pronuntiatio recte sequi uidetur:  
 altera, cum ita alteri conueniunt alia, ut sit difficile per-  
 spicere, utrum ex illis simpliciter ac omnino dici iudicandū  
 sit: quemadmodum euenire solet, cum duo aduersa pariter  
 alicui insunt: tum enim aut utrumq;, aut neutrum simplici-  
 ter dici admittendū uidetur. uerbi gratia, si dimidium to-  
 tius cuiusdam album est, & alterum dimidium nigrum, sit ne  
 illud nigrum potius an album appellandū, incertum est.  
 Captiosa autem argumēta, quæ ex eo uim habere uiden-  
 tur, quod non sit constitutum ac definitum quid sit ra-  
 tiocinatio aut reprehensio, omnia ex omissa aliqua defi-  
 nitionis parte oriuntur. Etenim reprehensio est, contradi-  
 ctio unius & eiusdem non nominis, sed rei & nominis:  
 atq; adeo eiusdem nominis, ut non synonymū sit, sed idem  
 ipsum. quæ contradictio ex ijs quæ sunt posita, ita sequi-



tur necessario, ut in sumptionibus non sit acceptum illud, de quo instituta est disputatio: quæ denique ita facta est, ut pars utraq; in eodem, ad idem eodem modo et eodem tempore sumatur. Quæ omnia, quo modo reprehensionem conueniunt, eodem possunt errori omnino ac deceptioni conuenire. Quoniam ergo horum aliquid, quæ in definitione posita sunt, prætermittitur: idcirco fit, ut res reprehendere aliter uideatur, qui tamen reuera non cogit: ut, duo ad unum sunt dupla, ad tria non sunt dupla: est igitur aliquid duplum, & non duplum. Item, si unum cum uno collatum in longitudine superet illud duplo, in latitudine autem non duplo, uidebitur idem, facta etiam ad idem comparatione, duplum esse, & non duplum: sed non in eadem certè re utrunq; dicitur. Postremo, si facta sit ad idem comparatio, cernaturq; in eadem re utrunq;, & eodem modo, ad idem autem tempus utrunq; non pertineat, erit etiam ex hoc loco ducta fallax & captiosa reprehensio. Verum quæ ducta est ex hoc loco reprehensio, potest etiam pertinere ad aliquem ex ijs, quos in uerbis esse diximus. Captiones autem, in quibus id ipsum accipitur in sumptionibus, de quo est instituta disputatio, ijsdem, & tot modis fiunt, quot, & quibus petitio principij committitur. Causa autem, cur speciem aliquam reprehensionum habere nobis uideatur, est, quia discernere interdum non possumus quid idem sit cum eo, quod à nobis ad disputandum propositum est, & quid diuersum. Fallaces autem ex consequentibus reprehensiones inde uim habent, quod retrò uerti consecutiones existimemus, quæ minime retrò committunt. Quia enim ex hoc illud necessario sequitur, ideo uicissim

cijsim

estim ex  
eodem bo  
tur ex se  
est flauus  
Et quom  
si maq  
men min  
illa fere o  
illi enim  
na accip  
nere orn  
quæ tam  
possit cō  
quibus h  
Quale est  
hoc mod  
nam ex  
principi  
princip  
Et in  
uerum  
principi  
mne qu  
magis  
lecter  
non ca  
omnes  
uibus a  
esse ca  
se, cur

cisim ex illo hoc effici necessario opinamur. Atque ex eodem hoc genere sunt falsa illa opiniones, quæ gignuntur ex sensuum perceptione. Quia enim mellis consequens est flauus color, inde fit, ut sæpe fel pro melle accipiat. Et quoniam pluuie consequens est, madefieri terram: si madida sit terra, pluuisse statim existimamus. quod tamen minimè necesse est. Pertinent etiam ad hoc genus illa ferè oratorum argumenta, quæ ex signis ducuntur. Illi enim, ut probent adulterum esse aliquem, consequentia accipiunt: ut quòd accuratius comptus, & omni genere ornatus sit, aut quòd oberrare noctu conspiciatur: quæ tamen multis insunt, quibus attributum illud non possit cõuenire. nec dissimilis est in ijs argumentis ratio, quibus hi utuntur, qui syllogismis, non signis differunt. Quale est illud Melissi, quod infinità esse uniuersitatem hoc modo ostendere conatur: Vniuersitas est ingenita (nam ex nihilo nihil gignitur) quod autem genitum est, principium habet. Itaq; si ingenita est uniuersitas, omni principio careat necesse est: infinita igitur. quæ profecto infirma est, minimeq; necessaria conclusio. Nam ut uerum sit, omne quod generatū est, habere sua quædam principia: cur, quæso, uicissim id erit necessarium, ut omne quod principium habet, genitum sit? illud sanè non magis necessarium quàm hoc: Si quis habet febrem, calet: ergo si quis calet, habet febrem. Sequitur locus, cum non causa tanquam causa accipitur: quo referendæ sunt omnes captiones, quæ ex eo nascuntur, quòd in sumptio uerbis aliquod tale accipiat, quale potissimum uideatur esse causa rephensionis, cum reuera ea non sit causa, cur ad extremum illud efficiatur, quod concluditur.

Quod in ijs maxime ratiocinationibus usuuenit, quæ aduersarium urgent incommodo. Semper enim quod huiusmodi ratiocinationibus refellitur, est una ex summptionibus. Si igitur præter necessarias summptiones ante conclusionem acceperis illud unde incommodum sequi debeat, illa sæpe uidebitur esse causa, cur tu coarguas absurdæ conclusionis aduersarium, quæ non erit. Exempli causa, si probare uelis, quod idem non sint uita & anima, & hac tu ratione utaris: Si aduersatur omnino ortus interitui, & cuidam interitui aduersabitur quidam ortus: est autem mors, quæ uitæ est contraria, interitus quidam: erit igitur uita ortus quidam, & uiuere gigni ac oriri. quod fieri omnino nõ potest: quare uerum illud non fuit, uitam & animam idem esse. Hac tu profectò ratione non confecisti quod uolebas. nam ut illud nemo dicat, nil interesse inter animam & uitam: nihilominus idem illud incommodum sequitur, si illud modo admittat quispiam, cum mors interitus quidam sit, eam esse uitæ contrariam, interitui autem generationem. Ac huiusmodi quidem rationes non sunt ita uitiosæ, ut nil omnino necessariò efficiant: sed cum necessaria conclusiones sint, ad illud modo conficiendum quod propositum est, infirmæ ac minime necessariae dicuntur. neque his captionibus respondentes modo falluntur, sed etiam qui contrà disputant, sæpenumero in conclusiones huius generis incurrunt, cum se optime argumentari existimant. Atque illa quidem sufficiant de captionibus, quæ tum ex consequenti, tum ex non causa ducuntur. Postremus locus superest, de uis interrogationes quasi unam accipere: quò tum referendæ sunt captiones, cum non putat respondens mul-

tas esse interrogationes: ob idq; quasi ad unam interrogationem, simplicem dat responſionem. Ac nonnullæ quidem interrogationes ſunt, quas facile uidemus multis eſſe, ideoq; non eſſe ad illas ſimpliciter reſpondendum. cuius generis eſt iſta: Sine terra mare, an cælum? In alijs quibusdam non ita facile perſpicitur: quas interrogationes ij qui reſpondent, perinde quaſi unum eſſet quod rogatū eſt, aut admittunt, quia nil habent quod rectè ad interrogatū reſpondeant, aut coargui reprehendiq; merito uidentur. exempli cauſa: Nunquid hic, & ille homo eſt? qui igitur hunc & illum cædit, hominē uerberat, nō homines. Item illud: Poſitis quibusdam, quorum partim bona ſunt, partim mala: Sunt'ne illa omnia bona, an mala? Hic enim, utrūuis dixeris, uno modo habebit, qui contrā diſputat, unde te non ille quidem uerè coarguat, ſed uideatur certè reprehendere: aut unde eò te deducat, ut absurdum aliquid dicere uideare. nā in bonis aliquid numerare, quod minimè bonū eſt, aut contrā in non bonis, quod bonum, absurdum eſt. Alio modo, hoc eſt, ſi alia quædam præterea aſſumat, habebit unde te uera reprehensione coarguat: ueluti ſi quis iam antè conceſſiſſet, eadem ratione unū & multa dici alba, nuda, cæca. nam ſi cæcum id appellatur, quod cum in genere eorū ſit quæ uidere poſſint, caret ſenſu oculorum: cæca illa dicentur, quæ non uident, cum in genere tamen earum rerū ſint, quæ oculorum ſenſu prædita eſſe poſſunt. Hic igitur ſi de duob. rogaueſis, quorū unum uideat, alterū non uideat, & alius ſimpliciter reſpondeat, illud neceſſariò efficitur, utraq; ſenſum oculorum habere, aut cæca eſſe. quod fieri omnino non poteſt. Aut igitur illa & tot fallacium

rationationum & reprehensionum genera statuenda sunt, quæ & quot modò exposuimus: aut si malimus unū quasi omnium principū constituere, reuocanda sunt omnia ad ignoracionem reprehensionis. Nam posse omnes modos, quos paulo ante docuimus, referri ad definitionē reprehensionis, potest his rationibus intelligi: Primum, si infirma est conclusio, est enim hoc in definitione reprehensionis positum, ut ex ijs quæ posita sunt, conficiat id quod uult: atq; ita conficiat, ut necessaria sit re ipsa conclusio, non tātū uideatur. Deinde uerò, si singulas definitionis partes persequamur, idem illud planū fiet. nam ex ijs captionibus quæ sunt in uerbis, nonnullæ ex eo ducuntur, quòd dupliciter, non singulari significatione ali quid dicatur: ut quæ sunt ex homonymia, ambigua oratione, & dictionis forma. solent enim ista omnia, quasi unum quidpiā significarent, ita usurpari. Reliquæ autē, ut quæ sunt à coniunctione, diuisione, & accentu, captionis inde originē habent, quòd non eadem semper oratio, aut nomen sumatur. Atqui ut fiat reprehensio, aut omnino syllogismus, oportebat sicut eadem res est, ita eadem esse nomina, & orationes, atq; ita eadem: ut si de tunica, uerbi gratia, concludendum esset aliquid, non esset illud sub nomine uestis concludendum, sed sub eodem ipso nomine tunicæ: mō quòd illud in altero nomine non tam uerum sit, quàm in hoc: sed quia sub illo altero nomine adhuc non confectum est necessariò, quod propositū erat: sed illa præterea interrogatio debet accedere, nōne idē unum ualeat, atq; alterum? si modò uelis ei quæ causam rogauerit, unde illud sequeretur quod concludis, iuxta rationem satisfacere. Quòd autē captiones, quæ ab accidente ducuntur,



ducuntur, huc reuocari possint, ex definitione ratiocinationis statim fiet manifestum. Est enim eadem reprehensionis quæ syllogismi definitio, nisi quod præter syllogismi rationem adiungitur uerbum illud, contradictionis: Reprehensio enim nil aliud est, quam ratiocinatio, quæ ad conficiendam contradictionem pertinet. Si igitur quæ ex accidente captiones ducuntur, syllogismi non sunt, nec reprehensiones perfectæ erunt. Neque enim si ex illo antecedente efficitur hoc consequens, & hoc album sit: necessarium conficitur, ut etiam illud antecedens album sit. Sed nec illud necessarium concluditur, si triangulum habeat tres angulos pares duobus rectis, ei autem accadat, ut aut figura sit, aut primum, aut principium: ex ijs inquam non poterit necessarium sequi, eandem illam proprietatem conuenire figuræ, primo, aut principio: quandoquidem huius rei demonstratio non fiat de figura aut primo, quia figura sit aut primum, sed de triangulo hoc ipso quod triangulum est. Quod idem in alijs eiusdem generis dicendum est. Quare si omnis reprehensio est ratiocinatio, nulla erit ex accidente captio, quæ possit reprehensionis nomine appellari. Veruntamen hoc maxime fallacium conclusionum genere falluntur, & coarguuntur ab imperitis hominibus ij etiam, qui uel arte aliqua, uel omnino scientia quædam sunt præditi. Ducunt enim illa ab accidentibus argumenta, quæ contra sapientes obijciunt: quæ quoniam docti alioqui homines discernere ac distinguere recte interdum non possunt, propterea ab illis interrogati aut concedunt: aut etiã quæ non admiserunt, ea se cõcessisse opinantur. Quæ uerò ex eo ducuntur, quod simpliciter et ex aliqua parte dicitur, in reprehensionis ignorance

eo incurrunt, quod in ijs affirmatio et negatio in eadem re non accipiuntur. Nam ei quod ex aliqua parte album est, id contradicit quod non est ex aliqua parte album: ei uerò quod omnino album est, id quod non est simpliciter album. Si igitur quod ex aliqua parte album esse dederit quispiam, ita alius accipiat, quasi omnino albū esse concessisset, eo modo nunquam illum uerè reprehendet: quod autem reprehendere uideatur, ex eo proficiscitur, quod ignoratur quid sit reprehensio. Iam autem apertissime omnium ad hoc caput referuntur illæ captiones, quas supra ex definitione reprehensionis appellauimus: unde etiam factum est, ut illo nomine uocarentur. Causa enim cur illæ aliquam habeant speciem reprehensionis, in prætermissione alicuius partis definitionis posita est. Atq; si distribuantur singula in partes, eo modo quo iam aggressi sumus, communem esse omnibus captionibus hanc definitionis prætermissionem facile perspicietur. Quod uerò huc etiam reuocentur captiones, quæ oriuntur ex eo, quod illud ipsum, de quo instituta est disputatio, assumitur, aut in quibus nō causa pro causa ponitur, uel ex ijs quæ nominatim in definitione posita sunt, perspicere potest. Illud enim in definitione erat, ut conclusio necessario sequeretur propter illa quæ antè posita essent: quod non fit in captionibus quæ non causam pro causa accipiunt. Item illud in definitione ponebatur, ut non inter sumptiones acciperetur id, quod fuit à principio propositum ad differendum: quod non obseruatur in captionibus quibus committitur petitio, ut uocatur, principij. Quæ uerò ex cōsequentibus ducuntur, quasi partes quædam in accidentium captionibus continentur. nam quod est

est alteri consequens, id in accidentium numero censetur. Illud tamen differt consequens ab accidente, quod in uno tantum cernitur tractatio accidentis: ueluti flauum & mel idem esse, aut album & cygnum. Consequentis autem uis et tractatio, non nisi in pluribus intelligi potest. nam si quæ sint, quæ idem quod unum aliquid ualent, ea etiã idem ualere inter se postulamus: ex quo proficiscitur reprehensio illa, quæ ex consequenti appellatur. Illud uerò pronuntiandum non est ex omni parte uerũ, ut si non per se, sed fortuitò & per accidens album sit utriusq; in eo enim cygnus & nix idem sunt, quod utrumq; album sit. Aut si aliud exemplũ malis, sumatur argumentatio Melissi, ubi ille accipit idem esse, principium habere, & generatum esse: aut illa, in qua pro eodem accipiuntur æqualia fieri, & eandem recipere magnitudinem. Cygnus enim quod factum est, principium habet: idcirco uult Melissus uicissim effici, ut quod principium habet, factũ sit: perinde quasi idẽ ualeant ista duo, propterea quod principium habeat quod generatum est, et quod est finitum. Quod idem in ijs quæ æqualia sunt, contingit. Nam si, quæ uicissim atq; eandem magnitudinem accipiunt, æqualia sunt: uicissim etiam quæ paria sunt, unam & eandem recipere magnitudinem postulatur: quo fit, ut ex consequenti ducta sit hæc uitiosa conclusio. Quoniam ergo ad reprehensionis ignoracionem reducuntur captiones accidentis, profectò dubium iam esse non potest, quin eò etiam referri possint quæ ex consequentibus erunt. Sed illud certe, si modò diligentius attendas, alia etiam ratione melius doceri potest. Reliquæ sunt captiones, quæ ex eo nascuntur, quod multæ interrogationes pro una accipiuntur:

piuntur: quæ inde uim habent, quod à nobis uis & natura propositionis non satis explicatè animo cernitur, ac ueluti in suas partes tribuitur. Est enim propositionis natura in eo posita, ut unum de uno dicatur: nimirum quia non est alia definitio eius quod unum quidpiam huius generis est, quàm ipsius omnino generis: ut unius hominis eadem est quæ hominis definitio, & sic alia. Si igitur ea est una propositio, qua unum de uno pronuntiatur, erit profectò ipsius omnino propositionis natura in eo posita, ut sit talis aliqua interrogatio. Et quoniam ex propositionibus constat syllogismus: reprehensio autem syllogismus est: propterea necesse est, ut etiam reprehensio ex propositionibus constet. Quapropter si ea demum propositio est, in qua unum de uno pronuntiatur, illud iam dubium esse non poterit, quin huiusmodi captiones ad ignorationem reprehensionis pertineant: utpote quæ non propositiones, sed quæ propositiones modò esse uidentur, accipiant. Ac si interrogatus quidem alius quæ si ad unam interrogationem respondeat, uera hinc nascetur reprehensio: sin ille non ita respondeat, sed uideatur modò respondere, fallax, non uera erit reprehensio. Quare omnes fallaciarum conclusionum modi in reprehensionis ignorationem incurrunt. Atque illi quidem, qui in uerbis cernuntur, propterea huc pertinent, quia non uera contradictio, quod tamen est reprehensionis maximè proprium, sed falsa modò species contradictionis in eis existat: reliqui autem alij propter definitionem rationationis. Causa autem cur nos decipiant captiones, in quibus inest aut nominis multiplicitas, aut orationis ambiguitas, est, quia distinguere non possumus ea quæ multis

D  
multi  
la, quor  
ius mod  
Etione  
nil put  
oration  
multum  
tio: qui  
interess  
Quæ ex  
borum  
Difficil  
quorū d  
ut quid i  
bac poti  
qua om  
hoc alia  
nim sur  
consequ  
dam n  
modis  
quod pe  
timur  
animo  
uerbis  
quod u  
tam ad  
rò, qua  
tus apu  
ex uerb

multis modis dicuntur. Nam huius generis sunt nonnulla, quorum multipliciter explicare non est facile: cuiusmodi sunt, ens, unum, idem. In ijs uero quæ ex coniunctione & diuisione oriuntur, erroris causa est, eo quod nil putamus interesse inter coniunctam & distinctam orationem: sicut in plurimis nullum est discrimen. Nec multum absimilis est in ijs quæ ex accentu eruantur, ratio: quia scilicet aut nusquam, aut certe in plurimis nil interesse inter contentum & remissum uerbum uideatur. Quæ ex uerbi specie ducuntur, propter quandam uerborum inter se similitudinem, in errorem nos inducunt. Difficile est enim discernere, quorum sit eadem ratio, et quorum diuersa. Nam qui hoc præstare potest, propè est, ut quid in quaque re uerum sit, cognoscat: idemque scit, nos hac potissimum ratione sophistarum captionibus uincit, quia omne quod alteri attribuitur, ita accipimus, quasi hoc aliquid, unamque numero naturam significet. Hæc enim sunt, quæ substantiam, & id quod unum est, maxime consequuntur, significare hoc aliquid, & unam quandam numero naturam. Vnde etiam fit, ut hic captionis modus, inter eos numeretur, qui sunt in uerbis. Primum, quod per huiusmodi captionem in errorem potius inducitur, dum aliquid cum altero tractamus, quam cum animo eandem ipsam rem apud nos exagitamus. Atque uerbis absoluitur omnis sermo, qui cum altero confertur: quod uero apud nos taciti cogitatione tractamus, non tam ad uerba, quam ad rem ipsam pertinet. Deinde uero, quando uenit quenquam hac captionem falli, dum tacitus apud se rem exquirat, ex eo semper oritur error, quod ex uerbis rem consideret. Postremo harum captionum

omnis



omnis error ex similitudine nascitur, quæ profectò similitudo nusquam est nisi in uerbo. Captiones autem ex accidente eo nos in errorem inducunt, quòd dydicare & distinguere rectè non posimus, quæ sint eadem, quæ diuersa: quæ unum sint, quæ multa: quibus attributis conuenire oportet quæ rei insunt, & quibus minimè. Quod idem in captionibus ex consequenti dicendum est: quandoquidem consequens pars quædam accidentis est. His accedit, quòd, quoniam in multis uerum esse uidetur, si hoc est illius ita consequens, ut seorsum ab illo esse non possit, & uicissim illud ex hoc perpetua quadam coniunctione consequi: idcirco quasi reuera ac semper ita esset, suam argumentationem tractant qui his captionibus utuntur. Fallimur autè captionibus, quæ ex omiſsa aliqua parte definitionis, quæq; ex eo quod aliquid omnino dicitur, et quadam ex parte oriuntur, eo nomine, quòd res parum inter se distantes non rectè distinguimus. Nam quasi nil plus significet, esse quidpiam, aut quadam ex parte, quàm esse omnino, aut uerò esse quodam modo, aut hoc tantum tempore: ita in toto genere ac simpliciter concedimus. Nec diuersa est in ijs ratio, quæ aut illud ipsum de quo est quæstio, assumunt, aut non causam pro causa ponunt, aut unam faciunt interrogationem quæ multæ sunt. Nam in ijs etiam erroris causa est, paruum admodum rerum inter se discrimen: quia scilicet non satis subtiliter & accuratè perspicimus propositionis aut ratiocinationis definitionem, ob eam, quam supra diximus, causam. Quoniam autem ex quot, quibusq; locis dicuntur uitiosæ ratiocinationes, quæq; uidetur modò, nec sunt, iam tenemus: illud quoq; simul cõfectum est, qui & quot

C 7

quot loci sunt, ex quibus eruuntur sophisticæ omnino ra-  
 tiocinationes & reprehensiones. Ego uerò sophisticas ra-  
 tiocinationes & reprehensiones hoc loco ita accipio, ut  
 nō modò cōplectantur eas quæ inani quadā et falsa spe-  
 cie ueris ratiocinationes aut reprehensiones præ se ferūt:  
 sed etiam eas quæ reuera sunt ratiocinationes, habent ta-  
 men falsam quandam hac ex parte speciem, qua ad eam  
 rem, quam efficiunt, propriè accōmodata esse uidentur,  
 nec sunt tamē. cuius generis sunt, quæ illud non præstāt,  
 in quo potissimū munus pirastices, hoc est, quasi ratio-  
 nis examinandi (quæ pars quadam est dialecticæ) positiū  
 est: quia scilicet non uerè coarguunt aduersariū, nec ma-  
 nifestam faciunt eius imperitiā. Atq; illa quidem pira-  
 stice falsum aliquid suis argumentis nonnunquā efficit:  
 sed illud euenit propter imperitiā eius, qui in re de qua  
 agitur, tales potius rationes admittit. Sophisticæ autem  
 reprehensiones, licet etiam necessariò concludant dispa-  
 rata, non tamē manifestò alterius imperitiā coarguunt  
 quin etiam eis qui sciunt, tenebras offundunt. Sed quòd  
 eadem uia & ratione locos utriusq; generis reprehen-  
 sionum complexi simus, hinc fiet manifestū. Nam quot,  
 quibusq; de causis solet uideri auditoribus, ex ijs quæ ino-  
 interrogata sunt, bene ac necessariò rem confici: ijsdem et  
 tot respondententi idem illud uideri consentaneum est. Ex  
 illis igitur quos exposuimus locis, aut omnibus, aut certè  
 nonnullis, eruuntur falsæ ratiocinationes. Quod enim se  
 non interrogatus quispiā admisisse existimat, idem pro-  
 fectò interrogatus non diuersa erit sententia. Verum-  
 enim uero inter has ratiocinationes nōnullæ sunt, in qui-  
 bus simulac interrogantur ea quæ ad perfectam conclu-  
 sionem

sionem deerant, confestim falsitas apparet: cuius generis  
 captiones ferè sunt, quæ ex uerbis ducuntur, & quæ ad  
 sollecissimum perducere aduersarium conantur. Si igitur  
 paralogismi, quibus disparata concluduntur, omnes ad  
 reprehensionem ita pertineant, ut eo peccent, quod spe-  
 ciem modò inane[m] reprehensionum præ se ferant: illud  
 profectò negari nō potest, quin falsæ rationationes ex  
 iisdem & tot locis ducantur, ex quibus reprehensiones  
 oriuntur, quæ fallaci specie ueras imitantur. Atqui falla-  
 ces istæ & fucatæ reprehensiones ex eo nascuntur, quod  
 aliquam partem ex ijs quæ sunt in natura ueræ repre-  
 hensionis prætermittūt. Vt enim quæq; ex singulis partibus  
 omittitur, ita fallax & fucata fit reprehensio. uerbi gra-  
 tia, quando id quod concluditur, non sequitur ex ijs quæ  
 ante posita sunt, oritur illa captio, quam maxime in ar-  
 gumenta cadere diximus, quæ ad incommodum ducant.  
 Quæ uerò multas interrogationes accipit pro una, eo  
 peccat, quod propositionis natura non rectè accipitur.  
 Quæ ex accidente ducitur, & altera, quæ huius pars est,  
 ex consequenti, hoc habet uitij, quod pro eo quod per se  
 debeat esse, illa accipiunt. Peccant etiam illæ reuoluto-  
 nes contra definitionē, quarum cōclusio non ad rem eandē,  
 sed ad uerba tantum eadem pertinet. Præterea aduersus  
 id quod diximus, oportere contraditionē in toto gene-  
 re ac simpliciter accipi, & in re eadem, & ad idem, &  
 eodem modo, omnes captiones peccant, quæ id quod ex  
 parte modò aliqua dicitur, sumunt, aut huius generis ali-  
 quid, cōtrā quàm singula illæ particule significant. De-  
 niq; in eam partē definitionis, non accepto eo inter sum-  
 ptiones, quod à principio positum est in disputatione, in-

currunt

currunt omnes, quib. petitio principij cōmittitur. Quare ex quot, quibusq. locis paralogismi eruantur, eadem hac uia perspicui poterit. Nam & ijs plures esse nequeūt, & in eos omnes quos enumerauimus, incurrere possunt. Illud autem hic intelligendum est, sophisticam reprehensionem, & syllogismum, non omnino, nec apud omnes esse reprehensionē, aut syllogismum: sed apud hunc modum, uel illum. Ac si quidem ab eo qui respondet, alius non accipiat, uerbum multiplex unam habere significationē: & quod simili forma uerbi profertur, rem declarare, quæ sit hoc aliquid, unumq. numero: eodemq. modo in alijs: illæ nullo modo aut reprehensiones, aut ratiocinationes erunt: hoc est, nec apud omnes, nec apud eum quidem qui interrogatur. Sin illud ab aduersario concessum habeat, erit illa quidem, quod attinet ad respondentem, reprehensio, & syllogismus: omnino autem, & apud omnes, non erit: quandoquidem non sumptum sit, id quod reuera unū significaret, sed quod uideretur modo, & ab eo acceptum, qui talis, hoc est imperitus esset. Neq. uerò nobis hoc loco elaborandū est, ut ex quot, & quibus huius omnes ueræ reprehensiones ducuntur, complectamur: quando illud sine omnium rerum scientia cognosci non possit. Nulla autem ars est, quæ hoc præstare una queat. Sunt enim scientiæ propemodum infinitæ. unde etiam planum est, demonstrationes esse infinitas: quæ eadē, ueræ sunt reprehensiones. Nil enim demonstratione concluditur, quod idem reprehensione confici non possit, qua eum coarguas, qui contradictionis eam partem posuerit quæ falsa est. Exempli causa, si quis dixerit, diametrum esse cōparabilem cum latere: is coarguetur

Q. 1

demon.

demōstratione, qua non esse comparabilem diametrum ostenditur. Itaq; omnium rerum scientiam habeat necesse est, qui omnes omnium reprehensionum locos sit animo comprehensurus. Aliæ enim reprehensiones ex geometriâ, aliæ ex medicinâ, aliæ ex aliarum cuiusq; generis scientiarum initijs & conclusionibus ducuntur. At uerò falsæ etiam reprehensiones non minus infinitæ sunt, quàm illæ. quandoquidem nulla sit ars, quæ suos nō habeat falsos syllogismos: ueluti in geometria geometrici, in medicina medici. Quod autē dixi in quaq; arte falsos esse syllogismos, sic accipi uolo, ut eo tantum artis esse dicantur, quod principia accipiūt ipsius artis. Perspicuum igitur est, non esse nobis hoc loco explicandos omnes omnium reprehensionum locos: sed eos modò, ex quibus dialecticæ reprehensiones eruuntur. sunt enim illi cōmunes omnibus artibus & facultatibus. Ac debet quidē quisq; artifex, omnes quæ ad suam artem pertinent, reprehensiones cōsiderare, siue sint illæ ueræ reprehensiones, siue speciem tantum habeant uerarum: et quamobrem talis sit unaquæq; explicare. Quæ uerò ex communibus, quæq; nullius artis propriæ sunt, cōstant, hæ dialecticæ sunt considerandæ. nam si locos teneamus, unde ducuntur probabiles ad disputandū de quaq; re syllogismi, simul ex quibus reprehensiones eruendæ sint intelligimus: cū præsertim nil sit aliud reprehensio, quàm syllogismus contradictionis: ita ut tum sit reprehensio, quando aut uno syllogismo, aut duobus disparata conclusa sunt. Vnde igitur omnes huiusmodi ex communibus factæ reprehensiones proficiantur, ex superioribus libris intelligi potest: simulq; unde istarū reprehensionum dissolutiones accipi possunt:

DE  
possi  
ne. it  
si. u  
uens  
uis, e  
perse  
homin  
ys erg  
nes loc  
tes duc  
re, siue  
siue dia  
deantur.  
nandam  
ur. Non  
tur aliqu  
tinere. n  
nomen  
dem ess  
tia. Qu  
quā n  
uocabul  
sponder  
conten  
ad sent  
dens, a  
cet aliq  
rephor  
sunt: ex  
quog;



possunt: quando eas soluere nil aliud sit, quàm exceptio-  
ne alia, quæ eas refellere. Ex his uerò quæ paulo ante dicta  
sunt, cognoscimus, quot, quibusq; ex locis oriantur non  
ueræ reprehensiones: sed quæ non illa quidē temerè cui-  
uis, sed certis quibusdā hominibus esse uideātur. Nam  
persequi omnes causas, quibus uideri possint quibuslibet  
hominibus reprehensiones, quæ non sunt, infinitū est. Ex  
his ergo perspicuū est, dialectici esse, notatos habere om-  
nes locos, unde reprehensiones ex communibus constan-  
tes ducuntur, cuiuscunq; generis illæ sint: hoc est, siue ue-  
ræ, siue in speciem tantū reprehensiones sint: itemq;  
siue dialecticæ reuera sint, siue dialecticæ tantū esse uo-  
deantur. aut uerò ex eo rationum genere, quæ ad exami-  
nandam & excutiendam alterius eruditionem adhiben-  
tur. Non est uera illa argumentorū distributio, qua utun-  
tur aliqui, dicentes, alia ad nomen, alia ad sententiā per-  
tinere. nam existimare diuersa esse argumenta, quæ ad  
nomen & quæ ad sententiā pertinent, ac non potius ea-  
dem esse quæ utroq; genere cōtinentur, magna est amen-  
tia. Quid enim aliud est, non argumētari ad sententiam,  
quàm nō uti eum qui se rectè putat interrogare, aliquo  
uocabulo in ea significatione, in qua est concessum à re-  
spondente? Quid uerò, nonne etiam hoc est de nomine  
contendere? Iam uerò quid est conferre argumentum  
ad sententiam, nisi cum intellexeris, quod dixit respon-  
dens, ad id argumentum dirigere? Quod si plura signifi-  
cet aliquod uerbum, putent autem qui interrogat et qui  
respondet uno modo dici (ueluti ens & unū multiplicia  
sunt: existimabant tamen Zeno qui interrogabat, & is  
quoq; qui illi respōdebat, uno tantūmodo dici. ex quo

factū est à Zenone argumentū, quo omnia esse unū concluderet illam certē eandem argumentationem, siue ad nomen pertinere dicas, siue ad sententiā eius qui respondet, utroq; modo non malē dixeris. Sin plura significare putent, non dubium est quin ad sententiā illa nō possit pertinere. Primum igitur in ijs argumentis quæ multipliciter aliquā habent, illud usuuenit, ut quæ sunt ad nomen, eadem ad sententiā pertinere cernantur. Deinde uerō nulla omnino argumentatio est, in quā illud, esse ad sententiā, cadere non possit: quandoquidē esse ad sententiā et mentem alterius, non sit in ipsa argumentatione positū, sed in eo, quod respondens hoc uel illo modo affectus est ad ea quæ concessit. Tum uerō nulla est contradi-  
 ctiō, cui non possit accidere ut sit ad nomen, præsertim cum hoc loco esse ad nomen idē ualeat, quod non esse ad mentem alterius. Nā si nō omnes illuc referri possint, erūt profectō aliquæ reprehensiones, quæ neq; ad nomen, neque ad sententiā erunt. Illi autem altero horum generum omnes contineri dicunt: atq; ita diuidunt, ut omnis generis reprehensiones aut ad uerba, aut ad sententiā pertinere fateantur. Atqui ex ijs quidem syllogismis, in quibus quædam inest multipliciter, nōnulli sunt qui ad nomen pertinent, (nam illud absurdum est, uelle omnes captiones quæ ex uerbis ducuntur, pertinere ad nomen) sed illud certē negari etiam nō potest, quin aliquæ sint in eodem illo genere captiosæ et fallaces ratiocinationes, quæ non ex eo uim habent, quia sit hoc uel illo modo affectus respondens: sed quoniā ipsa per se argumentatio continet aliquā interrogationem, quæ multis modis dicatur. Iam uerō illud omnino absurdum est, habere illos qui sic diuidunt,

prius

# DE REPREEN. SOPHIST. 61

prius rationem reprehensionis, quàm syllogismi: et de illa prius quàm de hoc differere. Cū enim reprehensio syllogismus quidam sit, necesse est ut prius respiciamus quid in syllogismo posuium sit, quàm quid in falsa reprehensione: quæ aliud nihil est, quàm non uera, sed fallax & fucata ratiocinatio, adhibita ad concludendum disparata. Vnde etiā sit, ut omnis captionis uitium uel sit in syllogismo, uel in contradictione (nam ad syllogismū oportet contradictionem accedere, ut sit reprehensio) uel in utroq; ut autem singulorū exempla subiiciam, illa captio qua concluditur, οὐκ ἔστιν proloqui, uitium habet, non in syllogismo, sed in contradicendo: illa uerò, qua dare aliquem posse quod non habet, conficitur, utroq; modo uitiōsa est. Illa postremò qua efficitur, Homeri poema esse figuram, quia circulus quidam sit, in syllogismo uitium habet. Quòd si quæ erit argumētatio, quæ neutro modo uitiōsa sit, uera ratiocinatio censebitur. Sed ut eò redeamus unde digressi sumus, illud hic rogo, an captiones quæ in disciplinis uersantur, ad sententiam pertineant, necne? Et si in ea quisquā opinione sit, ut triangulū putet esse uerbum multiplex, isq; interrogatus in alia significatione concedat, quàm in qua de triangulo cōclusit alius, habere tres angulos pares duobus rectis, eritne illa ad mentem & sententiā alterius disputatio, an potius non erit? Præterea si multis modis dicatur uerbum aliquod, eamq; multipliciter nec intelligat alius, nec ullam omnino esse suspicetur: hic, quæso, quonam pacto ad mentē & sententiā alterius collata est disputatio? Aut quo tandem modo, ut sit ad sententiā disputatio, interrogare alius debet, nisi forte adhibita simul ambigui distinctione

interrogandū sit, ut sit huiusmodi, uerbi gratia, interrogatio: sit ne uerū, οὐκ ὀρθῶς proloqui, an falsum: an potius uno modo uerum, & altero falsum? At enim si nihilominus hic ita respondeas, ut nullo modo fieri illud posse dicas, contrā autem alius disputet, nunquid erit ad sententiam tuam disputatum? Atqui ad nomen etiam quin huiusmodi argumentatio pertineat, negari non potest. non est igitur unum quoddam captionum genus ad mentem & sententiam pertinentium: sed illud modo uerum est, nonnullas esse quæ ad nomen sunt: nec huius generis omnes esse possunt, non dico quæ ueræ sunt reprehensiones, sed ne illæ quidem quæ falsa specie ueras reprehensiones præferunt: quandoquidem multæ sint captiones, quæ ne ex uerbis quidem ducuntur: quales sunt, quæ ex accidente eruantur, & aliæ nonnullæ. Quod si quis existimet, oportere eum qui interrogat, simul interrogando multipliciter uerbi indicare, & distinguere hunc in modum: quum dico οὐκ ὀρθῶς proloqui, uolo intelligas, posse hoc uel illo modo accipi: illa quidem certe primum erit ualde absurda & iniqua postulatio, præsertim cū illud sæpe usuuenire uideatur, ut qui interrogat, nesciat omnino multis modis dici posse quod rogat. Quod uerò multiplex esse non putes, illud ut distinguas fieri non potest. Deinde uerò quid, quæso, hoc aliud erit, quàm docere? Hoc enim modo res, ut est, illi explicatur & declaratur, qui nec animaduertit, nec scit, nec omnino suspicatur, posse id de quo interrogatur, alio atq; alio modo accipi. Nam quid uetat, quo minus huiusmodi distinctio etiam in ijs argumentis locum habeat, in quibus nulla est ambiguitas: exēpli causa, nonne quatuor unitates sunt pares duobus

duobus binarijs, qui sunt in quaternario? ita tamen, ut  
 diuerso modo in quatuor insint duo binarij, & quatuor  
 unitates. Itemq; illa, est ne contrariorum eadem sciētia?  
 et ita tamen, ut alia sint cognita, alia incognita. Qua-  
 propter qui ista distinctione utendum esse censent, igno-  
 rare uidentur, aliud esse docere, aliud disputare: et quod  
 oporteat docentem non interrogare, sed manifestum fa-  
 cere id de quo agitur: disputantem uero, eum modo, qui-  
 cum disputat, interrogare. Iam uero postulare, ut is quis  
cum disputatur, aut dicat, aut neget, non est docentis ac  
demonstrantis rem, sed eius qui te probare ac ueluti exa-  
minare uelit. Est enim tentandi & examinandi ratio,  
 pars quaedam dialecticæ: ob eamq; causam tota in eo  
 posita est, ut quid de quaq; re sentiant, non illi qui uerè  
 docti sunt, sed qui rerum sibi arrogat cognitionē, cum  
 sint illarum imperiti, obseruet atq; exquirat. Atque ille  
 quidem, qui non in speciem modò, sed reuera communia  
 peruestigat & exquirat, dialecticus est: qui uero id fa-  
 cere uidetur, nec facit, sophista. Ac ratiocinationum  
 quidem contentiosarum & sophisticarum unum genus  
 est, & omnes continentur: quæ, cum ex his rebus con-  
 stent, in quibus uersatur tentandi ratio, speciem habent  
 syllogismorum, nil tamen necessario concludunt, etiam si  
 id uerum sit quod concluditur. Istarum enim uitium est  
 in uerbo medio, in quo uis consecutionis posita est. Altes-  
 rum genus est eorum paralogismorum, qui, cum proprie  
 ad aliquam artem accommodati esse uideantur, ad cer-  
 tam tamen quandam artem reuera non pertinent. neq;  
 enim illi qui pseudographi appellantur (quandoquidem  
 illi sunt paralogismi de aliqua re facti, quæ cuiusdā artis

C 10

Q 5

pro.



propria sit) contentiosi sunt existimādi, ne si illi quidem  
 pseudographi uerū aliquid concludant: qualis erat Hipe-  
 pocratidis ratio, qua circulum quadrare per lunulas cona-  
 batur. Sed erit certē contentiosa ratio, si talis sit qualis  
 erat Brysonis quadratura: qua quidem ratione tametsi  
 quadratum circulo æquale dari concluderetur, tamē co-  
 nomine sophistica est appellanda, quod non propriē est  
 ad illam rem accommodata. Quare quæcūq; ratio cina-  
 tio accommodata ad rem uidebitur, quæ non erit accom-  
 modata, etiam si necessariā habeat conclusionem, sophi-  
 stica tamen & contentiosa erit appellanda: propterea  
 quod ea saltem ex parte, qua ad istam rem uidetur accom-  
 modata, fallacē habet quandam speciem, per quam deci-  
 pimur, ac ueluti iniuria quadā afficimur. Quemadmodū  
 enim inter certandū, quas aduersario facimus iniurias,  
 speciem quadā æquitatis præ se ferunt, & tamen reue-  
 ra est iniqua certandi ratio: sic in disputatione iniquum  
 certamen est, ubi ad nimiam contentionem res progre-  
 ditur. Nam ut in certaminibus, qui quauis ratione uicti  
 res esse uolunt, nil non mouent, nil non aggrediuntur: ita  
 hic in disputatione idem faciunt, qui sunt supra modum  
 litigiosi. Atq; ex his quidem, qui tantam adhibent conten-  
 tionem, quicūq; sibi uictoriam proponunt: illi sunt qui  
 propriē litigiosi & contētionis amatores censentur. qui  
 uerō gloriam, ex qua quæstum faciant, aucupantur, so-  
 phistæ. Est enim sophistica, quemadmodum supra dixi-  
 mus, ratio quæstus faciendi ex sapientiæ simulatione.  
 Quo fit, ut demonstrationes etiam, quæ speciem quadam  
 ueris imitentur, potissimum expetāt sophistæ. Et ratio-  
 nes quidem nō sunt diuersæ, quibus litigiosi homines, &  
 quibus

DE REPREEN. SOPHIST. 619

quibus sophistæ utuntur, sed sine distinguuntur: & una eademq; probatio sophistica erit, & contentiosa: uerum non eadem ratione. Nam qua ad opinionem uictoriae adhibetur, contentiosa est: qua uero ad opinionem sapientiae confertur, sophistica. Etenim sophistice est sapientia quædam simulata, non uera. Ferè autem contentiosæ argumentationes eodem modo affectæ sunt ad dialecticas, quo modo pseudographi ad geometricas demonstrationes. Ut enim nullæ sunt captiosæ conclusiones, quæ in istis dem rebus cernuntur, in quibus uersatur dialectica: ita pseudographi istis dem de rebus fiunt, de quibus geometra suas facit demonstrationes. Verum huiusmodi quidem pseudographi non sunt contentiosi, quoniam ex proprijs & conclusionibus alicuius artis proprijs consciuntur. Quæ uero ex istis rebus consistant, in quibus uersatur dialectica, si quasi accommodatæ ad aliam rem demonstrationes accipiuntur, erunt contentiosæ. quemadmodum his exemplis perspicitur potest: illa ratio, qua per lunulas quadrari posse circulum demonstrabatur, non est contentiosa: Brysonis autem ratio est contentiosa. Atque illa quidem prior ratio, cum ex proprijs geometriæ principijs consciatur, ad nullam aliam artem quam ad geometriam transferri potest: hæc posterior apud eos etiam usurpari poterit, qui illius artis imperiti, omnino quid in qua re fieri possit, & quid non possit, ignorant: atque ita usurpari, ut ad singula, ad quæ adhibebitur, accommodata sit. Est etiam in hoc eodem genere ratio, qua Antiphan quadraturam circuli ostendere conabatur. Itemque si quis, adhibita ratione Zenonis, uellet ostendere, non esse bonum post cenam inambulare, non adferret propriam medicinæ rationem, quam

## 620 ARISTOTELIS LIBER

C II  
 quandoquidem illa sit communis maxime ratio. Si igitur eodem plane modo affectus est litigiosus homo ad dialecticum, quo ad geometram is qui pseudographos facit: non poterit projecto ex ijs quæ propria sunt, constare contentiosa argumentatio. Nunc autem dialecticus nullum certum genus habet, in quo quasi in subiecto sibi proprio uersetur: nec ulla in re demonstrationes adhibet: neque talis est artifex, qui omnium rerum considerationem suscipiat. neque enim possunt res omnes sub unum genus cadere: nec si possent, uere illud dici posset omnium eadem esse principia. Vnde etiam fit, ut nulla earum artium quæ in tractanda certa quadam natura demonstrationibus utitur, percontando differat, & suas probationes ex interrogatione accipiat. Cum enim non possit ex utraque contradictionis parte accommodata ad rem docendam fieri ratiocinatio, non debet liberum esse, utramuis partem admittere. Dialectica autem percontatrix est, & totam uim habet ab interrogatione. Atqui si demonstrationes in differendo adhiberet dialectica, illam certe oporteret, si non omnia, at certe prima pronunciata, & propria sua principia citra illam interrogationem accipere: alioqui si illa non admitteret aliud, nil iam superesset, unde id euerteret quod esset ab altero oppositum. Plane autem generis eiusdem est pirastice cum dialectica. neque enim hæc tentandi & examinandi ratio talis quædam ars est, qualis est geometria: sed cuius munus præstare etiam indoctus aliquis possit. Quid enim est cur non possit, qui rei alicuius non habet scientiam, quasi tentandi causa cum eo disputare, qui etiam sit illius rei imperitus? præsertim cum eo

con-

DE REPREEN. SOPHIST. 61

conferatur disputatio, ut non ex ijs constet quæ illi qui doctus sit perspecta sunt, quæq; sunt rei propria: sed ex consentaneis quibusdam, & consequentibus rei: quæ consequentia huiusmodi ferè sunt, ut tametsi illa scias, nihil tamen uetet te artem nescire: at si nescias, omnino artis cognitionem assequi non possis. Ex ijs ergo planum est, pirasticen non esse scientiam, quæ in certo quodam genere subiecto uersetur, ideoq; de omnibus disputationem suscipere. Habent enim omnes scientiæ communia quædam, quibus utuntur: ob eamq; causam fit, ut omnes homines, etiam idiotæ, quodam modo utantur arte dialectica, & pirastica: quâdoquidem nemo sit, qui ad aliquem modum non uelit iudicium ferre de ijs qui aliquid profitentur. Porro autem ipsa communia omnibus sunt, & apud omnes eadem: quandoquidem non sint illa minus idiotis cognita, quàm alijs: etiamsi minus aptè, & citra ullam artem tractare illa uideantur. Quo fit, ut nemo sit qui refellere & reprehendere argumentis alterum non conietur. Omnes enim nulla arte adiuti, sed duce tantum natura illius sunt muneris capaces: quod arte perfectum & politum, dialecticæ proprium est: illiusq; dialectici, qui adhibita diligenti differendi ratione ad tentandum & examinandum alterum suas disputationes confert. Quoniam autem hæc communia sunt permulta, & tam latè diffusa, ut nusquam non reperiantur: quæ tamen non sunt talia, ut unam quandam communem naturam faciant, & ad unum genus reuocentur, sed uagæ semper, & incertæ naturæ, perinde ut sunt negationes: præter hæc autem alia sunt, quæ non uagæ, sicut ista, sed propria sunt: ex ijs perfectò planum est nul-

lam esse rem, cuius disputationem ex talibus quibusdam  
 suscipere ac periclitari non possumus. illud quoque perspi-  
 cuum est, quandam esse in earum rerum tractatione ar-  
 tem, quæ nil habeat simile cum scientiis demonstratiuis.  
 Quamobrem contentioni studiosi homines, multum dis-  
 similes sunt ijs qui pseudographos faciunt: ut qui non  
 ex principiis, quæ alicuius generis propria sint, fallaces  
 conclusiones efficiant, sed latè uagantes in omni rerum  
 genere uersentur. Ac modi quidem illi sunt, quos expo-  
 suimus, quibus sophistarum omnes reprehensiones confi-  
 ciuntur. Quod uerò sit dialectici hæc cōsiderare omnia,  
 quodque istarum rerum facultate ualere debeat, hinc per-  
 spici potest, quod quæ ars in propositionum, hoc est, com-  
 muniū locorum explicatione uersatur, eadem sibi uni-  
 uersam istam considerationē uendicat. Atque illa quidem  
 sufficiant de reprehensionibus fallacibus. Nunc de eo di-  
 camus, quem secundū finem sophistæ appellauimus, qui-  
 bus scilicet modis falsum aliquid sophistæ conficiant, &  
 qua ratione eò inducunt disputationem, ut incredibile  
 aliquid & præter omnium opinionem sequi uideatur.  
 Ac prima quidem ratio, ex percontandi quodam certo  
 genere sumitur, in primisque, ad illud efficiendum ualet ra-  
 tio interrogandi. Qui enim ita aduersarium interrogat,  
 quasi nulla certa re proposita, de qua differatur, nil pro-  
 fectò aliud præter hoc inuestigant. Nam qui temerè re-  
 spondent, & parum accuratè quid dicant, facilius labun-  
 tur. Cum uerò nil uidemus esse propositum, de quo susce-  
 pta sit disputatio, tum minus cogitare solemus quid dica-  
 mus. Altera ratio est, quæ plurimum ualet ad deducens-  
 tum eò aduersarium, ut admirabile aliquid aut falsum  
 admit-

C 12



admittere uideatur: nempe cum multitudine interrogatio-  
 tionum eum oneramus, etiam cum est aliquid propositum  
 de quo disputetur: simulque postulamus, ut proferat, quid  
 de singulis ipse sentiat: atque ita, siue aliquid ex his affir-  
 met, siue neget, eod loci eum perducimus, ubi argumento-  
 rum nobis copia suppetit. Verum enimvero hoc tempore  
 minus huic rationi fallendi locus datur, quam olim: nimi-  
 rum quod illud statim rogari solet hoc tempore, quorsum  
 hac, et quid ad id de quo instituta est disputatio pertine-  
 ant. Est autem communis locus ad eruendum tandem falsum aut  
 incredibile aliquid, nullum a principio constituere propo-  
 situm, de quo disseratur, sed profiteri se discendi studio  
 interrogare: dabit enim tandem occasione argumento hu-  
 iusmodi dissimulata rei consideratio. Ut autem falsum tu-  
 aliquid tandem concludas, proprius est hic sophisticus lo-  
 cus, eod scilicet perducere aduersarium, ubi argumentorū  
 tibi sit copia. Sed illud certe interdum recte, interdum  
 uitiose fieri potest, quemadmodum nos supra diximus. Iam  
 uero ut admirabile quippiam et contra omnium opinio-  
 nem elicias ab aduersario, uidendum est tibi, quam se-  
 ctam philosophorum sequatur is quicum disputas, ut illum  
 interroges quidpiam ex his quae contra omnium opinio-  
 nem dicunt huius sectae philosophi. Habent enim singulae  
 sectae suas quasdam huiusmodi sententias. Est autem  
 ad eam rem primum ueluti elementum, ut singularum sec-  
 tarum admirabiles sententias inter propositiones acci-  
 pias. Verum in promptu etiam est istarum captionum  
 satis apta solutio, ut ad extremum neget ex tuis uerbis se-  
 qui admirabilem illam conclusionem, quam colligit ad-  
 uersarius. Atque hoc ipsum genus dissoluedi argumenti,

non isto tantum loco accommodatum est: sed quicumque disputando altercationes modo et contentiones sibi proponit, eodem isto modo conatur aduersarij rationes eludere. Alius locus est ex hominum uoluntate, & sermonibus. Aliud enim ferè est tacitum hominum iudicium, aliud palam loquuntur. & sermones quidem sunt quam honestissimi: uoluntas autem & tacitum animi iudicium id semper spectat, quod maxime utile uidetur. Veluti nemo ferè est qui non ita loquatur, longè præstantiorem esse mortem gloriosam, quam uitam uoluptatibus affluentem: & melius esse, iuste per inopiam uiuere, quam in magna opum copia turpiter: at nemo etiam est qui non sequatur contraria. Ergo si defendat is quicum disputas, quod homines potissimum sequuntur & uolunt, oppones contrà usitatas uulgo sententias. Sin has uulgas sententias proferat, adferenda contrà erunt, quæ interim tacite homines uolunt & sequuntur. Vtrinque enim ut admirabile aliquid efficiatur, necesse est: quandoquidem futurum est, ut contradicat respondens, aut peruulgatis omnium sermone sententijs, aut tacito hominum iudicio. Alius locus est latissime patens, per quem cogimus aduersarium dicere aliquid admirabile (id quod Callicles in Gorgia commemorat, quodque omnes ueteres captionum unicam ferè causam existimabant) ex ijs quæ natura & quæ lege sunt constituta. naturam enim legi contrariam esse: & iusticiam quidem lege esse honestam, natura uerò non honestam. Sic igitur opugnandus est, qui, quod naturæ consentaneum sit, proferat, ut legem illi obijciamus: sin legem teneat, contraria sunt ex natura, proferenda erunt. Hæc enim effugere

gere non potest, quin utrinque admirabile aliquid dicat. Vocabat autem illi naturam, id quod in quaque re uerum est: legem uero, quod in multitudinis opinione positum est. Vnde perspicuum est, illius ætatis homines idem quod qui hodie sunt, fuisse conatos, ut respondentem aut reprehenderent, aut cogerent tandem aliquid dicere contra omnium opinionem. Porro autem interrogationes quædam sunt sua sponte tales, quibus respondere non possis, quin utranque in partem dicas admirabile quippiam: cuiusmodi sunt hæc, Sitne sapientibus potius parendum, an patri? Sintne honesta potius facienda, an quæ utilia sint? Vtrum optabilius, iniuriam pati, an facere? Iam uero perducendus est aduersarius ad ea, de quibus contraria est sapientum ac multitudinis opinio. Ac si ille quidcum sapientibus sentiat, opponenda uulgi opinio: sin uulgus sequatur, quid sentiant sapientes contra adferendū. Hi enim eos qui beati sint, necessario iustos esse existimant: at multitudini incredibile uidetur, regem non esse beatum. Verum enim locus hic ab eo non est diuersus, qui ex legis & naturæ repugnantia dictus est. nihil enim aliud lex est, quam multitudinis opinio: sapientes uero quod in rei natura positum est, & ueritatem sequuntur. Ac de locis quidem, ex quibus eruantur paradoxæ, hæcenus. Sequitur, ut quomodo ad nugationem perducunt sophistæ, dicamus. Ac primum quidem, quid illud sit quod appellamus nugari, supra diximus: modo exempla subiiciamus, quæ sunt huiusmodi: Si nihil referat, nomen dicas an orationem. duplum ergo idem ualet, quod simpli duplum: si quando igitur simpli duplum dicas, hoc dicis simpli simpli duplum: et si iterum pro hoc uerbo duplum, accipias

R

simpli

C13

## 626 ARISTOTELIS LIBER

simpli duplum, ter idem erit repetitum, simpli simpli simpli  
 duplum. Eodem etiam pertinet hæc captio: Nunquid  
 uoluptatis est cupiditas? definitur autem hæc, appetitio  
 uoluptatis: est igitur cupiditas, appetitio uoluptatis uo-  
 luptatis. Cernuntur autem omnes istæ captiones, aut in  
 ijs quæ non per sua tantum genera, sed etiam per se ipsa  
 ad aliquid dicitur, cum interim una eademq; res sit, cum  
 qua utraq; comparantur. ueluti, appetitio est alicuius ap-  
 petitio, & cupiditas alicuius cupiditas: itemq; duplū ali-  
 cuius duplū dicitur, & illud totum simpli duplum, alicuius  
 etiā dicitur. Aut uerò in ijs quæ cum ex genere eorum  
 quæ cum altero cōferuntur, non sint, ita sunt affecta ad  
 substantiam, omninoq; ad sua subiecta, quorū ipsa sunt  
 aut habitus, aut affectiones, aut simile aliquid, ut in defi-  
 nitione, qua quid illa sunt explicatur, ipsa subiecta acci-  
 piantur. ut, impar definitur numerus medium habens. at  
 enim semper in ipso impari inest numerus: cum igitur il-  
 lud dicis, numerum dicis habentem medium numerū. Et  
 hoc: Si simitas est nasi concavitas, simum autem intelligi  
 nō possit quin nasum simul intelligas, profectò cum illud  
 dicis, nasum, nasum concavum dicis. Porro autem inter-  
 dum uidentur nugationē efficere istæ captiones, sūm nil  
 tale reuera concludant: propterea quòd prætermittitur  
 ab eo qui interrogat, necessaria ad eā rem interrogatio,  
 nempe an duplum per se dictum significet aliquid, an ni-  
 bil: & si quid significet, utrum idem quod coniunctum  
 cum altero, an aliquid aliud: quia inquam ijs interroga-  
 tionibus omīsis, statim ad conclusionem accedatur: pro-  
 pterea nil reuera, sed in speciem tantum his captionibus  
 cōfiscitur: atq; in eo captionis causa est posita, quòd idem

uerbū cum sit illud ipsum quod oratio, per se tamen unū  
 quippiā significat. Solæcismus quid sit, paulo antè dictū  
 est: reliqua igitur dicamus. Sanè usuuenire potest, ut so-  
 læcismum facias, nec uideare: & ut uideare, cum non fa-  
 cias. Veluti si uerum est quod Protagoras dicebat, mascu-  
 lini generis esse hæc uerba *ἄνθρωπος* & *ἰσχυρός*, is certè sen-  
 tentia illius solæcismū cōmittit, qui dicit *ἄνθρωπος ἰσχυρὸς*:  
 at opinione aliorum non uidetur committere. qui uerò  
*ἰσχυρὸς* dicet, uidebitur ille quidem in hoc uitium inci-  
 disse, reuera autem non incidit. Perspicuum igitur est, ar-  
 tis sophistice partem aliquam ad illud conficiendū posse  
 conferri: ob eamq; causam multæ sunt captiones, quibus  
 uidetur quasi syllogismo cōcludi aliquis solæcismus, cum  
 reuera nil tale necessariò conficiatur, non secus atque in  
 reprehensionib. accidere solet. Ducuntur aut omnes ferè  
 fallaces conclusiones, quæ ad solæcismum pertinent, ex  
 neutro articulo, hoc est: quādo casus aliquis nominis, nec  
 masculinum genus, nec femininū significat, sed quod est  
 inter ista quoddā ueluti medium. Nam hic masculinum  
 declarat, hæc femininum: hoc autem propriam quidem  
 habet significationē, ut neutrum genus declaret, sed ta-  
 men sæpe ad illud utrunq; genus transfertur. ut ad istam  
 interrogationē, Quid est hoc? tria ista aptè respondeas,  
 Calliope, lignū, Coriscus. Ac masculini quidē articuli &  
 feminini omnes casus sunt diuersi: neutrius autē partim  
 idē, partim diuersi. Quo fit, ut sæpenumero quod in no-  
 minatiuo neutri articuli cōcessum est, ad masculini accu-  
 satiuū idē diu transferat, aut alia quadā simili ratione ca-  
 sum pro casu accipiat. fallax autē conclusio ex eo oritur,  
 quòd articulus neutri multis casibus cōmunis est: interdū



enim nominatiuum, interdum accusatiuum significat. At uerò si istos casus dignoscere uelis, uerbū uariē accipien-  
dum est. ut cum nominatiuo, Est coniungas, cum accusa-  
tiuo, Esse: ueluti, est Hipponicus, esse Hipponicum. Nec  
diuersa est in femininis nominibus ratio, & in omnibus  
quæ sub cōmuni nomine τὸ κοινὸν à Græcis comprehen-  
sa (nos uasa appellemus) masculinorū aut femininorum  
inflexionem habent: sola enim ea quæ desinant in α, in-  
flexionē sequuntur τὸ αῖος, hoc est, neutri generis sunt  
ut ἑλάνω, ὄρεσις: quæ uerò non habent illam termina-  
tionē, masculina sunt, aut feminina. & illa tamen non-  
nunquam traducitur ad genus neutrum, & sub nomine  
τὸ κοινὸν interrogantur: ut ἀνὴρ masculinum est, ἡμεῖς  
femininū. Itaq; in ijs eodem modo quo in superioribus  
uerbum Est, & Esse, casuum inter se discrimina indica-  
bit. Est etiam solæcismus nō ualde ab similibus ijs repheren-  
tionibus, quæ ex eo ducuntur: quod ut similia accipiun-  
tur, quæ non sunt similia, aut si ita uocare malis, quæ ex  
simili uerborum specie oriuntur. Vt enim illæ captiones  
sunt in rebus quidam ueluti solæcismi, ita hæ sunt in uer-  
bis ueri solæcismi. homo enim & album, & uerba sunt,  
& res. Ex ijs igitur quæ dicta sunt planum est, si quan-  
do solæcismus uelis concludere, ex illis casibus quos ex-  
posuimus sumendum tibi esse argumentum. Ac de gene-  
ribus quidem contentiosarum argumentationum, &  
partibus singulorum generum, & modis omnibus, ha-  
ctenus. Quoniam autem in collocactione eorum quæ in-  
terrogantur, non parum est momenti ut possit quemad-  
modum de dialecticis disputationibus paulo antè dixi-  
mus) celare conclusionem: propterea absoluta illa dispu-  
tatione,

C 14

tatione, primum omnium de ijs quæ ad dispositionem pertinent agendum est. Ac primum ad reprehensionem plurimum ualet longitudo orationis, quædoquidem multa simul providere difficile est. Loci autem unde amplificationum argumentationum rationes depromes, ex superioribus sunt repetendi. Alter locus est, ut celeritatem in interrogando adhibeas. Nam qui aliquanto tardiores te festinantem sequi non possunt, minus providere possint quid dicant. Tum illud iuvat plurimum, ut aduersarium ad iram et altercationem prouoces. Qui enim sunt in perturbatione, minus sunt cauti ad omnia. Rationes autem quibus ad iracundiam impelles, hæ sunt: si palam profitearis te iniquum alteri aduersarium, et si impudentiam maximam præ te feras. Alius locus est, perturbationem interrogationes collocare, siue ad rem multis rationes adhibeas, siue in utranque partem argumenta adferas. Fit enim hac ratione, ut uno tempore des aduersario aut multa, aut etiam contraria cogitanda. Atque ut rem in paucis conferam, omnes loci quos ad celandam conclusionem supra posuimus, sunt etiam ad disputationem contentiosam accommodati. Pertinet enim eò occultatio, ut lateas: latere autem uis, ut fallas. Quod autem attinet ad eos qui nil admittere solent quod ad rem facere existiment, illa nobis aduersus eos cautione utendum est, ut aut per disparatum interrogemus, quasi contrariam partem uelimus efficere; aut uero ex æquo utranque partem interrogando complectamur. Quando enim non uident huiusmodi homines, quid potissimum tibi concedi uelis, minus difficiles ac proterui sunt. Iam uero postquam alius tibi singulatim totius alicuius generis partes, interroganti, in

singulis ita esse concessit, ut uniuersum genus ad extre-  
 mum inductione colligatur, non est ipsum totum genus in-  
 terrogandum, sed eo ut concesso utendum est. Ita enim fe-  
 re euenit, ut cum respondens se admisisse uniuersum ge-  
 nus putet, tum ita etiam auditoribus uideatur, quia ad-  
 huc meminerunt inductionis paulo ante factæ, nec illas  
 interrogationes frustra fuisse existimant. Et si quædo ge-  
 neri uniuerso nomen non est impositum, ipsa utendum est  
 similitudine, prout commodum uidebitur: nam sæpe simi-  
 litudo obscurior est. Ad sumendam autem propositionem  
 plurimum prodest, simul aduersa, ut illa quasi inter se  
 conferantur, interrogare. uerbi gratia, si uelis tibi conce-  
 di, omnibus in rebus parentibus esse obtemperandum,  
 hunc in modum interrogabis: Quid? putasne parentibus  
 esse parendum in omnibus, an potius in omnibus repu-  
 gnandum? Aut uero si sæpius, parendum esse, sumere ab  
 aduersario uelis, sic interrogandum: utrum multa sint  
 parentibus cõcedenda, an pauca? Hic enim multo potius  
 (si modò parentibus obsequi necesse est) multa esse con-  
 cedenda uidebitur, quàm pauca: præsertim cum rerum  
 aduersarum compositio & collatio efficiat, ut res maio-  
 res & magnæ hominibus uideantur, itemq; deteriores  
 & meliores. Est porro insignis & frequens, ut quis re-  
 prehensus uideatur, sophistarum hæc impostura, post-  
 quam nonnullas interrogationes proposueris, licet ex ijs  
 nil possis necessariò cõficere, ita extremum argumenta-  
 tionis subijcere, ut illud non interrogas, sed in modum con-  
 plexionis ita proferas, sicut fieri solet in ueris ratiocina-  
 tionibus, nõ igitur hoc & hoc. Est etiam hoc uerè sophis-  
 ticum, quando paradoxon aliquid accipis, urgere respon-  
 dentem,

dētem, ut quid sibi uideatur proferat, cum sit illud quod à principio positum est in questione, probabile: & hæc forma interrogare, utrum tibi uideatur? Neceffe enim est, si talis sit interrogatio, ut ad conficiēdam rem ualeat, in de nasci aut reprehensionem, aut admirabile aliquid, et contra hominū opinionem. Nam si admittat, reprehensio sequitur: si neget, & sibi non ita uideri dicat, incredibile aliquid dicere uidebitur: at si non planē cōcedat, uideri tamen sibi fateatur, si non uerē cōuētus, aliquo certē modo reprehēsus uidebitur. Alius locus est, ut quod in disceptatione oratoria magno studio faciunt oratores, idē nos in reprehensionibus nostris facere contendamus: ut scilicet diligenter exquiramus, dicātne is quicum disputamus, aliquid repugnans, aut ijs quæ à se dicta sunt, aut eorum sententiæ quorum orationē & actiones maximē probet & sequatur: adde etiam, an aduersetur opiniononi eorū qui reuera tales, hoc est sapientes sunt: aut uerō qui non sint huiusmodi, similes tamen talibus sunt hominibus: postremò an contrā dicat, quā sentit hominum pars maxima, aut etiā quā omnes homines. Iam autem sicut respondentes solent sapenumero cum urgentur, & uident se elabi uix posse quin coarguantur, fingere nescio quam multipliciter, cuius distinctione euadant: ita etiam nobis interrogantibus eodem illo præsidio interdum utendum erit, maximē aduersus eos qui fortiter nobis resistunt: ita ut si quid uno modo uerum sit, altero non uerum, illo nos modo accepisse, non hoc dicamus. Qualiter fecit Cleophon in Mandrobulo. Oportet etiam traducta disputatione ad alia, quæ reliqua erant argumenta præcidere. Quo in loco hæc erunt par-

tes respondentis, ut si hoc præsentiatur uelle aduersarium,  
iam antè illi occurrat, & prædicat, ne rem propositam  
deserat. Interdum etiam ad aliud sunt argumenta diri-  
genda, quam quod à principio positum est in questione;  
sed illud ita accipiendum est, si modò nil habeas quod con-  
tra rem propositam obicere possis. Quo præsidio usus est  
Lycebron, cum iussus esset laudare lyram. Quod uerò at-  
tinet ad eos qui probari sibi aliquam propositionem, quam  
acceperis, postulât: quoniam æquum uidetur, ut subiecta  
probatione illius reddas rationem, acceptis quibusdam  
rebus singulis, tutius est, etiam si de toto genere concludi  
possit, in ipsis singularibus aduersariū ita reprehendere,  
ut quod affirmauerit, negare: aut quod negauerit, dicere  
ostendamus, quam si uniuersum genus concluderemus.  
quale est illud; Rerū aduersarum eadē est disciplina, aut  
non eadem. Neque uerò propositionis in modum interro-  
ganda est cōplexio: et quædam sunt, quæ ne interrogari  
quidem debent, sed ut perspicua & ab omnibus recepta  
sumi. Ac de locis quidē unde eruuntur argumenta in con-  
tentiosis disputationibus, & de ratione interrogandi, ha-  
Etenus. Sequitur nunc, ut de responsione agamus, & ut  
quomodo dissoluendæ sint captiones, & ad quā potissi-  
mum rem conferendæ solutiones, & quem ad usum ualeat  
huiusmodi captionum sophisticarum tractatio, doceamus.  
Ac primum quidē utilis est duabus de causis ad  
philosophiam. Vna est, quia cum maxima pars istarum  
captionum ex uerbis ducatur, hoc nobis præstat earum  
consideratio, ut uerborum ambiguitatē facilius animad-  
uertamus: & ut quæ sint ea, in quibus rerum similitudo  
cum nominum similitudine conueniat, quæq; illa in qui-  
bus

B2.

C. 1.



bus uerborum similitudinē res non imitantur, intelligamus. Altera est, quia ad res per nos ipsos animo tractandis, ueriusq; exquirēdas plurimum ualeat. Nam qui facile ab altero captiosa ratione decipitur, neq; id percipit: idem si per se aliquid cōsideret, frequenter se ipse fallaci conclusionē impedit. Est autē & tertia prāter illas duas utilitas ad gloriā consequendā: nempe quod hinc fiat, ut uideare omnibus in rebus exercitatus, & nullius esse imperitus. Qui enim cum altero sermonem confert, cuiusq; quicum disputat, rationes aspernatur ac uituperat, cum uitiū ipse indicare non possit, suspiciōē is prābet, difficile se & iniquū alteri prāstare non propter ueritatē, sed propter imperitiā. Quomodo autem respondens huiusmodi captionibus occurrere debeat, minimo negotio perspicui potest. siquidē omnes locos, unde fallaces conclusiones eruuntur, suprà rectē exposuimus: et si omnia commenta, omnes fraudes, quas in interrogando solent adhibere sophistæ, satis explicatē docuimus. Neq; uerō idem est, sumpta aliqua captionē, illius uim perspicere, & uitiū ubi sit indicare, quod celeriter posse ei occurrere, qui se interrogat. Sape enim accidit, ut quod scimus, mutatis et traiectis uerbis ignoremus. Porro quemadmodū alijs in rebus omnibus, celeritas & tarditas tota pendet ab exercitatione, ita planē in disputationibus usuuenit. Unde efficitur, ut, tametsi res nobis cognita sit, saepe tamen quid desit meditatio exercitatioq; differendi, expedire nos in tempore, & ut decet, nō possimus. Sanē idem hīc propemodū euenit, quod in mathematicorum descriptionibus. Sicut enim plerunq; in conficiendis demōstrationibus accidit, ut postquam dissoluta res est, & ad sua

C2  
 principia reuocata, componere eam rursus nō possumus: ita in reprehensionibus usuuenit, ut sciamus quidem unde ducatur captio, eam tamen in partes digerere non ualeamus. Ac primum quidem, sicut probabiles nonnunquam rationes ad rem probandam potius quam ueræ adhibendæ sunt: ita in respondendo, interdum ad opinionem potius quam ad ueritatem conferendæ nobis sunt argumentorum dissolutiones. Contentiosus enim cum hominibus planè nobis pugnandum est, quasi cum ijs qui uideantur modò coarguere, ac non uerè coarguāt. Nam cum istorum hominum rationibus nullam tribuamus concludendi necessitatem, non debet profectò aliò pertinere nostra solutio, quam ut ne cōuinci coarguiq; uideamur. Etenim si reprehensio est contradictio citra ullam multiplicitem, quæ necessariò ex quibusdam sumptionibus efficitur: nulla certè necessitas est, cur te oporteat captionē ex multiplici nomine, aut oratione ambigua ductam, distinguere: quandoquidem nil possit necessariò concludere. Sed hac tantum ratione utimur distinctione, quia speciem quandam conclusionum, quæ ad conuincendum alterum ualeant, huiusmodi captiones præ se ferant. Nobis igitur cauendum non est, ne coarguamur, sed ne uideamur reprehendi: quandoquidē interrogationes multiplices, & ambiguae, & huius generis aliæ captiones, ueram reprehensionē obscurant, & si ne tandem conuictus & cōuictus, an non conuictus, incertum reddunt. Quia enim hic licet ad extremum facta conclusione dicere aduersario, non eum conclusisse negationem eius quod affirmaueras, sed in multiplici aliquo nomine, aut ambigua oratione uersari argumentum illius, etiam si quàm maximè fieri po-

tuit, ad id ipsum, quod dixeris, pertinuerit argumentatio: quia in quā id semper huiusmodi captionibus opponi potest, projecto necesse est, ut hac de causa semper incertū sit, reprehensus sit necne is quicum disputatur. Nam uerum dicat, necne, qui illud dicit, intelligi planē nō potest. Quod si adhibita ante multiplicis uerbi, aut ambiguae orationis distinctione, tum interrogaret, ad extremum non dubium esset, quin tu esses reprehensus: atq; etiam illud fieret, quod his quidē temporibus postulari minus solet, superiorib. autem exigi sedulo solebat, nēpe ut respondens ad interrogatum, aut etiam, aut non, et nil amplius responderet. At his temporibus propter uitiosam, qua omnes ferē utuntur, interrogandi rationem, necesse est, ut qui respondent, aliquid amplius addant, quo uitii interrogationis corrigant. Nam si ipsi satis multiplicitate interrogando distinguerent, necesse esset, ut aut etiam, aut non, responderetur. Porro autem si quis ueram esse reprehensionem existimet, qua sub multiplici nomine aliquid cōcluditur, is nullam respondentī rationem relinquet, qua reprehensionē effugiat: cum praesertim in ijs etiam quae sub oculos subiecta sunt, necesse aliquando sit, quantum quidem ad nomen attinet, quod affirmaueris negare, & quod negaueris affirmare. Nam quod ijs captionib. dissoluendis & quasi emendandis, adferre solent aliqui, nil planē diuuat. Aiunt enim non esse Coriscum musicum, & non musicū: sed hunc quidem Coriscū esse musicum, illum uerō Coriscum esse non musicum. Quasi uerō non eadē sit oratio, siue hoc modo dicas, nō adiecto articulo, Coriscum esse musicū, siue illo, hunc Coriscum esse musicum: quod illi tamē affirmare simul & negare cogitur.

At non idem fortasse semper pars utraq; significat, quādo ne nomen quidem ex quo constant, Coriscus scilicet, idem semper significet. Quare ad hanc captionē eludendam, nil omnino illud habet momenti. Quod si quis uim captionis in eo ponat, quod primum omnino Coriscum aduersarius diceret, deinde adiecto articulo, hunc Coriscum dixerit, is absurdē faciet. Nam quid causæ est, cur id uni potius quā alteri conueniat? præsertim cum utrius addiderit articulum, non minus procedat captio. At uerò quoniam qui non distinxit ambiguitatem, efficit ut ad extremum auditoribus dubium sit, an sit conuictus, an non: cum præsertim concessum sit, in medio cursu argumentationis multiplex distinguere, si quod sub sit: hinc profectò planum est, culpa eum non carere, qui multiplicem interrogationem simpliciter & citra ullam distinctionē admittit. Hinc enim efficitur, si minus ipse reprehensus sit, at certe ut illius oratio pro cōuicta & refutata habeatur. Fit autem plerunq;, ut qui ambiguitatē perspicunt, eam tamen distinguere propterea minus curēt, quod frequenter huius generis interrogationes ab aduersario proponantur. ne scilicet uideātur se ad omni molesto & iniquos aduersario præbere; aut certe, quia non existimant ex eo posse captionem uim ullam accipere. Sæpe autē ad extremum nescio quid præter illorum opinionem occurrit. Itaq; quoniam ita licet, nunquam tardi aut negligentes esse debemus in distinguendo: quemadmodum paulo antè diximus. Quod si quæ multæ sunt interrogationes, nō quasi una acciperentur, nāquā fallax & captiosa ratiocinatio ex homonymia aut ambiguitate nascitur: sed aut uera semper, aut nulla omnino fieret.

ficeret reprehensio. Quid enim interest, sub duobus nominibus diuersis hoc modo interroges, sunt ne Callias & Themistocles musici, an sub uno nomine rebus diuersis communi? Nam si plura uerbum significet, qui illud interrogabit, plura interroget, non unum, necesse est. Si igitur haud recte is facit, qui ad duas interrogationes unam poscit, simplicemque responsionem: dubium profecto esse non potest, quin ad ambiguam interrogationem nunquam oporteat simplicem dare responsionem: ne si uera quidem sit in omnibus significatis interrogatio, quemadmodum aliqui existimant. Illud enim idem ualet, ac si interrogaretur, utrum domi sint, an non sint, Callias & Coriscus? qui siue ambo sint domi, siue non sint, non minus sunt utroque modo plures propositiones. Neque enim par est unam propterea fieri interrogationem, quod utrumque uerum sit: quandoquidem usuuenire possit, ut uel sexcentas huius generis interrogationes coniugas, ad quas omnes uerum sit dicere etiam, aut non: ueruntamen non est ad illas omnes una danda responsio, quippe cum id aliud nihil sit quam disputationis leges tollere, & omnem differendi rationem euertere. Atqui istae multae interrogationes perinde sunt, ac si multis rebus diuersis unum nomen esset impositum. Vt igitur ad duas interrogationes non est danda una responsio: ita ad interrogatum ambiguum nunquam est simpliciter dicendum aut etiam aut non. nam qui secus fecerit, is dixerit quidem aliquid, at certe non responderit. In disputationibus tamen quodammodo id probari solet, quia quid inde sequatur incertum sit. Quem admodum igitur (quod etiam nos paulo ante diximus) reprehensiones quaedam uidentur quae non sunt: ita solutiones



nes nonnullæ erunt, quæ in speciem modò, non etiam ueræ solutiones erunt: quas scilicet diximus interdum potius adhibendas esse quam ueras, in disputatione contentiosis, et cum occurrere uolumus interrogatis multiplicibus. Porro autem in respondendo adhibenda nobis est hæc cautio, ut ad ea quæ uera nobis esse uidebuntur, dicamus, Esto. sic enim fiet, ut minimè nos convincere alius uideatur. Quod si cogere nos uelit admirabile aliquid dicere, tum maxime uti debemus uerbo, uideri. Hac enim ratione fiet, ut nec reprehensio, nec admirabilis conclusio confecta esse uideatur. Iam uerò cum perspicuum illud sit, quomodo fiat petitio principij: tum omnes ita existimant, respondentem negandum esse quicquid proxime ad id accedit, de quo queritur nec ullam ex eo genere interrogationem esse admittendam, quasi illo modo id ipsum, de quo instituta est disputatio, petatur. Cum uerò tale aliquid sibi cõcedi postulat alius, quod incredibile quidam aut falsum sit, ex re tamen proposita consequatur: tum idem illud esse cum eo de quo agitur dicendum est. Nam quæ necessario ex re proposita consequuntur, pro ipso proposito sunt habenda. Præterea quando genus uniuersum sub nomine proprio non est sumptum ab aduersario, sed sub similitudine, dicendum est, non rectè eum accipere, quādo non ita sumit, quemadmodum concessum est, nec quo modo interrogando sumebatur. Hinc enim plerumque nascitur reprehensio. Quod inde exclusus, illis cautionibus uti non possis, proximum est ut rectè ad id, ut non rectè rem demonstrasse aduersarium contendis. In quo utendum est tibi definitione reprehensionis, quam posuimus, ut eam argumentis aduersarii opponas. Ac si proprijs quidem nominibus aperte interrogauerit,

gauerit, necesse est, ut aut simpliciter respondeas, aut adhibita distinctione. Quæ uerò suppressis quibusdam uerbis breuiter admitterimus, qualia sunt quæ non aperte, sed truncatim & imperfecta locutione interrogantur, ea maxime dant reprehensionem occasionem. exempli gratia, Nonne quod est Atheniensium, id est eorum possessio? certe. nec dissimilis est in alijs ratio. At enim nonne τῶν ἰσθμῶν homo esse dicitur? certe. Est igitur homo animalium possessio. Sanè hominem dicimus esse τῶν ἰσθμῶν, quia sit animal: & Lysandrum τῶν Λακωνῶν, quia Lacedæmonius sit. Planum igitur est, non oportere, ubi obscurum est & inuolutum quod ab aduersario proponitur, simpliciter rem cōcedere. Quando uerò sic sunt affecta duo inter se, ut uno posito alterum esse necesse sit, nec cōtrā, si hoc sit, illud esse oportet: uidendū est ei qui respondet, ut cum rogabitur, utrum eorum esse patet, illud potius ponat quod minus late patet. nam ex multis singulis difficilior est aliquid tandem necessariò concludere. Quòd si ad aliquid probandum ex eo ducat argumentum, quòd huic nil sit contrarium, illi aliquid aduersetur: etsi hoc uerum dicat, nos tamen contrā aliquid illi esse contrarium dicere debemus, sed nullum esse illi nomen impositum. Sunt autem ex ijs quæ uulgò feruntur quædā, quæ si non concedis, falsum dicere uidebere: alia uerò, quæ ut non admittas, falli tamen te nemo putabit. cuius generis sunt dubia & utramque partem probabiles sententiæ. Nam sit mortalis an immortalis animantium anima, nō est apud uulgum cōstitutum. In quibus igitur manifestum non est, utrum potius asserendum sit eorum quæ alijs interrogat: cuiusmodi sunt quæ sententiæ appellantur (nam &

uera de singulis rebus opiniones, & uniuersæ negati-  
 nes, ut diameter non est comparabilis cum latere, senten-  
 tiarum nomine appellari solent) & præterea in quibus  
 uera ex æquo pars utraq; esse uidetur: in illis inquam us-  
 triusq; generis interrogationibus, si respondendo ad u-  
 sum nostrum uerba interrogationum commutauerimus  
 in alia, commentum nostrum minime apparebit. Nam  
 quia incertum est, utrum uerum sit, sophisticè nil agere  
 uidebimur: & quia utranq; in partem ex æquo proba-  
 bile est, falli nos nemo existimabit: at interim illa nostra  
 uerborum commutatio efficiet, ut reprehendere nos nul-  
 lo modo possit aduersarius. Id uero ut singulis tu interro-  
 gationes præsenferis, ita illæ tibi sunt anteuertendæ, &  
 multo antè oratione refutandæ. Ista enim ratione aduer-  
 sarium tuum maxime impediēs, ne ad extremum quod uult  
 efficiat. Quoniam autem illa est uera solutio, falsitatem  
 syllogismi indicare, docendo ex qua potissimum interro-  
 gatione pendeat falsa conclusio: fallaces autem syllogis-  
 mi duobus modis dicuntur: uno, si falsum aliquid conclu-  
 sum est: altero, si necessaria consecutio esse uideatur, re-  
 uera autem syllogismus non sit: hinc sanè perspicuum est,  
 præter illam quam modò dixi solutionem, esse etiam al-  
 teram, quæ propriè accommodata est ad eos qui speciem  
 syllogismorum præ se ferunt, cum reuera nil necessariò  
 concludant: quæ solutio est interrogationum correctio,  
 ad docendum cur ex ijs non sequatur, sed modò uiuatur  
 sequi. Unde illud efficitur, captiones, quarum non est ui-  
 tiosus cōcludendi modus, soluendas esse negatio: in quib;  
 uitiosa est cōclusio, in ijs distinctionem esse adhiben-  
 dam. Rursus inter eas rationes, quarum est necessaria con-  
 clusio,

clusio, aliæ sunt quæ ueræ, aliæ quæ falsam habent complexionem. Atq; illæ quidem, quibus falsa est conclusio, dupliciter dissolui possunt, refutando scilicet, ac negando unam aut alteram sumptionum: & indicando talem, hoc est falsam esse conclusionem. Quæ uerò propositiones modò falsas habent, non etiam conclusionem, hac tantum ratione dissoluentur, si quam sumptionum falsam esse conspicias, eam respiciens, quippe cum uera sit conclusio. Itaq; argumenta qui uolet rectè dissoluere, hoc primum spectabit, habeantne uim concludendi necessariam, an minus necessariam: tum deinde, utrum uera an falsa sit complexio: idq; eò faciet, ut ea dissoluat uel distinguendo, uel negando: & negando quidē aut hoc, aut illo quo paulo antè diximus modo. Multum autem interest, utrū dissoluatur argumentum, cum tibi ab alio obijciatur: an cum per se, nulloq; interrogante, uis illius exquiratur. Nā statim & in promptu occurrere captioni difficile est: per ocium autem, & cum datur tibi cogitandi spacium, facile. Reprehensionum quæ aut ex uerbi multiplicitate, aut ex orationis ambiguitate ducuntur, duo sunt genera. unum, earum quæ in altera sumptionū eam habent ambiguitatem, unde oritur captio. alterum, earum quib. in cōclusionē inest multiplicitas. Exempli causa, captio qua oryōtra proloqui concluditur, ambiguum habet conclusionem: illa autem, qua efficitur, eum qui sciat, nescire tamē, quæ est huiusmodi: Quod quisq; scit dicere aut facere, id ipsum ille scit, atq; intelligit: atqui iste scit dicere, hoc est, recitare carmina iambica: iste igitur intelligit scitq; iambica: illa in quā captio habet in altera sumptionum ambiguitatem. Ac duplex quidem uerbum in ijs captionibus

ptionibus interdum inest reuera ac per se, interdum uero non est reuera duplex, sed ipsa modo oratio est, quæ dupliciter accipi potest, et partim uera, partim falsa est. In quibus igitur est in cōclusionē multiplicitas, in his nulla omnino est reprehensio, nisi iam ante qui interrogat, ab aduersario acceperit cōtradicientem eius quam cōcludit. ueluti in ea captione, qua cæcum uideri cōcluditur, quid quæso, nisi contrarium huius dixerit respondens, cōcludere possit, quod ad reprehensionem ualeat? Quæ uerò ambiguis habent interrogationes, in his non necesse est ipsius multiplicis disparatū ante acceptū esse: quando quidē nō ad multiplex efficiendum pertineat argumētatio, sed ex ipso multiplici ducitur. Est igitur iā inde à principio multiplici aut nomini aut orationi ita occurrendū, ut partim id uerū esse quod interrogatur, partim falsum respondeamus: ueluti *οὐκ ἔστιν* proloqui, uno quidē modo sumptū, uerū est, altero nō uerū. Itemq̃, id faciendū esse quod facere oportet, una significatione uerum est, altera falsum. oportere enim multiplex est. Quod si id nos à principio latuerit, hæc nobis ratio erit reliqua, ut ad extremū argumentationis, cōclusioni ab aduersario factæ præter simplicem responsionē aliquid addamus, quo uitium captionis indicemus. Verbi gratia, concludit aduersarius, *Ἐκκιδί* igitur *οὐκ ἔστιν* proloqui: tu contrā dicito, *Ἐκκιδί* uerò τὸ *οὐκ ἔστιν* proloqui, sed τὸν δὲ *οὐκ ἔστιν* nō accidit. Quod idē erit in his faciendū, quæ multiplicitatē habent in captionibus. exempli causa, cum ad extremū concludetur. Non igitur intelligimus quod scimus: certē, respondebis. ueruntamen non cōclusisti, quæ nos hoc modo scimus, eos non intelligere, neq; enim idē ualeat dicere, nō intelligere

gere



gere omnino scientem, quod intelligere eum qui hoc modo scit. Vtq; ego unam quandam generalem rationem eludendi istis captiones subiiciam, illud semper nos contendere debemus, etiamsi reuera cōcluserit aduersarius, quod oportuit: illum tamē non eā rem, quam asserimus, sed uerba modo refutasse. Ex ijs uerō quæ modo exposuimus, iam propemodum perspicuum est quæ sit ratio soluendarum captionum, quæ ex coniunctione et distinctione ducuntur. Cum enim aliud coniuncta, aliud distincta oratio significet, ad extremum quando unum concludet aduersarius, contrarium tibi erit subiiciendum. Sunt autem omnes istæ captiones ex compositione et distinctione: Nunquid quo tu illū percussus uidisti, eo ille percussus est? et nunquid quo is percussus est, id ipsum tu uidisti? Atq; istæ quidem captiones habent nescio quid ambiguitatis, sed tamen ad locū ex coniunctione referendæ sunt. Neq; enim duplex appellari potest, quod modo coniunctam, modō diuisam habet sententiam: quandoquidē oratio non maneat eadem, cū distincta accipitur, quæ antē erat coniuncta. Nisi fortē dicamus ὅτι et ὅτι, cū sic agentibus distincta proferuntur, adhuc retinere multiplicitatem: quæ tamen, quod attinet ad scripturā, sunt unum idemq; uocabulum, cum et elementis eisdem, et eodem modo scribantur: ceterum notæ accentuum illic appositæ efficiunt, ne cum pronunciantur, eadem sint. Quocirca multiplex oratio non erit, quæ modō coniuncta, modō diuisim accipi potest. Vnde etiam planū est, non uerū esse, quod aliqui uoluerunt omnes reprehensiones pertinere posse ad locum ex multiplici. Est igitur ad soluendū istis captiones respōdenti adhibēda distinctio,

Etio, nō idem scilicet ualere, si dicas uidisse te oculis, percussum: ac si diceres uidisse te, oculis percussum. Quod idē in captione Euthydemī faciendū, quæ est huiusmodi: Nunquid triremes, quæ in Piræeo sunt, nunc scis, cum in Sicilia sis? Itemq; in hac, Putasne malum sutorē bonum esse? atqui fieri potest, ut quis malus sit, & bonus sutor sit: quidam igitur malus sutor, bonus erit. Item in hac: Nōne quorum bonæ sunt scientiæ, ea sunt bona *μαθήματα*? malorū autem bonæ sunt scientiæ, mala igitur sunt bona *μαθήματα*: atqui mala & *μαθήματα* sunt, & sunt mala: quare necesse est, ut sint mala *μαθήματα*. Et, putasne uerum esse dicere, modō te natum esse: tu igitur modō natus es. An aliud coniuncta, aliud distincta significat hæc oratio? Certē uerum enim est nūc, te natum esse: sed falsum est, te nunc natū esse. Quæ tu facere potes, & uti potes, ea nōne tu & eo modo reddere effecta possis? tu uerō non pulsans citharam, pulsare illam potes: tu igitur hoc efficere poteris, ut nō pulsans citharā pulses tamen. At enim quod posse se alius dicit, non sic accipiendū est, quasi nō pulsans possit pulsare: sed quasi possit, cum desinet unum facere, alterum statim effectū reddere. Porro autem aliter hanc captionem dissoluere aliqui conantur, dicentes, quanquam id concessum sit, posse me quomodo possum aliquid, eo modo illud effectum reddere, non tamen rectē concludi, posse me non pulsando citharam pulsare: quia non sit concessum, omni modo quo possum, sed incertē quomodo possum, ita me facturum. nunc autē certum est, idem nō ualere, quomodo possum, ita faciam: & quocunq; modo possum, illo omni modo faciam. Verū quā illi malē soluant, hinc potest facile intelligi,

intelligi, quòd cum necesse sit omnes captiones ex eodem loco ductas uno eodemq; modo dissolui, ista dissolutio non possit ad omnes huius generis accommodari: quin etiam illo modo occurri non possit omnibus, qui eandem istam captionē alio quouis modo proponerent: sed ad eū modò qui ita proponit hanc captionem, non etiam ad ipsam argumētationem, est accommodata hæc solutio. Ab accentu captiones nullæ sunt, nec in scripto, nec in uoce: aut certè admodum paucae sunt. qualis est ista: Nonne *ov* habitas, domus est? certè. at nonne illud, *ov* habitas, est negatio huius uerbi habitas? dixisti autem, *ov* habitas domum esse: domus igitur negatio quædam est. Quæ captio quomodo sit dissoluenda, non est difficile uidere. Non enim idem significat illud *ov* tono acuto prolatum *ou*, & circumflexo *ou*. Nosse etiam rationem occurrendi captionibus, quæ ducuntur ex eo quòd uerborum specie falsi pro *ysdem* accipimus quæ non sunt eadem, non est difficile, quando genera categoriarum quot & quæ sint intelligimus. Nam quod iste interrogatus negauit in uerbo quid est substantiamq; significante, id alius ut affirmet, tradidit ad id quod in genere quantorum cõtinetur, aut eorum quæ ad aliquid dicuntur; quæ tamen, si formam uerborum spectes, speciem quandam præ se ferunt eorū quæ quid, hoc est substantiā, significant. ueluti in hac captionē. Putasne fieri posse, ut tu eandē rem simul facias, & feceris? At uidere tu idem potes & uidisse, idq; eadē ratione. Et illa: Putasne fieri posse, ut aliquid sit actio et passio? Quid uerò? nūquid secari, cremari, operari, genere dicendi conueniunt. & pati omnia significant: illa uerò, dicere, currere, uidere, nunquid eodē modo dicuntur?

Atqui uidere, est operari: quare pati significat, quod tu tamen idem actionē significare dixisti. Quod si quis fieri non posse dixerit, ut idem simul facias & feceris, idq; postea admittat, posse euenire, ut idē uideas & uideris: nondū erit hac ratione reprehensus, modō non dixerit, uidere, actionē significare, sed potius pati. nam ut reprehensio fieret, id quoq; fuit prater illa interrogandū. illud tamen uidetur auditoribus iam esse concessum, quia admissum est, secare, esse agere, & secuisse, egiſſe, & huius generis alia, quæ genere dicendi illis sunt similia. Nam quod deest argumento, ipse per se auditor supplet: quasi dicendi genere hoc non differat ab illis. Reuera autē hac eodem genere dicendi non cōtinentur, sed propter uerbi similitudinem ita secus quā est uidetur. Atq; ita in ijs captionibus idem usuuenit, quod in ijs quæ ducuntur ex homonymia: in quibus si quis uerborum uim ignorat, putat respondentē non modō in nomine, sed etiam in re eadem quod affirmauerat negare: cū tamen ei qui contrā disputat, necesse sit ut aduersariū coarguat, interrogare praterea, an eadem semper significatione accipiat, quod dicit. quo certē cōcesso, uera sequitur reprehensio. Sunt autē, & quæ sequuntur captiones superioribus similes, ex eodemq; loco ductæ: Si quis quod habuit, iam nō habet, nōne illud amisit? Atenim qui unum modō ex decem calculis amisit, iam non habet decem calculos. Aliorum est eum amisisse, qui non habet quod habuit: illud autem non uerum, si tantum non habet, quantum prius, aut tot quot antē habuit, propterea tantū aut tot amisisse? Ergo quod primum in substantia interrogauerat, id transfert in conclusionē ad numerū: decem enim non substantiam,

nam, sed numerum significant. Quod si initio ita interrogauisset: Si quis modò non habet tot calculos quot ante habuit, nonne tot omnino amisit quot habuit? nemo id cõcessisset: sed dixisset, uel ex his aliquot, uel illa omnia amisisse. Huius quoq; generis est captio, qua concluditur dare aliquem quod nò habet: quia cum non habeat unũ solum calculum, unum solum det alteri. Atqui hoc nò est dare quod non habes, sed quatenus tu unum solum non habes. Nam hoc uerbum, Solum, non substantiam aut qualitatem aut quantitatem significat, sed in comparatione ad alterũ cernitur, ut significet non habere te illud cũ alio. Habet igitur illa captio eadẽ uim, ac si quispiã ita interrogaret, nũquid dare quispiam potest quod non habet? idq; negãte altero, subiceret: Quid uerò, nũquid dare citò potest quod citò nò habuit? quo ab aduersario cõcesso, cõcluderet: Potest igitur dare quispiã quod non habet. Nam quid apertius est, quàm eum qui ita sit argumẽtatus, nil necessariò consecuisse? Etenim citò dare, non est quippiã dare, sed hoc modo. Illud uerò nemo negauerit fieri posse, ut alio modo des quippiam quàm habeas: ueluti quod cum uoluptate habes, id ægrè & cum molestia dederis. Ad hunc eundẽ locum ista quoq; superiorib. persimiles captiones pertinent: Potestne aliquis ferire alterum manu, quam non habet? aut uidere oculo, quem non habet? neq; enim unum tantũ oculum habet. Huiusmodi autem captionibus ita occurrunt quidam, ut eum dicant unum modò aut oculũ, aut aliud quiduis habere, qui plura habet. Alij uerò dicunt, id ipsum omnino hunc accipere, quod alius dat: quippe cum unum modò det iste calculum, aliusq; nò plusquam unum ab altero accipiat.



Alij item aiunt fieri posse, ut quis id habeat quod nō accepit, ueluti si quis dulce uinū accipiat, eo inter accipiente dum corrupto, acetum quod non accepit habere. At illi quidem certē omnes illo modo captionē non dissoluunt, sed (quod etiam paulo antē diximus) homini, non argu-mento occurrunt, nam si esset hęc uera solutio, qui con-trarium eius quod illi uolunt faceret, non posset omnino istas captiones (quod idem profectō in alijs omnibus u-suuenit) dissoluere. Vt si uera solutio est in distinctione multiplicis, dicendo in una quidem significatione uerum esse, in altera non uerū, quicumq; simpliciter dici conces-sit, is necessariō conuincetur, eritq; id necessariō confe-ctum quod uoluit aduersarius. Sin qui hoc fecerit, non conuincatur necessaria conclusionē, non erat profectō uera illa solutio. Atqui in ijs de quibus agitur captioni-bus, concessis omnibus contrā quā illi uolunt, nil neces-sariō cōcluditur. Præter illas autem, quas proposuimus, istæ etiam quas modō subiiciam, ex eodem loco ducun-tur. Nōne quod scriptum est, id scripsit aliquis? scripta autem est hęc oratio, quæ te ait sedere, nunc falsa, quæ tamen erat uera quando scribebatur: ergo simul & ue-ra & falsa scribebatur. Etenim ueram & falsam dice-re orationem aut opinionem, non hoc, id est substantiam, sed tale aliquid, id est qualitatem declarat. Dixi autem opinionem, quia eadem est ratio illius, atq; orationis. Ad hoc etiam genus ista pertinent: Nōne quod quisq; di-scit, illud uerum est esse quod discit? discit autem quispiā celerius, quod tardius est. Hic enim non assumptum est, quod discit quispiā, sed quo modo discit. Item ista: Quod quisq; perambulat, nōne id pedib; calcat? perambulat autem

autem aliquis totum diem. Profectò hic non assumptum est, quod quis perambulat, sed tempus in quo ambulat. Itemq; cum calicem bibisse alterum dicimus, hoc ipsum quod bibit non dicimus, sed unde bibit. Est etiam in hoc genere ista: Nónne quod scit quisq; id aut ab altero didicit, aut ipse per se inuenit? At duobus sumptis, quorum unum didiceris, alterum inueneris, in illa ambo neutrum eorum cadere potest. Nam quod singulatim sumptis rebus prius interrogabatur, id paulo post coniunctis simul multis accipitur, illa etiam, qua ostenditur esse aliquem tertium hominem, præter ideam, & præter singulos homines. homo enim, & omne uniuersale, nō hoc aliquid, sed tale aliquid, aut comparisonem quandam ad aliud, aut affectionem quandam & modū, aut aliud huius generis significat. Eadem autem est huius ratio atq; illius, qua queritur, an Coriscus, & Coriscus musicus, idē sint, an uerò diuersi, nam ille hoc aliquid, hic quale aliquid significat. Itaq; non est eadem unius atq; alterius expositio. Neq; uerò ab expositione uim habet ista captio, qua esse aliquem tertium hominē concluditur: sed ex eo quod concebitur, esse id ipsum quod illud, idem ualere, quod esse hoc aliquid. Neq; enim esse id ipsum quod Callias, aut id ipsum quod homo, idem semper significabit, quod esse hoc aliquid. Quòd si in exponendo dicis, non significat hoc esse id ipsum quod illud, sed potius esse tale quippiam, omnino nil intererit: quandoquidem ut hoc dixeris, nihilominus relinquatur uniuersale quoddā, non illud quidem separatum, sed in singulis rebus cohærens, quale est homo. Perspicuum igitur est, non esse admittendum, uerba quæ de multis dicuntur, hoc aliquid signifi-

care, sed aut quantum, aut quale, aut relatum quippiam,  
aut aliud quiduis huius generis. Omnibus autem captio-  
nibus, quæ in uerbo sunt (ut rem semel complectar) hoc  
commune est, ut per contrarium eius, unde ducitur captio,  
semper dissoluantur. Verbi gratia, si ex coniunctione ca-  
ptio existat, dissoluetur per diuisionem: si ex distinctione  
ne, per coniunctionem. Rursum si in accentu acuto posi-  
ta sit captio, per grauem dissoluitur: si ex graui orta sit,  
per acutum. Si uero multiplex nomen eam effecerit, ita  
dissoluitur, si contrarium illius nominis, quod concludit  
alius, ponas: ueluti si ita eueniat, ut tu interrogatus, de a-  
nimato dixeris, ille contra negationem concludere con-  
tur: tibi ad extremum dicendum erit, de animato te in-  
tellexisse. Sin dederis, esse inanimatum aliquid, contra  
autem ille animatum aliquid concludat: tibi dicendum  
erit, in re inanimata te intellexisse. Eademque est ratio in  
ambibolia. Si autem ducta sit ex uerborum simili for-  
ma, à contrario petenda est solutio. ueluti ad illam ca-  
ptionem, Nonne dare quispiam potest quod non habet?  
dicendum est, non dare quidem eum quod non habet,  
sed alio modo quam habet: nepe quia non habet unum  
solum calculum. Ad istam quoque: Nunquid quod scit  
quisque, id didicit, aut per se ipse excogitauit? respon-  
dendum est, uerum quidem esse, quod scit, horum altero mo-  
do id accepisse: sed non esse necesse, multis simul scitis,  
quæ scit, ea altero modo affecutum fuisse. Huic quoque,  
Nonne quod perambulo, id pedibus calcas? sic occur-  
rendum, id quidem quod perambulo, me calcare, sed non  
tempus quo perambulo, & sic alia. Captiones autem ac-  
cidentis, omnes una ratione dissolui possunt. Quia enim  
incera

CA

incertum est, quando rei attribuenda sunt quæ accidentibus conueniunt, atq; illud quidem in quibusdam uerum uidetur: idq; ita fieri interdum necessarium esse aiunt, in alijs uerò negant id esse necessarium: illud profectò nobis statuendum est, atq; ita debemus aduersus huius generis omnes captiones esse confirmati, ut omnino illas ullā habere necessitatem negemus. In quo uidendum est, ut paratā nos semper habeamus apertē captiosam ex hoc genere conclusionem, cui similem esse dicamus eam quam adfert aduersarius. Sunt autem ex accidente omnes quæ sequuntur captiones: Scisne quid ego te rogaturus sum? Nostin cū qui huc ad nos uenit, aut eum qui hic abscondus est? Est'ne hæc statua opus tuū, aut hic canis tuus pater? Nūquid haud multoties pauca, sunt pauca? Perspicuum enim est, in ijs omnibus non esse necesse, ut eadem quæ accidentibus conueniunt, rebus subiectis attribuantur. Nam in ijs solis quæ natura & substantia non differunt, sed unum quippiā sunt, id usuuenit, ut quæ uni attribuantur, eadē alteri omnia conueniant. Iam autem non idem est bonum esse bonum, et esse id quod ego te uolo interrogare: neq; idem ualet, uenientem aut abscondum, esse uenientem aut abscondum, atq; esse Coriscum. Itaq; non rectē efficitur, si Coriscum nouerim, aduenientem autem non nouerim, eundem me nosse, & non nosse. Neq; ualeat conclusio: Hoc opus quoddam est, idq; meum est, hoc igitur est meum opus. sed concludendum est, meam esse hanc possessionem, aut rem, aut aliud quippiam huiusmodi. Nec dissimilis est in alijs ratio. Cæterum istas captiones dissoluere nonnulli conantur, adhibita distinctione ad postremam interrogationem. aiunt enim fieri posse,

posse, ut idem nos cognoscamus, & non cognoscamus, sed non eadem ratione. Eum igitur qui uenit, se fatentur non nosse, Coriscum autem se nosse aiunt: & conclusionem, qua efficitur eundem illos nosse, & non nosse, ad extremū concedunt, sed tamen non eadem ratione. Atque illud primum ut uera sit dissolutio, necesse est (quod etiam nos paulo ante diximus) ut ad omnes eiusdem generis captiones diluendis sit accommodata, quod in hanc cadere non potest: quandoquidem si non ex uerbo nosse, sed ex uerbo esse, aut certo quodam modo affectū esse, pronunciatum illud constaret, non haberet locum illa solutio. uerbi gratia, in illa captione: Hic pater est, & est tuus: quid quæso loci habeat illa solutio? Vt enim in quibusdam id uerum sit, fieri posse ut idem tu scias & nescias: at certè hæc captio nil habet cum illa commune. Porro autem nil uetat, quo minus multis modis sit uitiosa & fallax eadē captio: attamen non omnis uitij explicatio est uera captionis illius solutio: quippe cum fieri possit, ut falsum esse, id quod concluditur, dicas: & tamē unde oriatur falsa illa conclusio, non ostendas. Qualiter uisuenire potest in argumentatione Zenonis, quæ nil posse moueri, ostendere conabatur. Quapropter si quis respondens contrā argumētari conetur, ut id absurdum esse doceat quod alius conclusit, absurdè faciet, tametsi uerè ac necessariò id conficiat. Neque enim hoc & argumentum dissoluere, præsertim cum ueram solutionem appellauerimus, talem falsi syllogismi explicationem, ut quare sit uitiosus ostendatur. Itaque si quando argumentum nil necessariò concludit, huius ipsius rei declaratio erit solutio: id quod dico, siue uerum, siue falsum aliquid illud



lud argumentum concludat. His accedit, quod possit illa quidem fortasse solutio ad quasdam captiones ualere: at in ijs certè ad quas modò adhibetur, uix locum habere posse uideatur. Nouit enim ille Coriscum hoc ipso quod Coriscus, & uenientem hoc ipso quod uenit: at nosse idem & non nosse, est tale aliquid, quale usuueneret, si tu quod albus quidem sit quispiam, nosses, eundem autem musicum esse ignorares: sic enim tu idem scires & ignorares, sed non habita ratione eiusdem rei. Hic uerò utrumque nouit, & Coriscum quod sit Coriscus, & uenientem quod ueniat. In eodè errore, in quo ij quos modò diximus, uersantur, qui cōcedendo omnem numerum esse multum & paucum, captionem se putant dissoluisse. Cum enim nil necessariò ista captio concludat, hoc pratermissio, ad id se conferunt, ut ueram esse conclusionem dicant. omnem enim numerum & multum & paucum esse, magno suo errore fatentur. Sunt etiam, qui dicentes multiplicitem inesse in ijs uerbis, Est pater tuus, aut filius, aut seruus, captiosas illas conclusiones dissoluant. Atqui ut dicatur ad multiplicitem pertinere reprehensio, perspicuum est oportere, ut aut nomen, aut oratio, multa propriè significet: hunc uerò huius esse filium, propriè dici nemo affirmare audeat. si hac oratione significetur, hunc esse dominum huius qui alicuius est filius: sed fortè temerè & (ut sic dicam) per accidens factum est, ut ista ad extremum coniuncta sumerentur, in hunc modum: Nōne hic tuus est? etiam. At iste est filius: est igitur hic filius tuus. quia scilicet ita fortè accidit, ut idem & tuus esset, & filius, non quidem tuus, sed alicuius. Quod idem dicendum de captionem qua è genere

genere τῶν καλῶν esse aliquod bonum concluditur, quia  
 prudentia sit malorum scientia. Nam aliquid esse ali-  
 quorū non dicitur multipliciter: sed possessionem modō  
 hoc significat: aut si fortē multipliciter dicatur (ut certē  
 uideatur dici, quandoquidem homo τῶν σωῶν esse dicitur,  
 nec tamen hic possessio ulla significatur) nil tamen ad  
 istam captionem pertinet. Et enim si ita aliquid ad mala  
 affectū sit, ut illa affectio in genitiuo casu exprimatur,  
 dicitur quidem illud cum aliqua adiectione, & hac ex  
 parte esse τῶν καλῶν: omnino autem & simpliciter non  
 dicitur esse τῶν καλῶν. Vnde efficitur, ut potius illa ca-  
 ptio sit referenda ad locum ex eo quod quadam ex par-  
 te & simpliciter dicitur, quā ad locum ex multiplici.  
 Quamquam illud fortasse possit accidere, ut illa oratio,  
 aliquod bonum esse τῶν καλῶν, dupliciter accipiat, li-  
 cet in ea de qua agitur captionem non sit multiplex. Ver-  
 bi gratia, si seruus aliquis bonus, sit mali domini. Nisi for-  
 tē ne hac quidem ratione possit illa multiplex appellari.  
 neq; enim si separatim uerum sit, hoc esse bonum, idq;  
 esse illius, rectē coniunctim efficietur, hoc esse bonum  
 illius. Quin ne illud quidem, hominem esse τῶν σωῶν,  
 multiplex est: quando ne alibi quidem, si quid dicamus  
 suppressa aliqua particula, quæ ad plenam sententiā de-  
 sideretur, rectē diximus multiplicem esse orationē: quip-  
 pe cum rectē ac sine ulla multiplicitate dari mihi alia-  
 dem iussero, si pronūciato dimidio uersu ita dixerim, da  
 mihi μιστὸν ἀγὰρ δικά. Captiones etiam quæ ducuntur ex  
 eo quod quasi omnino ac simpliciter uerum sit tale quip-  
 piā esse dicitur, aut ex aliqua parte, aut alicubi, aut quo-  
 dammodo, aut facta ad aliquid collatione, non autē sim-  
 pliciter

pliciter ac citra ullam adiectionem) captiones inquam il  
 le hac demum ratione recte dissoluentur, si ad conclusio-  
 nem diligenter aduertas, num contradietio horum aliquid  
 uirtutis habeat. Aduersa enim, omninoque contraria, et aien-  
 tia et negatia, omnino quidem ac simpliciter in re una dici  
 non possunt: at quaedam ex parte, aut facta ad aliquid co-  
 paratione, aut quodammodo, si pars utraq; sumatur, in  
 re una dici possunt: aut etiam, si pars una citra ullam adie-  
 ctionem, altera cum adiectione alicuius partis sumatur.  
 Itaque si pars una simpliciter dicat, pars altera quaedam ex  
 parte neget, non poterit esse ista ratione reprehensio: id  
 quod in contradictione, quae ad extremum quasi repren-  
 sionis causa concluditur, nobis est spectandum. Ad hoc au-  
 tem genus captionum omnes pertinent quae sequuntur:  
 Fierine potest ut sit aliquid quod non est: at uerum est di-  
 cere, rem quae non est, tale aliquid esse. Nec dissimili mo-  
 do, non esse aliquid quod est, ostendetur: quia de re quae  
 sit, uerum sit dicere non esse hoc uel illud: Fierine potest, ut  
 sancte iuret quispiam simul, et peieret: Fierine potest, ut  
 idem eidem simul credat, et non credat? At illa certe eo sunt  
 captiosae, quia plurimum interest inter esse omnino, et esse  
 hoc uel illud: quo fit, ut male efficiatur, si res aliqua quae  
 non sit, est hoc uel illud, omnino illam ac simpliciter esse.  
 Itemque, licet hac quidem re, et illa ex parte, sancte iuret  
 quispiam: non tamen recte concluditur, omni ex parte sancte  
 iuratum. Nam qui se peieraturum iurauit, et peierat, is sancte  
 quidem quod ad hoc pertinet, et hac modo ex parte, iu-  
 rauit: omnino autem ac simpliciter non recte. Is quoque, qui  
 non credit alteri, non simul illi omnino credit, sed quaedam  
 credit. Similis etiam is est illa captio, qua simul aliquem

posse

posse mentiri & uerum dicere ostenditur. Verum quia difficile est statuerè, utrum ei quod est ueracem esse, tri-  
buendum sit illud simpliciter, an ei quod est esse menda-  
cem, propterea difficilis uidetur huius captionis explica-  
tio. Atqui nil incommodi est, si dicamus eundem hominē  
simpliciter quidem mentiri, ex aliqua tamen parte ue-  
rum dicere: aut ex parte aliqua uerum dicere, qui omnia  
no tamen mentiatur. Nec secus profectò iudicandum est  
de ijs, in quibus quod dicitur, facta modò ad aliquid com-  
paratione uerum sit, aut ex aliqua parte in sit, aut ad cer-  
tum quoddam tempus. Nam ex hac eadem causa omnes  
huiusmodi captiones proficiuntur. Nōne sanitas bo-  
na, aut diuitiæ bona? At ijs qui parum prudentes sunt,  
quiq; ijs uti rectè non possunt, non sunt bonæ: sunt igi-  
tur hæc bona, & non bona. Nunquid bene ualere, aut  
in sua ciuitate potentem esse, bonum est? atqui euenire  
tempus potest, cum id non sit bonum: idem igitur eidem  
bonum, & non bonum. At hoc certè non est incom-  
modum, quod omnino ac simpliciter bonum est, huic aut  
illi id non esse bonum. Nōne id malum est, quod non  
uult sibi uir prudēs? bonum autem uir prudens non uult  
amittere: bonum igitur est malum, non rectè efficitur.  
Plurimum enim interest dicas, bonum esse malum, an  
bonum amittere esse malum. Huic similis est captio, quæ  
de fure fieri solet. Neque enim si fur est malus, propte-  
rea oportet, ut eum capere sit malum: non igitur qui  
eum uult capere, malum uult, sed potius bonum, quippe  
cum bonum sit illum capere. nam morbus quæque ma-  
lum est: sed eo liberari non est malum. Nōne iusta  
iniuriis, & quæ iure sunt, ijs quæ iniuria, optabiliora  
sunt?

fieri: et optabilius est iniuria mori, quam iure. Nonne æ-  
 quum est sua quemque habere? quæ uero tibi adiudicata  
 sunt falso iudicio, sed tamen ut putauit iudex esse æquisi-  
 mum, ea legibus rata esse debent. est igitur idem æquum  
 & iniquum. Est ne is condemnandus qui æqua profert  
 in iudicio, an qui iniqua? at qui æquum est, eum cui facta  
 est iniuria, omnia proferre, quæ suo cum damno pertu-  
 lit: erant autem illa iniusta. Hæc omnia sunt captiosa &  
 fallacia argumenta. Neque enim si iniuria pati aliquid  
 optabile est, statim existimandum est, omnino id magis  
 expetendum esse quod cum iniuria cōiunctum est, quam  
 quod iuri consentaneum. Sed omnino quidem ac simpli-  
 citer ius est iniuria optabilius: nil tamen uetat, quo mi-  
 nus iniuria, quod ad hoc uel illud attinet, sit magis expe-  
 tenda. Itemque sua quemque habere æquum est, aliena ini-  
 quum: & tamen iudicium hoc iustum esse nil prohibet,  
 nimirum quia ut æquisimum esse existimauit iudex, ita  
 iudicauit. neque enim oportet, si quid quod ad hanc qui-  
 dem rem attinet, aut hoc modo iustum est, omnino esse  
 iustum. Simili modo, ut sint aliqua per se iniusta, fieri tamē  
 potest, ut illa recitare & in iudicio edere iustum sit. neque  
 enim. recte efficies, iustum esse quippiam, si illud expone-  
 re iustum sit: sicuti non est necesse, id esse utile, cuius uar-  
 ratio utilis est. quod idem de rebus iustis sentiendum est.  
 Illud itaque non recte concludebatur, quia iniqua erant  
 quæ. Ut is qui passus est iniuriam, propterea eum uin-  
 cere qui iniqua in iudicio protulit: nam illa protulit quæ  
 edere quæ æquum erat, simpliciter autem, & ad fe-  
 rendum iniqua. Captionibus autem quæ ex definitione  
 reprehensionis existunt, ea ratione occurrendum est,



quam in superiore loco subicimus, exquirendo, an contraditio quæ ad extremum in conclusione proponitur, isdem omnino uerbis rebusq; constet, an in eadem re pars utraq; sumatur, & ad idem, & eodem modo, & in eodem tempore. Quod si iam inde à principio disparata interroget alius, non est fatendū, fieri non posse ut idem sit duplum & non duplū: quin potius concedendū est fieri posse, non eadem tamen ratione. Id enim esset, sine ulla controuersia reprehendi & conuinci. Ducuntur autē omnes istæ captiones ex hoc loco: Nunquid quanq; rem nouit aut ignorat, qui nouit aut ignorat quæ nā & qualis sit res quæq; Atqui idem qui nouit Coriscū quod Coriscus sit, eundem quod sit musicus ignorat: eandem itaq; rem scit quispiam, & ignorat. Et rursus, nonne maius est quod quatuor cubitorum magnitudinē habet, quā quod trium? At fieri potest, ut ex tricubito fiat magnitudo quatuor cubitos in longū producta. Et necesse est ut omne quod maius est, minore sit maius. potest igitur fieri, ut idem seipso sit maius & minus. His uerō quæ ducuntur ex eo quod idipsum, de quo à principio suscepta est disputatio, sumitur, ita occurrendum est, ut ille quidem qui respondet, si talia sumere aduersariū perspiciat, nil eorum admittat, ne si illa quidem sint probabilia: ita tamen, ut interim uera esse dicat illa quæ non admittit. Sin ille non perspiciat à principio talia esse quæ sumit aduersarius, ignorationem suam in aduersarium propter huiusmodi argumentorū uitium rejiciet: dicens nil eum tandem confecisse. nec bene disputasse. Debet enī, ut sit reprehensio, abesse petitio principij. Deinde uerò dicet respondens, se illa admisisse, nō ut ijs aduersarius contrā se uteretur:

iteretur: sed ut aduersus illa disputaret, eiusq; contrariū  
 concluderet, quod captiosa sua reprehensione confecit.  
 Quod uerò atinet ad eas quæ ex consequentibus eruun-  
 tur, in eo ipso unde uim habere argumentū uidetur, uitū  
 indicandum est. Cum enim duplex sit argumentū à con-  
 sequentibus: unum, in quo ex parte uniuersum genus con-  
 cluditur, ut ex homine animal; alterum, in quo inter con-  
 traria tractatur cōsecutio: in priore genere dicendū no-  
 bīs est, eo aduersarium peccare, quia uelit, ut ex hoc illud  
 sequitur, ita uicissim ex illo hoc cōcludi, quod minimè ne-  
 cesse est: in posteriore aut, quia uelit, si ex hoc antecedens  
 te illud consequens efficitur, ex cōtrario antecedentis o-  
 mnino ac semper confici contrarium cōsequentis. Cuius  
 generis est argumentatio Melissi. nam si quod generatū  
 est, principium habet: ex eo cōfici rectē existimat, quod  
 non est generatū, non habere principium. itaq; si ingeni-  
 tum est cælum, non habere principium, adeoq; esse infini-  
 tum. Atqui non ita res habet: quandoquidem inter dispa-  
 rata cōsecutio conuerso ordine tractanda sit. In ijs au-  
 tem captionibus quæ oriuntur ex eo, quod amplius ali-  
 quid adiectū est, quàm ex quo ducendum fuit argumen-  
 tum ad conuincendum alterum, uidendum est, si eo quod  
 dixisti sublato, nihilominus sequatur idem incommodū.  
 quod ubi ita esse compereris, tum id tibi est planum fa-  
 ciendum, dicendumq; omnes propositiones te non eo ad  
 misisse, quod ueris illas esse putares, sed ut uideres quid  
 tandem ad rem facerent: iam aut omnino ad rem nil per-  
 tinere, quæ ipse sumpserat. Captionibus uerò, quæ plures  
 interrogationes quasi unam accipiūt, iam inde ab initio  
 occurrendū est, idq; adhibita distinctione. Est enim una

interrogatio, ad quam simplex rectè adhibetur responsio. Itaq; nec plura de uno, nec unum de pluribus affirmandum est, aut negandum. Porro autem, sicut in homonymis interdum euenit ut utraq;, interdum ut neutra significatione uerum sit quod interrogatur, eoq; accidit, ut qui quasi ad simplicem interrogationem unam dedit responsionem, nullo inde possit urgeri incòmodo: ita in ijs de quibus agitur usuuenit, ut quando plura de uno, aut unum de pluribus uerè affirmatur, aut negatur, qui simplicem ad illa dederit responsionem, quanquam in eo, uitio non careat, nulla tamen hinc ducta ratione conuinci reprehendiq; possit. Quando uerò illa partim uerè, partim falso dicuntur, aut etiam quando plura de pluribus ita enunciantur, ut uno quodam modo utraque utrisque conueniant, alio quodam modo non conueniant, tum uerò maxime nobis cauendum est. Exempli causa: Acceptis duobus, quorum unum bonum sit, alterum malum, nonne illa uerum est uno modo dicere esse bona & mala, et rursum altero nec bona nec mala? neque enim utraq; attributa utrisq; subiectis inesse possunt: idem igitur bonum & malum est: & rursum nec bonum nec malum. Item si quæq; res secum est eadem, & ab alijs diuersa, sumptis duobus diuersis, in hunc modum fiet captio. Hæc ad se comparata, non ad alia, sunt eadem: hæc eadem ad se comparata sunt diuersa: sunt igitur eadem res à se inuicem diuersæ, & eadem tamē. Item, si bonus quispiam malus fiat, & malus quispiam bonus, hic etiā ex simplici responsione efficietur, unū ex ijs duobus, simul duo contraria, effici. Item acceptis duobus inter se inæqualibus, uerum est dicere illa ad seipsa comparata esse æqualia: et tunc

erūt igitur eadem aliqua inter se æqualia & inæqualia. Neq; uerò ego illud negauerim, posse in has captiones aliam solutionē cadere: præsertim cum illud uerbū Vtraque, itemq; illud Omnia, multis modis dicatur. Vnde fit, ut non idem affirmetur & negetur nisi nomine tenus: quam ueram esse reprehensionem supra negauimus. Cæterum illud planū est, nunquam illa incōmoda sequi potuisse, nisi ex multis interrogationibus una facta esset: etsi unum uni attributum fuisset affirmando aut negando. Quod uerò attinet ad eas captiones, quæ eō spectāt, ut ad ineptam eiusdem uerbi repetitionem aduersarium perducant, hac ratione perspicuū est omnes dissolui posse, si negemus attributa quæ ad aliquid sunt, separatim sumpta, præter se quicquam significare. Exempli causa, si solum ac per se duplum dicas, sine adiectione simplicis, tametsi uerum sit in duplo simplicum quodammodo appellari. Etenim in hac oratione, Vno minus decem, uerbum illud Decem acceptum est, nec decem tamē illa oratione significantur. Itemq; in hac negatione, Non facere, inest uerbum facere, atq; adeo in omni negatione inest affirmatio; neq; tamen uerum est, eum qui dicit hoc non esse album, significare albū esse. Duplum igitur nil quicquā fortasse præter se significat, sicut nec simplicum significat id quod in ipso intelligitur: aut si significat, non eodē certē modo separatim atq; coniunctum significat. Neq; etiā scientia in specie sumpta: ueluti si medicina est scientia, id ipsum significat quod cum in genere sumitur, quod quidem erat scientia, ad id quod sub scientiam cadit comparata. De his autem attributis quæ per ea subiecta definiuntur, de quibus ipsa dicuntur, illud primum no-

Et dicendum est, non idem significare uerbum aliquod  
 seorsum, atq; in oratione acceptum. Curuum enim si cō-  
 muniter ac per se sumatur, idem significat in simo &  
 in uaro: at coniunctum illac cum naso, hac cum cruri-  
 bus, nil prohibet aliud atq; aliud significare: praesertim  
 cum idem sit, nasum curuum & nasum sinum appella-  
 re. Deinde uerò non est permittendum aduersario, ut in  
 recto casu subiectum, cum ista uerba definit, accipiat:  
 quandoquidem falsa illo modo fiat oratio. neq; enim ue-  
 rum est in recto, Sinum est nasus curuus: sed in obliquo  
 dicendum, Sinum est nasi talis affectio. Quocirca nil ab-  
 surdum sequitur, si in alio casu uerbum illud nasus repe-  
 iatur, dicendo nasum sinum esse, nasum habentem nasi  
 curuitatem. Quod autem ad solæcismos attinet, unde illi  
 quidem ducantur, supra exposuimus: quomodo autem ijs  
 occurrendum sit, ex ipsis captionibus intelligemus. Nam  
 istæ quæ subijciam, ad solæcismum efficiendum omnes  
 pertinet. Nōne quod uerè dicis, hoc reuera est? dicis au-  
 tem aliquid esse lapidem: est igitur aliquid lapidem. At  
 enim qui lapidem dicit, non neutrum, sed masculinum:  
 non nominatiuum, sed accusatiuum dicit. Quocirca si hūc  
 in modum interrogasset alius, Nōne quem tu esse uerè  
 dicis, est illud? statim apparuisset illum non latine loqui:  
 quemadmodum ne is quidem latine loqueretur, qui in-  
 terrogaret, nōne hic est quā tu esse dicis? Licet & pro,  
 & alia quæuis nomina, quæ nec masculina nec femini-  
 na sunt, an in illo modo mutatis casibus interroges, nil re-  
 ferat, unde etiā fit, ut si illam captionem ad neutrum accom-  
 modes, non fiat solæcismus: Nōne quod tu esse dicis, il-  
 lud est lignum autem tu esse dicis, lignū igitur est. Lapis  
 autem,



autem, & articulus Hic, masculinorum habet inflexio-  
nem. At uerò si interrogauerit quispiam, sit ne iste illa-  
tum subiecerit, nonne iste est Coriscus? & ad extremum  
concluserit, est igitur iste illa: non erit profectò hoc mo-  
do conclusus solæcismus: ne si Coriscus quidem reuera i-  
dem significet cum aliqua re quæ est feminini generis,  
illud autem ita esse non admiserit respondens. Nam ut ali-  
quid tandem cõficiatur, illud præterea ad superiores in-  
terrogationes adici debet. Quòd si neq; ita est, neque ita  
esse admiserit respondens, omnino nulla fiet ratiocina-  
tio, nec reuera, nec quod ad hunc quidem attinet qui in-  
terrogatur. Simili igitur modo & hic quoq; oporteret  
uerbũ illud, lapidẽ, nominatiuũ significare. Quòd si nec  
ita sit, neq; ita esse dederit respondens, omnino illi con-  
clusioni nullus est locus: speciem autem aliquã ex eo ac-  
cipit, quòd qui sunt re ipsa dissimiles nominis casus, simi-  
les esse uidentur. Quid nonne hæc uerè dicitur esse illud  
ipsum, quod tu eam esse dicis? atqui tu hanc parmam es-  
se dicis: est igitur hæc parmam. An hoc modo nil conse-  
quum est? Certè. nam hæc, non parmani, in accusatiuo  
sibi iungit, sed in nominatiuo parma: hanc autem, paro-  
mam indicat, in accusatiuo. In hac quoq; simile uitium  
est: Nonne hic est illud ipsum quod tu eum esse dicis: tu  
autem Cleonem esse dicis: est igitur hic Cleonem. Neq;  
enim articulus hic, Cleonem in accusatiuo sibi iungere  
debet: quippe cum in prima interrogatione dictum sit,  
quem tu esse dicis, hic est, non autem, hunc est, neq; enim  
qui hoc modo dixisset, latine fuisset locutus, Nonne scis  
tu illud? est autem illud lapis, scis igitur lapis. An pro-  
ponere illud, non eodem modo sumitur in priore propo-  
sitione,

siuione, Scilicet illud atq; in posteriori, Est autem illud la-  
 pis? profecto in priore accusatiuus erat, in posteriore no-  
 minatiuus: Nōne hoc scis cuius tu habes scientiam? ha-  
 bes autem lapidis scientiam, scis igitur lapidis. An illud,  
 hoc, demonstrat lapidem in accusatiuo, huius autem lapi-  
 dis in genitiuo? Atqui cōcessum est, cuius habes scientiā,  
 hoc te scire, in accusatiuo, non huius in genitiuo. Quare  
 concludendum fuit, Scis igitur lapidē, non lapidis. Quod  
 igitur huiusmodi captionibus non concludatur solēcissi-  
 mus, sed uideatur modō concludi, & quomodo ijs occur-  
 rendum sit, ex ijs quæ sunt à nobis exposita, planē intelli-  
 gi potest. Illud autem hoc loco nobis intelligendum est,  
 non esse unius generis omnes captiones, sed nonnullas es-  
 se in quibus facile sit causam captionis perspicere, non-  
 nullas in quibus difficile: idq; dico usuuenire etiam in ijs  
 quæ sunt eiusdem generis: nam eiusdē generis appella-  
 dæ sunt, quæ ex eodem loco ducuntur. Ac eadem quidem  
 captio alijs ex genere earum esse uidetur quæ ex uerbis  
 ducuntur, alijs ex alio genere. Id quod propterea fit, quia  
 ut quæq; res uariē commutatur, ita non æquē semper so-  
 let esse perspicua. Quemadmodum igitur inter eas quæ  
 ex homonymia ducuntur (qui certē locus est omnium, un-  
 de oriuntur fallaces cōclusiones, uulgatissimus) quædam  
 sunt quæ cuius etiam imperito sunt aperta, adeoq; ridi-  
 culæ & leues captiones ex uerbo propemodum omnes  
 eruantur, cuiusmodi sunt istæ: Vir ferebat per scalis di-  
 gger; & quò properatis? *ἄρ' οὐκ ἔστιν ἄλλο.* Et *ἡ γὰρ βοῦν*  
*ἀντὶ παριέτι;* neutra, sed retrō utraq;. Nunquid purus est  
 Boreas, non, sed impurus, qui mēdicos æquē & mercato-  
 res interficit. Nūquid *ὄψαξ* ille est? nō, sed Apolloni-  
 des.

C 7

des. Eodem planè modo ex alijs locis huiusmodi nonnullæ perfaciles ducuntur conclusiunculæ. Sed etiam sunt aliæ, quæ uel doctissimos quosq; impediūt. Id quod eo argumento intelligi potest, quòd inter se de nominū significationibus sæpe dissentire docti homines conspiciuntur, uerbi gratia, utrum eodem semper modo accipiantur unum & ens, an alio atq; alio, parum inter doctos conuenit. Quibusdam enim uisum est nullam inesse in ijs uerbis, unum & ens, ambiguitatem. Alij ex eo dissoluiunt rationes Parmenidis & Zenonis, quòd ens & unum multipliciter dicuntur. Nec secus fit in captionibus quæ ex accidente alijsq; locis eruantur: nam in ijs quoq; aliæ faciliè, aliæ difficilè perspicuntur. Atq; nosse ex quo genere sit quæq;, & utrum reprehensionis uim habeat an minus, non est pariter in omnibus manifestum. Porro autè acuta argutaq; captio appellari solet, quæ multum in animo relinquit dubitationis. Ea enim est quæ acius pungit, mordetq;. Ambigendi autem duplex est causa: Vna, quæ locum habet in ijs quæ concludendi uim necessariā habent, cum dubitatur utra sumptionum neganda sit: Altera, quæ propria est fallacium contentiosarumq; conclusionū, cum de ratione indicandi uitij, eiusq; quod plus acceptum est quàm oportuit ad necessariam conclusionem, ambigitur. Itaq; inter eas quæ necessariò concluduntur, quæq; est acutissima, ita plurimum adfert dubitationis. Est autem illa acutissima ratiocinatio, quæ ex ijs quæ sunt quàm maximè probabilia, aliquid aut probat, aut refutat, quod est maximè probabile. Nam cum illa una sit ratiocinatio, accepto disparato conclusionis cum altera sumptionū, semper necessariò quod uolet conclu-

det, quandoquidem necesse sit, ut ex æquè probabilibus, hac ratione, semper quod æquè probabile est, aut confirmetur, aut refutetur: quæ ratione efficitur, ut ambigere hoc in loco necesse sit. Est igitur illa in primis & maximè arguta, quæ pariter à conclusionem & à sumptionibus adferri dubitationem. Secundo loco, quæ ab utrisque sumptionibus æqualem relinquit, utra neganda sit, dubitationem. Cum enim sit altera neganda, utra tandè ea sit, nō est facile decernere. Inter eas aut quæ fallaces & contentiosæ sunt, illa primo loco acuta censenda est, in qua nō statim apparet, sit ne consecutio necessaria necne: et utrū sit ea dissoluenda negando falsam aliquā quæ sumpta sit propositionem, an distinguendo. Secundo loco numerabitur, quæ id quidem minimè habet dubiū, utrum sit negando an distinguendo soluenda: sed tamen quæ nā ex omnibus interrogationibus sit neganda, & quæ distinguenda, an scilicet quæ cōplexionis loco accipitur, an ex sumptionibus aliqua, non satis intelligitur. Interdū igitur argumentatio forma uitiosa, inepta est ac ridicula, nimirum quando sumptiones ualde incredibiles sunt, aut falsæ: interdum minimè contemnenda est. Quando quidem in argumentatione desideratur talis aliqua interrogatio, ex qua potissimum argumēti uis duci debuit, qui illā non sumpsit, rem tamen quasi ratiocinatione concludit, is ineptam omnino ratiocinationem facit. Sin quod prætermissum est, ex genere est eorum quæ extrinsecus ad rem ualent, non continuò illa argumentatio aspernanda est: quin argumentatio bona est, culpa autem omnis est penes eum qui non rectè interrogauit. Sicut autem argumenta uarijs modis dissoluiuntur: uno modo, ut ad ipsam argumentationem

mentationem pertineat solutio: altero, ut ad interrogan-  
tem, atq; adeò ad ipsam interrogandi rationem: tertio, ut  
ad neutrum conferatur ita etiam tribus modis tractatur  
interrogationibus argumenta: uno modo, ut ad id quod  
propositum est, omnes tuas rationes conferas: altero, ut res  
respondentem persequaris: tertio, ut disputando rationem  
habeas temporis. quod postremum tum euenit, cum plus  
temporis desideratur ad refutandam solutionem, quam dedit  
aduersarius, quam patitur spacium temporis, quod ad di-  
sputandum concessum est. Atq; illa quidem omnia hactenus  
exposita sunt, ex quot, quibusq; locis ducuntur omnes ca-  
pitosæ conclusiones, quæ solent inter disputandum incide-  
re: deinde quo modo sit mendacij arguendus aduersarius,  
et quibus rationib. eò perducendus, ut paradoxa aliqua  
dicere uideatur: tum quibus ex causis potissimum nascatur  
solæcismus: mox, quo modo interrogandum esset, quæq;  
esset interrogationum collocatio: deinde, quis nam esset  
usus tractationis huiusmodi sophisticarum captionum:  
postremo, quæ in uniuersum esset ratio respondendi, &  
quomodo singulæ rationes & syllogismi dissoluendi es-  
sent. Nunc reliquum est, ut postquam à capite repetieris  
mus institutum nostrum, de eoq; pauca dixerimus, finem  
huic disputationi imponamus. Hoc igitur à principio di-  
ximus, fuisse nostrum institutum, ut inueniremus facultatem  
differendi de quacunq; re proposita, ex ijs quæ  
essent in re proposita quàm maximè probabilia. Est e-  
nim hoc officium dialectices, tum eius quæ per se dicitur,  
tum eius quæ in tentando & experiundo cernitur. Sed  
quoniam par est, sic esse hac arte instructum dialecticum  
(ne qua in re hæc ars Sophistica, cui finitima est, cedat)



ut non modò experiundi causa probabiliter alterum interrogare possit, sed etiam ut scientiam rei præ se ferat: propterea non tantùm illud quod modò dictum est, posuimus huius artis officium, quod in exigenda ab altero ratione cernitur, sed etiam in eo, ut si quando à nobis exigatur ratio de eo quod defendendũ in disputatione suscepimus, constantissimè ac sine ulla repugnantia tueamur: idq; ex ijs quæ sunt quàm maximè probabilia. Cur autè id etiam partem muneris dialectici fecerim, paulò antè rationem subieci: ob quam etiam causam Socrates interrogabat semper, respondebat nunquam: quia se nil quicquam scire profitebatur. Illud porrò in superioribus libris explicatum est, quæ & quot sint quæstionum genera, in quibus hæc ars uersatur: & quæ essent, & in quo numero, ea ex quibus ipsa cõstaret disputatio: tum, quomodo earum rerum magna copia nobis suppetere posset: postremò, de ratione interrogandi, omninoq; de collocacone, quæ sit interroganti obseruanda: itemq; de responsione, & ratione dissoluendorum argumentorum diximus: omninoq; exposuimus cætera omnia, quæ uisa sunt ad illam differendi rationem pertinere. Post hæc autem docuimus de fallacibus & captiosis conclusiõibus, quemadmodum etiam paulò antè dictum est. Quæ cum ita sint, profectò iam dubitari non potest, quin scias comòdè ad exitum à nobis id perductum sit, quod inueniamus. Iam uerò ne quis ignoret, quid nobis in explicacõne huius artis usuuenerit, illud intelligendũ est, eorum omnium quæ inueniuntur, aliqua esse, quæ iam antè ab alijs aliqua ex parte comprehensa, subtilius postea, & quasi particulatim elaborata, opera tandem eorum qui illa

illa postea accipiunt, longius progrediuntur, magnumque incrementum capiunt. alia autem à prima origine inuenta, non ita multum à principio progrediuntur: sed tamen multò plus utilitatis habent illa initia, quàm reliqua omnis quæ ex ijs proficitur accessio. Est enim (ut dici solet) principium maxima pars totius, ideoque difficilimum. Quanto enim vi & facultate maiore est, tanto minore est magnitudine: eaque de causa difficilimè perspicitur. eo autem inuento, non est difficile conferre & adiacere reliqua. Porro autè illud quod dixi, cum in alijs ferè omnibus artibus, tum in arte oratoria usuuenisse maximè conspicitur. Qui enim huius artis principia inuenere, parum admodum progressi sunt: qui autem nunc sunt in eo genere illustres & probati, acceptis ijs quæ à multis tractata quasi per successione paulatim processerant, in eos fines quos nunc habet, artem protulerunt. Tisias quidem primus addere cœpit ijs initijs, quæ à primis inuictoribus profecta erant. Hunc Thrasymachus secutus est: cui deinde successit Theodorus, alijque permulti, qui singuli suas quasdam particulas adiecerunt: ut iam non sit mirum, in tantam magnitudinem eam tandem excreuisse. At uerò huius artis, in cuius explicatione uersamur, non pars quædam iam antè inuenta & elaborata erat, pars altera minus explanata: sed omnino nil in eo genere adhuc ab alijs tractitum extabat. Nam qui adhuc mercede cōducti, natam ad contentiones differendi rationem docuerunt, idem ferè quod Gorgias sequuti sunt in docendo institutum. Vt enim hic ad dicendum, ita illi ad disputandum, orationes ediscendas discipulis tradebant de ijs rebus, in quas sapiens suos utriusque sermones inducebant. Vnde efficebatur

ciatur, ut discipuli celeriter illi quidem, sed citra ullam  
 artem, quæ ab illis tradebantur, discerent. illi enim ita  
 demum se rectè docere existimabant, si omiſſa arte, ipsum  
 artis opus proponerent. ut si quis se profiteatur artem  
 traditurum, quæ ne pedes postea ullus offendat, effectu-  
 rus sit: ac postea non sutoriam ille quidem doceat, neque  
 unde parari possint quæ ad eam rem sunt necessaria o-  
 ſtendat, sed magnam calceorum omnis generis multitu-  
 dinem proferat: sanè qui hoc fecerit, ad usum quidè pro-  
 fuit, artem autem non attigit. Ac de arte quidem rheto-  
 rica satis multa à ueteribus tradita habuimus: de hac au-  
 tem disserendi ratione nil planè habuimus, quod alijs ac-  
 ceptum referamus: sed nos longo usu singula inquiren-  
 do, multum temporis magno cum labore consumpsimus.  
 Si igitur uobis ea considerantibus uideatur hæc ars illis,  
 quæ nos tradidimus, initijs satis accuratè explicata, præ  
 alijs disciplinis, quæ ex longa successione in tantam ex-  
 creuerunt amplitudinem: hæc profectò uestræ sunt, audie-  
 torumque partes, ut si qua prætermiſſa sint in tractatio-  
 ne huius artis, ea nobis bona cum uenia condo-  
 netis: & si qua rectè inuenta, magnis  
 eo nomine nobis gratias  
 habeatis.

F I N I S.

BASILEAE, EX OFFICINA  
Oporiniana, Anno Christi 1585.  
Mense Augusto.

7

1.



Biblioteka Jagiellońska



stdr0023436

7.

—







18